

12. ~~1196~~

Contenta

1. Stanislai Sarnicii Annales Polonorum
2. Jo. Innocentu Petrici Historia Anni Vigessimi et Vigessimi primi hujus seculi.

~~787~~

1196.

(sine Debito)



8129 — 8130

CIMELIA

~~Sim. P. 1075. 1076~~

~~Hist. pol. 4087³~~

m
Vige-

10.87 10 24

600

S
A

Ha
fa

STANISLAI SARNICII
ANNALES, SIVE DE ORI-
GINE ET REBUS GESTIS
POLONORVM ET LI-
TVANORVM,
LIBRI OCTO.

Habes hîc priorem partem horum Chronicorum, hætenus omif-
sam & neglectam ab alijs authoribus: quæ incipit ab Afarmoth
conditore Sarmaticorum populorum, & continuatur ad Le-
chum ipsum, rerum ordine secundum temporum
seriem seruato.

*Et tandem à Lecho ad nostra tempora, quid in istis terris.
actum sit fideliter exponitur.*

*Cætera, quæ in hoc libro continentur, ipsius libri argumentum
eidem præfixum indicabit.*




*Ex Libris Alexandri. Lecho
Le 1624
Damiensrich
No*

ANNO DOMINI M. D. LXXX. VII.

LAVrentij Pickardij. A Lesae.

1598

C.






AD INCLYTVM ET AM-
PLISSIMVM SENATVM REGNI
POLONIÆ, MAGNIQVE DVCATVS LITVA-
NIÆ VIDELICET: REVERENDSISIMOS SA-
crati ordinis Præsules Stanislaum Karnkouium Gnesnensem, Deme-
trium Sulikouium Leopoliensem ARCHIEPISCOPOS: Petrum My-
skouium Cracouiensem: Hieronymum Rozrazouium Wladislaiien-
sem: Georgium Radiuilum Wilnensem & Cardinalem: Lucam Ko-
scielecium Poshnaniensem: Petrum Dunin Volscium Plocensem: Al-
bertum Baranouiium Præmisliensem: Melchiorum Gedrociū Samo-
gitæ: Laurentium Goslicium Camenecensem EPISCOPOS. Ad
Illustres Spectabiles & Magnificos dominos: Andream à Theczyn
Cracouiensem: Stanislaum à Gorka Poshnaniensem: Christophorum Ra-
diuilum Vilnensem: Stanislaum Safranecium Sedomiriensem: Eustathi-
um Volovvicz Castellatum Vilnensem: Ioannem Hlebovvicz Trocen-
sem: Albertum à Lasko Siradiensem: Nicolaum Christophorum Radi-
uilum Castellatum Trocensem: Ioannem Kiska Capitaneum Samogi-
tiæ: Constantinum Ducem Ostrogia Kiiouiensem: Stanislaum Zolkie-
uium RVSSIAE: Ianusium Ducem Ostrogia Volynensem: Ioannem
Tarlo Lublinensem: Nicolaum Radiuilum Nouogrodensem: Nicola-
um Moniuid Dorhostaiski Polocensem: Stanislaum Pacz Vitepscen-
sem: Paulum Pacz Mscyslaiiensem: Nicolaum Sapieia Minscensem: Ianu-
sium Zbarasium Braclaiuiensem PALATINOS. Stanislaum à Tarnov
Sedomiriensem: Ioannem à Theczyn Woyniciensem: Ioannē Taluofz
Samogitiæ: Ioannem Sienienium Leopoliensem: Martinum Lefniovvol-
ski Podlasensem: Nicolaum Firleum Rauensem: Nicolaum Pacz Mscy-
slaiensem: Pacum Minscensem: Nicolaum Ligeza Visliciensem: Nico-
laum Firleum Biencensem: Georgium Mnisek Radomiensem: Raphaë-
lem Lesczinium Sremensem: Ioannem Miskouium Zarnouiensem: Chri-
stophorum Lantskoronium Malogostensem: Martinum Vroueciū Chel-
menssem: Stephanum Grudentium Naklensem: Christophorum Komo-
rouium Osfvviecimenssem: Stanislaum Gostomski Sochaczouiensem:

E P I S T O L A

Droicinium Lubaczouienſem CASTELLANOS. AD officiales verò Magnos: Andream Opalenium Marſchalcum regni Polonię: Albertum Radiuilum Marſchalcum Lituanię: Ioannem Zamofcium Cancellarium regni, & exercituum ſupremum præfectum: Andream Zborouium Marſchalcum curiæ regni Polonię: Staniflaum Radiuilum Marſchalcum curiæ Lit. Leonem Sapicia Procancellarium Lituanię: Ioannem Duſcium Theſaurarium regni Pol. Theodorum Skomin Theſaurarium Lit. AD ſtrenuos & generoſos equites Polonos quorum nomina inferius in Chorographia noſtra ordine honoris & dignitatis cauſa expreſſimus, alios verò charta capere non potuit. NEC NON ad urbium metropolitanarum Cracouienſes, Vilnenſes, Gedanenſes, Elbingenſes, Rigenſes, Poſnanienſes, Leopolienſes, Sedomiriſenſes, Lublinenſes, Torunenſesque Proconſules & Conſules. Hi ordines ſupra nominati nunc faciem Reipub. in hoc celebri conuētu electionis repræſentant, quibus in hoc ſacroſancto actu à Deo Optimo Maximo ſpiritum ſalutaris conſilii & lætum ſucceſſum precamur, & obſequia noſtra officioſiſſimè commendamus.

 VM viderem Germanos, Italos, Hungaros, atque Hiſpanos, ab ipſo diluuiio, maiorum ſuorum res geſtas ſcribendo, auſpicatos eſſe, Illuſtres & Magnifici domini ſæpè mirabar, ac ferè ſtomachabar, cur noſtri Hiſtorici, gentium tantarum earumque ampliſſimarum, tam vile et à tam breui tēpore exordium ſumpſerint. Ita enim aſſueuerunt, vt cum aliquid breuiuſculè & raptim de ijs rebus præſati fuerint, ſtatim ad Lechum delabantur, atque ibi deſiderium ſuum complentes, mox ſtudium remittunt. Quasi verò gentes linguę Slauiſcę, quę à Ponto ad Oceanum occidentem verſus, ab Adriatico ad Glaciale Septemtrionem tendendo, antea in mundo non fuerint, et nunc primum ante hos octingentos annos, veluti ab ouo excluſę in lucem prodierint. Negari ergo non poteſt nos acephalam & imperfectam hiftoriam hætenus habuiſſe. Expectabamque ego & cupiebam, vt aliquis fertilior ingenio, & felicioſiore venaprodiret, qui ab hac infamia noſtram Rempub. eximeret, expectaitonique cruditorum hac in re ſatisfaceret: Sed nemo apparuit, qui nobis præiret, ego quę in meo Muſæo habeo, dum vita ſupereſt, emittam. Fateor equidem magis hæc alicui ex ijs, qui in academijs & monaſterijs inter Muſas habitāt cōueniſſe, quàm mihi; cui ſi quid ingenioli eſt, in medio laborum æconomicorum exaruit. Vt cumque tamen ſe res habet, tantò maiore venia apud probos & humanos iudices dignus erò, quantò plura argumenta

P R A E L I M I N A R I S.

menta excusationis mihi suppetunt. Sed quòd rem tanti momenti nouamus, putabūt forsā aliqui nos sub Vaticano, aut potius Vauello monte videlicet arcis Cracouiensis, noua aliqua Chronica plumbeæ arcæ inclusa cereisq; inuoluta, vt Cicero alicubi de libris Sibyllinis inquit, reperisse. atque ita præiudicio nos grauantes clamabunt, rem impossibilem factū nos moliri. Sed isti cum perlegerint hoc nostrū opus, rem multò mirabiliorē & prodigiosiorē nos ausos esse deprehendent, quā si in visceribus terræ defossum librū reperissemus. Nam sicuti Medæ ossa dispersa recolligere, & vt rursus coalescant in vnum corpus cōponere impossibile videtur, ita lacinias huius historiæ cōsuere eamq; redintegrare impossibile videri potest. Nam quanta varietas hīc scriptorum est dum originem nostram explicant: alij nos ad Paphlagonas et Henetos orientē versus referūt: alij ad Germanorū Tuisconē in occidentem: alij ad Illyrios in meridiē: alij ex Roxolaniæ solitudinib. arctoīs nos educūt. In tāta inquam turba et varietate sentētiarū, cum animaduertērem natalium nostrorum originem in dubium vocari, cerne-remq; patrum patriæ nostræ, Medæ exemplo crudeliter dissecta & dissecta membra per campos æquora & montes, manibus & digitis meis reuerenter recollegi, & quæ erant malè coherētia coaptari, ac veluti in vnum corpus vt rursus coalescerent, feci. Non ausim quidem promittere seriātim non interrupto ordine, singulos hosce Monarchas me potuisse enumerare; hoc enim propter progressionē & multiplices migrationes gentium, variasq; mutationes Rerumpublicarum, impossibile factū videtur: Sed tamen pro virili conatus sum omnia redintegrare complanareq;, ad regulam chronologicā ac cosmographicā singula examinando, seruata interea maiestate vniuersalis historiæ, quæ veritas est. Interim eliciendæ purioris sententiæ causa contuli vetera cognomina gentis, montium, sylvarum, & fluuiorum cum narrationibus Historicorum; & quæ videbantur veritati respondere, studiose consignavi, maximè vbi circumstantiæ rebus ancillari videbantur. Adbibui narrationes maiorum, quæ videbantur per manus esse traditæ, quasq; etiā aliarum gentium extranearum autoritas suo calculo comprobare videbatur. Hos itaque tres testes elaborando huic operi cumprimis mihi depono. Non damnantur hīc aliorum labores, quin potius laudem cuiq; suam tribuere æquum esse duco: Dlugossus materiam nobis ipsam tradidit, Miechouius rudem illam & indigestam molem in epitomen redegit, D. Cromerus veluti reginam ornatissimā ex thalamo cincinnis verborum & sententiarum vestitam, vt decuit tantum virum, in medium produxit. Sed quorsum ista omnia si fundamentum malum & ruinosum? quicquid superstruxeris corruet; di-

EPISTOLA

cebat ille. Ego igitur incunabula nostræ gentis explicans, & ante aduentum Lechi per spaciū temporis quatuor monarchiarum successiue historiam Sarmaticam texens, fundamentum solidius inueni, quod historiæ Polonicæ substerno. Ne quis autem existimet, me mordicus velle me a tueri, iudicio eruditorum omnia subijcio. Corrigant illi & meliora efficiant, postquam eis primam glaciem fregi. Interim meo instituto & laboribus faueant & admodulcentur precor. Certè volui prodesse patriæ, vetustatem nobilitatemq; natalium eius & originem, non ex fabulis petitam, vt hætenus factitatum est, sed genuinam demonstraui, Maiores nostros non aduenas, nec inquilinos in terra aliena sed indigenas, à seculis regiones has incolere ostendi, Sarmatiamq; semper Sarmatiam ad montes Sarmaticos fuisse. Adhæc, historiam quæ erat deprauata, redintegraui, caputq; ei augustius cum facie venerabili adieci & applicaui, ita vt si quis hæc nostra historiæ Miechouiensis, & D. Cromeri adijciat & accommodet, vno intuitu omnes Duces nostrarum Gentium, non à Lecho tantum, sed ab ipsis primordijs, veluti exercitum speciosissimum in clypeo Achillis exsculptum, cernere queat. Hos ergo labores meos cui dedicem & offeram in hac orbitate Reipub. post ereptum mihi Patronum Stephanum sacratæ memoriæ Regem, neminem video magis idoneum, quam vos Reuerendissimi Illustres & Magni. Domini mei, vt dum de nouo Rege creando ancipiti consilio distinemini, habeatis quo mentes vestræ occupentur, exempla interregnorum superiorum ad vsū modò reuocantes. Sed multò alia nunc facies rerum quàm fuit Lesci Primi & Secundi temporibus, cum pro adipiscendo regno cursu equorum in suburbio Cracouiensi ad Prandnicium decurrebatur. Multò nunc subtiliores cæci illi styli vafro consilio excogitati, ambiguæ promissionibus conuestiti, apparatu velutiq; sabulo tecti via regia currentibus, & de salute incolumitateq; huius Reipub. deliberantibus obijciuntur. Adde quod ab orientali Monarcha adferuntur suspecta consilia, qui sub specie amicitiae id potissimum agit, vt potentiam suam & auctoritatem in septentrionem vsq; proferat. Quare vos ô Patres magis oculatos esse decet ne quid vos lateat, ne vobis quid imponat, nèue quis serò vocem illam in viro sapienti turpem exprimat: Non putaram. Dum priuata publicis anteferuntur, ruentibus publicis etiam & priuata in periculum deueniunt: dicebat quondam Hannibal ad suos Carthaginenses. Sed quid? Nec admodum mirari, nec indignari potestis ijs qui interdum talia excogitant, & in electionibus, perficiendis compendijs talibus, laborant. quandoquidem nec definitionem eligendi Regis cuius & qualis esse debeat, nec modum præscriptum nec formam ele-

PRÆLIMINARIS.

nam electionis celebrandæ habet hæc Res pub. per tot centurias annorū, ex quo stetit. sine quibus necessitas ipsa, etiam bonos viros, interdum cogit ad tales artes confugere. Alioquin enim in infinitum, tempus electionis, nullo effectu, cum grandi autem periculo, extraheretur, & tot voluntates hominum ferè semper inter se variantes ad vnum scopum impossibile est sine arte reducere. Respicite, reuoluite annales nostros: vix vnum exemplum, exactè loquendo, liberæ electionis inuenietis, cui aliqua vis aut ars non admixta fuerit. Nec modò hoc in Polonia vsu venit, sed in omnibus propemodū nationibus, vbiq; modus certus & proportio quædam certis numeris absoluta non est, tanquam ex cera efformata: at vbi hæc eadem est legibus sancita, res ista quanquam est per se perplexa & operosa, tamen citò, tutò, & prosperè expeditur; & omnes isti cæci styli, omniaq; suspecta consilia vno impetu corruunt. Collegeram ego ante decem annos exempla & formulas electionum, Pontificum nimirum Romanorum, Imperatorum, et ducum Venetorum, excusaq; typis ad hunc vsu Reipub. in lucem edideram. Non contemnatis quæso prudentissimorum virorum consilia, nec sinatis amplius casu hanc Rempub. regi, nec permittatis dubiæ aleæ res, in quibus vita & mors, salus & interitus, ad limen sedent: Aut vnā formam ex istis tribus eligatis, aut si potestis aliam accommodatiorem excogitetis, qua & vos nunc & postea successores non sine gratiarum actione pro re bene gesta, in tali casu vti possint, vestrosq; conatus collaudare, & ad sidera extollere, quòd eos magna sollicitudine & periculo toties liberaſtis, quoties Reges ex hac vita contingit decedere. Respicite quæso ad præcedentia tempora: intra hos duodecim annos, iam tres Reges mortui, tres electiones celebratæ. Possunt autem & sæpius vel peste vel bello eripi, vt sunt hominum res instabiles. Placet ne spectare toties Rempub. in periculis versari? Placet ne dubijs fluctibus iactandam toties obijcere, quoties repetitis vicibus Reges nobis eripiuntur? Recordemini quæso vocis Regis mortui, quando in medio senatus ante biennium veluti iam supremam diem mortis sibi instare præuidens ea de re diserebat: Cohorresco inquit toto pectore, quoties mecum recogito interregnorum superiorum pericula. Respondistis vos tum de Rege viuentis Rege nolle vos deliberare. Ecce ergo nunc illud tempus aduolauit, & quidem difficilius, ni fallor, quàm superiora interregna. Igitur omisſis comperendinationibus, nolite amplius rem differre, nec patiamini hanc nauiculam amplius fluctuare. Sanciatis aliquam amplissimam legem, quam siue Capturum more patrio perpetuum, siue auream bullam vocare licebit, Germanos in hoc imitati, qui huiusmodi voce talis sanctionis volentes laudes am-

EPISTOLA

plificare, nomen ei ab auro imposuerunt. Et verè aurea lex talis: nam nos à periculo absoluit, metu liberat, præterita corrigit, præsentia confirmat, futuris prospicit: & quod maximum est, reuera liberos, facit, cum ante a nomine tantum hac in parte liberi essemus, res autè ipsa nescio ubi exularet. Absque quibus rebus nomen ipsum electionis liberæ male sonat, pessimeq; expetitur: ita ut feliciores esse videatur populi illi, ubi nascuntur nō creantur reges. Sed ego forsā ulterius prouectus sum, quàm mihi conueniebat. Ignoscite quæso, si iusto dolore periculorum patriæ communis impulsus prudentioribus ansam vberius & exactius differendi de ijs rebus præbeo. Vos ipsi dicere soletis, sub interregno licere, apud nos cuius nobili viro sententiam in medium proferre. Dicta igitur mea sententia de ijs rebus quas ad salutem Reipub. conducere putavi: orationem meam ad vos conuerto, librumq; hunc vnà cum Typo ipso Chorographico Sarmatiarum vestris Celsitudinibus in manus offero, & rogo ut mei meorumq; laborum & impensarum, quæ certè non paruæ fuerunt, ratio habeatur. Ita enim nuper promisistis in Varsaviensi conuocatione, non prius vos ad electionis actum accessuros, antequam priuatorum grauamina sustuleritis leuaueritisq;. Testes sunt oculi cæcutientes, perspicilla hæc & propemodum orbitas visus quam contraxi, volens laborem mihi à Regia Maiestate impositum sedulo & gnauiter absoluerè. Rex est mortuus; sed vos mihi superstites estis, quibus gubernacula regni concredita sunt. Potestis regnū ipsum deferre cui vultis, & mihi possessionē aliquam attribuire non potestis? Ego vobis patriam vestram, Sarmatiam integram, hoc typo ad viuum expressam præbui, vos mihi particulam eius denegabitis? Merces detenta laborum & oppressio pauperum vtrumq; istorum est detestabile apud Deum, & vtrumq; in peccatis mortalibus & clamantibus ad cælum à Theologis reponitur. Si nunc benignitas vestra mihi deerit, postea ope vestra non indigebo. Si nunc terræ funiculum mihi non præbetis, postea non nisi vna terræ vlna in latum, & tribus in longum indigebo. Beroso, Iosepho, historicis pro merito erga Rempub. simili, quale ego Polonia præstiti, statua aurea à suis donata fuit; vos mihi cessite terræ non respondebitis? Sed & apud nos Cadlublo, Dlugosso, episcopatus opulentissimi donati sunt pro historico opere; & vos me exhaustum seruitio quod Reipub. impendi per annos decem, ita consenescere patieminus? Illi argumentum vulgare & tritum repetierunt, ego rem à nemine tentatam aggressus expediui. Illi à Lecho h. e. à tempore Iustinani imperatoris incipiunt: ego à primordijs, ab aureo seculo exorsus seriem historiæ per illa præcipitia & mutationes Rerumpub. vsq; ad hæc nostra tempora continuo. illi tractationem de acci-

sis limi-

PRÆLIMINARIS.

*sis limitib. Sarmatiae, de eiusdem tributis, de conuitijs quorundam scripto-
 rum in patriam nostram infamiam olentibus, aut sicco pede transferunt,
 aut leuiter attigerunt: ego depulsis maleuolorum criminationibus ino-
 pie, solitudinum, syluositatis, barbariei, quæ patriæ nostræ impingeban-
 tur, fines veros veteris Sarmatiae ostendi, ac vindicaui: ego lineam origi-
 nis, vt consuea apud nos ratione loquar, gentium nostrarum ostendi ac
 deduxi: ego maiores nostros ex densa caligine, veluti ex lymbo tenebrico-
 so Patres veteris legis eduxi, res gestas illorum illustraui: Et ita illustra-
 ui, vt cum fortunatissimis populis meritò æquari queant. Quare non mi-
 remini si complures illustres viri inter vos pro me demissa oratione apud
 vos intercedunt, Et ne ingrata patriæ fumus oculos meos lædat ad anti-
 dora mihi præstanda vos cohortantur. Video hîc eos, qui strenuè se in mi-
 litia gesserunt, qui legationes obierunt, qui consilijs iuuerunt, etiam extra-
 neos, etiam plebeios, à vobis præmijs dignis affici Et ornari, Et rectè.
 Nam vbi in Repub. præmia virtuti negantur, ibi virtus languet, probi-
 tas friget. At ego, qui istarum omnium rerum officinam informatricem,
 Et magistram trado, vitam memoriæ, lucem veritatis (sic enim Cicero vo-
 cat historiam) resq; vestras immortalitati consecro, ero ne neglectus Et irre-
 muneratus? Nunquam hoc visum in Rebus quidem pub. bene moratis. Nec
 sanè de vobis mihi id in mentem venit. Nam bonitas vestra me meliora
 sperare iubet, hilaresq; erga me vultus vestri me consolantur. Sunt enim
 complures hîc inter vestras Magnif. qui, adhuc viuentē Rege, me ad sub-
 eundum hunc laborem Et verbis Et litteris suis cohortabantur: sunt qui
 etiam pro me apud eum intercedebant, testesq; meæ cum eo transactionis
 fuerunt. Jam verò cum in eorum ipsorum manibus, quibus antea volun-
 tas non defuit benefaciendi, facultas quoque nunc posita sit, tantò melio-
 ra de illis me mihi polliceri licet, quantò plura in dies argumenta
 habui eorum æquitatis, bonitatis, ac beneficentiæ.*

*Valete quàm optimè heroes Et domini
 mei summa cum obseruan-
 tia colendi.*



ARGVMENTVM OPERIS, LOCO INDICIS,
in quo vtilitates libri succinctè enumerantur.

LLV D peculiare est auctori, quòd tertia parte chronica Polonorum adau-
xit, recuperauitq; historiam rerum ante aduentum Lechi gestarum in istis
regionibus per spacium quatuor monarchiarum, haftenus ab alijs auctori-
bus omisam suppressamq;. Recuperatam autem esse hanc scias ex Hebrai-
cis, Chaldaicis, Ægyptiorum, & Latinis historicis: Ex sacro codice videlicet, ex Be-
roso, Manetone, Metasthene, Herodoto, Xenophonte, Thucydide auctoribus aureæ
ætati vicinioribus: & ex Diodoro Siculo, Polybio, Iosepho, Cornelio Tacito, Plinio
Dione, Iornande, Procopio, &c. Ex poetis, Homero, Vergilio, Ouidio, & alijs po-
sterioribus probatissimis auctoribus. Hæc tractantur libro primo, secundo, tertio, &
quarto.

II. De vera origine Gotthorum, Vandalorum, qui cum essent propriè stirpis Sar-
matarum, primi vlti sunt iniuriam totius orbis terrarum de victoribus Romanis, &
ab his verissimè depressio Romani imperij incepta fuit, ferè ante 1200. annos: de qua
Blondus. Habentur hæc fol. 143. 145.

III. De limitibus veteris Sarmatiæ temporibus Cyri, Darij, Alexandri Mag. Au-
gusti, Constantini Mag. cognitio digna nobili Polono & ipso Poloniae Monarcha.
fol. 93. 96. 110. Et de vera origine Polonorum, & quòd non aduenæ fuerint, nec in qui-
lini in terra aliena, licet Lechus ad eos venerit à meridie, non ab aquilonari parte, fol.
169. Et quòd hæc terra iam tunc habitata, non deserta fuerit, fol. 169. 185. Nec inops
signati auri & argenti, fol. 171. 303. Nec barbara, fol. 121. Vrbes habuit & arces, fol.
160. satisq; còmodè habitauit, vt ex Cosmographorum tabulis clarè liquet, quorum
descriptiones certiores sunt, fueruntq; semper annotationibus historicorum. fol. 2.
chorographiæ. Hæ & aliæ inueteratæ opiniones pugnantes tamen cum superioribus
propositionibus vt falsæ & erroneæ confutantur. Sicut enim pertinebant ad infamiam
nostrarum gentium, sic confictæ fuerunt ab ijs, qui decora nostra & res gestas suis ada-
ptare, & nostris adimere conati sunt, fol. 169. Ibidem discursus, vt vocant, qua ratione
apud nos possent esse tam celebres, & tam frequentes vrbes, vt apud Gallos, & Italos,
si id ratio constitutæ Reipub. nostræ pateretur.

III. Opinio item noxia de veteri Germania ad Tanaim & Pontum, fol. 170. &
de Transylvanis Saxonibus, quos reliquias Gotthicæ stirpis per errorem quidam fa-
bulatur, refutatur. rectè enim quidã victorias Gotthorum suis adscribunt, fol. 64. 65.

V. Quòd non ad Istulam terminabatur olim Germania 993. 95. Nec Germani
hic habitauerunt ante Constantini Magni tempora ad ripas Istulæ, vbi est vmbilicus
Maioris, Minorisq; Poloniae, vt plerique etiam ex nostris litteris mandarunt: sed ma-
ximæ Gentes Venedæ (stirpis Sarmatiæ) verba sunt Ptolomæi, & post eum Proco-
pij. Imo tota antiquitas non modò ita sensit ac scripsit, sed etiam spectandum tabulis,
figurisq; in ipsos oculos incurrètib. exhibuit, fol. 153. Vide & in chorographia nostra.

VI. Occasio controuersiæ inter Pontifices & Imperatores Romanos orta de pri-
matu, quæ potissimum inualuerat sub quinque Imperatoribus: Carolo Magno, fol.
195. Othone Magno, fol. 215. 289 Henrycho Quarto, fol. 233. 239. Fridericho Se-
cundo, fol. 276. Ludouico Bauaro: id quod temporibus Locticonis debet adscribi.
Istis temporibus Reges Poloniae ex Gibelinis facti sunt Guelphi. Absque autem hu-
ius historiæ exacta cognitione historia Polonica de Coronæ acquisitione, & coronæ
ademptione, eiusdemq; recuperatione, & alijs sexcentis rebus nullatenus intelligi po-
test. Ideo per occasiones tractatio huius rei hic breuiter inferitur.


VII. Cur ab Imperatoribus potissimum Chobrius Rex coronari & axioma re-
gium petere voluit. Contrà, quæ causa Pontificem Gregorium septimum impulerit,
ad abrogandam ei coronam, fol. 226. 233. 276. Commentum Schafneburgensis de tri-
butis, & lapsus Guagnini, quasi olim Polonia Imperio seruiert, & tributum pepen-
derit, confutatur, fol. 135.

VIII. Merita nostrarum Gentium peculiaria erga Rempub. Christianam commemorantur, declaranturq; fol. 388. & de quinque regnis institutis anteductos annos in ijs regionibus, qua sese extendunt fines domini Regum Poloniae, fol. 388. 248. Compendium historiae Lituanicae, & collatio ad illustrandas res vtriusque gentis magnopere necessaria, & de Columnarum Centaurorumq; huc aduentu, fol. 285.

Adiecta est in calce libri tabula chorographica Sarmatiarum non inelegans, absq; qua vir consularis de finibus regundis, cum Succorum Rege, Moscho, Tartaro, & Valacho consilia agitare & pacta facere non poterit. Gloriari autem nobilem Polonum de latifundijs Sarmatici domini, nec interim nosse, qua sese longitudo eius & latitudo extendit, sub quo climate & parte cœli versemur habitemusq; nec nosse limitaneas metas patriæ suæ, quas nos Vroczycka vocamus: ignorare distantias locorum celebriorum, & portuum, vt Rigæ, Naruæ, Kaczibey, & Bielogrod: nec nosse fluminum ortus, vias Scythicas Schliag vocatus, cum turpe tum incommodum planè est. Nam nec historia patria, nec acta Postouienſia nouissima cum Moscho intelligi, nec accessiones Velisii, Liuoniae, & aliorum territoriorum superioribus bellis partorum percipi possunt, absque adminiculo huius typi, in quo effingendo oculi mei cæcutire & caligine obduci cœperunt: Sed vobis Illustres & Mag. Domini Senatores, vestraeque fidei & discretionis, vt vocant, labores meos, & sumptus, quos in bonum Reipub. nostræ suscepi, prouocatus litteris Regiæ Maiest. & inuitatus priuatim à multis vestrum, humillimè commendo, & offero. Vtq; statim vsus huius historiae cerni possit, Campiductoria ars addi debet: quæ vbi quæri & inueniri debeat, inferius monstrabitur.



THE HISTORY OF THE
CITY OF LONDON
FROM THE FOUNDATION
TO THE PRESENT
TIME
BY
JOHN STOW
1618



Handwritten signature or mark, possibly "J. Stow" or similar, in the bottom left corner.

ANNALES POLO-
NORVM, QVIBVS AV-
GMENTA ET DECREMEN-
TA REGNI: MUTATIONES ITEM ET
PROGRESSIONES GENTIS EXPLICANTVR.

Liber primus.

*In quo ea quæ acta sunt cum conditoribus Sclauonicorum
populorum ab Asarmoth (à quo Sarmatæ) usque ad Ale-
xandri Magni tempora traduntur.*

De temporibus diuisionis gen-
tium sub Principe Pelek & Asarmoth.

Anno ab orbe condito 1790.

Anno à diluuiò, quo diuisio gentium facta est 133.

Anno ante Christi domini aduentum fere 2210.

VIDENTVR illi bono consilio vti, qui conscriptu-
ri gentium res gestas, primò originem earum inuesti-
gant, antequam ad vltiora progrediuntur. Nam stir-
pe & origine, vnde prodiit quæque gens, malè inuesti-
gata, necesse est historiam tota via aberrare. Ego ta-
men ne scrupulosa disputatione in ipso limine, lectoris delicatas
aures prefationibus longis, & non rarò lectori molestis offendam,
eam tractationem in alium locum commodiorem reiicio. Inte-
rim ne suspensum animo lectorem diutius teneam, in tanta varie-
tate opinionum, dum nos alii his, alii aliis gentibus, vt adscripti-
tios accommodant, nil tutius esse iudico, quàm postposita pompo-
sa illa & fastuosa natalium suorum à diis deabusque iactatione, se-
qui diuinorum oraculorum testimonia longè verissima. Tradunt
autem scripturæ sacræ diuinitus inspiratæ, trës fuisse filios Noë,
Sem, Chamum, & Iaphet. Iapheto quidem tanquam minimo natu
patria ipsa celsit, hoc est, cum Asia minore Armeniæ montes, qui
A post mille

*Gentium origi-
nes ex sacris li-
teris perende.*

post mille pericula, quæ toto propemodum anno periclitando in vndis experti sunt, primum hospitium & recreationem eis præbuere. Adhæc omnes insulæ Epeiri, Chersonesi, Cyclades, Sporades, Symplegades, & quibus tandem vocentur nominibus, per quas Italia & Græcia cum vicinioribus regionibus intelligenda est, quod & illæ similitudinem insularum referunt: adiecta insuper Asiæ septentrionali parte, quæ supra Meothidem iacet, & dominio mediterranei maris.

Cham accepit pro se & pro posteritate sua meridionalem plagam, in qua Africa cum vicinioribus regionibus Babylonem versus intelligenda est.

Semo celsit Asiæ maioris reliquum, hoc est, omnia campestria à Messa monte (siue Moschinos, siue Mesiæ montes mediterraneos intelligas) quæ quasi spina dorsi totam carinam corporis, Asiam & Europam per medium, ab ortu ad occasum usque diuidunt. Atque hoc fundamento posito non possumus scriptoribus plerisque Germanorum assentiri, qui gentem Sarmaticam cum Germanica, Tuiskonem suam cum Asarmoth cōminiscunt, & has gentes, ut appendices Germaniæ faciunt, cum lingua, moribus, vestitu denique prorsus à se differant. Expresse autem Moses dicit non semel sed ter repetendo, quod Deus diuisit cunctas nationes secundum linguas & familias suas. Non possum etiā cum Dlugosio Hageco Boëmo Illyriis eos substernere ac coniungere, ac neque ex Ionia & Paphlagonia in Europam per Henetos deducere, nisi prius de terminis temporum, & aliis quibusdam circumstantiis inter nos conueniat. Distinxit ergo & dislimitauit diuina scriptura humanum genus, regionesque à regionibus dispescuit, & quid ad quas gentes pertineat, non modò verbis geographicè ad morem Ptolomæi depinxit, sed etiam signis quibusdam vnum ab alio determinauit & distinxit. Hinc rupes ab architecto mundi fabricatæ sunt, montes, valles, maria, flumina, solitudines, syluæ, quibus veluti aues in ornitoboscio parietibus & macerie interseptæ nidificarēt, ne gens gentem, natio nationem, armis, bello, tam facile lacefferet, sed quælibet in suo nido, veluti illa fera animalia in arca Noë concamerata sese contineret. Et hic est usus alpium, montium, paludum. Adeò verum est philosophi dictum: Deus & natura nihil agunt frustra. Sed quid? profuit ne nobis auctoris mundi consilium? Nequaquam: Ruimus in vetita, cupimusque negata. Aspice quæso, alpes, montes, lunæ montes Pyrenæos, aut hunc nostrum Carpatum, qui nobis impendet, quibus veluti signis incurrentibus in oculos, Italiam à Germania, & alias nationes disgregauit, non

*Vs fluminum,
alpium, & syl-
varum.*

uit, non tamen hæc profuere. Transcenduntur turratæ rupes, superantur linitibus & nauigiis flumina, & maris vastitates fulcantur, penetrantur sylvæ & immensæ solitudines, & alter alterum ferro ac igni persequitur, mouentur bellorum tumultus exitiosi, & alter alterum veluti anser anserem per cancellū impetit, suggillat. Hinc ilias malorum, hinc lites, hinc bella parricidalia, & periclitando armis vario Marte dubium laudis decus quæritur. Sed omiſſa deplo- ratione calamitatum generis humani, ad nostram historiam reuer- tamur. Reliquit ergo Cham successores suos, reliquit Iaphet, reli- quit etiam Sem posteritatem veluti municipes portionis suæ, Pe- lek & Iactanum. Ac per Pelek quidem Principem, sub quo diuisio gentium facta est, benedicti seminis Meſſiæ stirpem enumerant di- uini scriptores. Ab Iactan verò cum alii tum progenitor Sarmata- rum Asarmoth descendit. Nec ego video quo pacto se Europei Sarmatæ ab Asiaticis & vtrique à necessitudine patriarchæ huius homonymi Asarmoth ſciungere debeant, & si illi cum pro cōdito- re & autore suæ gentis agnoscant, nostri qualiter eis renuncient non reperiō. Sed de hac re paulò inferius. Fucrunt ergo statim à primordiis rerum Sarmatæ, in istis, quas nunc incolunt regionib⁹, nec in aliorum sedes irruerunt, & alios inde vi hæredes eiecerunt, nec se quoque à quoquam eiici passi sunt. Interim quæ ex Pto- lomæo & Tacito de Henetorum huc ex Asia cō migratione quidam adferunt non repudio, vt suo loco latius hac de re differetur, quin potius mysterium illud diuini vatis mecum reuerenter recogito, qui prophetico spiritu fore prædixit, vt aliquando Iaphet mansu- rus sit in tabernaculis Sem. Cum igitur Henetorū maxima gens veniens, magna spacia inter Boryltenem & Istrum habitare cœpe- rit, magnamq; Europæ partem occuparit, vt Ptolomæus & Pro- copius testantur, reipsa comprobatur, quod antea multis secu- lis prædictum fuit, Iaphet in tabernaculis Sem habitaturum, id est Henetos in Sarmatarum regionibus. Hæc mihi originis ratio simplicior & magis natiua videtur, quàm fabulosis & eumentis ti- tulus se ornare. Cuius commenti finis & exitus huc recidit, vt de- tecta fabulofitate narrationis turpiter & cum rubore assertam ſen- tentiam deferere, & apatores, id est, sine certo patre & propagato- re gentis remanere necesse sit.

Hæc generatim dicta sunt: quod si quis rem ad calculum re- uocet, & ad particularia descendere velit, hac via mecum proce- dat. In primis ad sacra Biblia recurat. Postea ad Babyloniam hi- storiam, quam se Berosus sacerdos Babylonius publica fide & ſen- tentia ſenatus conscripſſe fatetur, deueniat. Istis duobus testibus

*Sarmatæ à Pa-
triarcha Asar-
moth.*

*Commentitia
gentium origi-
nes.*

mundus nihil habet antiquius, quo res suas fulciat. Ex his duobus fontibus Diodorus Siculus, Philo, Iosephus, Eusebius, & cæteri posteriores omnes hauserunt. Quanquam autem historiam Babyloniam cum historia sacra non conféro, tamen cum Iosepho historico, inter scriptores prophanos priorem ei locum hac in re tribuendum censeo.

Primum argumentum, quo demonstratur, Sarmatas esse gentem peculiarem, ex Gene. cap. 10.

Quod igitur ad Mosem attinet, is primò ponit Noë, secundò Sem, tertio Arphaxat, quartò Selach, cuius filius est Eber, & mox addit: Ipsi quoque Eber nati sunt duo filii, nomen vnus Peleg, quia in diebus eius diuisa est terra. Hebraice sic: פֶּלֶג כִּי נִימְיוֹ נִגְלַתָּה הָאָרֶץ. Et nomen fratris eius Ioctan, qui genuit Elmodat & Saleph & Asarmoth. Et mox eodem capite decimo. Isti sunt filii Sem, secundum familias suas, secundum linguas suas in terris suis, in gentibus suis. Istæ itaque sunt familiæ filiorum Noë per generationes suas in gentibus suis, in terra, post diluuium. Primum itaque argumentum quo probatur, Sarmatas gentem esse peculiarem, & nequaquam aliarum veluti appendicem quandam, verissimè petitur à diuisione linguarum. Nam si singulis linguis attribuitur suus Patriarcha, quomodo lingua Sarmatica aut Slauonica proprio Patriarcha destituetur vnde sit propagata? cum sit lingua copiosissima, & in tot dialectos scindatur. Manifestè autem hîc affirmat scriptura diuinitus inspirata, non semel sed ter in vno capite, diuisionem illam gentium secundum numerum linguarum factam fuisse, quæ linguæ septuaginta numerantur.

Secundum argumentum, ex Deut. 32.

Memento dierum seculi, intellige annos generationis, interroga patrem tuum, & annunciabit tibi. Quando diuidebat altissimus gentes, quando separabat filios Adam, statuit terminos populorum secundum numerum filiorum Israël. Ex hoc loco, secundum argumentum assumitur. Nam si illa fatalis diuisio gentium, facta est secundum numerum filiorum Israël, vt hîc apertè dicitur, ab Asarmoth, Sarmatas deriuare necesse est. Nam si Iauan Iones, Tubal Hispanos, Tuiscon Tudescones Germanos, Gomer Cymbros condidit, quomodo Sarmatarum origo ad Asarmoth referenda non erit? Si inquam hoc argumentum, Græcis, Germanis, Hispanis & aliis nationibus seruit, quid causæ est, vt etiam Sarmaticis populis seruire non debeat? Præsertim cum historia Babylonica etiam Sarma-

etiam Sarmaticorum populorum historiam complectatur, vt mox clarius patebit.

Tertium argumentum ex Act. 17.

Nec manibus humanis colitur Deus indigens aliquo, cum ipse det omnibus vitam & halitum & omnia: fecitque ex vno sanguine omne genus humanum, vt inhabitaret per vniuersam superficiem terræ, definitis temporum opportunitatibus, quæ præstituit, & positis finibus habitationis eorum. Inde tertium argumentum sumere licet, nempe à limitum & finium durabilitate, quibus semel ab initio circumuallatæ sunt nationes in suis territoriis: ideo addit, finibus habitationis eorum. Inhabitare fecit, inquit, genus humanum per vniuersam superficiem terræ. Quæ verba prorsus ab Apostolo deprompta esse videntur ex Mosis Deuteronomio superius adducto, vbi dicit: Quando separabat filios Adam, statuit terminos populorum, secundum numerum filiorum Israël, ita vt illa descriptio finium cuiuslibet regni in Strabone, Ptolomæo & aliis vetustioribus ac recentioribus scriptoribus & cosmographis, non aliquo fortuito casu constare, sed diuinis oraculis firmata esse videatur & ob eam causam certa & inconuulsa esse debet. Nam sicut Babylonica historia Sarmatiam Europæam ad Tanaim extendit: ita postea Alexandri temporibus idem repetitum est, ac demum Augusti seculo, Traiani ac Theodosii, idem confirmatum esse reperitur, videlicet, quicquid est intra mare Sarmaticum ab occidente, & Meothidem, Tanaim, Pontumque Euxinum ab oriente, à meridie verò circumcirca montes Sarmaticos, id nomine Sarmatiæ censeretur debere, vt luculentius inferius demonstrabitur, vbi peculiaris tractatio de finibus vetustis Sarmatiarum instituetur. Ac quod in laudem diuinæ prouidentiae in asserendis & tuendis finibus Sarmatiarum dictum est, hoc etiam de Italiæ, Germaniæ, Hispaniæ, Galliarum, aliarumque vetustarum nationum, dictum esse putemus, quas quantumvis Cæsaris vis ab animi impotentia profecta aliquoties conuellere tentauit, tamen Deus, qui est supremus regundarum finium magister & tutor, suum decretum incassum abire non est passus.

Nolo hic molestus esse lectori illa quæstione, Semne an Iaphet fuerit maior natus, vt plerique putant, ideo quòd capite 10. & 21. dictum est: Ipsi quoque Sem natus est: etiam ipse est pater omnium filiorum Eber, frater Iaphet maior. Sed alia versio magis probatur eò quòd clarius hunc nodum soluit, inquiens: De Sem quoque nati sunt, pater omnium filiorum Heber, fratre Iapheti maiore: Et

Annotatio vtilis de filiis Noë

scriptura ter quaterue eo ordine eos enumerat, proinde & eodem ordine nati esse credantur. Quod autem Moses primam sortem Iapheto tribuit, trahunt hoc quidam, & non ineptè ad comprobendam & illustrandam illam ciuilem legem: Maior diuidat, minor eligat.

Sic & illud quod eidem Iaphet cecidit patrium solum, montes inquam Armenia, qui eis post diluuii incommoditates primum hospitium præbuere, eò detorquent, vt herciscundis filiis familia, minimo natu patrium habitaculum debeatur. Maiores enim propter maiorem ætatem magis prouidi esse solent, iuniores autem, vt imbecilliores non item.

Per Babel intelligunt Babylonem, sed epitheton ei additur Sinear, ad differentiam alterius Babylonis quæ in Aegypto fuit. Per Sephar montem India intelligunt. Per Mes optime possunt intelligi montes Sarmatici, eò quod Nyfiis adiacent, & totam Europam per medium secant, quibus si addas Parthicos & Emodios montes, videbis quasi cingulum, quod totam habitabilem per medium ambiens cingit. Sed iam posito totius operis solido fundamento ex diuinis oraculis, ad Babylonicam historiam descendam.

De temporib. Seba, Nimrod,

viuente adhuc principe Asarmoth.

Anno mundi 1810.

Anno à diluuiò 157.

Anno à diuisione gentium ad Babel 25.

Anno ante aduentum Christi domini 2190.

IAM ab eo anno historia Babylonica mentionem Sarmatarum facere incipit, dicitque à Tuiscone Sarmatas maximos populos fuisse fundatos. Quia autem & Moschi Sarmatæ Riphæi in eadem historia Babylonica vocantur, & eadem lingua vtuntur, etiam initia regni eorum in idem tempus reiecit, ita vt duo simul Patriarchæ, quasi ex condito, vnius domini fundamenta iecisse videantur. Ita enim dicit: Moschus dux missus ab eodem Saturno, fundat Moschicum regnum. Duplicis autem Moschouia meminit, Asiaticæ & Europæ sicut & Sarmatiæ. Omitto disputationem illam, quomodo Moschi in septemtrionem concesserint, cum antea in Capadocia vicina Paphlagonibus nostris Hænetis, tãquam gens consimilis linguæ habitationem sibi delegerit, ibique urbem à suo nomine appellarit, quæ vsque ad Claudii tempora Mazaca vocabatur. Ille enim tractus passim tum lingua Slavonica tam in

Moschi Sarmatæ.

uonica tam in Capadocia quàm in Paphlagonia utebatur. Tandem
Claudi⁹ hanc urbem Cæsaream vocauit, sed Iulianus apostata hoc
cognomen eidem postea abrogauit. Hæc de initiis regni Sarmati-
ci dixisse sufficeret, nisi plerique scriptores Germanici ad ampli-
candam supra modum gloriam sui Tuisconis abuterentur loco ci-
tato Berosi, ideo hîc submonendum lectorem putauî, nomen Ger-
maniae, Scythiae & Sarmatiae, apud scriptores latissimè & largè pa-
tere, ita ut aliquando nomen Sarmatiae transeat vsque ad Germa-
nos ad Rhenum habitantes, vnde à Beroso expressè Rheni Sarmat-
æ, illi incolæ ad Rhenum vocantur. Et Plinius Scytharum nomen
in Sarmatas vsque & Germanos cadere affirmat. Quæ igitur Bero-
sus de fundatione regni Sarmatici à Tuscone attulit, cautè sunt ac-
cipienda. Alioqui si quis Berosi phrasim vrget, nos vicissim ei di-
uina oracula opponimus, quæ expressè reiiciunt confusionem ori-
ginis nationum, & asserunt diuisionem gentium secundum nume-
rum linguarum & patrum illorum factum fuisse, ita ut singulæ gen-
tes à singulis patriarchis deriuentur. Nec video, quo pacto facta te-
sta Berosi autoritas permaneant, nisi tropicè eum per catachresin
quandam Germaniam, Sarmatiam vocasse fateamur. Ferè enim est
vsitatum in omnibus linguis, vicinitatis ratione alteram pro altera
nominare nationem. Sic Germanos ad Rhenum multi Gallos
vocauere, & vice versa. Et Sarmatas vocant Scythas, eò quòd vici-
niæ ratione in quibusdam altera alteri communicet. Sic & nos Ra-
domienses & Podlacios, Masouios vocare solemus, qui etsi Maso-
uii non sint, tamen viciniæ ratione, eos solem⁹ afficere hoc cogno-
mine. Et cum eam appellationem indignius à nobis ferunt, per mo-
dum cuiusdam urbanitatis solemus regerere non sine ioco. Etiam-
si veitri, Masouii non sint, tamen pro igne ad Masouios frequenter
decurrere solent. Sic & Russos, Lublinenses subinde vocari noui-
mus. Sed & in conciliis œcumenicis generalibusq; hoc idem vsu
venit, sicut in illo Constantiensi & Basiliensi aliàs seruatum esse ex
actis conciliorum patet, vbi in ferendis sententiis Germanicæ na-
tionis Episcopi cum Polonicis iungebantur, ut quicquid illi refer-
rent, id dictum esse Germanorû nomine putaretur. Hæc dicta sint
de catachresi illa, qua Berosum vsu esse etiam aliis in locis mani-
festum est. Et Ptolomæus montes, qui cingunt Germaniam ad Da-
nubium Sarmaticos simili ratione vocauit. Affirmant alii Chaldæ-
o homini non fuisse septemtrionem cognitum, aut malè versum,
aut ab aliquo adulteratum, ut non raro accidere historicis, exem-
plo Eutropii, Iornandis & ipsorum etiam Euangelistarum proba-
ri potest, quos Erasmus Roterodamus aliquib. in locis corruptos
esse conqueritur,

esse conqueritur, quod si ne hac quidem solutione contentus esse aliquis velit, ei priuilegium illud diuinum diuisionis vniuersæ habitabilis trium fratrum opponimus. Quod si ne scripturæ quidem testimoniis stare velit, mirari nos oportebit, eos qui aliàs scripturæ authoritatem aliis scriptorib. iure anteponunt, in ea causâ ubi de prærogatiuis nationum agitur, scripturæ authoritati sententiam Berosi præferre. Sed nos clarissimæ genti ornamenta & quæuis præconia libenter fauemus, modò Berosus sobriè intelligatur. Nam non desunt alii, qui quidem priuilegii istius, utpotè à Deo lati authoritatem agnoscunt, sed tamen per tyrannidem patres quosdam multa sibi permisisse prætendunt, ex quib. habetur illud, quod Tuiskon præsumpserit Sarmatarum regnum sibi vendicare. At priuilegii istius ea vis est & verborum sensus, ut Deus in eo expresserit non modò quid fieri vellet, sed etiam quid deinceps in sequentibus ætatibus accidere debuit fatidico spiritu prædixerit. Cuius prædictionis inuariabile decretum si in dubium vocatur, & reliquarum quoque prophetiarum, quæ in Bibliis extant non reperio quo pacto certitudo constare possit. Adde quod illa ipsa historia Berosi nequaquam absolutum dominium Tuiskoni vendicat, quin immo eum Iani seruituti obnoxium facit, eumq; ad occidentem ab ipso missum esse prædicat, quò ibi ipsius permissu auspicaretur regnum. Viciniores autem sunt multò Sarmatæ Ionæ, ubi Ianus sedem habuisse prædicatur, quàm ipsi Germani. Maluisset igitur Ianus eos suo imperio subiicere, si quid in eos iuris habuisset, quàm occidentem versus nescio cuius alterius dominio ipsos implicare. Sed si de reb⁹ tam vetustis licet liberè loqui, Ianus ius domini non potuit alteri resignare, ubi ipse ne ad plantam quidem pedis possessionem habuerit.

De temporibus Nahor & Iani.

Anno à mundi creatione 1896.

Anno à diluuiio 240.

Anno à diuisione gentium 108.

*An Beroso nota
fuerit Sarmati
a Asiatica.*

ITERVM eadem historia Babylonica Sarmatiæ Europæ mentionem facit his verbis: Araxa cum filio Scythæ paulò ante creato omnium gentium Sagarum rege Sabatio Saga, ipse occupauit omnem partem occidentalem ab Armenia usque in Sarmatiam Europæam &c. Vnde liquet Beroso Asiaticam Sarmatiam notissimam fuisse. Quia ad differentiam huius vocat Sarmatiam Europæam. Hæc ideo addo, quod quidam authoritatem huius

tatem huius scriptoris hoc nomine cōuellere nituntur, quasi fines
Europæ Sarmatiæ ponendo ad Tanaim, ignorarit Asiaticos Sar-
matas. Massagetarum etiam, qui à Mysiis & Getis Sarmaticis po-
pulis dicuntur, in id tempus origo reiiicitur.

*De Massage-
tarū origine.*

De temporibus Nini, Beli filii

qui fuit tertius Rex Assyriorum.

Anno ab orbe condito 1910.

Anno à diluuiō, 258.

Anno ante Christum 2090.

TERTIO iam & quidem magis significanter Sarmatarum
mentionem facit historia Babylonica. Tuiskon, inquit, &
Gygis Sarmatas legibus format apud Rhenum: & addit: &
id ipsum agit Tubal apud Celtiberos & Sarmothas apud Celtas
&c. Apparet hinc ante politiam Moſis apud Germanos, Gallos,
Hispanos, leges fuiſſe politicas promulgatas. Sed quaererem hic:
Quid opus erat Sarmatis ad Tuiskonem & quidē Gygantem pro-
ficiſci, petitiū leges, cum Sarmatia Europea propior fuerit mul-
tò Græcis, ubi Ianus regnabat, cui ipſe Tuiskon ſubiectus fuit. Nā
Berofus apertè dicit, Tuiskonem à Iano in eas oras fuiſſe miſſum,
vt veluti Vaſallus quidam Iani fuiſſe videatur. Quod autem Sar-
matae littus Ponti tum inhabitarent, eiufq; domini poſſeſſores fue-
rint, ex ſequentibus liquet. Dicit enim: Barzanem Sabatii filium
regnare uſque ad Sarmaticum Ponti littus. Vnde euincitur illo
tempore ſicuti mare ad oſtia Iſtulae, occidentem verſus, ita ad ori-
entem, Euxinum Pontum mare Sarmaticum ſimili ratione vocari
ſoliti fuiſſe, ſicuti & Ouidius vocare ſolet. Quo fundamento po-
ſito ineuitabiliter concluditur: quicquid intra hæc duo maria eſt,
id veteribus Sarmatiæ nomine dici. Sed quid maria dicimus? cum
etiam hic & incolæ Rheni Sarmatae vocentur à Berofus, quos ille
legibus aſſueſciebat. Quod autem eò loci Sarmatas illos, Scythas
nonnulli recētiore vocant, iſtud in Berofus non habetur. Niſi for-
tè iuxta Plinii phraſim, etiam in Germanos, Scytharum nomen
cadere putemus. Nam diligentius excutienti monumenta vete-
rum liquet, in triplici potiſſimum ſignificato nomen Sarmatarum
accipi. Primò Riphæos Sarmatas vocabant, ubi nunc Moſchouia
eſt: qui autē Germanis permixti erant, illi Rheni Sarmatarum no-
mine cenſebantur. Porro qui in meditullio habitabant, nimirum
inter vtramq; Sarmatiam & montes Sarmaticos, illi abſolutè Sar-
matae voca-

*Triplex Sar-
matiarum ſi-
gnificatum.*

matae vocabantur. Informabat igitur legibus Tuiscon suos Germanos, non homines nostros. Nam Germanorum politia toto coelo differt à politia nostrarum gentium, quæ Lacedæmoniorum politia similior est. Quod autem quidam, appellationes illas oppidanorum ad Margemburgum, quæ patrum nostrorum memoria abolitæ sunt, ad confirmandam Tuisconis in ferendis legibus, auctoritatem adducunt, id ridiculū est. Potius ergo putarim illum morem reliquum mansisse ex gubernatione veterum Polonorum, qui fines suos ad Albim vsque fluuium quondam extendebant, sicut à Dlugosso Miechouiēsi, & à D. Cromero euidentissimis documentis probatum est, & à nobis vberius infra probabitur. Cōtigerunt autem hæc, quæ dicta sunt de legislatione Tuisconis, ante Abrahamum natum, propemodum 40. annis, quando Germani adhuc rudes erant, & ad erudiendum alios minus apti, vt Strabo de eis testatur libro 7.

De temporibus Abrahamæ.

Anno ab orbe condito 1964.

Anno à diluuiō 358.

Anno ante Christum 2036.

QUARTO, fit præterea alia mentio Sarmatarum in Beroso his verbis: Anno 6. Semiramidis, apud Rheni Sarmatas regnauit filius Tuisconis Mannus, & apud Ianigenas Razennos, Vesta vxor Iani sempiternum ignem custodiendum tradidit, &c. Ex Diodoro Siculo transferantur huc de regno Semiramidis Reginae Assyriorum, quomodo iis temporibus floruit, & quibus modis ad regni fastigium peruenerit. Fuit hæc vxor Nini Regis, foemina magni nominis. Et videtur seculum illud occulto fidere foeminis fauisse. Nam eodem tempore Isis illa regina Aegypti, quæ postea Osiridi nupsit, famam suam mirabilibus auxerat factis. Testatur hoc, Epitaphium ipsius, cuius Diodorus Siculus meminit: Ego, inquit, sum Isis regina Aegypti à Mercurio crudita: quæ ego legibus statui, nullus soluet: ego sum vxor Osiridis: ego sum prima frugum inuentrix: ego sum Osiri regis mater: ego sum in astro canis refulgens: mihi Bultia vrbs condita est, gaude gaude Aegypte, quæ me nutris. Addendum etiam hic putauī, quæ afferuntur de antiquitate & celebritate duarum urbium in Europa, Treuiri & Tigurinorum vrbe, vt facilius intelligi possit, quis tum status Europæ fuerit, & quàm habitabilis. Marianus Scotus, qui Fulda floruit circa annum domini 1060. in Chronicis suis ad annum Abrahamæ

Semiramidis
regnum.

De antiquitate
duarum urbium
Europæ Tre-
uiri inquam
& Tigurino-
rum.

num Abrahæ 16. hæc ad verbum annotauit: Hoc anno Trebeta filius Nini à Semiramide expulsus ex regno, Treuirim condidit, urbem in Gallia, ante Romam conditam annis 1150. Reliqua de Treuiri & Tigurinorum vrbe ex quodam Germanico scriptore adiciam. Tigurinæ vrbis Chronica vetustissima perhibet, primis illis seculis Treuironum urbem, Tigurinorum arcem ac ciuitatem vocauisse & agnouisse sororem. Etenim testantur, 30. annis à Treuironum vrbe condita, & quidem Abrahæ temporibus extructam esse, à Principe quodam istius tractus Thurico, in colle ad Limagum fluuium, vbi è vicino euoluitur lacu, arcem insignem & munitam, quæ à conditore dicta sit, Thuricensis, & Thuricum castrum. Populos certè eius tractus constat ex historiis & geographis, temporibus vetustissimis Tigurinos fuisse. Vnde postea ipsa ciuitas ad arcem extructa, & Thuricensis ab arce, & Thuregum denique & Tigurum, vtpote quæ Tigurinorum erat metropolis, est appellata, Germanicè verò dicta Zurich, voce à Thurico, (quem Thurich etiam nominare possis) modicè deflexa. Itaque iuxta Mariani supputationem, Thuricensis arx ante extructam Romam condita esset annis 1220 aut circiter. Ante natum Christum circiter annis 1975.

De temporibus Semiramidis.

Anno ab orbe condito 2000.

Anno à diluuiio 341.

Anno ante Christum 2000.

Hic Chronologi, primæ ætatis à condito orbe, finem faciunt. Iam enim 2000 anni sunt præterlapsi. Circa hæc tempora Noach exantlatis laboribus multis, visa iniquitate seculi, quod præcessit diluuium, satiatusque formidine, pauore & periculis, quæ ipsi euenerunt, periclitanti in diluuiio, vitam cum morte commutauit. Hoc etiam tempore Osyris rex Aegyptiorum cum sorore adolescentula inuenit aratrum & artem agriculturæ, quam per vniuersum propagauit orbē. Hæc vera esse inscriptio columnæ cuiusdam, in Aegypto inuentæ indicat: pater, inquit, est mihi Saturnus. Sum verò Osyris rex, qui vniuersum orbem in Indorum & vsque ad Istri fontes, & alias partes vsque ad Oceanum percurri, nec fuit in orbe locus, quò non peruaferim. Diodorus libro primo. Hic quidem expresse non fit mentio Sarmatiæ, sed quia Istri mentionem facit, additq; nullum locum in orbe reperiri, quo tunc non peruaferit ars illa agriculturæ, necessario inde elicitur,

Noah moritur.

Inuentio agriculturæ.

Osyris.

etiam in has regiones hanc artem tunc introductam fuisse, quia Ister fuit limes Sarmatarum. Agnoscant igitur nostri & recognoscant, beneficium se accepisse à meridionalibus populis, quod inde ad eos propagata est scientia agriculturæ. Sed vicissim meridionales acceptam ferre debent, septentrionalibus scientiam curulem. Tradunt enim, quod Gomerus superiori seculo docuit suos Italos castra vel urbem ex curribus componere. Et idcirco urbs in Italia ab eis vey appellata est, vocabulo Sago, qui, veias plaustrum appellant. Notum est autem, vocabulum vus currum sonare in lingua Sarmatica. Non ergo Gomerus ab alia natione castra metandi scientiam ex curribus, accepisse credendus est, quam à Sarmatis, qui hinc Scythæ catachresticè appellantur.

De origine æconomix et quæ ad ækonomiam pertinent, expressè sic Diodorus.

Osiris peragrandò vniuersum orbem docuit ea, quorum inuentor fuit, tauros domesticare ad aratrum, arare, serere, plantare vineas & vinum conficere, & cereuisiam, vites adiungere palis & putare, vt Poëta

Vnciq; puer monstrator aratri

Prima Ceres ferro mortales scindere terram

Instituit &c.

Propter eam igitur subtilitatem ingenii, quod rex Aegypti dominationem bouum inuenit, bos Aegyptiis fuit sacratus & pro Deo cultus, quem apim vocauere. Cuius instituti æmulatione ducti Iudæi, cum in deserto essent, vitulum sibi conflauerunt, memoriale scilicet deorum Aegyptiorum, quos isthic manendo viderant & eis asueuerant.

Deus Aegyptiorum bos.

De potu cereuisiæ.

Orosius cereuisiæ Aegyptiacæ cōfectionem sic describit, vnde nostræ dissimilem fuisse constat. Vltimo inquit, omnes subito duabus portis eruperunt, larga prius potione vsi non vini, cuius ferax is locus non est, sed succo tritici per artem confecto, quem succum à calefaciendo coeliam vocant. Suscitatur enim illa ignea vis germinibus madefactæ frugis, ac deinde ficcatur, & post in farinam redacta molli succo admiscetur, quo fermento sapor austeritatis adducitur. Qua de causa recitat scriptura sacra, ocium, saturitatem panis, vagas libidines hoc tempore in mundo maximè regnasse Et eam saturitatem magno prouentu prodiisse existimandum est, quòd eo tempore primum agricultura & cultus vinearum inuentus fuit, vnde homines inpinguati & locupletati insolescere coeperunt.

Confectio Cereuisiæ Aegypt.

coeperunt. Hac etiam ætate regnavit Aralius apud Babylonios, apud Gallos Drius, à quo Druidæ illi sacerdotes instituti, apud nostros verò vicinos Tuiscones Hermion. Hac etiam ætate Amraphel ille Assyrius, floruit cum quo Abraham confligit, Lotum vindicaturus Gene. 14. Hunc Amraphalem putant eo loci ZAMEIM NINIAM vocari à Berofo.

Postea Gyngæon, qui cum Sarrone Celtarum rege literarum studium, ad reprimendam hominum ferociam in parte occidua primus instituit: hic quidem Gallos, iste vero suos Tuisconas. Peleg etiam ille sub quo diuisio gentium facta fuit, hac ætate moritur cum esset annorum ducentorum triginta nouem.

De temporibus Iacob.

Anno à condito orbe 2110.

Anno à diluuio 510.

Imperitabat tum apud Babylonios Baleus Xerxes, id est triumphator: apud Tuiscones Marfus. Iam hîc definit historia Babylonica Sarmatarum meminisse expressè. Hoc tempore tribus in locis Italia arsisse dicitur, vnde de Phaëtonte fabula nata est, qui tum apud Ligures regnabat. Istis temporibus Iacob Patriarcha vixit & Iob, quem Deus laudat vehementer. Nonus rex Babylonis fuit Amatritus: decimus Belochus, quo tempore etiam Gambriuium apud Tuisconas regnasse fertur, qui à corona nomen Gambri habere dicitur. Primus enim hic inter reges Tuisconum coronatus esse dicitur. Vndecimus Babylonis rex Baleus: apud Tuisconas seu Germanos Sueuus. Nauium vsum tunc inuentum esse ad maria transfretanda prædicant. Sed Noë periclitatio tempore diluuii, antiquiorem fuisse arguit.

De temporibus duodecim pa-

triarcharum: ante Moysen centum annis, post mortem Iacob duodecim annis.

Anno à condito orbe 2269

Anno post diluuium 569

Anno ante Christum 1701

Hic quoque Sarmatarum nomen expressè non ponitur, sed tamen princeps eius stirpis Vandalus nomine commemoratur. Ab hoc quidam Germanici scriptores Slauonica gentis

cæ gentis nationes deducunt. Ex quibus quidam non postremus in hoc genere, ad eum modum scribit: Vandalus apud Tuisconas regnavit hoc tempore. Hinc Vandalorum gens, quæ lingua Slauonica vtitur, denominata est, ex quib. nunc multæ maximæq; gentes diuisæ sunt, Poloni, Boëmi, Slauoni, Croaci, Vandali ad Marchiam Brandeburgensem. Hæc ille, quæ si vera sunt, iam triplici modo stirps nostrarum gentium à Iaphet deduceretur. Primò per hunc Vandalum, quem ex Tuisconis posteritate esse volunt: & hoc ante Moysen euenit. Deinde per Paphlagonas, qui secuti sunt Antenorē post bellum Troianum. Tertiò per Alanum, quem dicunt nonnulli nostratium, primum ex Asia colonias deduxisse ad nostros homines, sed tempus eius rei non assignant.

At iam aliquoties monstratum est, hanc opinionem non posse cum scriptura consentire, quæ affirmat diuisionem gentium, factam esse secundum numerum patrum, nepotum Noë, & secundum numerum linguarum. Potius igitur dicemus, hunc Vandalum fuisse regem peregrinum, accersitum à Tuisconibus ex gente Sarmatica. Nam liquet ex Beroso, cum iam ad inclinationem spectaret regnum Tuisconum, peregrinos reges accersitos fuisse, idque iam ex Sarmatis, iam ex Græcis. Mox enim subiungit Marsum etiam, & Herculem ipsis imperitasse, quæ nomina indicant hos principes, Græcos fuisse, aut vtramque gentem Teutonicam & Sarmaticam alternatim, iam ex Teutonibus sibi reges delegisse, iam ex Sarmatis, ut ex æquo imperitare viderentur. Ad extremum propter dissidia ciuilia, Græcos extraneos accersuisse, quæ res postea regno eorum exitium & finem accelerauit. Nam Berosus statim post commemorationem istorum, historiam huius gentis texere desinit, tacite innuens ob exilitatem non fuisse dignos qui amplius enumerarentur.

Series principum Sarmaticorum antiquissimorum.

Huic enumerationi Tuisconicorum regum, opponunt scriptores rerum Polonicarum suum Catalogum priscorum regum Slauonicæ gentis: Philaram, inquam, Alanum, Anchisen, Pamphilum, Reasilinam & Alanum Secundum, quem primum ex Asia in Europam commigrasse ferunt, ut iam dictum est, eique quatuor filios fuisse ferunt, qui nomina gentibus certis dederunt, ita ut à Vandalo Vandalorum gens, à reliquis Rusi, Bohemi cognominati sint. Sed quid sentiendum sit de hac traditione antiquorum, inferius lectorem, admonebimus.

De Sarmatis & eorum origine.

Dixi

DIxi de Sarmaticis rebus sparsim superius, nunc earum anacephaleosim faciam. Nullum est dubium populos nostros, ac omnes eos qui Slauonica lingua vtuntur, Sarmatas vocari à veteribus. Vocis autem etymon non eodem modo omnes deducunt. Quidam Sarmatam, ducem altitudinis exponunt, quia montium istorum altissimorum legitimus possessor statim ab initio fuerit, vel quia regiones septentrionales incoluerit, quibus Mathematici altitudinem supremam adscribunt. Alii viperinum aspectum ex Græco interpretantur. Græci enim non Sarmatas sed Sauromatas vocant, *σαῦρος* autem eis viperam significat, eo quod terrifico aspectu præditi erant, quodque perculerunt fortasse quondam metu & formidine belli Græcos homines. Sed Sauromatas verius dixerim vocari Asiaticos Sarmatas. Nam nostri homines iudicio omnium, nequaquam improbo aspectu præditi sunt, sicuti de Asiaticis populis vt plurimum id verum esse creditur. Originem autem Sarmatarum, ab Asarmoth deducere sacris literis cõpelli-
mur. Sed & Iosephus gentium origines exemplo Moysis describens, affirmat singulas gentes è singulis Patriarchis cognomina sua trahere. Et postea latius hoc idem explicat, tempus originis earum statim ab illa fatali diuisione & dissipatione, quæ contigit ad turrim Babel, edifferens. Quæ si omnia simul conferantur, amplam materiam suppeditare possunt, encomia gentis nostræ canere volentibus. Nam si tempus spectes, temporibus aurei seculi Saturno scilicet apud Babylonios regnante orti sunt: si Patriarchæ dignitatem, ille ex stemmate Sem, maioris natu prodiit, per quem saluatoris genealogiam ducere spiritus sancti consilium fuit: si capacitatem & amplitudinem regionis, fluminum, & maris, portuumque multitudinem, certè commoditates tantæ reperiuntur in iis terris, vt cum omnibus præcipuis gentibus, certare posse videantur. Quod verò attinet ad cœli clementiam, certè vbi Polonia & Boëmia est, eam talem esse experimur, vt nec frigoribus supra modum intensis, nec caloribus Africanis obnoxia sit, sed mediocritate gaudet tali, qualem sibi & ad tuendam valetudinem, & voluptates concessas retinendas quispiam optare possit. Iam politiam si quis expendat, hæc non tam est ad delicias cõparata, quàm ad eum finem, vt quàm diutissimè durare possit, habeatque semper militem exercitatum, durato corpore, agilem ad tractanda arma, non deliciis diffluentem, sed semper agrorum cultu & venationum sollicitudine ita assuefactum, vt tẽpore belli in ediam, labores militares, ferre possit. Fuerunt in mundo Monarchæ & domitores orbis, Cyrus, Darius, Alexander, postmodum Romani. Nullus tamen horum quicquam

*Etymon vocis
Asarmoth.*

Laus Sarmatarum à circumstantijs loci & temporis.

Nullus Imperator Sarmaticus dictus.

quicquam iuris vnquam habuit, in Sarmatiam, nullus est dictus Sarmaticus, sicuti a deuictis aliis gentibus non rarò sunt denominati. Vnde cognomina nata sunt, Asiaticus, Africanus & etiam Germanicus. Sarmaticum autem qui sese diceret, nunquam est inuentus. Rationem eius rei malo verbis Nasonis explicare, de Sarmatis Getisque ita dicentis:

*Maxima pars hominum nec te pulcherrima curat
Roma, nec Ausonii militis arma timet.*

Divisio & partes Sarmatarum.

Hæc ad laudem politiæ Sarmatarum, quæ Lacedæmonum similima est, referantur. Interim fatemur, nullam politiam in mundo reperiri posse, quantumuis laudabilem, quæ careat suis nãuis. Partes Sarmatarum, à regionibus & cognominib. possunt enumerari. Nam alia est Sarmatia Asiatica, alia est Europæa. Rursus Europæorum alii fuerunt Rheni Sarmatæ, vt Berosus vocat, alii Riphæi Sarmatæ, alii Tyrigetæ Sarmatæ, vt Ptolomæus vocat, alii Iazyges Sarmatæ, vt Strabo, alii Acarocantæ, qui in aula Cõstantini fulserunt. Alii Regii, forsan Mithridatis. Quanquã & antiquos Sarmatas reges habuisse suos, testantur scriptores nõ obscuro vt infra patebit. Peculiariter autem quidam ex eis Sarmatæ absolute absq; adiecti-
one cognominis dicebantur. Qua ratione nostros, qui ad montes Sarmaticos habitabant vocatos non rarò reperias. Vtrum autem Asiatici à nostris an nostri ab Asiaticis orti sint, differit primarius scriptor Polonicæ historiæ. Et videtur in eam sententiam inclinare, vt credat nostros ab Asiaticis prodiisse. Et rationem eius rei adfert: quia inquit, omnes coloniæ deductæ sunt ex Asia in reliquas orbis partes. Sed eius sententiæ reclamant Berosus, qui cum Tuiscone statim à primordiis eo delatas fuisse Sarmatas affirmat. Reclamat & Diodorus Siculus, qui asserit, ab Olbio quodam postea, temporibus videlicet Gedeonis, fundatam fuisse Asiaticam Sarmatiam. Vnde Ptolomæus Olbiæ mentionem facit in Sarmatia Asiatica.

Sarmatas non esse Germanos.

Sarmatas non esse stirpis Germanorum, eruditè D. Cromerius demonstrat, & euidentissimis argumentis potest demonstrari ex Cornelio Tacito, ductis argumentis à moribus, vestitu, lingua, armis, legibus, politiâ, sicuti ex annotatione inferius patebit.

Sarmatas non esse Scythas.

Sarmatas etiam non debere confundi cum Scythis, iisdem argumentis probari potest, ductis à moribus, vestitu, lingua, armis, legibus, politiâ & autoritatibus antiquitatis, finiumq; descriptione. Nam regiones à Tanai vsque ad Rhenum, Sarmatæ nõ Scythæ possidebant, vt ex Beroso & aliis historicis, & Cosmographis liquet.

De tem-

ab Ascanerz appellantur, ita Sarmatas ab Asarmoth dictos esse fateatur, & habuisse incrementum regni sui iam ante Mosē, illo inquam interstitio temporis, à diuisione gentium vsque ad Mosē. Neque enim Mosēs ita de iis gentibus locutus est, quasi antea fuissent, postea autem esse desierint, sed quarum antea ita durabiliter iacta erant fundamenta vt ad eius vsq; ætatem pertigerint, quæque erant ita conspicuæ, vt à quouis demonstrari digito possent. Et hoc præcipuè de Sarmatis intelligendum est, quorum & ante Mosē statim Berofus, & post Mosē Mantanes Aegyptius historiam complexus est. Atque ita iam habemus historiam continuatam de regno Sarmatico ab ipsa diuisione gentium vsque ad Mosē per annos septingentos & aliquot, qua etiam si brevis sit, debemus esse contenti. Cætera quæ ad id tempus referenda sunt ex annotatione cognoscentur.

Ad lectorem prologus apologeticus.

Fateor quidem, cum ab initio hoc opus scribere instituissem, me ex authoribus tantum materiæ adepturum nequaquam existimasse, quantum negotii istius magnitudo requirebat: sed postea præter ipem multa occurrebant, quæ ad illustrandum hoc totum negocium seruiabant, quæ mihi omittenda non videbantur. Proinde ne lectorem expectatione sua fraudarem, per modum annotationum quædam subiicienda duxi. Abhorreo ab omni ostentatione styli. Proinde non elaboravi, vt me stylo aliquid valere demonstrarem, sed vt seriem historiæ Polonicæ tanquam filum per vniuersas vicissitudines temporum verissimè extenderem.

Annotationes.

Temporibus Mosē apud Babylonios regnabat Sparetus, apud Aegyptios Cenchres Pharaō, de quo Berofus ita dicit: in Cenchre finierunt reges magni Aegyptii, qui cum Hebræis de magica pugnauit, & ab eis submersus fuit. Eodem tempore apud Italos Blafcon, cuius vxor Roma.

Questio de ætate Zoroastis.

Circa eadem tempora fertur regnasse apud Celtas Lugdunus, à quo Lugdunum est cognominatum. Inachus verò apud Athenienses, Cecrops apud Lacedæmonios. De Zoroaste Bactrianorum rege mouent hîc quæstionem annalium annotatores, an sub Nino regnauerit, ac bellum propemodum primum in mundo cum eo acerbum & funestum duxerit, vt vult Diodorus Siculus, Iustinus, Orosius & plerique: an verò cum Ninia Nini filio hoc gestum sit, vt vult vnus inter omnes Berofus. Iudicium hîc lectori permittitur. Potior tamen pars cum Beroso sentit, vtpotè cui omnium perspectissi-

spectissima erat historia patriæ suæ. Hoc tempore lucorum plantandorum superstitio gentilis nata est, Crano Ianigena primo eius rei autore, Abrahami nimirum tempore. Zoroastis istius quædam scripta hæcenus celebrantur. Ne autem cui mirum videatur apud Scythicas gētes instituta historiæ prius floruisse quàm in aliis gentibus. Cato certè de originibus in secundo fragmento, affirmat Scytharum annales vetustiores fuisse, quàm aliarum nationum. Ideo Berofus Chronica Scytharum allegat, inquiens: iuxta id in nostra Chaldaica & primordiali historia Scythica, fideli memoria conseruatum est.

Lucorum origo.

Anno Mosis circiter sexagesimo floruit Mercurius Trismegistus Aegyptiorum Philosophus admirandus. Extant adhuc quædam eius scripta, quæ fuisse eum diuinarum & humanarum scientiarum peritissimum demonstrant. Sub idem tempus frutex oliuæ primum Athenis in arce, & forsitan in tota Europa ortus esse prædicatur.

Mercurius Trismegistus quando?

De temporibus Iosue.

Anno ab orbe condito 1495.

Anno exitus ex Aegypto 40.

Anno ante Christum 1505.

IAM hîc deficit historia Babylonica, sed tamen ex Mose supplere defectum oportet ne filum historiæ rumpatur. Nam sicuti post exitum ex Aegypto dixerat, diuisionem gentium factam fuisse iuxta numerum linguarum & septuaginta patrum, ita moriturus sub finem vitæ suæ eandem historiam diuisionis repetens inquit: Memento dierum seculi, intellige annos generationis, interroga patrem tuum, & annuntiabit tibi. Quando diuidebat altissimus gentes, quando separabat filios Adam, statuit terminos populorum secundum numerum filiorum Israël, positis finibus habitationis eorum. Ad quæ verba si addas verba illa Daudidis: Terminum posuisti eis, quem non transibunt, tunc apparebit diuisionem gentium & fundationem nationum durasse toto eo tempore, vsque ad illam metam quando Iosue supremum adiit magistratum, adnumeratis quadraginta annis peregrinationis in deserto, quibus Moses præfuit populo Dei. Ergo sicut aliarum nationum, ita & Sarmatarum limites in suis metis, temporibus Iosue durauerunt. Moses enim hæc verba protulit sub mortem suam, quando scilicet Iosue ad gubernandum populum Dei inauguratus fuit. Esse autem verissimam hanc demonstrationem regni

Deutero. 32.

Diodorus Siculus lib. 6.

Sarmatia Asiatica.

Reginae Poloniae materna insignia.

Sarmatiæ, etiam prophanorum scriptorum autoritate comprobari potest. Scribit enim Manethon Aegyptius in sua historia in supplemento Berosi, sub idem tempus apud Celtas Gallatam iuniorem regnasse, qui, inquit, Sarmatas depulit. Sic Diodorus Siculus libro sexto eadem de re tradit, illiusque belli rationem latius describit, quod statim sub tempora Iosue fuisse perhibetur, quanquam alii ad tempora Gedeonis illud reiciunt. Sed de supputatione temporum fateor me minus sollicitum fuisse, propter occupationes, quibus necessario distinebar. Satis autem mihi erit, ut iam toties repetii, si seriem historiae Sarmatiæ ac proinde & Poloniae inuestigauero. Sed dum Europæ Sarmatiæ recordor, neque Asiaticæ omnino obliuisci possum, quam Diodorus Siculus hoc ipso tempore aut paulò post fundatam fuisse ab Olbio patre Gallatæ affirmat. Commemoratur autem nomen Olbiæ in descriptione Asiaticæ Sarmatiæ à Ptolomæo Geographo. Si quis autem & res addat, quæ sub hæc tempora apud vicinas gentes euenerunt, non mediocriter adiuuabitur ad intelligendum eius temporis statum rerum Sarmaticarum. Hoc etiam tempore non multò post, terræ istæ occiduæ & prouinciæ, Sarmatiæ nomen consecutæ sunt ab Europa illa, quæ ab Ioue compressa esse fertur. Sed non nouum est gentibus, scortationes, stupra, & alias incôcessas libidines regum, Iouis titulo tegere. Eodem tempore apud Turenos, id est, Tuscos Italos Oscanus regnavit, cuius insigne serpens fuit. Insigne est hoc maternum gloriosissimæ foeminæ reginæ nostræ, vxoris Stephani primi, à quo Osco forsan originem & antiquitatem suorum insignium ostendere potest. Hoc eodem tempore Illus regnavit apud Troianos, à quo Ilion Troia vocata. Nam tempore Iosue regnum illud initium habuit.

De temporibus Samsonis.

Anno ab orbe condito 2790.

Anno ab exitu 337. Iubileo 6.

Anno ante Christum 1210.

ARgonauticam expeditionem præcipuorum principum Græciæ, omnibus ætatibus apparet fuisse celeberrimam. Hæc refertur ad tempora Samsonis, qui fuit coætaneus Herculis. Eratque illud æuum ferax fortissimorum virorum, & ingeniorum, ad bellum & ad artes idoneorum. Nam sub illud tempus floruit Sampson & Hercules, viri fortissimi, floruit & Linus præceptor Herculis, & Orpheus clarissimi & antiquissimi Poëtæ, cuius opera

opera & auspiciis literas & artes transtulit Cadmus rex ex Phœnicia & Asia in Græciam, adeoque vniuersam Europam. Sic Phineas Poëta clarissimus eodem tempore floruisse apud Henetos, ex quibus gens Polona originem ex parte ducit ab Apollonio prædicatur. Et erant quidem ante hanc expeditionem alia bella Græcorum, bellum nimirum Atheniensium cum Thracibus, duce Erichtæo Atheniensi: bellum Persei cum Persis, quo nomine & imagine coelesti donatus est ab antiquitate, eò quod Gorgonas interfecerit in Lybia. Sed hoc Colchicum fuit clarissimum inter illa, eo quod præcipuum Græciæ robur, isthic collectum fuit, & à clarissimo Poëta Orpheo carmine decantatum, sicut & illud bellum Titanum, quod conforme illi est, quod in sacris literis de ædificatoribus turris Babel proditum est. Sed de illis bellis non ita refert nos commemorare, sicut de hoc Colchico, cuius narratio reuocat nobis in memoriam, gentes pariterq; & regiones, quæ ad nomen Sarmaticum legitimo iure pertinent. Imò & Colchis ipsa inter regiones Sarmatiæ Asiaticæ connumeratur à Geographis. Quod autem in hac historia interdum non ex professo gesta recitantur Sarmaticorum populorum Europæ, de eo iam præfatus sum, me videlicet interdum optimo iure velle etiam vicinarum gentium, gesta attingere, vt nostrarum rerum commemoratio inde magis elucescat & auribus gratior reddatur, iuxta illud: Quæ singula non iuuant, coniuncta multa iuuant. Quanquam in eodem carmine Apollonii duarum etiam gentium Sarmaticarum fit mentio, Henetorum inquam, qui postea in supplementum Sarmatis cesserunt, & principis Moschorum, qui eadem lingua vtuntur, quæ & Sarmatæ, & fines nostri à Mediterraneo mari vsque ad occidentale & Venedicum sinum finibus eorum cohærent. Quin & regiones, quibus antea imperitabant, & quibus nunc cum imperio præfunt, antiquitus teste Ptolomæo & aliis Geographis ad Sarmaticum nomen pertinebant. Vocatur enim illa gens Rhiphæi Sarmatæ. Nam sicuti Germaniæ nomine includuntur multa regna, & ducatus, Francones, Heluetii, Sueui, Saxones &c. Ita Sarmatiarum nomine comprehenduntur omnia dominia, quæ intra & vltra montes Sarmaticos & mare Sarmaticum continentur. Et sicuti ea quæ priuato nomine egerunt vel Sueui, vel Francones, aut etiam Saxones, meritò sibi vendicant Germani, eodem iure omnino ea quæ nationes Slauonicæ linguæ vnquam in historiis patrasse scribuntur, merito Poloni ad se pertinere & de iis gloriari possunt. Non video igitur, quomodo à possessione eorum, quæ in Colchica historia siue de Henetis siue de Moschis dicuntur excludi possimus.

Expeditio Colchica vnde celebris reddita.

Consilium authoris in describenda hac historia.

Moschi cur Rhiphæi Sarmatæ dicti.

Sed est aliud, quod nos excitauit ad refricandam memoriam expeditionis Argonauticæ, nimirum, quod plures Coloniae ex Colchis ipsis deductæ sunt in regiones Sarmaticas. Fuit quondam vrbs *Thomos vrbs.* notissima, Nasonis Poëtæ carminibus & exilio celebris, Thomos nuncupata: non procul ab Insula Paucen in ipsis ostiis Istris, quæ ideo sic dicta, quod in eo loco Medea regina dissecuit membratim fratrem suum Absyrtum. Hæc olim à Sarmatis & Getis inter quos Ouidius exulabat, inhabitata fuit. Chilia nunc forsan vrbs eo in loco inædificata est. De hoc miserabili reguli Colchorum casu Naso carmine commemorat. Inde Thomus, (inquit) locus est dictus, quia fertur in illo, membra soror fratris consecuisse sui. Sic Polam celebrē urbem in Illyrico vel Istria, ab iisdem Colchis colonias suas deduxisse historici memoriæ prodiderunt, à qua Polam tandem Polonorum ducem Lechum prodixisse, nomenq; suis dedisse pleriq; putauerunt. Sed non modò Polam urbem, sed totam fere Istricam gentem ab iisdem ortam esse Stephanus author est. Fama enim tenet Aetam regem ad Argonautas persequendos Colchicum exercitum misisse, qui ut à Ponto ingressi sunt Istrum, nec raptores aurei velleris inuenissent, siue tædio longioris periclitationis in mari, siue illecti amænitate loci, sedes istuc suas fixerunt. At non modo prouincias & vrbes, sed etiam ipsos duces & Reges gentium Geticarum Sarmaticarumq; palam gloriatos esse se ortos ab illis progenitoribus, inferius docebitur, ubi de Amelfreda Vandalorum regis vxore, historia recitabitur.

*Pola vrbs
Colchica.*

De quatuor gentium historia,

videlicet, Getarum, Illyriorum, Amazonum, Moschiorumq;: Quæ ad Sarmaticæ historiæ negotium illustrandum commodè possint, circa tempora Nasonis, adaptari.

Gothi Sarmatica gens.

GETAS qui postea dicti sunt Gothi, Sarmaticam gentem fuisse, linguaq; Sarmatica, quæ eadem est cum Slauica vixisse esse probauimus certissimis argumentis, ubi de origine Gothorum tractatum instituimus adductis, argumentis tot & tantis, quæ nulla sophistica conuelli possunt. Et vnde nam error ille promanarit, quod Scandiæ populi gloriantur se non modò esse Gothos verissimos, sed etiam Gothorum progenitores ibidem declaratur, ita ut ea de re deinceps nullam fore dubitationem sperem. Sic de Illyriis, consentienter tradunt Historici, Lechum ad redintegran-

redintegrandas Sarmatiae ruinas vnà secum colonias adduxisse, Venedorumque nomine illas sicuti & nos appellari. Clarum ergo & manifestum est nos in illos, & vicissim illos in nos aliquid iuris habere, sicuti paulò superius demonstratum est, & infra vbi tempora Mithridatis persequemur, latius commonstrabitur. De Amazonibus, cum hæ Asiaticorum Sarmatarum vxores fuerint, & Capadociae regiones, vbi Moschinorum sedes fuerunt, inhabitarent, nemo non videt, quod eorum commemoratio in rem historiae Sarmaticae plurimum faciat. Monstrantur etiam in Boemiae finibus arces quaedam, quæ Dzievvczyhrad, id est, puellares arces vocantur, vbi sedes quoque suas habuisse feruntur: quæ mulieres siue veteres Amazones fuerint, siue veterum progenies, testantur saltem nomina illa, eas etiam in istis regionibus suas colonias habuisse. De Moschis verò an in Sarmatiarum numero collocari debeant mox apparebit. Redeamus iam ad consignationem historiae Sarmaticae, quæ in Getarum gestis notior apparebit. Narrat igitur Iornandes Sesostrim regem Aegyptiorum bellicosissimum isto tempore Getarum regi Tannasi bellum mouisse, in cuiusque regnum irruisse: sed qua audacia irruerat, eadem non modò repulsus est, sed etiam fugatus usque in Aegyptum, & nisi amnis intransmeabilis fluenta obstitissent, Sesostris in suo ipsius regno oppressus fuisset. Attamen Partorum regnum & alias prouincias, quas armis Aegyptius, in potestatem suam redegerat, Getæ in reditu depopulati sunt, maioremque Asiae partem occuparunt, de qua Getarum expeditione etiam Valerius Flaccus meminit. Nomen Sesostris latine est, ponens exactores, vel director: sub hoc enim rege Aegyptii regni potentia valdè creuerat. Hic multas vicinas gentes domuit & latè in Asia regnauit, & nauigiis lustrauit maria, insulas & littora, quorum cognitio initium fuit doctrinae Cosmographicae. Quo successu rerum gestarum insolentior factus, etiam reges captiuos ad currum triumphalem, vt eum traherent iungere solebat. Is etiam consilium coepisse narratur vt iungeret Oceanum meridionalem cum mari mediterraneo, & iam fossam grandem ad eam rem præparare ad mare Erythreum inceperat, nisi consilium eius temerarium Deus auertisset. Quam autem spectabilis & venerandus apud suos fuerit, testatur responsum illud Sacerdotis Aegyptii ad regem Darium. Nam cum Darius vellet statuam suam collocare ante Sesostris statuam, à Sacerdote prohibitus est, hac ratione, adiecta: quia Darii magnitudinem rerum gestarum nondum adæquasset. Hanc libertatem Sacerdotis Darius collaudauit. Hæc ideo refero, vt quantò magis Sesostris in coelum

Illyriorum cognatio cum Sarmatis.

Amazones Sarmaticæ.

Tannasi Regis Getarum bella cum Sesostris Aegyptio sub idem tempus.

Sesostris audenda facta.

in coelum vsq; à suis laudib. effertur, tantò conspectior fama Sarmaticorum Getarum, qui eum vicere reddatur. Sub hoc idem tempus Samsonis, Argonautarum illa celebris expeditio à quibusdam, magno argumento refertur, quæ, inquam, expeditio suscepta fuit causâ adipiscendi aurei velleris, ac ex istorum ducum Argonauticorum stirpe originem suam Gothorum principes illi, qui armis suis Italiam attriuerant, deducebant, quo nomine Annales Hutorum cognomen sibi indiderant, ex qua etiam stirpe domus Austriaca originem suorum natalium ducit. Ex Gothis enim qui in Hispania post illa Italica bella hæserant, etiam ipsi prodiisse narrantur, de qua re inferius luculentius narratio hæc absoluetur. De Illyriis iam quædam dicta sunt, & infra vberius dicetur. Iure enim sibi vendicant originem stirpis Cholchicæ, in id multis & præcipuis authoribus consentientibus. Iam quod ad Amazones pertinet, etiam harum origo in id tempus reicitur, de quib⁹ apud Iustinum multa digna notatu leguntur.

Victoria Sarmatarum de Scythis parta.

Ad eadem tempora referenda puto ea quæ Diodorus Siculus libro 2. capite II. de victoria Sarmatarum, parta de gente Scythica, eorumq; regno subactò refert. Cum enim de origine eorum complura attulisset, exposuissetq; quomodo Scythia dux primus natus fuit ex Ioue & virgine quæ fuit umbilicotenus homo, reliquum verò eius viperæ speciem retulit: hæc matrem Scytharum ex terra sua præsponte natam fuisse tradit. Tandem subiungit: Sub his inquit regibus, Saca, nimirum, & Massageta ex provinciis à se bello subactis coloniae deductæ sunt: sed duæ maximæ: altera ex Assyriis, inter Paphlagoniam ac Pontum posita, ex Media altera ad Tanaim flumen, cuius populum Sauromatas appellarunt. Hi multis post annis imperio latè diffuso, magna ex parte vastata Scythica, eam penitus desertam cultoribus reddiderunt.

De Moschis luculentior narratio.

Moschorum nomen dicunt significare extendentem arcum. Hos populos Riphæos Sarmatas scriptores vetusti vocant. Et hac lege puto eorum descriptionem plurimum etiam pertinere ad cōplementum historiæ Sarmaticæ. Adde quòd Moses describens origines gentium etiam Mosoch filii Iaphet nepotis Noë & aui Asarmoth mentionem facit, cum quo forsitan nepos scilicet cum auo suo occupauit has regiones. Sic in libro Paralip: eiisdē mentio repetitur. Et lamentum Dauid in Psalmis: Hei mihi quod exulo in Mesech, eodem detorquent quidam, ac si feritas gentis his ver-

*De Mosoch ex
sacris literis.*

Paralip. I.

his verbis à propheta notaretur. De prophetia Ezechielis, vbi hoc nomen Mosoch quoque commemoratur, inferius dicemus. At nō modò sacræ literæ, sed & prophani scriptores huius gentis mentionem faciunt circa eadem tempora Samsonis. Apolonius enim in carmine Argonautico, cuius Orpheus poëta antiquissimus autor esse dicitur, mentionem facit Moschinorum, eosque non sine nota barbariei commemorat, innuitque eos dictos esse Moschinos à casis ligneis, quarum nomen fuit *μοσχοί*, forsan quòd virgeas casas habitabant. Sed verbis poëtæ si addas expositionem Strabonis, tunc melius vim nominis de quo dicimus intelliges. Quidam, inquit Strabo, eorum in arboribus aut turriculis habitant, quæ cum Mosfyni dicantur ipsis Mosfynæcorum appellatio inde obtigit. Iam sicuti Sarmatia duplex ponitur, ita Moschouia quædam septentrionalior, & quædam meridionalior, ad fluuium Thermodontem in Cappadocia, statuitur. Hæc Mazaca dicebatur, vsque ad Claudii tempora, qui eam Cæsaream deinceps vocari voluit. Sed & hoc nomen ei iterum ademptū fuit ab Imperatore Iuliano. Meminit & Strabo & Ptolomæus montium Moschinorum, quod & in tabulis eius videre est in descriptione Cappadociæ: sed quia Strabo prolixius huius gentis mores & habitacula describit, ascribere hic eius verba non me piguit: Per hos, inquit, transit mons asperimus Scydifses, (Ptolomæus Scordiscum vocat) qui coniungitur Moschicis montib. qui supra Colchidem sunt. Extrema eius tenet Heptacometæ quos septem paganos vertere licet. Sequitur Pariadres, qui vsque ad minorem Armeniam à locis Sidenæ & Cappadociæ finitimis porrectus, orientale Ponti latus conficit. Vniuersi qui montana ista incolunt plane sunt feri. Sed septempaganorum feritas omnium reliquorum superat feritatem. Nam eorum quidam etiam in arboribus, aut turriculis habitant, quæ cum Mosfyni dicantur, ipsis Mosfynæcorum appellatio inde obtigit. Carnibus ferinis, & glandibus arborum victitant. Insidiantur autem iter facientibus, in eos de suis desilientes turriculis. Septempagani etiam tres Pompeii cohortes conciderunt cum eæ per montes istos iter facerent. Nam insani mellis crateras eis propinauerunt in itinere, quod arborum summa ferunt germina: eo potò iam mente abalienatos adorti facile interfecerunt. Ex his descriptionib. liquet Moschorum populos habitasse in illis montanis Cappadociæ. Et quemadmodum nunc vicini sunt nostræ gentis hominibus, ita & tunc non procul à Paphlagonibus habitabant, nostris Henetis. Et vtrasque gentes istas eadem lingua tunc vsas fuisse, sicuti & nunc, testis est Strabo lib. eodē. Paulò post autē, inquit, Henetos qui expeditioni

*Moschinorum
etymon.*

*Moschinorum
mores.*

*Pompeij cohortes
male tractate à Moschinis*

*Tempus quo ex
Paphlagonia
Moschini cessa-
runt.*

ditioni nō interfuerunt Cappadoces esse factos. Ac videtur astipulari huic sententiæ id, quod omnis Cappadocia quæ appropinquat ad Halim, & ponè Paphlagoniam porrigitur, vtroque sermonis genere vtitur, & vocabulis Paphlagonicis abundat. Quando autem & quas ob causas ex Cappadocum regione in Septemtrionem processerint Moschi illi, non ita ex scriptoribus liquet, sed credibile est vel furoribus Mythriddatis cessasse, cum eos vrgeret diuturno bello, vel quod timerent Romanorum arma vlticia quia tres cohortes Pompei deleuerant. Ideo in intima Septemtrionis sese abdiderunt. Gloriatur nunc Iohannes Basilus dux Moschorum & iactat, antecessorem suum Augusti Cæsaris cognatam in matrimonium duxisse vt ita stirpis suæ laudes amplificet. Sed si quid tale aliquando fuit, tunc istud accidisse puto, cum adhuc in Cappadocia eorum maiores manentes Romanis viciniore erant.

De temporibus Saulis & Davidis.

Anno à condito orbe 2840.

Anno ab exitu 387.

Anno ante Christum 1160.

Consensu Chronologorum gestum est bellum Troianum temporibus Saulis, quod etiam arithmetico calculo comprobari potest. Complexi sunt autem autores vtrumque: & exercitus Troiani conscriptionem, ex quibus videlicet gentibus constitit, & reuersiones Ducum in varias orbis partes post confectum finitumque bellum. Et Homerus quidem lib. 2. Iliadum enumerat prolixum catalogum gentium quæ conuenerant oppugnatum Troiam, singulas suis coloribus depingendo, inter quos, Henetos cum suo duce hoc carmine celebravit.

*Paphlagonibus autem præerat Pilemnius, hirsutum cor,
Qui Cytorum habitabant, & Sesanium
Ex Henetis, ubi mulorum generatio agrestium,
Circaque Parthenium fluvium, inclytas domos habitasse
Cromamque Aegialumque & altos Erythimos, Flumina.*

Sed & Argonautica historia, quam complexus est Apolonius eiusdem gentis & ducis mentionem facit, eumque inter principes, qui susceperant expeditionem illam, omnibus ætatibus celebrem commemorat, nomenque eius exprimit Euesum vocans. Atque hoc quidem nomen affine esse liquet nomini Aeneæ cuiusdam principis, qui

cipis, qui post Alanum statim inter peruetustos reges Slauium
hoc ordine à nostris enumeratur, vt primum locum obtineat Ia-
uanus Noë nepos, deinde hunc sequatur Iaphet filius, post hunc
Philaras, inde Alanus, Aeneas, Ascanes Pamphilus, Reasilnias: hinc
Alanus secundus qui primus ex Asia in Europam commigrasse fer-
tur. Atque hæc quidem recitatio suggillatur à quibusdam ex ea
causâ, quod illis absurdum videtur, Aeneam illum, qui fato profu-
gus Italiam venerat, sic retrorsum ad præcedentia secula non ita
multò post Noë reiectum. Sed hæc causa non est apud me ita gra-
uis, vt illos autores, qui secuti traditionem patriam, & vetustio-
res scriptores, qui catalogum istorum regum hoc ordine consigna-
runt, ausus sim cōuellere. Fieri enim potest, vt alter hic Aeneas ve-
tustior sit illo Anchisiade Aenea, aut vitio librariorum pro Enesio
duce, quem Henetorum principem carmen Argonauticum esse
vult, Aeneæ nomen repositum sit. Quod autem non vique adeo di-
uexandos exagitandosq; acerbius autores antiquos censeam, ad-
ducor primò humanitatis officio, deinde & aliis rationibus. Ne-
que enim tam vanos illos priscos fuisse existimandum est, vt res fi-
ctas pro veris mūdo obtrudere voluerint. Nam sicuti illi bono stu-
dio ista tradiderunt, ita opinor habuisse eos in promptu vetustio-
res autores ex quibus talia hauserunt. Et Strabo libro quarto, in hu-
iusmodi, inquit, rebus probabili coniectura par est esse contentū.
Quod autem textentibus nobis historiam vetustam de origine &
antiquitatibus gentis Polonæ sermo delapsus est ad commemora-
tionem Henetorum, qui à Iaphet descendunt, nemini mirum vide-
ri debet. Asarmoth enim nepos Noë, fuit præcipuus author, con-
ditor, plantator, & pater gentium Sarmaticarum: Henetorum verò
gens suo honore fraudari non debet, cum ab eis non parua acces-
sio, tum supplementum & decus profectum sit post tempora belli
Troiani, sanguini Sarmatico. Quod vel ipsius principis Poëtarum
Vergilii autoritate comprobari potest.

Historici Hene-
torum.

*Antenor potuit medijs elapsus Archiis
Illyricos penetrare sinus &c.*

Antenorem autem ducem, Henetos in Europam tum duxisse au-
tor est Iustinus historicus, Strabo & alii. Vnde Polybius, qui ca-
stra sequebatur Scipionis iunioris in Affricam, scribit suo æuo ro-
tum sinum Illiricum eiusque incolas Venetos appellatos fuisse. Et
in Liuiio historico occurrit sæpius mentio exercituum Venetorū,
cum multis post seculis demum urbem & Rempub. Venetorum
quæ nunc floret, excitatam fuisse inter omnes constet. Siue igitur

D 2 Antenore

*Ptolomeus li-
bro 3.*

Antenore duce, siue aliis occasionib. appulerint in Europam Heneti, certè pro multis vnus Ptolomæ⁹ grauissimus autor nobis luculentus testis eius rei esse debet, qui affirmat Henetos populos, qui iidem sunt cum Venetis, maxima Sarmatiarum spacia in Europa complexos esse. Quod autem aliis quoque occasionib. Henetos asperioribus fortunæ casibus actos in eas regiones se contulisse prædicatur, non debet absurdum videri, cum etiam nostri historici eos cum Vandalo secundo huc venisse affirmant, hoc est, ad suos populares eadem lingua vtentes. Hæc ergo omnia, quæ allata sunt ex historicis & poetis, si in vnum conferantur expendanturq; non debet in posterum cuiquam mirum videri, si inter maiores nostros & conditores harum gentium, non modò Asarmoth Semi nepotem, sed etiam Ionum Græcorū principem, qui à Iaphet descendit recensuero. Si quod autem adhuc dubium hac de re lectori malè habet, reseruet aures integras vsque ad illum locum, vbi inferius ea de re ex professo instituem⁹ tractationem. Interim nemo miretur, quòd tam numerosæ gentes, quas cernimus, ab iis duobus principibus à nobis commemoratis propagatæ sunt, cum ab vno Tuiscone littus Oceani occidentalis innumeris Germanorum populis completum esse videamus. Quamquam historici præter Asarmoth & Iauanum, Alanum quoque & Mosech nepotes Noë iis gentibus attribuunt, à quibus variæ gentes eorum nominibus conformes propagatæ esse creduntur, quæ tandem vno cognomine Sarmatæ iustis de causis, aliis non inuitis appellari cœpere.

De Getis vel Gottis populis Sarmaticis.

Scribit Dio historicus, persequens historiam suam cui titulum, Getica imposuit, & eandem historiam Iornandes repetit, quòd apud Getas in Melsia sub bellum Troianum Telephus regnavit. Fuit is Herculis ex Auge sorore Priami filius, vir bellicosus, procerus corpore, sed plus vigore animi terribilis, paternam fortitudinem propriis virtutibus æquans. Is igitur tum Danais bellum intulit, Theсандrum Græciæ ducem occidit, Aiace & ipsum Achillem fudit & profligauit. Vulneratus is quoq; fuit Achillis iaculo in femore, tamen non prius è pugna discessit, quàm finibus hostes eiecisset. Hoc eodem tempore Hercules pater in morbum pestilentem incidit, & ob remedium doloris in flammam se coniecit, & ita vitam finiuit, quod in exemplum regibus in medium obiter adfero. Nam Sigismundus rex Polonia, vt à magnis viris audiui, cum à medicis moneretur, vt Sedomiria, grassante ibi tunc peste, discederet, respondisse fertur: nullum regem posse adduci, qui vnquam pestilentiaë sauitia absumtus esset.

*Reges an debeant
timere pestilentiale con-
tagium.*

Sed postea filius eius Augustus pestem perijt
De Cimbris

De Cimbris.

Cimbrorum ad Oceanum occidentalem antiqua est mentio. Meminit Strabo eorum. Sed multò antiquior est historia illorum, qui ad Meothidem manserunt ad Bosporum Cimmericum. Homerus enim de iis commemorat, quòd ipsius ætate, à Bosphoro incursiones in omnes regiones ad Iouiam vsq; fecerint. Ac non modò nominis eorum meminit, sed naturam quoque regionis, quam incolebant, situmq; eius (Strabone hunc locum eius exponente) significat. De caliginibus enim Cimмериis sic canit:

*Hos aër nebulae que tegunt, nec splendidus vnquam
Illustrat radys illos & lumine Titan,
Sed tristes noctis sese extendere tenebrae
Desuper.*

An autem Bosporini Cimbri à Chersoneseis occidentalibus, vel occidentales ab orientalib: orti sint, non ita facilè diiudicare possumus. Bosporanos quidem antiquiores esse certum est. Verùm si ab occidente inprimis processerant Meothidem versus, tum in Sarmatarum stirpem tam longo spacio iam degenerasse eos oportuit. Nam à bello Traiano ad Cimbrorum expeditionem prope modum mille anni numerantur. Certum est tamen eam gentem piraticæ & rapinis intentam fuisse, vt Strabo testatur. Et vsitatum est illis populis, qui ad Borysthenem manent, in vndis spaciosi fluminis naualem fortunam tentare. Cuius generis Kozakorum Nisouiorum cohortes hæcenus Cimmericorum cõditionem prorsus referunt. Et plurimi inter eos etiamnum ex Circasiis, qui Cimmericorum posteritas esse dicuntur, militant. Sed etiam ex Germanis hæcenus, Hungaris, Polonutiis & aliis innumeris gentibus plurimi eis commilitant. Talem igitur confluxum hominum fuisse Cimbro credibile est, sed tamen auspiciis Cimmericorum, res vniuersa ibi tum gerebatur.

De Amazonibus.

Si Themysciræ sedes fuerunt Amazonum, tum eas nostræ linguæ fuisse necesse est. Nam Themyscira fluuius est Cappadociæ in Euxinum pontum sese inuoluens, nec remota regio à montibus Moschinis & à Paphlagonibus. Nam Parthenius fluuius, vbi Henetorum sedes fuit proximus est Themyscyræ. Ostensum est autem Cappadociam fuisse sedem Moschinorum populorum, & in vtraque gente Moschinica inquam, & Paphlagonica linguæ nostræ vsus fuit: Referatur ergo in eadem tempora expeditio illa in Asiam, Amazonum & Cimmericorum, de qua Eusebius. Referatur & illud facinus quando Ephesinum templum succenderat, de quo Manethon

*Alopa provin-
cia ponti.*

Aegyptius. Contigerunt hæc sub annum 2825. à condito orbe: Sed & in Troiano bello eas adfuisse testatur Homerus & ducis eorum meminit. Duxit Amazones Odius & Epistrophus vnâ. Ex Alopa pridem: vnde & Amazonidum genus extat. De ducib. autem stirpis earum, quæ eis præerant in bello Troiano, Maro sic canit

*Ducit Amazonidum lunatis agmina peltis
Penthesilea furens, medijsque in milibus ardet,
Aurea subnectens exercitæ fibula mammae
Bellatrix, audetque viris concurrere virgo.*

Amazones Sarmaticas mulieres fuisse testatur Pomponius Mela istis verbis: Foeminae inquit Sarmatarum cum viris bella incunt, atque ut habiles sint, natis statim dextra aduritur mamma, inde expe dita in ictus mamma, quæ exercitur, virile fit pectus: arcus tendere, equitare, venari, puellaria pensa sunt, ferire hostem, adultarum stipendium est, adeo ut non percussisse pro flagitio habeatur.

De Sarmatis in genere sub idem tempus.

Quid senserit Homerus de gente Sarmatica testatur ei⁹ admirator Strabo, qui illud homeri problema, cum dicit Iouem respexisse ad

Lactiuoros, & βίσσις his non est iustior vlla

Gens hominum: de Sarmatis exponit, quod iustitiam sum

mè colerent, à fraude in cōmerciis abstinerent, nec epulis sumptuo sis excepto lacte delectarentur. Ad confirmandam verò Homeri sententiam, idem Strabo Hesiodi quoque poëma illud, quod circum terræ inscripsit, adducit, ubi inquit: Phineam ab Harpiis abductum in terram eorum, hominem scilicet prudentem & iusti a mantem. Quib. pro domibus currus sunt, viuere lacte assueti. Subiicit deinde causam, quod cum exili victu vtantur, neque sint quæstui dediti, inuicem vitam degant iustam &c. Hæc Strabo in laudem Sarmatarum ex Homero & Hesiodo adfert, & apologiam facit contra eos, qui de Sarmatis contraria sentiunt, eisq; notam crudelitatis aspergunt. Atque alii quidem, inquit, de crudelitate eorum dicunt, quod sciunt animos hac terribilium narratione percelli, cum tamen in alteram partem, neque quod dicatur desit, neque exempla. Ex hac narratione statum rerum Sarmaticarum facile temporibus Saulis & Davidis intelliges, quamq; iuste & sanctè vixerint, simplicitatis peruetustæ exemplum referentes. Vixit autem Hesiodus centum annis post Homerum. Ergo cum ducenti anni exacti essent post bellum Troianum, Hesiodus ista de Sarmatis memoria prædixit. Nam Homero quoque centum anni tribuuntur post bellum Troianum.

*strabo lib. 7.
Geographiæ a-
pologiam pro
Sarmatis facit.*

De tempo-

De temporib. Nabuchodonosar Regis Babel.

Anno ab orbe condito 3337.

Olympiade 38.

Anno ante Christum 663.

ANte Babylonicum imperium singulae regiones suos principes habebant qui eis amanter ut parentes filiis imperabant, sed malitia inualecente, coeperunt homines iugum illud excutere, & pro libidine agere quae volebant. Itaque cum paterna & equabilia imperia detrectarent, Deus excitavit monarchias, id est, cum ampliore & formidabiliore potestate imperia, ut quibus paternae admonitiones non sufficerent, eos necessitas parendi in officio contineret impelleretque. Ita divina providentia tempora temporibus conferendo singulis aetatibus. oportuna remedia ad sustinendam humani generis imbecillitatem optima ratione subministrat. Numerantur autem quatuor monarchiae, quarum prima Babylonica fuit, cui sub haec tempora Nabuchodonosor rex cum imperio praefuit, quo etiam regnante Iudaeorum regnum destructum, & Iudaei Babylonem in servitutem abducti sunt, sicuti sacrae literae de huius principis amplitudine luculentius tradunt. Hoc etiam regnante scriptor historiarum Berofus sacerdos Chaldaeus floruit, qui de initiis regni Sarmatici, tum etiam de finibus eiusdem non contemnenda reliquit, quemadmodum a nobis demonstratum est. Fuisse autem Sarmatarum populos maximos ante Nabuchodonosorem, & iam tum late dominatos esse, contextus verborum Berosi indicat. Neque enim Berofus de iis rebus loquitur, quae quidem ante fuerunt, at postmodum esse desierint, sed quae a suis initiis tanquam carceribus egressae usque ad eius seculum per-tigerunt. Quod autem quidam illa verba Berosi cum Sarmaticas gentes a Tuiscone conditas esse affirmat, ad elevandam & minuendam amplitudinem nominis Sarmatici detorquent, hoc minime ex iis verbis colligi posse existimo. Nam si condere gentes idem significat, quod legibus informare, ut ex Beroso & aliis idoneis authoribus liquet, certe isti citius ex pumice aquam extorserint, quam id quod volunt, inde obtineant. Nam Sarmatiam appendicem Germaniae esse, & legum instituta ad imitandum assumere, multis parasangis a se differunt. Accepimus nos a Iudaeis quoque leges, non tamen hoc nomine ad ipsos pertinemus. Accepit & ipse Tuiscon leges cum iure domini ab ipso Iano, ut idem refert Berofus, non

rosus, non tamen ideo fuit oriundus ex Iano ipsisque Græcis. Verum Mosis autoritas sufficere nobis debet, qui affirmat Iaphetum in tentoriis Semi habitaturum, non Semum in Iapheti. Citius ergo Germania Sarmatiæ quàm Sarmatia Germaniæ aliquid debere ex iis verbis intelligetur, cum Sarmatæ ex stemmate & funiculo Sem ea quæ habent habere credantur, Germania verò territorii beneficium tanquam soboles Iaphet recognoscere debeat.

Iam quia Ezechiel propheta synchronos Berosi, aut certè non longo spacio temporis ab ipso remotus fuerit, non incommode eius descriptionem, Berosi descriptioni subiiciemus, ut scilicet de hac gente, quod iudicium fuerit illius ætatis melius intelligi à quo uis possit. Inquit igitur propheta cap. 38. Fili hominis pone faciem tuam contra Gog Mosoch, & Tubal, vaticinare contra eum &c. Eusebius Cæsariensis, Theodocion, & Symmachus per Rosch non simpliciter caput intelligit, ut aliqui volunt, sed principem. Hallucinatur tamen in eo, quod Romanum principem notari putat. Locus enim hic non potest intelligi nisi de principibus septemtrionalibus, quia additur: qui habitant latera Aquilonis. Ad hæc Roma tunc nondum innotuerat: Nam Ezechiel temporibus Iechoniæ Regis vixit, hoc est anno mundi 3354 Olympiade quarta, ab vrbe autem condita duntaxat anno 136, iuxta supputationem quorundam. Itaque & propter vrbis nouitatem, & propter splendorem monarchiæ Babyloneæ non potuit esse ita celebre nomen Romæ, ut suspicionem cuiquam mouere deberet, euasuram ad eam potentiam. Sed & tautologia capitis seu Rosch principis esset molesta & aspera. Possibilior & amabilior expositio erit, si contextus intelligatur de aliquibus principibus septemtrionalibus, qui inhabitant latera ista Aquilonis. Et quia tria illa regna, Roxolanorum, Moschorum, & Colchorum celeberrima tunc erant Aquilonem versus, à quo orbi terrarum omne malum impendere solebat, ideo de Roschorum principe oportunior videtur esse expositio: Nam & ipse Strabo scribens: An autem ultra Roxolanos habitet, septemtrionem versus prorsus ignoramus, facile indicat quàm latè tunc imperabant istæ gentes. Sed si quis cognomen Rosch eludat, certè Mosoch eludere non potest quin de principe septemtrionali prophetam loqui fateatur. Celebre est autem in scriptura nomen Mosoch. Facit eius mentionem Moses Gene. 10. Facit & scriptor libri Paralip. cap. 1. quibus etiam hîc propheta astipulatur: Sed de Moschorum origine superius, à nobis dictum est, de quorum vicinitate cum Sarmatia Lucanus meminit iniquens: sæuisque affinis Sarmata Moschis:

De Gog

De Gog & Magog.

Magog principem significat, qui nomadicis legibus viuit sub tentoriis, quâ pabula inuitant, & sequentis fugientisque hostis temeritas, vt Pomponius Mela definit. Tales erant Pontici Sarmatæ, & plerique Germanorû, quod vitæ genus Scythæ hæcenus sequuntur.

De Roma.

Romulus tum natus est ex meretrice, cui nomen fuit Lupa, vt vult Plutarchus. Vnde lupanaria esse dicta volunt. Sed facinus tantum, fabula de Lupa animante crudeli obumbratur. Sub quali autem aspectu & constellatione hæc vrbs fundata fuit, docet Sempronius Gracchus.

Rubigalia festa.

Paulò ante instituta erant à Numa, festa rubigalia, qualia etiam nunc plerisque in locis celebrantur circa festum Marci Euangelistæ. Nomen ipsum indicat, quòd supplicationes populus tum faciebat ad Deos, ne fruges rubiginis vitio corrumperentur.

De temporibus Cyri Persarum Regis.

Anno ab orbe condito 3400
Olympiade 56
Anno ante Christum 600

Quis fuerit Cyrus, & quàm clarus princeps, multi historici memoriæ prodiderunt. Hoc duce à Babyloniis transit imperium ad Persas, cuius etiam famam & heroica facta complures loci celebres, ab eius nomine nuncupati referunt. Memorantur vrbes celebres, Cyra, Anticyra, memoratur & flumen quoddam non procul à Colchide, Cyrus, ab eius clade & occisione dictum. Ibi enim cum Tomyri regina fataliter confligens interiisse prædicatur. Fuit autem Tomyris regina Massagetarum. Hi antiquitus ad nomen Sarmaticorum populorum referuntur, vt inferiùs docebimus. Et vocantur hi in crimen, accusanturque crudelitatis à scriptoribus Romanis, sicuti & ipsi Sarmatæ. Sed nescio quomodo verum sit illud dictum: quo sese fortuna inclinât, eò & fauor hominum, addiderim ego, & stylus scriptorum. Nam autores non raro gnatonisando suis Romanis, adulatorum officia præstant, & quantum septemtrionalibus populis detrahunt, tantum se suis adiecisse putant. Cum autem Massagetarum populos Sarmaticos

E

fuisse constet,

*Getæ unde di-
cti.*

Gelones qui.

*Moschinorum
origo.*

*De Mazoni-
orum origine.*

fuisse constet, existimo eadem ratione appellatos, sicuti & alios eorum cognatos, Getas, γέτας enim græcis vicinum significat. Itaque qui Græcis vicini erant, habitabantq; ultra Istrum vers⁹ Thraciam, Getæ, id est, vicini Græcorum, qui verò ad flumen Tyram Tyrigetæ, qui ad Tibiscum Tissigetæ ab Herodoto vocantur, id est vicini & accolæ illarum regionum, quæ permeabant illa flumina. Arisigetæ, id est, bellicosi. Nam Aris Martem græcis significat, quem Getæ pro Deo colebant. Sic Massagetæ, id est, vicini Moschinorum montium, vel potius populi mixti ex Getis & Mysiis, ut Strabo vult. Gelones verò videntur dicti à regionibus, ubi niue, gelu, pruinis & glacie omnia rigent, qui & picti dicuntur à Poëtis, quòd vestib⁹ vermiculato opere acu pictis gaudeant, quarum vestium usus apud Moschos creberrimus adhuc est. Cum autem Massagetæ vicini semper erant Sarmatis Asiaticis, non desunt autores, qui existimant, quòd commigrantibus ex Asia in Europam Sarmatis, Massagetæ iuncti eis ad eas regiones peruen- rint, nomenq; Masouiorum nostrorum ediderint. Neque incredi- bilia admodum narrare videntur, præcipuè si ista conferantur cum iis, quæ de commigratione populorum occidentalium ex Asia, scriptores prodiderunt. Sicut enim Henetos ex Paphlago- nia orientali, Romanos à Troianis, Hispanos ab Hyberis, Moschos à Moschinis Capadocibus, Mysios à Mysiis Asiaticis, Pannonas ex Pæonia, sic Masouios à Massagetia colonias deduxisse, & in eas o- ras cum Sarmatis peruenisse autumant. Et sicuti istis in Asia coha- bitabant, ita etiam eò locorum insimul habitasse, eisq; sese con- iunxisse opinantur. Certè isti nostri, robore corporum & virtute militari non degenerarunt ab illis, qui duce foemina Cyrum cum innumeris exercitibus ad internecionem deleuerunt. Scio quæ no- stri Chronologi de Masouiorum origine à Maslao Tyranno, cuius castra secuti erant contra regem Polonorum, scripserunt. Sed mihi incredibile videtur, gentem tam præclaram & animo excelsa præ- ditam ab hoc vili homine, & quidem tyrânno nuncupationem suo- rum natalium petiuisse.

Annotatio.

Massagetæ olim Indiam versus collocatos scim⁹, sed successu tem- poris progressos esse occidentem versus credibile est. Scribunt au- tem autores, dictos esse Massagetæ, quod ex Getis & Mysiis v- nam Rempub. sibi constituerint. Porro Tomyrim, cum qua Cy- rus conflixit Reginam fuisse Getarum disertè ex Trogo Iornan- des demonstrat, & in signum victoriæ urbem Thamyrim in Mysia seu Got-

seu Gotthia de suo nomine ædificasse narrat. Scribit etiam, quòd cum ad fluentia Araxis infessa ripa transitum ei intercludere potuit, tamen elegit armis eum vincere, quàm loci beneficio submouere. Meminit & victoriæ eius de Parthis adeptæ, opimæq; prædæ ab eis ablata. Ibi, inquit, primum gens Gotthorum serica vidit tentoria.

Sub idem tempus.

Solinus capite septimo: cùm olympiade octaua & quinquagesima victor Cyrus intrasset Asiæ oppidum Sardis, vbi tunc Cræsus latebat, Athys filius Cræsi mutus ad id vsque temporis, in vocem erupit vi timoris: exclamasse enim dicitur: Parce patri meo Cyre, & hominem te esse vel casibus disce nostris.

*Athys filius
Cræsi.*

Aliud,

Zaleucus legumlator apud Loces, crebro sermone celebratur. Hic legem de adulteriis tulit, vt quicunque in adulterio comprehensus fuisset, vtroque oculo priuaretur, quam legem, quia filius eius violauit, pater hac pœna eum afficere voluit, sed populo intercedente pro filio iuvene, misericordem se exhibere voluit, ita tamen ne vis legis à se lata imminueretur, itaque sibi vnum oculum & filio vnum erui iussit. Hoc exemplum rarissimum est, apud nostrates legumlatores, aut earundem custodes. Ita maiestatem legum custodierunt prisca Reges.

De Zaleuco.

De temporibus Darii Regis *Persarum.*

Anno ab orbe condito 3453.
Olympiade 67.
Anno ante Christum. 547.

Sicuti Cyri ita & Darii imperium non fuit tutum à gentibus Sarmaticæ stirpis. Semper enim infestis armis infundebant se in regiones Asiaticas easque vastabant ac depulabantur. Ideo Ezechiel vehementer conqueritur, & denunciat eis malum exitum. Sed & Herodotus ab illis temporibus autor non valde remotus, quæ nam illæ gentes fuerint, quæ tum armis grassabantur per Asiam refert, & nominatim exprimit Getas vicinos Traciæ ad Bosphorum, sicut & nomen ipsum viciniam, vt supra monuimus, indicat. Nominat & Cimerios populos, nempe illos, à quibus Cimbri illi, qui Italiam inuaserant, originem ducunt. Cum

E 2 cunt. Cum

cunt. Cum his Sarmatas iungit. Apparet igitur non modò ex Berosi ac ipsi⁹ Mosis testimonio, sed etiam ex Herodoto gentem hanc plurimum consilio & armis tum valuisse. Neque enim imbellis ac mediocris fortunæ Principis fuit, non tantum sumere arma, sed etiam laceßere tantos Monarchas, Cyrum, Darium, ad quorum nomen Græci, Aegyptii adeoque totus orbis terrarum attonitus metu & formidine concutiebatur. Nabuchonodonefer certè tam latè & longè regnum suum extenderat, vt etiam in Hispaniam vsque peruaserit, vrbesque eius oppugnarit.

Cyrus igitur obiecit se furori harum gentium, vt illarum exercitus Asiam intrare tentantes arceret. Dari⁹ verò iam ingressos & omnia tumultib. miscentes, vt eiiceret, lógius processit. Sed Dario difficilior fuit fortuna, iam enim priore successu elati animo obprofligatum Cyrum, maiore spe & audaciori animo còtra eum ferebantur & intumescebant. Itaq; Darius mutato consilio, metuens Cyri fatales casus, ab eis pedem retulit: cum Getis verò in reditu pacem sanxit. Ad Amyntam verò regem Macedonum cum acerbiori mandato legatos misit, imperiosè præcipiens, vt terram & aquam traderent, si pacem habere vellent. Res illa durior Regi tum videbatur, sed tempori seruiendum fuit. Nam collatis copiis suis cum Persarum viribus, Darium robore & numero militum superiorem facile perspiciebat, proinde ad quietiora consilia decurrit, placidè respondet, legatosque illos ad conuiuium inuitat: sed legati inter conuiuandum obliti officii, minus verecundè pro ingenta Persis procacitate sese gerebant. Nam foeminis nobilioribus arridere & adblandiri inter conuiuandum coeperunt, immo vlteri⁹ prouecti etiam basia eis dare & impudicè attrectare libidinosum genus hominum coepit, quam petulantiam còiunctam cum insigni contumelia Rex aspiciens dolenter tulit, sed tamen iram firmitus compressit, in aliud oportunius tempus vindictam differens. Interim filius regis Alexander, patrem hortatur, vt se dormitum è conuiuium conferat, quo discedente simulat hilaritatem Alexander, ac paulò post rogat legatos vt concedant mulieribus à mensa surgere, promittens mox redituras. Vbi discessissent, iubet adolescentes totidem forma venustos, & animo generoso peditos vestib⁹ mulierum induere, ac succinctos gladiis sub chlamide in earum loca succedere. Cumque Persæ nihil de solita lasciuia remitterent, attrectareque pergerent, iuuenes abditos gladios expediunt, & subito ad vnum interficiunt omnes. Hanc historiam attexere volui, quia commemorata Darii expeditione, facinus hoc quod in se complectitur lasciuia poenam, transiliri non potuit,

potuit, praesertim cum hæc eodem tempore acciderint, quando transactio de pace cum Sarmaticis populis in reditu ex septemtrione ab eodem rege Persico facta fuisse prædicatur. Fuit autem hic Alexander Alexandri Magni proauus. In idem tempus refertur ab eruditis quod Herodotus refert de auxiliis, Lacedemoniis missis ab hominibus nostris, quos illi Viridomirim machimotatas id est bellicosissimos vocant. Athenienses perculsi metu ex aduentu nostrorum, detrectabant descendere in arenam.

De periculoso bello Darij.

Vbi Darius adiit periculum, dum se ad conflictum cum gentibus istis præparat, describit Strabo istis verbis. Inter mare Ponticum ab Istro Tyram versus, Getarum iacet solitudo campestris tota, & aqua carens, in qua Darius Hystaspis filius destitutus, quo tempore Istrum transgressus in Scythas duxit, in periculum venit, siti cum toto exercitu pereundi, ac serò intellecta re reuersus est.

De causis belli Darii cum Getarum rege Attyra, quem Scytham vocant.

Darius Attyræ regi Scytharum hac maxime de causa bellum intulit, quod filia eius petitas nuptias, non obtinuisset. Incredibili igitur apparatu, hoc est cum 70000. armatorum Scythiam ingressus, ac non facientibus iustæ pugnae potestatem, insuper repentinis incursum extremas copiarum carpentibus, metuens ne sibi reditus interrupto pontis fluminis negaretur, amissis 80000. bellatorum trepidus refugit.

*De causa belli
Paulus Orosius
lib. 2. cap. 8.*

De pontibus & apparatu belli fugaque Darij.

Deinde Darius rex Persarum Hystaspis filius, Antri regis Gotthorum filiam in matrimonium postulauit, rogans pariter atque terrens nisi suam perageret voluntatem. Cuius affinitatem Gotthi spernentes, legationem eius irritam reddiderunt. Repulsus igitur ac furore inflammatus Darius octoginta millia armatorum contra ipsos eduxit, nauibusque penè à Chalcedonia usque ad Bizantium intar pontium cōtabulatis, petit Thraciam & Mæsiam ponteque rursus in Danubio pari modo constructo, duobus mensibus crebris fatigatus excursionibus hostium, in Taphis octo millia perdidit armatorum, timensque ne pons Danubii à suis aduersariis occuparetur, celeri fuga in Thraciam rediit.

De temporibus Xerxis Regis

Persarum.

Anno ab orbe condito 3470
Olympiade 73

De expeditione Xerxis.

*Iornandes de
rebus Geticis.*

Post darii discessum iterum Xerxes filius eius paternas iniurias ulcisci cogitans, trecentis millibus armatorum, rostratis nauibus mille septingentis, & onerariis trib. millibus contra Gotthos profectus est ad bellum. Sed ut venerat, ita absque aliquo certamine suo cum rubore recessit.

Herodo. lib. 4.

Circa hæc tempora tradunt, Sarmatas elegantiae sermonis studendo, ut aliquid supra Mysios suos Homoglottos & supra Scythas haberent, genus sermonis elegantius & magis ornatum inuenisse. Aliquid tale etiam apud Græcos Solonis tempore euenisse narrant. Hinc apparet etiam illis temporibus magnam fuisse differentiam in moribus & sermone inter Sarmatas, & Scythicam gentem. Potest & illud ad eadem tempora adiici, quod de Pausania narratur, quod propriis oculis vidit, thoracem Sarmaticum admirando opere concinnatum. Fuit is coaptatus ex ungulis equinis & squamis Draconis, & tantæ duricie, ut nequaquam armis Græcorum inferior appareret.

*Pausanias in
Asiaticis.*

Thorax Sarmaticus.

De temporibus Artaxerxis

Persarum Regis.

Anno ab orbe condito 3520.
Olympiade 84.

Francorum origo à Scythis.

Tritheimius narrat, quod Germanorum Francorum non contemnenda pars sub hoc tempus à Scythis originem duxerit, idque ex ea occasione. Antenor Scytharum ad ostia Danubii rex, à Gotthis in bello cum multis cohortibus cæsus est: huic successit filius Marcomirus, qui populum cui præfuit in Germanorum fines ad ostia Rheni perduxit, & ibi nouum regnum inchoauit, ex quo tandem vtraque Franciæ regna propagata sunt. Regnavit Marcomirus annos viginti octo. Si cum Tritheimii historia conferas Herodotum libro quarto statim ab initio, de vna re videntur loqui. Dicit enim quod tum temporis Scythæ Cimérios regione

merios regione cedere coëgerunt. Non desunt tamen, qui dicunt hunc Antenorem non Scytham fuisse, sed Gotthicæ gentis. Neq; enim Scythæ ad ostia Danubii tum habitarunt sed Getæ. Et nomen filii Antenoris Marcomir indicat Geticam linguam, quæ eadem est cum Sarmatica, Polonicam redolens. Mir enim nostris pacem significat. Et multa nomina eandem vocem retinentia apud nos hætenus reperias. Cazimir, Wladimir, Ludomir, &c. Quod autem ad ostia Rheni confederit, existimo quod ei prior habitatio in patria ad ostia Danubii perplacuerat. Ne qua igitur parte inferiorem aut dissimilem priori locum post cōmigrationem suam capesseret, pro ostiis Iltri, ostia Rheni sibi delegit, ibique gentem nouam auspicatus est, quam Germani Neūmagon vocant, quod sonat, noui cognati. Vocati sunt postea Sycābri à regina quadam Britannia, cui nomen Cambra fuit. Vnum hîc quærendum puto, videlicet cum isti, Scythæ aut Gotthi fuerint, cur sibi & suis liberis nomina Troianorum imponebant. Ordine enim successionis reges ex illa stirpe vocabantur, Antenor, Priamus, Helenus, &c. Quod ideo commemoro, ne cuiquam absurdum videatur, quod veteres quoque, Polonorum Chronicam texentes, seriem antiquæ stirpis ducum Polonorum nominib. exoticis cognominarunt, videlicet Philaram, Alanum, Anchisen, Aencam, Ascanium, Pamphilum, Reafniam, & consimiles. De qua re superius quoque iniecta mentio fuit. Sed hîc quoque occasionem prætermittere nolui. Nam si Getarum regibus aut Cimbris quos Scythas Trithemius vocat, licuit Troianorum nomina in usum suum conuertere, eorumque nominibus insignire suos, non video causam, cur idem Polonorum maiorib. non licuerit, præsertim cum Iornandes testetur usu illis temporibus, principibus venisse, ut Romani Macedonum, Græci Romanorum, Sarmatæ Germanorum, Gotthi plerumque Hunnorum nomina mutuarentur. Hæc ideo recito, quia posteriores scriptores pro summa prudentia ducunt ob eam causam propinare risui, & etiam flagellare illos bonos Dlugossos, Miechouios antiqui moris homines, quod in seriem regum Poloniae principes introduxerint nomina Troianorum referentes.

Marcomir.

Sarmaticæ gentes cur Troianorum nomina sibi imponebāt

Libro de rebus Geticis, ab initio.

De temporib. Philippi Regis

Macedonum.

Anno ab orbe condito 3605.

Olympiade 105.

Anno ante Christum 406.

Ex historiis

*Lingua Heneta
apud Illyrios
ante Alexandrum
Magnum.*

HX historiis non difficulter colligi potest non tantum ante octingentos annos, sed etiam Darii & Alexandri temporibus Illyrios lingua Henetorum hoc est, qua Slauones vtuntur, vfos fuisse. Ad quam rem austruendam non desunt nobis argumenta. Nam si Heneti praeipuas sedes & portum suorum malorum quarentes cum Antenore profugerunt ex Asia post bellum Troianum in Illyridem, ibique domicilium ad tempora illa, quando Polibius vixit, fixerunt, certe linguam eorum sparsam istic fuisse nemo est, qui inficias eat: aut monstrent quomodo & quando isthinc expulsi fuerint Heneti. Relinquitur igitur esse verum & minimè dubitandum, illos Henetos Illyrios, cum Henetis seu Venetis nostris, & vtrosque cum Sarmatis cum quibus mixti erant, cognatos & ὁμογλώττης fuisse. Quod cum ita sit, res Illyriorum ad nostras gentes iure propinquitatis & necessitudinis merito pertinere videntur. Nec abs re fuerit, si bellorum, quae cum Macedonicis regibus gesserunt, hic mentionem fecero. Traditum est ergo Amyntam regem Macedonum, paulò ante Alexandrum Magnum captum fuisse in praelio ab Illyriis, sed deinde Philippus ultus est iniuriam fratris & talionem reddidit. Nam victis Atheniensibus Paonas aggressus est, & Bardyllum regem Illyriorum intercepit. Trucidata tum septem millia Illyriorum feruntur, & post victoriam potitus est aliquot oppidis Illyriorum, quae antea Macedonibus Illyrii ademerant. Haec proculdubio digna sunt cognitione eorum, qui cupiunt scire, quid cum Sarmatis Sarmatarumque cognatis in iis terris actum sit inter illas vicissitudines rerum & mutationes temporum, quando Monarchae Monarchis succedebant, & quando à Persis ad Macedones imperium transferebatur, appetentibus iam Alexandri Magni temporibus. De Philippi Macedonum regis matrimonio, quo pacto Medopam Gothilae Getarum regis filiam in vxorem acceperit, vt tali affinitate roboratus Macedonicum regnum sibi stabiliret, lege Iornandem de reb⁹ Geticis.

*Amyntas rex
Macedonum.*

*Bardyllus rex
Illyriorum.*

De obsidione Vidisitanæ Urbis in Mæsiæ, ex eodem Iornande & Dione historicis.

Eadem tempestate Philippus inopiam pecuniæ passus Vidisitanam Mæsiæ ciuitatem instructis copiis vastare deliberat, quæ tunc propter viciniam Tomyris, Gotthis erat subiecta: vnde sacerdotes Gotthorum, illi qui pii vocabantur, subito patefactis portis, cum cytharis & candidis vestibus ipsi obuiam sunt egressi, paternis diis vt sibi propitii essent, ac Macedones repellerent, voce supplici modulantes. Quos, Macedones sic confidenter ipsis occurrere con-

tuentes,

tuentes, stupefunt, & si dici fas est, ab inermibus tenentur armati. Nec mora, acie soluta, quam ad bellum instruxerant, non tantum ab urbis excidio destiterunt, verumetiam quos foris erant iure belli adepti, reddiderunt, foedereque inito ad sua reuersi sunt. Atheas à Strabone nominatur, Rex Sarmatiarum, qui cum Philippo tunc conflixit.

De temporibus Darii, vltimi Regis Persarum.

Anno ab orbe condito 3630
Olympiade III
Anno ante Christum 370

Dixi de iis, quæ acciderunt gentibus Sarmaticis sub Dario primo, dicam & de iis, quæ euenerunt sub Dario vltimo. Apparet omnino tum etiam summæ opinionis viros fuisse populos Geticos, utpotè, qui non modo ad Istrum, sed etiam usque ad Thracas, extenderant fines regni sui. Scribit enim Herodotus, quod Darius rex summis laudibus eos extulerit, maximique fecerit, cumque in conspectum eius venissent vocat, *αὐθιγοτάττος καὶ διναιοτάττος θράκων* : & videtur Darius concordare cum Homero, & alludere ad illas laudes, ubi nostras gentes ex Iouis sententia vocat, *Λαττιυορος Αβιος*, his non est iustior vlla gens hominum &c. Apparet ergo eos à barbarie fuisse remotissimos, virtuteque militari plurimum excelluisse, quandoquidem tam insigni præconio eos ornat. Sed cum eos Thraces vocat, videtur Græcis potius quàm Germanis, ut nonnulli recentiorum volunt, adnumerare eos voluisse. Iam enim tum trajecto Istro & superatis Mysiæ finibus Thraciam attingere incipiebant, præsertim Alexandri Magni temporibus. Ideo & nomina Græcorum suis regibus accommodando, se genti Thracum, ab ea captando beneuolentiam attemperare coeperant. Nam Dromichetes, de quo inferius dicetur, Græcum est prorsus vocabulum, à velocitate cursus, vel quod in rebus bellicis celeritati, in qua omnia sita sunt, studuerit, dictus. Sed & Theodoricus Græcum est nomen, illius inquam principis Gotthorum seu Getarum, qui Romam totamque Italiam temporibus Honorii armis subegerunt. Miror ergo vndenam quibusdam in mentem venerit, quod Gotthos Germanos fuisse asserere volunt, ex eò quod ne vnum quidè nomen Principum Gotthicorum monstrari possit, quod aliquid commune cum lingua Slauonica habeat (verba sunt Hi-

Homeri & Darii testimoniū de gente Sarmatica.

Iliados I.

De cognominibus Gotthorum, cur ea à Thracibus & Græcis mutuati sunt.

ba sunt Historici Polonorum.) Potest autem paruo admodum negotio monstrari, & Theodoric nomen & Dromichetis, Græcorum fuisse cognomina, quæ tum apud Russos in frequentissimo usu erant, & etiamnum esse non desierunt, ut ii qui in iis regionibus versati sunt testari possunt. Sed & illa nomina filiorum Theodorici, Vallamir, Theodomir, & Vindemir, prorsus resonant Slauonum cum idioma. Mir enim pacem significare nostris, nemo est, qui nesciat. Sed & hæcenus plurima oppida in Russia Polonia reperias, quæ huiusmodi cognominibus ab eorum conditoribus appellatur, ut Wolodomir, Cazimir, Sedomir, Skarmir, Lubomir. Sed & in Germania, Vismaria vrbs celebris, ideo sic appellata, quod eam à Polonorum duce Vismaro filio Lechi extractam fuisse inter omnes conitat. Sicut igitur Getæ non erant Thraces, quamuis inter Thraces à Dario numerentur, nisi forte per figuram, vicinæ ratione, ita neque Vandali Germani erant, quamuis à Plinio inter Germanos vicinitatis haud dubiè & commerciorum causâ reponantur. Sed quia inferius ex professo hæc quæstio vberius à nobis tractabitur, ideo lectori hîc molestus esse nolo, ne prolixioribus digressionibus indulgendo continuam seriem historiæ institutæ cum tædio lectoris, abrumpere videar. Igitur postquam à nepotibus Noë incipiendo, ad Alexandri Magni usque tempora historiam nostram perduximus, finem hîc libro primo imponamus.

Liber secundus

In quo ea quæ acta sunt in ijs terris, ab Alexandro Magno usque ad Pompeium, Magnum & Iulium Augustum comprehenduntur.

P R O O E M I V M

Iulus ipse libri indicat causam cur hic subsistendum lectori, & in medio quasi cursu respirandum censuerimus. Tunc enim Babylonicum imperium à Persis ad Græcos translatus fuit, unde grauißima bella secuta sunt, & vniuersa gubernatio in orbem terrarum immutata fuit. Durauitque circiter annos 300. Vocantur autem hi Principes, Magni per excellentiam, non tantum ob res bellicas, quanquam & he magnæ sunt, sed à rebus actis & auctis, domi, foris, pace & in bello, hoc est quod excelluerunt virtutibus æconomicis, politicis, bellicis, adde & ecclesiasticis, pietate inquam, & iustitia. Tales merentur dici inter Christianos: Constantinus Magnus, Carolus Magnus, Ottho Magnus, Cazimirus Magnus Rex Poloniæ. Inter gentes verò: Cyrus, Iulius, Alexander Magnus, qui tale meruit præconium: Pronocauit, inquit ut strenuus, equiparavit ut meritis, superauit melior, solus qui sine emulatione clarus, adeo ut nemo virtutem eius superare, vel optare saltem fortunam eius, ausus fuerit.

De tempo-

De temporib. Alexandri Magni

*Regis Macedonum & summi in orbe monarchæ.**Anno ab orbe condito 3630**Olympiade 111**Anno ante Christum propemodum 350.*

Monet nos temporum series continua, ut ea quæ temporibus Alexandri Magni cum gente nostra acta sunt recitemus. Sed commemorato nomine regis Magni, forsitan etiam aliquid magnum, quod ad rem propositam faciat, à nobis expectabit lector. Et haud dubiè in ea expectatione non hallucinabitur. Iam enim inde à primordiis maiora incrementa rerum ab iis gestarum, maiorem etiam & ampliorem nostræ historiæ suppeditabunt materiam, usque quo tandem ad Vandalorum & Gotthorum res memorabiles tam in Africa quàm in Italia gestas perueniemus. Alexander igitur Magnus cum in Achaia assensu & favore Græcorum dux belli contra Persas declaratus fuisset, dedit omnè operam ut nihil, domi aut foris prætermitteret, quod ad expeditionem Asiaticam pertinere videbatur, & quod ad augendam expectationem, quam de eo uniuersus orbis conceperat, facere iudicabat. Et quia de Getis gente vicina eorumque virtute militari increbuerat fama, audiueratque eos à suo hoste Dario prensari, utque se ei adiungerent præmiis inuitari, cupiuit & ipse eos quacunque ratione sibi deuincire. Facile enim prospiciebat, si se Dario adiunxissent, absente præsertim ipso ob Asiaticam expeditionem, multum damni eos Græciæ ob vicinitatem inferre, eiusque cursum victoriarum interpellare posse. Proinde Syrmum regem Getarum & insulæ Peucen, ubi Getæ præcipuum domicilium habebant, primò exquisitis artibus sollicitandum putauit. Cumque hoc non successisset, etiam bellum ei antequam contra Persas iret, indixit. Vario euentu res gesta est, sed tandem utrique è re sua iudicabant, ad pacis consilia decurrere. Nam & Macedo Asiaticam expeditionem in animo versabat, & Syrmus urgente Alexandrum Persico bello, facile magnum quid ab eo se extorsurum opinabatur. Itaque occasione viam patefaciente, & ipse pacem non abhorruit. Sanctur itaque pax, ineunt foedus, percutiuntur victimæ. Nec regem Syrmum opinio quam conceperat, fefellit: ab utrisque enim tum aliquid emunxit. Allata sunt à rege Persico munera & miræ pollicitationes: ab Alexandro verò præter honores delatos & virtutis

*Priuegium
ab Alexandro
Magno gentib.
Slauonica stir-
pis Alexandrie
datum.*

testimonium insigne, etiam finium amplissimi regni sui accessio-
nem non paruam adeptus est. Vidi ego priuilegiū quoddam gen-
ti Sarmaticæ ab Alexandro Magno donatum, quo ei omnia regna
& prouincias, quæ intra hos duos maximos fluuios, Borysthenem
nimirum & Istrum, attribuit. Talemq; eminentiam iusque absolu-
tum eis inscribit, vt omnes populos gentesque, cuiuscunque stir-
pis illæ fuerint, quæ in ea plaga orbis terrarum intra hos fines no-
minatos manerent aut mansuræ sint, eis obnoxios tributariosque
decernat. Inuentum & hoc priuilegium in Archiuo Boëmorum
regni, & postea in monasterio quodam non admodum procul à
Cracouia asseruatum fuit. Mirabarq; ego, & sæpe ea de re cum do-
ctis viris conferebam, quanam occasione & quo tempore ex muni-
ficentia Alexandri tantam beneuolentiam consecuti sint populi
Sarmatici simul & Getici: sed verisimile est hæc sub illos tumult-
us belli Persici accidisse, quando Macedo profecturus ad bellum
Asiaticum itineri se accingebat, & metueret ne Darii partes auxi-
liis missis Syrmus augeret, ideo tam liberaliter cum eo transegisse,
quod ex sequenti historia belli Dromichetis cum Lysimacho ge-
sto clarius apparebit. Non me etiam latent ea, quæ à nostris histo-
ricis memoriæ prodita sunt de bellis Lechi primi Polonorum du-
cis cum eodem rege Alexandro Magno, sed quid ea de re sentiam,
in Lechi huius historia apparebit. Memoria etiam digna sunt, ea
quæ literis Miechouiensis de stirpe Alexandri mandauit, & quod
originem eius à gente Slauonica deriuat. Hocque autoritate & te-
stimonio Philopolensium confirmare nititur. Affirmatq; constan-
ter eius rei non modo scripta nuda, sed etiam columnas & imagi-
nes hoc ipsum repræsentantes eosdem Philopolenses hætenus ha-
bere. Sed hæc veritati an sint consentanea, & quo pacto conueni-
ant cum serie eius progenitorum, quæ inde ab Hercule vsque ab
Herodoto deducitur, inferius suo loco dicemus. Strabo tamen re-
fert, libro septimo, Philippum patrem Alexandri, Getarum regi-
nam in matrimonium duxisse. Illa etiam Ptolomæi descriptio de
aris Alexandri ad Borysthenem locatis, ad confirmandā narratio-
nem superiorem de priuilegio Alexandri Magni, multum facere
videtur. Si enim signis & monumentis incurrentibus in oculos fi-
nes harum gentium veluti quibusdam gadibus confirmare, & ra-
tos habere non dubitauit, omnino nec absurdum erit relatu, etiā
ad signa, hoc diploma eum addidisse. Sed quidam contrarium sen-
tientes dubitant an Alexander illas aras erexerit, cum non appare-
at ex historicis, quod ille tantum temporis habuerit, vt illi vaca-
ret arctoas regiones inuisere. At parum refert per se ipsum id fece-
rit, an per

*Cognatio Ale-
xandri magni
cum nostris po-
pulis.*

*Philippi Regis
Macedonum
matrimonium
cum Regina Ge-
tarum.*

Aræ Alexandri

rit, an per quempiam alium. Iustinus tamen historicus libro tricesimo sexto affirmat eum per Zopyrona quendam illa bella septemtrionalia cum Massagetis administrasse. Quod si autem in dubium vocare aras illas licebit, licebit & de ponte dubitare, quem super fluenta Araxis erexerat, eumque Augustus Cæsar instaurare suo æuo curauerat. Vtraque enim tam ara, quam pons non longo intervallo loci à se distant.

De privilegijs duobus Alexandri Magni.

Ad illustrandas res Slauonicarum gentium proferuntur duo privilegia Alexandri Magni: alterum quod Bulgari producant in suis antiquitatibus ac etiam Croata, cuius exemplar aureis literis in pargameno Alexandria scriptum, inter Thesauros Turcorum hactenus pro magna gaza asseruari constanter affirmant, dicuntque illud eo tempore in manus Turcorum incidisse, cum Mahomet eorum Imperator Constantinopolim expugnaret: huius exemplum inferius à me subiicietur. Aliud verò privilegium, quod à me adductum iam est, ad Slauonicas nationes propriè pertinet. Ideo à Boëmis, qui etiam à Slauonibus oriundi sunt, Slauonica lingua descriptum asseruatur. Extat eius exemplar in quodam peruetusto libro Chronicorum Bohemicorum. Cogitans autem quando & quibus occasionibus emanarint hæc privilegia donationum Alexandri, incidi in Strabonis librum septimum, ubi describit Alexandri Magni expeditionem in Triballos usque in Istriam, quidque rei habuerit cum Syrmio rege Sarmaticorum Getarum ibidem annotauit, quod negocium, ut melius à quouis intelligatur, ipsius auctoris verbis illud explicabo.

De expeditione Alexandri Magni contra Syrmum regem Slauonicarum nationum: ex Strabone libro 7.

Alexander Magnus Philippi filius in ea expeditione quam in Thracis supra Aemum habitantes fecit, impressione in Triballos facta, quos ad Istrum usque & sitam in eo insulam Peucen pertingere videbat, vltiora autem fluuii à Getis teneri, eoque progressus dicitur. Et in insulam quidem ne intraret, nauigiorum fuisse impeditum penuria (eo enim confugisse ante Syrmum Triballorum regem aggressoque intrare obstitisse vi) ideoque in Getas traiecisse, captaque eorum vrbe celeriter reuertisse domum. Hoc eodem tempore Celtæ qui ad Adriam incolebant amicitiae & hospitii iungendi causa Alexandrum conuenerunt. Quos Rex comiter exceptos inter pocula interrogauit, ecquidnam esset, quod maxime metue-

Colloquium Alexandri cum Adriæ incolis.

rent, expectabat enim hanc responsionem, se ab ipsis maximè time-
ri, ii verò responderunt, nihil sanè, nisi fortè ne coeli ruina obrue-
rentur, interim se tanti viri amicitiam maximi pendere. Hæc qui-
dem simplicitatis barbarorum indicia, quorum ille non passus Ale-
xandrum in insulam venire, dona tamen misit, amicitiamque iun-
xit, hi nullius metu se teneri, magnorum tamen virorum amicitia-
am plurimi se facere responderunt.

*De Perdica prorege ab Alexandro in Macedonia relicto
et de bello eius cum Sitalco Gottho.*

*Iornandes de
rebus Geticis.*

*Saxonia vasta-
ta à Gotthis
occidentalibus*

*Orosius lib. 1.
cap. 16.*

Quem dolum (hoc est Philippi, qui sub specie affinitatis prouin-
cias Getarum Sarmaticorum inuaserat) tandem post longum tem-
pus reminiscens egregius Gotthorum ductor Sitalcus, centum mil-
libus virorum congregatis, Atheniēsis intulit bellum aduersus
Perdicam, Macedoniae regem, quem Alexander Atheniensium
principatui hæreditario iure reliquerat successorem. Magno præ-
lio cum hoc inito, Gotthi superiores inuenti sunt, & sic pro iniu-
ria quam illis in Mæsia dudum fecissent, isti in Græciam discurren-
tes, cunctam Macedoniam vastauere. Circa eadem tempora Got-
thi fines Saxoniae vastarunt, vt Trithemius narrat. Existimo hoc
factum tribuendum esse nostris Gethis occiduis, qui Visigotthi di-
cebantur. Nam tum Gotthi orientales implicati erant bello Mace-
donico, quod cum Perdicca illis fuit. Adhæc nostri Visigotthi
multò viciniore sunt Saxonibus, quàm Ostrogotthi. Scribit eti-
am Hypocrates Sarmatarum bellicosum ingenium depingens:
Hac in parte, inquit, nō modò mares sed etiam mulieres ipsorum,
vsque adeò arti militari vacabant, vt etiam legibus apud eos cau-
tū fuerit, nullam fœminam ad matrimonium admittendam, quæ
tres viros in bello non interfecisset. Apparet ergo hoc sæculo Sar-
matarū nomen, quod attinet res bellicas celebre fuisse. Nec imme-
ritò Paulus Orosius de iis gentibus in eorum laudem memoriæ
prodidit: Hos, inquit, Alexander euitandos pronuntiauit, Pyrrh⁹
exhorruit, Cæsar etiam declinauit.

*Diploma Alexandri Magni datum Illyrijs, ex Græco in
latinum conuersum.*

Extat in libro Dominici Cylleni Græci de veteri & recentiori sci-
entia militari ad Emanuelem Philibeum ducem Subaudia, im-
pressum Venetiis apud Franciscum de Portonariis Anno 1550.

Nos Alexander Philippi Macedonum Archos, Monarchiæ ac
Græcorum

Græcorum Imperator, Magni Iouis filius per Arthemum nunciū Allocutor Brachmanorum, & Arabum, solis & lunæ conculcator, Persarum ac Medorum domitor, dominus ab ortu solis vsque ad occasum, à meridie vsque ad septentrionem, Illustri prosapia Illyriorum populorum, Dalmatiæ, Liburniæ cæterarumque eiusdem idiomatis & linguæ gentium ad Danubium, & medias regionum sedes incolentium, gratiam, pacem atque salutem à nobis & successoribus nostris succedentibus nobis in gubernatione nostra mundi. Quoniam semper nobis affuistis veraces in fide, in armis strenui, nostri coadiutores bellicosi atque robusti, damus & conferimus vobis liberè & in perpetuum totam plagam terræ ab aquilone vsque ad fines Italiæ Meridionalis, vt nullus valeat ibi manere aut residere, seu ibi locare, nisi vestrates: & si quis alius inuentus fuerit morari, sit seruus vester, & postea sint serui posterorum vestrorum. Datum in ciuitate nostra noua Alexadrina fundata super magna Nili flumina. Anno xii. regnorum nostrorum arridentibus magnis Diis, Ioue, Plutone, Marte & maxima Dea Minerua. Testis huius rei Achetas, Iaxis, Legatichas & alii principes xi quos nobis sine prole decedentibus relinquimus nostros hæredes & totius orbis terræ. Contigerunt hæc ante aduentum Christi saluatoris circiter trecentis annis.

De temporibus post Alexandrum Magnum, Lysimachæ dominante.

Anno ab orbe condito 3650
Olympiade 116

Direpto dilaceratoque imperio à morte Alexandri Magni, pro se quisque agebat, obuia quæque sibi vendicans. Igitur Rex Getarum Dromichetes, ne interea temporis sibi quoque deesse videretur, vnum ex successoribus eius Lysimachum qui thesauris in vrbe Pergamo ab Alexandro præpositus fuit, bello adortus est. Et aliquanto post Lysimachus à Dromichete acie victus in deditionem venit, cumque de conditionibus pacis laboraretur diligenter, non ita multò post ab eo liberaliter dimissus. Lysimachus tandem motus illa clementia Regis Getarum, gratitudinis ergò concessit vt Getæ in posterum ad Istrum sedes haberent suas, immo & filiam suam Regi in vxorem despondisse narrat Pausanias. Inde factum esse credo, quod Getæ inter Thraces ab historicis subinde connumerati sunt, nominaque propria suis regibus à Græcis

Lysimachus à nostris captus

Lysimachi filiam ducit Dromichetes.

Græcis accepta indere cœperunt. Inde etiam factum reor, ut non modò noti fuerint Græcis, sed paulatim Græciam versùs fines domini sui protenderint. Conferantur hæc quæ de concessis à Lyfimacho prouinciis, Gotthicis populis retulimus, cum illa donatione Alexandri & diplomate vel priuilegio per eum nationibus linguæ nostræ cōcesso: existimo quod & ratio postulatorum, & æquitas concessorum, habet in se magnam verisimilitudinis notam, ut illam narrationem de transactione inter nostras gentes & Alexandrum Magnum nequaquam absurdam ac minimè fabulosam esse putemus. Sunt enim quidam ita morosi, ut malint suis commentitiis narrationibus, quas ipsi sibi in suo cerebro exsculperunt, locum dari, quàm ea quæ ex classicis scriptoribus eruta sunt, admittere.

De bello Lyfimachi cum Dromichete Getarum rege, ex Strabone.

Postea autem temporis Lyfimachus Getis, eorumque Regi Dromicheti bellum inferens, non discrimen duntaxat adiit, sed viuis in hostis potestatem peruenit, salutemque barbari humanitate adeptus est, uti supra commemorauimus. Duo ergo principes Alexandri Magni in deditiōem nostrorum Getarum deuenerunt, Perdicas inquam & Lyfimachus.

De rebus Illyriorum & de bellis Cimbricis Mitridatisque, quantum spectat ad præsens negotium.

Anno ab orbe condito 3735.

Olympiade 137.

Ante Christi aduentum 265.

IVuabit etiam non mediocriter lectorem cupientem sibi comparare notitiam rerum Sarmaticarum, nosse quid cum Illyriis gentibus actum sit ante Saluatoris aduentum. Diximus enim Illyrios duplici de causa obnoxios esse Polonis: & quod maiores nostri stirpis Henetæ, præcipuas sedes apud ipsos duce Antenore habuisse prædicantur, tum etiam quod Lechus, Czechus, Reipub. nostræ conditores ab eis prodiisse, & colonias secum duxisse in eas oras magno omnium consensu perhibeantur. Addam & ego tertiam rationem, quæ me adducit ut credam, illis temporibus lingua etiam nostra usus fuisse. Reperio enim apud veteres Geographos, Ptolomæum inquam & alios, nomina montium

Tres causæ.

mina montium & fluuiorum, quæ prorsus Polonicum idioma resonant. Sic mons notissimus, quem vocat Curuanca, qui Noricum ^{Mons Curuanca.} ab Illyrico dislimitat. Sic Odra Pfar villa, vnde progenitores nostri Lech, inquam, & Czech huc aduenisse perhibentur. Postquam igitur non mediocriter stabilimentum nostri homines suæ Reipub. ab Illyriis acceperunt, meritò dixi non parum conducere ad illustrandam historiam nostram res eorum, quæ illis tam cum Græcis quàm etiam Romanis intercesserunt nosse. Commemorantur autem ab vrbe condita quatuor potissima bella Illyrica. Primum, ^{Quatuor bella Illyriorum.} quando ab vrbe condita 525 Romani consules Fuluium & Posthumium miserunt contra Teucam Illyriorum reginam, quod bellum ab eis ob violatos legatos susceptum fuit. Secundum bellum fuit Persicum, quod cum Perseo Macedonum Rege gestum fuit. Tertium Macedonicum dictum, quod cum Gentio Rege Illyriorum gesserunt Romani. Captus fuit Rex Gentius & in triumpho vnà cum Perseo Macedonum Rege ostentatus. Quartum bellum Illyriorum numeratur, quod duce Cn. Calpurnio contra eosdem populos administratum est. Licet autem varias mutationes Illyrii experti sint, propter varia bella iam cum Regibus Macedonicis, iam etiam cum Romanis, tamen multa adhuc cognomina extant peruetusta, quæ monstrant veteres Illyrios eadem lingua vfos fuisse, qua & nunc vtuntur. Nam quod quidam eius rei causam in Russos & Roxolanos reiciunt, quod quondam vagabundi depulati sint eorum terram, & quod ab eo tempore linguæ nostræ vsus apud eos inualuerit, id non videtur consentaneum. Ptolomæus enim Geographus longè ante Russorum hæc bella vixit, immo etiam ante Lechi ipsius ad eas oras aduentum. Nam Mauricius & Phocas, quorum temporibus Roxolani penetrasse Europam prædicantur, multis post seculis vixerunt. Adde, quod illis Roxolanorum, quæ non diu durarunt bellis, incredibile est tam fortes impressiones factas fuisse, vt potuerint tot regna longè & latè à fundamento immutare. Longius spacium temporis & diuturnius intercessit, cum Gotthi Vandaliq̃ue Italiam concusserunt, Hunni Pannonias debellarunt, Francones Gallias oppresserunt, & tamen nec linguam eorum, nec vestitus rationem poterant in illis gentibus ad nostra vsque tempora ita abolere, vt nullum vestigium patrię linguæ, morum, & lineamentorum in vultu remaneret in ipsis, sicuti in Illyricis gentibus videre est, ita vt etiam si alia argumenta eius rei nobis deessent, vel hoc solum sufficeret, linguam hanc qua vtuntur, eis non esse adsciticiam & peregrinam, sed multis seculis hæreditario iure ab ipsis possessam.

Annotata post, de Illyriis.

Teuca Regina Illyriorum, Romanorum legatos interfecit. Titus Livius in sua historia prolixè hac de re.

Pleuratus Thraciæ Scerdiletus, Illyriorum Reges ac Aetoli, foedus cum Romanis faciunt contra Philippum Macedoniæ, eiq; bellum indicunt. Livius. Illyrii Macedoniam populantes ab Antigono victi. Polybius. Philippus Illyrios Macedonia expulit.

*Ab orbe condi-
to 2747.*

Paulus Aemilius Dimalem Illyrii ciuitatem vi coepit: vrbes cæteræ in Romanorum fidem acceptæ. Illyriorum rex in Macedoniam expellitur.

Histri populi ad Illyricum Romanos fugarunt. Marcum Licinium cum suis militibus opprefferunt, hinc Manilius Regem temulentum vicit.

*Livius Decade
quinta.*

Aepulo Istriorum Rex dum computationi indulget, capitur, qui captiuum se esse non sensit, donec mane discussa crapula à somno expergisceretur: tota regio tandem Romanis se dedit.

3792.

Gentius Rex Illyriorum bello captus, & in triumpho vnà cum vxore ostentatus à Luc. Amtio. Eodem tempore Illyrium subactum, Scodra capta, Livius lib. 4. Florus 2. capite 13. Eutropius 4.

3810.

Bellum cum Dalmatis vicinis eorundem Illyriorum. Martius parum prosperè primum, hinc feliciter contra Dalmatas pugnat. Tandem à Nasicca consule domiti Illyrii.

Exemplum amoris erga parentes.

Circa eadem tempora accidit insigne pietatis exemplum, quod Romæ editum est. Humilis in plebe & ignobilis puerpera, supplicii causa carcere inclusa matre, cum impetrasset aditum ad eam, & ne quid cibi inferret prohibita, deprehensa est vberibus suis matrem alere. Plinius libro septimo capite tricesimo sexto. C. Scribonius vicit Dardanos vicinos Illyriorum transalpinos, Mysiam superiorem versùs, & ad Danubium vsque primus Romanorum penetrauit, ob quod factum triumphum meruit. Plutarchus in Lucullo.

*Romani quan-
do primum ad
Danubium pe-
netrarunt.*

Circa hæc tempora difficilimum bellum Augusti Cæsaris cum Illyriis gestum describit Florus libro quarto capite duodecimo.

Illyrii quoque sub alpibus agunt, imasque valles & quædam quasi claustra custodiunt, abruptis torrentibus implicati. In hos expeditionem ipse sumsit, fierique pontem imperauit. His se & aquis & hoste turbantibus, cunctanti ascensum militi scutum de manu rapuit, & primus tunc, agmine sequente, cum Illyricus multitudine pontem

pontem succidisset, faucibus manibus ac cruribus speciosior sanguine, & ipso periculo augustior terga hostium cecidit. De iis vulneribus etiam Suetonius meminit: in bello, inquit, Dalmatico, (sed Dalmatiam, Illyricam regionem vocat) vulnera excepit: vna acie dextrum genu lapide ictus: altera autem & crus & vtrunque brachium ruina pontis confauciatus. Quam ergo hoc Illyricum bellum periculosum ac difficile fuerit Augusto, vel hæc vulnera testari possunt. Neque enim recordor aliis in bellis fauciatus fuisse. Proinde absolutis iis bellis cum tres triumphos simul egisset, non immerito scriptores, primi triumphus causam assignant, de Illyriis, secundi de Antonio post victoriam Acciacam, tertii de Cleopatra profligata.

Vulnera Augusti.

Dixi de rebus Illyriorum post Alexandri tempora usque ad Christum, dicam & de Pæonibus, Boiis, Gotthis, Cimbris, Sarmatis. Nam ad intelligendum statum illius temporis, quis fuerit in iis regionibus, apprimè est necessarium cognoscere historiam illarum gentium. Cum Romani hoc tempore negocia habuerint potissimum cum illis populis, & historiæ nihil memorabile hoc auge afferunt, quod non attingat res gestas Boiorum, Gotthorum, Cimbrorum, & aliorum quorum iam meminimus, de iis quoque utilia adferemus ad nostrum argumentum.

Alia tabula chronologica rerum Sarmaticarum.

Agis Pæonum rex moritur, Pæones à Philippo subiugantur. 3605.
Et forsitan tunc Pæones ad Danubium usque transferunt, ex quibus volunt Pannonas ortos esse.

Gotthi Sarmatici, quos Visogotthos vocant, hoc est ii, qui ad Vistulam sedes habuerunt, fines Saxonum vastant. Trithemius. 5637.

Ptolomæus Philadelphus septuaginta interpretes ad instar septuaginta patrum, à quibus ad turrim Babel secundum septuaginta linguarum genera gentes diuisæ sunt, congregat, isti sacra Biblia vertunt. Idem rex bibliothecam cui hætenus par non inueniebatur comparat. Huic præfecerat Demetrium Phalereum. 3685.

Hucusque Roma scandulis tecta fuit, Plinius lib. 16. cap. 10. Hoc etiam tempore primum argenteo signato uti coeperunt Romani.

Aemilius Boiorum agrum populatur deq; Gallis triumphat. 3740.
Idem Boii in deditionem accepti. Polybius.

Boiorum historia quomodo in rem nostram faciat.

Harum gentium mentionem facio, eò quod antecessores nostrorum Boëmorum esse dicuntur, aut iidem cum eis erant, ut plerique volunt. Erant autem vicini Gallis istis, qui proximi erant Rheno. Ideo eis commilitant.

Gotthi secundo ingressi Saxoniam vastant, quod de nostris 2745.
Visogotthis, id est, Vistulæ accolis, qui non procul à Saxonibus distant, 2745.

Gotthi Saxoniam ingressi.

stant, intelligendum est. Lucius Furius de Boiis & Gallis triumphat. Merula Boios superavit. Tertio Scipio Nasica eosdem Boios superat, & castra eorum capit.

Marcellus consul à Boiis oppressus magnam exercitus partem amisit. Liuius lib. 3. Si vim nominis Slauonici inspicias, hac voce Boii dicuntur bellatores ab eis, unde vox boio vac, boiarin. Et certe multa facessabant negocia Romanis, ut videre est ex hac consignatione. Marcomirus Sicamborum rex regnat ad Rhenum.

Gens Sarmatica cum Romanis bellum gerit.

Gens Bastarnarum Istrum transire volens submersa est. Eutropius lib. 4. sed & Orosius eam pugnam sic describit lib. 4. cap. 20. Bastarnarum gens ferocissima, autore Perseo Philippi filio, praedarum spe sollicitata, & transeundi fluminis cupiditate, sine ulla pugna vel aliquo hoste deleta est. Nam tunc forte Danubius, qui & Ister, glacie superstratus, pedestrem facile transitum patiebatur. Sed cum improvidè toto & maximo simul agmine inestimabilis hominum, & equorum multitudo transiret, enormitate ponderis & concussione gradientium concrepuit gelu, & glacialis crutta diffiliit, vniuersumque agmen, quod diu sustinuerat, mediis gurgitibus victa tandem & comminuta destituit, atque eadem rursus fragmentis impredientibus superducta, submersit. Pauci ex omni populo per utramque ripam vix concisis euasere visceribus.

Post Antenorem iterum Clodomirus Sicamber Gallos vicit, & ingenti clade affecit. Dum Sicamborum mentionem facio, recordandum, quæ de origine Sicamborum à Getis aut Cimbris supra retulimus. Trithemius autor, & Strabo lib. 7. Bastarnæ in mediterraneis Tirigetis confines sunt: quod de Podgoriis quidam intellectum esse volunt, & quidem non ineptè, ut mox apparebit. De Bastarnis hoc refero, quod & ipsi Sarmatica gens fuere, quamvis originem eorum ad Germanos plerique referunt, sed iam transierant in gentem Sarmaticam. Commemorat etiam Strabo quod ante hæc tempora Cimbris ab occidente prædones vagi venerunt ad Meothidem tympanis ex coriis humanis usi.

De bellis Cimbricis.

Duo etiam Cimbrica potissima bella hoc tempore commemorantur cum Italis: alterum quando obuius eis missus fuit C. Papyrius Carbo consul, qui eos fudit, fugauit, castris exiit: alterum quod duce M. Manilio Cos. gestum est ad Rodanum, ubi Romani ita victi & attriti sunt à Cimbris, ut decem tantum homines euaserint qui triste hoc nuncium Romam reportarunt. Cæsa tunc fuerunt Romanorum supra centena millia, simul cum sociis nominis Latini, tantusque metus & luctus Romæ obortus fuit, quantus Hannibale deuastante omnia, vix fuisse creditur. Legatur Orosius lib. 5. capite 16.

capite 16. qui fufius hæc persequitur. Primi hi fuerunt, qui viam & aditum Europeis populis ad Italiam monstrarunt. Adnumerantur in ea victoria Cimbris Teutones. Sed ex hac narratione Orosii, & Vellegii apparet, hiftoricos voluisse simpliciter Cimbros, Germanos appellare. Nam inquirentibus gentium originem, offert se Strabo, qui Cimbris nomen fuisse inditum affirmat à Cimmeriis, quos supra Thraciam habuisse sedes, nomen Cimmerii Bosphori indicat. Horum nominis & stirpis reliquiæ, illi populi sunt, quos hætenus Circasios vſitatè vocamus. Certè hi robore militari & animi celsitudine non sunt dispares illis Italiæ vastatoribus. Nam & auorum nostrorum memoria virtus illorum & dexteritas in bellis obeundis ita enituit, vt Aegyptii principale robur, & stabilimentum sui regni eius stirpis homines esse voluerint. Longoque tempore apud illos illa lex durauit, vt nemo in regem assumeretur nisi ex Mamaluchis, hoc est bellatoribus illis, qui creti erant sanguine Circasio. Vltimus ex ea gente Rex Aegyptiorum fuit Aſſymbeius ille à Selimo Turcorum Imperatore crudeli genere mortis affectus. Sed inuestigatores antiquitatum accuratiores cōstanter affirmant Cimbrorum illorum veterum patriam fuisse eandem, vbi nunc Circasii nostri sedes habent suas, & ex eo sanguine cretos, tandemque in Germaniam concessisse, sedesque suas in illam regionem transtulisse, quæ modò Cimbrica Cherſoneſus dicitur. Sed non ita facilè inuestigari potest, quonam tempore hæc acciderint. Nam sunt complures in ea ſententia, quòd tunc primum relictis prioribus ſedibus à Meothide palude rectà in Italiam contenderint, ac in profectione Teutones sibi adiunxerint vnà cum Tigurinīs ac Gepidis nostris, ac tādē aucti copiis & comœatu, Romanis intulerint bellum funestum, quo demum finito reliquiæ illius exercitus attritæ, post varias iactationes in Germania in illa Cherſoneſo habitationis locum delegerint. Alii verò iis à Cambra regina quadam nomen impositum ferunt. Quapropter optarim ego, vt posteriores hiftorici in euoluendis antiquitatibus veterum ſcriptorum integritatem imitentur, & quid cuique genti tribuendum sit, absque præiudicio tribuant. Non inuidere debemus nostris vicinis res niemoratu dignas, quas ipsorum antecessores peregerūt. Sed quæ etiam Sarmaticis populis propria sunt, malignitate verò ſcriptorum interuerſa, liceat nobis rursus vindicare. Cimbros veteres ad Sarmatas pertinuisse nemini est dubium, & nunc illas regiones pertinere ad ditionem regum Poloniae manifestum est. Nam & præfecturam illam Dux quidam magni nominis Viſnouecius summa cum laude, commendatam à Rege Poloniae administrat.

*Gepide.**De lebetē Gepi-
darum Augu-
sto oblato.*

Quod eo libentius commemoro, quia hoc anno, quo hæc scribe-
bam vir ille strenuus duos exercitus Scytarum dissipavit, duosq;
Caros, hoc est, duces belli præcipuos sanguine imperiali natos in
tercepit. Fuerunt isti vel fratres vel filii summi eorum Monarchæ.
Hæc propter illos addenda putavi, qui hîc somniant veterem Ger-
maniam, quâ Borysthenes, Tanais, Tiras, & Danubius exonerans
sefe miscet ponto, de qua re inferius plura. Gepidas fuisse Gotthi-
cos populos certum est. Habitabant ii etiam Carione attestante, v-
bi nunc est Scepusium ad flumen Visclam, Vislok nostri vocant.
Strabo etiam vltra Danubium Gepidas collocat Istriam versus,
sed nescio an isti Gepidæ Strabonis iidem sint cum Gepidis Sarma-
ticis, qui cum Cimbris stabant in acie ad aquas sextias, de quibus
modo à nobis tractatum est. Adducitur autoritas Cilicii Cimbri
quod ille affirmet lebetem æneum Augusto Cæsari dono à Gepi-
dis in Hispanias missum, sub illud tempus, quando in Hispaniis le-
gati regum, ei, petitem amiticiam occurrerant. Sed recordor me
legisse apud Strabonem libro septimo, quod Cimbri tum lebetem
obtulerint, qui apud ipsos sacerrimus habebatur, non Gepidæ. I-
dem Strabo ibidem laudat Posydonii sententiam, qui coniectura
colligit Cimbros fuisse homines prædones ac vagos, armisque ad
eum lacum vsque progressos fuisse: ab iis Cimmericum Bosphorum
denominatum quasi Cimbricum, cum Græci Cimbros Cimmerico
rum nomine afficiant.

3870.
*Gotthicus rex
Borobista Ger-
maniam inva-
dit.*

Ferè centum annis ante Christum Borobista rex Gotthorum
in Teutones irrumpit, contra quem conspirarunt tres reges, & co-
adunatis copiis eum vicerunt, videlicet Cassander, Sicamber, Ara-
thius Saxo Dornigiorum Hamer. Hunc quoque Borobistam Vi-
sogothum fuisse nullum est dubium.

3885.
*Diceneus Phi-
losophus.*

Hac ætate, id est tempore Syllæ, Sitalcus rex Gotthorum,
Germanorum terras depopulatus est. De qua re Iornandes in re-
bus Geticis ad eum modum: deinde regnante in Gotthis Sithalco
Boroista Dicene⁹ venit in Gotthiam, quo tempore, Romanorum
Sylla potitus est principatu, quem Diceneum Boroista suscipiens
Sithalcus, dedit ei penè regiam potestatem, cuius consilio Gotthi
Germanorum terras, quas nunc Franci obtinent depopulati sunt.
Hæc ante Christum ferè septuaginta annis acta sunt. Diceneus hic
fuit cōsiliarius & doctor, qui Philosophiam & Theologiam docu-
it Sarmaticos Gotthos.

Circa hæc tempora illa expeditio Thracum Italiam versus est
collocanda quam Luc. Florus libro tertio capite quarto recitat.
Inuaserant Thraces Thessaliam & in Dalmatiam vsque ad Adriati-
cum penetra-

cum penetrarant, & in mare contorta tela miserunt, quos, ubi resciverunt, persecuti sunt Romani duces sed dispari euentu: Didius vagos, & libera populatione diffusos intra suam repulit Thraciam. Drusus ulterius egit, & vetuit transire Danubium. Minutius toto vastavit Hebro, multis quidem amissis dum per perfidum glacie flumen equitatur. Piso Rhodopen Caucasumque penetrauit. Curio Daciam tenus venit, sed tenebras saltuum expauit. Appius in Sarmatas usque peruenit. Lucullus ad Tanaim.

An Dani incola Cimbrica Chersonesi, sint Cimbri illi veteres.

Dacos occidentales non Dacos sed Danos dicendos esse ostendit Iosephus Meletius Ptolomei interpres. Germanos autem aduenas esse in Daniam. Plebeios autem qui isthic sunt & alia quam Germanica lingua populariter loquuntur, esse stirpem antiquorum Danorum. Regem tamen Daniae non posse plus quam octodecim millia militum habere ad bellum. Tam angustam illam regionem esse, & ideo Cimbros illos veteres qui trecenta millia eduxerunt, non potuisse ex incolis illius insulae tantum exercitum conscribere.

Daniae nomen.

Commemoratis autem Cimbris & Roxolanis è vestigio in medium se profert Mithridatis Regis Ponti historia, qui eodem ferè tempore floruit, quo Cimbri claruerunt. Praesertim cum in eius historia expressè sit mentio Sarmatarum Bastarnarum & Cimbrorum. Mouet atrox & diuturnum bellum Romanis Mithridates, quorum potentiam ut citius frangeret, à fronte & à tergo eos aggressus est. Ipse quidem in Asia saepius cum Pompeio & aliis eorum ducibus conflixit. Sarmatas verò beneficiis & muneribus deuinctos ab alia parte contra eosdem concitauit. Hanc historiam Iustinus & Valerius tibi latius suppeditabit. Non recordor autem me legisse de alio bello Sarmatarum cum Romanis, isto praesertim tempore, nisi hoc quod Cimbri gesserunt. Vnde colligere licet Cimbros Sarmatas vocari ab historicis. Quod ne cui mirum videatur, subire debet in memoriam, quod Cimbri Bastarnae & Sarmatae tum temporis confines erant, & vnam patriam, tractum nimirum littoris Ponti & Meothidos incoluerunt. Itaque non est mirum si scriptores alternatim haec cognomina interdum confundunt. Sub hoc tempus, quae gesta sunt in Sarmatia Pontica, differit Strabo lib. 7. describens tabulam Sarmatiae & Thraciae. Et optarem ut lector iterum & iterum relegat illas descriptiones Strabonis. Quis enim stultus & qui mores tum harum gentium fuerint, facile ex illo loco colliget. Cum enim mores, bella, politiam eorum descripsisset, epilogum in fine

Mithridatis tempora.

3877.

*Hoc tempore
rex Sarmata-
rum Palaco
vel Polaco.*

*Taurica Cher-
sonesus & se-
ptentrionali-
ora quando &
qua de causa et
occasione Ro-
manis subiecta
fuerunt, sed nō
posseſſa tamen*

*Veneri portū
borysthenicum
à Regibus Po-
lonie obtinere
cupiebant.*

Salsamenta.

*Fertilitas agri
ad Tiram.*

gum in fine subdit istis verbis. Talis ergo est vniuersa portio Eu-
ropæ extra Danubium inter Rhenum & Thanaim. Propterea hor-
tator fui, vt relegatur hæc pars Strabonis. Inde enim non modò
Sarmatarum mores Póticorum qui fuerint, discet attentus lector,
sed etiam omnium gentium illarum, puta, Getarum, Vandalorum,
Baltarnarum, Gepidarum & etiam Germanorum. Dicit enim à
Rheno incipiens ad Tanaim, vnam regulam viuendi & mores te-
nuisse, ita vt possit hîc illud vsurpari: Ex vno disce omnes. Inpri-
mis ergo situm loci describit, deinde nominat gentes, quæ tum illa
loca incoluerunt, nominat Getas, Roxolanos, Vrgi, quorum ple-
rique Nomades sunt, Iazigas, Sarmatas, Regios, forsan Mithridatis
Magni, Tirigetas. Nominat & reges eorum proprios, qui littus
Meothidis Tauricam vsque ad ostia Tiræ fluminis gubernabant,
videlicet Leuconem, Sagoram, Palacum, Parisiadem. Hi, inquit, ty-
ranni vocabantur, quanquam plerique iustè imperabant. Fuit hoc
primùm liberum regnum, & nemini obnoxium erat. Sed Mithri-
dates Rex Ponti cum à principio belli Romani, vires crescerent,
eò res eorum adduxit vt ei tributum pendere cogerentur, & pri-
mo quidem perpusillum & tolerabile, sed postea laborans inopia
sumptuum in bellum Romanum, coactus est admodum intollera-
bile & onerosum imponere, qua de causa primò ei bellum moue-
rant. Verùm ne mole negotii opprimerentur, seruiuerunt tempori,
& vltro illis prouinciis cesserunt: tandem victo Mithridate omni-
a in Romanorum venerunt potestatem, & Romani postea Regi
Bosphori cuncta donarunt. Fuit illud territorium ad ostia Tiræ ad-
modum fertile & vbere gleba. Proinde Leuco rex, Atheniensibus
ex illa regione frumenta quotannis mittebat, quem morem Vene-
torum Respub. cum puer essem reducere suum ad vsum volebat,
miserantque Oratores ad Sigismundum senem regem Poloniae ro-
gatum, vt exemplo hoc veteri regum Sarmaticorum & etiam Ka-
zimiri Magni supra ducentos annos, vellet in eum vsum terras eas-
dem, & portus concedere, vt Cyprios suos inde subleuare possent
frumento. Adhuc enim tunc Cypri regnum sub potestate Veneto-
rum erat. Tributi nomine illi veteres reges Mithridati cxxc millia
medimnorum pendebant, & 13. talenta argenti. Facit etiam falsa-
mentorum mentionem, quæ ex illa regione in totam Græciam
mittebatur, pisces forsan vsiones aut lucios quales nunc ex Russia
vsque ad occidentalem Oceanum passim transmittuntur. Ager,
inquit, ibi quocunque fossore scissus tricuplum reddebat.

Post montana, inquit, vrbs sequitur Theodosia campo prædita
fertili & portu vel centum nauibus recipiendis apto. Hic olim li-
mes fuit

mes fuit Bosphorianorum & Taurorum, sed & nostri haecenus, qui ex illis regionibus veniunt, mirabilia de illa fertilitate, & piscium copia & mellis abundantia narrant.

Facit etiam ibidem Sarmatarum potentiae mentionem. Osten-
sum est, inquit, migrationes populis contingere, ubi finitimi in im-
belliores impetum faciunt, sicuti qui sunt trans Istrum Sauromatae
saepè praualuerunt, pulsisque aliis in eorum loca immigrarunt.

*Potentia Sar-
matarum tem-
poribus illis.*

De frigoribus illarum regionum narrat, & pro inaudita re po-
nit, in Bosphoro vites sub hyemem defodi. De caloribus verò in-
tensis, quibus interdum regiones illae aduruntur, physicam ratio-
nem & quidem peculiarem adducit. Sed & aestus, inquit, ibi acci-
dere tradunt ingentes. Siue id fiat quod corporibus aestus est inso-
lens: siue quod crassus aer tanto magis incallescit. Meotidem vocat

*Physica ratio
cur caleant re-
giones septem-
trionis.*

putrem paludem, & vix inquit futilib. potest nauigari cymbis. Vent-
enim, inquit, facile coenosa loca denudant, & scopulos intra aquas
latentes. Talibus futilibus cymbis haecenus Borysthenici Kozaki
vtuntur. Templi dicti Parthenii etiam mentionem facit, forsan pha-
num illud Dianae, de quo infra. De cibis loquens facit mentionem
condimenti ex lacte, quod apud nos haecenus in usu est, & voca-
tur campust: acido, inquit, lacte vtuntur pro condimento, certa

*Lactis condi-
mentum.*

quadam arte preparato, ideo inquit, Homerus eos vocat galacto-
phagus seu lactiuoros, verba sunt Strabonis: Stipedia, inquit, non
soluunt aliis regibus, viribus suis confisi. Castrant, equos, vt eo
habeant eos ad equitandum mansuetiores. Sunt enim parui, verum
acres admodum & cotumaces. Habent, inquit, etiam animal, quod

Colos animal.

ab iis Colos dicitur, magnitudine inter ceruum & arietem media,
album, cursu quam illa velocius quod naribus aquam in caput hau-
rit. Ego existimo Strabonem de Alcibus loqui, qui lingua nostra
voce simili Los vocantur, tantum syllaba co adempta. Nam isti na-
ribus solent aquam in insequutores suos ciaculari. Rustici ait, eti-
am si humiliores videtur, tamen latrocinii non abstinent in mari.

Hoc etiam haecenus inter eos reperias. Postremo etiam bellorum
ab eis gestorum mentionem facit. Primum Roxolanorum de qui-
bus sic dicit: Roxolani etiam contra Mithridatis legatos pugnaue-
runt, Tasio ipsos ducente, vt suppetias ferret Palaco. Et creditum
est eos esse bellicosos. Sed aduersus compositam probèque arma-
tam phalangem quauis barbara natio & leuis armaturae exercitus
parum habet virium &c. Vtuntur galeis de crudis bouum tergori-
bus & toracibus, kaphtan puto. Arma iis hasta, gladius, arcus, &c.

*Bellum Roxo-
lanorum.*

*In composita a-
cie quantum sa-
tum sit.*

Hæc de moribus Sarmatarum ex Strabone. Secundum bellum fuit
Mithridatis cum se aduersus Romanos pararet contra Scythas qui

*Bellum Mithri-
datis & sar-
matarum.*

H

Scyturo

Scyturo & Paleco fratri parebant. Etiam illo tempore immisce-
bant se Sarmatiis. Vocat eorum prouinciam paruum Scythiam.
Tertium bellum Mithridaticum fuit ad Eupatorium urbem, quam
in memoriam nominis eius Diophantes dux exercitus cōdiderat
in Chersoneso. Et optarim, ut viri bellicosi artem illam veterum
expugnādarum munitionum, qua ibi Mithridatici milites vsi sunt
expendant. Describit hanc idem Strabo eodem in loco. Et certè ta-
lis est, quæ conferri possit cum recentiorum ingeniosis inuentis.
Ex his Mithridaticis bellis nata puto erant illa bella Romanorum
contra gentes Sarmaticas. Nam Iustinus tradit, quòd Mithrida-
tes eo tempore sollicitè Sarmatas exasperabat & concitabat con-
tra Romanos, ut eis mouerent bellum, quo vndique eorum viribus
distractis occasionem opprimendi eos nancisceretur. De hac re su-
pra iam dictum est.

*Mithridates
concitat Sar-
matas contra
Romanos.*

Huc referatur inuasio illa Gotthorum duce Comossico, qui
fuit rex & sacerdos gentis. Contra hunc cum continuis decem an-
nis Germaniam affligeret, deuastaret, & depopulareretur, coacti sunt
Teutonici populi fœdus perpetuum inire, ut quæque regio, si opus
esset auxilio adiutum veniret, communemque causam defenderet.
Et ob eam confœderationem, ac veluti fraternitatis cuiusdam co-
gnationem Germanos dictos esse Germanos plerique putant, cui
sententiæ etiam Cornelius Tacitus & Strabo astipulari videtur af-
firmans Germanos à Gallis Romæ Germanos seu fratres fuisse cō-
pellatos, & inde origo cognominis GERMANVS deducitur. Sed
aliis beati Rhenani sententia magis placet, qui Germanos dictos
affirmat à vocola gar & man, quasi garman, id est ex toto vir.

*Germanorum
nominis ety-
mon.*

*Gepidarum si-
tus illo æuo.*

Gepides Dalmatæ Pannonii in potestatem Cæsaris tum reda-
cti, sed Gepidarum sedem Strabo ponit ad Danubium sub Albio
monte, non in Lithvvania ut quidam scripserunt. Hi, inquit Stra-
bo, armatura Gallica se muniebant, notis compuncti corpora in
more reliquorum Illyriorum & Thracum. Sed de istis inferius,
ubi de Cimbris agemus, cum quibus in acie stetisse in pugna ad a-
quas Sextias feruntur.

strabo lib. 7.

3939 anno, hoc est, ante Christum natum triginta annis, ii-
dem Gotthi quos Visogothos, id est Vistulæ accolæ exponere li-
cet, vi & potentia illius confœderationis Germanicæ ex Germa-
nia expulsi erant.

*statio alia Ge-
pidarum.*

De gente Gepidarum lege Procopium lib. 3. de bello Gotthi-
co. Habitabant isti etiam Procopii tempore ad Syrmium & Dal-
matiae partem occupauerant, de qua re controuertebant coram
Imperatore Iustiniano. Apparet etiam ex rebus actis post mortem
Attilæ,

Attilæ, eos hîc alicubi mansisse, vt supra dictum est. Cum enim filii Attilæ inter se de successione circiter triennium dissiderent, Ardaricus rex Gepidarum bellum mouit aduersus Hunnos, & trucidatis triginta millibus Hunnorum & filio Attilæ Ellac maximo natu, potitus est regno Pannoniæ, sed de iis inferius.

*Ardaricus rex
Gepidarum il-
lo æuo.*

De temporibus Iulii Cæsaris.

EVerunt illis temporibus & paulò post complures scriptores, sed in eruenda & elicienda ex eis veritate magnus delectus adhibendus est, considerandumque quo quis eorum animo & tempore scripserit. Strabo grauis scriptor inter Geographos: sed quia describere situm orbis terrarum eiusque partes, recens argumentum fuit, nec adhuc expolitum, non ita ad amissum potuit omnia efformare: & sicuti ei vel prouinciarum præfecti Romanorum, vel oratores qui in variis partibus mundi legationes obibant, per manus tradiderunt, ita ipse suis libris memoriæ prodidit, multa posteris expolienda relinquens. De hoc paulò inferius.

*Censura adhi-
benda legendis
autoribus.*

Berosus multò vetustior Strabone, sed homo Chaldæus de occidentalibus prouinciis non potuit exactè omnia nosse, propter longissimam distantiam locorum. Proinde à scriptoribus occidentalium regionum fabulosus vocatur. Veteres tamen magis reuerenter de eo sentiunt. Vide Iosephum contra Apionem lib. i. Ego etsi non sum is, qui mihi summam iudicium de tantis viris, tamen quia ad submouendum lectorem res est admodum necessaria, hunc scopulum transilire sine nota negligentia cuiusdam non possum. Dico ergo, reuerenter de hoc viro sentiendum, quia se ea quæ scripsit, publica fide scripsisse fatetur. Adhæc ne omnia acta rerum humanarum prorsus in dubium vocentur, habendos esse in honore veteres scriptores, qui de antiquitatibus mundi, tanquam de suis rebus videntur loqui: tamen sicubi eos contingat à sacrosanctæ scripturæ testimoniis aberrare, deferendi sunt. Huic regulæ & Berosi historiam subiiciendam iudico, & maxime vbi originem Sarmatarum & Tuisconum confundit. D. Cromerus cum in eo aliquid suspectum offendit, aut adulteratum aut ex Chaldæo in Græcum malè versum esse putat. Nec mirum est interdum scriptores adulterari, quod exemplo Eutropii de legatione Philonis ad Apostolos, & aliorum historicorum probari potest.

*Eutropius a-
dulteratus.*

Diodorus Siculus iam Beroso hac in parte inferior censetur.

bibliothecas aliorum hic voluit coaceruare in suos libros, & fabulas Scythicas aspergit.

Strabo Augusti militiam sequebatur, proximusque fuit ætati Christi domini. Res ponticæ videntur ei fuisse non incognitæ. Nam subditus fuit Mythridatis regis Ponti ex vrbe Amasia, et hinc non procul natus, Tirannone grammatico vsus fuit præceptore. Vbi Polybius desuit, inde veluti à calce narrationes suas texere incipit. Fuit maximus Homerici ingenii admirator, eiusque carminibus tanquam diuinis oraculis sua scripta cohonestare nititur, eumque à criminationibus Eratosthenis Geographi strenuè defendit, in hoc tamen ab Homero dissidet, quod Cimerios Bosphoranos, qui postea cum Romanis bella gesserunt cruenta, ab occidentilibus, qui ad Chersonesum delati erant, ortos esse docet, cum Homerus antiquissimos incolas fuisse Cimerios testetur. Et scriptura sacra docet occidentales populos ab orientalibus ortos, non contra. Adde quod ipsemet ingenuè testatur occiduas regiones, quæ vltra Albim sitæ erant, sibi incognitas fuisse. Fieri tamen potest vt exercendæ pyratice causæ etiam ex Germanis multi discurrerint vsque ad pontum Euxinum, & Cimeriis veteribus se adiungentes in Kozakorum artibus se exercuerint, quod & hætenus facituri ab Hungaris, Germanis, Lithvvanis & aliis gentibus, quæ se eò, vsu recepto conferunt, experientia docet.

*Iudicium de Li-
mo Stephani
Regis Poloniæ*

*Germani an a-
liunde vene-
rint.*

Liuius verò historicorū princeps dicitur. Gaius tamen Cæsar sinistrè de eo sentit, neq; Liuium, sed liuidum vocandum suadet. Adhæc verbosum & negligentem: ideo ex bibliothecis publicis putauit eiiciendum. Stephanusque Rex S. Polonorum, me coram astante dixit, eum quod attinet ad instructionem exercituum, complura scripsisse, quæ nunquam in vsu erant. Sed quis est quæso historicorum cui labi & errare non contingat: securè interdum dormitat Homerus, dixit ille. Tacitus Cornelius, quia pleraque ex Beroso desumfit, etiam apud eosdem neotericos eadem nota aspergitur, qui que apud multos eloquentiæ laudem obtinuit, à Tertulliano non simpliciter eloquens, sed mendaciloquentissimus vocatur. Vixit is sub imperatore Traiano, Plinii Iunioris æqualis, cum quo etiam vixisse familiariter prædicatur. Ea tamen de quibus scripsit non contigit ei propriis oculis videre, ideo non raro hallucinatur. Scripsit is Germanos aliunde non venisse, sed ibidem cretos esse. Dicit ea se quæ de Germanis scripsit, ex carminibus & cantilenis eorum accepisse, quod vnum, inquit, apud eos memoriæ & annalium genus est. De origine cognominis Germanorum cum Strabone consentire videtur. Quod si aliunde non venerunt, contrarius ergo

trarius ergo est Cornelius sententiæ eorum, qui veterem Germaniam ad Euxinum Pontum & in Asia statuunt, ex illisque locis delatos longo spacio temporis post commigrationem Tuiskonis hinc confedisſe. Codicem quoque Cornelii corruptum fuiſſe, teſtatur duplex lectio, quæ in marginibus annotatur.

Plinius Scythiſ Germanos & Sarmatas adnumerat, quod ego excuſandum per figuram catachreſeos iam oſtendi.

Sed quid miramur iſtos? cum & in philoſophis hac in parte deſideretur fides. Ariſtoteles problemate 15. ſcripſit & memoriæ prodidit, **TRACE**s qui in viciniâ noſtra erant, ita eſſe rudes & nihili ut numerare etiam neſciant niſi ad quatuor. Sed quid miramur alienos, cum etiam noſtri non veriti ſunt balbutire, alienis erroribus admodulantes, affirmando pro re certiſſima ante quadringentos annos pecuniam incognitam fuiſſe Poloniſ, ſed corrigio inquit loco pecuniæ utebantur, cum ex legibus appareat illis temporibus non modò Reges, ſed etiam Episcopos facultatem cudendæ pecuniæ apud nos habuiſſe. Ita dum alius ſupra alium noui aliquid adferre vult ſutilia mendacia ſparguntur. Non ſunt immunes etiam viri graues interdum à ſpecie quadam vanitatis, dum extollere ſuam nationem quiſque ſatagit. Cum adoleſcens eſſem, & in Germania operam literis darem, quidam vir ſummæ autoritatis, & quidem Theolog⁹, cum hilariſ conuiuaremur, & de Lithvvanis mentione iniecta fuiſſet (aderant autem tum etiam quidam qui hæc audiebant ex ducali ſtirpe.) Quid inquit, ſi eos noſtri Germani non docerent, etiam liberis operam dare neſcirent. Ecce vides uſq; adeo verum eſſe illud: Suum cuique eſt pulchrum.

Ptolomæus poſterior iſtis, apparet omnibus diligentior fuiſſe. Similiter tamen prout alii ea quæ ſcripſit alienis oculis vidit. Et vocabula rerum nationibus viſitata, Græcæ elegantie & proprietati phraſis cum eſſet nimium addictus ſubinde corrumpit. In quod etiam vitium plerique noſtratium incurrerunt, dum ſcribentes hiſtoriam delicatis Romanorum auribus nimium placere ſtudent, & ex Polonicis nominibus illas ſiſiſitiones tanquam minus conditas & barbaras, ut illis videtur elidere conati, ex bonis Polonicis malè latina reddiderunt. Ita ſcilicet vitia quædam vitando in contraria incurrimus. Cautior hac in re Ouidius videtur. De hoc enim genere verſionis peregrinorum vocabulorum prudenter ad eum modum ſcripſit.

Peregrina nomina elegantie causa non licet corrumpere.

*Hic ego ſi vitijſ auſim corrumpere nomen
Ridear, & meritò peccatus habere neget.*

Numeri latitudinum & longitudinum in Ptolomeo corrupti, non sine maximo damno studiosorum.

Et Augustus Cæsar testante Suetonio in vita Augusti perinde scribendum ac loquendum existimavit. Etiam & hoc eidem Ptolomeo per familiare est, quod describendo remotiores regiones, nomina earum propria omittit, sed loco eorum aut prænomena aut cognomina eis imponit quæ ipsemet confinxit, ut Ichteophagi, id est piscium voratores. Galactophagi quia lacticiiniis vesciebantur. Sic Agatyrsi, Anartophracti, Iazyges, Tisigetæ etiam, Tirangitæ & consimiles. Neque enim credibile est eo pacto aliquas gentes usu recepto antea uspiam vocatas fuisse: sed quia aut cibo tali, aut exercitio consimili occupabantur: vel ad flumina sic vocata habitabant, ideo ab illis locis sic dictis, & usu rerum eis recepto nomenclaturas eis imponit. Inde factum est cur in eo autore pauca nomina Polonica & Germanica inuenire liceat, quæ posterius seculum à maioribus eis tradita constanter retinuit.

Iornandes iam de rebus Geticis certiora narrat quam alii, sed exordium eius adulteratum & suppositiciū esse videtur. Non enim constat sibi, & principium cum fine non cohæret. Getas ex parua illa insula Scandia, quam vaginam gentium vocat, educit, & postea quasi oblitus sui eos bella ingentia cum Sesostris rege Aegyptiorum & postea cum Thessandro, Achylle & aliis, duce & rege suo Thelepho ex Hercule prognato gessisse. Quæ si vera sunt, ut quidem ea verissima esse series historiarum monstrat, tunc omnino eam ipsorum transmigrationem in Sarmatias ex Scandia, ante bellum Troianum & forsan etiam ante Colchicum fuisse necesse est. Nam Sesostris ante bellum Troianum, Telephus autem tempore belli Troiani vixit. Si igitur Ostrogotthi & Visogotthi nostri ex Scandia ab occidente prodierunt, necesse esset eos ante Christi aduentum plus mille & trecentis, aut certe quadringentis annis id fecisse, quod cum temporum ratione minimè consentit. Nec auctoritate alicuius historici vetustioris fulciri id potest. Et propterea dixi principium esse suppositiciū, aut ab illo Ablauio historico, quem sequitur & quem allegat, hac in re deceptum fuisse puto. Sed & paulò post veluti oblitus sui, tradit eos ex Scythia ortos, & stationes eorum profectionis describit, folio sexcentesimo sexto.

Procopius Medicus, velut quidam volunt, Imperatori à commentariis. Hic quia castra Bellisarii sequebatur, dum Gotthicum Vandalicumque trahitur bellum, veriora præ aliis tradidisse creditur. Ea tamen quæ in castris acta fuerunt, melius nouisse videtur, quam illa quæ domi, & in patria illarum gentium antiquitus contigerant.

De posterioribus

De posterioribus scriptoribus.

Schaffneburgensis ante quingentos annos vixit,

Helmodus Presbyter ante quadringentos,

Gallus & Cadlubcus ferè synchroni regi Criuoustio.

Blondus Forolimensis decades scripsit. Affirmat autem is Slaus iam dudum sedes in Polonia habuisse, indeque primùm Illyricum petiisse, & ex Illyrico iterum cum Lecho repedasse.

Dlugossium Delium, natatorem vocat D. Cromerus.

Hæc breuiter.

Ouidii Poëtæ descriptiones, quod Iulii temporibus adscripserim, etiam si Augusti tempore exulauerit, causa est quod eius narrationes seculum Iulii respiciunt. Miror autem recentiores, qui de Getis & Sarmatis vetustioribus sententiam suam ferre, historiamque eorum complecti conantur, cur eum præterierint, cum ille solus id præ aliis scriptoribus, quos nominaui, peculiare habet, quod in exilium ad Getas missus, ea quæ per aliquot annos familiariter inter eos versando vidit, verius narrare potuit, & literis mandare, quàm illi, qui alienis auribus, & alienis oculis percontando, ea quæ non viderunt, posteris legenda reliquerunt. Ego igitur de rebus Geticis Sarmaticisque scripturus, autorem huic diligentius nunc examinandum perpendendumque statui. Et quia Geographi describentes aliquam regionem, hanc ut plurimum methodum seruant: Primum tradunt situm regionis, deinde fines eius, quæ illi latera vel orientis vel occidentis, septentrionis & meridiei vocant, tandemque ea quæ intra illos fines continentur depingunt, hoc est, vrbes, vicos, & munitiones celebriores, quæ sitæ sunt ad loca nobiliora, fluuios qui regionem præterlabantur. Sylvas item & paludes, quæ putantur esse notabilis quantitatis. Hæc omnia quoad fieri licebit, ex Ouidio illustrare conabimur. Ac situm quidem Sarmatiæ ponit ille ad Pontum, cuius etiam partem maximam Sarmaticum mare aliquoties vocat in carmine suo.

Ouidius.

Situs Sarmatiæ.

Crede tamen, nec te causas nescire sinemus,

Horrida Sarmaticum cur mare duret hyems

Ex hoc testimonio poëtæ demonstratur, quod isti populi mare proprium à suo nomine Sarmaticum dictum antiquitus habebant non modò ad occidentem quàm Istula in Oceanum se Sarmaticum exonerat, sed etiam ab oriente quàm patet Meotis & Pontus ad ostia Istri. Ibi enim tum Sarmatæ præcipuas sedes habebant. Propriè igitur loquendo Sarmatia nobis erunt populi illi omnes qui intra duo illa

*Fines Sarmati-
arum a mari
ad mare Sar-
maticum.*

duo illa maria ab occidente & oriente, & montes Sarmaticos qui meridiem respiciunt continentur. Nominat tandem & describit iis versibus præcipua flumina, quæ ad has terras pertineant. Ac de Borysthene sic.

Borysthene.

Cumque Borysthene liquidissimus amne Diraspes

De Danubio.

*Innumeri que alij, quos inter maximus omnes
Cedere Danubius se tibi Nile negat.*

*Nitrositas &
falsedo maris.*

Inter hæc duo maxima flumina veluti inter duos limitaneos fines, alios cōplures describit, quos tam frequentes memorat, ut etiam affirmet p vbertate aquarum, quibus irrigatur Pontus, immutari naturam maris illius, ut dulcedine fluuiialium aquarum nitrositas & falsedo maris alteretur.

De Hypani quem Bozek multi putant.

Hunc Licus, hunc Sagaris Peneusque Hypanusque Cratesque

*Epitheton Ty-
ra.*

De Tyra quem Nestrum vocant Poloni.

Labitur & nullo tardior amne Tyras.

Sed hæc descriptio minimè conuenit nostro Niestr. Vocat enim tardissimum, cum cōstet Nestrum celeritate sua & rapiditate multa flumina antecellere.

De mari Sarmatico, id est, de Ponto iterum.

Horrida Sarmaticum cur mare duret hyems

Et alio in loco.

*Celebris men-
tio maris Sar-
matici.*

Sed non Sarmatico tingitur mari

*Quod terras Geticas, unde Gotthi tum prodierunt, ubi
et Thomos urbs fuit, Sarmatiam vocet.*

*Ovidius in Sar-
matia vixit.*

Nec mea Sarmaticum contegat ossa solum

*Inter hæc flumina varias gentes collocat, eisque
sedes attribuit suas.*

De Besis.

Sarmatæ cingunt fera gens Besique Getæque

Extant adhuc appellationes Biesi & Beszczadi mōtes ad Sambor
De Corallibus

De Corallibus.

*Littora pellitis nimum subiecta Corallis,
Hic mea cui recitem nisi flauis scripta Corallis.*

Manferunt autem in illis oris & Græci. Sed hi vt plurimum mercatores erant. Manferunt Bastarnæ, quos Podgorios plerique putant, & hi magna ex parte Germani erant, sicut & nunc inter Podgorios complures reperias. Manferunt etiam & Gallatæ Mysiis imixti, quos Scordiscos alii vocant. Sed hi omnes inquilini erant. Nam quia per Istrum prono flumine commoda nauigatio tum erat, ideo moris erat omnibus accolis Istri, sed & Callis & Germanis siue militiæ, siue mercaturæ causa, ab occidente Græcos, vtpote celebriores & ditiores populos nauigationis beneficio inuisere. Submittebantur etiam non rarò & auxilia Græcis à Celtis, hoc est, Gallis & Germanis, vt ex historia Brenonis & Gallogræcorum apparet. Et quia facilior est nauigatio prono quam aduerso flumine, ideo post bella confecta sæpius contingebat tenuiores peregrinos ad ostia Istri desperato reditu, ius regionis capessere. Inde exitimo Geticæ terras & Mysias multiplici colluie gentium illo tempore repletas fuisse, indeque Myfos vocatos, id est, miesancy mieszani, ex diuersis gentibus. Sed tamen apparet ius domini penes Sarmatas Getasque fuisse.

Bastarnæ.

Scordisci Galli

Occasio curvæ
ræ gentes ad
ostia Istri habi-
tabant.Mysiorum ery-
mon.

*Quod Sarmatæ frequentiores, et stabilimentum,
Reipublicæ illius erant.*

*Sarmatice maior Geticæque frequentia gentis
Per medias in equis itque reditque vias.
In quibus est nemo qui non Coryton & arcum
Telaque ripereo lurida felle gerat.
Vox fera, strux vultus, verissima mortis imago.
Non coma, non vlla barba resecta manu.*

In hac descriptione gentium non audimus nominari Germanos, sicuti quidam veterem ibi imaginantur Germaniam, sed tantum Sarmatas Getasque, penes quos militaris ordinis decus manebat, quod ex hac hypotyposi liquet, cum eos equis vehi, habitu & apparatu militari, & quidem numero frequentiores, aspectu truci, coryton & arcum gerentes, euntes & redeuntes equis, ob oculos ponit. Neque Sarmatas separat à Getis sed qualem nunc necessitudinem inter Podolios, Russos & Polonos esse videmus, cum Poloni isthic ferè semper militiam profiteantur & præfecturas administrant, talem quoque tunc statum inter Sarmatas Getasque & alios populos fuisse ex ea descriptione liquet.

Vetus Germa-
nia.

I

Temperiem

ANNALIVM POLO.

Temperiem cœli sic describit.

Si numeres anno soles & nubila toto
Inuenies nitidum sæpius isse diem.

Frigora intensissima & genus curriculi quod
Colasam vocant, stridulum.

Nec mare concreuit glacie, nec ut ante per Istrum
Stridula Sarmaticus plaustra bubulcus agit.
Ipse vides onerata ferox ut ducat Iaxis
Per medias Istri plaustra bubulcus aquas.

Religionem eorum sic describit, et quod Dianæ potissimum
addicti erant. Et conferantur cum istis ea quæ Chronologi no-
stri de Dzienomæ seu Dianæ cultu veterum
Polonorum scripsere.

Nec procul à nobis locus est, ubi Taurica dira
Cæde Phætræte spargitur ara Deæ.
Templa manent hodie vastis innixa columnis
Per quæ quater denos itur in illa gradus.
Fama refert illic signum cæleste fuisse,
Consortem Phæbi gens colit illa Deam.

Mores eorum in bello, & quod soli, Romanorum
arma despiciebant.

Maxima pars hominum, nec te pulcherrima curat
Roma, nec Ausonii militis arma timet.
Strimona venisti Marticolamque Geten & c.

Pax incerta apud eos.

Pax tamen interdum est, pacis fiducia nunquam
Sic hic nunc petitur, nunc timet arma locus.

Incurfiones & refugia ad vrbes. Omnes consuetudines istæ in illis
oris ferè hætenus durant.

Duella, lites.

Adde, quod iniustum rigido ius dicitur ense,
Dantur & in medio vulnera sæpe foro.

Sterile solum ad Istri ostia non in Podolia ipsa.

Tristia deformes pariunt absyntia campi
Terraque de fructu quam sit amara docet.

Vestitus ratio hybernalis.

Pellibus hirsutis arcent mala brachbis
Oraque de toto corpore sola patent.

De decoratione eorum et longis capillis.

Sæpe sonant moti glacie pendente capilli.

Et nitet inducto

Sterile solum
Polonny vo-
cant hætenus
Valachi.

Et nitet inducto candida barba gelu.

Conferantur hæc quæ Chronologi nostri de tonsura capillorum, eorumque prolixitate inter gentes Polonicas commemorant. Solebant enim veteri more alere comas Poloni vsque adeo, vt etiam ad morem mulierum conuoluere eas moris erat. Quem morem etiam Sigismundum primum regem Poloniæ seruasse & in peplo ambulasse vidimus, & alii antiqui moris homines idem faciebant. Destinatum autem festum quoddam habebant primæ tonsuræ capillorum, vt ex Miesconis historia liquet. Addantur huc illa quæ de Pontifice Benedicto primo referuntur, qui cum Cazimiro primo Monacho relaxasset votum, vt regiam dignitatem liceret ei adire, hanc legem genti Poloniæ imposuit, vt illum morem prolixos capillos gerendi tanquam gentilem abiiceret. Sed tamen mos alendi capillos Sarmaticus non prius fuit abrogatus, quam post quandam cladem, Buconiensem dictam, vbi complures ex Polonis inuenti erant capillis ex arboribus suspensi. Et tunc primum nausæ coepit esse illa comatio Polonis, quæ olim decori & elegantia seruire putabatur. Hæc prolixius de vestitu & de decoratione Polonorum dicere placuit, vt si descriptiones historicæ non sufficiunt ad probandum, Sarmatas Geticos non fuisse Germanos, (qui ab istis consuetudinibus, omnibus ætatibus remotissimi fuerunt) at hæc sola vestitus ratio, & decorationis mos, tum denique consuetudines eorum tam in pace quam in bello, non modò nobis ostendant, sed etiam reipsa ante oculos conspiciendos statuunt primos nostros progenitores. Pinguntur nunc Lechi, Czechi & Boleslaorum imagines à pictoribus & typographis, quæ prorsus referunt antiquissimam ideam veterum Polonorum. Et cum artifices illi diuexantur arguunturque à curiosis, ob licentiam fingendi quas vellent imagines veterum heroum, affirmant se hæc probare posse non modò ex traditione veterum, sed etiam Phænomenis magicarum artium: aiuntque circulatores & nigromantas veteres ita fuisse harum rerum peritos, vt possent ex veteribus bellatoribus, quos vellent, arte malignorum spirituum, à puluerib. excitare, in proprioque habitu & forma visendos demonstrare. Quod & nostro æuo de quodam Fausto Germano Nigromanta, ab iis qui hæc viderunt certo affirmatur, quòd videlicet quodam tempore, expetentibus ab eo Norinbergensibus, Aeneam, Achillem, Hectorem ac Herculem & alios heroas equis insidentes, propriosque & natiuos vultus & vestitus habentes, spectandos in suburbio ante portas & moenia cunctis visendos statuerit. Et quia veteres Cracouienses municipes præ aliis, his artibus dediti & implicati erant,

Festum primæ tonsuræ.

Benedicti Papæ transactio cum Polonis.

Magica Phænomena.

Faustus Nigromanta.

plicati erant, itaque constanter affirmatur de iis, quod ministerio eiusdem artis, tales euocauerint umbras heroum Polonicorum, quales Ouidi⁹ depingit, & quales postea typis mandare, & in com-
pitis pingere coeperunt.

De œconomia Sarmatarum et inprimis de domicilijs eorum.

Gentes hasce sparsim habitasse autor est Procopius, ob idq; Spor-
ros, id est sparsos fuisse vocatos. Vandali iam magis cultas domos
habebant. Sicuti & nunc Poloni elegantia ædium Russos & Podo-
lios antecellunt. Ac in eo genere politię Procopius præfert Van-
dalos Slauis: sed illo æuo etiam apud Germanos idem ferè mos æ-
dium extruendarum fuit teste Strabone lib. 7. Casis, inquit, habi-
tant, structura in vnum diem constantibus, nomadibus quas in cur-
ru circumuehunt similes.

Oeconomica mulierum sic traducit.

— Palladis vti
Arte Tomitanæ non didicere nurus,
Famina pro lana Cerealia munera frangit,
Suppositoq; grauem vertice portat aquam.

De potu eis vsitato.

Nos habeat regio nec pomis facta nec vuis.
Et fermentatis imitantur vnea sorbis.

Hoc genus potionis ex pasta farinæ subacta, & quantum satis est
fermentata aqua calida, & herba aliqua, videlicet, vrsifranca, vel
pampinis vitium adhibitis. Quod genus potionis in deliciis est
adhuc apud gentem Russorum, at Germanis hætenus incogni-
tum. Quod autem dicit nec vinum nec poma habere istas regio-
nes, hoc condonandum forsitan est poëtæ, qui vt citius flecteret ad
commiserationem sui Romanos suos, interdum amplificat suas
miserias. Nisi malimus credere, vetustioribus temporibus caruif-
se vitibus illas regiones ad Istrum.

*Lingua Sarmatica et Getica Ouidio ita cognita
fuit vt loqui ea et scribere potuerit.*

Cumq; ego de vestra nuper probitate referrem,
Nam didici Geticæ Sarmaticæq; loqui.
Ab pudet & scripsi Getico sermone libellum.
Structaq; sunt nostris barbara verba modis.
Et placui, gratæ mibi, cæpiq; poëtæ
Inter inhumanos nomen habere Getas &c.

Qui veterem Germaniam (ea enim phrasi vtuntur) ad Pontum sta-
tuunt, & Getas

tuunt, & Getas Germanos fuisse affirmant, ut hoc hominibus probent, in eo potissimum elaborant, ut doceant Getas sermone Germanico omnino usos fuisse. Nescio enim quomodo verisimile videatur, ut credamus illos populos eiusdem stirpis gentisque esse, qui eandem inter se linguam communem habent. Volunt autem suum axioma hoc fulcire autoritate Strabonis, quam tamen non adducunt, nec locum ubi nam querenda sit monstrant. Sed iam dictum est, in confirmandis huiusmodi rebus, delectum adhibendum in scriptoribus. Qui narrata narrant, nec propriis oculis ea viderunt, tales etiam in foro ad probandas res dubias non admittuntur. Poëta hic, cum tam longo tempore inter eos vixerit, merito inter scriptores eius argumenti primum locum habere debet. Dicit autem hic & gloriatur se in lingua Sarmatica & Getica ita profecisse, ut posset non modo communia obiter transigere, sed etiam Getica poemata ad captandam apud eos hoc modo benevolentiam, fundere. Nequaquam autem patiuntur circumstantiæ, ut putemus Geticum Sarmaticumque sermonem duas linguas inter se dissidentes fuisse, sicuti Germanicam & Polonicam discrepare videmus: vel si admittamus duas, tum sibi admodum affines credibile est fuisse, sicut modo Russorum & nostram, cognationem magnam habere videmus, ita ut etiam si una ab altera dialectis dissideat, tamen natura utrarumque & sonorum ratio eadem est. Apud me omnino nullum dubium relinquitur, quin credam, quamvis rerum magna vicissitudo fuerit, tamen regiones illas, quæ etiamnum lingua Slauonica vtuntur, longè ante nos retroactis seculis eadem usos fuisse. Nimirum Mysiam inferiorem, quæ nunc Bulgaria est, Pæones ad Strimonem & Aenium ubi nunc Bofini, Lyburnos ubi nunc Croatae ac demum Illyrios & Dalmatas, adeoque omnes populos, qui Græciæ impendent, incipiendo ab Istro. Nam etiam si historia testatur, postea subiisse quosdam populos Septemtrionales in illa loca, tamen veteres colonos, reliquos aduentitios ac simili lingua vtentes anteuertisse huius suæ linguæ usu credibile est. Vbi enim postea & quando abolita & abrogata illa lingua istarum gentium fuerit, non reperimus. Et certè incredibile est, ex quo subintrarunt gentes Slauonicæ in illa loca, tam breui tempore ita adulterare potuisse eorum linguam ut à fundamento conuelleret & suam de integro inuehere possent. Considerentur saltem celebriorum locorum cognomina, quibus vsa fuit vetustas. Insula illa notissima antiquitus Peuca dicta. De qua Lucanus sic libro quarto.

*Getæ veteres
quonam sermo
ne vsi sint.*

*Cognomina celebriora apud
veteres.*

Et barbara Cone

Sarmaticas ubi perdit aquas, sparsamque profundo

I

3

Multifidi Peucen

*Multifidi Peucen vnum caput abluit Istri.**Peuca insula.**Miedza vrbs.*

Hæc inquam Peucen, Miedza etiam vrbs, quæ & Strymon dicta, & à Pæonibus quondam inhabitata, nonne apertè Polonicam dialectum sapit? Sic in Illyride mons quæ Curuanka Ptolomæus nuncupat. Hæc, inquam, appellationes, si eas expendas, manifestè referunt sonum & inflexionem linguæ nostræ. Et adhuc in Polonia complura reperias nomina nobiliorum locorum & cognomina familiarum quæ Pelconum nomine vocantur. Vnde & peruetusta illa vocabula prodiisse credo, Svatopelka, Iaropelkao, quibus præ aliis Pomeranorum duces non ita pridem appellari desierunt. Sed & illa prouincia propinqua Pomeranis Paluki, inde nomen traxisse putatur. Sic altiora promontoria ex quibus speculari solent aduentum hostium, Rusi hætenus Curhani vocant, quæ appellatio prorsus conuenit cum cognomine montis illius Curuanka, qui Noricum ab Illyride determinare à Geographis veteribus perhibetur.

Sic Miedza vrbs, Strymon Ouidio dicta significat nostris metam, qua fundorum dominia determinantur. Nam sicuti vrbs illa Metis à meta est dicta, quod Germaniam à Galliis dirimere dicitur, ita regio Strymonis cum suis illis altissimis montibus, Hæmo inquam & Rhodopen, has vniuersas Slauonicas gentes ab vniuersa Græcia dirimebat: vt quicquid Istrum versus vergeret Slauonum esset, & quæ ad Aegeum mare & Propontidem spectarent, ad Græcos pertinerent. Sic Bessi populi antiquissimi ad eundem Strymonem, ab eodem poëta toties celebrati, Polonicam quoque appellationem prorsus olent. Et nescio an montes Biesczady nuncupati, qui confinio Transyluaniæ sunt, aliqua cognatione cum illis non participant. Adde istis montes Krepak, qui ab ipso Ptolomæo Carpatius vocatur. Et multa alia iis consimilia adduci possent, sicuti inferius vbi Traiani tempora persequemur, adducentur. Ac tandem, vt meam sententiam breuius iterum declarem, mihi sanè incredibile prorsus videtur, in tam amplas & vastas regiones, quæ forsan maiorem partem Europæ complexæ sunt, & ab Adriatico ad Glaciale mare extenduntur, fortuito, aut bellorum iniuriis, vt aliqui volunt, linguam Slauicam, vt peregrinam & ascititiam à sexingentis & octingentis annis dispersam ac disseminatam esse. Cuius rei etiam paulo superius rationes à me adductæ sunt. Sed quid opus est istis hic cornutis argumentis à signis, ab antecedentibus, à consequentibus, à rei adiunctis, ab vnitæ linguæ, cum autoritas Procopii historici ad dissoluendas istas omnes contentiosas concertationes sit ita aperta vt nihil apertius in ea causâ dici potuerit. Eius verò hæc sunt verba: Gotthicæ gentes multæ quidem & aliæ prius fuere

us fuere quàm nunc, omnium maximè ac potissimum Gotthi & Vandali & Visigothi & Gepidæ, iamdudum Sarmatæ & Melanchlæni appellati. Non igitur amplius mirabitur lector, quòd Sarmaticam historiam texentes, persequendo tempora Darii, Alexandri, Gepidicorum & Ostrogothicorum, ad constituendum integrum corpus historiæ mentionem sæpè fecimus, cùm omnes istas gentes apertè in nomen & titulum Sarmaticum coartarit Procopius, his enim postea subiungit: Sunt & qui Geticas has gentes vocent, quæ omnes nominib. quidem inter se differunt, cætera conveniunt. Nam & albi sunt omnes corpore, flavi, proceri quoq; & aspectu probo, legibus item eisdem utuntur. Similiter omnes Arianæ fidei, lingua vna Gotthica appellata utentes, & ut mihi sanè videtur ex vna omnes gente procreati, nomina postea ab eorum ducibus varia fortiti. It autem populi, loca supra Istrum iam pridem incoluere (nota habitationem Sarmatarum ad Istrum iam pridem.) Deinde Gepides loca circa Singidum & Syrmium tenuerunt. Hactenus Procopius. Non diuersum Plinius lib. 4. cap. 12. de iis tradit. Has omnes gentes inquit aliàs Sarmatas, aliàs Getas, aliàs Scythas, aliàs Dacos, aliàs Amaxobios vocatos, variè littori, Istri scilicet, apposita tenuere. Hinc est quod Ovidius sicut & Plinius in suis Poëmatibus variè has gentes nominat, iam Getas, iam Sarmatas &c. Eò quòd sicuti ad Vistulam ita ad ostia Istri mixtim & indifferenter habitabant. Quod autem Strabonis auctoritatem quidam prætereundum volunt, certè non contemnendum testimonium attulissent, si locum ubi hæc scripserit Strabo citassent. Sed nihil tale apud Strabonem reperio, nisi quod expressè dicit: *ἑνὶ γλώτῳ τοὶ δὲ ἑσπερίῳ τῶν Δάκων*: unilingues autem vel eadem lingua utuntur Getæ cum Dacis. Cùm autem Ovidius testetur se didicisse Geticè Sarmaticèq; loqui, nò duas sanè linguas didicit, præsertim iam senio confectus. Nec duarum linguarum tanquam diuersarum mentionem facit. Nullum ergò dubium est, Getarum & Sarmatarum vnā fuisse linguam, ut ex Procopio apertè probatum est. Non est autem parui facienda auctoritas vtriusque istorum tam Ovidii quàm Procopii. Nam etsi Procopius in istis regionibus non mansit, ut Ovidius, tamen in exercitu Bellisarii cum Gotthis & Vandalis conuersando, de omnibus rebus istis certior reddi potuit, ita ut præ omnibus aliis scriptoribus, qui narrata ab aliis narrant, isti duo in ea causa merito sibi primum locum vindicare possint. Nemo igitur deinceps obstrepat, nec cōtendat Gotthos, Germanos fuisse, nec Germaniam veterem ibi itatuat, ubi antiquitus erant sedes gentis Sarmaticæ.

Getæ seu Gotthi, Vandali, Gepidæ, Ostrogothi sarmatarum nomine continentur

Plinij auctoritas.

Unilingues.

Ovidius, Procopius, cum alijs auctoribus sunt antepone di.

Palynodia

*Palynodia in qua Ovidius retractat, quod acerbius
interdum has gentes traduxerit.**Apologia pro
Sarmatica gen-
te.**Talia succensent propter mihi verba Poëtæ
Iraque carminibus publica mota meis.
In loca non homines verissima crimina dixi,
Culpatis vestrum vos quoque sæpè solum.**D'æ cause cur
apologie sue
Poëta menda-
cia admiscet.**Homeri testi-
monium de Ge-*

Occurrunt quedam in lectione huius Poëtæ, quæ perperam & affectatè dicta esse putantur. Sed non difficile erit ea dignoscere. Nam ubi petit reuocari ab exilio, calamitates suas supra modum amplificando regionis intemperiem accusare solet, ac interdum etiam gentis mores traducit, ut ita Augustum citius ad misericordiam flectat. Adhæc quia perspectos habebat mores gentis suæ, quod perlibenter audiebant criminari & in odiū adduci illas gentes, quæ potentiæ & dominationi eorum resistere poterant, itaq; criminationibus calumniatoriis indulget aliquando. Omnibus enim propemodum Monarchis, qui virtute militari vnquam excelluerunt, quasi ingenitum esse videtur, aduersarios suos non modo regnis & opibus exuere, sed quod maius est, existimationi eorum insidiari, fama quæ bona & autoritate expoliare. Cuius rei ratio in promptu est. Milites enim eorum in eos maximè feritate & rabie militari ferebantur, qui populariter contumeliis & probris supra alios apud eos traducebantur. Proinde Ovidius in omnes partes oculos circumferens, & quid quaque parte geratur, unde causam suam fauorabilem redderet, sollicitè circumspiciens, nomini Sarmatico Geticoq; non parcat, & criminando mores, accusando cælum, vituperando terram, amplificandis suis calamitatibus, nimis multus est. Ex eo genere & illud est, quod eò amentitiæ interdum prouehitur, ut conuicium barbariei interdum eis impingat, & quæ ipse retractauit reuocauitque, eis non veritus est obicere. Principes ergo, si nomini suo apud posteros optimè consultum volunt, vel hoc exemplo moniti literatos viros maiore in pretio habeant, ne dum eos minus dignè tractant, vitreoli inelutibilibus maculis ab eis aspergantur. Vnus homo Ouidi⁹ quantum nocuit gentibus nostris, eorumq; opinionem quantum læsit, exemplo esse potest. Sed receptui canamus. Redeundum est, unde digressi sumus. Si autoritatibus certandum est, maioris autoritatis apud quosq; Darii Magni regis Persarum esse debent testimonia de gentibus nostris, quam Ouidii, qui cum hæc effutiret, rem priuatam agebat. Retulimus autem paulò superius Darium hoc testimonio gentes nostras ornasse, ἀνδριστάτας καὶ δυναιοτάτας τῶν θράκων vocando. Similiter & Homerus ex sententia Iouis eosdem vocauit, Gala

uit, Galactophagos Abiosque his non est iustior vlla gens hominum. Hoc testimonium de maioribus nostris nulla vnquam malignitas hominum abolere poterit: atque hoc quidem præconium Ouidio obiicim⁹, qui impatiens exilii, homo Italus lactuca & aliis condimentis palato seruiantibus orbatus furiosè indignatur & subinde diis deabusque suis, in crimen vocando cunctos, non parcit. Quanquam postea furore poetico mitescente ad se redit, & ea quæ petulantius exciderunt recantat, affirmatque se loci & regionis inclementiam potius accusasse, quàm homines ipsos, vt manifestè ex carmine à nobis citato liquet. In loca, inquit, non homines verissima crimina dixi. Et abutuntur quidem non pauci versibus istis Ouidii, sinistri nescio quid de istis gentibus sentiendo. Sed si hac in re vnus alicuius testimonio niti volunt, Germanos certè Plini⁹ inter Scythas etiam reponit. Et Ouidium etià ipsum quamuis latinè loquentem, Getæ barbarum vocabant, vt ipse de se testatur. Sed & Cato Græcis indignatur. Etiam, inquit, & nos vocant Græci barbaros & spurios. Sed quid? Dum de huiusmodi popularibus conuitiis disceptatur, eo ferè res deuenit, vt Anacharsis apud Athenienses Scythia fiat, & vice versa Athenienses apud Anacharsen. Ac barbaros quidem Romani vocabant, quicunque eis imperia præstare nolebant. Tandem vocabulum adaptatum est omnibus qui vitam suam feritate, asperitate & inciuilitate morum infuscerent, teste Cicerone de claro Oratore. Tandem posterius seculum barbaros coepit vocare omnes illos populos, qui Christiani non essent. At cum gentes nostræ multis attestantibus, humanitatis virtute permultos alios populos superent, certè barbari non nisi à barbaro & immani homine vocari possunt, vt interim non confugiamus ad legum præsidium, quæ determinant, neminem hominum, qui Christianæ professionis sit, deinceps vocari posse barbarum.

ris nostris ex
sententia Iouis

Quis sit barba-
rus?

Humanitas
Polonorum.

De Ouidij exilio.

Causam exilii Ouidii referunt editionem libelli illius de amoribus. Nam Romani etiam si gentiles fuerint, tamen honestatem matrimonii coluerunt. Dicunt autem insidiatum esse thoro Augusti, sed cum exulans, fuerit propemodum sexagenarius, non puto ob ætatem, obnoxium fuisse vsque adeo illicitis amoribus, præsertim cum ei coniux fuerit. Viuus Epithaphium sibi scripserat: & vir quidam ex Russia spectatæ nobilitatis, dixit se reperisse lapidem quendam in planicie quadam ad oppidum Asau, cui hoc carmen incisum fuit, quod venam Ouidii refert.

K

Epitaphi

Epitaphium Ouidij.

*Hic situs est vates, quem diri Cæsaris ira
Augusti, patria cedere iussit humo.
Sæpe miser voluit patrijs occumbere terris,
sed frustra, hunc illi fata dedere locum.*

LIBER TERTIVS

*In quo ea quæ acta sunt in ijs terris, ab Augusto vsque ad
Constantinum Magnum, comprehenduntur.*

P R O O E M I V M.

QUOD librorum nostrorum distinctionem Imperatoribus ijs tribuimus qui non sine præfatione honoris, Magni vocantur, causa est quod regnantibus ijs maxime mutationes in mundo fiebant, quæ cursum huius historice narrationis abrumpunt. Ideo hinc iure auspicabimur librum tertium, cum Pompeius Magnus statim præcessit hæc tempora. Maior tamen Pompeio fuit Iulius, qui ab eo fuit superatus: sed utrisque Maximus est saluator noster, quod ille fuerit domitor cæli & terræ. Ideo ei ab angelo nomen Magni inditum fuit. Et tunc mutationem longè maximam mundus expertus est.

De temporibus Augusti
Cæsaris.

Anno ab orbe condito 3963.

Anno Christi saluatoris, qui propter nos & propter nostram salutem descendit de cælis, 1.

NAM peruenimus ad annum 3963, nobilem aduentu Christi saluatoris nostri. Multæ & maximæ mutationes acciderunt istis temporib. hoc est, ante & post annum natalis Christi. Nam orbis terrarum concussus bellis Iulii Cæsaris & aliorum Romanorum ducum, vnâ post aliam cateruam malorum secum trahebat, & quod in annua cæli conuersione sub tempora mēsis, sole ad summum apicem ascendēte fieri solet, vt mota sidera tum maximè tonent & post illa tonitrua ac tempestates serenitas vt plurimum consequi solet, sic in humani generis conuersione mundus tum intremuit bellis & rumoribus bellorum, denuntians nobis serenitatem futurorum bonorum. Nam Deus miseratus vicem generis humani mundo plus fatigato, donauit saluatorem, qui sua morte pacificare debuit omnia quæ in cælis & quæ in terra. Donauit & principem

*Aduētum Christi
qui que mala
præcesserunt.*

& principem clementia & bonitate spectabilem Augustum Cæsarem, sub quo rursus recreatus aliquo modo mundus à bellorum tumultibus requieuit. Neque hæc statim acciderunt postquam adisset imperium. Nam ut taceam alia bella, quæ ab eo in diuersis mundi partibus gesta sunt, de iis tantum necesse est nos loqui, sine quorum cōmemoratione enarratio historiæ nostrarum gentium consistere nullo modo potest. Tria igitur præcipua bella numerantur quæ gessit Augustus cum Vltromontanis, ut vocant, regionibus, & omnia propemodum ad Danubium. In Rhetia quidem & Vindelicis ad caput fluminis ipsius per Drusum Germanicum. In medio hoc est, Pannonia, per se & Tiberium. In inflexione verò, ubi iam Ister vocari cœpit, & ad ostia properat, quo sese exoneret in Pontum, hoc est in Mysia inferiore, per M. Crassum. Et Germanici quidem belli initia Germanis fuere lætiora. Nam tribus legionibus quas duxit Varo profligatis, & Druso ex lēione cruris mortuo, Romani admodum consternati fuere, nisi Tiberius rursus eorum res ex rexisset. Cū enim Pannonios & Noricos edomuisset, promouit castra in Germaniæ interiora, laturus suis auxilia. Et aperto quidem Marte nihil tentandum sibi duxit. Nam Harminii maximi tum Germanorum ducis fortunam reformidabat. Consilio ergo addit dolum, cōductis enim & concitatis Harminii cognatis, domi eum interfici curauit. Interim ipsemet Imperator Augustus, ubi fuerit & quid gesserit, sic Suetonius in vita eius describit: Reliqua, inquit, bella per legatos administrauit, ut tamen quibusdam Pannonicis atq; Germanis aut interfuerit aut non longè abfuerit. Erga Sarmatas autem Augustus mitiorem se præbuit. Nam cum Oratores Sarmatarum ei occurrissent, & de pace mentio fieret, facile hanc eis annuit, & superiorum cladum acerbitatem obliuioni tradidit, adiecta tamen conditione, ne deinceps limites Istri transirent, Mysiaq; abstinerent, unde liquet quod initium Geticorum bellorum cum Augusto & Romanis, fuit de finibus concertatio. Cū enim Romani in hoc semper incumberent, ut quàm latissimè & longissime proferrent suos fines, itaq; Getas Istri ripas transire prohibebant. Et ut durabili præsidio eorum conatus infringere possent, semper more suo præsidarios in finibus illis Mysiæ tenebant. Meminit Poëta Ouidius Flacci cuiusdam præfecti copiarum illarum, quæ apud Romanos tum merebant stipendia. Habentur hæc lib. 4. elegia 9.

Præfuit his Grecis: locis modò Flaccus & illo

Ripa ferox Istri sub duce tuta fuit.

Hic ten'it Mysias gentes in pace fideli,

Hic arcu fidos terruit ense Getas.

*Transactum
Augusti cum
Sarmatis.*

*Causa bellicum
Romanis defen
sio finum.*

*Flaccus dux co
piarum.*

Narrat etiam de eodem Flacco, quod urbem Troëzen à Getis captam recuperavit, quæ tamen longius ab Istro Græciam versus distabat. Existimo autem Flaccum fuisse hunc, ad quem Valachi nostri originem suam referunt. Sed quæ narrant Valachorum historiæ, pugnare videntur cum serie vniuersalis historiæ: nondum enim tum Romani ripas Istri transcendere cogitabant, nedum ut legiones trāsmittere, vbi nunc est Valachia, possent. Quod ex hac tranſactione Getarum cum Augusto, cuius modo mentionem fecimus, sole clarius cerni potest. Sed de Valachis inferius luculentius, vbi tempora Traiani Imperatoris persequemur.

Ex sacris literis.

Quæ adferenda erant ex Poëtis & historiis, iam attulimus, veniamus iam ad sacros scriptores. Paulus dicit ad Romanos cap. decimo quinto, se prædicasse Euangelium nostris hominibus, quodque incipiens ab Ierusalem & circumiacentibus regionibus vsq; ad Illyricum impleuerit Euangelii Christi munus. Constat autem & Dalmatas Illyriorum appellatione non rarò comprehendi. Ad Titum autem capite tertio, testatur se in vrbe Nicopoli ad Danubium sita hybernaturum, eoque ad se Tichicum discipulum properare iubet, vnde etiam epistolam illam ad Titum scribit. Ostensum est autem Gotthos tum habitasse ad vtramque ripam Istri, & Sarmatas & Gepidas ad Syrmium, ut ex Ouidio probatum est, hoc est in Mysia vbi hæten⁹ Rascii & Bulgari lingua nostra videntur. Vbi & Philopolensium moenia, de quibus in Alexandro Magno retulimus. Inde fit, quod Russi hætenus gloriantur, & passim iactant quod Paulus ipsis prædicauerit Euangelium, eosque illo sacro edulii genere pauerit, quod Cuthiam illi vocant. Petrus etiam Apostolus priorem suam epistolam, ante alios dirigit ad ecclesias Pontum inhabitantes, vbi primaria Sarmatarum sedes erant. Sed & de Apostolo Andrea Græcorum historiæ & Russi multa prædicant, & quod sedis Constantinopolitanæ conditor fuerit, sicuti Petrus Romanorum, affirmant. De eius etiam indefesso studio in promouenda Euangelii prædicatione mira narrant, affirmantque eum zelo prædicationis ita prouectum, ut etiam Sarmatiam totamque Russiam & intima Moschouia penetraverit. Diuus Andreas, inuectusque ostia Borysthenis, Albam Russiam, ac tandem totum septentrionem peragravit, peruasitque ad caput vsque sinus Venedici, ut etiam in picturis Geographorum passim eius imago annotatur: inde mare Botnicum, Suedicum, Liuonicum, Balticum, sinum Godanum ac denique Oceanum ipsum Germanicum

*Nicopolis est
Bulgarie metropolis.*

*Paulus Russis
an prædicauerit?*

*Eusebius lib. 3.
cap. 1.*

*Andreas sedis
Constantinopolitaneæ fundator*

manicum fulcasse, ac demum emenso illo circulo, quā Oceanus lambit Germaniam, ostia & portum Herculei freti intrasse, sicque nauigando vsque Eperum in Græciam rediisse, isticq; crucis morte crudeliter à rege illius oræ affectum esse, in quam sublatus tri-
 duispatio ad extremum vsque halitum non desit viam salutis an-
 nunciare cunctis astantibus. Hæc si vera sunt, Paulo qui gloriatur
 se supra alios Apostolos laborasse, videtur non fuisse inferior, exan-
 tatis tot laboribus, vigiliis, & forsan etiam naufragiis.

*Collatio labo-
rum in ecclesi-
dei, Andreæ cū
Apostolo Pau-
lo.*

*Anacephaleosis rerum quæ acciderunt inter Sarmatas &
 Romanos, ante & post aduentum Christi, ubi queritur
 quidnam populus Romanus in regiones, quæ ex hac
 parte Danubij sunt, iuris habuerit.*

Cogitans hac de re, & causam totam diligentius expendens, nihil amplius inuestigare potui, nisi quod Romani affirmant deuicto Mithridate Rege Ponti, iure belli omnia quorum dominus erat Mithridates ad se deuoluit. At ostēdi potest, quod ne ipse quidem Mithridates legitimo iure aliquid hīc possederit, excepta Taurices parte aliqua, itaque neque Romani aliquid hīc sibi vindicare poterant. Nam cum attriuisset Roxolanos, & circumuenisset Reges Tauricæ, Palaco, Scyturumque eius filium, insinuare se aliquo modo in possessionem huius ripæ citerioris cœpit. Itaque Romani tribus ingentibus bellis superato Mithridate, felicitate Sillæ, vir-
 tute Luculli, & magnitudine Pompeii, totam Pōticam regionem credebant iam esse sui iuris. Hinc est quod Pompeius Pontum in prouincias redegit, & postea regibus Bosphori omnia attribuere voluit. Sed nihil tum nisi verbis actum est, ad rem ne deueniret negotium, totius Aquilonis conspiratione refragatum est & nostro-
 rum viribus, ita vt tonante & fulminante septemtrione omnes nu-
 beculæ illæ Romanorum discussæ esse videantur. Sed ex sequen-
 te cōsignatione temporū tota hæc controuersia clarior reddetur.

Consignatio temporum sub Augusto.

3846. Lucius Cecili⁹ bellum cum thracib. gefsit. Flor⁹ autor.

3852. Porti⁹ Cato malè cōtra thraces pugnavit & Scordiscos.

3854. M. Liuius Drusus aduersus Scordiscos gentes à Gallis oriundas in Thuria feliciter pugnavit, magnumque honorem tulit. Florus.

2892. Scribonius Procos vicit Dardanos, & ad Danubium vsque primus Romanorum penetrauit, triumphumque meruit.

K

3

2890. Hinc

2890. Hinc excitatæ gentes septentrionales, coadunato ex omnibus gentib. exercitu, ac sicut Romani ad Danubium, ita illi ad Adriaticum mare usque progressi sunt. Discedentib. illis Romani illos insecuti sunt. Tunc Lucullus ad terminum gentium Tanaim delatus est, Appi^o in Sarmatas, Curio versus Daciam venit, sed tenebras saltuum expauit, ut superius dictum est. De his Florus libro 3. cap. 4.

Ita exasperatis utrinq; animis exarsit Mythruidaticum bellum. Nam Mithridates rex Ponti non amplius differendum negotium ratus, attrectari terminos suos à Nicomede ut causam belli præ-tendit. Spem ac fiduciam dabant ei Romanorum vitia, quod tunc ciuilia & socialia bella inter eos exarserant.

3881. Primus Sylla cum Mithridate concurrat, post ciuilibus bellis auocatus negotium Lucullo committit. Plutarch^o in Luc.

3894. Lucullus secundus dux, fugato Mithridate Armeniam populatur, Tigranem in regnum redire cogit. Lacherem in amicitiam recepit. Fuit is filius Mithridatis rex Bosphori. Hoc bello im-mensos thesauros ad illas delitias quibus post se deditit, comparauit, Apollinemq; Capitolinum ex Bosphoro secum Romam asportauit. Potuisset autem Lucullus Mithridatem superare, sed eum militum seditio retinuit.

Tertius dux Pompeius, in Mithridatem, noctu commilitante luna & lumen præbente irruit. Post vltimam victoriam in prouinciam Pontum redegit, tandem Romæ triumphum splendidissimum duxit. Plinius septimo.

Conquieuerunt postea hæc bella pontica, per triginta & aliquot annos usque ad Augusti tempora, quando in Hispanias post Acciacam victoriam sese contulerat. Tunc etiam Crassus Thraciam in officium reduxit. Iam enim antea domiti descuerant. Interim Sarmatæ exercitum conscribunt, iamq; ad Danubii ripas peruenierant, sed Augustus ad Lentulum scribit, ut ad ripam Istri transitum eis impediret.

Et quia fatale Dei decretum ad pacem sancendam cunctas gentes orientales occidentalesque vrgebat, ut aduentus Messia pacis beneficio clarior redderetur, etiam ipsi Sarmatæ missis legatis ad Augustum Cæsarem amicitiam absq; numeribus, quod nemini antea contigit, facile impetrant. Hæc pax durauit per annos 30. usque ad tempora Tiberii, quando Mysiam prouinciam iisdem Romanis vi eripuerunt Sarmatæ.

Florus lib. 4.
cap. 12.

Consignatio

*Consignatio locorum quæ ad intelligendam historiam rerum
nostrarum temporibus Augusti multum facit.*

Quidam vir doctus historicus nostri seculi pulcherrimè de Augusti ad eum modum: Deus hunc iuuenem, qui non erat præliator, mirabiliter textit, & adiuuit, & per eum imperio restituit pacem.

De limitibus ad occidentem.

Suetonius in vita Augusti, Germanos, inquit, ad Albim fluuium, summouit, ex quib. Sueuos & Sicambros dedentes se traduxit in Gallias &c.

Sabellicus in verba Suetonii sic. Albis fluuius est qui in duo spacia Germaniam disternit, & autor est in primo lib. Strabo, qui in septimo quoque libro tradit, Romanos non transcendisse fluuium Albim. Et Lucanus in secundo

*Albis Romano
rum limes.*

Fundat ab extremo flans Aquilone Sueuos,

Albis & indomitum Rheni caput.

Hæc de occidentali limite Germanorum. De orientali verò quod Danubii ripa diuidebat Sarmatas à Romanis, testatur Augusti scriptum ad Lentulum, cui præcipiebat, vt ripam tantum defendat Danubii. Florus lib. 4. Et Ouidius de Flacco. Hoc, duce, inquit, ripa tuta fuit. De Scythis verò Suetonius: Scythas auditu modo cognitos Augustus pellexit ad amicitiam populi Romani ultro per legatos petendam. Sed Strabo non sine sale risit Scytharum potentiam, de qua tamen gloriatur: Gens Scytharum, inquit, aduersus externos inuicti sunt, atq; inexpugnabiles, quod nihil, inquit, habeant, cuius causa seruitutem sustinere velint. Hæc ille lib. 7.

De Sarmatarum viribus, temporibus Augusti sic inquit Strabo. Berebistes natione Geta, cum imperium in suam gentem suscepisset, eam crebris afflictam bellis refecit, tantumque exercitatione, sobrietate ac diligentia profecit, vt intra paucos annos magnum constitueret regnum, finitimasque plerasque gentes, Gatarum imperio subiecerit, quin & Romanis iam cœpit terrorem afferre, Istrum audacter transiens, Thraciamque ad Macedoniam usque & Illyricum populans, idem Celtas Thracibus & Illyriis permixtos vastauit, Boios qui sub Critasiro erant prorsus deleuit, itemque Thauriscos, vt suæ genti tanto maiores essent facultates.

De Cotifone Rege Gottthorum tempore Augusti.

Cotifonem tanti fecerat Augustus, vt eum affinem sibi fecerit. De Cotifone Horatius lib. 2. Carminum.

Occidit Daci Cotifonis agmen,

Medius

*Medius infestus sibi, luctuosus,**Disidet armis.*

Si quis autem luculentius nosse velit historiam horum temporum & scire quid actum sit Iesu Christi temporibus in istis terris, legat de Arminio Duce Germanorum, bellicosissimo, qui solus tum opposebat se potentiae Romanorum. Passim haec occurrunt. Legat etiam de Marobudo rege Moravorum qui fuit gente Sarmata de stirpe Quadorum. Habentur haec apud Cornelium Tacitum, Suetonium, Strabonem lib. 7. & Velegium Paterculum. Tempori tum serviebat Marobudus hic: videbat enim satis quibusdam Romanorum potentiam in immensum crescere. Itaque consilio magis quam armis Augusti vires auertebat. Coluit quidem pacem cum Romanis, sed ita, ut ostenderit saepius, si lacessitus fuisset ab eis, & voluntatem & potestatem resistendi sibi non defuisse. Ideo Romani considerata hominis prudentia & dexteritate in rebus agendis, blandè cum eo egerunt. Quin potius eum contra Arminium acerrimum ipsorum hostem concitabant, ut ita inferendo ei arma, Germanorum vires à tergo reuellerentur. Quod ut magis strenuè ageret, auxilia etiam ei mittebant, non militum quidem, nam id ob loci distantiam vix præstare potuissent, sed magna vi pecuniae ei missa: consiliisque suppeditatis per internuncios res gerebatur. Itaque ad Albim usque tum fines domini sui Marobudus extendat. Sed in senectute eum dissidia domestica exceperunt, ita ut patria relicta in Italiam abire cogeretur, unde postea, astutia Romanorum detentus redire non potuit. Batus Rex Dalmatarum synchronus etiam Marobudi fuit. De quo vide in Descriptione nostra Poloniae.

Post tempora Augusti, regnante Tiberio.

Anno ab orbe condito

3979.

Anno Christi

17.

Augusto regnante Sarmatogetae servientes tempori aliquo modo conquieverant, sed deinde succedente Tiberio ad ingenium redierunt, armisque veteres sedes repetere coeperunt, & Mysiam quae Pannoniae iungitur, ad Pontumque usque cum Danubio decurrit, infestis armis ingressi occupabant, Imperatore siue arma tam bellicosa gentis reformidante, siue negligentiae vitio laborante & conniunte. De qua re Suetonius ita scribit: Armeniam à Partis occupari, Mysiam à Rege, Dacis, Sarmatisque, Gallias à

Gallias à Germanis vastari neglexit &c. Hæc Suetonius. Quod autem nomen regis inculco, facio ideo ut series regum antiquissimi morum, qui istis gentibus imperitabant aliquo modo instaurari & recolligi ex historicis possit. Si autem addatur hic rex illis duobus, quorum mentionem feci, persequens Alexandri Magni tempora, habebimus iam tres reges Geticos: Syrmum primum, à quo Syrmium vrbs, celebris propter concilium illud isthic agitatum, extructa fuit, & Dromichetem, qui postea Lisimachum, ducem Alexandri Magni cœperat, & tertium hunc Varfestum, qui Augusti & Tiberii tempora attigerat, & Cotisonem de quo Horatius. Mirari autem quis posset, cur & Poëta Ovidius, & hic Suetonius quoties Getarum meminit subinde & Sarmatas eis admiscet, & indifferenter hoc vel illo nomine utrosque appellat. Si autem Sarmatarum regnum procul fuit à Getarum provinciis, nec Getæ includuntur Sarmatis, quam de causa Sarmatæ non necessaria sibi pericula attrahebant, & belligerando contra Romanos non necessario se implicabant bello? Vnde quæso intercessit eis cum Getis tam arcta necessitudo, ut se non dubitarint multoties pro eis eorumque iniuriis in manifesta pericula conicere, si Geticæ provinciæ ad Sarmaticam Rempub. non pertinebant? Et cur Ovidius inter Getas manendo optat sibi & precatur ne sepeliatur in terra Sarmatica, si fortè isthic ei contingat mori? Est & Valachia ditionis Polonorum, arma provinciæ eorum vel insignia sunt caput Bubulinum quod in corona insignium, quæ propria sunt regni insculpitur. Adhæc semper iusiurandum conceptis verbis ex formula ad id præparata præstant Voieuodæ eorum Polonis, promittuntque solenniter coram Rege vel Oratoribus eius, se in fide & clientela Sarmatici nominis permansuros, licet subinde hoc nomine cogantur experiri arma Turcicæ tyrannidis. Sed illo tempore Getas arctius obnoxios fuisse Sarmatis credibile est. Nam siue æconomiam respicias, agricolas Getarum Sarmatas vocat Ovidius, siue mercaturæ cōmercia, negotiationes eorum tanquam inter concives communes eis fuisse cum nostris apparet. Quid militiam commorem? tanta alacritate tantoque ardore animorum rem gestam à Sarmatis in causa Getarum apparet, ut vnam Rempub. vnos fines, vnamque causam eis fuisse pro qua pugnare solebant, non sit difficile iudicare. Quod ex illis versibus Ovidii apparet:

Sarmaticæ maior Geticæque frequentia gentis

Per medias in equis itque reditque vias:

*Appendix in qua sparsim partes quædam historiæ
eorundem temporum apertiùs illustrantur.*

L. Irruptiones

*Reges Getarum
veteres.*

Varfestus rex.

Argumentum 1.

Argumentum 2.

Irruptiones Sarmatarum Suetonius Tiberii temporibus, istis verbis describit: Armeniam inquit à Parthis occupari, Mysiam à Dacis Sarmatisque, Gallias à Germanis vastari neglexit: Tiberium intelligit. Eutropius verò addit, & Pannoniam à Sarmatis tum vastatam: Resolutis inquit, artibus militiæ, Armenia per Parthos, Mysia à Dacis, Pannonia à Sarmatis, Gallia à finitimis gentibus direptæ sunt. Notandum & illud quòd Helias Spartianus Getas dici Gotthos affirmat. Vnde Diasyrticus, hoc est dubius iocus emerfit in Antonium Caracallam, qui cum Getas deuicisset, & fratrem nomine Gëtam trucidasset, à Pertinace fuit festiuiter traductus. Etenim mordaciter Getici nomen inter alia cognomenta Antonio ascribendum esse censuit, vtrunq; innuens: & quòd Getas vicerit, & quòd fratrem Getam crudeliter necarit. Sed & Plinius lib. 4. expressè ostium tertium Istri formosissimum omnium, Calostomos nuncupatum dicit, & insulam ibidem Sarmatis tribuit, & Sarmaticam insulam eam appellare non dubitat. Enumerat Reges Gotthorum Iornandes qui intermedii sunt inter Tiberium & Domitianum. Temporibus Augusti ante Tiberium fuit Cotison. De quo Horatius lib. 2. Carminum. Secundus Diceneus qui & philosophiam Ethicam & Logicam & Mathematicas artes eos docuit & Theologiam. Hæc omnia non barbarorum sunt instituta. Etiam instituit ordines sacerdotum, quorum alios pileatos, alios capillatos vocauit. Post Diceneum enumerat Comosicum, nō imparem solertia Diceneo. Tertium Corillum, qui per 40. annos Daciam, inquit, rexit, forsàn vsq; ad Ducebalum, qui cum Domitiano & Traiano diuturnum bellum gessit, & ne error in Daciæ nomine versetur, describit fines Daciæ qui erant illo tempore: Hanc inquit ab oriente Roxolani (nota temporibus Tiberii & Christi Roxolanos non pcul à Danubio mansisse) ab occasu Tamazithes, à septemtrione Sarmatæ & Bastarnæ (prorsus Podgorios Bastarnas nominat, vt supra quoq; aliquoties dictum est,) à meridie amnis Danubii fluentia terminant &c. Dicitque eam corona montium cingi, & duos accessus habere tantum: vnum per Bontas, alium per Thebas. Ex qua descriptione apparet, Daciam tunc fuisse, eam quam nos vocamus Transylvaniam. Et Iornandes suo tempore, hoc est cum Gotthi vastabant Europam, Gepidas ibi sedes suas habuisse, Gepidamque illam regionem vocatam fuisse testatur.

*Pannonia à
Sarmatis peti-
ta illo tempore*

*Plinij locus de
Sarmatia ad I-
strum.*

*Series regum
Gotthorum.*

*Roxolani illo
tempore non
remotè à Da-
nubio habita-
runt.
Bastarnæ.*

*Dacia vbi nunc
Transylvaniam.*

Temporibus Claudii fratris Drusi.

Anno ab orbe

Anno ab orbe condito 4015.
Anno Christi 50.

Quod attinet ad politica nihil tale habemus de Sarmaticis populis, sed quantum ad religionem, refert Eusebius, quod eo tempore ad eas regiones annunciatio Evangelii Iesu Christi perlata fuit. Nam post illud concilium Apostolicum, in quo abrogata fuit circumcisio, Apostoli ex mandato Christi, & concilii illius iussu, veluti datis dextris inuicem per vniuersum orbem terrarum dispersi sunt. Et ex eis Diuus Andreas per ostia Borysthenis ingressus Arctoas regiones, ad illam coenam domini magnam vocat predicatione Evangelii Roxolanicas gentes. Et post quinquaginta sex annos Apostolus Paulus gentilibus nostris Dalmatis, Illyriis, & Nicopolensibus ad Danubium (regia Bulgaria illa vrbs fuit) iubileum remissionis peccatorum, gratiam & pacem, sonora tuba apostolica predicauit vna cum Timotheo & Tichico discipulis suis. De qua re ipsemet testatur ad Romanos 15. 2. Timoth. 4. ad Titum cap. 3. Tum temporis etiam diuus Petrus Galatis, Capadocibus, Thomas Parthis vel Brachmanis, Bartholomaeus Indianis, & sic alii aliis praedicarunt. Hac de re Eusebius loco supra citato, & Sabellicus. Ab illo tempore ferunt Christianismum durare apud Piecziborios Scythas, quos forsan Penticapeos Strabo vocat.

Galba dominante.

Anno ab orbe condito 4035.
Anno Christi circiter 73.

Regnantibus aut potius de sceptro imperii inter se digladiantibus Imperatoribus, trium aut quatuor gentium Sarmaticarum fit mentio, Sarmatarum inquam Alanorum, Roxolanorum & Iazigum. De Sarmatis Iosephus libro sexto capite vndecimo, consulto recitat historiam, quomodo transeuntes Danubium, in Mysiam impetum fecerint, & illatis magnis damnis praesidia cum eorum duce Foteio Agrippa interfecerint, praedamque optimam secum agentes abduxerint, quos postea Rubrion Gallus missus a Vespasiano dissipauit, & dispositis fortioribus praesidiis ripam Danubii aduersus eorum incursiones tutatus est. Et hinc apparet, fines Romanis, Danubii alteram ripam fuisse, alteram vero a Sarmatis defensam. Alanorum vero Sarmaticarum gentium idem Iosephus libro septimo capite decimo nono gesta recitat, sed eos ibi vulgato errore Scythas vocat. Expeditione isti fecerunt in

Fonteius interfectus.

Sarmatae Mysiam inuadunt tempore Galbae & Alani.

Pacorum regem Medorum cuius ditionem vsque ad fines Armeniae deuastauerunt, vxoresque eius abduxerunt. Sed primùm Hircanorum regem attriuerunt armis, eò quòd eis transitum negauit in Mediam per illas angustias montium, vbi, inquit, Alexander Magnus portam ferream excitauerat ad arcendas gentes Arctoas & vectibus ferreis eam obdiderat. Huius loci cum rex Hircanorū tum dominus fuit, eos illac transmittere noluit. Sic & Teridates Rex Armeniae non minus periculum adiit eodem tempore, & parum absuit, quin viuus in eorum manus deuenisset.

De Iazigibus.

De Sarmatis Iazigiis qui suppetias laturo Vannio regi Sueuorum iuerant, cum à Ligiis seu Syllesiis, vt aliqui volunt oppugnaretur, lege Cornelium Tacitū libro duodecimo, vbi recitat quo pacto Claudius à Domitio fuit adoptatus. Meminit eorum & lib. 19. Et apparet magnæ tum reputationis eosdem Iazigas fuisse. Nā inter se armis disceptantibus Vithelio & Vespasiano vtrique prestant gratiam Iazigum, vt eos in commilitium adsciscant, & alter aduersus alterum eorum cohortibus se muniat. Plurimum enim vim equitum eorum reformidabant, qua, inquit, etiam illa ætate plurimum valebant.

*Sarmatica
gens Roxolani
vocantur.*

Roxolanorum verò prælia libro 10. idem Tacitus commemorat, Othonis acta persequens. Eò audentius, inquit, Roxolani Sarmatica gens priore hyeme cæsis duabus cohortibus, magna spe ad Mysiam irruperant: Nouem millia equitum, ex ferocia & successu prædæ magis, quàm pugnae intentæ. Post hanc victoriam etiam & cladis eorum meminit quæ postea secuta est & causam cur ab eis malè pugnatum sit, non in ipsos sed in aëris temperiem aduersam refert. Sarmatæ, inquit, dispersi, aut cupidine prædæ graues onere sarcinarum, & lubrico itinerum adempta equorum pernecitate, veluti vincti cædebantur. Nam mirum dictu, vt sit omnis Sarmatarum virtus veluti extra ipsos. Nihil ad pedestrem pugnam tam ignauum: vbi per turmas aduenere, vix vlla acies obstitit eis.

*Sarmatarum
robur in qua in
structione exer
citus consistit.*

*Gladij Poloni
ci perierunt.*

Sed tum humido die & soluto gelu, neque contis, neque gladiis, quos prælongos vtraque manu regunt (horum gladiatorum, & nostra adhuc ætate vsus fuit) vti potuerunt, lapsantibus equis ex cataphractorum pōdere, simul altitudine & mollitie niuis impediēte.

Domitiano regnante.

Anno ab orbe condito
Anno Christi

4045.
83.

Verissimum

Verissimum est vetus dictum: Bellum incipere in cuiusvis potestate est, sed finem ei imponere, non nisi eorum est, qui à Deo adiuuantur. Ita Romanorum bellum cum Sarmatis Gotthisque seu Getis sese habet. Sub Augusto quidem inceptum, sub Tiberio inflammatum, sub Domitiano verò ardere coepit, & tandem Gotthis Italiam inuadentibus in flammam inextinguibiles vel potius cineres versum est. Huius belli apud multos historicos & poetas descriptionem habemus. Et Suetonius quidem in vita Domitiani sic: Violatis deinde paulò post Romanis bella intulerunt. Eam iniuriam Romani duo duces Opius Sabinus & Cornelius Fuscus ultum missi, ambo vnus post alium cum exercitu & legionibus caesi sunt. Claruit tunc inter eas gentes princeps ferè omni laude superior, & in rebus bellicis Romanorum ducibus præcipuis comparandus Ducebalus, quem Orosius Diurpaneum Panorum Polonorum, id est, dominorum appellationem præ se ferentem vocat. Hoc duce potissimum hæ gentes usæ sunt in eo bello. Alter scriptor Dion huius belli mentionem faciens in laudes eius regis tali digressiuncula prorumpit: Is erat inquit, in cognoscendis rebus bellicis perspicax, in agendo solers, promptissimusque ad inuadendum & ad regrediendum, si res ita postulabat. Nouerat enim optimè insidias facere, prælium committere, optimè uti victoria, & acceptam cladem ferre moderatè. Sed Suetonii verba ipsa de hoc bello & de Domitiano adscribere placet: Expeditiones, inquit, partim sponte suscepit, partim necessariò: sponte in Catos: necessariò autem vnā in Sarmatas, legione cum legato simul cæsa. In Dacos duas: primam Ospio Sabino consulari oppresso. Secundam Cornelio Fusco præfecto cohortium prætorianarum, cui belli summam commiserat. Laborat hic Iustus Decius scriptor rerum Polonicarum volens probare Getas fuisse Sarmatas. Sed hæc res labore tanto non indigebat, cum res per se sit plana. Cuius negotii euidentissima documenta à me adducta sunt, & adhuc inferius adducentur. Ex Paulo Orosio: consimilia de eodem bello. Bellum aduersus Germanos & Dacos per legatos iussit administrari pari Reip. perniciæ. Nam quanta fuerint Diurpanei Dacorum regis cum Fusco duce prælia, quantaque Romanorum clades longo textu euoluerem, nisi Cornelius Tacitus de reticendo interfectorum numero & Salustium Crispum & alios autores quamplurimos sanxisse, dixisset. Domitianus tamen prauissima elatus iactantia sub nomine superatorum hostium de extinctis legionibus triumphauit &c.

*Ex Suetonio.**Orosius lib. 7.
cap. 10.*

Eutropius verò de iisdem expeditionibus Domitiani ad eundem modum sic scribit: Expeditiones quatuor habuit: vnā ad-

Ex Eutropio.

uerfus Sarmatas, alteram aduersus Catts. De Dacis Cattisq̃ue duplicem triumphum egit, de Sarmatis solam lauream vsurpauit. Multas quidem calamitates iisdem bellis passus est. Nam in Sarmatis legio eius cum Duce interfecta est, & à Dacis Appius Sabinus consularis, & Cornelius Fuscus præfectus prætorii, cum magnis copiis occisi sunt. Meminit & Statius eiusdem cladis.

*Rhenus & artoniti vidit domus ardua Daci,
Et conuictos deiectos vertice Dacos.*

Ex Iornande.

Quia hic Statius meminit coniurationis Gotthorum contra Romanos, exponit hæc Iornandes, commemorans foedus quoddam, quod cum aliis principibus pepigerant Gotthi: Huius confederationis mentionem facio, ad illustrandum consilium Slauorum, qui simile foedus aut idem contra eorundem Romanorū potentiam fecerunt. Et tunc Slauorum nomen sibi imposuerant: de qua re Iornandem iam audiamus: Domitiano inquit, regnante, eius avaritiam metuentes, foedus quod dudum cum aliis principibus pepigerant Gotthi soluentes, ripam Danubii iam longè possessam ab imperio Romano, deiectis militibus cum eorum ducibus, vastarunt, cui prouinciæ tunc post Agrippam præerat Pompeius Sabinus (de Agrippa hoc à Sarmatis occiso, supra ex Iosepho memini): & mox: Apud Gotthos autem Dorpaneus principatum agebat, quando bello commisso Gotthi Romanis deuictis Pompeii Sabini capite abscisso multa castella & ciuitates inuadentes de parte Imperatoris, publicè depredarunt, qua necessitate suorum Domitianus adductus cum omni virtute sua in Illyrium properauit, & totius penè Reipub. militibus ductore suo prælato cum electissimis viris annum Danubium confertis nauibus ad instar pontis transire coëgit super exercitum Dorpaneus. Tum Gotthi haud segnes reperti, arma capeffunt, primoque armati cōflictu mox Romanos deuincunt, Fuscoque duce extincto diuitias de castris militum despoliant, magnaq; potiti victoria, iam procures suos quasi qui fortuna vincebant, non puros homines sed Anses vocauere.

Pompeius Sabinus deuictus

Fusco deuictus

De pseudotriumphis Domitiani.

Vera autem Dionem de eo scripsisse apparet, eò quòd constat inter omnes Domitiano Cæsari ita formidabilem fuisse Diurpaneum, vt ne aspicere eum, nedum accedere aut cōserere manus cum eo ausus fuerit. Ideo Sabinum & Fuscum magni tum nominis duces ei opposuit. Sed & ii fusi fugatique cum exercitibus toties victoribus, deleti trucidatique sunt. Veritus igitur Domitius infamiam apud suos, simulque ne adiret periculum capitis, vana & futile iactantia & pseudotriumphis negocium corrigendum sibi statuit: poëtis

tuit: poëtis dat negotium celebrandi sua bella, trophæa passim collocat victoriarum, triumphosq; de trucidatis legionibus peragit. Interim verò ne Diurpaneus victoriam prosequatur, pacem redimit, falsamque gloriam aucupatur, non modò de Getis & Dacis, sed etiam de Sarmatis. Fatetur tamen, ne in toto mendax appareat, minus se interfecisse de Sarmatis, proinde hac de causa lauream tantùm Ioui Capitolino donat, vt Suetonius tradit.

De regno Dacorum, nostra memoria excitato.

Ac eius quidem regni memores etiamnum Valachi nostra memoria ante quindecim annos, extimulati fama veteri rerum gestarum, cogitabant hoc ipsum regnum situ iam & puluere oblitum instaurare, ac quendam Despota de stirpe veterum Despotarum, vt ille in inuidiam versa, tandem ipsimet Despotæ interitum accelerauit. Paulò post enim à Thomsa quodam Satrapa, palatii sui magistro obtruncatus fuit, quo nomine de eodem interfectore ab Augusto Rege Poloniæ tanquam supremò Daciæ domino supplicium sumtum fuit. Leopoli enim metropoli Rusiæ in foro cunctis spectantibus præcisum ei fuit caput. Noueram ego hunc Despotam, & familiariter eo usus sum non exiguo tempore. Et videbatur homo esse religiosus & bonus. Sed vt postea ferebatur, successu fortunæ deprauatus superbire cœperat, amicitiamq; cum Baronibus Poloniæ rescindere, quàm si diutius coluisset, & ipse incolumis hætenus regnare potuisset. Sed verè dicitur: Luxuriant animi rebus plerunque secundis: Et, asperius nihil est humili cum surgit in altum. Verius autem ad Transyluaniam gloria regni Dorpanei iure successionis pertineret, quàm ad Valachum, cum sedes Dacorum & Dorpanei præcipue fuerint, vbi nunc est Transyluania, cuius rei à me mentio superius est facta. Orosius, vtpotè latinus, regem hunc Dacicum, Diurpaneum vocat, at Græci Decebalum, sicut apud Dionem videre est.

Despota Valachie.

Causa interitus Despotæ.

Appendix.

Post deuictos Romanos, tanta gratulatio oborta fuit Dacibus, vt etiam suos belli duces, Anses, id est, semideos, quos Rusi Bohattiras, latini Heroas, Germani halbe gotter, vocare inciperent. Ex his Heroibus originem ducit Iornandes, & familia clarissima Amaleshutorum, de qua paulò post dicemus. Post illa bella existimo monetam Romanam cum imaginibus & inscriptione Transyluanie in Poloniam inuectam, quæ à rusticis etiamnum arantibus agros reperitur

Anses vel Bohattiri.

Occasio monetæ Romanæ in Poloniam inuectæ.

grös reperitur effoditurq;. Hæc vero est, alia bigata, alia quadrigata. Nam olim ab Imperatoribus pecunia cum talibus imaginibus in triumphis spargebatur.

De temporibus Traiani Imperatoris.

Anno ab orbe condito 4065
Anno Christi 105

Quia durabili præsidio Romanorum bella administrabatur, ideo quantumvis robur exterarum gentium sese eis pro tempore obiciebat, omnes tamen aut vi aut mora, extrahendo tempus conflictus, debiliores reddebant. Sic bellum Diurpaneicum, cum sedecim annis durasset, ad extremum tandem Rege extincto debilitari coepit, & paulò post ab Imperatore Traiano finitum est. Occasio renouati belli, erat memoria recens interfectorum Ducum cum exercitibus sub Domitio, & quod recens Iazigas Metanastas Diurpaneus vi & ferro, ut desertores communis belli & communis periculi hostiliter persequeretur. Manebant Iazyges in vicinia Dacum, Tibiscum versus. Itaque Romani usitato eis pretextu defendendi vicinos, (præsertim qui oppressi esse videbatur) aduersus vim potentioris regis, expediunt arma. Põtitus victoria Traianus, ob perennem memoriam rei bene gestæ, triginta columnas, ut essent veluti termini & gades imperii, in Istrum iniecit. Expulit & magna ex parte veteres colonos ex Dacia, illectusque soli fertilitate veteranis suis eam attribuit, hoc nimirum consilio, ut essent velut antemurale & propugnaculum contra vltiores Sarmatas. Utq; celerius & magis expedite à legionibus, quæ ad tutandos fines Mysiæ erant iuuarentur, & ipsi vicissim re ita exigente legiones illas iuuare possent, pontem admirando opere & impensis magnis per Istri vastam amplitudinem excitat, non procul à Nicopoli, vbi quondam Paulus Apostolatu fungebatur, vbi etiam postea copiæ Christianorum quas contra Turcam Sigismundus Cæsar ante centum annos eduxerat, à Turcis oppressæ sunt. Per eam occasionem proditum est memoriæ ab historicis, quod Valachi initium sui dominatus in illis oris iecerunt. Sed quia Valachorum obiter mentionem feci, non abs re fuerit si luculentius de eorum origine, quid sentiendam sit, ex monumentis veterum retulerimus.

De Dacorum et Valachorum vera origine.

Narrat

Narrat Eutropius, quòd profligatis Dacorum copiis Traianus *Eutrop. lib. 8.* Imperator illam regionem in formam prouinciæ redegerit, Romanoque Imperio adiecerit, siue vbertate soli illectus, siue eo proposito, vt haberet vnde militibus stipendia merita compensaret. Quod autem ipsi Valachi iactant se ortos à Flacco quodam Romanorum principe, non omnino hallucinantur, habentque quendam eius rei prætextum. Poëta enim Ouidius in suo carmine facit mentionem eius rei, vt supra quoque commemoratum est. Sed Flaccus hic Augusti temporibus adhuc in Mysia inferiore in vltiore ripa Istrī militabat, nec sese Romani adhuc in eam regionem citiorem insinuare poterant. Vera ergo sunt hæc, quæ ex Eutropio adferuntur. Sed consilium Imperatoris, occupandi alteram ripæ partem, poterat ad acquirendam laudem ipsius et prodesse, sed Romanis valde triste & exitiale fuit. Traiecto enim Istro, illa finium turbatio & pontis extructio seminarium fuit postea illorum diuturnorum bellorum Gotthicorum. Nam ob illam temerariam & imperiosam Romanorum audaciam omnes hæ gentes ita exasperatæ sunt, vt totus tunc contra eos septemtrio tonare videretur. Facta enim conspiratione & confœderatione inter sese, toto animo contra eos ferebantur. Huius coniurationis Poëta etiam meminit: Et coniuratos deiecit vertice Dacos &c. Sed narrata occasione rei, ad propositum redeamus. A gente Getica Valachos primam originem ducere, præter documenta alia illud argumentum est, quod vigorem animi ad eam vique diem, eundem retinent, & bellis apprimè delectantur, ita vt eodem epitheto Marticolæ cum poëta eos merito vocare possimus: aspectum truem præ se ferunt, & in fronte hyrcum militarem gerunt. Lingua eis cum Getis quondam communis fuit. Nam Strabo testatur suo tempore utrosque & Getas & Dacos vnius lingue fuisse. Quod autem vestigia lingue Italicæ inter eos sparsa sunt, existimatur ab illis legionibus Italicis factum esse. Sed tamen Sarmaticæ lingue vsus apud eos quoque hætenus ita perfamiliaris fuit, vt etiam regulum suum Vaiuodam lingua nostra vocare non desierint. Quin & ipsum nomen quo gens vocatur, à nostris hominib. est eis impositum. Nam cum nostræ lingue homines eos Valachos, hoc est à Valachis vel Italis oriundos cœperunt appellare, mox vicinæ quoque gentes nostro exemplo, id est Germani, Lithviani, ac demum & ipsi Itali similiter assueuerunt eosdem cognominare. Sed & in Græcis historiis Blachos, W litera in B mutata eosdem vocari reperimus. Hi Multi *Blachi.* tani etiam subinde vocantur, vocabulo ad illos saltem detorto, qui superiorem Daciam inhabitant. Sunt tamen alii quibus inférieurem

M

riorem

Narrat

Multani unde dicti.

Tyragitæ Sarmatæ.

riorem prouinciam potius ita appellare placet. Puto autem Multanos à multitudine gentium quæ eò confluxerant, temporibus Romanorum, & varietate confusioneq; linguarum sic appellari. Ostensum enim est præter antiquos Getas & Dacos etiam Græcos & Italos & Slauos isthic habitasse. Et Ptolomæus Cistobocas & alias plerasq; prouincias Daciæ à Sarmatis vltioribus inhabitatas fuisse affirmat. Quin & ad Tyram populi Sarmatogetæ ab eodem ponuntur. Temporibus autem Honorii & Arcadii Gotthos iam post illam expeditionem Italicam hanc regionem recuperasse, autor est Iornandes & Procopius. Ab hac igitur multitudine gentium Multanos vocatos esse, sicuti Syllesiam, eandem ob causam nomen suum sortitam res ipsa indicat. Mores gentis sunt magna ex parte ad astutiam inclinati. Ideo principes finitimi, etiam si deierauerint millies, non admodum eorum pactis fidunt. Sed & Cornelius Tacitus aliquid simile vetustatem de eis sensisse prædicat: Nota, inquit, Dacorum gens, nunquam fida, tunc sine metu abducto ex Mysia exercitu &c. In historia Latina prima eorum fit mentio ab anno 1330. In Græca autem à temporibus Isaaci Angeli. Fuit Wnalia dux belli strenuus ex hac gente tempore Honorii. Fuit & Actius ille popularis Valachorum, non dispar huic, q̄ medius steterat cum suis copiis in illa grauissima pugna tridua, Vadalorum inquam, Hunnorum & Gotthorum ad Tolossam.

Appendix.

Forma pontis in Danubio.

Formam pontis illius admirandi à Traiano in Danubio extructi Dion describit in Traiano ad eum modum: Eius pontis pilæ sunt 20. ex lapide quadrato, singulæ absque fundamentis, altitudine pedum 150. latitudine 60. Distant inter se interuallo 180. pedum, suntq; cum fornicibus coniunctæ, cuius operis sumptus licet sit incredibilis, tamen plus admirationis habet, quod hæc in fluuio gurgitibus pleno, limosoq; alueo facta sunt, quodq; fluxus eius fluminis alio auerti non potuit. Neque verò latitudo ipsius idcirco à me dicta est, quòd permagna sit: nonnunquam enim duplo triploq; magis inundat, sed quòd tanta sit in eo loco angustissimo, quo tamen nullus erat ad pontes faciendos accommodatior. Quo in loco, quanto magis flumen ex lato in angustum fluit, rursumque ex angusto fit latius, tanto rapidius fertur, altiusque est, vt id pontis faciendi difficultatem augeat maximè. Ex quo Traiani magnitudo animi intelligi facile potest.

De Burijs Sarmatis qui tunc commilitabant.

Dion ibidem.

Postquam

Postquam Traianus in Dacos exercitum duxit, nec longè abfuit ab iisdem locis in quib. Buri hostes castra posuerunt, fungus ingens ad eum allatus, in quo scriptum erat latinis literis: Burros sociosque omnes à Traiano petere, vt pace facta domum reuertetur. Sed Traianus nihilominus confligit &c. De Buriis supra dixi. Erant ii populi ad ripam Istulæ, ferè eo locorum, vbi nunc Varka aut Varisauia. Vide Ptolomæum. Circa eadem tempora Gotthi nostri seu Visogotthi Germanorum fines attrectant: sed à Ducibus Germanis Richimero Francorum & Ermanaricho Turnigiorum reprimuntur. Germania enim toties à Gotthis vastata, vi considerationis illius excita, intenta erat ad infringendos conatus Gotthorum. In decursu etiam eorundem temporum referunt historici Sauromatas à Traiano Imperatore fuisse in fidè acceptos, quod de Asiaticis Sarmatis intelligendum puto. Nam hæc sub tempus expeditionis illius acta prædicantur, quando Traianus in orientem profectus erat cum exercitu, quo tempore magnum discrimen vitæ adierat. Tempestate enim illius terræ motus, qui Antiochiæ acciderat, parum aberat quin obrueretur, ni se confestim inde proripuisset. Iam quod Danos à Dacibus istis siue Valachis quidam deducunt, non videtur vero consentaneum esse. Plinius enim iam suo tempore insulam illâ, vbi nunc est regnum Daniæ vocat Dumnos. Ideo proprie Poloni eos non Dacas sed Dunos vel Dunczi ki vocant. In qua sententia est etiam Melius Ptolomæi interpres, qui magis propriè vocandos censet Danos quàm Dacas. Hos alii Multanos vocant, quod ex multis generibus hominum conflati erant, quod etiam Mysiorum nomen *od zmiesânia iezykâ* respicere videtur. Illa enim confusio gentium constare videtur ex aduenis & indigenis, hoc est, potissimum ex Roxolanis Romanisque sicut & Syllesiorum voce quasi conuenarum globum quendam instar Euripi tumultuantium vocatum putant, licet alii Syllesiorum nomen Slauonum nomen respicere, cum eoque cohærere putent.

sociale bellum

Buri qui.

Gotthi Germaniam vastant.

Terræ motus Antiochiæ.

Multanorum, Mysiorum, & Syllesiorum nomen.

Posttempora Traiani, re-

gnante Adriano Imperatore.

Anno ab orbe condito 4080.

Anno Christi 118.



Adrianus Traiano successit, qui quanquam optimè consultum nomini sui consobrini & patroni voluit, cuius opere ad decus imperii peruenerat, tamen cum animaduerteteret eius consiliis non respondere effectum, quin potius contrari

M

2

um accidere

Traianus pontem erigit, Adrianus pontem diruit. Iustinianus restaurat eundem.

rium accidere, itaque pontis illius per Danubium machinam superbè & multo sumptu extructam deiicit. Nam cum hæc eo fine excitata & excogitata esset, ut magis expeditè harum gentium incursiones à Mysia arceri possent, contrarium accidit. Instrato enim ponte & via patefacta, quoties libuit, silenti agmine & aperta vi infundebant se & adoriebantur ditiones Romanorum prædasque liberius agebant, oblata & transcendendi flumen & redeundi tam commoda occasione. Ita non rarò accidit mortalibus, ut quæ putant ipsis prodesse sæpe obesse soleant. Pontem igitur illum primus Traianus extrui curavit, hunc post eum Adrianus diruit & deiicit. Rursus eundem Iustinianus novis ad hoc institutum causis eum impellentibus instaurari curavit. Et hoc anno quo Serenissimus rex Poloniae in Moschouia abfuit, fama fuit sparsa, Turcam velle omnino exemplo superiorum Imperatorum denuo eundem excitare.

Ante Traianum idem pons erat ligneus.

Occasionem pontis illius à Traiano fabrefacti describit Dion historicus inquiens, quod Traianus pontem hunc fecerat, metuens ne Danubio cōglaciato frigoribus, Romanis qui trans flumē essent bellum inferrent, quod si eveniret, ut posset per eum copias facile traducere. Adrianus contra metuens, ne Sarmatæ oppressis custodibus pontis in Mysiam facile trāsirent, superiores partes eius disturbare iussit, ita ut pilæ eius tantum ostentationis causa supra undas eminerent, constaretque nihil tale reperiri, quod humano ingenio & infano sumptu effici non possit. Meminit Orosius belli Sarmatici cum Imperatore Adriano lib. 7. cap. 13. ante Traianum etiam pontem extructum fuisse legimus à Domitiano, sed ille fuit ligneus, nauibus contextis innitens, ut supra etiam meminimus. Ante Domitium Darius etiam in eodem Istro ad Zeugma Ieron pontem erexerat. Strabo lib. 7. Cazimirus Magnus rex Poloniae longè post, ibidem Seuerinum oppidum locavit, ut esset arx belli. Cromerus lib. 13. Vbi Iovius quoque hunc pontis locum fuisse affirmat.

De finibus vetustis et limitibus Sarmatiae Europae tractatio iucunda et utilis.

Quia hîc sæpius incidit sermo de limitibus, quibus Sarmatiae à regionibus Imperii Romani distinguebantur: Præterea quia Ptolomæus Mathematicus iisdem temporibus floruit, qui præ aliis, luculentius de Sarmatiis earumque situ & finibus memoriæ prodidit, non potui sicco pede transire hanc rem, præsertim cum ea tractatio non modo serviat delectationi, sed etiam utilis sit, & digna auribus

auribus Principis & cuiusvis nobilis Poloni. Est præterea res iucunda homini liberaliter educato, nosse in qua regione patria sit ipsius sita, in qua enutritus & educatus ad societatem humanam, cui etiam hoc nomine vitam & fortunas suas debeat. Audiuimus autem iam aliquoties quo modo Moses diuinus, cum esset eruditus in omni genere sciendarum Aegyptiacarum, trium filiorum Noë legiones exactè ac propemodum Geographice distinxit ac delimitauerit, ut putares eum regundorum finium perfectissimum magistrum fuisse. Nam & consuetudinem mathematicorum & phrasas ipsas sequitur. Sicut enim Ptolomæo est consuetudo, latera regionum primum describere, ita & Prophetæ, ductorem suum Moysen secuti, laterum aquilonis, in quibus Mosoch regnauit & alii septentrionales principes, sæpius meminere. Existimo igitur principia artis Geographicae ab illis sanctis patribus profecta fuisse ex quibus artem postea integram coagmentarunt insignes artifices. Babylonica ergo historia, describendo fines Sarmatiae Europae, affirmat hos populos illo tempore vetustissimo regnasse à Tanai usque ad ipsum Rhenum. Nec mirum videri debet, quod Berosus tam latè diduxerit fines Sarmatiae. Credibile est enim etiam illo tempore usitatum fuisse Sarmatarum nomine vocari omnes gentes, quaecunque lingua Slauonica utebantur, puta: Polonos, Roxolanos, Getas, Vandalos, & Moschos, & alios populos apud quos haecenus in usu est lingua Slauonica, qui illa loca inhabitauerunt. Sicut autem Babyloniorum regum temporibus, ita quoque & Alexandro Magno regnante tam longè & latè Sarmatas regnasse, tenuisseque vtramque ripam Istri probari potest. Quod ex transactione Alexandri cum Getis, & diplomate concessio, cuius non ita pridem libro secundo mentionem fecimus, cuius probatum esse potest. Præterea locus ad Tanaim, ubi olim fuisse aras Alexandri scriptores tradunt, indicat fines Sarmatarum eosdem fuisse temporibus Græcorum Monarchiae, ita ut videatur ista res non modò scriptorum nudis verbis celebrata, sed etiam signis incurrentibus in oculos veluti gadibus quos scopulos vocant confirmata, id quod facere solent ii, quibus facultas regendi fines inter vicinos à suprema potestate conceditur. Hæc acta sunt ante bis mille annos. Sic post Alexandrum Lysimachus princeps & successor Alexandri, id quod summus Monarcha in orbe semel statuerat, ratum fecit & confirmauit. Quod ex secunda eius transactione liquet, quam cum Dromichete rege Getico peregerat. De qua re lib. 2. abundè à nobis commemoratum est, cum tempora eiusdem Lysimachi persequeremur. Sic Darius rex Persarum, post Cyrum secundæ Monarchiae conditor,

Principia geographica à patribus accepta

Berosus lib. 4. & 5.

Temporibus Alexandri Magni delimitatio Sarmatiae.

Lysimacho regnante.

Darius.

*Quartæ monar-
chiæ assensus.*

*Suetonius in
vita Aug. 51.*

*Florus lib. 4.
cap. 12.*

*Occidentalis li-
mes.*

*Romani Albim
non transierunt*

Traiani tempus

Ptolomæ lib. 3.

chiæ conditor, non legitur fines Sarmatici regni aliquando rescidisse. Habuit autem eius rei occasionem admodum opportunam in reditu ex Septemtrione, illo nimirum tempore cum ad Amintam regem Macedonia cum durior nuncio misisset. Ecce iam ostendimus consensum, qui fuit trium monarchiarum temporibus, ostendimus quoque Romanorum, qui eadem quæ superiores de finibus Sarmatarum sanxerant rata habuerunt, suoque calculo comprobant. Scribunt enim historici Augustum cum in Hispania illis periculosis temporibus degeret, cum legatis Sarmatarum Getarum quæ pacem sanxisset, foedusque percussisset iis conditionibus, ne ripas Istri transcenderent. Ideo ad Lucillum scribit, ut adversus Sarmatas ripam tantum Istri tueretur. Et de Flacco *OVIDIVS* inquit. Hoc duce, ripa tuta fuit Istri. Et ostensum est ex eodem Poëta Ouidio, quod suo tempore mare illud, quæ se Ister Ponto miscet, mare Sarmaticum vocabatur, ex quo irrefragabiliter concluditur, fines Sarmaticos eatenus extendi, quatenus mare Sarmaticum diffunditur. Imò & Plinius expressè fatetur Calostomum, id est tertium ostium Istri Sarmatas inhabitasse. Hæc dicta sint de limitibus Sarmaticis orientem versus. Quod verò attinet ad occidentales limites, de iis scribit Suetonius sic: Germanos ultra Albim summouit, ex quibus Sueuos & Sicambros dedentes se, in Gallias traduxit, atque proximis Rheno agris collocavit. Quæ verba Suetonii Beroaldus & Antonius Sabellicus exponens, inquit: Albis fluuius est, qui in duo spacia Germaniam determinat, ut autor est primo Geographiæ Strabo, qui in septimo tradit Romanos non transcendisse fluuium Albim &c. Quod autem narrat eum Sueuos transfuisse in Gallias & ad Rheni fluentia, forsan ideo fecit, quod eos malè tutos fore à nostris gentibus præuidebat, qui fines suos ad ripam Albis fluminis extendebant. Itaque Sueuos tanquam alieni fundi dominos inde transtulit, ne deinceps materiam belli Sarmatis aliquam relinqueret. Sic Traiani columnarum aut pilarum in profluentem Istri iniectio, pontisque erectio quid aliud sibi vult obsecro, nisi quod huiusmodi signis Imperatores eodem fines in omne ævum sancire voluerunt. Et quamvis postea la cessitus prætergressus sit hos limites, colonias in Daciam transmittendo, tamen Gotthici populi breui sua recuperarunt. At Adrianus successor Traiani illum ipsum pontem tanquam materiam omnium malorum deiecit, re ipsa innuens se velle veteribus finibus Istri contentum esse. Iam ordo & series temporum nos monet, ut Ptolomæ quoque testimonio ea quæ diximus probemus. Scribit verò is Sarmatiam Europæam à septemtrione Oceano terminari, ab

nari; ab occasu parte Germaniæ, à meridie Iazigibus Metanastis. Ac quemadmodum Ovidius Ponti Euxini illam oram, qua sese Istula & Borysthenes exonerant, Sarmaticum mare vocat, ita Ptolomeus Oceanum qua Istula & Albis mari miscetur eodem cognomine, id est, Sarmaticum appellavit. Quod si istis lateribus duobus veluti parietibus addideris Carpati montes, quos etiam multoties Sarmaticos montes idem scriptor ex autoritate & consensu antiquitatis vocat, non erit difficile quæ Sarmatia antiquis erat, eiusque fines cōcipere. Quicquid enim gentium reperitur intra duomaria ista Sarmatica, id est, Pōtum Euxinum ab oriente, & Oceanum ad Istulā ab occidēte, mōtesque Sarmaticos circum à meridie, id totum Sarmatiā appellari nemini dubium esse debet. Ptolomeus ergo si iuxta Ioachimi Vadiani sententiam exponatur, pro nobis facit. Verba Ptolomæi sunt: Ab occasu verò terminatur Vistula fluuio & parte, quæ est inter caput ipsius & Sarmaticorum montium, linea & montibus ipsis quorum situs dictus est. Quæ verba Vadianus scribens in Pomponium Melam sic exponit: Ideo Ptolomæus addit, non Istula tantum, sed & montibus qui in Iazyges imminēt, & Germaniæ parte terminatur. Sed de Ptolomæo eiusque sententia quid sentiendum sit mox accuratiùs dicemus.

Temelior geographicum.

Ex Solino.

Solinus & Mela Pomponius Sarmatarum fines non denotat, sed tamen dum Germaniæ veteris limites describit facillè patet qui Sarmatiæ fines tum fuerint. Porro de Germania sic tradit: Germania extenditur inter Hercynium saltum, & rupes Sarmatarum, ubi incipit, Danubio, ubi desinit, Rheno, perfunditur. Ergo iuxta Solinum initium veteris Germaniæ à capite Danubii incipit, & extenditur, quā Rhenus lambit mediterranea totius Germaniæ. Vbi ergo alas suas nunc Germani extenderunt, ab illa parte Gallia erat, ab hac verò Boëmia, versus Sarmatiam.

Ex Iornande

Ad Ptolomæi descriptionem & Solini, addatur etiam illa Iornandis qui Iustiniani temporibus statim sub Lechi tempora vixit. Nam & is non dissimilia de finibus Vandaliciæ memoriæ prodidit: Vandalici, inquit, ab oriente Gotthos, ab occidente Marcomanos, à septentrione Hermoduros, à meridie Istrum habent. In quibus verbis tria debent observari: Primò quòd Gotthos, Burios, Quados, & Offos in Vandalis reponit. Nam si cum Marcomanis usque ab occidente fines habuerunt Sarmatici Vandalici, Gotthini autem, Offi, Burii,

*Consensus Ior-
nandis & Dio-
nis Historici et
nostri. 1601. um.*

*lib. 4. à princi-
pio.*

*Bugunte Bur-
gundiones sunt*

*A distinctione
Marchionatu-
um argumen-
tum.*

si, Burii, terga Marcomanorum iuxta Cornelium Tacitum clau-
dunt Istulam versus, tunc necessariò in Vandalorum partem non
Germanorum trāseunt. Secundò, notandum quod hic à possessi-
one ripæ Istri Vandalos non remouet suo auro. Tertiò quod con-
fines eis Hermunduros facit. Et notum est etiam attestante autore
supplementi Carionis, Hermunduros habitasse in aditu montium
Sudeti, quos Vandalicos montes Dion vocat. Ergo apparet utrū-
que, Dionem inquam & Iornandem consentire in eo quod Vin-
dæ seu Vandali iam illo tempore ad Albim sedes suas habuerunt, à
quibus certè Sorabi non possunt disiungi, vt etiam mox ex Caroli
Magni historia eadem res clarius illustrabitur. Affirmant autem
nostri historici, Dlugossus, inquam, Miechouiensis, M. Crome-
rus, & luculenter declarant, Caroli Magni temporib⁹, quo etiam
Lescus tertius apud Polonos regnavit, fines nostrarum gentium
vsque ad Albim & vltra Albim prolatos fuisse. Quorum narratio-
nem etiam autor ipse supplementi Carionis, homo alioquin Ger-
manus, & historica professione nemini secundus, suo calculo cō-
probat: Cuius verba hæc sunt: Terminarunt ergo Germaniam, ver-
sus ortum & gentem Henetam Caroli Magni temporibus, Albis
fluuius & montes Boëmici. Sic & autor supplementi eiusdem Ca-
rionis Marcomanos dictos esse affirmat, quòd Germaniam à Sar-
matia olim determinabant. Mark enim fines significari dicit lin-
gua Germanica. Et Buguntas quos ad Albim ponit Ptolomæus,
indicat esse colonias Burgundiorum, quos inter Sarmatas collo-
cat, sicuti & nunc incolæ illorum locorum sunt stirpis Polonicę.
Sed versus occasum non reperiò &c. Sed & ipsius Theodosii tem-
poribus (quòd iam multò ante fuit) fatetur Saxonicos & Turingi-
cos exercitus collocatos fuisse in illis partibus ad tuendos limites
contra Sarmaticos &c. Hæc temporanea defensio finium in ordi-
nariam abiit. Nam postea temporib⁹ Carolorum, Otthonum con-
stituti sunt Marchionatus, hoc nimirum consilio & ad eum finem,
vt essent semper parati ad tutandos & defendendos illos limites, non
expectato illo comitiorum publico senatus consulto, quod & ex-
positio ipsi nominis eorum indicat: Marchiones enim quasi li-
mitanei custodes dicuntur. Nam sicut Marchionis Antuerpiensis
officium erat fines aduersus Gallos, ita Tyrolësis aduersus Slauios,
Austriaci aduersus Pannonas, Duringici aduersus Danos, Saxoni
ci verò & Mysnici aduersus Sarmatas defendere. Vel igitur ex hac
sola Marchionatuum ordinatione, officioque eorum qui hunc
magistratum gerunt, ac ex ipsa vi nominis liquet, qui fines olim
fuerint Germaniæ, & qui Polonorum. Nam si Germania vterius
ad septem-

ad septentrionem protenderetur, utique isti marchionat⁹ nequaquam ad Albim & Salam, sed ad Viadrum & Vistulam constituti fuissent, sicuti postea fatiscientibus viribus Polonorum ob direptum & diuisum regnum per principes Regiæ sobolis, Brandeburgensis instituta est vltimò noua Marchia. Quod si autem aliquibus adhuc ista quæ attulimus non satis faciunt, saltem cōsiderent scripta eorum, qui etiam tempora consignarunt, quando & à quibus illæ Slauonicæ prouinciæ Poloniæ detractæ sunt. De Lusacia enim vtraque chronicon Germanicum sic annotat: Sub Henricho inquit, Boëmia Lusaciæ accessione vtriusque aucta in fidem & clientelam contulit se Cæsaris. Et mox: Hæc res causam dedit, ut principes Syllesie orti à Ladislao, ut dixi, dolore repulsæ & cōtemptus sui, à Polonis discederent. Et postea: Mox sese duces Syllesiorum ex certa & tuta libertate in seruitutem coniecerunt, priore duriori conditione infelicitè mutata. Inuitati enim & conuersi his dissidiorum domesticorum occasionib⁹, ad concupitam iam dudum & tentatam sæpe Syllesiam Boëmici reges, Ioannes patre Henrico 7. Imperatore natus, vir astutus, & Carolus filius, auctis inter dissidentes principes odiis, non magno negotio perfecerunt, ut aliqui spontè, aliqui expugnati minis vel pretio, plurimi blandis capti pollicitationibus, liberè colla obuio iugo subdiderint. Hoc intestinarum discordiarum motu redacta sub iugum Syllesia, paruit deinceps regibus Boëmiæ. Et paulò post: Hoc nuptiarum foed⁹, hoc est Jagellonis & Hedwigis reginæ Polonorum, inter vtramque gentem Polonicam & Lithvvanicam bella diremit, & Polonia adaucta accessione Lithvvanicæ ac finitimæ Russiæ, iacturam auulsæ Syllesie compensauit. Eadem scripsit Dlugossius Polonus, & Martinus Cromerus de occasione ademptæ Syllesie, Lusatiæ, Pomeraniæ & aliarum prouinciarum Albim versùs, à regno Poloniæ. Sed malui non meæ gentis hominis testimonium adducere, ne de re per se manifesta postea quisquam ambigat. Ad eandem rem facit testimonium illud cuiusdam historici recentis: Huius rei, inquit ille, non modò scripta historicorum, sed etiam vrbi-um populorumque nomina & cognomina nobis argumento esse possunt. Sunt ibi populi qui adhuc nostra lingua vtuntur, Lusacii, Vindæ, Sorabi, cum quibus contigit mihi lingua nostra sæpius loqui. Et cum assiderem mensæ, hospita dixit ad puellam: Golyca nâhulay bânku pyvvá, id est, famula adfer amphoram cereuisiæ. Sic & vrbes suis nominibus testantur, cuius nunc sunt & cuius ditionis antea fuere, Zgorzelecia, Miedzibozum, Wisnaria à Lecho ipso condita, Luna & ipsa Lubeka, quæ adhuc ab incolis illius re-

N gionis, qui

Lusacia & Syllesia quando auulsa à Polonia et per quos ante 200 annos

Vltimi & potissimi sudnicienses à Polonis auelluntur, Cromerus auctor.

gionis, qui sunt nostrę linguę Bukouecia dicta. Amplissimum emporium illud est quod nobilitate famę & opibus cum Gedanensium portu certare videtur. Has diuiserat Lescus secund^o inter filios suos, & quid cuiq; filiorum cesserat, non est mei instituti nunc commemorare, cum autores nominati toties ante me id fecerint, & ex professo hoc argumentum tractarint. Cōmemoratur etiam

*Contributio
quę vocatur
numus sancti
Petri.*

hic de contributione Lebusensis episcopatus, quam vocant numum sancti Petri. Hic numus hactenus in ærarium cleri Poloniae confertur, vt inde veteri more ante defectionem illarum prouinciarum nomine huius regni Pōtifici Romam mitteretur. Quo argumento M. Cromerus episcopus Varmirgensis probat illas prouincias fuisse ditionis Polonorum. Nam eundem episcopatum à Boleslao fundatum postea Cazimir^o Vratislauia transtulerat. Quę demum acta sunt temporib. Caroli Magni & paulò post in negotio finium quib. Germania & Sarmatia distinguuntur exposuimus.

*Chobri regis
temporibus.*

Sed & temporibus Chobri regis Poloniae, quo Otho tertius Germanię imperio pręfuit, vt hæc ipsa altercatio de finibus semel tolleretur, & inter reges inuicem amātissimos, Othonem, inquam & Boleslaum eius nominis Chobri, amicitiaę foedus Gnesnæ in illo celebri regum conuentu ictum, floreret & magis ac magis augeretur, eosdem fines, qui sepius materiam dissidiorum prębebant, renouare decreuit Bolesla^o & perfecit. Namq; sicut antea orientem versus columnas ferreas, & tubos perpetuo sub aquis resonantes, vt Russi tradunt, in cōfluentem Borysthenis & Zulæ iniecerat, vt dirimerent Sarmatiam à barbarorum prouinciis, sic etiam in ripa Salę post celebrem victoriam, vt determinarent eandem Sarmatiam à Germania simili consilio immiserat alias tres statuas. Sed & inter populos septemtrionales & fines Poloniae, vt extaret monumentum limitum perpetuorum idem pręstare nequaquam neglexit. Similiter enim magno prælio profligatis Prussis iniecerat alias ferreas columnas in Ossam flumen mille passus ab oppido Rogosno, qui locus ab accolis illius territorii hactenus monstratur.

*Limites & columnę Boleslai
temporibus.*

Quod attinet ad meridiem nihil tale factum legimus. Nam Car-
*et v. illa in
stipij appe*
patus mons Sarmaticus sua altitudine arduus & conspicuus à longè fulget, & vix non ad prætereuntes clamando fatetur se esse terminum, qui custodiat & perpetuo tueatur territoria & limites Sarmatarum. Hoc ergo Boleslai istius memorabile factum, si quis cōferat cum aris illis Alexandri magni & Iulii Cæsaris, & consilium veterum illorum Heroum perpendat, qua ratione illi suas prouincias à Sarmatarum regionib. dislimitare voluerint, omnino perpussillam differentiam inter illos antiquiores limites & istos posteriores reperiet.

riores reperiet. Accisos tamen Sarmaticos aliquomodo & ab oriente, res ipsa fatetur. Vt ut tamen se res habet, hoc fundamentum vniuersæ rei nemo conuellere potest, Sarmatiam Europæam esse & vocari debere quicquid ad Sarmaticos montes est & duo Sarmatica maria, nimirum Pontum Euxinum, & Oceanum Sarmaticum, quem contiguum esse Oceano Germanico nemini dubium est. Vbi sunt ergo nunc illi maritimarum urbium incolæ, qui subinde musitare solent & inter gregales suos spargere, regem Polonorum non habere dominium maris, nisi quoad equus adaquandus mergi non potest. Sed iam receptui canamus: Hos ergo fines & pacem inter vicina regna, Germaniæ inquam, & Poloniæ, ut Deus Opt. Max. sempiternis temporibus magis ac magis conferuet precandum est. Nam quanta commoda prodeant generi humano ex concordia & pace istorum duorum regnorum, nemo est qui non videt.

Chorographia Ptolomaica.

Quatuor latera primò seu limites Sarmatiæ Ptolomaicæ, explicantur ab hoc autore, deinde insigniorum locorum mediterraneorum cognomina recitantur: gentes videlicet quarum triplicem gradum facit, maiores nimirum, minores, & mediocres: sic postea & montes, sylvas, solitudines, flumina describit. LATERIS quidem septemtrionalis loca sic consignat Ptolomæus: Oceanus Sarmaticus, sinus Venedicus, Chronos fluuius, vbi nunc Regius mons, Rubon flumen, id est, Duina, vbi est Riga &c. Et Istula. Sic igitur Oceanum Sarmaticum primo collocat, quo multa particularia maria comprehenduntur, videlicet: Venedicum, Cimbricum. Vnde colligitur quòd Sarmaticus Oceanus ultra Pomeraniam & Cimbricam Chersonesum vsq; ad Vismariam & ad ostia Albis extenditur, ut eum quoq; D. Cromer⁹ ex sententia antiquitatis terminat. LATERIS autem MERIDIONALIS angulum videtur incipere Ptolomæus ab ostiis Tyre fluminis, tandem flexionem facit ad ipsam aciem & angulum montium Sarmaticorum per Dacicos montes, quos à Thraciæ montibus Tatros nominatos puto, donec emergit ad montem Carpati, à quo lineam mathematicam ducit vsq; ad mare Sarmaticum. Quam lineam D. Cromerus ducendam putat à capite Istulæ, quam ex Sarmaticis ditionibus oriari nemo negare potest, vbi nunc est Strumenum oppidum, à scaturigine ex qua Istula profilit, dictum. Nam lingua Polonica scaturigines riuorum strumen vocare solemus. Hanc ergo Ptolomaicam lineam D. Cromerus incipiens à montibus Sarmaticis ducit

triplices gentes.

Tatros montes.

Strumenum oppidum.

Linea Ptolomaica.

Causa belli ab Antonio suscepti contra Sarmatas ad montes Carnutanos.

Quae in Ptolomaeo cautè legendae sunt.

Metanastae Iazyges unde dicti.

per summities fluminum Istulae, Vartae, Viadri usque ad conteminiū Oceani Sarmatici & Germanici. Alii verò non cōtemnendi autores dirigunt hanc lineam ab extremitate mōtium Sarmaticorum per ditiones antiquorum Gotthorum, Ossorū, Buriorum, qui iuxta Cornelium Tacitum, Marcomanorum Quadorumque terga claudunt, septemtrionem Istulam versustendendo, & applicant ad iugum Boëmicorum montium hiulcum descendens, quos Dion Seueri Imperatoris temporibus viuens Vandalicos vocat. Dicit enim expressè Albim oriri ex Vandalicis montibus, alii eam possessionem Hermunduris tribuunt. At Iulius Capitolinus non modò Marcomanos sed etiam Hermunduros vocat, quos Dion Vandalos vocare videtur. De Quadorum sedib. lege Amianum Marcellinum, non poenitenda ibi reperies. Vt igitur hanc rem in pauca conferam: Hanc lineam Ptolomaicā eruditi ducunt à iugo Boëmicorum montium hiulco, descendente per loca metallica usq; ad Sarmaticos montes. Et nominant loca & oppida, vbi hodie metalliferae vrbes sunt. Cremnium, Semnium, Sala vetus & noua. Ptolomeus loca illa vicina σιδηρωσιχῆας vocat, quod ferrum nobile territoria illa tum suppeditabant: sed nunc non modo ferraria, sed etiam auraria, argentaria, æraria & plumbaria isthic inueniuntur. Et existimo temporibus illius belli funesti Romanorum, quod in iis locis cum Sarmatis & Quadis, Marcomanisque duxerunt, Duce Antonio Pio, causam præcipuam fuisse thesauros metallicos, quorum vena admodum diues illo tempore isthic reperiabatur. Neque enim in tam remotas regiones legiones Romanorum ex stationib. suis progressæ essent, si de lana caprina actum fuisset. Sed quia de auro & argento res agebatur, quorum inexplebili cupiditate ardebant Romani, ideo tam remotum tamque periculosum bellum suscipere eos non piguit. Sed ad propositum reuertamur. Monuimus iam cautè hic Ptolomæum legendum, nec per omnia eius topographica probanda. Nam vt Daciam recenter ablatam Romanis suis vendicet, adiungit eam & confundit cum Mysia, recedendo à transactione illa Augusti Imperatoris, videturque eam ad Tyram detrudere. At notum est ex Ouidio, quòd Tomos urbem & alias regiones illas Sarmatarum maior pars tenebat. Et Plinius ostium Istri Calostomon dictum expressè dicit Sarmatas possedisse. Quin & ipsi & Getæ & Daces Sarmaticæ gentes erant. De Iazygib. nullum est dubium. Nam & ii cum Iazygib. Sarmatis iidem erant, nisi quòd montes Sarmaticos transcenderant & Danubii ripam citeriorem Tibiscum fluium versus possederant. Ideo Metanastæ à Ptolomæo vocantur.

Nisi igitur

Nisi igitur Ptolomæus Traiano, Adriano suis principibus complacere voluisset, propriè & legitimè limitem meridionalem cum Iornande ducere debuisset ad ripam Istri, & tandem montes Sarmaticos & Marcomanos & Quados versus. Cornelius Tacitus, etsi etiam Romanis suis adblandiebatur, tamen non ausus fuit dicere, quòd Istula Germaniam à Sarmatia dislimitet, sed satis ei dixisse fuit, Germaniam à Dacia & Sarmatia separari montibus Sarmaticis & mutuo metu. Ex quibus verbis liquet tum maximos & incredibiles motus fuisse excitatos inter istas gentes ob violatos limites, ad id extimulâtibus Germanos Romanis, qui posteaquam ademissent Germanis nobilissimas regiones, detrudebant eos ad ditiones Sarmatarum qui ibidem habitabant, ad Istulam nempe ubi & nunc habitant. Rectè igitur Monsterus hæc verba Cornelii exponit: Illo, inquit, tempore non lingua Germanos à Sarmatis diuisit vt nunc, sed mutuus metus, nam ac si in horas venturi essent, ita omnes timor occupabat. Et certè si septentrionalem ripam Sarmatæ tenuissent, Germanos non ita metus distinueret. Nam antequam fluentia Istulæ transirent, fama velox eos præmonuisset. Sed de istis rebus per occasionem necesse erit reiterare sermonem.

Magis probanda fides Cornelij Taciti, quàm Ptolomæi.

35. LATVS OCCIDENTALE. Etiam hîc Ptolomæus cautè legendus. Nam sicuti describendo latus meridionale Daciam Sarmatis detraxit, ita hîc sedem ferè recentioris Sarmatiæ carpit. Nam quia illis temporibus in iis potissimum duobus locis maxima bella gesserunt Romani cum gentibus nostris, in angustum eas redigendo, vt mox apparebit ex descriptione belli Quadorum, Vandalorum cum Antonio, ideo fines Romanorum proferre nititur, spatia illa maxima Istulam versus, Germaniam vocando. Magna ex parte enim tum Romani Germaniam inferiorem accisam reddiderant. Itaque quantum eis ad Rhenum ademerant, tantum Istulam versus ablata compensando damnum præstare voluerunt. Facile enim est, vt ille dicebat, ex alieno largiri. Verum si quis terminos Sarmaticorum montium & Oceani Sarmatici inter sese comparet, & à margine vnus ad marginem alterius lineam ducat, facile apparebit quàm magna spatia regionum Sarmatiæ obuenient Viadrum versus & nouam Marchiam. Non igitur probandi sunt illi, qui sub prætextu Ptolomæi descriptionis, alteram ripam Istula tenus, ubi est Cracouia, Germaniæ vendicant, ac de ripa identidem occinendo vltra Istulam Sarmaticas gentes deturbant, Germanis verò Maiorem Poloniam imo & vmbilicum ipsum totius Poloniæ ubi est Petricouia attribuunt. Hoc prætextu Ptolomæi-

carum picturam etiam nostri historici, (dico de recentioribus quibusdam) lapsi sunt, affirmantes Germanos in Polonia habitasse ante tempora Constantini Magni. Ac posset sane concedi, eos hic mansisse ut inquilinos iure precario, non autem iure hereditario. Notum est enim per se, quanto tempore, & quam immania bella gesserint Romani cum Germanis, itaque veteribus sedibus exuentes eos necesse erat magnam vim hominum retrocedere, & opem hominumque à vicinis Sarmatis petere. Ita magis credibile apparet Germanos in Sarmatarum sedes tum successisse, quam Sarmatas & Slauos in Germanorum, prout quidam nostratum non veriti sunt talia asserere. Alter error est tabularum Ptolomaicarum, quod gentes Sarmaticas collocat ad ripam septentrionalem Istulæ, quod nullo modo rerum natura patitur. Sunt illa loca ut plurimum inhabitabilia, sterilia, inculta, arenosa, syluosa, & lapidibus ita referta ut mirentur prætereuntes unam arstem solum illud producere posse, ut credibile non sit tot & tantas gentes illud territorium alere potuisse. Verisimilius est ergo eos habitasse & coluisse alteram partem ripæ meridionalem. Nam & nomina gentium minorum, quæ isthic hætenus manent valde respondent, & sunt conformia nomenclaturis Ptolomaicis. Nam Carodunum respondet Cracouiæ, ut quidam volunt, ita Auarini, ubi est Varaka, Burii ubi est Varavia, B littera in V more usitato versa. Sic Sobocii ubi est Sobota, Geitones Gedanenses, ut doctis nostri seculi placet.

Tertius error Ptolomaicarum typographiarum est, quod Germaniam describendo Istulam non è montibus Carpati deriuat, ut res ipsa testatur, sed ex Gabreta sylua vel Sudeti montibus aut nescio quibus locis qui Danubium magis respiciunt. Itaque non est mirum, quod populos Germanicos, qui illa campestria inhabitabant, incolas Istulæ facit. Nam vno dato inconuenienti alia inconuenientia subsequi necesse est. Sed si à iugo ultimo Carpati montis Sarmatici ad terminum maris Sarmatici lineam duxisset, omnino ex Sarmatia non effecisset Germaniam. Etenim per principio Geographico tenendum est semper, quicquid est intra utraque maria Sarmatica, & montes Sarmaticos, tanquam legitimos & vetustos terminos, id totum autoritate scriptorum, qui floruerunt ante controuersiam excitatam inter Romanos de finibus Germaniæ & Sarmatas, ad Sarmatiam pertinere. Cur autem Ptolomæus & secum ipse & cum aliis dissideat, eiusque picture Germaniæ cum picturis Sarmatiæ pugnent, inuenio duas causas, alteram quod ipse narrata narrauit, & prout ei ex Romanorum castris topographia missa

*Disconuenientia
tabularum
Ptolomæi.*

phia missa fuit, ita eam œcumenicæ descriptioni accommodauit. Alteram quod hac in re à suis dominis Romanis dissentiret tum difficile tum periculosum ei fuit. Nam Imperatores quòd Sarmatis tam remotis à se populis, nihilque vnquam malè de se meritis bella mouebant, hoc prætectu excusabant, quòd se dominos totius Germaniæ iure belli profitebantur. Itaq; cum penes illos summa rerum esset, non erat eis difficile ex non Germania Germaniam facere, vt quantum eis detraxerint à Rheno, tantum adderent à septentrione.

LATERIS ad PONTVM descriptio sic se habet: Borysthenis ostia, hypanis fluuii ostia, (nō Bozek, quia ab illa parte Asiam versus ponitur.) nem⁹ dianę, quod Sagori, id est, sanct⁹ mons dicitur, gora enim montem Polonis significat. Nam prisca Sarmatæ Dianam præcipuè coluerunt, quam Dzienoniam vocabant. In cuius honorem templum hoc erectum fuit, & nemus quoddam consecrarant, & promontorium ei dedicarant. Existimo id factum ab eis ad imitationem templi illius Asiatici, quod olim Magnę Dianę dicatum fuit. Mysaris promontorium fuit Myliam versus. Carciniti ostia, credo Kazibemiū portum esse. Ostia Bycen Buges à Plinio. Agarum Sagarum vocat. Quod autem Ouidii lacum Vido-ue iezioro quidam esse volunt, fieri potest, at non propterea, quòd ibi locus exilii eius fuerit, sed quod aliquo fortuito casu eò delatus fuerit.

Lateris ad Pō-
tum.

Hypanis non
est Bozek fluui-
us iuxta Ptole-
mæum.

Sagarum, id est
święta gora.

Appendix

De ijs quæ cautè legenda sunt in Ptolomæo breuius.

In vocabulis & nominibus locorum prima difficultas est. Nam quædam nomina de industria Romani in suam linguam conuerterunt, vetera abolentes. Putabant enim in omne æuum suam monarchiam duraturam. Quædam verò ipsi autores corruperunt, vide & expende tecum solum nomen Vistulę quomodo in eo autores variant? Melā Vistulam vocat, Plinius Vistillum, alii Iustulam alii Vandalum fluuium. Sic Boëmæ regnum, Velegius Boiohemum, Strabo Bubienium, Tacitus Boiemum. Præcipue verò Ptolomæus homo Græcus elegantię sermonis studēdo remotissimè omnium discedit à veteribus nominibus & prænominibus. Retinuit tamen quædam veterum Sarmatarum vocabula, vt Carodumum, vbi est Cracouia, Sidones vbi nunc Szidlovvec, Szidlovv, Burii vbi nunc Varká, Varzauia, Sobociū Sobota, Geitones, Gedanenses, Calissium Calisz, Carpatus Krepak, Calusium flumen Albim versus, à caluza, quod cœnosum puteum & lutulentum significat. Hæc

Ptolomæ⁹ lon-
gius præ alijs
discedit à nati-
uis nominibus
locorum.

*Ptolomæus la-
tera Germaniæ
describens pro-
uehitur vsque
ad extraneas
gentes, vt eni-
ret reiteratio-
nes.*

*Error Ptolo-
mæi de ortu
Borysthenis.*

ficat. Hæc reperiuntur in Ptolomæo, quæ adhuc veluti scintillæ micant inter rudera abolitorum nominum Sarmaticorū & nouorum introductionem. Tertiò numeri altitudinum & latitudinum, magna ex parte corrupti in eo sunt, non sine maximo damno studiosorum, quod experientia per instrumenta astronomica comprobauit. Quartò instituens Germaniæ tabulam intra suos fines describere, pergit & euagatur vsq; ad regiones septentrionalissimas, forsan vsque ad Elicen vrsam & ipsum polum. Existimo autem hoc consilio eum fecisse, vt vna expeditione vel occasione & Germanici Oceani ripam, & Sarmatici Balticiq; maris spacia trāsulcaret. Hinc est quod illam phrasim repetit: Extensio prima, extensio secunda, sicut in descriptione quoque Danubii fecit, flexiones & diuertigia illa Danubii enumerans, quæ cum simpliciores legunt, putant Germaniam eousque extendi debere, & ad orientem prouehendo credunt eum impinxisse eius fines in Pontum, & vnā cum Danubii profluente in ipsius Euxini Ponti ripas immergi. Sunt alia in quibus attentus lector cauere debet ne aberraret, quæ egrè defendi possunt. Verbi gratia: Montes altissimos Venedicos ponit, vbi nunc est Lithvvania vel Samogetia, qui nunc non visuntur, forsan terræ motu dehiscuerunt. Alios quoq; montes statuit, ex quib. Borysthenes oriri deberet, quos Peucinos vocat, & isti quoq; euanuerunt. Nam constat ex illorum testimonio, qui habitauerunt in illis locis, Borysthenem ex stagnis iisdem oriri, ex quibus & alia maxima flumina, Duna, Narua, & aliquomodo Volha Latinè Rzda dicta. Sed quid miramur veteres, cū Cornelius Tacitus tradat quendam celebrem locum in septentrione reperiri, ex quo orientis solis strepit⁹ & fragor veluti rotarum inter sese colluctantium exaudiatur. Hunc locum Sueciam quidam putant esse. Taceo reliqua miracula septentrionalia quæ Latinos quosdam scriptores posteritati tradere non piguit. Sed illud est nocentissimum quod Ptolomæ⁹ tradens Germaniam Istulatenus finiri, mox tamen vltra Istulam progressus, Scandias, Dacias, Noruegias, Chedinas, Phænonas reponit, quæ an à paraphrastis Ptolomæi, an verò ab ipso aurore aspersa chartis sint, non ita liquet, sed magnam partem existimo adsutam esse à Neotericis. Cautè enim Ptolomæus dicit, nec vocat istas insulas Germaniam, sed Germaniæ inquit adjacent insule, iuxta Albis fluii ostia &c. quas tandem enumerat. Sed quantascunque auctoritates autorum quis obtendat, ego in eo argumento certius puto, esse plus tribuere experientiæ & rationibus quàm testimoniis scriptorum. Verè enim & sobriè dixisse videtur Anius Witerbiensis scriptor eruditus & vetu-

tus & vetustatis indagator non contemnendus: Autores, inquit, quandoque fallunt & falluntur, non autem nomen impositum. Ideo argumentum à nominibus vetustis gentium & locorum est validius quocunque autore. Et mox exemplo id comprobat. Ideo, inquit, Liuius in quinto ab vrbe condita, quanquam multos haberet autores asserentes Thuscum imperasse toti Italiæ, solo tamen nomine Turreno imposito toti circa Italiam mari, pro validiore quàm autoribus argumento vsus est dicens: Mari supero & & infero quibus Italia insulæ modo cingitur, terra marique Thuscum quantum potuerint, nomina sunt argumento, quod alterum Thuscum vocabulo gentis, alterum Adriaticum vocauere Italiæ gentes. Existimo ex supra dictis attentum lectorem optime intelligere posse, quid ei hac in re sequendum sit. Obtendant alii prætextus quosdam autoritatum, apud me illud principium Geographicum toties à me repetitum plus pòderis habet. Quod quicquid est terrarum inter duo maria Sarmatica, Euxinum, inquam Pontum & Oceanum Sarmaticum, & montes Sarmaticos id totum nomine Sarmatiæ censerì oportere. Huc addantur nomina linguæ Slauonicæ, quibus vsus est Ptolomæus in describendis regionibus sitis ad Vistulæ ripam meridionalem, quæ paulò ante à me recitata sunt. Non repudio interim & testimonia scriptorū, sed eorum potissimum, qui res sibi probè còpertas tradiderunt, nec linguam venalem habuerunt. Audiuius iam ex Procopio & Iornande, & adhuc audiemus, Vandalos Gotthos fuisse gentes stirpis Sarmaticæ, & ad Istulam habitasse, nostraque lingua Polonica vsos fuisse. Hi verò vbi nunc est Cracouia, Maior & Minor Polonia, habitabāt. Quid ergo nostra refert, quòd Romanorum ducum scriptores interdum loquuntur ea quæ intelligunt ipsis profutura ad extendendam famam maiorum suorum. Falluntur certè qui existimant Romanos solo ferro armisque & non etiam scriptorum fauore eruditorum profecisse, peruenisseque ad summum culmen & fastigium opinionis in mundo. Habebant illi multos strenuos milites, sed certè non laborabant inopia virorum eloquentissimorum, quorum opera & famam & imperii sui fines pariter volebant immortalitati consecrare. Ita vtroque stylo, ferro nimirum & penna tantum valuerunt, vt ad eam diem res eorum immarcescibiles esse videantur. Quare cum agitur de fama & de finibus, non admodum nostri scriptores Ptolomæis & Cornelis fidant, alias à scopo aberrabūt. Historia Babylonica Rheni Sarmatas ad Rhenum vsq; prouehit, & nostri scriptores vltra Istulam & forsan ad Roxolanos eos detrudunt, ex patria sua Germaniam faciendo.

O

Sed nihil

*Qui scriptores
esse debent
speciè in talib.
causis.*

*Romani armis
& ope scripto-
rum eloquen-
tissimorum e-
merferunt è te-
nebris.*

Sed nihil facilius est, quàm ex alieno liberalem esse. Liquet autem ex scriptoribus, Bructeros seu Brunsvingos & Zenones fuisse quòdam accolas Rheni, sed bellorum iniuria à Germanico Duce Romano fuisse reiectos ad interiora Germaniæ. Necessitas igitur addegit eos, vt quantum eis isthic adimeretur, tantum hinc eis accederet. Præterea, quòd Romani gloriabantur de Germaniæ possessione, id tam apud suos quàm apud extraneos profuit eis, vt ex Germania Europam ferè facerent, & vt deuicta ad tempus Germania pro dominis toti⁹ septemtrionis sese vèditarèt. Noti sunt Domitiani Imperatoris Romani de Sarmatis & Dacibus pseudo triumpho, qui cum deuictus esset, & turpiter se dedisset, tamenvictorem se palam non est veritus gloriari. Sic & Commodus Imperator de Germanis nondum victis triumphum egit. Hoc sane & aliis forsan vsu venerat, sed res sapius malè gesta scriptorum bonorum eloquentia corripiebatur. Quod si maiores nostri tales & tam facundos adepti fuissent aduocatos, haud dubiè res suas illustres multò illustriores clarioresque reddidissent.

De temporibus Antonini Pii.

Anno ab orbe condito 4102.
Anno Christi 140.

ANte mille & quadringentos annos Antonin⁹ successit Adriano qui princeps multis laudibus à scriptoribus celebratur. Hic etiam Dacorum & Alanorum armis lacepsus fuit, nullum tamen memorabile prælium tum factum fuisse memoratur. Satis enim fuit ei si quoquo modo à limitibus Romanis eos amoueret & propulsaret. Nam irritare animos bellicosæ gentis nequaquam è re & vtilitate Reip. iudicauit. Dicere enim hic solèbat, malle se vnum ciuē seruare, quàm mille hostes interficere.

De temporibus Aurelii Antonini.

Anno ab orbe condito 4125.
Anno Christi 163.

DIxi paulò superius, & meminerunt etiam mediocriter versati in historiis, in eo limite, Minorem Poloniam versus, quà itur Vienna Cracouiã, bella difficilia Romanos gessisse cum populis Sarmaticis, quod vel ex bello Marci Antonii, quod biennium durauit, contra Sauromatas & Germanos finitimos manife-

LIBER III.

107

mos manifestum esse potest. Malo autem rem gestam ipsorum historicorum verbis exprimere, cum ea de re non modò scriptores historiarum, sed etiam ecclesiastici Tertullianus, & Eusebius memoria prodiderint. Marcus Antonius, inquit, cum in Germanos & Sarmatas expeditionem mouisset, & exercitus siti affligeretur, in rerum desperatione fertur fuisse. Milites verò legionis quam Melitinam vocabant, genua in ipsa acie contra hostes ad terram usque curuasse, sicut & nobis orandi consuetudo est, & ad supplicandum Deo esse conuersos. Cum autem hostibus spectaculum hoc insolens appareret, ferunt aliud quiddam insolentius subsequutum, fulmen videlicet, quod hostes in fugam impulerit, & imbrem ad refocillandum exercitum, qui iam totus siti affligeretur: Addit Apollinarius, quòd legio illa cuius precibus factum fuerat hoc miraculum, ex eo tempore peculiarem appellationem ab Imperatore obtinuerit, vt Romana lingua fulminea Græcè *νεραυνόβολα* vocaretur. Hoc exemplo probatur vtrumque, & quod militia sit concessa à Deo Christianis, & quòd infidelibus propter religiosos & Deum timentes supremus moderator rerum opituletur, qui est exercituum dux, & vltimum refugium mortalium. Notum est autem Melitenses fuisse ex insula vicina Siciliæ pro cuius possessione cum Turcis etiam nostra ætate Christiani atrocia bella mari & terra gesserunt. Isti erant Christiani apud quos Paul⁹ Apostolus dum nauigaret Romam, dicturus causam coram Cæsare, prædicabat Euangelium, eiusque opera ad fidem Christianam fuisse conuersos non sine graui coniectura multi credunt. Cui⁹ rei quoque superius mentio facta est. In eadem historia fit quoque mentio Squadorum & Marcomanorum, qui etiam Romanis cum Sarmatis sese opposuerant. Qui autem fuerint Squadi & vbi locorum tunc habitauerint, variè de hac re doctiores sentiunt, nec tamen multum inter se differunt. Sunt in Maiore Polonia quæ Quidzinum & Squidzinum vocantur, cognomine admodum proximè ad Squadorum appellationem accedente. Est etiam in Prussia Quidzinum oppidum ad flumen Ossam, non procul à Rogozno. Iam Quadi, Olsi, Gotthi contermini sibi erant olim. Forasan igitur reliquæ eorum illic confederant. Alii ex eleuatione altitudinum & latitudinum Geographicarum deprehendunt locum eorum incidere eò vbi nunc est Petricouia. Sed non cohærent ista cum Taciti descriptione, qui dicit Ossos, Burios claudere terga Marcomanorum & Quadorum. Citius ergo crediderim Ossos ibi mansisse. Expresse autem Eusebius dicit gestum hoc bellum fuisse cum Germanis & Sarmatis: at Sarmatis sane nihil negotii cum Romanis fuisset, si

Melitenses qui fuerunt.

Squadorum locus & sedes.

*Mōtes Sudeti.**Ex Orosio.**Pugna Carnu-
tana & causa
eius.**Sorabi & Sar-
mat e iſdem c-
rāt autore ſup-
plementi Cario-
nis.*

fuisset, ſi ultra Iſtulam, Ruſſiam verſus habitaffent, vt picturæ Pto-
lomæi indicant. Sed quia hoc prælium ad fines Boëmię fuiſſe ſcribi-
tur, ad ſyluam Gabretam & montes Sudeti, fines igitur Sarmatia-
rum contiguitatem quandam iſthic habuiſſe credibile eſt. Nam &
appellatio mōtium Sudeti omnino dialectum Ruthenicam ſonat,
ſicut & ſylua Gabreta, qui inquam montes non multò poſt Van-
dalici ſunt appellati Dione autore. Ponuntur etiam populi Sudini
in Sarmatia à Ptolomæo, in illa ora vbi eſt Pruſſia. Verùm illuſtrā-
di hui⁹ negotii cauſa adhuc Oroſium de eodem bello ad eum mo-
dum ſcribentem audiamus: Nam cum inſurrexiſſent gentes imma-
nitate barbaræ, multitudine innumerabiles, hoc eſt Marcomani,
Qualii, (ſecundum alios Quadi,) Vandali, Sarmatæ, Sueui, & om-
nis penè Germania, & in Qualos uſq; progressus exercitus, cir-
cumuentusque ab hoſtibus eſſet, & propter aquarum penuriam
potius ſitis quam hoſtium periculum ſuſtineret, ad inuocationem
nominis Chriſti, magna fidei conſtantia quidam milites conuerſi
ſunt, ſubitòq; tanta vis pluuiæ effuſa eſt, vt Romanos quidem lar-
giſſime ac ſine iniuria reſecerit, barbaros autem crebris fulminum
ictibus perterreret, complures eorum occideret, in fugamq; co-
geret, quorum terga Romani uſque ad internecionem cædentes
glorioſiſſimam victoriam, & omnibus fere antiquorum titulis præ-
ferendam, rudi paruòq; militum numero, ſed potentiſſimo Chri-
ſti auxilio reportarunt. Haſtenus Oroſius. Eutropius locum pu-
gnæ nominat: Ingenti ergo, inquit, labore & moderatione cum
apud Carnutum iugi triennium perſeueraiſet, bellum Marcoma-
nicum confeſcit.

Nominat hic Oroſius locum pugnæ in finibus Squadorum,
quorum domicilia erant hîc alicubi inter Cracouiam & Wratilla-
uiam, vt doctiores tradunt, regio tamen & fines eorum protende-
bantur Morauiam & Boëmiam verſus. Et quia Sarmatis Vanda-
los coniungit, venio in eam ſententiam, vt putem Ptolomæi tem-
poribus partem Vandalorum ibidem prope Sudeti montes habi-
taſſe. Nam Dion hiſtoricus, qui ſtatim eſt Ptolomæum ſubſecu-
tus, Sudeti montes Vandalicos vocat. Si autem Vandali, etiam &
Sorabi eis coniungendi erunt. Quod ſi Sorabi, ergo & Sarmatæ.
Fatentur enim Germanici ſcriptores Sorabos gentem eſſe Sarma-
ticam, nomenq; Soraborū & Sarmatarum non lōgè ſyllabis etiam
à ſe differre ſcribūt. Mores autem, ſtudia ſimilima & lingua etiam
teſtantur Vindas illos & Sorabos ex vna ſtirpe proficiſci, & pari-
ter iunctos in illis oris ad Albis ripam conſediſſe. Hæc de Anto-
nii temporibus, qui poſt eam pugnam in Pannoniam caſtra pro-
mouerat,

mouerat, ibique vitam cum morte commutauit. Sæpius autem in illis limitibus bella fuisse agitata, vel illud documento esse potest, quod Romani isthic coacti sunt tres legiones continuò asseruare, quarum stationes & territoria annotat Ptolomæus. Legio Germanica decima ad Passauiam. Legio Germanica 14. ad flumen Rab. Legio prima auxiliaria ad Salam flumen Aenipontis.

Stationes legionum Romanarum.

De Squadis populis appendix clarior.

Quia hoc bellum fuit stupendum & miraculo insigni cœlitus confirmatum, ideo ab omnibus scriptoribus, præsertim verò Christianis celebratur. Præterea duo Imperatores Romani illud administrabant, cum Antonio Aurelius Commodus. Ideo terror tantus vicinos reges ob Romanorum apparatus formidabilem incesserat, ut cum ad Aquileiam exercitum promouissent, plerique reges poenitentia moti belli ducti, tumultus autoribus cæsis veniam deprecarentur. In hoc bello quia Quadorum mentio fit crebra, ideo operæ pretium est nos aliquid de eis dicere, ut stirpe & loco habitationis eorum cognito, circumstantiæ historiæ clariores reddantur. Designat patriæ locum Quadorum Ptolomæus lib. 3. cap. 11. Sub sylua, inquit, Hercynia sub Orcinò nemore Quadi. Sub quibus ferri minera & lunæ syluæ. Syluam autem Hercyniam denotat. Inprimis nominat montes Sudeti Banibergensis, nunc sub montibus Sudeti ponit syluam Gabretam, prorsus è regione montium Sarmaticorum vltimi iugi. Inter ergo prædictam syluam & Sarmaticos montes syluam ponit Hercyniam, id est, resinæ abundantem, piceam. Sub sylua hac statim Quados ponit, Sidirorichias ibidem, id est, ferri mineras. Si nunc altitudinum & latitudinum numerum inuicem conferas, locus non remotè capitis Oderæ aut paulò superius veluti digito designatur. Nam Cornelius Tacitus affirmat Gotthinos populos claudere terga Marcomanorum & Quadorum Istulam versus. Quæ descriptio prorsus respicit Bregam vel Wratislauiam. Nam ibi Gotthorum sedes fuisse apparet. Ideo Oderam Gutalum Plinius vocat, à Gotthis puto dictum, sicuti à Varta Varinos vel Burios à Vandalo flumine vel Vistula, Vandalos, Sueuos à Sueuo flumine, quæ nunc Sprea dicitur, & in Odram non remotè à Stetino incidit. Et expressè Strabo dicit: Gotthorum fines cum finibus Sueuiæ coire: Getarum, inquit, fines à finibus Sueuiæ porriguntur. Sed diligentissimè obseruandum & notandum, quod dicit Cornelius Tacitus: Gotthini, inquit, tributa patiuntur, partem tributorum Sarmatæ, partem Quadi ut alienigenis imponunt. Ex quibus verbis liquet, illam totam

Bellum Carnuntanum quàm celebre fuerit & formidabile.

Locus pugne inuestigatur.

Fines Getarum iuxta Strabonem.

Cornelii sententia verior.

regionem Sarmatiā fuisse, & ditionis Sarmatarum. Cur enim Gotthos alienigenas vocat, si indigenæ isthic Sarmatæ non essent. Cur imponunt tributum & exigunt Sarmatæ à Gotthinis, Osis, & Buriis, si domini & hæredes non sunt illorum locorum, ubi Gotthi metalla effodiebant? Dicit enim Tacitus: Gotthini quo magis pudeat ferrum effodiunt. Cur denique præcipuè molem belli istius contra Antonium Marcomani & Sarmatæ & Quadi sustinent, si non pro patria pugnabant? Atque hîc iam clausos manibus tenemus Ptolomæum & Ptolomaisas q̄ ultra Istulam Sarmatas ex patria ipsorum expellunt, qui Germaniam ex Polonia faciunt, qui deniq; cum Ptolomæo Germaniam Istula tenus terminari fingunt, & inde ubi est & fuit sedes & umbilicus Maioris & Minoris Poloniæ, Polonos ut exules in exilium eiiciunt. Cur enim alienigenas Gotthos faceret Tacitus si indigenæ non essent Sarmatæ? Cur tributum imponunt Osis, Gotthis, ut inquilinis? Cur Vandalos Sarmatas ab occidente cum Marcomanis limites habuisse Iornandes narrat? Cur tam difficilimi belli aleâ sustinent? Cur idem Iornandes dicit Gotthos in Vandaliâ quondâ se insinuasse cum venirent aliunde? Cur Iulius Capitolinus Hermunduros, qui ad caput Albis habitabant & Marcomanos Sarmatis adnumerat? Cur Dion dicit Albim ex Vandalicis montibus oriri, sub quibus hoc bellum gestum prædicatur? Nam Vandali tum propriè Sarmatæ vocabantur, quos Ptolomæus maximas gentes vocat Sarmatiâ incolentes. Ante ergo bella Vandalica & Gotthica illas regiones occuparunt Boëmi, Vandali ad Albim, ubi nunc Vendæ & Sorabi manent. Sed de Vandalorum & Gotthorum origine paulò inferius dicturi sumus, ideo ad illum locum reliqua reiicimus. Anius scriptor refert Quados primò ad confluentem Danubii & Narrabonis, qui Rab hodie dicitur mansisse. Et ex Eutropio lib. 6. apparet eosdem etiam in Heluetia aliquando habitasse, aut saltem cis commilitasse. Strabo etiam libro 7. dicit: In illo tractu ad Danubium Boëmorum regem Marobudum regiam suam habuisse, illucque Marcomanos *ἑμαιοὺς*, id est gentiles & conterraneos suos trāstulisse. Iam quia Marcomanos Sarmatis iungunt scriptores plerique, non est difficile coniectare Boëmos illos veteres sicut & Quados cognatos sibi inuicem fuisse.

De temporibus Pertinacis &

Seweri Gordiani Philippi Arabis Imperatorum.

Anno ab orbe condito

4034.

Anno Christi

225. & 247.

Pertinax

Ptolomæi sententia.

Fortissimum argumentum.

Quâdo processerint Boëmi & Vandali ad Albim.

LIBER III.

III

Pertinax nihil memorabile cum iis gentibus gessit, nisi quod mediocri cum laude Mysiam & Daciam rexit. Vbi autem iam receptum fuit eo tempore Romanis, lectissimos viros ac serè ab Imperatoribus secundo loco habitos Sarmaticis gentibus opponere. Itaque aut per seipsos aut per viros opinione sibi pares incepta bella cōtinuare cogebātur. SEVERVM Imperatorem, quod post Pertinacem posuimus causa est: Reminisci enim debemus eorum quæ ex Dione de Vandalis & Vandalicis montibus supra retulimus. Nam Dion hic qui ista memoriæ prodidit vixit imperante Seuerō. Gordiani verò tēporib. iterum bella hæc Gothica recrudescere cōeperunt, inualescere tamen non poterant, quod ytrinque leuioribus præliis periculo virium facto, ad pacificationem deuentum fuit. Philippi Arabis temporibus, qui post Gordianum imperabat, primusq; religionem Christianam cum magna animi humilitate amplexus erat, iterum ad ingenium reditum erat. Nam Gotthorum sollicitationib⁹ tota Sarmatia excita vnà cum Dacibus & aliis ferocibus populis petiuit Romanos bello, ac exercitu trecentorum millium conflato & cōquisito Mysiam Traciamq; multis seueritatis exemplis editis, nulli sexui parcendo clade maxima affecit. Interim Decius cum exercitu, maximi tunc nominis Dux promouit castra, & paulò post cū imperii honores adiisset, ab Imperatore Philippo eis oppositus fuit. Sed aliquot præliis superatus & victus, infecto bello, nulloque opere preterito facto reuersus est. Administrabat is tunc prouinciam in Illyrico, ac interfecto tandem Philippo machinationibus Decii, illi bellorum tumultus excitati deferuere cōeperunt. Habemus iam Sarmaticæ historiæ seriem deductam post aduentum Christi ad annum 250.

Philippus Imperator Christianus.

Decii Imperatoris temporib.

*Anno ab orbe condito 4215.
Anno Christi 282.*

Iornandes eius temporis sic texit historiam: Cuius, inquit, secessum Decius Imperator cognoscens, & ipse vbi subsidium ferre gestiens, iugo montis transacto ad Berroam venit. Ibiq; dum equos, exercitumq; lassum refoueret, illico Cuina dux cum Gothis in modum fulminis ruit, vastatoque Romano exercitu Imperatorem cum paucis, qui fugere quieuerant ad Thusciam rursus trans Alpes in Mœsiam proturbauit, vbi tunc Gallus dux limitis cum plurima manu bellantium morabatur. Collecto

Cuina dux Gothorum.

*Imperator De-
cius cum filio
perit.*

tur. Collectoque tam ex inde, quam de hoste exercitu, futuri belli reparat aciem. Cuina verò diu obsessam inuadit Philopolim, prædaq; potitus, Priscum ducem qui ibi erat, confœderauit, quasi cum Decio pugnaturum, venientesq; ad conflictum, illico Decii filium sagitta saucium crudeli vulnere confodiunt. Quod pater animaduertens, licet ad confortandos militum animos dixisse fertur: Nemo tristetur, perditio vnius militis, non est Reipub. diminutio: tamen paternum affectum non ferens, hostes inuadit, aut mortem aut ultionem filii exposcens, sed circumseptus à Gotthis & ipse interficitur, imperii finem vitæque terminum faciens.

Sub Valeriano Gallieno & Claudio Imperatoribus.

Anno ab orbis condito 4217.


Anno à Christo 256.

Ante annos 1400.

Asiam sarmatae vastant.

*Imperatoris
Valeriani calamitas.*

Triginta tyranni.

 Opiis Decii in Illyrico per Sarmatas attritis, Romanorū ille ardor & libido mouendorum bellorum mitescere & fatiscere cœpit. Et conquieuerunt illi aliquantisper, & foed⁹ cum Gotthis eodem tempore renouarunt. Sed Sarmatæ fortunam sequuti Pannoniam populabundi vastant, ac tandem exercitu transportato in Asiam, Nicomediam propemodū deleuerunt, Bithiniam vastarunt, Macedoniam & Thraciam longe lateque populati sunt. Non parum autem conatus eorum adiuuit calamitas Valeriani Imperatoris. Is enim tum anno imperii sui quarto in orientem contra Persas expeditionem suscepit, tandem victus captusq; à rege Persarum Sapore in extrema senectâ à ceruice ad pedes excoriatus est. Multa etiam alia crudelitatis in eum exempla edidit. Nam ad maiorem Romani nominis contumeliam, quoties equum conscendit, pedem ceruici Valeriani imponebat, ac pro scabello eo vsus est. Tanta est humanarum rerum vicissitudo, vt ille qui in culmine rerum sedebat, humi repere & conculcari se, caputque subiicere cogatur, & rursus alternante fortuna, qui fortunæ successu exultare videbatur, ad extremam miseriam redigatur. Interim Gallienus Valerii filius voluptatibus deditus Bacchanalia viuebat. Adde quòd triginta illi Duces, qui à suis exercitibus creati, pro Imperatoribus se gerebant, partim inter se dimicando, partim ab aliis extraneis petiti, imperii vires non mediocriter tum labefactarunt. Hæ tres causæ Sarmatarum Getarumque successus in vastandis illis regionibus non mediocriter adiuuerunt. Verum

runt. Verum cum aliquantisper eis fortuna indulisset, liberiussq;
soluta disciplina militari per Achaiam agendo preda vagarentur,
à Machario quodam dissipati oppressique sunt. Altera verò pars
exercitus eorum Asiatici, qui ut dictum est, Bythiniam & Nico-
mediam occuparat, promouit castra Ephesum vsque, illicque tem-
plum celeberrimum, quod totius Asiae sumptib. exstructum, & lon-
go temporu aëuo locupletatum fuerat, vno momento ab eis igni
absumptum est, forsan æmulatione quadam ad hoc inducti, qua-
lis animos religiosorum pari studiorum propensione inter se cer-
tantium, suavi quodam delirio non raro affilare solet: vel potius
ita persuasum habebant, suæ Deæ Tauricæ templum non posse ad
eam celebritatem & famam emergere nisi Diana Asiatica æmula
eius ab ipsis è medio tolleretur. At Deus qui sacrilegis est fuitque
semper insensus, amplius illam eorum insolentiam coniunctam
cum auaritia non tulit. Claudium namque ut cum copiis eis obui-
am iret concitauit, qui cum numerosiore exercitū haberet (tre-
centis enim ferè millibus constabat) eos consequutus partim cæ-
dit, partim capit, classesque eorum dissipat, & nauium ad duo mil-
lia alias mergit, alias ad deditiōem cogit. Fuit hoc prælium ad
flumen Tyram, quem Nestrum vocamus, ferè in conspectu Dia-
næ ipforum & templi Taurici, quod forsan spoliis ditare cogita-
rant. Quanto in metu & trepidatione tum fuerint Romani, dete-
xit eorum gaudium incredibile in quod eruperunt, cum de Clau-
dii successu & victoria reportata audissent. Viuentem enim adhuc
præconio admodum fauorabili ad eum modum ornarunt: CLAV-
DI AVGVSTE, tu frater, tu pater, tu amicus, tu bonus senator, tu
princeps. Mortuo verò aliquantò post, clypeum aureum, in quo
imaginem eius exsculperant in Capitolio collocant. Accide-
runt hæc ante mille & quadringentos circiter annos.

*Templum Dia-
næ Ephesinæ
combustum.*

*Locus pugne
Claudii ad Ty-
ram.*

Aureliano Imperatore re- gnante.

Anno ab orbe condito 4235.

Rost illam dimicationem quieuerunt aliquantisper Getæ
& Sarmatæ, ita tamen ut semper de vlciscendis iniuriis
& vindicandis finibus, pellendisque ex Dacia legionibus
cogitarent. Tandem sub hoc Imperatore, duce Canabo regeque
suo Romanis bella intulerunt, sed re male gesta, Rege amisso for-
tunæ cesserunt, seruantes se melioribus temporibus. Desiderati
sunt multi

*Canabus dux
Sarmatarum.*

P

*Mulieres Ama-
zones.*

*De hac re lege
Lucium Florū.*

*Boëmorum ori-
gini à Boijs ve-
teribus nihil
detrahitur, eti-
ā si postea Cze-
chi eis admisti
sint.*

sunt multi ex eis, ita ut Danubium cum quinque tantum millibus traiciendo domum dilapsi sint. Habuit Aurelianus Imperator summam peritiam bellorum Sarmaticorum Geticorumque, quam sibi comparauerat tempore Claudii, à quo præcipuus dux belli & magister equitum contra Gothos designatus fuerat. Cum igitur multo usu habitum sibi acquisiuisset, nil eum latebat, quicquid etiam machinarentur hostes, & in promptu occurrebant ei artificia, norat quid sequendum, quidue vitandum ducenti bellum cum gente bellicosa. Narrat Iustus vir clarissimus qui compendium quoddam historiæ Polonicæ paulò ante nostram ætatem conscripsit, quòd in ea pugna quædam foemina bellicosa intercepta à Romanis & in triumpho ostentata fuerint, quas ex numero Amazonum antiquarum fuisse creditum sit. Videtur autem ad Zenobiam illam Palmirorum reginam alludere. Sed hæc fuit ex veteri stirpe Ptolomæorum oriunda, non ex Sarmatico sanguine. Hæc inquam cum aliquoties foeliciter signa cum exercitu Romano contulisset, tandem ab Aureliano capta fuit, dum inter crepitus gladiorum ad securiorem locum se recipere pararet. Perducta demum Romam in quodam admirando ornatu, stupentibus cunctis in illa pompa præ admiratione maiestatis, in foemina lectissima. Hæc unà cum filiis & filiabus ante triumphalem currum Imperatoris ostentata fuit. Felicior certè Cleopatra Antonii tum reputabatur, quæ præuidens hunc euentum, serpentibus vberibus admotis perire maluit, quàm se asseruare ad triumphorum & triumphantium ludibrium spectaculorumque se præbere materiam. Hic iterum vicissitudo rerum cogitur. Quæ fuit victrix regis Saporis & triumphatrix clarissima, ipsa demum ludibrium fortunæ experta est, dum Romanæ plebis etiam vilissimis quibusque spectanda proponitur. Creditum est à multis alteram Semiradem fuisse, dum in se oculos cunctorum conuerteret. Nouitas hæc Imperatorio triumpho magnam & raram accessiōem fecit. Fuit & aliud bellum Aureliano ab altera parte occidentem versus cum gentibus stirpis Sarmaticæ, Boëmis inquam & Marcomanis, qui nunc Morauī vocantur. Hi ingressi Italiam, similem Cimbrico, vrbi Romanæ terrorem incusserunt, multiq; vtrinque trucidati sunt. Sed tamen fortuna à partibus Imperatoris stetit. Scio doctorum sententiam de gente antiquorum Boëmorum, qui Ptolomæo Boii dicuntur. Sed sicuti Germanis parum detrahitur, eò quòd ii qui nunc Germani nominantur, olim Celtæ vocabantur, ita Boëmi licet Czechorum accessiōe, aliqua ex parte renouati sunt, tamen ideo, id quod antea fuerunt esse non desierunt. Adiecta autem illa

obseruatione

obseruatione de Vandalis & Vandalicis montibus, quod iam ante Aureliani tempora, illa spacia, vbi est Boëmia occuparint, omnino nullum absurdum restabit, si Boëmos illos & Morauos qui Italiam inuaserant, & contra Aurelianum in acie steterant, progenitores horum Boëmorum, qui gētiles nostri sunt, vocauerimus.

Imperante Probo Augusto.

Anno ab orbe condito 4240.
Anno Christi 281.

Sub hoc Imperatore Romani denuo exercitus duxerunt in regiones transalpinas, & Germaniam Galliasque vastando hominum ad 40. millia trucidasse feruntur, de qua re Orosius legatur. Et quia Sarmatis minimè formidabilia erant arma Romanorum, iam enim multo vsu eis assueti erant, ideo nō expectando dum ad fines eorum pertingerent, illos auerterunt, transmissisq; exercitibus intima Illyriæ petiuerunt, legiones Romanas ad arma prouocantes: pugnatum est vario Marte, tandem repressi cesserunt. Irritati Romani à Sarmatis, furorē suum in Getas populares Sarmatarum effuderunt, ad detentionem eos cogentes. Vnum est quod notandum venit. Illis temporibus inter alias pœnas, quibus victores victos multabāt, illa non postrema fuisse memoratur, quod Pannoniis interdictum fuit, vt à vinearum cultu prorsus abstinerent. Et videtur quidem in speciem res ista minoris momenti, sed tamen beneficiis Dei quæ exhilarandis mortalium animis seruiunt, frustrare humanum genus, & pariter ægrotos cum sanis, bellatores cum imbellib. incommodo tanto indiscriminatim afficere, videtur iniquum. Liqueat igitur edictum hoc ab impotentia animi profectum fuisse. Fertur etiam nunc, Turcam Christianis quibusdam regionibus, quæ quondam generosissima vina producebant, vinearum cultum interdixisse, sed alio respectu, nimirum, quod id ex præscripto superstitionis religionis facere se prætendit. Sed Probus Imperator nequaquam improbè fecit, quod edictum illud relaxans, iterum militibus in Sirmio vites plantare permisit. Vnde vini origo est, quod nostri Seremskie vino vocant. Hæc Eutropius.

Vinearum cultus interdictus Pannonijs.

Sirmiensia vina.

Sub Carolo Narbonensi

Imperatore.

Anno ab orbe condito 4248.
Anno à Christo 286.

P

2

Quoad

*Collatio bello-
rum samni-
tum cum bellis
Sarmaticis &
Gothicis.*

Quoad Probus vixit, virtutis eius & dignitatis habuerunt rationem gentes nominatæ, at illo in Asia fato horribili præter opinionem, cum se iam accingeret bello Getico, sublato, Sarmatæ rursus Pannoniam repetierunt, Thraciamque irrumpentes inuasērunt. Hos Caius repressit multis captis aliisque trucidatis, quorum 20. millia fuisse creduntur. Mirandum est, tot funesta & atrocia bella has gētes cum Romanis reintegratis viribus gessisse, multoties vtrinque exercitibus concisis, & tamen re collectis viribus, & resumpto animo denuo noua & continua bella ciere potuisse. Miramur Veientum, Samnitum bella Liuium legentes, toties repetita & toties sopita, cumque infinitæ myriades ex ea gente à Romanis iugulatæ tradantur, quomodo vel vna anima post illas clades ex illa stirpe superstes manserit. Sed si res Samnitum sunt admirationi, conferantur cum eis prælia Sarmatica Geticaque vsque ad vastatam captamque ab eis & Vandalis urbem Romam, & inuenientur tot trucidata cadauera, vt eorum molem & numerum vix ipse orbis terrarum supportare posse videatur. Incipiendo enim ab Augusti temporibus vsque ad vastatam Italiam per annos 400. hæc laniena durabat. Et vocatur quidem Thybris flumen fatalis Romani Imperii limes, quod ibi Crassus, Carus & alii complures clarissimi duces Romanorum ceciderunt.

*Compendium Chronologicum rerum Sarmaticarum per
hos sexaginta annos gestarum ad Constantinum vsque
Magnum.*

Anno 240. Maximus patre Gottho Mecca, matre Alana, quæ Ababa dicebatur natus. Is cum esset stupendæ & ferè plusquàm Herculeæ fortitudinis, in Imperatorem Romanum fuit electus. Scribit de eo Iornandes, quòd solus sedecim milites superauit. Imperatorem in equo variè flexus rotantem & procurrentem cursu adæquauit, ita vt equus fatigaretur, ipse interim ita infatigatus remanserit, vt statim in gratiā Cæsaris septem lectissimos recentes & valentissimos milites certando, luctando superaret. Multa etiam alia de eius fortitudine vide ibidem.

Maximi Imperatoris stupenda fortitudo.

Anno 252. Decius Imperator vnà cum filio à nostris profligatus, filius sagitta traiectus, pater mortem filii vlcisci volens in Abricio flumine Thraciæ submersus, Iornandes de rebus Geticis, Cassiodorus, Orosius, Eutropius. Iornandes ad Philopolim locum pugnae illius fuisse scribit.

*Decius.
Romani tribu-*

Anno 254. Gallus Hostilianus cum nostris gentibus foedus incit, non sine Romani nominis ignominia tributum eis pendens, sicuti olim

sicuti olim quoque hoc idem tributum pendebant, usque ad Tra- ^{tarij Gothis.}
iani tempora. Pomponius & Blondus.

Anno 257 Gotthi in Asiam irruerunt, omnia longe lateque i-
gne ferroque vastantes. Et Ephesinæ Dianæ templum incendunt.
Iornandes.

Anno 261. Regilianus à Moësis Imperator factus: is cum Sar-
matas vicisset tandem à Roxolanis Sarmatis occiditur.

Anno 262. Græciam, Macedoniam, Pontum, Asiam, & alias
prouincias nostræ Gentes deuastant, hæc Calsianus, Blondus, Tre-
belius, Iornandes.

Anno 266. Sarmatæ & Quadi Pannonias occuparunt, Eusebius.


Et reuocandæ hîc in memoriam expeditiones Sarmatarû pro ob- ^{Sarmatarum}
tinenda Pannonia. Prima sub Tiberio. Secunda sub Antonio Phi- ^{expeditiones}
losopho, tempore belli illius famosissimi ad montem Carnutû. ^{in Pannonias}
Tertia hæc sub Gallieno, tandem sub Constantino & Valentinia- ^{quot fuerint et}
no de quibus postea. Hîc videant illi qui dicunt Germanos habi- ^{quanto tempo}
tasse, vbi nunc est Polonia, ante tempora Constantini Magni, cum ^{re.}

Sarmatæ tunc non modo vbi est Polonia, sed etiam vltra Danu-
bium regnum suum extenderint, vt liquet ex istis tribus eorum ex-
peditionibus in Pannonias. Trita autem eis via fuit, quod Polo-
ni Slak vocât, Pannoniam versus, per vallem ad flumen Sola, Vag, ^{Traiectus sar}
Rab, quem Ptolomæus Narbonem vocat. Illac traiectus eis fuit ^{matarum &}
trans Danubium. Ergo regio illa ex ea parte Danubii, vbi est Cas- ^{via trita in Pā}
souia & Pestum, pro Pannonia non reputabatur à veteribus, sed ^{noniam.}
fuit regnum Marobudi regis Marcomanorum, de quo supra ex ^{Marobudi re-}
Strabone & Cornelio Tacito. ^{gia Buda.}

Anno 271. A Claudio Gotthi victi cum Illyricum vastarent.

Anno 273. Sarmatæ & Sueui à Valeriano victi in Pannonia, &
Canabus dux Gotthorum trans Danubium interemptus. Quasi
enim ex composito inter istas gentes res gerebatur, Ostrogotthi
Illyricum, Visogotthi Pannonias vastabant, Marcomani verò Me-
diolanum, quo etiam tempore 15. millia Germanorum ad lacum
Benacum cæsa esse prædicantur, lege Vopiscum, Trithemium.

*De transitibus Ostrogotthorum Visogotthorum et Ro-
manorum.*

 Strogotthi seu Gotthi per Mysiam ad pontem Traiani
transmittere exercitus solebant: Visogotthi seu Sarmatæ
ad confluentem Danubii & Narbonis, quem Rab hodie
dicimus per prouincias Marobudi regis Marcomanorum: Roma-
nis veteribus trita via fuit per mare Adriaticum, flumen Benacû,
P 3 stagnum

stagnum Scutari dictum, & tandem per Sauum & Drauum. Aut ex Thracia rectà in Mysiam inferiorem penetrabant.

LIBER QVARTVS

In quo ea quæ acta sunt à temporibus Constantini Magni ad tempora Caroli Magni comprehenduntur.


P R O O E M I V M

HOC tempore commigrante Constantino Constantinopolim, à Romanis ad Græcos imperium translatum fuit. Vnde eo tempore maxima mutatio secuta est. Ergo hinc librum quartum aspiciamus. Quidque secum hæc commigratio attulerit mox apparebit.

De Constantini Magni temporibus.

| | |
|----------------------|-------|
| Anno ab orbe condito | 4270. |
| Anno Saluatoris | 310. |
| Ab hinc anno | 1275. |

Romani tributary.



Constantinus Magnus ad tantum fastigium honorum euectus, inuenit imperium non modò turbatum, sed etiam Sarmaticis Geticisque bellis ita languefactum, vt etiam Imperatores Romani Scythis pèdere tributa, pacemque ab eis redimere cogerentur. Ideo Constantinus Magnus coactus fuit Roma Constantinopolim sedem imperii transferre, vt ibi arcem belli erigens contra Sarmaticas gentes (nominatim enim hi exprimuntur) propiore oportunioreq; loco eorum insultus commodiùs reprimere posset. Nam toties in Græciam ire, Romam redire & rursus reuerti, quoties buccina ex specula signum hostilis aduentus daretur, secumq; tentoria, machinas & alia impedimèta bellica trahere, minimè ex re & vtilitate Reipub. Romanæ iudicabat. Sed res comprobauit consiliū illud fuisse minus salutare, & medicinam illam morbo fuisse deteriore. Nam cùm cernerent Vandali & Gotthi aliæq; gentes Sarmaticæ exhaustam Italiam ducibus belli & milite strenuo propter illam Imperii translationem, quam præcipuus flos nobilitatis Romanæ secutus erat, nacti hanc occasionē, vniuersam belli molem exemplo Hannibalis in Italiam transtulerunt, vt ita hostem suum tanquam beluam in

luam in sua arena & latibulis citius conficere possent. De quibus rebus inferius locupletius dicitur. Narrant & aliam causam eius instituti Constantino fuisse, nimirum ut ex vna fidelia vtrumque parietem dealbaret, hoc est, ut ipsemet vtroque Imperio tam orientali quam occidentali potiretur. Nam quantas difficultates & pericula illi faceretur illa distractio Imperii, abundè testatur exemplum socialis belli cum Licinio, cum quo aliquoties admodum periculose dimicauit. Quænam autem aliæ causæ occultiores Imperatorem mouerint impulerintq; ad eam commigrationem, cum omnis mutatio sit periculosa, curiosè non disputo. Satis tamen constat, quòd locus ille Bosphori instar portæ fuit septentrionalibus & orientalibus gentibus, quo superato intima imperii penetrare, prædas agere, & singula excutere quoties libuit semper poterant. Ideo in illis angustiis durabile præsidium collocare ad perpetuandam firmandamq; maiestatem Romani Imperii plurimum referre intelligebat, & hac specie consilii oblata ad perficiendum institutum animum adiecit. Sede autem translata Constantinopolim, non statim Constantinus ab initio, sicuti nouus hospes, volebat vicinos asperioribus bellis aggredi aut fatigare, ne videlicet concitatis in se animis omnium, omnium etiam simul arma experiri cogeretur, itaque prius consiliis quàm armis rem conficere tentat, & Scythas quidem primo legationibus mansuefacit, deinde ubi iam satis deuinctos sibi intelligebat, cum Sauromatis eos inuicem committit, ut scilicet inter se digladiando mutuis vulneribus labefactati citius conciderent. Tale consilium olim Romanis & nunc Turcis non inusitatum in difficilibus arduisque rebus fuit. Eusebii verba sunt. Cum Scythæ contra Sauromatas insurgerent, Sauromatæ domini seruos ad vlciscendum hostes suos Scythas armarunt, qui cum victores euassent, inflati successu, scuta sua contra dominos leuarunt, ac cunctos à suis sedibus pepulerunt, ita ut expulsi & deserti in fidem & clientelam Imperatoris Constantini confugere cogerentur. Scribit deinde Eusebius quod Imperator eodem tempore magnam partem Sarmatarum in milites delegerit, aliis verò agros ad colendum diuiserit. Hoc consilium prudentissimi inquit, principis benè eis celsisse & ipsi fatebantur. Nā postea siue beneficentia illa Imperatoris mansuefacti, siue metu percussi, præsidia armata contra se Constantinopolim adducta ceruicibus suis semper parata cernentes, intra fines suos se continuerunt, foedusque cum Imperio renouatum annis ferè septuaginta usque ad tempora Valentiniani inuiolata fide tenuerunt & custodierunt. Subiiciam & hypotiposim, in qua describit habitum, vestitum &

Artes regie
in Constantino
Magno.

Habitus Sarmaticus.

stitum & ordinem quo ante Imperatorem stare solebant, ut ex ornatu etiam externo progenitores nostros cognoscere queamus: Ex ordine, inquit, stantes coram Imperatore videres, quibus stola erat peregrina, ac variegatum habituum species, & coma cum capitis tum barbae admodum proluxa, ac aspectus facierum rigidus &c. Corporum etiam statura excellenter magna, & alii vultu erant rubricundi, alii niue candidiores, alii colore temperato.

Appendix historiae Sarmaticae sub Constantino Magno.

Anno Christi 336. Romani Gotthos in Sarmatarum regno vicerunt. Haec tradit Hieronymus, Pomponius, Eutropius, & Ecclesiastica historia. Sed ex Orosio huius belli descriptionem adscribam: Mox, inquit, Gotthorum fortissimas & copiosissimas gentes in ipso barbarici soli sinu, hoc est Sarmatarum regione deleuit Constantinus &c. Ex quibus verbis liquet, quod aliquoties iam monstratum est, Gotthos in Sarmatia mansisse, iamque in eorum stirpem transisse. Nam de Visogothis hoc intelligendum puto, qui hic ad Cracoviam & Gedanum habitabant. Nam quidam eorum metallicas mineras ad Sarmaticos montes effodiebant, ut ex Cornelio probatum est, quidam vero electrum ex mari Baltico colligentes inter Germanos distrahebant, ut ex Plinio quoque monstrauimus. Quo nomine Tacitus eos Sarmatis & Quadis tributarios fuisse aperte testatur. Sed tempore Constantini iam eos in tantum excussisse iugum Sarmatarum liquet, ut etiam ferro cum eis decernere non dubitarent. Forsan inflati fiducia thesaurorum, quos ex metallicis rebus apud suos benefactores sibi comparant, de viribus suis tantum praesumpserant. Huius victoriae de Vandalis seu Sarmatis partem historiam Iornandes late prosequitur libro de rebus Geticis. Describit primo Geberichum regem, ex patre Ouida prodatum, id est, ex linea haeredibusque aurei velleris. Describit & Visimirum regem Vandalorum, quem ex stirpe quoque non minus clara Asdingorum processisse affirmat. Fuit etiam postea rex Polonorum Lechi filius Visimir, quo nomine apparet delectatum esse Lechum, quod id meminerat in usu fuisse apud maiores suos Vandalos etiam bellicosissimos. Describit & locum illius pugnae, in sedibus scilicet Gepidarum ad flumen Marissiam non procul a Viscla, existimo ubi nunc Scepusium. Subiungit tandem diu durasse illud praedium inter Gotthos & Vandalos, ad extremum tandem a partibus Gotthorum stetisse fortunam, quo casu attriti Vandali reliquiae eorum in Pannoniam comigrarunt, quam a Constantino Imperatore tunc impetrarant. In cuius etiam possessione po-

Lib. 7. cap. 28.

Rebellio Gotthorum contra Sarmatas.

Visimirus Vandalorum rex.

Marissia flumen nunc forsitan Marusa dicitur, non remotè ab eo loco ubi oritur Viscla.

sione postea fuerunt, usque ad tempora Honorii & Arcadii, per annos nimirum centum triginta, & ex illa prouincia tandem euocati à magistro militiæ in Gallias & Hispanias abierunt. Annotat etiam Iornandes inter alias causas translatae sedis ex Italia Constantinopolim, hanc non postremam fuisse, nimirum, quod mirè delectabatur Constantinus habitatione loci talis, qui nondum vlla gentili Idololatria prophanat⁹ esset, sicut fuit noua Constantinopolis.

De Valentiniani temporibus.

Anno à condito orbe 4330.

Anno à Christo 368.

Ab hinc anno 1300.

Post hos 70. annos Sarmatæ beneficiis & prudentia Constantini deuincti, sanctæ foedera pacis retinuerunt usque ad Valentiniani tempora. Quanquam autem Constantium Imperatorem filium Constantini cum Sarmatis quoque dinicasse commemorant, sunt tamen illa praelia quasi obiter facta nec digna, ut cum sequentibus bellis cõparentur, quæ partim ad Constantinopolim, partim ad urbem Romanam, vtriusque scilicet imperii sedes occidentalis & orientalis, gesta sunt. Sarmatæ enim cum quibus sopita & non extincta erant semina belli, ruptis Romanis finibus Pannoniam iam antea aliquoties tentatam, & à Constantino Magno donatam inuadunt, quam iniuriam Valentinianus vindicaturus, raptim negotiis in Gallia compositis cum exercitu occurrit, & ad Brigionem oppidum confedit. Sarmatæ audito Imperatoris aduentu, & quod magna contentione apparatuque ingenti administrandū hoc bellum decreuisset, ut eius primos impetus quoquomodo eluderent, Satrapas suos viros animi magnitudine & corporis proceritate cõspicuos mittunt, qui eum hortentur ut depositis armis meliora de ipsis speret, & ad pacis studium eum inclinent, quos ille ad se ingredi iubet. Cumque præter opinionem spectatae grauitatis vultu oculos ei⁹ perstrinxissent, Imperator ipsum augusto aspectu motus interrogat, an cuncti Sauromatæ tales essent. Illi mirati procacius interrogatum, quod tempori & Imperatoriæ Maiestatì minus conueniens apparebat, ad eius interrogata directè respondendum non censuerunt, sed tantum dignitatem suam tuentes, & Imperatoris leuiusculam percõtationem perstringentes, quadam suffulti animi præsentia grauius respondent, Optimates Sarmatarū ad ipsum venire, nec amplius. Quibus quatuor verbis ita animum eius pupugerunt, ut præ iracundia Imperator in furorem propemodum versus vociferando seipsum lacerarit, &

Legatio Sarmatarum ad Valentinianum

rarit, & venam ruperit, & paulò post exagitatus intemperie affectuum, ebulliente sanguine, vitam cum morte commutarit. Oratores verò illi cum se ita despicabiles & contentos cernerent, ea quæ viderunt & audierunt, ad suos renunciant. Ita vtrinq; animorum exacerbatio illa propemodum fortuita, occasio fuit illorum fatalium bellorum, quæ Gotthica vocantur, eaquæ tam orientem quam occidentem versus. Cômonefaciendum hîc lectorem putavi de Sauromatis tum temporis Pânioniam vexatibus, quos nonnulli dissimulato eorum nomine Quados vocant, speciem pro genere ponentes. Sed qui sint populi Squadi, quæ regio & fines eorum, & quòd Sarmatis omnino adnumerandi sint, libro 3. cum sententiam Ptolomæi de finibus Sarmatiarum & Germaniæ explicarem, puto me abundè docuisse. Si autem alicui adhuc ea in re minus satisfactum videtur, fruatur opinione sua. Interim eius opinioni tres sacræ historiæ scriptores opponimus, Rufinum, inquam, Socratem, & Sozomenum, qui bellum hoc describentes, legatos hos Sarmatas fuisse, & bellum illud à Valentiniano tum directè contra Sarmatas institutum fuisse demòstrant. Vnde irrefragabiliter id quod supra quoque ostensum est, sequitur Squados, illos, qui de finibus cum Antonio bellum gessere, Sarmatas fuisse. Hæc acta sunt ante mille & 300. annos.

De Valentis Imperatoris temporibus.

Anno ab orbe condito 4344.
Anno à Christo 382.

Interim dum hîc ab occidente futuri belli semina iaciuntur, ab oriente aliud emergit, quod præsens exitium Romanis copiis attulit. Et si res humanas æstimare licet, nihil est esseque potest in Rebus pub. mortalium tam elaboratum, & tam sublime tamq; firmum, vt satis viam sibi inuenientibus vltices pœnæ ingenii humani consilia non superent. Getæ seu Gotthi Sarmatici populi, dum in Thracia & Pannonia militiæ vacant, ab Hunnis gente septemtrionali sedib. antiquis sunt pulsi. Res apud multos admirationi erat, quòd genti bellicosæ & præpotenti ea acciderent, quæ imbellibus tantum metuenda sunt, cumque veluti ludibrio fortunæ expositi aliquantulum secum quid esset agendum in eo casu, quodue consilij genus arripiendum deliberarent, vicit plurium sententia, qui suadebant, potiùs Imperatores Christianos placâdos, quam cum hostibus gente bellicosa, iam ad prælium parata, & dimicationem exposcente, Marte iudice, ferro discernendum

Gotthi ab Hunnis patria pulsi.

Tempus primi aduentus Hunnorum ad eas regiones.

cernendum & de possessione littoris Pontici, in vnius diei fortunam summam rei conferendam. Nec malè consilium illud eis cefit. Nam præter expectationem, id quod optabant, Valens Imperator eis concessit, & votis eorum annuit, habitareque eos siue in Mysia vellent, siue in Thracia permisit. Illi gratitudinis ergò religionem Imperatoris nempe Arrianam se amplexuros recipiunt & re ipsa amplectuntur, qua re Valentem ita sibi deuinctum redderunt, vt eorum virtutem in bellicis rebus, Romanis suis præferret. Iamque complures milites Romani quasi despici se cernentes vacationem militiæ ab eo petebant, & abiectis gladiis, manus buuri & vomeri applicabant, agriculturæque se totos tradebant. Interim verò Getæ strenuam operam in arcendis hostibus defendendisque finibus ei liberaliter & prolixè promittunt. Imperator eis ita fidit, vt neque foedus cum eis sanciret, neque adimeret arma, vt in tali casu antea moris fuerat: quicquid verò liberet & placeret eis magno suo & imperii toti malo permetteret. Militabant tum inter eos duo duces, quorum alteri Athalarichus, alteri Phritigires nomen fuit. Ferunt & Turingicos quosdam ex Germanis tum inter Gotthos militasse. Et vt ego existimo, tunc temporis primum, per illam conuersationem, Getarum vetus cognomen in Gotthorum transformatum & germanisatum, hoc est, iuxta dialectum Germanicam deprauatum fuit, vt postea pro Getis Gotthi passim appellari cœperint. Omitto hîc quæ de ecclesiis Gotthicis & earum Episcopis, deque Gotthicarum literarum inuentione scriptores tradiderunt. Apud scriptores ecclesiasticos talia legendo lector desiderium suum implere poterit. Redeo igitur ad bella eorum. Gotthi tunc duorum maximorum ducum ciuilib. bellis implicati erant. Sed Athanarichus, maiorem potentiam acquisiturus auxilia Imperatoris implorabat, itaque adiutus eius copiis Phritigerum superat, solusque regno potitur. Fuerunt tandem aliquantis per eorum res in pace. Sed cum non longè post Romanorum Ducum auaritiam cernerent, subindeque improperiis eorum & contumeliis irritarentur, pax eorum quo magis diuturnas ferias habuit, eò maiorem in flammam semel violata amicitia erupit. Nam aliquoties increpati, cum imperia eorum ferre nō possent, præsidia eorum adoriuntur ac Lupicinum simul & Maximum duces eorum obtruncant. Nec contenti hoc facto, maiora aggrediuntur: Mysiam & Thraciam armis sibi subiiciunt, subactisque tributum imperant: ad extremum cunctis Romanis qui tunc istic erant formidolosi esse cœperunt. Susceperat tum expeditionem Valens contra Persas, quibus repressis contendebat An

Valens Gotthis concedit in Thracia sedes.

Valentis securitas & creditas malè cefit.

*Gotthi cum
Sarmatis.*

*Valentis Im-
peratoris tra-
gicus casus &
tristis euentus*

Antiochiam, sed saepius querulis Thracum & Græcorum vocibus euocatus ac propemodum extimulatus, relicta Antiochia in Europam duxit. Gotthi aucti Sarmatarum copiis, quas in Pannonia tempore Valentiniani militasse superius diximus, aduentanti occurrunt, nec pugnam detrectant, tandemque signis collatis equites Romanos proturbant, & loco dimouent: ita legiones nudatae praesidiis nullo negotio soluuntur, & in fugam praecipites vertuntur, quibus sese Imperator ipse fugiens immiscet, mutatoque vestitu cum sese euoluere conaretur in potestatem hostium deuenit. Nam cum inclusus turri aut domunculæ cuidam, euentum negotii sollicitè expectaret, à prætereuntibus qui equis vehebantur, agnitus obiter fuit, cumque prodire nollet, igne circumiecto combustus. Hic fuit finis bellorum magno ardore animi susceptorum, Romanis fines imperii sui proferre satagentibus, & Sarmatis Getisque patrios fines propugnare annitentibus. Accidit hæc clades ante annos mille triginta. Quæ autem in occidentali imperio acta sunt interea temporis, postea dicetur.

De temporibus Theodosii Primi Imperatoris.

| | |
|-----------------------------|-------|
| <i>Anno ab orbe condito</i> | 4345. |
| <i>Anno à nato Christo</i> | 383. |
| <i>Anno ab hinc</i> | 1181 |

*Præsidia ad Al-
bim.*

*Controuersia
de finibus cum
saxonibus.*

Temporibus etiam Theodosii motæ erant lites non parvæ de finibus inter nostros populos & Germanos. Proinde Saxonici exercitus & Turingici collocati erant inter Albim & Viadrum ad defendendos limites & arcendas gentes Sarmaticas. Rursus cum Gotthis, qui iam relictis prioribus sedibus Mysiam & Thraciam inhabitabant, acerbiores erant controuersiae. Nam licet obnoxii iam coeperant esse orientalibus Imperatoribus ob beneficium recens acceptum, tamen cum regem & regimen proprium haberent, viresque eorum indies assurgere videntur, tam propinquum semper impendere ceruicibus eorum hostem molestè Romani ferebant, praesertim cum mors Valentis recordatioque præteritorum bellorum cruciaret Imperatores. Gotthos autem ad cauendum sibi in posterum ob recens patratum facinus, conscientia exacuebat, itaque vtrisque venenum alentibus conflatum fuit denuo bellum. Cumque ad arma conclamatum esset, & Gotthi non per omnia paratos se animaduenterent, præeunte Athalaricho rege ad pacis se studium confestim conferunt. Ad quam rem

quam rem duo eos inuitabant: primo incommodum belli quoddam nuper acceptum, quodq; de clementia Theodosii omnia læta audiebant, alterum quod ipsemet, ut ad se venirent, eos inuitabat. Nec fefellit Gotthos coniectura. Theodosius enim prospiciens turbulentum vndique rerum statum, pericula ad orientem, pericula ad occidentem quæ Romano imperio impendebant, & alia maiora metuens (nam ex Italia ad eum quotidie perferebantur noui rumores) summo iure cum Gotthis non egit, quin potius ad clementiæ & facilitatis consilia decurrit, Constantinum Magnum imitatus pientissimum pariter & prudentissimum principem, qui paulò ante absque gladio Sarmatas & Gotthos consimilibus consiliis mansuefecerat. Accidit interea, ut Athalarich⁹ postquam rediisset in gratiam cum Imperatore, moreretur ibidem: hunc Theodosius honorificentissimo apparatu & pompa funebri exportari iubet, multis ducibus Romanorum & præfectis copiarum fun⁹ eius deducen⁹. Gotthi cum ordinem gubernationis, seriem Senatorum & ducum, deducentium funus viderent, principisque iustitiam mansuetudine summa temperatam perspexissent, qui vi & ferro perumpi non poterant, bonitati & pietati cedunt, libenterque se victos fatentur, dixeruntque se agnoscere hoc Imperium à Deo esse ordinatum, nec fore felices qui illud euertere conarentur. Itaque fœdere icto cum Imperatore fidem & operam suam ei promittunt, militiamque professi sub eius signis militarunt. Erant autem ferè ad viginti millia, ac Romanorum res deinceps tantum abest ut turbarent Gotthi, ut etiam quantum in eis fuit, auxerint. Cumque Imperator pacatis rebus orientis ex Thracia in Italiam rediisset contra Eugenium & Arbogostum ducens exercitum, Gotthorum quoque decem millia sibi adiungit, quorum magna ex parte, virtute & constantia Gallorum exercitus in illis angustiis bello difficillimo & valde periculoso expugnati fuerunt. Stetissetque integrum & inuiolatum illud pacis fœdus quod Theodosius magis necessario, quam optato consilio cum ea gente pepigerat, nisi Stiliconis artibus, à Gildone filiis Theodosii trucidatis, interuersum fuisset, & stipendia merita cum comætu eis dari solita denegata fuissent, unde noui motus statim orti sunt. Nam iterum hac iniuria recenti Gotthi exasperati Thraciam superantes Pannoniæ interiora inuaserunt, de qua re luculenti⁹ dicere necesse erit. Iam enim Gotthorum erga Romanos & Romanorum erga Gotthos ita inflexi erant animi, ut Imperator Gratianus prætorianorum cohortem, ad custodiam propriæ salutis ex eis sibi adlegerit, qui honor & prærogatiua ab Europæis regibus hac nostra ætate solis potissimum

Virtute Gotthorum inter Alpes Theodosius victor.

Filij Imperatoris trucidantur

Fidelitatis honores Germanis habitus.

tissimum Germanis deferri solet. Quod autem & Theodosius eis plurimum filius sit & eorum viribus opera non poenitenda peregerit, inde apparet, quod Stilico cum esset stirpis Sarmaticæ, dux magni nominis præcipuos honores apud ipsum consecutus est, ita ut præcipuus dux belli ab eo sit designatus, penes quem summam rei totius esse voluerit. Quin & illud quod supra de præsidiis ad Albim sylvasq; Hercynias dispositis, ad defendendos limites contra Sarmaticas gentes diximus, eius instinctu eiusque consilio factum fuisse prædicatur. Nouerat enim Stilico mores gentis, cum & ipse esset eorum contrerraneus & popularis, & ne quid à milite contra disciplinam militarem designaretur, ipsemet legiones quæ ab eo dispositæ erant obequitabat, in præuaricatoresque edictorum à se latorum grauitè animaduertebat.

Compendium Chronologicum historię rerum Sarmatarum à Valentiniano ad Theodosium, per annos circiter triginta.

Anno 362. Imperator Gallus, ut existimo, qui ad orientem electus erat, Sarmatas, & Quados superat, illisque Zizam vel Dziezam, ut Polonicè loquamur, præfecit.

Anno 363. Honoratius primus, Constantinopolitanus Imperator Sarmatas rebelles fertur domuisse. Amianus libro 19. Ego existimo intelligendum hoc de illis Sarmatis, qui Pannonias occupant, non de vniuersa gente. Hoc enim circumstantiæ nequaquam patiuntur. Nam quantum negotii Valentiniano, ipsi postea dederint, mox annotabimus.

Anno 367. Hunni vastata Alanorum regione Gotthos aggrediuntur. Amianus lib. 22. 23. 24. Habebant ergo tum Gotthi à tergo & à fronte hostes, & quidem potētissimos, hinc Romanos inde Hunnos. Nō est igitur mirum eos ab aduersa fortuna indignis tractatos.

Anno 368. Ermanarichus Gotthorum rex potentissimus, ille quem Alexandro Magno comparat Iornandes. Hic 20. ferè nationes subiugarat, in quibus & Germanos numerat idem autor. Et existimo Hunnos, ubi audirent de successu aduersarii, inuidia incitatos eius patriam à tergo aggressos esse & vastasse.

Anno 370. Vandali nostri æmulati hanc Gotthorum suorum cognatorum laudem, etiam ipsi ad ripas Rheni confederunt, qui postea Burgundiones dicti. Nominat Ptolomæus inter Venedicas gentes Phrugundiones à Septemtrionali ripa Istulæ. Isti itaque qui

que qui ad Rhenum confederunt, hac de causa & Vandali & Burgundiones dicti sunt. Crantius autor.

Anno 371. Gotthi Istrum transeuntes Thraciam peruastarunt. Tripartita historia & Amianus libro 31.

Anno 378. Sarmatae Pannoniam vastant. Et hoc tempore Valentinianus prae iracundia mortuus, ut supra narratum est: eodem anno Ermanarichus rex Gotthorum nobilissimus à duobus nebulonibus interfectus, Bomfinius autor.

Anno 380. Hunni iterum Gotthos aggressi patriam eorum occuparunt, ita ut coacti sint novas sedes trans Danubium à Valente Imperatore in Pannonia petere. Orosius lib. 7. cap. 31. Tripart. histor. lib. 8. capite 12. Hoc tempore Thorismundus Ostrogotthorum, Atanarichus Visogotthorum rex vixit.

Anno 381. Gotthi ob auaritiam Maximini annonae praefecti, fame coacti rebellant, Thraciam, Thessaliam, Epaurum vastant. Iornandes, Diaconus, Orosius.

Dion historicus de Diurpaneo illo Gotthorum rege dicit, quod cum à Romanis interrogaretur, cur foedera cum Traiano inita violarit, respondisse fertur: Quia auaros mitterent praefectos. Eandem causam rebellionis Gotthi optimè poterant reddere Valentiniano. Non enim amplius ferentes Maximini annonae praefecti auaritiam, ad extrema remedia confugerunt.

Responsum Diurpanei Traiano.

Anno 382. Vandali sedibus suis relictis terras alienas inuadere coeperunt, rege Modigilo, qui eis triginta annis praefuit.

Anno 383. Longobardi ex Scandia insula Oceani septemtrionalis egressi Vandalos qui remanserant duce Iborea & Alone vicerunt. Prosper in Chronico. Non Roxolani ergò in Vandalorum sedes successerunt, ut quidam volunt, sed citius Longobardi, (si vera dicit Prosper.) Apparet & ex hoc loco, non ita ex his regionibus. Vandalos populariter egressos fuisse ante aliquot annos, ut ex eis ne vnus homuncio in patria tum remaneret. Quidam enim affirmant Roxolanos Vandalorum vacuas sedes occupasse discedentibus ipsis in Hispanias, sed falsò.

Anno 384. Theodosius Gotthos multis praeliis superat, & ex Thracia pellit, cum Athanaricho eorum rege foedus icit. Blondus decade prima lib. 9. Is Athanarichus Constantinopolim venit, ibique post paucos dies moritur.

Anno 398. Gotthi sine rege sub imperio Romano stipendia faciunt annis octodecim, post Athanarichi mortem. Commemoratur hic illud Theodosii praelium in angustiis Alpium, quando miraculosè ventus excitatus in faciem hostium puluerem impulit, atque

Theodosii victoria miraculosa

lit, atque ita viam ad victoriam Theodosio patefecit. Laudatur
ibi virtus Gotthorum. Ac de hoc bello Poëta Claudius:

*Omniū dilecte Deo cui militat ether
Et coniurati veniunt ad classica venti.*

Gotthorum tunc erāt decem millia in exercitu Theodosi, in quo-
rum vexillo depingere iusserat Imperator istas literas, X. P. Σ.
quæ significant nomen Christi. Accidit hæc victoria miraculosa
ante annos 1181. Septemb. 17. die, anno Imperii Theodosii 17.

DE GOTTHIS ET EORVM REPVBLICA.

*Homeri et Got-
thorum compa-
ratio eadem.*

Gotthorum gens quia fama rerum gestarum alias natio-
nes non paucas supergreditur, & prima omnium cuncta-
rum gentium vltima est & vindicata iniuriam aduersus Ro-
manos, & vtrumq; Imperiū, videlicet, orientale & occidentale de-
bellauit, Romam aliquoties coepit, vastauit, in thronoq; Imperiali
prima sedit, Valentem viuum igne combussit, Decium aquis sub-
mersit, filium sagitta traiectum interfecit, & alia infinita patrauit,
ideo multę nationes eam sibi vendicāt, sicut & Vandalos, ppterq;
rerum amplitudinem ab vtraque gente gestarum & stupendos au-
sus, eos sibi tanquam consanguineos adiungunt. Eoque res deue-
nit vt sicuti olim duodecim vrbes Græciæ inuicem rixabantur &
iure contendebant singulę, sigillatim sibi Homerum vendicantes,
quælibetq; earum apud se natum fuisse iactitabat, propter famam
celebrem diuini vatis. Simili modo Vandalos Gotthosque mul-
tę nunc nationes tanquam suam progeniem sibi appropriant pro-
pter famam nominis & magnitudinem rerum gestarum, quas ante
mille annos vtrique isti populi ab vna stirpe & vna gente, edide-
runt. Quapropter operapretium me facturum putavi, si de eorum
origine & rebus gestis ex professo tractationem instituerem, eo-
rumque hystoriam magna ex parte deprauatam extricarem, & in
apertum producerem. Iam quidem complura sparsim de eis à no-
bis dicta sunt, sed tamen si rem in pauca conferam, vtile erit lecto-
ri. Tradit autem Helias Spartianus, & rerum gestarum series indi-
cat, Getas & Gotthos vnā gētem fuisse. Antiquiorem tamen ap-
pellationem Getarum esse quam Gotthorum constat. Et appella-
tio videtur ex re ipsa sumta. Nam γειτων Græcis vicinum signifi-
cat. Ideo celebriorum fluminum & aliorum locorum vicini aut
potius incolæ Getæ vocabantur. Nam qui ad flumen Tyram Sar-
matæ habitabant, Tirigetæ vocabantur, qui ad Tibiscum Tisige-
tæ, qui ad montes Moschinos Massagetæ seu Samogetæ, qui ad flu-
men Istrum

*Getæ vnde di-
cti.*

men Istrum Istrogetæ, vnde Ostrogotthos vel Ostgotthos postea dictos esse puto ab eo, quod ad ostia Istri seu Danubii inhabitabant. Et Ptolomæus iam Arfigetas iam Gyngiuonenes, vbi nunc Polonia est, ponit. Qui verò vltra Istrum habitabant propinquiores Græciæ Gitonas absolutè vocat. Inde factum reor vt postea Getarum nomen obtinuerint. Ne quis autem hos Sarmatas fuisse ex eorumque stirpe originem suam ducere dubitet Ptolomæum consulat. Is certè lib. 3. cap. 10. Tyrfigetas Sauromatas expressè appellat. Non desunt qui etiam Ostrogotthos ab vrbe nobili in Volinia Ostrog dicta, patria ducum Ostrouiorum cognominatos esse putent, indeque illas gentes oriundas & postea progressas affirmant. Sed illi forsan ad Alanos potius veteri more referuntur. Quæ omnia si in vnum conferas, ad eundem sensum, & vocis significatum de quo iam diximus, & nomen Getarum nos ducunt. Regia autem vel metropolis Getarum quæ fuerit, non ita facile est colligere, credibile tamen est eam quam Zarungetussam vocant fuisse. Zarum enim lingua Heneta principem vocat, Getussæ autem nomen gentem illam Getarum indicat. Sed illud est dignum consideratione, quod cum appellationes Tyrigetarum Tisfigetarum inueniamus, quo autem cognomine in vniuersum eorum patriam vocemus non ita liquet. Nam vbi Germani habitant Germaniā vocamus, vbi Galli Galliam, Gotthiæ autem nomen non ita frequens imò insolens reperitur: Causam eius rei nullam aliam reperio, nisi quod in vniuersum Sarmatiæ nomine istæ prouinciæ omnes appellabantur. Quando autem & quibusnam occasionibus vox Getarum in nomen Gotthorum cōmutata sit, superiùs dum Theodosii tempora prosequeremur diximus. Nam illo tempore quando ex bonis gentibus mali Christiani facti fuerunt, sacramentoque baptismi ab Episcopis initiati, existimo istam permutationem vocum factam fuisse, Germanis ad eam rem ansam præbentibus, qui iam tum Getis admixti communem causam contra Romanos defendebant, iunctisque viribus non modo iugum eorum excutere, sed etiam par pari reddere satagebant. Gotth enim & bonum & Deum significat, qui autem lauacro baptismi irrigantur sacrisque initiantur iam quasi diuini facti videntur. Alii verò eos fataliter Gotthos vocatos arbitrantur, quod instar flagelli Dei Romanis fuerunt. Itaque historici inflexo nonnihil vocabulo ad sonum & dialectum germanicam pro Getis paulatim Gotthos appellare cœperunt. Erant enim reuera Romanis eorumque prouinciis flagellum durissimum, ita vt contuso & fracto eorum Imperio vrbi non pepercerint, imò deuastata & propemodum deleta, etiam

Ostrogotthi.

Ostrog arx sedes ducis Basilij in Volinia.

Regia Getarū. Zarungetussa vrbs Dacie in Ptolomeo.

Ex Gotthis Gete quando.

R

Mos Romano-
rum in commu-
tandis nomini-
bus vrbium.

ta, etiam nomen ipsum Romæ Adulphus filius Alarici abolere & in Gotthicum conuertere commutareque decreuerit, nisi vxoris intercessione crebrisque & demissis obsecrationibus Deus institutum eius auertisset. Hoc verò facinus exemplo Romanorum ipsorum facere volebat, qui hunc morem habebant, vt deleta regno aliquo & in prouinciam redacta etiam veteres appellationes abolerent, & antiquarent, nouas verò à sua lingua tribuerent. Hinc est quod in Ptolomæo ægrè inueniuntur cognomina prisca tam in descriptione Pannoniæ, quàm etiam Mysiæ vtriusque. Ideo nata sunt cognomina in Hungaria, Corona, Alba regalis, Prætoria, Augusta &c. Et in Germania Colonia Agrippina, Augusta, Argenti-
na, Basilea, Spira, Aquisgranum & alia infinita huiuscemodi. Liberum enim eis hoc erat, semel Germania in suam potestatem redacta & subiugata auita nomina pro libidine abolere & quadrata rotundis miscere. Generatim de Gotthis iam aliquid diximus, ne quid tamen sicco pede transisse videamur, neue quispiam nos aliquid lectorem celare voluisse opinetur, methodicè rem eandem ex probatissimis autoribus trademus.

De nomine Getarum caput primum.

Ab etymo co-
gnominum non
semper valent
argumenta.

De nomine Getarum iam supra diximus. Addam tamen rem dignam notatu de nominibus istis ex Dione historico qui sic dicit. Porro eam gentem Dacos appello nam ita se ipsi nominant, eodem nomine à Romanis appellantur. Etsi non ignoro eos à quibusdam Græcis Getas esse dictos, quod an rectè factum sit, nescio. Helius Spartianus, Dion, Orosius, Iornandes, & alii Getas Gotthos esse dicunt. Sumunt alii encomia suarum gentium, Saxonas à Sais deriuando, & Dacos à Dais, quarum gentium laudes ex Xenophonte libro 5. in Pædia Cyri recitantur. Sed perpusilla admodum accessio laudum inde petitur. Nam si tanta vis est argumenti ab etymo vocis, possent etiam Dani à tribu Dan Iudæorum deriuari. Possent & Poloni à Pelek illo patriarcha, abnepote Noë deriuari, aut ab Apoloniis, aut etiam à Palaco illo rege, qui ante tempora Christi vixit, & cum Mithridate confluxit. De qua re superius ex Strabone nonnulla allata sunt.

De origine Gotthorum, caput secundum.

De origine Gotthorum duæ sunt sententiæ authorum. Alii eos ex Scandia nauibus profectos & ad Istulæ flumen delatos esse affirmant, interque Vandalos vi & armis sedes sibi parasse. Alii à Meothide palude profectos ad Istrum & Danubium consedis-
se memorie prodiderunt: sed siue hoc siue illo modo de illis sentiamus, v-
traque

traque ratione Sarmatę erunt. Nam & Scandia & alii insulares populi septemtrionem versus à Sarmatarū iure secerni non possunt. Siquidem in Sarmatico mari illę insulę innatant, & ultra Istulam exporriguntur. Magis tamen consentaneum esse videtur, eos ex Asia sicut & alias omnes gentes occidentales, colonias post illam diuisionem gentium deduxisse. Nam quod Iornandes eos ex Scandia venisse cum rege Beria affirmat, hoc iam superius est confutatum libro 3. nec potest cum Chronologica ratione consistere, & à Biblica veritate alienum est, quin & sibi ipsi hac in re contrarius est, aut principium eius adulteratum est, cuius rei supra mentio facta est.

In quas gentes propriè diuidantur Gotthi.

Alii vocantur Ostrogotthi, alii Visogotthi, alii Gepidę, alii Daces Tirangitę, alii Gitones, alii simpliciter Getę vel Gotthi. Ostrogotthorum nomen Gothos indicat, & etymon vocis respicit cognomen Istri. Ergo Ostrogotthos dicemus Gotthos illos ad Istrum habitantes, id est orientales. Nam & Ister ipse ad orientem vergit, vbi in Euxinum mare illabitur. Quapropter quod Auentinus de Osterfze meer, & de Vuelterfze meer, id est orientali & occidentali mari tradit prætereo. Alii Visogotthos dictos putant à fest Goth, quasi ipsissimos Gotthos, quod ab iis alii vt à patribus processerint. Visogotthos Iornandes vocat Gotthos, qui occidentem spectant, hoc est, qui ad Vistulam manebant. Nam & Vistula è Sarmaticis montibus exurgens, vt Iornandes tradit, in Sarmaticum Oceanum sese abscondit, occidentem versus. Vocat autem Iornandes apertè Vestgotthos parentes Ostrogotthorum: Gepidarum nomen significat Gotthos, qui ad Visclam manebant (nostrum illud flumen vocant Vislok,) vbi nunc Scepusium est. Et etymon vocis Iepida, exponit Iornandes pigrum, Iepanda enim Geticè significat tardum ingenio. Quoniam igitur isti tardioris ingenii reputabantur, ideo eos afficiebant cognomine hoc Gepidarum. Daces à latinis sic Gotthi appellabantur, sicuti à Græcis Getę, à Germanis Gotthini: inde flumen Gutallus à Plinio vocatur, quod per eorum ditionem permeat, & apud illos oritur. Tyrangitę, Tisigetę à fluminibus accolę Gotthorum appellantur. Qui ad Tyram habitabant Tyrangitę, qui verò ad Tisam Tisigetę, qui ad Raban, vbi est Bochna Arsigetę, quin & Tanaitę à Ptolomæo ad Tanaim ponuntur. Piengitas eosdem puto à Ptolomæo vocari, quos modo Gepidas diximus. Post quos Biesi, à quibus hactenus montes Biesczadi vocantur. Procopius vsque adeo dilatat

Ostrogotthorum nomen.

Visogotthorum nomen.

Gepidarum nomen.

nomen Gotthorum vt etiam Alanos & Elios homines nostræ linguæ Gotthinos vocet, & hos vnius stirpis fuisse prædicat, vt verè Gotthia idem ei sit quod Sarmatia, sicuti rursus Sarmatia pro Gotthia non rarò accipitur.

De stationibus Gotthorum, caput quartum.

Visogothorum
sedes.

Post illam diuisionem gentium primam stationem eorum fuisse ad Meothidem & ad montes Sarmaticos tradunt, secundam in Thracia, tertiã in Pannonia, quartã in Italia, quintam in Hispania, postquam expulsi erant ex Italia opera Bellisarii, & vltima vice Narsetis Eunuchi. Nobilissimi erant isti duo duces Imperatoris Iustiniani. Ostrogothorum sedes fuit Zarmigetussa, & Thomos vrbs ad Istrum, Peucen Insula Istri, qua de causa Ostrogothi dicti sunt. Regiones illas, vbi colebant agros Getæ Besarabiam à duce vocant nostra ætate. Et quanquam illas legiones Italicas, quas Traianus in Daciam olim introduxerat, Aurelianus postea reduxit, tamen coloni & alii qui œconomiam iam auspicati erant istuc remanserunt, qui linguam Slauonicam corruerunt vsu linguæ latinæ introducto qua Valachi corruptè hætenus vtuntur. Visogothos ad fôtes Gutali suum domicilium primarium habuisse iudico, quanquam per vniuersam Sarmatiam sparsos fuisse Cosmographi annotant. Vbi est Gedanum Ptolomæus Gitonas ponit. Sicuti autem ad Istrum Sarmatæ & Getæ mixtim habitabant, vt ex Ouidio apertè liquet, ita etiam ad Istulam & Sarmaticos môtēs sparsim inter Sarmatas degebant, erantq; veluti prouincia ipsorum. Notum est vbi ponat Ptolomæus Sidorichias. Ibi eos metalla effodisse Cornelius Tacitus testatur. In eadem sententia sunt & Neoterici scriptores, Eberstemus Tilemanus, & Carion ipse, qui disertè dicit, quòd Gotthi ad vtramque ripam Istulæ habitabant.

De finibus et limite Gotthorum.

Limites minorum gentium, sicuti Gotthos, Ossos, Burios Ptolomæus sic vocat, difficilius est dignoscere ob nomadicam consuetudinem. Nam hodie hîc erant, & post aliquod tempus alio comigrabant. Sicuti de hoc genere vitæ nomadico Strabo dicit: Rebus inquit suis curribus impositis facillè cum pecore suo abeunt quo visum fuerit. Gotthorû tamen vtpote nobilioris gentis Strabo regionem sic describit: Latus autem Germaniæ meridionale Sueui tenent. Post hos Getarum regio arcta primo, quâ iuxta Austrinam partem secundum Istrum protenditur, & è regione finium Hercyniæ syluæ partem montium ipsa quoque complectens. Deinde verius septentrionem dilatatur vsque ad Tyrigetas. Et mox:

Hi Getæ

Hî Getæ ad vtramque partem Istri accolebant, &c. Ideo Iordan-
des plurimos sin⁹ maris Pontici & plurima flumina in illa eorum
regione fuisse commemorat. Similiter Cornelius Tacitus regio-
nem Visogothorum describens ait: Gotthini, Ofsi, Burii terga
Marcomanorum Quadorum claudunt. Omnesque hi populi pau-
ca campestria, cæterum saltus & vertices montium iugumq; infe-
derunt. Dirimit enim scinditq; Sueuiam continuum montium iu-
gum, ultra quod plurimæ gentes, ex quibus Ligii &c. Guthones
quo magis pudeat & ferrum effodiunt. Similiter & Orosius de iis.
Ex quibus descriptionibus liquet, Gotthorum seu Getarum, vt
Strabo ipse ista nomina coequat, fines incipi à limitib. Sueuorum.
Sueuorum autem sedes indicat fluminis nomen Sueu⁹, qui nunc Spre *Sueuorum se-*
a à quibusdam scriptoribus Germanicis vocatur. Sed veterum *des.*
sententia magis placet, Albim versus Sueuos habitasse. Ideo recti-
us ille amnis qui prope Calusium flumen est Sueuus vocatur, hoc
est inter Albim & Viadrum, Cimbricū Cherfonelū versus. Hunc
Plinius Gotalum vocat à Gotthis, qui sedes suas isth^c tenebant,
& extendebantur vsque ad montes Sarmaticos, ex quibus hic quo-
que Gotalus oritur, & tandem montes Sarmaticos infederāt, non-
nihil in campestria descendentes Cracouiam & Niepolomiciam *Sylua Niepolo-*
versus. Nam illæ syluæ Niepolomicianæ etiam Hercyniæ vocan- *miciana.*
tur à Ptolomæo. Ideo Strabo dicit: E regione, inquit finium Her- *Strabo lib. 7.*
cyniæ syluæ, ac ita demum omnes montes Daciam versus occupa- *Fines Sueuici*
rant, & tandem vsque ad Istri Ostia & Tyræ, vbique permixtim *contigui erant*
cum Sarmatis habitantes, vt Strabo eodem à principio eiusdem li- *cum finib. Got-*
bri dicit. Et cogitanti mihi quæ causa sit, cur potissimum in Cra- *thorum.*
couiensi terra & apud Podgorios non eodem modo nobilitatis
nomina finiantur, nam alia in ski desinunt, & hos puto de stirpe
Vandalica originem ducere. Aliqua verò simpliciter, prout casus
fert, hos Gotthorum sanguine cretos intelligo. Nam tales potif-
simum hucusque sedes suas ad radices illorum montium tenent,
quorum nomina & catalogum per ordinem Alphabeti hîc placet
adiicere.

Series Gotthicorum nominum.

| | | |
|-----------|---------|----------|
| Bal | Klofas | Tárlo |
| Barzy | Kula | Talaphus |
| Dembrodes | Bobola | Hñnca |
| Dersniak | Niemsta | Koracz |
| Ciolek | Czurylo | Kurosz |
| Firley | Czernij | Zarebá |
| Fredro | Plázá | |
| | R | 3 |
| | | Frykacz |

ANNALIUM POLO.

Gutthorum fa-
milie in terra
Sedomiriensi
& Premisliensi
si sedes habet
suas.

| | | | |
|---|------------|------------|---------|
| Frykacz | Rozen | Lioeza | Zawilza |
| Fårurey | Szary | Sobek | Otha |
| Gám Rath | Száfraniec | Rei | Piwo |
| Gutthouie forsan & nomen ipsum à Gotthis habet. | | | |
| Gárnisz | Svvidvva | Gárnisz | Gawin |
| Hárinek | Smolik | Spinek | Srzema |
| Hinek | Strzala | Węzńk | wa |
| Herboth | Skarbek | Łaszc | Kolek |
| Iaxa | Piemazek | Strzembosk | |
| Iordan | Odrowaz | Pelka | |

Száfrach Got-
thus.

Balta Gotthus

Hos omnes ex stirpe Gotthorum prodiisse, ut diximus, credibile est. Dembrodes significat gentis Debro progenitorem. Nam Debro signi eorum militaris est nomen. Rod vero seu rodzaj patria lingua significat genealogiam. Quod autem quidam hunc Dembrodem Scytham fuisse prædicant, inde factum esse reor, quod Getæ ipsi à plerisque per abusum Scythæ vocantur. Quomodo autem successu temporis Dembroti posteritas in Sedomiriensem terram veniens fidem Christi sub Chabrio suscepit & monasterium Calui montis fundavit postea dicitur. Szafarach etiam Gotthi strenui militis & ducis mentionem facit Iornandes ante mille annos. Hic cum Fritigero & Alateo Theodosio Cæsari se opponebat, & forsan ipsorum opera Valens Cæsar ille vivus igni combustus fuit & victoria gloriosa de eo parta. Fuit & Balta dux Gotthorum. Nescio si Barsonum gens & Balorum aliquid commune cum eis non habeant. Virtute certè militari, & togatis virtutibus nequaquam ab eis degeneravit Stanislaus Safranecius, qui modo agit summa cum laude Palatinum Sedomiriensem. Sed ad propositum redeamus.

De moribus et vestitu Gotthorum.

Gotthi non erant ea leuitate præditi, ut in gratiam Italorum, ubi tunc manserant mutarent patrium morem sese vestiendi. Nam & crinigeri & pelliti incedebant, de qua consuetudine eorum Claudianus Poëta ad eum modum:

*Crinigeri ferè patres, pelliti Getarum
Curia, quos plagis decorat numerosa cicatrix,
Et tremulos regit hasta gradus, & nititur altis
Pro baculo contis, non exarmata senectus.*

Apparet ex iisdem carminibus. Getas ad extremum vitæ hastis longis quibus gradum fulciebant usos fuisse, quibus quasi symbolis significare voluerunt, se ad ultimum halitum militiam profiteri, in eaque professione se mori velle. Ideo dicit Poëta non exarmata senectus.

senectus. Hæc de vestitu senatorum. Militum verò cōsuetudinem ex Ouidio depinximus, qui eos vsos fuisse corito & arcu testatur. Scribit Tacitus Ostrogotthos equitatu potissimū valuisse. Et alibi inquit: Omnium harum gentium insigne rotunda scuta erant & breues gladii, quos nos schabla vocamus.

De lingua Gotthorum veterum caput sextum.

Cornelius Tacitus videtur Gotthis Gallicum sermonem tribuere, aut saltem accentu Gallico vsos fuisse. Non desunt enim, qui ita Cornelium Tacitum exponendum putant. Et probant Gallos olim alio sermone vsos fuisse, quā nunc vtūtur. Et credibile est. Nam hunc qui est latino sermoni affinis, quo nunc vtuntur, Iulii Cæsaris temporib⁹ inuectum fuisse historiæ prædicant. Porro antiquos Gallos Græcis characteribus vsos fuisse ad tempora Caroli Magni, lingua autem Celtarum veterum locutos ostendunt auctores. Plinius cōmemorat aliquot voces Celticæ ex quibus marchæ equam vel equum vilem & valdè malum macilentumq; sonat. At istis qui sinistrè Cornelium exponunt opponimus tres auctores. Inprimis Strabonem, qui dicit getas cum Dacis *ἡμογλωττισ* fuisse. Et Ouidium qui gloriatur se intra paucos annos didicisse Geticæ Sarmaticæque loqui. Sed & Procopius de bello Vandalico statim ab initio libri, fatetur Gotthos, Vandalos & Melanclienos, quos nos Czern vocamus, eodem sermone vsos fuisse, vnamq; gentem fuisse, licet nominibus diuersis, cætero inquit conueniunt. Nam & albi sunt omnes corpore, flauī coma, proceri quoque & aspectu probo, legib. item eisdem vtūtur, similiter & Arrianæ omnes fidei, voce vna Gotthica appellata vtentes. Hæc Procopius apertè. Est autem testimonium istorum trium maioris faciendum quā aliorum complurium. Nam isti vt vocant oculati sunt testes. Ouidius inter Sarmatas & Getas mansit aliquot annis ibique mortuus est. Procopius castra Bellisarii secutus multoties cum eis conuersat⁹. Strabo etiam non procul à Gotthis natus fuit in regno Mithridatis. Meminerunt scriptores Orosius & Procopius aliquot nominum Gotthicorum, Radagisus Polonica lingua est, co rad byvva gosciom, id est hospitalis. Arbogostus, Dobrogostus, & consimilia. Sed non miror quosdam recentiores Germanicam linguam Gotthis tribuere. Nam dato vno inconuenienti alia inconuenientia sequuntur. Quia ab ea parte australi Istulæ, vbi est ipsa Polonia Germaniam fuisse affirmant, ideo ratione concomitantia compulsi G O T T H O S & Q V A D O S dixerunt fuisse Germanos. Quia autem Germanos fecerunt, necessariò tertium com-

mentum

Gallos olim alia lingua & alia scribendi forma nempe Græca vsos.

Getica Sarmaticaq; lingua eadem fuit.

Ouidij, Procopij, Strabonis testimonia veriora.

mentum eis affingere oportuit, ut eos lingua Germanica usos fuisse comminiscerentur. At Quados Sarmatas fuisse iam demonstratum est. Sed quia Regulis Sarmatarum post mortem patrum fors illa cesserat, itaque dominio distracto, ut sit, aliam Rempub. sibi erexerant, sed non aliâ stirpe aut origine. Quod autem Iornandes ex Scandia ortos prædicat, non videtur consentaneum. Nam mox idem veluti sibi contrarius ex Scythia Ouida ortos narrat. Affirmat autem Scythas Ouim vocare terram Scythicam. Et nescio an vox illa ovvczina inde non deriuetur, aut certè aurei velleris occultam significationem repræsentat. Gotthorum enim principes Anses & Amatae & Ouidæ dicebantur, eò quòd ad raptos aurei velleris suam originem referret. Et etiamnum Austriaci principes aureum vellus symbolo ouis repræsentant, quia stirpem originis suæ ad Gotthos referunt. Sed iam ordine reges inde à Syrmio recitemus. Vetusiores qui fuerunt ante & post bellum Troianum iam superius commemoravi.

Amatae.

Reges gentis Getarum.

SYRMVS rex, qui cum Alexandro Magno confligit, Peucen insulæ rex nominatur. Ponit autem Ptolomæus populos Sarmaticos Peucinos ad montes Peucen Sarmatiæ, isthic alicubi ad montes Borysthenis. Nescio an nò Polocenses illi sint aut vbi est Smolensko. Nam πένυκ pinum pinguem significat, nos Smolna vocam⁹. Prorsus autem Borysthenes alluit Smolensko, & inde oritur non procul, estque locus pinetofus. Et sunt vicina loca illa à quibus coloniæ deductæ sunt ad illam Insulam Peucen quæ est obiecta Istro. Fieri quoque potest, ut Paluki populi ab iisdem oriundi sint, cum Boruscis vicinis, & sicuti isthic insimul manserunt, ita postea progressi insimul in confinio confederint. Syrmi autem appellatio non remota deriuatione cum Sarmatarum cognomine congruere videtur. Condiderat Syrmus Rex urbem nobilissimam Syrmium, vbi concilium illud Syrmienſe dictum, Nicœno contrarium ab Arrianis celebratum fuit.

DROMICHETES. Hic post Syrmum cum Lysimacho successore Alexandri dimicauit, eumque cum coepisset, absque redemptione dimisit, cuius beneficii memor, & habitandi facultatem in Mysia & Thracia ei concessit, utq; magis solida spes pacis in posterum inter eos fieret, filiam suam in matrimonium ei despondit. Pausanias narrat.

VAREESTVS. Hic temporibus Augusti cum Romanis bellum gessit. Meminit eius expresse Strabo. Bellorum autem ducis Flacci ex parte Romanorū ad Danubium Ouidius de Ponto meminit. Nam ibi tum quoque exulabat.

COTISON fuit rex Getarum, etiam temporibus Augusti tantæ opinionis, ut Augustus filiam suam Iuliam ei desponderet, & rursus eiusdem filiam in matrimonium sibi copularet. De hoc lege Suetonium in vita Augusti. Meminit & Horatius huius Cotisonis: occidit inquit, Daci Cotisonis agmen &c.

DZIURPANEVS quem alii Ducebalum vocant. Sedecim hic integros annos, incipiens à Domitiano vsque ad Traianum, produxit bellum cum Romanis. Idem aliquoties Romanorum maximos exercitus fudit. Fuscum consulem vnà cum legionibus trucidauit, & amplissimas victorias retulit, ita ut ab eo Domitius pacem redimere cogeretur. Donec tandem artibus Traiani Imperatoris & indefessa perseverantia superatus furori aduersæ fortunæ succubuit. Mirificè hic laudatur à Dione.

De veteri Germania ad Pontum, Borysthenem et Tanaim.

Quanquam autem Dziurpaneus rex Dacorum vocetur, tamen & Getis imperitabat. Nam Getæ & Daces gētiles sibi erant. Hoc fundamēto posito non difficile erit inuestigare, Sarmaticę genti an Germanicę debeant adnumerari. Quod commemorare placuit propter quosdam recentiores qui secuti autorem supplementi Carionis, hic ad Istrum & Borysthenem, quā patet littus Ponticum, ubi Getas & Dacos Ptolomæus ponit, Germaniam veterem sibi fingunt & imaginantur, ex qua Danos, Gotthos & alios Baltici maris accolæ, itemque Mysios Saxonas oriundos, eosque Germanica lingua vsos etiam tum, firmiter asseuerant: quin etiam ad Constantinopolim & in Taurica etiamnum inueniri prouincias, ubi reliquię priscorum Gotthorum passim Germanicè loquantur. Et Transylvanos Germanos quos Siebenburger vocant, affirmant, eorum Gotthorum posteritatem esse. Hęc in nouo Carione apertè leguntur. Qui liber, quia est omnibus ob reconditam in eo eruditionem gratus, & ab omnib. passim manib. territur, multis Germanis, Gallis, & aliis nationibus rem ita se habere persuadet. Res profecto ista magna est, & digna cognitione etiam maximorum virorum, qui Reipub. gubernationi præsunt. Nam huiusmodi disputatione non modo possessio & fines Sarmatię petuntur, sed etiam fama & res fortiter feliciterque gestæ pro salute & incolumitate patrię ab vna gente in aliam transferuntur. Existimo igitur me rem dignam nobili Polono facturum, si hęc posteritati discussa enucleataque relinquam. Et si verum vetus illud dictum est, quod bona fama est alterum patrimonium, certè ubi hęc euicero, & propugnando declarauero, tam me promeritum gratiam

*Germani in
Transylvania
an sint Gottho-
rum reliquię.*

*Petrus Carion
probabilius de
Transylvanis.*

apud patricios Polonos totamque Rempub. putabo, ac si pro finibus patriæ dimicando aliquid laude dignum patrassent. Inprimis ergo quod attinet Transylvanos Germanos, ex eorundem testimonio res sciri potest, qui interrogati de origine sua, de Gotthis nihil respondent, sed se Saxones dicunt, quemadmodum etiam ab Vngaris aliisq; vicinis ita vocantur. Et si ingenium militare Gotthorum & mores, linguam, vestitum spectes, nihil in istis reperiesset, quod veteres Gotthos representet. Probabilior ergo prior editio Carionis, quæ sensit eos esse reliquias exercitus Caroli Magni. Et miror cur novus Carion à veteri Carione ea in re desciverit, sibi que ipsi non constet, præsertim cum non solus Carion, sed etiam cum eo complures de hac gente in ea sententia sint. Quod verò ad Tauricanos & alios accolæ Ponti attinet, ego quæsi à plurimis nobilibus, qui legationes regis Poloniæ in Turciam obeunt, & ab Armenis Leöpoliensibus, qui in illis regionibus continenter negotiantur, & illis isthuc omnia perinde nota sunt, atque in Polonia, an aliquid tale isthic reperiant, sed nihil tale affirmant, quin potius fatentur tam in illis littoribus, quam in aula Turcici Imperatoris passim usum esse linguæ nostræ, quam Slavonicam vocari v. l. s. obtinuit. Et Polonutii illi & Alani ad Constantinopolim hætenus eadem lingua utuntur. Quare ista missa faciamus. Qui hîc

Argumentum 1.

veterem Germaniam temporibus Romanorum fuisse somniant, obliti sunt quod Cæsar ex professo commentarios suos scribendo, de rebusq; Germanicis prolixè tractando, nullam mentionem Germaniæ alicuius facit: quod omnino prætermisurus non erat: si quidem iam illo tempore Getarum Sarmatarumq; mentio celebris erat, & iam de finibus Istri cum eis contentio oriebatur. Secundò

Argumentum 2.

qui hîc Germaniam statuunt, prorsus limites Sarmatiarum à fundamento conuellunt, & ea quæ Babylonii, Cyri, Darii, Alexander Magnus, Lyfimiachus, Augustus & alii monarchæ de distinctione horum dominiorum decreuerunt, & scriptis, signis, columnis, aris quæ consignata esse voluerunt, illi quantum in eis est irrita & cassa esse volunt. Præterea Ptolomæus ipse describens has regiones cum

*Argumentum
3. ab authoritate.*

minima quæque excuteret, peculiariterque Sarmatiæ limites depingeret, nullam tamen huius veteris Germaniæ in istis oris mentionem facit. Sic & Strabo & Ovidius, sic & alii, qui eius tempora sunt secuti. Commemorantur quidem Alani, Corales, Getæ, Daces, Paziriacæ, Roxolani, Hunni, (nam & hi inter Sarmatas ponuntur) commemorantur Antæ, Massagetæ & Cimbri, quos Strabo inter Sarmatas ponit & alii, sed Germanorum hîc nulla fit mentio. Nisi fortè Bastarnas nobis obiciant, quos Germanos fuisse Strabonis sen-

bonis sententia cōfirmare volunt. Esto verò Bastarnas fuisse Germanos, at illi suam prouinciam vt inquilini possederūt, non vt heredes. Arauerunt hic agros, vaccas mulserunt, equorum greges pauperunt, aliaque œconomica administrarunt, sicuti & nunc Pedemontanæ regionis incolas, quos Podgorios vocamus, ingenium, mores, originem veterum Bastarnarum prorsus referre videmus. Et oras illas incolunt, vbi Ptolomæus Bastarnas ponit, & œconomicissimum est genus, & lineamenta ingeniumque priscæ gentis referunt. Tribuitur autem hoc Bastarnis, quod præ aliis gentibus œconomiam accuratiùs exercent. Nam & Bastarnarum nomen idem quod Felt arnen innuere videtur, vt volunt Germanici scriptores. Sed quid sunt ista si conferantur cum iis, qui pomposo & sublimi orationis genere veterem nescio quam hinc Germaniam comminiscuntur? Aliud est coloniam aliquam ex Germanis huc deductis conficere, aliud Germaniæ fines vsq; ad ipsum Pontum proferre, ex Sarmatia Germaniam facere, & omnia confundere. Scriptores veteres & historici p̄ magno miraculo narrant, quod tempore quodam, duce Brennone Græci viderint Celtas seu Germanos, sulcantes mare mediterraneum, Atheniensibus fortè contra Philippum suppetias laturos. Hæc inquam pro miraculo à veteribus narrantur. At sane miraculum nullum hinc esset, si iamdudum in vicinia cum Thracibus, Mysiis & Macedonibus hinc conuixissent, & tempore longo eis immixti fuissent. Quod si autem ea ratione Germaniæ fines angusti videntur, si à capite Danubii ad Rheni profluentem & ostia in Germanicum cum Solino extēdat, rixari debent cum Romanis & Ptolomæo, eique litem cum Bilibaldo consiliario Cæsareæ maiestatis intendere, quod Germanis Germaniam tanquam iniquus regundorum finium magister accisam reddiderit, dum conuiuentibus oculis, Germaniæ Vltrarhenanæ Galliam versus, quam Belgicam Galliam vocant oblitus, tantum à ripa Rheni Germaniam respiciens extendit. Sed quod Germaniæ fecit, idem quoque Poloniæ facere non neglexit, dum Germaniam Istula tenus terminat, vt quantum ei à meridie Galliam versus amputauit, tantum ei à septentrione in Sarmatiam intendendo cursum redderet. Sed de his rebus nolo esse prolixior, cum etiam lib. 2. sub finem mentio sit iniecta, vnde si quæ adhuc desiderantur, petet lector.

CANABVS. Is contra Aurelianum Imperatorem mouerat bellum. Cumque Gotthi primi imperii fines inuasissent, à Romanis ultra Danubium erant reiecti, in quo prælio fusa esse quinq; milia Gotthorum dicuntur, ipsumq; cæsum esse regem. Necesse autem est,

Bastarnarum
gens.

Argumentum

4.

Bilibaldus in li
bro de vocibus
regionum Ger
manicæ.

S

2

tem est,

*Ob inopiam
scriptorum
Sarmatis mul-
tum decedit.*

tem est, ut scriptoribus Romanis eorumque testimoniis nitamur, quandoquidem hæ gentes propriis historicis carent, quos si haberent, multa possent corrigi, quæ in historia latinorum desiderantur. Quid enim Græci præter fabulas de Sarmatia scripserunt? Romani verò quoniam ubique ferè propriæ laudi studuerunt, non tam gesta sua maximis extulerunt laudibus, quàm incommoda, quæ à Sarmatis, Getis & Vandalis acceperunt callidè suppresserunt.

ATANARICHVS: qui cum fratre Fritigero intestinum bellum gessit, & à fratre ope Romanorum auxiliorum, quæ impetraverat, superatus fuit. Quo fratrum dissidio audito, Hunni eos armis aggrediuntur, ambosque sedibus patriis pellunt. Confugiunt tandem ad Valentem Imperatorem, qui eis Mysiam cum Thracia attribuit, istucque eos commigrare facit. Paulò post irritatis utrinque animis bellum acerbum motum fuit. Constantinopolis ab eis obsessa, suburbia flammis absumpta, & ipse Imperator incendio conflagrauit, de qua resuperius iam dictum est. Tandem Athanarichus cum de renouandis foederibus ageret, euocatus Constantinopolim, ibi moritur, ubi & sepultus est, multis eum desiderantibus & collachrymantibus.

Expediit Alaricus in Italiam

ALARICHVS. Hic se Theodosio in Italiam ducenti exercitum adiunxerat, præfectusque fuit copiis Gotthorum, quæ decem millibus constabant. Tandem confecto bello cum exercitum domum reduxisset, ob non soluta stipendia occupandi Pannoniam autor fuit, & deinde à Radagiso accersitus, cum exercitu qui bis centena millia armatorum continebat, in Italiam contendit. At cum magna pars exercitus illius ob rem à Radagiso malè administratam, virtute Stiliconis dissipatus & fame confectus esset, Alarichus reliquias militum in Pannoniâ reduxit, ubi postea à Gothis in regem electus est, & adiunctis Sarmatarum & Dacorum viribus denuo in Italiam expeditionem molitus est, ut posterioribus factis priorem ignominiam aboleret. Cumque iam fines Italiæ ingressus esset, cum Stilicone ingenio & viribus pariter decertauit. Et Stilico quidem, ut eum ab oppugnatione Romæ auerteret, ducere eum persuasionibus, & falsa spe maioris commodi coepit, utque in Gallos nouandis rebus studentes iret hortatur. Cuius ille simulat se consilio acquieturum, confestimque Gallias ingreditur, cumque iam ad Alpes peruenisset, quidam Iudeus Saul dux copiarum, instinctu Stiliconis in eum irruit magnoque detrimento eum affecit. Sed ille instaurato exercitu rursus superior euasit. Ac detecta fraude, cum didicisset à quo illa consilia consuta erant, dedit operam, ut artem arte vlcisceretur, illæque machinationes in caput auctoris

put auctoris reciderent. Itaque statim Honorio Imperatori persuadet Stiliconem ambire imperium, olere regem, utq; sibi ab eo caueret & per literas & per legatos monet, indicatque eum omnino de abrogando ei imperio, & ad se transferendis honoribus cogitare, hocque quibuscunque documentis potest ei probatum facit. Et quia suspicio ex media rei natura deprompta solet esse persuasibilis, maximè quando de summa rerum agitur, itaque iuueni adhuc imbecilli iudicii, id quod vult facile persuadet. Nec potuit Honorius ulterius præstolari, ut inuestigaret, verane an confictæ essent illæ criminationes. Sed iubet, Stiliconem vnà cum filio Eucherio interfici. Ita Gotthus perducto consilio eò quò volebat, cum videret Italiam tanti nominis duce orbatam, erectus animo, sublatis signis Romam liberè pergit, ommissaque Gallia cum biennio urbem obsedisset, Calendis tandem Aprilis anno Christi 410, anno ab vrbe condita 1166. eam capit. Ita Roma cum esset caput mundi dominaque orbis, corruit & mundi desiit esse caput. Hanc cladem Sybillæ ante multa secula prædixerant. Quin & vultures illi 12. qui Romulo fundamenta vrbis iacenti præteruolando apparuerant veluti *τοπιῶν* hos mille & 200. annos, quibus durauit, id est 12. centurias annorum innuisse videntur, ut Varro ex sententia antiquitatis hoc mysterium exposuit. Hæc acta sunt ab hinc anno 150. supra millesimum. Sequitur deinde est in vrbe, & miles nihil omisit, quod fieri solet in tam lugubri & miserabili casu, nisi quòd multitudini, quæ in Christiana templa confugerat, parsum est, præcipiente Alaricho. Nam Gotthi religionem Christianam, quam semel amplexi erant semper reuerenter coluerunt. Inter prædam quæ ex templis thesaurisque publicis & priuatis congesta erat, (fuit autem maxima) Placidia Galla, soror Imperatoris Arcadii & Honorii fuit, quam tandem filio Adulpho iuueni Alarichus despôsauit. Nam Alarichus ipse iam senex erat. Post eum successum rerum non quieuit Alarichus, sed prosecutus est victoriam, duxit exercitum ulterius, ut Italiam occuparet, peragratisq; celebriorib. locis, Campaniam, Lucaniã, & Brutios, Sicilia quoq; regnum depopulatus est, ac in vltima Italiæ ora, vnde & Hannibal vale vltimum Italiæ dicens soluerat anchoram, mortuus est. Eodem tempore tradunt quidam scriptores, extructam in Italia fuisse à gentib. nostris urbem Asindonem, quanquam alii eam iam antea destructam, à Sidonibus verò nostris paulò post sub Desiderio Longobardo restitutam tradunt. De hac gente Sidonum auctor Anius Italus diligens antiquitatum inuestigator, sic scribit libro de antiquitatibus Ethruriæ: Sidones, inquit non procul à Vitula fluuiio

Alij ad deuastationem quæ sub Totila accidit Sybillæ prognosticon detorqueunt.

Vultures duodecim excidium Romæ denotant.

Placidia capta ab Alaricho.

*Asidone seu
Cosse vrbs in I
talia à Polo-
nis extructa.*

flula fluuiio Poloniae ii vocantur quos nunc Polonos dicimus, quorum metropolim CRACOVIAM idem influit fluuius Vistula, quem Visclani vocant. Hi victis Lógobardis Italiam occuparunt, & sub Desiderio Cossas reparantes seu Asidoniam prolatione sua Prosidoniam dixerunt. Nomen Sidonum veterum in Polonia videtur hæsisse in illo territorio, vbi est Szidlovv & Szidlovviec oppida. Nam & nomen non longè degeneravit à prima nomenclatura Sidonum, & situs loci quem Ptolomæus ponit videtur convenire cum situ istorum oppidorum.

*Gothica &
Vandalica hi-
storia quomo-
do in harmoni-
am reducatur.*

*Adulphi regis
historia conti-
nuatur.*

ADVLPHVS filius Alarici & novus gener Imperatorum Honorii Archadiique, rex creatus est & patri successit. Is Romam reduxit exercitum hoc consilio, vt eam deleret. Sic enim ei Daces Gotthique consulebant, sed tandem vxoris Placidiae humilimis precibus placatus sententiam mutavit, ac potius inito foedere cum Honorio, in Gallias abiit, & inde in Hispaniam. Ibi cum Vandalos offendissent, quomodo se erga suos populos gesserint, & inuicem ab Italicis ducibus commissi quam horribiles conflictus fecerint, suo loco enarrabimus, cum ad illam metam perueniemus. Inde iam Chronologi Polonorum, historiam nostræ gentis texere incipiunt. Sub istud enim tempus Lechi & Czechii aduentus ad istas regiones cadit, vt docet Vapouius, D. Cromerus, & Boëmorum quoque scriptores. Et iam non sine quadam voluptate attentus lector oculos suos delectatione fatiabit, cum seriem Gotthicorum & Vandalicorum regum cum serie Polonorum regum veluti ad confluentem duorum amplissimorum fluminum prospiciet in vnum coincidere, & tempora Lechi cum vltimis regib. Vandalorum coalescere. Res enim ipsa testabitur siue reges Gotthorum siue Vandalorum in frõtispicio regum Poloniae in chronicis præponas, vtrumque mirificè quadrare, ac inuicem ita coalescere, vt postea ne vestigium cicatricis apparere possit. Cum enim vtræq; hæ gentes, hoc est tam Gotthi quam Vandali assueri essent aquam nostræ Vistulae bibere, & pecora sua inde adaquare, certè tam de Gotthis quam de Vandalis nulla gens iustius potest gloriari præ ipsis Polonis. Vt etiam Iostus Decius idem, licet & ipse Germanus fuerit, fatetur. Redco ad hunc Adulphum regem Gotthicum, qui quam gratus gener fuerit affinibus Honorio & Arcadio exitus mox docebit. Nam cum Vandali & Gotthi vario ingenio de Hispaniæ possessione disceptarent, misit Honorius cum exercitu ducem quendam insignem Constantium Patricium Romanum, qui vt tantò fidelius & magis strenuè cõtra vtramq; gentem, Gotthorum inquam & Vandalorum rem administraret, benè eum sperare iussit

rare iussit; promissis oneravit, animoque erexit, adiecta hac conditione, ut si Placidiam vindicaret ab illo moesto matrimonio, sanamque reduceret, eam omnino se ei nuptum traditurum, quodque maius est, etiam consortem imperii effecturum. Pulchrum erat brabium, & dignum tanto athleta & etiam ipso agonothea. Proinde Constantius ut voti compos fieret, summa diligentia & fide in illo negotio versabatur, praesertim cum ad eius institutum via ei fortuna patefecisset. Adolphus enim interea cum tres annos in Hispania degisset, interficitur, itaque submotis Vandalis ex Narbonensi Gallia Placidia ei reddita fuit. Cum autem partim propter religionem Christianam, quam Gotthi sequebantur, partim propter cupiditatem adeundae Hispaniae inter Vandalos & Gotthos gravis contentio insurgeret, Constantius cum Gotthis simul amicitiam, seque cum eis sentire non obscure significat, idque ob duas potissimum causas: tum quod Christiani essent & ipsi, tum quod metuebat si eos offendisset, ne recenti successu victoriarum in Italia partarum inflati, & gloria rerum gestarum bullientes, iterum patriae maiora mala accumularent. Nec eum iudicium fefellit ut ex sequente historia patebit. Itaque Constantius ex animi sententia negotio confecto Romam reuersus utrunque consecutus est, & ad gubernacula imperii admissus, & viduam Placidiam in uxorem duxit, ex qua tandem suscepit filium Valentinianum tertium. Vltimus hic fuit Imperator occidentis. Quanquam alii vltimum Augustulum esse volunt, quod ita in fatis erat, ut imperium quod virtute primi Augusti ab initio partum esset, hoc idem in Augustulo eius nominis vltimo desineret.

Augustulus vltimus occidentalis Imperator.

De Theodorico Gotthorum rege.

Theodoricus rex Gotthicus, qui Pannoniam possidebat missus a Zenone in Italiam quam tenuit annos triginta, cum adhuc adolescens esset fuit loco obsidis apud Martianum & Leonem. Ibi Romana disciplina institutus est, & postea ad paternum regnum remissus, focius Romani imperii fidelis fuit. Hic habuit tres filios, Walamir, Theodomir, & Widmir. Inter hos primus regnavit Walamir maximus natu, cumque Attilae filios aliquot praeliis superasset, ipse deinde in praelio, quod cum Sueuis fecit, in ea regione, quae nunc est Austria, periit. Deinde regnavit Theodomir. Hic pater Theodorici huius, quem nominamus Veronensem fuit, & victores Sueuos & Alemanos e Pannonia depulit. Tertius frater Widemir duxit exercitum in Italiam, ibi mortuus est. Quia vero Theodoricus absente patre Sarmatas qui Gotthorum & Romanorum terras populati fuerant, repulerat, Zeno Imperator eum ad se vocat & facit eum

Walamir, Theodomir, Widmir.

Odoacer Rugi-
anus.

cit eum patricium & consulem. Ac misit eum in Italiam contra Odoacrum Rugianum. Potit⁹ Italia urbem Romam senatui regendam commendauit. Theodoricus habuit sororem vxoris suæ Amelfredam, quam despondit regi Vandalorū in Africa. Nondum enim ex vtrorumque animis necessitudinis prisce, & amicitie vinculum prorsus exoleuerat. Habuit & filiam Amaloshutam.

De nominibus Amelfreda et Amaloshuta.

Id nomen fuit familie Theodorici, quæ sic à vellere Iasonis dicta est. Gotthi enim olim ex Colchica in Europam progressi fuerāt. Amalosanthæ autem nominis etymon esse volunt quasi Amalorum ichōnbeit. Hanc Theodoricus despondit Eutarico Widerici Hispanici regis filio, qui etiam ex familia Amalorum fuit. Sed recordandum est eorum quæ ex Iornande attulimus, quod illo seculo vsus obtinuerat apud Gotthos, nomina Germanorum sibi imponere.

THEODATVS regnauit duos annos post necatam Amalosuntham, auarus, insolens in rebus secundis, in aduersis timidus. Cū bellum ei inferret Iustinianus propter Amalosunthæ necem, initio trepidus Italiam se ei traditurum promisit. Sed cū in Illyrico dissipatus esset Iustiniani exercitus, elatus noua spe legatos Iustiniani retinet inclusos carceri.

VITIGES quartus rex Gotthorum regnauit annos quinque. Huius temporib. moles totius belli Gotthici Italiam attriuit, ad quam liberādam cum Bellisarius missus esset ab Imperatore, multa perseuerantia & maximis conatib. adnixus est reprimere Gotthorum potētiam, sed exercitus Virigis cōstabat centum & quinquaginta millibus Gotthorum, robore & peritia rei militaris excellentium. Hi quodam tempore cū vidissent Bellisarii copias egressas ad spectanda hostium castra, contempta paucitate prælium cient, & quod cognoscebatur equus Bellisarii ex colore quod giluius esset, & albo capite, Gotthi non ineptè iudicantes, duce interfecto facilem victoriam fore, itaque se cohortantur, vt quā primum conglobati impetu facto in vnum hunc irruerent: ac vbi emicando eis sese in conspectum obtulisset, sublato clamore hac voce Gotthica eum iam adesse insonant: Vala vala. Itaque omis-
sis ceteris in Belisarium solum tela coniiciunt, ac eum acrius con-
sectantur, lanceis ensibusque petunt, ita vt præferuidi animo iam eum comprehensuri erant, nisi armigerorum illius & satellitum opera, inprimisque veri Dei prouidentia liberatus fuisset.

Vala quid.

Narratio

*Narratio de quodam casu in ea obsidione, qui ostendit
lusum puerilem sæpe ominosum esse.*

Dum hæc agerentur, bellumque acre indies inualesceret, res memoratu digna contigit. Samnites pueri nonnulli cum pec⁹ pastum educerent, per lusum, ut assolent, duos inter se deligunt corporis habitudine ac specie præstantiores, quorum alterum Belisarium vocitant, Vittigem alterum, & hos colluctari inuicem iubent. In ea colluctatione, qui Vittigis nomen fuerat fortitus, in terram victus prolabitur. Hunc statim puerilis illa & inconsideratio turbata, illudendo simul & increpando, de proxima arbore suspendunt. Lupo deinde interueniente conspecto exterriti omnes fugam capessunt: qui verò suspensus pendebat, à cæteris destitutus interiit: Quibus de rebus certiores facti Samnites, pueros quidem missos fecere, sed ex his, quæ acciderant coniectando collegerunt, victorem omnino Belisarium fore. In hunc Vittigem adductum Constantipolim Iustinianus nihil asperè constituit, quia perfidia suorum captus erat. Ideo propter reuerentiam regii nominis fecit eum patricium.

TOTILA penultimus rex Gotthorum, regnavit annos 10. Res Gotthicas singulari virtute & foelicitate rursus erexit, etsi tandem ipsius etiam fortuna conuersa est, sicut & Benedictus Abbas ei prædixerat inquiens: Multa mala facies, Romam ingredieris, 9. annis regnabis, decimo morieris. Ac flexisse eum Benedicti adhortatio dicitur, ut min⁹ crudelis in victoriis fuerit. Initiò ad Placentiam vicit Romanum exercitum duplo maiorem suo, insigni stratagemate. Cum intellexisset Iustinianus Gotthos iterum superiores viribus in Italia, secundo misit Belisarium, sed neque accedere ad urbem obsessam Belisarius potuit, nec exercitum parem habuit hostibus. Duravit illa obsessio Romæ biennium, simul & alibi multæ vrbes iam à Totila iam à Belisario alternante fortuna occupabantur. Placentiæ tanta fames inualuit, ut pater qui multos filios habebat, spectantib⁹ multis sese de ponte in Tybrim precipitem dederit videns filios petentes cibum sesequi. Maluerunt itaq; Romani Gotthos in urbem intromittere quàm extrema incommoda pati. Gotthi ingressi urbem passim obuios interficiunt, direptiones, incendia ædificiorum spectantur. Iubet & Totilas muros dirui, totamque urbem deleri, sed Pelagius Pontifex cum demissè intercederet, Totilas, cædes, & incendia prohibuit, subinde tamen Romanos conuiciis incescit, prodicionem ipsis obiiciens in seiplos & patriam, & quod à Gotthorum maximis virib⁹ discedendo ad Græculos homines, qui ipsis præsidio esse neque-

*D. Benedicti
prædictio.*

*Fames in obsi-
dione gravissi-
ma.*

*Totilæ expedi-
tio contra Ro-
manos formi-
dabilis.*

T

ant confu-

Narratio

ant, confugerint, cum antea ex Græcia neminem in Italiam viderit aduentantem, qui eis auxilio esset, præter Tragædos & Mimos & Nauticos quosdam prædones. Ad quam exprobrationem nemo ex Romanis ausus est ei quicquam respondere. Etsi autem fuit Roma ab Alarico & Genferico Vandalo capta & direpta, tamen ita miserè destructa non fuit, sicuti in tertia hac expugnatione. De qua etiam Sybilla prædixit. *Ῥώμη μὲν ῥύμνησεται καὶ δ' ἄλλος ἄδ' ἄλλος.* Hæ poenæ erant sæuitiæ Romanorum aduersus Christianos. Acciderunt hæc anno Romæ 1296. Anno Christi 546, iam post finitum regnum Vandalorum in Africa. Anno ab Augusto 504. Anno post destructionem Carthaginis 700. De hac vastatione etiam Scipio ille incendium Charthaginis aspiciens ac illacrymans dixisse scribitur, Se cogitare simile fore aliquando excidium Romæ: & augurium duodecim vulturum in ea desolatione completum fuisse quidam tradunt.

TEIAS vltimus rex Gotthorum à Narsete victus. Eunuchus is fuit in aula Iustiniani, tãta verò induitria eius fuit, vt postea summus dux in Italia factus sit. In Campania vterq; exercitus confligit, vbi magno prælio ad Nucenam victi sunt Gotthi, posthacque vires Gotthorum planè collapsæ sunt. Teias ipse prælians interfectus est. Reliquiæ præsidiorum quæ Cumis erant, dimissæ quidem sunt, & vita concessa, ea tamen conditione adiecta, vt reliquiæ Gotthorum ex Italia discederent.

*De reliquijs Gotthicæ gentis post Vittigis captiui
abductionem.*

Iornandes cùm descripsisset captiuitatem Vittigis regis Gotthorum, & quo pacto proditus à Belisario Constantinopolim perductus esset, tandem elegiam canens cum dolore intrinseco finem sermonis sui ita facit: Hucusque, inquit, Getarum origo, & Amalorum nobilitas, & virorum fortium facta, ac laudanda progenies laudabiliori principi hoc est Iustiniano Imperatori celsit. Narrat etiam reliquias Gotthorum in suas terras abiisse, agmina que illa vrsi signa in vexillo prætulisse. Idem narrat in quas regiones abierint gentes, dissipato exercitu. Mortuo Attyla, Gotthorum, inquit pars, Hunnorum terras in Pannonia occuparunt, Sarmatæ & Cemandri in Illyrico ad castrum Martenam sedes datas coluerunt: alios verò, quos iuniores Gotthos vocat, dicit cum suo Pontifice Valtzila Moesiâ petiuisse. Scyri quos Alamicam gentem facit, inferiorem Scythiam minorem & Mysiam petiuisse. In quib. locis & nunc ab iis qui Constantinopolim ire solent vi-

suntur. Mie-

Scyri cum Gotthis.

suntur. Miechouiensis etiam Polonutios reliquias Gotthorum facit, quos in illis partibus hucusque ad suam ætatem permanere affirmat. Rugios verò etiam cum Gotthis rediisse dicit Scandino-polim usque. Hæc vrbs forsàn ab insula Scandia dicta, ad ostia Istulæ, ubi quoque; vetus eorum domicilium fuisse dicitur. Ideo Rigam in Liuania urbem à Rugiis istis quidam dictam esse putant. Gotthorum verò partem post cōmigrationem illam, nomen insularib. populis in Suecia dedisse non malè quidam opinantur. Nam veteres insulas libenter occupabant. Ac tantò magis credibile videtur, hos qui multum terris iactati & alto, multaque; perpessi, portum suorum malorum & quietem quærentes eò celsisse. Hæc historia de regibus Gotthorum ex Iornande allata est. Sed scriptor hic extremum actum & interitum regis Teiæ & cōmigrationem Gotthorum ex Italia non est complexus. Nam historia eius finitur in Vitige. Procopius vlteriùs progressus etiam Totilæ & Teiæ bella describit, & iter quod arripuerat illud agmen Gotthorum, quod mille viris constabat, non prætermisit describere, ad eum modum inquit: Dum hæc agerentur, mille numero è castris abeuntes, Ticinum ad urbem locaque cætera huic circumiecta trans Padum fluuium agmine vno contendunt. Ex qua directione itineris credibilius est eos rediisse ad prisca sedes à septemtrione Istulam versus, vt ibi nouum regnum Lechi, de quo haud dubie audierant, suo aduentu stabilius redderent. Nam illa via per Padum vsitatio est arripientibus iter in Poloniam. Et nescio si hic alicubi non hæserint, ubi est Chelmenfis prouincia, cum hætenus hæc pars Poloniæ pro signo authentico insigne vrsi præferat, quo & Gotthi illi utebantur. Hoc eodem signo vrsi & Kiouenses hætenus vtuntur, & forsàn in vno comitatu tunc focii erant. De Hispanicis Gotthis, qui iamdudum antea post Vandalorum in Africam emigrationem in eorum sedes successerant, suis locis per occasiones in ea historia mentionem faciemus. Florebat enim & durabat eorum regnum usque ad Caroli Magni tempora, & vlteriùs, recitanturque ferè 30. Gotthicæ stirpis reges in hac serie.

Rugij cum Gotthis abeunt.

Chelmense signum Vrsi.

Miramur autem scriptorem Italicum Carolum Sigonium virum eruditum, quòd cum historiam ordine per reges Romanorum ab inclinatione Imperii Romani texere incepisset, cur præteritis regibus Gotthorum nostrorum qui in Italia plus quàm 70. annis, ordine regnarunt, primi que iniuriam totius orbis vlti sunt, cur inquam ab Albuino, & aliis Longobardis regibus inceperit historiam suam. Notum est autem primam inclinationem Romani imperii inceptam fuisse à Gotthis. Facile fuit victos vincere

T

2

Longobardis.

Lōgobardis. Adde quòd & hoc æuo nostro qui in reges Romanorum creantur ex eadem gente Gotthica de qua dicimus originem suam deriuant. Ideoq; lignum aurei velleris p symbolo quodam gerunt, significantes se ab illis Gotthis lineam originis suæ ducere qui descendunt ab Amaleshutis, id est, raptorib. aurei velleris. Post expulsos enim Gotthos ex Italia, in Hispaniis ceteri longo post seculo vsque ad Caroli Magni tempora regnarunt, ad quos Hispani ac proinde & Austriaci originem suam referunt.

DE VANDALIS ET EORVM REPVBLICA.

REs à memoria hominum remotissimas commemoraturus sententiam tantum autorum aperiam, quam tamen præstat sequi quam coniecturas & nouas opiniones fingere, præsertim cum illi autores quorum testimoniis nitimur, in ea causa rationibus & maxima verisimilitudine non destituantur.

*Magnitudo
gentis.*

*Phineas Va
tes.*

*Herodotus
& alij autores
Henetos ex A-
sia venisse affir-
mant.*

Strabo lib. 7.

Gentes Vandalorum maximas fuisse non modo series historiarum, sed & numerus exercituum qui trecentorum millium fuisse narratur argumento esse potest. Vandalicę autem gentis conditorem Vandalum nepotem Noë affirmant fuisse. Commemorant & ex autore carminis Argonautici, quòd sub tempus expeditionis Argonautarum, hoc est ante Dauidem temporibus Samsonis, Phineas vates Tirius floruerit inter Henetos, ad eosque anni definitionem eiusq; computandi rationem ex Tiro & Sidoniis, qui vicini erant Iudæorum, attulerit. Quod omnino verisimile est. Quia & Græci scriptores affirmant sub illud ipsum tempus, hoc est quando Cadm⁹ apud Phœnicas regnavit, ad Græcos fuisse characteres literarum ex Asia translatos. Adducunt & ex Homero, quod illi ipsi Heneti militabant in Troianorum bello, de qua re superius lib. 1. à nobis luculentiùs est tractatum, nunc summam rei tantum proponimus. Addunt etiam & confirmant eadem autoritate antiquitatis, hoc est, Herodoti, Vergilii, Polibii, Iustini & aliorum, quod iidem ipsi populi post Troiam vastatam cum Antenore in Europam transiuerint, repleuerintq; littus Adriaticum in Illyricò, unde & Henetum mare illud à quibusdam vocatur. Et postea quoq; multos alios eiusdem gentis homines subsecutos comitatosque fuisse varios duces in Europam, variis causis eos impellentibus, Ex quibus memorant nostri Chronologi Alanum secundum. De hac cōmigratione etiam & posteriores autores meminerunt. Narrat Cornelius Tacitus inter Borysthenem & Istrum gentes quasdam
vagas

vagas oberrare, Henetos intelligens. Plini⁹ etiam lib. 4. & 13. Vandalos Sarmatas vocat, & dicit eos ad Vistulam cum Scyris & Hyris populis habitasse suo tempore. Et Dion scribit Albim fluuium oriri ex montibus Vandalicis. Polybius etiam scribit suo a^{uo} totum littus Adriaticum Venetias vocatum fuisse. Scribunt etiam Antiochi Hieracis temporib. Galatas occupasse in Asia patriam veterem Henetorum: Ptolomæus quoque libro 3. capite 5. iis verbis scribit: Habitant autem Sarmatarum maximæ gentes Venedæ per totum Venedicum sinum. Si igitur Vandali tum ibi habitauerunt, etiam & Sorabi illi qui sunt ad Lubecum, cum vnam gentem statim ab initio fuisse Vandalos cum Sorabis, mores, cognatio, & lingua eadem indicet. Adde istis Ptolomæi sententiam & picturas, & montes Vandalicos & mare Vandalicum & populos Vandalicos, quos ibidem ferè ponit, vbi & Plinius, vltèrius versus septentrionem sedes eorum dilatans. Vistulam etiam veteres appellasse Vandalum testantur, affirmantque à flumine Vandalo fuisse appellatos. Et rursus flumen Vandalum à Regina Venda quæ se ad Cracouiam de ponte præcipitem dederat exoluendi voti causa, appellatum esse. Sed verisimilius est flumen à populis Venedicis fuisse appellatum, & non modo flumen ipsum, sed etiam illud mare & montes illius prouinciæ, eò quòd istic confederant. Venetos verò dictos ab illis Henetis Asiaticis qui huc commigrauerant, & ipsa cognatio appellationum & vocis similitudo indicat. Exigua enim mutatione, vsuq; recepta litera h. pro v. Venetos p Henetis appellare coeperunt. Et tandem à vicinis Germanis paulatim ad sonum linguæ Germanicæ voce, vt moris est, inflexa, pro Venetis vel Vandis, Vandali sunt nuncupati, Wandeln enim Germanicè est peregrinari. Istæ enim gentes sæpius vagatæ nouas sedes quærere solebant. Et certè res ipsa & verisimilitudo indicat, vtrumq; vocabulum tam Gotthorum quàm Vandalorū esse à Germanis ad eorum Grāmaticam deflexum. Nam Germanis sicuti ex Getis Gotthos, ita ex Venetis Vandalos facere non est difficile, nec violentum. In appellatione tamen sin⁹ Liuonii maris antiquū & incorruptum vocabulum permansit. Non enim Vandalicum Dialectico Germanica sed Venedicū sicut olim ita & nunc appellatur. Quod propter illos addendum putauī, qui differentiam quæritando inter Vinidas Venedosque, Vandalos hīc ad ostia Istulæ statuunt, Vinidas verò Mæothidem versus & pone montes Sarmaticos transferunt. Cum iuxta eorum ratiocinationem potius hīc Vinidas, vt vicinos Venedico mari & Vandalos istic Mæothidem versus ponere oportebat. Id verò faciunt propterea, vt se non dissentire à sen-

*A Getis Gotthi
à Venedis Van
dali sunt, vtra
que voce à Ger
manis detorta.*

tentia Iornandis, quam ipsimet adducunt, ea ratione testentur. Ita enim inquiunt, & istis verbis ex cunctis vetustioribus autoribus epilogum de origine & progressione Vandalorum illorū qui Romani & Romanas prouincias dilacerarunt elicere volunt: Facile, inquiunt, est deprehendere ex Iornande, Procopio & aliis scriptoribus quid de Vandalorum sedibus sentiendum, qui à Mæothide profecti versus occidentem solem ad Vistulam in extrema ora Germaniæ consedisse & Germanos & Francos vexasse dicuntur. Deinde verò ad meliores sedes in Pannoniam indeque in Galliam, Hispaniam & denique Africam commigrasse. Hæc illi de patria & origine & progressione Vandalorum tradiderunt. Et postea quasi obliti sui secumque pugnantes, tradunt Vandalos illos orbis debellatores Germanos fuisse, habitasseque ad sinum Venedicum. Quæ si vera sunt, quomodo à Mæothide superius prodiisse eos astringunt? An verò Germani vnquam ad Mæothidem habitauerunt? Aut qua de causa, cum essent Germani, gentiles suos tam crudeliter persecuti sunt? aut cur ad Venedicum sinum habitauerunt, cum Istulam limitem Germaniæ ipsimet faciant? Cum igitur hæc sententia pugnet cum consensu historicorum, & sibi ipsi cōtraria sit, quarēda est nobis alia verior & solidior, quæ cum testimonio antiquitatis & traditione veterum, & circumstantiis rerum conueniat, & quæ non inuitē coalescere possit cum testimoniis classicorum autorum. Si igitur ex autoribus recitatis in vnum conferantur expendanturque ritē sententiæ, colliget lector quatuor locos celebriores illo seculo à Venedis inhabitatos fuisse: ad Pontum & Mæothidem, ad Istulam ad eiusque ostia, & Venedicum sinum, ad Albim, & ad Istrum quoque in Pannonia, vnde expeditionem illam pararunt in Hispanias. Et omnes istos Sarmatas fuisse, ex eademque stirpe originem ducere mihi nullum dubium remanet, nisi quod illi Venedi & Vinidæ, prisca appellatione non vsq; adeo deprauata, isti verò vt Germanis viciniore, Vandali à Germanis appellabantur. Quod autem tam magna spacia compleuerint, vt ferè eosdem fines si non maiores, quàm Polonorum prouinciæ sunt, occuparint, nemini mirum esse debet. Ptolomæus enim eos describens, Maximam gentem Venetorum fuisse vocat, nec frustra. Ideo enim à Græcis Spori, id est sparsi vocantur. Nam sicut illæ insulæ, quæ Sporades dicuntur, ab eo quod hinc inde sparsæ mare cōpleuerint, ita & huius gentis homines prouinciatim alii ad orientem alii ad occidentem hinc inde habitauerunt. Ideo Procopius à Mæothide prodiisse eos, Iornandes ponē montes Sarmaticos habitasse, Dion ad Vandalicos montes in Hermunduris cōsedisse memoriæ

Ptolom. lib. 7.

memoriæ prodiderunt. Ptolomæus verò vsque ad sinus Venedici
 oras eorum fines protendit. Sed nescio sane vndenam hæc illi
 acceperint, qui scriptis prodiderunt, quòd Gotthi irati ob stipen-
 dia à Theodosio non soluta, relicta Thracia Pannoniam inuaserint,
 eamque Vandalorum manib. eripuerint, cum à Constantino Ma-
 gno donatam hætenus possederint. Scio quæ ex Iornande adfe-
 runt de Rege Gebericho Gottho, quòd Vandalos profligarit,
 cum ad paucitatem redacti, à Constantino Magno in Pannonia
 nouas sedes impetrassent, vnde postea in Hispaniam & Africam
 concesserint. Sed ista dum mecum reuoluo, incidi in illam histori-
 am apud Eusebium de Sarmatis, quomodo temporibus eiusdem
 Constantini lacesiti bello à Scythis feruos suos contra eos arma-
 rint, & tandem serui victoria potiti contra dominos suos arma su-
 stulerint, ac sedibus propriis pepulerint, qui tandem necessitate
 compulsi ad Constantinum Christianum Imperatorem confuge-
 runt: quos, inquit, tanquam saluandi gnarus omnes in Romano-
 rum terram suscepit, & ex illis sibi idoneos milites collegit, &c.
 Et mox: alios ad colendum agros diuisit, ita vt calamitatem à ser-
 uis acceptam benè sibi celsisse confiterentur. De hoc inquam ge-
 nere Sarmatarum mihi cogitanti, quinam fuerint, & per quam oc-
 casionem in gratiâ Imperatoris se insinuarint, res verissima appa-
 ruit eos Vandalos intelligendos esse, ad quos postea & Gotthi ex
 Thracia tanquam ad suos populares acceperunt, quiq; sicuti olim
 ad Pontum, ita & nunc cum iisdem littora Istri in Pannonia inha-
 bitarant. Tandemq; cunctis viribus suis relictis, & ex vniuer-
 sa Sarmatia corrogatis auxiliis, & adiunctis Sueuorum vicinorum
 aliorumque Germanorum copiis, ex quorum re erat communem
 causam communibus auxiliis excutiendæ seruitutis gratia, cõtra
 Romanorum potentiam tutari, ex Pannonia soluentes anchoram
 bipartito agmine prouincias hostiles aggressi sunt: Gotthi, in-
 quam in Italiam abierunt, Vandali verò in Gallias, Hispanias, &
 vsque in Africam peruaferunt, rursusque ex Africa Romam peti-
 uerunt, cuius historiæ summam hîc quoque methodicè absq; lon-
 gis ambagibus enarrare statui, sicuti de Gotthis quoque paulò su-
 periùs feci.

*Conciliatio an-
torum.*

*Sarmatæ Cara-
guini dicti à
Constantino ex-
cepti.*

DE VANDALIS METHODICA

TRACTATIO.

De origine Vandalorum et cognominis ratione, caput I.

Alii Vandalos à rege Tuifconum Vandalo deriuant, quem dicunt
 vixisse Altadis tempore, regis Babyloniorum, longè ante natalem
 domini, & isti hoc consilio id faciunt, vt progenitores nostrarum
 gentium

*Tres sententiae
de origine Vene-
nedorum.*

gentium in arbore consanguinitatis Germaniae ponant, sic ut nos quibusdam conditionibus & parentelae ratione iuris sui faciant. Alii verò ut Orosius, à Gallis Venetos huc venisse affirmant. Sed verior est & solidioribus nititur fundamentis Virgilii sententia, qui vult dicere post bellum Troianum Antenorem cum Henetis profugisse, Achiuos per Illyricos sinus, ut supra meminimus, in qua sententia est & Plinius, & autorem eius rei grauissimum citat Catonem: Venetos inquit ille, à Troiana stirpe ortos autor est Cato: verba Catonis sic se habent: Venetia est omnis ora circum finum maris post Histriam usque ostia Padi. Et mox: Venetis cunctis prima origo Phaëtontea est, quae Græcis occasionem mentiendi de Phaëtone & Eridano praeiuit. Posterius mixta his nobilis stirps Troiana à quibus Pataua suo conditore incluta. Vixit autem Phaëton Iacobi & Esau temporibus 2102. annis ab orbe condito. Post quem Vandalus apud Tuiscones 160. annis regnasse dicitur. Omnia haec sunt antiquissima situ & puluere obsita. Me-

*Cato, Plinius,
& Virgilius
de gente Vene-
da.*

Lib. 3. Cosmo.

ritò igitur dixi sententiam illam nobis sequendam esse, quae nobilissimorum autorum nititur fundamento, videlicet Catonis, Virgilii, Strabonis, Iustinii, Plinii & Sempronii, qui dicit, Venetias primò Phaëtotei postea Troiani eisdem mixti coluerunt. Fieri autem potest ut post illam cladem Heneti duces & alii veluti ex communi incendio sese eripientes in eas oras deuenierint, sicuti nostri historici Alanum secundum ex Asia stipatum cohortibus venisse in eas oras tradunt. Apertè autem Ptolomæus sic dicit: Tenent Sarmatiam Maximæ gentes Venedæ, per totum Venedicum sinum. Huius rei nobis fidem facit etiamnum appellatio sinus Venedici maris ad Prussiam & ulterius. Iornandes verò Vandalorum sedes describens dicit per vniuersam regionem, ubi nunc colonia eorum est, sparsos fuisse. Ita enim Vandalia limites describit: Vandalii inquit ab oriente habent Gotthos, ab occidente Marcomanos, à septentrione Hermunduros, à meridie Istrum. Et alio in loco: Ad Vistulam flumen Vinidarum natio populosa confedit. Quorum nomina licet nunc per varias familias & loca mutantur, principaliter tamen Sclauini & Antes nominantur. Ne autem aliquis in nominibus Vandalorum, Vinidarum, Venedorum ludat, Procopius nobis suo testimonio luculento omnem scrupulum eximet, Gotthicae inquit gentes multae quidem, & aliae prius fuere quam nunc, omnium autem maximae ac potissimae Gotthi & Vandalii & Visogotthi, & Gepides, iam dudum & Sarmatae & Melanchleni appellati. Sunt & qui Geticas gentes has vocent, quae omnes nominibus quidem inter se differunt, cetera conueniunt. Nam & albi sunt omnes corpore,

*Plinius lib. 4.
cap. 13.*

omnes corpore, flauī coma, proceri quoque, & aspectu probo, lēgibus item eisdem vtuntur, similiter & Arrianæ omnes fidei &c. Plinius etiam Vandalos Sarmatas expressè vocat: quidam, inquit, hæc habitari ad Viſtulam vsque fluuium à Sarmatis, Venedis, Scyris & Hyris tradunt &c. Ideo Vandali fortiter lege Symmachiae cum Quadis contra Antonium Imperatorem in illa pugna dimicarunt, quæ accidit centum & aliquot annis post Christum natum. Quod si autem alicubi, remotè sub arctoa regione habitassent Sarmatæ, non video causam, quæ eos ad pugnam tam asperam impulisset cum Romanis.

De nominibus Vinidarum, Venedorum, et Vandalorum, et stationibus eorum, caput secundum.

Illa subtilis distinctio, in qua rima quæritur, vt elabantur contrarium sentientes, iam superius est à nobis discussa. Autores Græci & Latini diuersis vocalibus istarum gentium nomina exprimunt, consonantes tamen easdem retinent. Iornandes dicit Vesogothos, Procopius Visogothos. Quos Græci Getas vocant, Germani Gotthos, Plinius Gutones, Ptolomæus Gitones, alii Gutas: sicuti nunc alii Polakos, alii Polonos, alii Lechitas nostram gentem vocant. Sic & illo tempore alii Venetos, alii Vinidas nostram gentem vocarunt, Germani verò Vandalos. Quos Vendilos Procopius vocat, hos Iornandes Vandalos. Certum est tam Procopium quàm Iornandem de vna gente loqui. Nam eandem historiam texens illorum bellatorum Vandalorum, sedem eandem eis tribuit. Et quos à Mæothide progressos Procopius dicit, eosdem & Iornandes ad fontes Istulæ ponit. Puerile enim est cogitare in tanto exercitu trecentorum millium, tantum Cracouiense territorium fuisse & Sedomiriense. Haud dubiè ibi etiam à Mæothide & ab occidentali mari populi erant, vt de Alanis expressè annotatur, qui eis commilitarunt.

De progressionibus et stationibus Vandalorum, ac exercitus conscriptione, caput tertium.

Sicuti Vandali cum Quadis, Gotthis, lege Symmachiae steterunt multoties in acie, contra communes hostes: ita in illa maxima expeditione Vandalorum in regiones meridionales, haud dubiè etiam eædem nationes eos non deseruerunt. Et forsàn hîc conscribatur exercitus ad Istulam, qui fuit transmissus ad illos qui iam Pannoniam antea per centum annos possederant. Prima igitur statio eorum fuit, hîc in Polonia, quò populi à Mæothide & mari Bal-

V

tico ac-

*Vandali ad Al-
bim.*

tico accurrebant, alii spontè, alii fame puls, vt Procopius de Vin-
dilis à Maothide procedentibus tradidit. Affirmat autem Al-
nos in vicinia Vandalorum habitasse. Secunda statio fuit in Pan-
nonia, vnde soluentes in illas regiones contenderunt. Iam autem
ad Rhenum, illi Vandali quos & Burgiones Ptolomæ⁹ vocat, con-
federant antea, forsan vt veluti anteambulones sedem belli istic
eis in tempore præpararent. Tertia statio eorum fuit in Hispania,
vnde per fretum Gaditanum cum lectissimis traiecerunt. Quarta
Charthagini in Africa, vbi regna opulentissima nacti nonnihil
quieuerant, de qua re inferiùs. De illis autem qui ad Albim sunt,
Vandalis, inquam, & Sorabis & Vuiltzis aliud est iudicium, illos
enim ego cum Borobista rege Gotthorum processisse puto circa
annum ab orbe condito 3870. quando contra hunc regem Got-
thorum tres reges Germanici coadunatis copiis conspirarant, vi-
delicet Cassander, Sicamber, Arathi⁹ Saxo Doringiorum Hamer.
Quanquam & ante aliquoties in mediam Germaniam progressos
fuisse Gotthos ante Iulii tempora ostendi. Et quia Vandali Got-
thi, Sarmatis Symmachie nexu semper deuincti erant, credibile
est eos illo tempore in illis regionibus hæsisse. Et nisi hoc conce-
datur non video quo pacto Dionis locus ille saluari possit, cum
dicit Albim oriri ex Vandalicis montibus. Dion autem vixit Seue-
ri tempore ante annos 1383. Sed de his superiùs iam dictum est &
forfan per occasionem adhuc dicetur.

De lingua Vandalorum caput quartum.

Vergilius decimo Aeneid. de suis Mantuanis sic canit :

*Mantua diues agri, sed non genus omnibus vnum,
Gens illi triplex, populi sub gente quaterni
Ipsa caput populis, vires de sanguine Thusco.*

Quod inquam Vergilius de sua patria dixit, hoc & mihi explican-
ti originem gentis Polonæ dicere licet. Nam sicuti illi triplices po-
puli in quarto, videlicet Mantuanorū consummantur, ita hîc Van-
dali Gotthi & Quadi in Sarmatarum tanquam protopatorum no-
mine coaugmentantur. Quod Procopius ferè totidem verbis ex-
plicans sic inquit : Gotthicæ gentes multæ quidem, & aliæ plures
fuere quàm nunc. Omnium autem maximæ Gotthi, Vandali, &
Visigothi Gepidesq; iam dudum & Sarmatæ & Melanchlæni di-
cti. Quare hæc carmina Vergilii possent ad eos eo modo detor-
queri & accommodari.

*Lechiua diues agri, sed non genus omnibus vnum,
Gens illi triplex, populi sub gente quaterni
Ipsa (id est Sarmatia) caput populis, vires de sanguine Vandro.*

De Vandalorum consuetudinibus in bellis ducendis.

Vsitatum

Vsitatum fuit Vandalis omnem spem victoriæ in campestri pugna locare. Ideo vrbibus non delectabantur, exceptis fortioribus aliquot locis, reliquas munitiones diruebant. Hunc quasi ingenitum morem à maioribus Vandalis, hodie quoque Poloni in usu habent, eumque speciosis verbis iactant. Quod institutum an laudandum sit, Vandalorum ipsorum exemplo cum essent in Africa patebit. Quam historiam malo Procopii verbis explicare: Gizerichus, inquit, post hæc ad Africæ statum conuersus, ciuitates omnes præter Charthaginem mœnibus nudauit, vt neque ipsi Africi Romanorum agentes prædas, haberent quò se reciperent, neque Romani si ab Imperatore in Africam mitterentur, discedentes, munitas prædiis relinquerent, negotium præterea Vãdalis facerent. Quod quanquam benè ab initio succedere videretur, tempore tamen procedente Belisarius loca sic discincta & immunita paruo negotio cœpit: ex quo Gizerichus ridiculus est visus, qui quod optimum ei videbatur consilium, in stulticiam damnumque versum vidit. Sicuti autem in curulibus castris eorumque munitione Poloni nunc multum præsidii collocant: ita etiam olim. Nam quatuor menses Belisarius in castris abditos oppugnauit. Vsq̃ adeo ars castrorum metandorum antiquitus in ea gente floruit.

Questio. An vrbes munitas munitas habere sit vrile?

Refutatio eorum quæ contra hanc sententiam adferri possent, caput sextum.

Sed quia de cognominum Vandalicorum vocibus iniecta est mentio, non alienum fuerit à re, si eorum rationem paulò plenius examinemus. Non enim desunt, qui probare conantur Vandalos illos Germanos fuisse origine, ex eo quòd duces & principes ipsorum nominibus Germanicis appellabantur. Quod genus ratiocinii an in se aliquam vim & efficaciam habeat dispiciendum venit. Inprimis autem negatur, illa nomina Vandalicorum ducum fuisse Germanica. Nam Genserici nomen prorsus idem est, quod Poloni vocant Gasiorek, vt iam dictum est, quanquam in huius appellatione variant. Nam alii Honorichum, alii Honorificum, secundum Procopium, vocant. Ideo vel ex hoc exemplo patet, in ea causa syllabis cognominum non esse vsque adeò fidendum, Trasimundi nomen magis Græcum est, audaciâ insignem in duce designans. Thrasos enim audaciam significat. Sed largiamur reperiri inter eos quædam nomina Germanica, non tamen statim obtinebunt, quod volunt. Nomina enim Principibus viris ex occasionibus. nouis imponi nemini dubium est: vel ab euentibus, vel quia sic cognatis arridet, vel vicinis sese accommodando, vel quia apud com-

Nomina Vandalorum.

Sarmatæ peregrina nomina sibi imponebāt

Errores cosmographiæ Latinorum.

milites suos hac re captant beneuolentiam. Sic nomen Theodati Imperatoris orientalis compositum est ex Græco & Latino, ut ea ratione exercitui qui potissimum ex Græcis & Romanis constabat commendabilior redderetur. Inter nomina regum Poloniæ varii generis nomina reperiuntur. Inuenias Italica, Gracchus Popilius seu Popiolus. Plurima Germanica, ut Henrich⁹, Lodouicus, Conradus &c. Euocantur etiam interdum extranei reges, qui secum & peregrina nomina inuhere solent. Sed ex Iornande hunc nodum dilucidè soluere placet, dicit enim hoc pacto: Nec quis dicat, hoc nomen à lingua Gotthica omnino peregrinum esse. Nemo est qui nesciat vltimum plerumque nomina gentes amplecti, ut Romani Macedonum, Græci Romanorum, Sarmatæ Germanorum, Gotthiplerunq; Hunnorum. Ficulneum itaque argumentum est eorum, qui Vandalos Germanos ideo facere volunt, quod pleraque Germanorum cognomina inter eos reperiuntur, cum hinc expresse dicat Iornandes tantum studium inter vtramque gentem, Germanos nimirum & Sarmatas fuisse, ut etiam Sarmatæ nomina Germanorum passim assumerent. Et ob hanc necessitudinem puto plerisque scriptores lapsos esse, quod Vandalos Germanis connumerandos duxerunt, ut Plinius & Cornelius Tacitus. Plinius quidem Vandalos inter Germanos ponere quodam in loco videtur. Cornelius autem Tacitus coætaneus eius dubitat, inter Germanos ne an Sarmatas eos reponere debeat. Autor autem Cario Plinii sententiam quæ fuerit explicans affirmat eum non de Vandalis loqui, qui ad Vandalum siue Istulam habitabant, sed de illis qui ad Albim & Vandalicos montes sedes habuerunt. Nam quia altercatio vetus fuit inter istas gentes de finibus, Sauromatis Vandalicos montes & Albim tanquam limitem suum defendentibus, Germanis contra resistentibus, itaque possessoribus inter se discordibus, necesse est scriptores quoque discordes dubiosque fieri. Negari sane non potest veteres scriptores dum septemtrionales provincias describere volunt, subinde errare. Nam idem Plinius Germanos inter Scythas connumerat. Iulius Cæsar in commentariis flumen in Germania Scaldam in Mosam dicit influere. Strabo Lupiam & Visurgim in Amasim deferri refert, sicut Pomponius Mela in Istrum Istulā influere affirmat. Ptolomæus ipse de ortu Borysthenis hallucinatur. Quin & de Istula secum dissentit. Nam in tabula Germaniæ ortum eius propè Danubium ponit. Itaque censeo non admodum esse fidendum passim in omnibus rebus scriptoribus antiquis. Et multi inter illos mentione facta vltimontanarum regionum Germanos tantum velut vicinos & sibi magis notos intel-

notos intelligunt ceteros ignorant. Quin & nunc multos reperias inter Gallos, Italos, qui Polonos Germanos esse credunt. Imò in conciliis superioris ætatis Constantiensi inquam & Basiliensi, quoties autoritate quatuor nationum, videlicet Italicæ, Græcæ, Germanicæ, Polonicæ, patres illi aliquid decernere volunt, ferè semper Polonos cum Germanis coniungunt, & amborum suffragium pro vno reputant. Quare & illa Methodii epistola, in qua se Vandali Germanos profitentur vel ficta est, vt alia pleraque eius generis, vel de Vandalis, in quorum exercitu Germani complures militare consueuerant, intelligenda. Nam sicuti nunc Poloni rarò militiam exercent absque Germanis, ita & olim, præsertim, cum communem causam tutabantur contra Romanos: vel per tropum catachrisicos, ratione vicinæ, vt supra demonstratum est, exponenda. Hæc de autoritate Methodii & Papæ Gregorii. Sed quia rem cominus agunt, nobis quoque argumenta contra eos expedire liceat. Ptolomæus autem Venedos inter Sarmaticas gentes ponit, & in tabulis pingit, nec ad lacum Mysianum diuersos esse ab istis. At occidentaliore Venedos insigniores fuisse celebrioresque orientalibus credibile est, & ideo inde exordium illius expeditionis magnæ factum fuisse testantur scriptores, quòd ibi regiam forsitan habere consueuerant, & comitia sua celebrare. Nam rebus florentibus in Græcia, ipsi etiam conferebant se ad Ponti ripas: rursus occidentem versus translato imperio ipsi quoque libentiùs ad confluenta Istulæ commorabantur. Imò successu temporis & regiam huc transtulerunt. Adde quod Iornandes sæpius Slauos, Antas, Venedos, ex vna stirpe Venetorum, prodiisse, tria que nomina edidisse fatetur. Ergo non ex Germanis. Nec illa distinctione proficient, qua alios Venetos & Vinidas faciunt à Vandalis, cum hos Germanos fuisse, illos verò Sarmatas fateantur. Nam, si se ita res habet, tum declinando vnam plagam, alteram grauiorem accipient. Nimirum illos qui duce Genferico admiranda gesserunt, Germanos non fuisse, siquidem Vandalos in Germania collocant ultra Istulam: qui verò Romam vastarunt à Mæothide prodierunt, & Vinidæ Veneti que appellabantur non Vandali, & inde prodiisse dicuntur. Hæc apertè fatentur scriptores. Hic est finis litis, dum alterum extorquere voluerunt, vtrumque amiserunt. Commonstratum autem est à nobis, melius ea de re Crancium & Ireneum, qui Vinidas, Venetos, Vandas Vandalos vnam gentem fuisse docent, ac licet syllabarum accessionibus & detractionibus voces istæ differant, re tamen ipsa eas minimè differre tradunt, quod Iornandis autoritate comprobari potest. Vinidarum, inquit, natio

Methodij epistola.

Cur Sarmate Germanis admiscetur sæpe

Autores qui non Venedos sentiunt.

populosa confedit, quorum nomina licet nunc per varias familias & loca mutantur, principaliter tamen Slaui & Antes nominantur. Ego existimo eum de hac mutatione & deriuatione nominis loqui, quod ab aliis Vandali Vindæ & Veneti tum vocabantur. Sic & nunc à Germanis hæc gentes partim Vindæ, partim Venden & Vinden vocantur. Nec modò istos qui ad Albim manent, ita vocant, sed etiam Illyricos incolas, vt Melius in Ptolomæum annotat. Quod propter eos addo, qui quasi obliti sui, fatentur quidem Slauos illos ad Albim à Germanis Vindas dici, sed excipiunt non esse hæreditarium nomen, sed priscarum gentium Germanicarum, quarum sedes post Gregorium Magnum occuparint: idque vsitato more aliis quoque gentibus, sicuti Czechi Boëmos se quoque appellari volunt, quod Boiorum sedes occuparunt. Fuerit autem ita vt ipsi volunt. At si non stirpis sed nationis nomen esse volunt, qua de causa ergo Slauos Illyrios, totamque illam oram Germani Vindas vocant, si illius regionis Germanicæ in Lusatia tantum nomen est, & non stirpis totius, quæ vsque ad Venetos refertur? Mihi sanè vsus cognominandi has gentes Vindas ad Germanos demanasse videtur ab illa consuetudine peruetustissimi illius seculi, quando Polybius vixit, qui fatetur omnes illos populos ad mare Adriaticum suo æuo Venetos fuisse appellatos. Adde quod Germani non modò populos, sed linguam quoque nostram Vandalicam vocant. Quod si ita est, non ergo eo respectu Vindas suos vocant Vandalos, quod Vandalorum sedes occuparunt, & in eorum sedes successerint: Sed quod prognati ex Vandalis Vandali, ipsa lingua patria & hæreditaria, Vandalica nimirum vtantur. Nec temerè puto obrepisse illam consuetudinem Chronologis Polonis peruetustis, adeoque toti generi, vt se Poloni ipsimet Vandalos esse gloriantur, cum ea res etiam ad sacra & templa ex traditione peruetusta peruaferit. Citat enim & allegat ad eam rem confirmandam non ineptè Miechouicnsis peruetustam formulam orationis publicæ quæ antiquitus in templis huius regni in festo Alberti à sacerdote cantari solebat ad hunc modum: Benedic dominum regem cunctorum conuersa gens Vandalorum. Quod cum ita sit, mirum non est Polonos in defendendis antiquitatibus & prerogatiuis gentis suæ pertinaces esse, vt potè quæ non modò ex scriptis patrum accepta, sed etiam per manus tradita sunt. Malè igitur illi, qui ista in dubium vocant contra tot historicorum autoritates, non modò Græcorum, Latinorum, sed ipsorum Germanorum etiam, ac denique ipsarum ecclesiarum ac templorum authentica testimonia, quæ instar oraculorum habenda erant.

Decem nouem

Vinden appellant Germani non modò istos ad Albim, sed etiam Illyrios.

Autoritas ex ecclesiasticis monumentis.

*Decem et nouem argumenta confirmantia de Vandalis
veterem traditionem et auitam sententiam.*

Ea quæ prolixius narrantur, non ita à rudibus mente concipi possunt, ideo breuiter & distincte rem vniuersam comprehendemus. Refutauimus argumenta impugnantia traditionem patrum de origine Polonorum à Vandalis, nunc rursus argumenta, quæ pro affirmatiua propositione faciunt recitabimus.

PRIMUM argumentum sit ab authoritate scriptorum, quos in tres classes diuidemus: vetustiores primò, deinde recentiores, qui autem in media ætate floruerunt, in medio etiam collocabimus. Ex vetustioribus qui dilucidè de istis rebus scripserunt, est Ptolomæus qui dicit: Tenent autem Sarmatiam maximæ gentes Venedæ &c. Plinius verò: Quidam verò hæc habitari ad Vistulam fluuium à Sarmatis, Venedis, Scyris-Hyris tradunt. Ablauius historicus antiquus Gotthorum, ex quo Iornandes suam hausit historiam, dicit Gotthos in Vandalos impetum fecisse, eorumque sedes ad Vistulam occupasse. Mediæ ætatis scriptores sunt Iornandes & Procopius, cuius autoritates pagina superiore iam produximus, nec opus est iterum eadem repetere. Tertiæ ætatis recentiores autores sunt præcipuarum nationum, Italiæ, Hispaniæ, Germanorum, Boëmorum & Polonorum. Italus Anius Viterbiensis non ignauus antiquitatū indagator, multoties fatetur Vandalos esse Polonos. Sic & historia Hispanica cuius testimonium Miechouiensis citat in ipsa præfatione. Ex Germanis plurimum Carioni tribuo. Is multoties hoc idem faterur, sed ex commentario in Cornelium Tacitum, verba eius producam: Equidem sum cuique iudicium permitto, inquit: sed tamen Ptolomæi descriptione moueor, & ipsa appellationis vetustate, vt Vandalos gentem Sarmaticā esse existimem, quos vocamus Venden. Et Functius: Vandalorum gens quæ lingua Sclauonica vtitur, nominata est die Wenden, è quibus nunc multæ & maximæ gentes diuisæ sunt, Boëmi, Poloni, Sclauoni, Croatii &c. Et Melius enarrans Ptolomæi scripta, faterur Germanos in vniuersum vocare gentes Sclauonicas, die Wenden.

*Ablauius au-
tor historici
Gotthici.*

SECUNDUM argumentum ducitur à nomenclaturis vetustis montium, fluminum, urbium, gentium, quod fortius argumentum esse volunt quàm authoritates historicorum. Montium item nomina huius postremæ ætatis, quæ in Ptolomæo reperiuntur: mimirum Carpatus, Biesczady, Vandalici montes &c. Vavvla, Lafotinum. Rckavvka, Nogavvka. Horum posteriora in Ptolomæo non reperi-

non reperiuntur, sed antiquissima esse liquet. Tertiò fluminum, ut Vistula, quam alii vocant, Vandalum, Vartam. Gotalum Chalufam: Affirmant autem scriptores, fluminum nomina omnium maximè durabilia esse & retinere primèquam appellationem vetustatis. Quartò oppidorum & gentium, puta Calis, Sobocii, Carolundum, Gutones ubi est Gedanum, Variorum ubi Varca, Varssauiia, Sidonum ubi Szidlovv, Ducleotæ ubi Ducla, Starogardia siue Starigrod. Credibile igitur est veteres incolas harum regionū fuisse nostræ gentis, & nostræ stirpis, quandoquidem nostra ætas & gens hætenus vocabula ista retinent. Et prorsus naturam Polonici sermonis sapiunt.

TERTIVM argumentum à proprio linguæ nostræ vsu. Contrà cognomina locorum nobiliorum nihil Germanicum redolent, nec syllabæ illæ veluti sunt, Rad, Hart, Bring, Mund, Old, Win, Rich. Ergo Germanos hîc hæredes fuisse olim non est credibile. Extarent etiam vestigia hîc politiæ, œconomiæ & morum Germanicorum, sed nihil tale reperies.

QVARTVM argumentum. Si Roxolanici populi nationes in Illyrico, Boëmiâ & Poloniam, Russiam, & alias inundassent, unde tot & tanti inhabitatores venissent, & quis locus antea eos capere potuisset? Hunnorum erant aliquot centena millia, & tamen vix Pannoniam replere potuerunt: qui verò tanta latifundia implerent, unde quæso prodiissent?

QVINTVM argumentum. Non agant coniecturis, sed ostendant apertè ex historicis, quando post tempora Vádalorum, Gotthorum, terras Polonorum Roxolani occuparint. Si hoc præstare non possunt, ergo figmenta sunt & imaginattones quæ narrant.

SEXTVM argumentum. Ab impossibili ducitur argumentum, quo probatur nequaquam Germanos fuisse cunctos illos populos qui ante mille annos processerunt in perniciem. Romanorum. Nam si Vandalorum exercitus constabant trecentis millibus, Gotthorum similiter, Longobardorum, Sueuorum non paucioribus, item Francorum in Galliis: cùm Odoacer etiam Rugianus magnas copias habuerit, quas in Italiam duxit, quomodo credibile est ex vna natione eodem tempore potuisse educi tot & tantos exercitus, tantamq; vim populorum. Nunc Germania est magis habitata, & magis dilatata, & tamen centum millium exercitum Carolus Quintus vix potuit ex ea conficere, quando ad Vienne duxit exercitum contra Turcos ante quadraginta annos.

SEPTIMVM argumentum. Cùm historici res Germanorum & Vandalorum referunt, cur eos sibi inuicem opponunt diametraliter: Vandali,

liter: Vandali, inquiunt sic, & Germani sic: Fecerunt hoc Germani, fecerunt hoc Vandali: si non sunt diuersæ gentes. Et cur Vandali in Germanos & rursus Germani in Vádalos tam inexplibili odio ferebantur, vt alii alios occiderent cùm possent, terras etiam alii aliis eriperent, & iuris sui facerent? Quod nequaquam tam infestis animis nec ita durabili odio fecissent, si vtrique stirpis Germanicæ essent.

OCTAVVM argumentum. Si Vandali Germani erant, cur extra limites Germaniæ manebant, hoc est alii ad Mæothidem vicini Alanis, alii ad Venedicum sinum in Sarmatia vt Ptolomæus inquit. Nam scriptores illos populos qui montes Italicos transcendunt, aperte dicunt fame pulsos à Mæothide discessisse.

NONVM argumentum. Si Vandali Germani erant, cur diuersa utebantur lingua, Sarmatica nimirum, quam & Gotthicam Procopius vocauit, non Germanica sicuti Procopius ab initio libri de Vandis aperte testatur. Sed & Ouidius vnā linguam intelligens, dicit se didicisse Geticè Sarmaticèque loqui.

DECIMVM argumentum. Cornelius dubitat an Venetos Germanis adnumerare debeat, tamen eos discernit politia, moribus, & vestitu, & inde probat gentem aliam fuisse Germanos à Sarmatis, hoc est Vandalis. Nam Sarmatæ inquit, sub plebeia libertate vivebant, Germani sub arctiore disciplina. Sarmatis & Vandalis coniugia mixta erant, Germanis non. Sarmatæ laxa veste utebantur, Germani sago & veste stricta, & singulos artus exprimente. Quem morem etiam nunc Germani seruant, nec ex eo quicquam remiserunt.

VNDECIMVM argumentum. Vandali ex Paphlagonia in eas regiones peruenerunt. Germanos autem Cornelius Tacitus indigenas ac propemodum autochthonas fingit, minimèq; aliarum gentium aduenas, & hospiciis mixtos, quæ in Vandalos cadere non possunt.

DVODECIMVM argumentum. Cæsar cùm Germaniam describit nullam Vandalorum facit mentionem, quòd nequaquam commissurus erat, si Vandali ad Germaniam pertinuissent.

DECIMVM TERTIVM argumentum. Si Vandalia est Germania, vbi quæso erit Sarmatia meridionalis? vbi Slauonia? Siquidem regiones montium Sarmaticorum Vandalis adscribit Iordanes.

DECIMVM QVARTVM. Consensus Chronicorum Boëmicorum, Polonicorum, Russicorum veterum & recentium non est contemnendus. Nam pro deposito quodam veluti per manus tradito hæc

dito hæc narratio in gentib. istis duravit & permanfit ad hunc vſque diem, nimirum quòd Vandali ſint Poloni. Si autem Germani hîc ante Conſtantinum Magnum habitarunt, cur montes iſti ſupra Cracouiam non ſunt dicti montes Germanici? Vocantur autem ab omnibus ſcriptoribus Sarmatici montes.

DECIMVM QVINTVM argumentum. Annotamenta quæ in eccleſiis hac de re reperiuntur ſunt magnificienda, præſertim cùm etiam in publicis precibus hæc res exprimat. Memini autem ſuperius teſtimonium eccleſiaſticum, & precatiunculam publicam adieci, quæ ſic ſe habet: Benedic regem cunctorum conuerſa gens Vandalorum.

DECIMVM SEXTVM argumentum. Germanorum cognomen temporibus Cæſarum primum natum fuit atteſtante Strabone lib. 7. & Cornelio Tacito de Germania. Sarmatarum autem nomen & Venedorum longè antiquius eſt. Et ſi Germani Celtæ vocabantur, certè Vandali Sarmatæ Celtæ non erant.

DECIMVM SEPTIMVM argumentum. Affirmant quidam Roxolanos Vandalorum vacuas ſedes occupaffe dum Vandali in Hiſpaniis bella gererent. At Proſper hiftoric⁹ affirmat poſt diſceſſionem Vandalorum Longobardos nihilominus hîc ubi eſt Polonia dimiſſe cum Vandalis. Non igitur ita populariter inde emigrarunt Vandali, vt multi ex eis hîc non remanerent.

DECIMVM OCTAVVM argumentum. Adhæc experiëntia comprobatur, ubicunq; aliquando vi aut conſiliis in potēſtatem redactę ſunt aliquę gentes à monarchis, ibi duas linguas in vſu eſſe, alteram penes conſulares & militares viros, alteram inter plebeios & agricolas, vt in Dania, Ruſſia, Pruſſia, Italia, Græcia, & etiam in Vngaria: veteres enim coloni patria lingua in villis vtuntur: in aulis verò & prætoriis exotica lingua, quam ſecum fortior pars attulit, publica tractantur negotia. Huius rei ne veſtigium quidem in Polonia apparet. Sed omnes ad vnguē vna lingua patria vtuntur tam in aula & prætoriis, quàm in templis. Quod ita ſtrictè ſervatur vt ne quidem in mōtibus, fluuiis, ſyluis ſignum aliquod extet mutationis. Ex quo liquet aborigines eſſe gentes Polonas & linguam Sarmaticam antiquitùs retinere, quæ nec in prolatione nec in conſtructione vllam contaminationem adulterationemue paſſa ſit.

DECIMVM NONVM argumentum. Sarmatæ etiam vocantur à veteribus Moſchi, Roxolani & Iazyges. At iſti noſtra lingua vtuntur. Ergo & iſtæ terræ ad Sarmatiæ complementum pertinent. Si cut & Lucanus poëta teſtatur *ſævis affinis Sarmata Moſchis*. Prudenter autem ab

tem ab eruditis deprehensum est, nullam esse gentem, sub coelo quæ priscam simplicitatem, mores & linguam inde à temporibus patriarcharum per illos bellorum tumultus fidelius seruarit quàm Moschos. Nam ad illas terras niue & glacie rigentes nec Darius, nec Alexander Macedo, neq; Iulius, neque Augustus armis penetrare potuerunt. Ac ne quidem id forsitan optabant etiam si potuissent. Proinde Moschi non poterant esse obnoxii causis illis quæ alterationes gentibus inducunt.

De Gandaricho Principe Vandalorum.

| | |
|----------------------|-------|
| Anno ab orbe condito | 4374. |
| Anno à nato Christo | 412. |
| Ante annum | 1150. |

Gandarichus corrogato exercitu ex Vandalis Alanis, aliisque Sarmaticis populis quorum numerus ab aliis centies quater millium, ab aliis trecentorum millium refertur, relictis suis sedibus ducit exercitum unà cum patre suo Modigilo sene admodum per Germaniam Rhenum, versus, quo superato Treuirim urbem Galliarum petit. Et quia istic paulò ante Francones confederant, maximamque partem Galliarum in suam potestatem redegerant, ideo hos, consilium ei præbente Stilicone Romanorum duce, cuius persuasionibus ex Pannonia euocat⁹ erat, aggreditur, & fatigatos armis ex Galliis abire cogit, quos ubi submouisset, liberè tandem longè lateque nemine prohibente Galliam vastat, & populabundus quoquo versus discurrit. Ac ubi iam cædibus & prædis satis indultum esset, & à gentibus extraneis vindicata Gallia ac Romanorum desiderio & iræ satisfactum esset, ipsi in Hispanias ulterius cõtendunt, Burgiones verò populares eorum, qui & ipsi tum ad Vistulam in vicinia cohabitabant, ac etiam Sueui, illecti amoenitate regionis & cœli clementia sedes ibi figunt, prouinciasque Heduarum, Lingonum, Vesutiorum, Cabilonensium sibi vendicant, quam postea Burgundiâ à suo cognomine, appellantur. Vandali tamen nihilominus Burgundiis & Sueuis commilitonibus destituti non, quieuerunt, sed superatis Piræneis montibus interiora Hispaniarum, petierunt, & istic Beticam armis subactam à suo nomine Vandaliam, sicut ab Alanis Catalaniam cognominarunt. Sed quid accidit? Cum ad summum culmen fortunæ peruenerunt, Gandarichum ducem suum amittunt. Subita is tum morte eis ereptus videbatur, nō sine suspi-

Modigil⁹ rex.

cione grandi irati numinis, quòd templum thesauris & celebritate pernobile. Hispalis vrbis, quam interea temporis vi cœperat, diripere statuisset. Hæc acta sunt ante 1150. annos.

Gensericus II. Princeps

Vandalorum.

Anno ab orbe condito 4390.
Anno Christi 428.

MOrtuo Gandaricho successit Genserichus filius, quod nomen Polonicum esse apparet ex sono & dialecto sermonis nostri, significatq; idem quod nostri Gasiorek, id est, anterem vocant. Et si conferas vocem Gensericus & Gasiorkus exilis admodum differentia relinquetur. Romanos interea diuersi affectus ac velut contrarii raptabant, & propter successus Vandalorum in diuersum agebant. Quod prosperè gentes Romano nomini infestas ex Galliis Hispaniisque expulerant, gratum eis erat: quòd verò vires & fama eorum in tantum crescebant, vt vix à Romanis si maiora auderent, retrahi possent, hoc eos malè habebat. Proinde ad artes solitas confugiunt, vtque vtriusque gentis, hoc est Gotthorum & Vandalorum robur diminuerent, vtrofque Stiliconis opera inuicem committunt, & de Hispaniæ gubernatione armis disceptare faciunt. Sed Deus Romanorum consilia, fortuna eorum ad imum ruente, alio diuertit. Cùm enim vario Marte inter se dimicassent, ne vltèrius sociale bellum inter eos cresceret, noua res emerfit. Regebat tum quidam Bonifacius Africam, dux Valentiniani, quem cum Imperii hostes armis vndique vrgerent, nec auxilia ad compescendos eorum furores ei restarent, Gensericum ex Hispaniis quamprimum precibus & muneribus inuitat, multa spe eum onerando, vt ei præstò adsit. Nec ille detrectat, eò quòd iam bellum sociale in europa cum Gotthis perosus esset: morem igitur ei gerit, & quinquaginta millia lectissimorum virorum transportat per illud Gaditanum fretum, primoque Hyponem, deinde Carthaginem contendit. Ac vrbe in potestatem redacta, Aphrica vniuersa ab eo pacem petit, fascesque Imperii defert. Animo erectus Gensericus magna cum tentasset, maiora adhuc meditatur. Còfecta tunc variis bellis Italia ingemiscebat & à tyrannide Maximi oppressa suis minimè confidens auxilio exterorum indigebat, itaq; opem Genserici, qui tum famarum gestarum spectabilis erat, implorat, eiusque fidem sequitur. Gratum tum Genserico hoc nuncium fuit, ac quod duas gentes & duas vrbes

& duas vrbes Romam & Carthaginem dominas videlicet orbis terrarum. Imperio suo adiungere easque armis sibi subiicere, ad nominis sui gloriam, plurimum referre iudicabat, itaque rebus in Aphrica ex tempore compositis, primò Corsicam, deinde Siciliam, via Hannibalis petit. Cumque Hetruriam armis tentaret, ab Eudoxia Romam accersitur: ille plenus animi mox se sistit, & de Maximo Tyranno supplicium capit. Digna tunc mors Tyranno iudicata est, ut ille qui omnium libertatibus insidiatus fuerat, ab omnibus quoque lapidibus obrueretur: hoc decretum, ab eo latum fuit. Ne verò & sibi interea deesse videretur, Eudoxiam & filiam eius Eudociam vnà cum Placidia secum in Aphricam, auehit, & paulo post matrem sibi, quod senex iam erat, & filiam Honorio in matrimonium desponsat. Nec diu matrimoniū illud stetit. Nam breui ipse moritur, filio Honorio in Imperio relicto. Fuit Gensericus vir astutus, & ad varias fortunæ occasiones intentus, didiceratque cum hoste non tantum viribus, sed & industria certare. Volebat ille pactorum conuentorumque cuitos fidelissimus videri, sed euentus non semel docuit, eum pro temporis oportunitate foedera & seruasse & violasse. Cumque aduerso Marte aliquoties pugnasset, iterum se arte & consilio erexit, & cum in profundum delapsus esset, iterum ad summum emerfit. Proinde Sertorio ob eam causam à quibusdam non ineptè confertur. Fuit tam elato & excelfo animo, ut si vitam ei superi prorogassent, etiam Babylonem petere, & exemplo Alexandri Magni Orientis Imperium sibi armis vendicare cogitaret. Videbatur enim se hoc nominæ fortuna Alexandri Magni conferre, quod sicut Alexander 40. & aliquot millibus orientem sibi subegerat, ita ille pari numero copiarum, 50. nimirum millibus, Aphricam domuerat, quodque fata Alexandro negauerant, Romam, Senatum, videlicet orbis terrarum, ut Cicero loquitur, in suam potestatem redegerat.

*Carthaginem
& Romam duas
mundi dominas
Vandali
capiunt.*

HONORICVS II.

Anno ab orbe condito

4437.

Anno Christi

476.

Secundus rex huius ætatis Vandalorum numeratur Honorius Genserici filius, cuius natura & mores erant ad tyrannidem compositi. Namque vtriusque sexus homines tam viros quam mulieres persequebatur. Et viros quidem igne ferro & aqua è medio tollebat, virginum verò corpora ad motis facibus vrebatur, mammillisque & brachiis præcisis ad Arrii dogma amplectendum cogebat. Fuit quoque Augustinus Episcopus Hy-

X

3

ponensis

*Eudoxie pie-
tas & crux.*

ponensis spectator aliquomodo harum calamitatum, sed Deo illi parcente, septimo mense post Hyponem à Vandalis obsessam mortuus est. Huiusmodi crudelitatis exempla secutæ sunt poenæ. Afflixit Deus illam gentem fame & gravissima pestilentia, & ipse rex phtiriasi consumptus non sine gravissimis doloribus & tormentis decessisse scribitur. Eudoxia filia Valentiniani Imperatoris, & mater Hilderici pii regis, vxor verò huius regis Honorici, prætextu religionis & voti suscepti adeundæ Hierosolymæ, à marito se eripuit, nec postea, auersata illam mariti sæuiciam ad eum rediit, sed in precationibus lachrymisque, & aliis quæ ad exercitia Christiana pertinent, magnam partem sui æui transegit. Regnauit hic annos octo.

GUNDABVNDVS.

Anno ab orbe condito 4446.

Exit & hic Gundabundus Arrianus & sæuit aduersus Christianos, nec fuit filius Honorii, sed frater & consage patruo ipsius & Germano fratre Genserici: Ideo Gundabundi nomine patronymico fuit appellatus. Puto hunc Gonzagen Gonzagarum nomen in Hispaniis reliquisse, quorum hætenus clarissima familia in Hispaniis extat.

TRASIMVNDVS III.

Exit 27. annos regnavit, vir præclaræ indolis & sapiens, omnesque maiores suos animi magnitudine excelluit, ut Procopius de eo tradit. Erga Christianos astutè se gessit, non poenis corporis, aut suppliciis velut alii, sed præmiis & honoribus ad suam fidem eos inuitans. Erat enim Arrianus. In gratiam huius Fulgentius rogatus, de mysteriis fidei Christianæ scripsit. Et ab eo emollitus postea non ita sæuit in Christianos.

ILDERICVS V.

Sunt qui Ilderichum hunc antecessisse Trasimundum scribunt, de qua re litem alicui mouere non est mei instituti. Fuit is Genserici nepos, Honorici verò filius, quem ex Eudocia suscepit. Eratque non malè institutus in religione Christiana. Nam sacramento adactus, ut quoad viueret inimicum se præberet orthodoxis, promissis non stetit, nec in re natura turpi fidem datam fallere turpe putauit. Omnes enim orthodoxos in exilium missos reuocauit, eisque fauit, & ecclesias orthodoxorum in Africa restituit, quo nomine suis fuit inuisus & contemptus. Et
quia minus

quia minus idoneus videbatur ad bella gerenda, à Gilimero è viuis sublatus est.

GILIMERVS VI.

Gilimerus fuit abnepos Genferici, cuius etiam magna ex parte mores & naturam retulit. Fuit enim valdè rei militaris peritus: sed fortuna & successu in rebus gerendis dispar, quod exitus eius mox declarabit. Concitata multitudo per seditionem Ilderico regi insidiæ struuntur, & pericula creantur. Erat enim plebi inuisus hac de causa, quod nihil commune cum Arrianis habere volebat. Itaque eum cum filiis & eis qui ei addicti erant in vincula coniiciunt, ad extremum & necant. Sed Deus vindex scelerum non diu tulit hoc detestandum facinus. Cum enim sæpius querulæ voces Aphricanorum ad aures Iustini Imperatoris deferrentur, defensionemque contra crudelem regem Gilimerum ab eo peterent, misit Imperator exercitum in Africam cui Belisarium præfecit virum impigrum, ingenio tali in quo nihil ex quatuor illis virtutibus defuit, quæ in duce belli omnibus numeris absoluto requiruntur. Nam siue peritiam rei militaris, siue felicitatem coniunctam cum modestia, & opinionem quæ requiritur in bono duce spectes, nihil in eo desiderabatur. Proinde cum veteribus Imperatoribus, Scipione inquam, Paulo Aemilio, Fabio, merito confertur. Is ubi cum exercitu Africanis apparuisset, castraque castris contulisset, Gilimerus conscientiae metu perculsus trepidare coepit, ac primo prælio victus erigere se deinceps nec animum resumere potuit. Tandem Belisarius profligato hoste cum castra contra Carthaginem promouisset, ciues se ei dederunt, ultroque urbem aperuerunt, & ipse Gilimerus fame compulsus, cum se de vno loco in alium transferret & iam vix sustentare vitam posset, nec ei per solitudines vaganti spatium respirandi daretur, ad manus eius deuenit, quando se & omnia sua Bellisario dedit. Confecto bello Belisarius victor Constantinopolim deuenit & in triumpho Regem captum ostentat. Fertur cum extremam suam calamitatem videret, in ea verba prorupisse: Vanitas vanitatum & omnia vanitas. Hic fuit regni Vandalici in Africa exitus postquam durasset annos quinque supra nonaginta. Causas commutationis fortunæ Vandalorum variè varias referunt. Dicuntque ab illo tempore collabi eorum res coepisse, postquam virtus Vandalica & indoles, quam secum ex Europa attulerant, in eis degenerare coepisset. Et est quidem aliquid quod isti dicunt. Gilimer enim iam Afer erat, & exercitus eius non iam ex Vandalis

Belisarij laus.

*Cur aduersa
passi Vandalis.*

*Finis regni Vā
dalarum &
initium regni
Polonorum.*

Vandalis constabat, quorum vix eo tempore vnus ex iis qui ex Europa venerant, superstes erat. Sed verius ratiocinantur illi, qui deletos eos ob crudelitatem affirmant. Nam Deus Tyrannos detestatur & vehementes motus in homine deprimere solet. Sed quia Vandalorum gens in Afros transiens Sarmatarum esse desiit: adhuc Afrouandalorum regum finis incidit in exordium principum Polonorum quando Lechus & Czech⁹ ex Illyride vel Croatia in eas oras peruenit, ideo Vandalicis rebus quas in Africa gesserunt valere iussis ad Polonicas bono omine iam accedamus.

LECHVS.

*Anno à diuisione gentium
Anno Christi*

4512.
550.

*Occasio aduen-
tus Lechi &
nouæ guberna-
tionis.*

Cum igitur hæ gentes de exitu tristi suorum cognatorum Vandalorum in Africa audissent, & Getarum etiam popularium suorum in Italia res ad interitum spectarent, (Belisarius enim dux belli tum quoque Vittigem regem eorum captum Constantinopolim secum abduxerat) valde mœsto animo faciem & statum miserabilem Reipub. suæ contemplabantur. Metuebant sibi à Romanis, ne filiorum rebus collapsis in patres animaduernerent, & in Italia & Africa conuersis rebus Gothorum Vandalorumque, de ultione in eos à quibus emissi erant ne aliquid durius statuerent. Sicuti morem hunc Romanis fuisse non vno exemplo comprobari posse meminerant. Itaque vt se aduersus futuros casus melius munirent, de alia forma Reipub. suæ cogitare cœperunt, præsertim cum se oportunos & aliarum quoque gentium incursionibus cernerent, eo quod iam Vandalicis Gotthicisque expeditionibus satis milite opibusque exhausti essent. Accessit huc noua difficultas, quod hæcenus veteri more gentis sub polycratia viuentes, non habebant vnum principem, cui salus Reipublicæ curæ esset, quiq; eis cum imperio præesset, resque eorum turbatas moderaretur. Itaque de accersendo principe secum deliberant. Mittunt igitur in Illyricum accersitum Lechum & Czechum, quod ii tunc magni nominis duces essent. Accessit & persuasio quædam quod præ aliis cunctis gentibus, ipsis vtiliorem fore principem iudicabant ex illis nationibus, quæ ob veterem cognationem, & vnius linguæ vsum, ab vna stirpe Vene torum eandem cum ipsis originem agnoscerent. Præterea opinionem prudentiæ de eis concipiebant, quia viciniore erant Græcis & Italis, & terras inhabitabant quas solis radii magis perpendiculares serenant & illustrant. Sed quò melius res intelligi queat, quonam

quonam tempore hæc acciderint perpendendum est. Status denique regni Poloniæ ex statu Reipub. Europææ, qui tunc erat metiendus est nobis. Imperabat tunc Iustinianus Iustini ex sorore nepos, in oriente. Occidentale vero imperium primò per duces quos in Italiam mittebant Cæsares, demum per Exarchas administrabatur. Seuerus Campanus Pontifex tunc sacris Romæ præerat, qui fuit in exilium missus ob eam causam, quòd occultè cum Gotthis sentire putabatur. Constantinopolitanam verò sedem tunc Antemius regebat. Desierat iam regnum Vandalicum in Africa capto Gilimero rege eorum. In Italia etiam Gotthicum nuntabat. Paulò ante partim propter Vandalorum & Gotthorum vastationes, partim propter Attylæ Hunnorum ducis violentas irruptiones, viginti & aliquot oppida antiquorum Venetorum, qui cum Vinidis & Vandalis Anthenoridæ, id est ab Anthenore orti vno nomine iure vocari possent, vrbis Venctiarum in toto orbe admirandæ fundamenta in maris Adriatici sinu iccerunt. Et post illos bellorum motus veluti post diluuium quoddam Respub. eorum, sicuti & Polonorum instaurari cœpit: Vt sicuti quondam gentes Venetæ cum gentibus Vandalicis vnum principium habuerant, ita & instauratiōis eorum perīodus veluti ab vna metâ & carceribus suæ felicitatis initia sumeret. Tempore iam certo definito, & domicilio Lechi antiquo reperto, iam velum ad nauigādum & vltērius prouehendum explicabimus, methodum aliorum ea in re secuti. Viuentibus igitur istis gentibus sub polycratia & libertate populari, ac ducum imperio contentis qui ferè singulis regionibus, sicuti adhuc apud Russos fieri videmus imperitabant, vnius principis creandi, qui ex æquo omnibus iura daret, cunctorum animos studium inuasit. Creabant quidem & illi antea vnum principem, sed tantum tempore belli, exemplo veteri Lacedæmoniorum. At nunc ex illa pluralitate dominorum summis incommodis acceptis, & ad huc maiora metuentes, vnum euocandum, vnum creandum **L E C H V M**, penes quem & pacis & belli tempore summa rei esset, vno ore conclamant. Qui cum ad eas oras multis laboribus exantlatis peruenisset, inuenit quidem solitudines, ruinam, munitionum, & magna ex parte sylvas, non tamen ita, vt plerique putant, quod tantum à Satyris hic locus inhabitatus fuerit. Liquet enim ex Ptolomæo, populosam fuisse hanc regionem, inhabitasseque eam Gitones, Burios, Burgundas, Arfigetas, Auarinos &c. Quin & Carion docet ex sententia Plinii, Vandalos tunc habitasse in Pomerania ad Megelburgenses. Et licet multi Genferici signa & fidem secuti, non modica agmina ho-

*Status rerum
christianarum
Lecho adueni-
ente quis fuit.*

*Polonorum et
Venetorum
Respublica.*

*An habitabilis
fuerit Polonia
tempore Lechi*

Regia Gnesna.

gmina hominum secum primò in Pannoniam, deinde ex Pannonia ad meridionales regiones eduxerāt, tamen senes, agricolas, sacerdotes, foemineum sexum cum paruulis q̄ Sarmatici sanguinis veterem originem cōseruabant, hīc remansisse credibile est. Attamen Lech^o exercitu iultē magnitudinis secum abducto, & coloniis quibusdam deductis ea quæ deserta erant repleuit, diminuta auxit, & quæ ruinam minabātur instaurauit. Regiam etiam in aliquo loco natura munito vt erigeret, absq; mora cōsilium cœpit. Proinde Gnesnam, olim iuxta quosdam Lemisaletum dictam ad hoc deligit, cui & Vismariā adiungit. Gens Illyrica ad mare Adriaticū valde amœnum locum iamdudum possedit, quod & nomen eius Græcū vt puto indicat, & nauigationi maris assueta fuit, & spacia illa oræ maritimæ ad mare Sarmaticum. Germaniam versus, quæ situs Cimbricæ Chersonesi patet, ad flumen. Caluzam, adiuncto sinu Venedico, vbi Ptolomæus veteres Venetos ponit, longè latèque complexa est. Et gentes quidem Sarmaticæ iamdudum veteri more patrum recepto, non admodum illis superbis & ad luxum comparatis edificiis delectabantur: totum suæ Reipub. stabilimentum non in murorum celsitudine, sed in dextris & robore militum exercitatorum collocātes. Sed tamen complura oppida excitant, vbi mercatoribus tantum & opificibus eorumq; officinis locum tribuunt: ipsimet vt commodius venationibus ac agriculturæ laboribus tempore pacis corpora militum durare & exercere possint, in pagis habitare malunt. Attamen & ipsi aulas satis splendidas habent, vt cuiq; videre licet. Et si Græcorum & Italorum more, equestris ordinis homines prouinciatim in vnum locum cuncti aulas suas comportarent, haud dubiè multas etiam Florentias, multas Basileas, multas Norimbergas in Polonia haberemus. Et fatendum est eos qui in vrbibus habitant, vinum lectissimum, carnes recentes, poculenta, & alia id genus quæ seruiunt voluptati & gulæ, citiùs habere posse: sed maiores nostri diligentes militi habitationem, non quid magis voluptuosum, sed quod ad retinendum robur & vigorem militare magis conduceret, Lacedæmoniorum exemplum secuti, quæsiuerunt. Illud etiam obseruandum puto, quod quando Persarum, Græcorum, Romanorum monarchiæ & Reipublicæ ad orientem magis florebant, regiam quoque Sarmatæ suis principibus ad Istrum & Pontum, sedesque sibi deligere malebant. Ideo Ouidius potissimum orientalium Sarmatarum mentionem facit. Quia tum florentibus rebus Romanorum & ipsi eodem oculos suos dirigebant. At rursus quando occidentales monarchiæ & Respub. transferri cœperunt, & ipsi à Mæothi de ad Ocea-

de ad Oceanum occidentalem, sedes suas vnà cum regia transferre maluerunt. Quo consilio & Lechus maiorum exemplo innixus domicilio suo locum hîc deligit, vrbes ædificat, regiam excitat, quam Gnesnæ nomine, id est, nidum appellauit. Nam, sicuti nidi sunt auibus in refugium tempestatis tempore, ita & illi Gnesnam veluti nidum id est refugium & arcem belli esse voluerunt. Nam, quod aliqui originem aquilæ, quod est amplissimum huius regni insigne, magis concinnè explicare volentes, Lechum eò loci cum venisset, multos aquilarum nidos reperisse tradunt, indeque omnis boni auspicio accepto, pro signo authentico aquilam albam expansarum alarum diducto rostro, vsurpare cœpisse, mihi omnino verisimile non est. Nec puto tantum principem re tam exili ad tam sublimem cogitationem, tum excitatum fuisse. Fruantur tamen qui volunt hac sua contemplatione. Mihi victricia signa Polonorum eorumque mysterium explicare volenti magis probabile videtur, Polonos hac in re Romanos veteres imitatos fuisse, quibus aquilæ signum in bello præferebatur. Notiùs est quam ut à me commemorari necesse sit de argenteis aquilis in vexillo temporibus Iulii & Augusti portatis. Aut igitur Romanorum est, ut dixi imitatio, aut Genëricus Vandalorum rex Gratiano duce in Africa victo, aut vrbe Romana capta thesauros excutiendo Romanos, inuentum banderium, ut vocant, cum tali imagine ut esset memoriale victoriæ, ad proceres qui hîc remanserant in eius veteri patria transmisit: vel posterioribus temporibus, quando Romani Pontifices ecclesiasticam Hierarchiam, hoc est concatenationem & consensum regum Reipub. Europæe fancientes, dato & accepto iureiurando cum axiomate regio, etiam vexillum cum insignibus veterum Romanorum, trans miserunt regibus Poloniæ eo fine ut firmiter recordarentur se esse & debere manere propugnatores defensoresque catholice fidei, & dignitatis Reipub. Christianæ aduersus barbaras gentes. Iudicium tamen hic liberum cuius de hac re permitto. Iam quod attinet formam Reipublicæ, moderato & æquabili imperio Lechus ab initio cõtentus fuit: sed quod quidam ita simplicem & deiecto animo tam Sarmaticum populum quàm Vandalicum sibi imaginantur, ut opera rustica regi suo nauasse, & pecuniæ ignaros fuisse affirmant, mihi id non videtur verisimile, nec existimo hoc cadere potuisse in illos qui orbem terrarum peragrandò, commoda aliorum regnorum, decerpserant, & marsupia plena auro & argento Gallico retulerant. Sed & nunc non rarò videm⁹ in variis Poloniæ partibus purissimi argenti monetam cum imaginibus Iulii, Traiani, Vespasiani, & aliorum

*Vide Ciceronē
contra Catilinam.*

*Insignia regni
aquila & eius
origo.*

*Forma Reipub
Poloniæ sub
Lecho.*

Imperatorum in catinis aeneis defossam reperiri sepe & exarari. Vnde ratiocinari licet non vanis argumentis illud priscum seculum non fuisse indigum pecuniæ. De bellis Lechi cum Germanis & Danis non est mei propositi prolixiorē narrationem instituire, ne ea quæ Martinus Cromerus eleganter memoriæ prodidit, videar retexere. Quæ Vapouius prodidit memoriæ de duello, vel singulari certamine Lechi cum quodam regulo Germanico non sunt in dubium vocanda. Neque enim hæc scripsisset ille, nisi auctores eius rei habuisset. Illud, quod quidam tradiderunt, tunc primum regni fines Bremam vsque & Visurgim prolatos fuisse, mihi non videtur per omnia cum serie vniuersalis historiæ quadrare. Ostensum est enim supra ex Dione & Plinio, illis temporibus iam Vandalicos populos istuc ad Albim habitasse. Nisi fortè quæ negligentia maiorum amissa erant, Lechus tum bello illo recuperare voluerit, aut tantum de possessione illius regionis, quæ Albi & Visurgi interiecta est dimicarit.

Fines regni Lechi.

V I S S I M I R V S.

Posteritatis Lechi cum posteritate Iagellonis eadem periodus.

Supputatio chronologica cur ad annum 550. refertur aduentus Lechi.

Dani attriti à Visumiro.

Gedanensium vrbs.

Lechi posteritas, vt ab autoribus magno consensu annotatum est, post mortem eius ad annos centum quinquaginta durauit. Fere hoc idem eum compleuit, quod domus Iagellonidarum postremo hoc seculo in Polonia feliciter regnauit. Attigit ergo posteritas Lechi tempora Leonis eius nominis secundi Imperatoris. Condidit Vissimirus duas vrbes maritimas, vnam Albi ostia versus, quam à suo nomine Vismariam vocauit, & alteram Gedanum, quæ quia ex Dacibus vel Danis constabat, vel Getis vel Gitonibus, Gedanum est appellata, vt placet doctis. Nam Ptolomæus ad illa ipsa ostia Vistulæ Gitones Sarmaticam gentem, quæ cum Gotthis eadem est, collocat. Reliquias autem Dacorum isthinc traiectum in Daniā habuisse affirmant. Sed alii tradunt Danos à Lecho & Vissimaro eius filio, nauali prælio ita fuisse attritos, vt tributum etiam pendere Vissimaro cogerentur. Quia enim Illyrii naualibus præliis assueti erant, cum ad mare sedes suas haberent, ideo Dacis qui nondum vsum earum rerum ita acquisuerant, Lechus & ii qui eius fidem secuti erant, terrore fuerunt. Confecto autem bello illi Dani qui à Vissimaro Rege capti erant, ciuitate tum donati sunt, vtque confidenter Gedani habitarent & negociari possent, concessum est eis. Ex hac accessione vrbs illa non mediocriter fuit aucta & locupletata, ita vt nunc autoritate regum Polonorum suffulta, & commerciis Polonorum adiuta, splendore & opibus certet cum emporiis præcipuis in Europa

is in Europa. Cætera de hoc filio Lechi apud alios autores inquirito. Sed tamen illud de significatione nominis Visimiri huius prætereundum non putavi, nomen Visimir cum nomine illorum Visogothorum, qui ferè circiter eadem tempora in Pannonia belligerarunt, admodum cõforme esse, & significare iuxta nostrum sermonem studiosum pacis. Mir enim pacem apud nos significat. Cõsimile quid etiam Saiphrid apud Germanos denotat. Comme morantur autem tres fratres illi Visogothorum in Pannonia, Theodimir, Widmir, & Wladimir, quorum vnus fuit pater illius Theodorici Gotthi qui Rauennas dicitur. Cuius virtutem & res gestas admirata est Italia, laudauit Gallia, scriptis etiam poematis celebrauit Germania. Horum ergo principum nomina si expèdas, & cum nomine huius Visimiri filii Lechi componas, videbis gentile nomen illo æuo vsitatum, indicare Lechi posteritatem, & cum illis Visogothorum principibus vnã gentem fuisse, & ab vna stirpe demanare. Adde quod ex eadem ratiocinatione elicitur, Polonicam linguam illo seculo in Polonia in vsu fuisse. Siquidem nomina ista Visimir, & Wladimir Visogothica ad vnguem dialectum & sonum Polonicum resonant. Quod propter illos addendum putavi, qui affirmant temporibus expeditionis illius Gotthorum & Vadalorum, Germanos in Polonia habitasse, vsum vero linguæ qua nunc vtimur, cum Roxolanis postea introductum fuisse, cum iam sole claruis demonstratum sit, & Lechum ipsum Slauiçæ gentis hominem ante Roxolanorum expeditionem, quæ ad tempora Mauricii refertur, iam ad eas regiones habitatum appulisse, quod etiam ex illorum commentariis euidenter monstrari potest.

Nomina Gothica.

INTERREGNA.

S ab ea meta, id est ab anno domini quingentesimo quinquagesimo per annos centum 50. Lechum cum sua posteritate regnasse in Polonia præsupponimus, vt quidem præsupponere nos necesse est, tunc subducta ratione temporum ad calculum Chronologicum, aut paruum aut nullum tempus istis interregnis relinquetur. Et puto nostrates historicos (de vetustioribus dico) interregna hæc excogitasse, quod eos parum exercitatos in Chronologica supputatione apparet fuisse. Nam si anno quinquagesimo supra quingentesimum initium regni Polonorum statuimus, eisque annos centum quinquaginta, quibus posteritas Lechi regnauit addiderimus, exurgent anni septingenti. Restant ergo tantum centum anni ad Lescum secundum syn-

Observatio
supputationis
interregnorum

chronum Caroli Magni Imperatoris, qui inquam. centum anni quinque regibus Polonorum, Graco videlicet, Lecho secundo, Vende, Premislo, & Lesco secundo tribuuntur. Quia tamen Chronologi veteres propiores erant illis seculis, dandum est aliquid eorum autoritati, quia veluti de suis rebus & quidem probè cognitis loqui videntur. Sed ut dixi, breuia illa interregna fuisse credibile est. Eorum autem hanc occasionem fuisse existimo, quod graue erat assueta relinquere. Assueta erat hæc gens teste Procopio sub plebeia & antiqua libertate viuere. Itaque forsân seuerioribus mandatis vel potius iniuriis superiorum principû oppressi & grauati, tanto alacrius recordabâtur secum libertatis qua olim vsierant in polycratia, ideo iam laudando vnus principatum iam vituperando hæsitabant: quid fugiant non. ignorantes sed quid sequantur addubitantes. Ad extremum tamen necessitate compulsi duodecim. Palatinos, quos nos Voieuodas vocamus eligunt. Sed propter ademptam à Germanis Syllesiã & Lusaciã puto iam vix septem aut octo Palatinatus veteres restare ex illis duodecim. Suppletus est tamen eorum postea numerus, & etiam auctus. Sed termini eorum prisca sunt mutati. Significat autem nomen Voieuoda seu Palatinus idem. ac si tu diceres belli dux, & equipollet prorsus cognomini Hethman quod à Germanis petatum est. Hoc tempore nondum. Episcopi in Senatu locum. habebant. Quia nondum Poloni Christiani erant facti.

Creandorum
Palatinorum
12. causa.

Anacephaleosis historiæ Vandalicæ per annos 180. hoc est, ab illo tempore quando armis Europam et Africam concusserunt, vsque ad Lechi in Poloniam aduentum.

370. Vandali ad Rheni ripas confederunt, primò ii Burgundiones dicti. Ponit autem Ptolomæus Phrugundiones ad Istulam. Sunt ergo isti ex gente Vandalorum. De hac re Albertus Cranz. Sed meminisse hic oportet quòd ante hanc expeditionem. annis 130. donata fuit eis à Constantino Magno possessio Pannoniæ. Serui eorum post victos Scythas arma in ipsos conuerterant.

378. Sarmatæ Pannoniam vastant. Amianus lib. 30.

382. Modigilo duce Vandali terras alienas inuadere coeperunt, sedibus suis relictis. Præfuit autem eis annos 30. Nomen Modigili in vsu adhuc fuit apud Lithuanos non ita pridem.

382. Longobardi ex Scandia insula Oceani septentrionalis egressi Vandalos Iborea duce & Alone vicerunt. Prosper in chronico. Non. fuit ergo Polonia penitus deserta à Vandalis, etiam si potior pars eorum abierat in Hispaniam & Galliam, quandoquidem sequente

dem sequente anno conflixerunt ii qui hîc remanserant cum Longobardis.

411. Vandali & Alani Gallias intrauerunt, biennio ante Gothicam obsidionem Romæ, Honorii anno 16.

412. Gandarichus Vandalorum rex Hispaniam occupat. Regnat annis 16. Cranz lib. cap. 26. Ibidem in exercitu apud eum. Modigilus pater moritur.

413. Franci Rhenum transeuntes à Vandalis Burgundionib. repelluntur ad sua. Blondus.

414. Quindecimo anno Honorii Carolus Vandalorum rex assensu Germanorum cum magna multitudine Gallias inuadit, multas vrbes populatur. Anno altero captus & extinctus est & succedit ei Gotgisch rex. Tripartit. Chronicon Polo. Iiti fortè Germanicè loqui didicerunt, vnde Gregorius & Methodius occasionem sumserint vt Germanos esse existimarent.

426. Constantinus cum exercitu aduersus Vandalos Hispaniam vastantes missus.

428. Gensericus Vandalorum rex annis 48. belligeratur. Gensericum fuisse dictum putant Polonico sermone, ac si dicas Gsfiorek. Cotisonem verò Getarum regem Kotek.

431. Vandali euocati à Bonifacio Africæ præfecto Hispaniam relinquunt, in Africa sedes figunt. Cigaineros illos vagos populos per Poloniam, nonnulli putant esse reliquias Vandalicæ gentis ex Africa redeuntis post illa bella.

433. Visigothi cam Hispaniæ partem occupant, quam Vandali reliquerant. Iornandes.

434. Gensericus Hyponem obsidet. Gensericus dolo Carthaginem capit.

439. Genseric⁹ pacem cum Valentiniano Imperatore facit, finesque imperiorum suorum constituunt. Vbi postea Vandali 95. annos regnant.

444. Gensericus Siciliam affligit. Sebastianus Africam inuadens Giezericum retrahit vt cogatur Carthaginem redire.

445. Theodosius Imperator bellum in Vandalos mouet: sed longis cunctationibus negotium differens Siciliæ magis oneri quàm Carthagini auxilio fuit. Procopius & Diaconus.

446. Cum Giezerico pax à Valentiniano Augusto confirmata, & iterum Africa certis spaciis inter vtrumq; diuisa est, Hæc Cassianus.

459. Roma duce Genserico à Vandalis capta, omnibus opibus & ornamentis Imperatorijs in Africam translatis. Certò certius est

tius est aquilas eius imperii signa fuisse, quæ forsan huc transmissa occasionem Polonis dedere ut eodem signo uti inciperent.

472. Marcelinus vir potens in Illyrico, dum Sardiniam & alias maris insulas iussu Leonis Imperatoris à Vandalorum iugo liberare conatur, in Sicilia occiditur.

473. Vandali ab Heraclio ad Tripolim incommodum accipere. Procopius de bello Vandalico lib. 2.

474. Gensericus in Italiam traicere volens a Basilio incommodo affectus est.

476. Honoricus Vandalorum in Africa rex annos 7. regnat. Victor Episcopus de persecutionibus.

484. Gundabundus Vandalorum rex annos 12. persequitur Christianos.

492. Gundabundus Burgundiorum rex qui etiam ex Vandalica stirpe erat, intrat Italiam, & magna præda onustus domum redit. Blondus autor. Affirmant autem Polonos signa gentilicia à Burgundionibus suis popularibus accepisse.

495. Thrasimundus Vandalorum rex in Africa 27. annos rerum potitur.

505. Bulgari Slauonica gens Thraciam vastant, eo tempore quo Trasimundus Vandalis in Africa imperat. Iamque confœderatio illa symmachie inter gentes Slauonicas emergere & patefieri coeperat.

523. Hildericus Vandalorum in Africa rex annos 7. Pius hic fuit ac orthodoxus, & à patre in exilium pulsos reuocauit.

523. Prima mentio Slauorum in historiis, etiam si antea gens ista fuit.

524. Annus hic notandus, quo bellum sociale inter Antas & Slauos ad Istrum fuit cum Hildibio illo bellicoso principe. Nomen Antarum natum esse tradit Procopius libro 3. de bello Gotthorum, ab eo quod anteriorem partem ripæ fortiter dimicando in conspectu Romanorum occuparint.

530. Gilimer Hilderichum captum carceribus inclusit, regnumque ei eripuit fraude.

534. Octauo anno Iustiniani Belisarius finem Vandalicis bellis in Africa facit.

550. Hic annus nobilis aduentu Lechi ex Croatia in Poloniam. Accidit hoc 26. annis post finitum regnum Vandalorum in Africa, adhuc Totila Gotthorum regnum in Italia acriter defendente, quod postea decem annis sequentibus cum Teia extinctum est. Qui euentus tristis gentes Slauonicæ linguæ ad confœderationem illam

nem illam excitauit, præbuitque occasionem Polonis accersendi
Lechum ex Slauonia ad eas regiones.

C R A C V S.

Anno à condito orbe 4662.

Anno Christi 700.

Anno ab hinc 885.



Su edoctos Polonos quantum malorum occurrat Reip. vbi eam absque ordine multi regunt, veluti poenitere coepit consilii. Rursus igitur vt vnus eis cum imperio præcitet consilium inierunt. Et erat quidem graue, præsertim antiqui moris hominibus, libertati cui assueuerant valedicere, cumque modo singuli sibi reges videbantur, honorem tantum in vnum conferre, & ad vnus nutum deinceps viuere. Erat, inquam, graue, sed necessarium, & propter intestina dissidia coercenda, & propter repellendos hostes, qui celatum benè ad eam diem odium ac dolorem amplius dissimulare non poterant, nomenque Sarmaticum deletum cupiebant. Itaque post varias consultationes, virum opinione virtutis clarum, opibus & clientelis benè munitum eligunt, cui summam belli & pacis committunt. Craci nomen huic erat. Habitauit is tum ad radices montium Sarmaticorum, vnde Istulæ flumen demanat cum ingenti strepitu, euomens fontes aquarum: decem & tribus miliaribus à Cracouia ab incolis monstratur locus. Fuerit iste Romanus an Sarmata non disputo. Et licet Tiberius Gracchus ante aduentum Saluatoris 140. annis fuit, tamen cum in summam acerbitem odiorum gens illa Gracchorum apud suos Romanos incurrerat ob leges illas agrarias non suo ordine, nec suo tempore latas, ita vt ne conspectum quidem patriciorum ferre posset: fieri potuisse arbitror, quod huc subducendo se ab illo incendio odiorum commigrarunt, eorumque posteritas ad eam diem latuerit. Nec mihi ignotum est à Pto- lomæo urbem hic quoque statui, vbi nunc est Cracouia, aut non admodum remoto istinc spacio, quam CARODYNUM ille vocat, voce non remota ab appellatione Cracouiæ: sed vt iam dixi conuellere veterum scriptorum sententiam, qui quasi de suis rebus & probè compertis videntur loqui, non arbitror esse conueniens. Apparet sane prudentissimum virum fuisse, qui tam idoneum, tam pulchrum, tam munitum natura locum, tamque omnibus rebus ad victum necessariis refertum, ædificandæ tantæ vrbi delegerit. Huic, pergendo ad septemtrionem par non reperitur vrbs. Itaque sedem regiam Crusficia transfudere maiores nostri ad eum locum.

Cracus an Romanus fuerit vel indigena.

Z

cum. Huius

*Figura mœnio-
rum vr̃bis Cra-
couiensis.*

cum. Huius vr̃bis figuram testudinis musicalis formæ quidam comparant. Nam si mœniorum versus occasum rotunditatem ovalē spectes, & postea quomodo Istulam versus ad orientem instar manubrii strictius sese contrahit, ac tandem assurgendo veluti caput erigit, & attollit ea parte, vbi est mons Ṽuelo, supra quem arx admirando opere excitata est, non ægrè omnino figuram testudinis repræsentabit. Verum, qui concinnius vr̃bis huius effigiem exprimere vellet, magis scitè eam aquilæ expansarum alarum, quod est insigne regni huius comparauerit, vt corp⁹ vr̃bis per circumferentiam corpori alitis conferatur, suburbia ab vtraque parte alas expansas repræsentent. Caput verò alitis excelso monti seu rupi Ṽuelo quod paulatim assurgit conferatur. Ex hac figura vr̃bis primarię veluti archetypo vr̃bs Lublinensis & Posnaniensis postea exemplum & formam sumpsit distinguendarum platearum & arearum suorum mœniorum, ita vt trium istarum vr̃bium conformitas tanquam sororum Germanarum, similima esse videatur. Bella gessisse Cracum, complura memoriæ proditum est. Et habent quidem Poloni alias voces, quibus hoc genus promontiorum appellare, solent, puta, gura, gurka, pagorek, curhan. Sed quia Romanus fuit Cracus, igitur Romano more suum funus peragi voluit, & collem illum paucis litteris immutatis Mogilam pro molle latina voce appellavit, vnde postea exaggerata promontoria appellari mogila cœperunt.

De Olofago ex Chronico Miechouiensis.

Erexit arcem habitationis suæ in expedito colle Ṽuelo, supra fluuium Istulæ sito, & ei ciuitatem adiecit atque fundauit, de suo nomine Cracouiam appellando, felicem agris & rebus secundis, nisi Olofagus quædam belua, (vt aiunt Draco) plurima impedimenta intulisset. Rapiebat è specu montis egressa, iumenta & homines incautè oberrantes, rictibus horridis voracissimè deglutendo. Gracus afflictæ Cracouiæ condolens tria corpora iussit quotidie Olofago exponi. Nam his contenta, alia non requirebat. Sed & hoc onerosum erat, propterea suapte industria excogitauit vt corporib. quæ obiiicienda erant, sulphur & cauma ignitum ex cera & pice includerentur atque occultarentur. Cumque belua tum naturali rabie, tum voraci esurie exagitata sine delectu oblatam prædam raperet atque voraret, sensim debilitata & tandem extincta est.

De origine Craci ex Cromero.

Aeneas Syluius, & Hagecus, non hunc sed alium Cracum, siue Cromum tunc

cum tunc apud Boëmos regnasse volunt, & Cracouiam siue Cro-
coueciam arcem in Boëmia extruxisse, morientemq; eo ferè tem-
pore, quo noster regnare coëpit, tres filias reliquisse, è quibus vna
Libussa saga paternum regnum suscepit, assumpto sibi in socie- *Libussa.*
tatem thori & principatus Premislo rustico homine, quem missi
equites in ferrea tabula, hoc est, in vomere aratri prandentem re-
pererant: eorumque posteritatem longa & perpetua successione
per multa secula Boëmis præfuisse.

LECHVS SECVNDVS.

Lecidit Lechi regnum in illa tempora, quando inter prin-
cipes Romanos creuerat illa laniena crudelis. Ita enim
consuetudo obtinuerat, vt rarò aliquis Imperator digni-
tatem adire posset, nisi prius antecessorem suum è medio sustulis-
set. Sic Mauricius cum vxore & liberis Phocas, Phocam Eracli-
tus. Iustinus auribus dissectis nasoque in Chersonesum relegatur.
Leontinus similiter ab Absimaro naso mutilatus (sicut & nunc a-
pud Valachos consuetudo inoleuit) ineptus ad capeffendos impe-
rii honores redditur, & tandem custodiæ mandatur. Rursus Iusti-
nianus vocatus ad imperium Leontium & Absimarum educens è
vinculis spectante populo interfici curat. Ac deinceps Philippic⁹
Imperator factus vtrumque & patrem Iustinianum & filium eius
Tiberium, vt liberius dominaretur sustulit. His ferè temporibus *A Lecho secun-*
Lechus Secundus natu minor, curato patris Graci funere, in re- *do interficitur*
gnum successus est: & quia maiorem natu fratrem obstare sibi ad *fratrem.*
retinendum regnum putabat, vitæ eius insidiatur, eumq; per spe-
ciem venationis obtruncat, imitatus videlicet Romulum genti-
lem suum, (nam & Gracus Roma oriundus erat) vel potius corru-
pti illius seculi tot exemplis parricidiorum deprauat⁹, vt iam me-
minimus. Sed Deus iustissimus iudex, qui exerta manu parricidis
minatur, tantum scelus non tulit. Non quidem de repente eum è
medio sustulit, sed quò longiores ei ferias indulfit, eò magis tardi-
tatem grauitate poenæ compensauit, vt diutiùs cum suis ærumnis
luctando grauiùs torqueretur, lenta morte eum excarnificando.
Detecto tãdem scelere, regno est deturbatus, & in exilium missus,
ac tandem intus pauore, foris sollicitudine eum excruciente, pau-
latim contabuisse fertur, nullosq; liberos post se reliquisse.

Ex Cadlubk Vincentio de parricidio Lechi in fratrem.

Viuentem adhuc patre parricidium ab eo patratum, sed mortuo
demum patre, & iam ipso regnante scelus patefactum est.

Anno à diuisione gentium 4712.
Anno Christi 750.

Lex Salica.

*Locus sepul-
chri Vandæ.*

Ege quidem Salica cautum est, ne ad tale fastigium hono-
rum foemine⁹ sexus admittatur. Sed Slaui partim opinio-
ne virtutis moti, partim quòd recordabatur meritorum
Graci erga Rempub. ipsorum, magno consensu Vandam ad hoc
culmen honorum euehant, ei que regium officium committunt.
Forſan etiam non immemores erant exemplorum antiquorum.
Nam Semiramidis quondam, Tomyris & Zenobiæ foeminarum
bellicosissimarum gubernatio salutaris fuit Rebuspub. quibus
præerant. Quanquam nostra hoc nomine illis anteferenda est,
quòd laudem victoriæ non sibi nec suæ industriæ deberi, non mo-
do verbis nudis sed et iam sacrificio inaudito testata est. Nam
cum Rithigerus Dux Germaniæ hac de causa ei mouisset bellum,
quod in nuptias iuuenis intempestiuo amore accensi non consen-
tiret: illa commisso prælio & victoria ex eo parta stupenda morte
in victimam seipsam Deo veluti triumphans immolauit: ex pon-
te Cazimirienſi in profluentem Istulæ se præcipitem dando. Cu-
ius corpus vorticibus aquæ ablatum, à principibus regni ad
confluentem duorum amnium Dlubniæ & Viſtulæ, quarto ab vr-
be lapide sepelitur, in cuius rei fidem & sempiternam memoriam
ingens tumulus ferè è conspectu vrbis excitatur. Nam mons Væ-
uello, cui est arx inædificata, & ab altera parte Istulæ collis Gra-
ci, collatus cum mole sepulchri Vandæ, quod nos Mogilam vo-
ce semilatina vocare solemus, fere triangulum æquilaterum effi-
ciunt. Disputationē illam omitto, rectēne virgo fecerit, quòd sibi
mortem consciuerit, Republica sine gubernatore relicta. Sed He-
roum facta non semper cadunt sub regulam iudicii communis,
præsertim si iuxta normam religionis, in qua vixit, factum hoc e-
xaminetur. Quæritur etiam hîc de hoc Rithigero cuias fuerit.
Borussus esse non potuit, vt vult Hagecus, cum & ipse Ptolomæ-
us Venedicas gentes istic collocet, & appellatio sinus Venedici
hoc idem attestetur. Borussi autem subiecti tum erant Vandæ Re-
ginæ. Quæstio etiam illa, an Vanda à Vandalo flumine, vel Van-
dalus à Vandæ hoc stupendo facto denominatus sit iudicio lecto-
ris decernenda relinquitur. Acta autem hæc sunt anno ab hinc cir-
citer octingentesimo tricesimo tertio: De imaginibus tollendis
controuerſia tum Rempub. exercente & Pontificibus cum Gallis
de Imperio transferendo consilia agitantibus.

Oratio

*Oratio debortatoria subditorum ad Principem suum
Rithigerum, ut à bello Vandico abstineat.*

Renunciant Oratores duci suo eximiæ puellæ pulchritudinem & sapientiam, & animum ad belli dimicationem quam ad nuptias paratiorem: adhæc permagnas & instructissimas armatorum copias. Quibus auditis labascere Teutonum animi cœperunt, & monere & orare ducem suum non destiterunt, ne se exercitumque suum propter intempestivum amorem, atque cupiditatem suam coniciat in periculum. Inglorium esse viro cum foemina certamen, etiamsi exploratam habeat victoriam.

Epitaphium Vande Reginae, statuæ incisum quæ in tumulo collocata fuit à morte eius.

*Hic iacet in Tumba rosa mundi non rosa munda,
Non redolet sed olet, quæ redolere solebat.
Graci regis nata, bene Vanda fit vocitata.
Ut nam hanc piscem trahit ab æquore captum,
Vanda sic formosa omnes traxit speciosa
Illius in amorem, & in favoris vigorem.
Hæc per decorem Almani vicit furorem,
Nam eò quod spreuerat hominum connubia cuncta,
Celibem hæc obtulit Dis mersa flumine vitam,
Quam mox arripuit Deorum non floridus hortus.*

P R E M I S L V S.

Anno ab orbe condito 4722.
Anno Christi 760.

Sapienter institutam hanc Rempub. fuisse etiam illis pri-
scis temporibus inde liquet, quod ad utrumque casum
sive moriente sive vivente rege, optimè ei prospectum
fuit. Ac superstitè quidem rege gubernatio solet esse facili-
or & magis expedita, sed priuato principe bono, omnib. periculis ob-
noxia relinquitur. Proinde maiores nostri illo æuo ad eos casus
in promptu habebant Senatum duodecim Palatinorum, qui tem-
pore interregni munus regium obibant. At insurgentibus bellis
difficilior fit regiminis ratio. Verum est enim Philosophi axioma:
Vbi pariter omnes Rempublicam curant, pariter omnes negli-
gunt, dum nō apparet vnus aliquis in quem culpa reiiciatur. Non
libenter tum inferiores parent superioribus: non libenter se peri-
culis obiciunt, nec libenter contribuunt ad vsus Reipub. cum
diuerforum studiis occupata & obfuscata, vbi nam eius facies la-
teat, vbi caput, discernere non sit facile. Proinde ille duodecim-

*Interregnorū
status misera-
bilis.*

Z 3 viratus

*stratagema
regis Premisli*

viratus inter bellorum tumultus vnum aliquem insigniorem. virum è medio sui eligebat, quem. vniuersis copiis veluti dictatorem præficiebat. Sic Vanda fatis erepta, Palatini contra Morauos & Hunnos infestis armis fines Poloniae diuexantes Premislium eligunt ac hostium conspirationi opponunt. Ducem hunc fuisse animo excelso & industria singulari nomen ipsum indicat, & stratagema peculiare quo vsus est tempore difficili testatur. Cum enim sentiret imparem numero se habere exercitum, non desperat de victoria, sed artē adhibet, galeas benè defricatas litargirio inungit, easque è cōspectu hostium in locis syluosis appendit, vt re-percussione splendoris & imicatione. crebra oculi hostium perstringantur & inopinatò ingentem aliquem. exercitum. adesse cum apparatu bellico inusitato suspicentur. Sic rebus extempore præparatis, intentus ad omnes occasiones, quid facto opus sit sollicitè considerat. Si hostes pergerent, ille paulatim relato pede è conuallibus & densis rubetis hosti insidiabatur. Si verò consternati retrocederent, tergoribus eorum cædendo è vestigio insistebat. Nec fefellit eum iudicium. Cum enim hostes minimè suspicarentur, subito eos prima vigilia. inuadit, cumque. contactis galeis litargirio illitis appropinquarent, & splendore noctis tenebras discuterent, speciem densissimarum phalangum hostium oculis exhibuerunt. Interim ipsemet ab alia parte, qua minimè putabatur, cum suis prætorianis, & aliis delectis equitibus latus eorum aggreditur. Hostes consternati trepidare & mox soluere acies cœperunt. Contra ille tergoribus instare & victoriam persequi non prius desiit, donec se victos faterentur. Fuit hæc victoria Premislo & ad illustrandam famam. valde oportuna & hostibus formidabilis, præsertim cum illucescente die cernerent se & viribus & ingenio superatos. Premislius autem. sopita controuersia de finibus, ad instaurandam disciplinam, & œconomiam domini sui reparandam se conuertit, ac tandem. foris & domi prosperè rebus compositis fatis concessit.

DE ORIGINE, INCREMENTIS, ET DECREMENTIS REIPUBLICÆ SLAVONICÆ GENTIS.

*Nomina im-
ponuntur genti-
bus quatuor
modis.*

Inuestigaturi nomen & originem Slauorum methodo v-
sitata & quidem ex media rei natura deprompta proce-
demus. Notum est nominari gentes à quatuor causis, vel
occasionib⁹, vt in præliminari præfatione diximus. Aut à ducibus,
vt Sarmatæ, Tuifcones. Secundò à situ locorum nominantur gen-
tes, vt

tes, vt Pomerani, Cisalpini, Pædomontani, Transalpadani &c. Sed neq; hac ratione Slauorum nomen explicatur, cum id nobis nihil tale denotet. A prioribus etiam incolis non raro reperias quasdam gentes vocari: sic Troiani, Itali sunt dicti, eo quòd ab Italici hospitio sunt excepti. At in iis regionibus ante Iustiniani tempora, gentem quæ Slauorum nomine vocaretur non reperimus. Non igitur mutuare nomen poterant ab iis qui in rerum natura non erant. Quartus modus restat quo etiam gentes cognomina assumunt, nempe ab euentu, & à studiis, vt Nomades dicti sunt illi, qui ad morem pastorum vitam ducebant, sæpius vertendo solium. Hic attentus lector nobiscum subsistat. Nam cum Slaui nostri, neque à ducibus dicti sunt, neque à situ locorum, neque à prioribus incolis, consequens est, eos à studiis & euentu rerum sic dictos. In his omnibus conuenit nobiscum historiæ Polonicæ scriptor præcipuus. Sed nondum finem adepti sumus, nec rem acutè tigmus. Varia enim & multiplicia sunt studia & rerum euentus. Ille enumerat victorias Roxolanorum partas ex Dacibus, Pannoniis, Dardanis Lyburniæ populis, Illyriis, Dalmatis, Thracibus. Ad extremum & Græciam eos ita potenter diuexasse narrat, vt etiam linguam Græcorum, sæpius eos armis exercendo, penitus corruperint, rebusque tam feliciter gestis Slauorum siue Slauinorum nomen à gloria sibi sumserint. Hæc ille. At hæc sententia non potest & secum ipsa & cum serie historiæ vniuersalis cohærere. Si enim ab earum rerum claritate sibi nomen imposuerunt, quas enumerat, tunc nomen Slauorum posterius oporteret istis omnibus factis esse, quæ enumerauit. At Slauorum nomen longè ante Græciam armis Slauonicis attritam, & ante linguam Græcorum immutatam, Iustiniani temporibus emerfit. Alius ergo euentus & alia studia eorum nobis quærenda sunt, à quibus Slauini & Slaui, idest, celebres dicti sunt. Scriptor quidam Chronicorum Germanus ex sententia Trithemii & beati Rhenani Germanorum nomen ex confœderatione quadam prodiisse affirmat, vnde tempore Augusti, vt Strabo & Cornelius Tacitus docent, Galli eos fratres seu Germanos, id quod nobis *pobratym* Germanis verò *bruder* significat, à similitudine morum vocarunt. Ita sane eodem exemplo Sarmatæi populi, id est, reliquæ Vandalorum & Antarum Alanorumque quæ post expeditiones illas Aphricanas in istis oris remanserant, symmachia inter se sancita initoque solenni fœdere nomen Slauorum quod essent *μολωττοι*, id est, eiusdem linguæ & loquelæ sibi imponunt. Cum enim audissent Romanos eis minitari, eò quòd Vandalorum exercitus sobolem suam, veluti examina

*Inquiritur vnde
de dicti Slaui.*

*Germanorum
nomen vnde or-
tum.*

ti examina apum, in eos & eorum, prouincias paulò ante ex suo gremio emisissent, ne imparati ac veluti scopæ dissolutæ inter se dissilientes inuenirentur, omnes in vnum conspirant: ad quam rem eis calcar non mediocre addidit fama de Vandalis Africanis ad eos perlata, quod eorum res ad inclinationem interitumque non obscure spectarent. Nec nouum est hoc gentibus in extremis casibus ad simile remedium confugere. Sic olim contra Gotthos, tres principes Germaniæ præcipui coadunatis copiis foedus inierant, Cassander nimirum Sicamber, Arathius Saxo, Hamer Doringiorum. Sic postea contra Romanos Getæ, Daces, Buri coniuuant. De quo & Poëta: *Et coniuratos deiecit vertice Dacos*. Sic & nostra memoria contra Turcas, Itali, Germani, Hispani vnà cum Venetis eadem ratione foedera inierant. Ne verò altera natio præ altera aliquid ea in re priuatim aucuparetur, non iam nomen quod partis erat vel vnius nationis toti multitudini imponunt: nec iam Polonos, Boëmos, Bulgaros, Bosnenses, vel Rascios Croatasue aut Roxolanos se vocant omnes. Hoc enim inuidiam intestinam concitaret. Sed nomen tale quod ex æquo omnibus quadrat, & de energia initi foederis cunctos semper comonefaciat magno omnium consensu sibi adaptant: Slauos se cognominantes, hoc est, populos multos & varios, sed tamen ex vna stirpe originem ducentes. De quo foedere Romani cum audissent pauore turbabantur. Tamen ne trepidationem suam coram vulgo proderent, vimque illius confederationis apud plebem suam, quantum in eis fuit, eleuarent, extenuarentque, non iam Slauos, id est, maiorum suorum studiosos sed Sclauos, id est, seruos per antiphrasim eos appellauerunt. Sed an Romanos hæc subtilitas & cauillatio in vocibus iuuerit, tempora sequentia patefecerunt, & effectus monstrauit. Cum enim eos maxima clade toties affecissent, imperiumque eorum dilacerassent, senserunt postea re ipsa Sclauum ne an Slauum fuerint illi, quorum ferro & sagittis petebantur, quosque non sine contumeliæ nota p̄ Slauis Sclauos id est seruos appellare voluerunt. Non assentior illis, qui à conditione loci, ab vrbe seu ciuitate noua vel stagno Roxolaniæ dictos esse putant Slauinos. Non enim tam exile nomen tamque angustum titulum gentes tam celebres passæ essent, nec inde illi qui ex æquo nomen hoc sibi veluti certatim adaptarunt materiam aliquam tantopere gloriandi habuissent, non modo reges Polonorum inquam & Boëmorum sed etiam Constantinopolitanorum, sicuti est Ziemiska Imperator. Aut quæ regiones tam spatiosæ esse poterant, quæ tot & tantas gentes quas vix maior pars Europæ sustentat, alere potuisset? Si à loco veteris

Ziemiska orientalis Imperator.

loco veteris habitationis sic nuncuparentur?

Non assentior illis etiam, qui ad Lechum ita originem Polonorum astringunt, ut ab eo quasi Adamo totum genus Polonicum prodiisse putent. Confirmavit Lechus res Polonorum, non autem ipse eas fundauit, stabiliuit, non primus instituit, dissipatos ut aquila sub alis suis recollegit & recreauit, non quasi antea non fuerint in mundo, produxit, nec in noua radice, ut Iurisperiti loquuntur, vnquam fundamenta regni iecit, sed eis qui multos antea Regulos sparsim habebant, vnum se regem cunctis præbuit. Vocatus enim huc erat ex Croatia. Quod si vocatus, erant igitur hic incolæ qui eum vocabant consilio inter se inito. Turba autem illa, quæ illum secuta erat, non potuit alterationem in tota gente talem facere, quæ deleret & aboleret auitum eorum nomen, Vandalorum aut Sarmatarum. Venit & nunc cum non contemnendo comitatu ad capeffendum regnum Poloniae Stephanus rex, ex Vngaria, nec tamen alterare potuit hic manipulus hominum gentis veterem stirpem. Actalis videtur esse istorum opinio, ac si quis cogitaret vna gutta aquæ fluuiialis in mare immissa totam maris naturam posse transmutari. Verè igitur concluditur, nostram gentem non aliunde venisse, sed hic iamdudum ut hæredes mansisse. Nam licet Lechus & Czechus aliunde cum suis venerit, tamen ut dixi plures hic, quàm secum attulit, incolas veteres, Vandalos inquam, & Sarmatas inuenit, quorum respectu & intuitu nos non esse aduenas prædicare possumus. Laudo certè Mathiam Miechouiensem, licet antiqui moris hominem, quod vehementi percitus zelo, ut verus & ingenuus Polonus, insurgit contra illos, qui ad Germanos & Roxolanos sub prætextu defensionis nostri, transferunt auitos Poloniae honores. Cùm enim cōpluribus verbis hac de re disputasset, tandem ita concludit: Cùm multis testimoniis huiuscemodi sententia vallata sit, Polonos & Vādalos eosdem esse, & quidem ex antiquissimis, qui quæ ante Christum propaginem duxerunt: erubescat insulsus oppugnator, temerariè & non verè suas chartas non probatas ostentans. Tu autem mi Andrea Crici, (Episcopum Cracouiensem alloquitur) antiquitatum diligens perscrutator tales aggredere & confuta. Nam quia Polonorum & Boëmorum historia ab initio huius operis posita in toto discrepat, reiicienda & salua reuerentia tanti historici pro non vera habenda est. Hæc ille. Tertiò non probo etiam illorum sententiam qui Slauorum gentem temporibus Iornandis vel potius Iustiniani prodiisse in lucem affirmant. Negari forsitan non potest primam mentionem nominis Slauorum factam esse in historia Procopii, il

a

lis nimirum

*Apostrophe
Miechouiensis
ad Cricium.*

lis nimirum quibus vixit temporibus: sed quòd antea hæ gentes non fuerint in iisdem prouinciis quas & nunc incolunt, hoc certe probare non possum. Relegatur historia Augusti Cæsaris, quam superius consignauimus. Relegantur & illa, quæ à Cornelio Tacito in Othone Syluio, qui octauus post Caium Cæsarem apud Romanos numeratur, de Slauorû Roxolanis scribuntur: Roxolani, inquit ille, Sarmatica gens priore hyeme cæsis duabus cohortibus magna spe ad Moesiam irruerant. Proinde nec Grammaticum, Saxonem, nec Blondum tam seuerè obiurgandum censerem, eò quòd Casubios & ipsam gètem Slauiam ante Christum natum extitisse, bellaq; cum quibusdam Germanis gessisse memoriæ prodidere, ac etiam cum Danis & Suecis eorum finitimis signa contulisse. Quo etiam respectu existimo quòd Dlugossius sequutus eundem Grammaticum & Blondum historicum, Odoacrum Rugianum, Slauum Sarmatam facit, qui Italiam, inquit, ingressus magnum terrorem eodem tẽpore quo & Gotthi in Italia regnarunt Romanis incussit. Rugiis enim à Ptolomæo ea regio & locus natalis assignatur vbi nunc Cassubii degunt. Rectè & Miechouien- sis exemplû Hieronymi adfert, qui fuit homo nostrę gentis Slauo- nicæ, & literas quæ a Russis Buiunica vel Asbuka vocantur, genti suæ reliquit. Rectè & de diuo Martino adfertur ab eo exemplum, qui cum esset Slauus, stipendia merebat in exercitu Iuliani Cæsaris. Iulianus autem fuit statim post Constantinum Magnum lon- gè ante Iustiniani tempora. Sic & Diuus Cyrillus non minus ap- positè in exemplum adducitur, qui erat Slauus & Slauias literas inuenit quas Czurulica vocant. Testatur autem Cario, in biblio- theca Reuchlini Erfordiæ hætenus reperiri librum, Cyrilli scri- ptum contra Iulianum apostatam lingua & characteribus Slauo- nicis. Quapropter merito potest probari Miechouien- sis senten- tia cum ea moderatione quę superius à nobis relata est. Non enim pugnant hæc: nominis Slauorum primam quidem mentionem fa- ctam esse à Procopio & Iornande, & tamen hanc gentem iamdu- dum antea suis gestis satis conspicuam fuisse. Sed quo res Polono- rum in Slauorum historia magis conspicuę reddantur, sicuti supra de Gotthis fecimus, ita nunc Slauorum res gestas chronologicè & breuiter percurremus, vt postea lector recurrendo ad autores citatos latius ibi omnia cognoscat.

*Casubii ante
Christum.*

*Anacephalæosis historiæ Slauiæ cuius prima pars est à
Christo ipso ad aduentum Lechi in Poloniam: secun-
da à Lechi aduentu ad Caroli Magni tempora:
per annos ducentos quinquaginta.*

Non commemorabo vetustiora. Incipiam ab Augusti temporibus, cuius ætate Strabo scriptum reliquit: Ultra Roxolanos aliquis habitet nescio.

50. Quæ Paulus scripsit gentium nostrarum faciens mentionem, hoc loco in memoriam reuocentur. Vide supra cum Augusti tempora describeremus.

73. Othonis Sylui temporibus cohortes & duces Romanorum à Roxolanis cæsos esse meminit Tacitus.

360. Iulianus vixit, in cuius exercitu Diuus Martinus militabat. Hunc fuisse Slauiæ gentis tradunt. Et Cyrillum tradunt scripsisse contra Iulianum lingua & characterib⁹ Slauonicis, quod exemplar aiunt reperiri adhuc Erphordiæ in Bibliotheca Reuchlini. Ego tamen vereor ne hoc scriptum sit illius Cyrilli qui cum Methodio longè post Bulgaros prædicauit Euangelium. Moueor tamen ea re quòd cōtra Iulianum dicitur scripsisse. Nam in operibus Cyrilli illius antiquioris extant scripta nobilissima contra Iulianum.

386. Diuus Hieronimus vixit hac ætate, quem hominem nostræ linguæ fuisse affirmant, & quod Biblia nostra lingua verterit ex Hebræo, & genus literarum quod Bucuuica vocant primus tradiderit, sicut illas alias à Cyrillo czirulica.

420. Nostri antiquitatum indagatores adferunt historiam, quòd Slauiæ gentes duce Bardilo Dacos expulerint ex Dacia.

Iam venio ad illos ducentos quinquaginta annos ab aduentu Lechi ad Craci tempora, quos scriptores nostri tantum. Lec ho & Vissimiro tribuunt: reliquum gubernationis tempus Palatinis & aliquot regibus. Videtur igitur hîc aliquomodo hiare historia, quem hiatum vt supplere queam⁹, historia Slauonica nobis vten dum erit. Abolitis enim rebus Vandalorum, Gotthorum, Antarum, Burgionum, nomen hæserat in Slauonibus, idque potissimum ob confœderationem illam populorum istorum de qua in præfatione præliminari & modò diximus.

*Secunda pars
historiæ Slauo-
nicæ ab aduen-
tu Lechi.*

528. Prima mentio expressè fit circa hæc tempora à Iornande de reb⁹ Gotthicis. Introrsum, inquit, Dacia est ad coronę speciem arduis alpibus emunita, iuxta quorum sinistrum latus, quod in aquilonem vergit, ab ortu Vistulę fluminis per immensa spacia Vinidarum natio populosa confedit, quorum nomina, licet nunc per varias familias & loca mutantur, principaliter tamen Slauini & Antes nominantur. In quo testimonio Iornandis vtrumque notare licet: Et quòd Slauini origine Vinidæ seu Vandæ sunt ipsissimi, & ex ipsis nati, & quòd præcipuas sedes habuerint ad caput Istu-

a 2 læ ab vtraq;

le ab vtraq; ripa, vbi nunc est Cracouia, nec aliunde à septemtrionali astro huc venerint vt quidam tradiderunt.

Agnoscent autem contrarium sentientes à Iornande ipsos Slauos Vinidas seu Vandalos dici, sed arte quadam plagam declinare volunt. Regerunt enim, ratione sedium, quas post Vandalum occuparunt, Vinidas ideo dici. At Iornandes significanter hîc dicit: Vinidarum natio ad Vistulam confedit, & eosdem qui confederant, non qui in eorum loca successerant Slauos dici. Adde quòd Vandali nostri ex Pannonia, vbi antea diu manebant, abierant in Hispaniam, non ex Polonia, licet hîc supplementa exercitus eos accepisse credendum sit. Non igitur Roxolani hîc vacuas sedes poterant reperire. Nam & cum Longobardis postea isti, qui hîc remanserant dimicarunt, vt supra ostensum est. Sed addatur hîc locus ille nobilis ex Procopio de bello Gotthico statim ab initio: Gotthicæ, inquit, gentes multæ quidem & aliæ prius fuisse, quàm nunc, omnium maximæ ac potissimæ Gotthi ac Vandalii & Visogotthi, & Gepides & Sarmatæ, & Melanchleni appellati. (paulo autem inferius & Alanos Gotthicam gentem vocat.) Sunt & qui Geticas has gentes vocent, qui omnes nominibus quidem inter se differunt cætera conueniunt. Nam & albi sunt omnes corpore, flauî coma, proceri quoque & aspectu probo. Legibus item eisdem vtuntur, & vna lingua Gotthica appellata. Et vt mihi sane videtur, ex vna omnes gente procreati. Sic ex vtroque autore ambobus locis collatis rem planam habes lector.

Gotthicæ gentes vocantur Vandalii, et lingua nostra Gotthica appellatur

532. De Slauiorum veterum ingeniosa & insidiosa arte intercepti captiuos, quod nostri vocant *iegyká doſtác*, quæ industria hucusque in hac gente viget, ex Procopio quædam adiciam. Cùm Belisarius inquit, sollicitus esset, vt adipisci posset aliquem ex Gotthis nobilem virum, qui ei posset patefacere consilium Gotthorum, cuiusnam rei fiducia tam grauius bella tolerarent: id Valerius intelligens ex Imperatore, operam ei mox ea in re pollicetur. Esse namque sua in cohorte Slauiorum quosdam, qui vel angustiore rupe arbuſtue delitescere consueſſent, eoque pacto, ex hostibus quem vellent arriperent, cuius rei cum ad Istrum flumen, vbi sedes ipsi haberent, tùm Romæ in barbaros alios periculum factitassent. Belisarius itaque, cùm sibi hæc dicta perplacuisse, Valerio statim iniunxit, id vt negotii diligenter curaret. Tum ille delectum ex Sclauinis aliquem, qui corporis magnitudine multis præstaret ac robore, virque acerrimus esset, & ad eam rem peridoneus, ex hostibus aliquem comprehensum ad se vt deduceret misit, promissisque hunc oneravit, si modo factis id exequeretur

xequeretur. Sclauinus itaq; ille mox abiens antelucano tempore, eum in collem euadit, in quo pro pabulo defecando quotidie certabatur, ibique humi prostratus ruboq; & sentibus obtectus delituit. Tum simul ac dies illuxit, vir Gotthus quidam eodem adueniens herbas mox legere, nec ex rubo quicquam suspicari, quo ille integebatur, sed identidem subiecta in castra despicere, cauereq; item, ne quis in se hostium aduentaret. Tum repente Sclauinus exortus barbarum à tergo inuadit, complexusque medium & simul elatum Romanorum in castra mox intulit, Valerianoque in manus tradidit.

*Ars & astus
Sclauorum in
comprehenden-
dis hostibus.*

Addatur hîc & illa legatio Iustiniani ad gentes Slauonicas, qua hortatur eos, vt sedes veteres incolerent in Histria ad urbem Turrem Traiani dictam. Ex quo loco apparet, dudum gentes nostras habitasse in Illyrico ante Iustinianum. Sed vocatos fuisse non Slauos, nam nondum confœderatio illa fuit ita celebris, sed Sporos. Expressè enim dicit, Antas illos & Slauos vnâ gentem fuisse, sed inquit, à priscis vocatos fuisse Sporos. Verba sunt Procopii: Quod quidam Rossos non ineptè, id est, dispersos exponunt. Habet ne adhuc de quo dubitet aduersarius? Et describit tandem capita religionis eorum & politiam: Certe hæc sunt non nouorum hospitium: dicit enim libro primo statim ab initio: Is autem inquit, populus loca supra Istrum iam pridem incoluit, qui Antitani ab Appiano Alexandrino vocantur, & inter gentes vetustissimas & Illyriorum Dardanos & Lyburnos nominatur.

*Ad Turrem
Traiani sedes
vetus Sclauo-
rum.*

*Sporus cogno-
men Russorum*

530. Alia mentio Slauorum fit in historia, vbi pugnam de scribit Slauorum & Antarum ad flumen Istrum cum Hildibio illo bellicoso principe, qui in illa ipsa pugna cadit & Romanorum res collabuntur, vt postea nostri liberè Istrum flumen traicere & Romanos insanabilibus malis afficere inciperent. Verba sunt Procopii. Hæc acta sunt quarto anno Iustiniani.

*Conflitus sla-
uorum cum Hil-
dibio.*

547. Slauini Illyrios vsque ad Epidaurum vastant. Epidaurus est in Græcia cuius Homerus vites laudat.

530. Slauini iterum Illyricum & Thraciam vastant. Procop.

565. Liuba & Lymba Gotthorum rex in Hispania regnat, & fratri postea regnum tradit. Hæc ideo addo, vt quis fuerit status Gotthorum post accersitum Lechum in Poloniâ, intelligi melius possit. Istis etiam temporibus ille Belisarius victor iâ senex & præsenio incuruatus Hunnos Græciam infestantes vicit & cecidit.

585. Hoc tempore, id est anno regni Lechi tricesimo quinto Sclauini instinctu Hunnorum regis Chaiani, quem Caganum alij vocant, Thraciam diripiunt.

*Slauorum iam
dudum cum
Hunnis amicitia.*

594. Blondus dicit: Altera Sclauorum pars Mauricii temporibus in Dalmatiam, Illyricumq; migrasse dicitur: qui verò manserunt, paulò post mutarunt nomina, & partim se Polonos, partim Boëmos nominauere. Hæc Blondus libro primo Deca. prima historiae. Ex quo testimonio liquet, duas causas cōfœderationis Polonos habuisse: Primam, quòd potentiores erant: Secundò quòd hîc Sclauorum domicilium erat, qui postea in Illyricum commigrarunt. Liquet & ex eodem loco istis gentibus vsitatas tum fuisse commigrationes ex Polonia in Sclauoniam, & rursus ex Sclauonia in Poloniam, quod & Czechî Lechiq; ad eas oras aduentus comprobant.

Eodem anno Christi, Lechi verò quadragésimo quarto, Priscus dux Mauricii Sclauinos cædit. Musacium regem eorum (muzik nostri vocant) temulentum cœpit in regia fratris funus peragere.

595. Sequenti anno Sclauos Sorabos qui cum Czecho fratre Lechi Boëmiam occupauerant, Thasillo Bauarus vicit, Tritheimio id referente. Hæc iam propius accedunt ad res Polonorum & Boëmorum.

600. Gregorius cognomento Magnus, eius nominis primus, Pontifex maximus qui aliquanto post Iustiniani tempora Mauritio imperante post sexcentésimum annum à Christo nato Ecclesiæ præfuit, ita scribit ad Episcopos Istriae: Equidem de Sclauorum gente, quæ nobis imminet & affligor vehementer & turbor. Affligor in his, quæ in vobis iam patior, conturbor, qui per Istriam iam in Italiam intrare cœperunt. Hoc etiam tempore controuersia illa de titulo principatus in ecclesia inter Gregorium Magnum & Ioannem Constantinopolitanum Pontificem excitata fuit. Nam Ioannes cum audisset Gregorium dici vocariq; Magnum, ipse se primatem supremumque voluit nominari.

610. Sclauini Boëmici & Polonici Garibaldum, filium Thasilonis, qui iam mortuus erat, ad Moguntum vicerunt & regnum eius vastarunt. Diacon. scriptor. Hæc acta sunt Visimari filii Lechi temporibus anno septuagésimo post aduentum Lechi & Czechî in eas regiones. Phocæ verò Imperatoris septuagésimo.

641. Sclauini regnum Austriæ (sic enim tunc Austriam vocabant,) infestant, & Sigibertum eorum regem profligant. Sed postea anno sequenti à Dagoberto nostri Sclauini & Vinidæ seu Vandalorum reliquiæ victi sunt. Saxonum enim exercitu adiutus erat Austriacus. Ob rem prosperè gestâ quingentos boues eis loco stipendii remisit. Thrithe.

650 anno,

650 anno, hoc est, temporibus Craci, Slauini Italiam inuadunt & cum Aione principe & Rodoaldo Samnite vario Marte dimicant.

658. Constans Imperator nepos Heraclii contra Slauinos orientales exercitum ducit, eosque magnis incommodis afficit. Annalium.

680. Bulgari Slauicæ gentes, quarum & Iornandes iam suo æuo meminit Thraciam inuadunt, & Imperatorem tributa dare cogunt. Hos Vulgaros magis propriè debere dici quidam tradunt, eo quod à flumine Volga orti prodierint.

680. Anno Christi, statim ante Craci tempora, in sexta Constantinopolitana synodo celebris Slauorū mētio fit, in suggestione actionis quartæ: Expectauit, inquit, totius concilii seruilis nostra suggestio omnes adiuuare, ne sit tantum pars, quod ageretur, agnosceret, partem lateret. Maximeq; quia in medio gentium tam Lōgobardorum quàm Sclauorum plurimi cōfamulorum nostrorum esse noscuntur, qui de hoc curiosè fatagere non desinunt, &c. Apparet ex hoc loco Slauos adhuc illo tempore auersatos fuisse imagines. Nam ad illud concilium quod pro imaginibus plurimum elaborabat, verebantur accedere, ne ad subscriptionem cogerentur. Hæc sub ipsum tempus Craci & vrbis Cracouiensis foundationem acta sunt. De prærogatiua illa, quod intercedente Cyrillo & Methodio Slauis Slauonica lingua sacra peragere concessum fuit, annotant & Chronologi nostri.

689. Iustinianus secundus Bulgaros aliosque Slauos bello aggreditur, & cum alias gentes Slauicas profligasset, à Bulgaris fugatur, ac vix fuga salutem acquirit.

707. Iustinianus auxilio Bulgarorum regis Terbellini imperium recepit & regnat. Iornandes autem Bulgaros Slauos vocat. Et Suidas de Sclauis. *σκληρὸν ἔθνος τὸ περὶ τὴν τῆς Ἰσπρίας*. Ibi enim & Bulgares tum erant.

713. Bulgari totam Thraciam populantur, Constantinopolim ad auream portam vsque omnia deprædantes. Securi tandem domum redeunt. Rectè ergo recens Chronologus Polonicus exclamat: Tunc, inquit, verè dicebantur Slauaci ob res præclare gestas, at nunc inquit, Slabaci potius possunt dici, id est, imbecilles, minimeq; potentes. Annal.

718. Circa hæc tempora defecit regnum & nomen Gotthorum in Hispania, & Austurum regnum coeptum est vocari, occasionem præbentibus ad eam rem moribus obscœnis & turpibus regum Gotthicorum. Iam enim in Hispania mores degenerant. Vnde

Reges Gotho-
rum defecerunt
hoc tempore,
id est, regnan-
te Crato apud
nos.

Hunnorum ad-
uentus.

Ineptit
author.

rant. Vnde Rodericus vltimus Vestgotthorum nostrorum in hispania rex, Iuliani comitis & legati filiam cum stuprasset, à Mauris à Iuliano sollicitatis bello in acie occiditur. Hoc etiam tempore Muchauia Saracenus Christianorum prouincias infestat.

744. In Pannonia cum Suatoplugo rege Poloni sedes fixerunt. Inde Panorum nomen est nobilitatis Polonæ. Rectè autem Carion de Pannonibus dixit: Pannonia olim Pæonia dicta. Estque nomen hoc, inquit, vetustæ nobilitatis indicium. Circa eadem tempora Hunni septem itineribus, totidemque exercitibus è Scythia egressi Pannoniam Attylæ titulo repetunt.

748. Vuratislaus Boëmiæ rex circa hæc tempora regnavit. Nomen eius à Slauis est dictum, sicuti & Polonici reges affectabant omnium maximè sic vocari. Inde nomina regum Poloniæ Boleslavv, Chabriboleslavv, Waclavv, Wladislavv. Alii verò heroes Polonici, Zalislavv, Iaroslavv, Bretislavv, Miroslavv, Boleslavv, Przybislavv, Zaslavv &c. Nam Polonici principes præcipui tutores confederationis illius esse volebant, ideo honoris causa illo nomine libenter se insigniebāt, à qua dictione etiam nobiles Poloni *Slachéice* vt quidam volunt vocantur. Sicut enim Carion de Pannonia dicit: Pannonia est vetustæ nobilitatis indicium: ita quoque nostræ nobilitatis decus in Polonia florebat. Vnde *Slachéic* ab eadem Slauorum denominatione veterib⁹ est dictum. Sluaci autem dicebantur, quòd famam maioris facere soliti erant quàm aurum, argentum, & quæque preciosiora: vel quod pactorum cōuentorumque custodes erant fidelissimi. Hinc phrasis est vsitata nostris *Ajaia Czech slowo dierzeć. Hoc verbum De Bohemis.*

759. Constantinus Slauinos penes Macedoniam subegit. Dicunt autem Oratores regum Poloniæ qui ad Turcam mittuntur, multoties audiuisse se à Slauis illis qui circumcirca Constantino-polim degunt, quòd affirmant, se non aliunde eò venisse, sed ibi antiquitus mansisse. Ideo narrant se esse Venetos, vel Paphlagonas veteres. Indè fit quòd in Turcica domo lingua Slauonica passim hætenus vtuntur. Sicuti olim apud Aegyptios Soldanos temporibus Malmaluchorum eadem vsi sunt Aegyptii.

760. Constantinus à Bulgaris victus nobiles multos amisit.

763. Bulgari occisis principibus Zeletini ducem faciunt, qui graui bello à Constantino victus à suis occiditur, & Paganus ei sufficitur. Annal. Constant.

774. Imperator dolo Bulgaros inuadens magnam in eis cædem facit.

775. Imperator Bulgaros classe inuadens naufragium passus inglorius

inglorius recessit Annal. Eodem anno Thelericus Bulgarorum rex, astu proditores suos ab imperatore expiscatur, quos ubi cognouit, medios secuit.

784. Stauratius Patricius Slauinos in Thessalia & Græcia subegit.

789. Carolus nondum Magnus nec Imperator dictus Slauis Bohemicis, qui Vilzi dicebantur, bellum infert, eosq; conditionibus quibusdam iuris sui facit. Abbas. Hic idem paulò ante Magdeburgum Germaniæ nobilem ciuitatem ampliat, & hoc nomine donat, cum antea Parthenopolis diceretur. Ferè etiam istis temporibus Leo coronam Imperatoriam ex ecclesia Cōstantinopolitana cum raperet, & capiti imponeret, subito in capite eius enati carbunculi, & mox febre accedente valida, morte moritur. Hæc in annalibus Constantinopolitanis narrantur, qui ad annum hunc 814. perducti desierunt. Ex hac igitur historia aliquomodo interregna illa in historia Polonica possunt sarciri. Nam istæ narrationes collatæ cum historia regum Poloniæ, statum rerum nostrarum qui tum fuerit tam cum orientalibus, quàm cum occidentalibus Imperatoribus, illustrat & declarat.

LIBER QVINTVS,

in quo comprehenduntur ea quæ acta sunt in ijs terris à temporib. Caroli Magni, ad Otthonem Magnum.

P R O O E M I V M.

Continetur in hoc libro historia Regum Poloniæ, qui interiecti sunt inter Caroli Magni & Otthonis Magni tempora. Dixi autem supra, hunc omnium aptissimum ordinem ad memoriam iuuandam & fastidium ex lectione leuandum. Imperatoribus enim regnantibus qui Magni dicti sunt, magnæ aliquæ mutationes in Rebus publicis eveniebant, ut iam dictum est. Sic Carolo Magno imperante, Imperium Romanum translatum est à Grecis ad Gallos vel Francos, quod sanè absq; magnis motibus fieri non potuit.

LESCVS SECVNDVS.

Anno ab orbe condito

Anno à Christo nato

4765.

804.

Comprehendere volens in compendio historiam Lesci Secūdi, primò dicam de eius electione & inauguratione, mox quomodo se gessit in bello, tertio quis fuerit tempore pacis: quarto de eius exitu & morte,

b quinto

*Methodus in
describendis re-
bus gestis sin-
gularū regum.*

Lesci dolus.

quintò mores, & ingenium eius exponere vtile erit. Hanc enim methodum hæcenus seruavi, & deinceps seruabo. Lescio igitur mortuo eius nominis primo, ad præcludendas occasiones rixarum de principatu, inuentum fuit nouum genus electionis, nouum quidem genti nostræ, sed apud externos non inusitatum. Nam apud Persas cum Cyri regis stirps defecisset, inter Satrapas septem pactum fuit, vt cuius equus primū hinniret, is in regem eligeretur. Itaque Dario ex præfixa lege regnum obuinit, eò quòd equus eius primò hinniuisset. Cum enim suo magistro equorum modum futuræ electionis narrasset, eumque, vt arte & industria se iuuaret, hortatus esset, astutus Persa in eodem loco huic rei destinato de nocte equum equæ admisit. Ita dilucescente die equus Darii cum candidati processissent in campum, desiderans equam, primus hinnuit. Hoc forsan exemplum Poloni imitantes inter se fanciunt, vt duo equi duorum candidatorum in campum educantur, & vtrius equus cursu alterum superet, ille in regem eligatur. Res quidem periculosa initio visa est, negotium tanti momenti fortunæ et alegg committere, sed tamen ad sedandos & sanandos ambitiosorum animos valde apta. Itaq; ad condictam horam & locum educuntur equi extra urbem, Pradnicium versus, vbi & meta procurrentibus designata fuit. Agminatim spectatum vtriusq; sexus homines vrbe sese effundunt. Incitati sunt à carceribus equi. Sed Lescio consilio dolum adhibuit. Stylos namque ferreos sabulo inspergens, quæ equus antagonistæ currere debebat, abdiderat, vt quamuis cursu velocior esset, inter procurrendum subinde impeditus retardaretur. Ipse prudentem in se sorem habuit, quem ante submonuit, patrefacto consilio, vt via, quæ libera erat à stylis, equum duceret. Arrisit ergo fortuna Lescio, vt equus eius prior, metam attingeret. Sed mox subdolum consilium in eius caput recidit. Nam, detecta fraude, statim trucidatur. Non enim antiqui moris Poloni vafros ingenio, regali fortuna dignos existimabant, sed qui probitati prudentiam fortitudini animi iustitiam aptè cōiunxisset, hunc demum tantis honoribus aptissimum statuebant. Ne autem plebiscitum illud, in quo electionis illius formula continebatur, prorsus irritum fieret, eligunt regem quendam, cui nomen etiam Lesci imponitur, hominem plebeium & priuatum, qui tantum spectaculi causa vrbe exiuerat, cumq; illud par candidatorum cursu equorū decertaret, ipse quoq; per iocum pactus cum socio, vter ipsorum rex esset, pedum cursu incitatus apud procures obequitantes decertabat. Commendabant hunc Lescum dotes corporis, videbaturq; eis alter Hercules aut maxim⁹ Imperator. Nam non modò
pedum

pedum cursu socium cum quo pactus erat vicerat, sed etiam equites illos serio contendentes cursu pedum adæquarat, præterea opinio probitatis, prudentiæ, & animus nequaquam vilis & humiliter repens eum cōmendabilem reddebant, quæ omnia accuratè contemplantibus vel ipsa lineamenta corporis in eo significabant. Adde quod ipse primus dolum illum alterius Lesci deprehendens, nihil tale subesse putantibus detexerat. Igitur magno consensu & applausu cunctorum ordinum, sed potissimum plebis, quod ex plebeis oriundus erat, rex salutatur, Lescusque ut dictum est, nominatur. Euectus ad hos honores, dedit omnem operam ne opinionem de se conceptam falleret. Nam iustitiam cum probitate coluit, adeuntibus facilem, egentibus liberalem se præbuit, & si quos potentiorum vi & iniuriis premi audiret, statim se acerrimum vindicem, nisi ad saniores mentes redire vellent, interponebat. In cultu & victu corporis non fuit nimius, nisi si quando in publico dare aliquid splendori atque maiestati cogebarur, maximè exterorum hominum causa. Ut tamen prioris fortunæ non obliuisceretur pannos illos foelices & lacinias tunicæ, qua olim usus fuerat, præ oculis sibi appendi iussit. Quid multa? Nihil iuris in eum prius habuit illud vetus dictum. Asperius nihil est humili, cum surgit in altum. Cumque durius bellum sibi instare cum magno Imperatore, & peritissimo rerum bellicarum præuideret, omnem dedit operam, ut militem sibi exercitatissimum peritissimumque rei militaris redderet. Proinde quando ei aliquid ocii à rebus seriis dabatur, id in exercenda iuuentute consumebat. Martium campum exemplo Romanorum instituit, ibique varios ludos militares & simulachra conflictuum, qui in bello accidere solent, edebat. Quoque hæc maiore cum alacritate animorum agerentur, decertantibus honorifica præmia proponebat, quæ ipse in medio residens veluti agonothesia liberali manu singulis pro meritis distribuebat, neminem suis laudibus defraudando. Intelligebat enim optimus princeps fundamentum rei bene gerendæ in eo potissimum esse situm, si militem legionarium, non tyronem neque gregarium, aut agrestium turbam in aciem produceret. His igitur eius virtutibus planè regiis, Bohemi etiam inuitati, honores ei regio, modo non dedignetur, decernunt, precibus etiam additis. Quibus de rebus ubi ad Carolum Magnum perlatum est, audiens tantam huius regis virtutem, tantaque Bohemorum erga eum studia, veritusque eius potentiam, bellum ei ad Saxoniam fines confestim indicit, contraque eum Carolum filium cum exercitu præualido mittit. Sed Carolus cum reperiret, hostes & ducem exercitatum, & exercitum

Lescus secundus.

Lescus memor prioris fortune.

Expediit Caroli Magni contra Polonos.

*Polonorum
propensa no-
luntas erga Ro-
manos Impera-
tores.*

instructissimū habere, non ausus est praelio decernere reſ; infecta peruaſtatis modò finibus, inglorius domum rediit. Referunt quidam Leſcum hunc in ea expeditione occubiſſe. Sed iſti nullius autoris idonei teſtimonio id probant, niſi Abbatis. At Lechonem ille vocat, qui iam dudum mortuus fuerat. Refert tamen Sabellius Sclauorum, Polonorum, & Bohemorum, legatos Imperatori cum muneribus Aquisgranum tum occuriſſe. Nam maiores noſtri haud dubiè ea prudentia & modeltia præditi erant, vt licet fines ſuos conſtantiffimè propugnarent, tamen Imperium Romanum Dei opus eſſe agnoſcerent. Nec iudicabant foelices illos futuros, qui temerè manus nouandis rebus iniicere vellent. Interim potentiorum, principum, ſi quando arrogantius impeterentur, vim vi repellebant, Marobudi illius, regis Marcomanorum, ex Quadis ſeu Sarmatis oriundi exemplum imitati, qui Auguſti temporibus florebat. De quo ſic Velleius Paterculus memoriae prodiſit: Marobudus genere nobilis, natione magis quàm ratione barbarus, finitimos omnes domuit bello, aut conditionibus iuris ſui fecit. Diſciplinæ militaris exemplum ad formam Romanorum retinebat. Aduerſus Romanos ſic ſe gerebat, vt bello eos non laceſſeret, ſed tamen oſtenderet ſi laceſſeretur ſuper-eſſe ſibi vim, voluntatem & facultatem reſiſtendi. Hæc acta ſunt ab hinc annos circiter 787. poſtquam Imperii honores ad Gallos ſeu Francos transferri cœperant. In eadem enim tempora incurrit ingreſſus Caroli Magni Romam qui à Pontifice ad templū euocatur. Cumque in illa ſolennitate ducibus comitibusq; altantibus in throno conſediſſet, ad orandumq; ſe comparafſet, à Pontifice Leone niſperante tale Carolo, renunciatus eſt Imperator Romanorum, choro acclamante: Carolo Auguſto à Deo coronato Magno, & pacifico Romanorum Imperatori, vita & victoria. Dicitur Imperator offeſus ea re reſpondiſſe: Si hoc ſciuiſſem, nunquam in templum veniſſem. Volebat enim Imperator teſtatum, ſe ius imperii adeptum eſſe, non liberalitate Pontificis, ſed iure belli, & quod per tranſactionem cum Imperatoribus Græcis ius omne in eum deuolutum eſſet, Græcis omne ius ſuum, quod in Imperium occidentis habuerant, Carolo concedentibus.

L E S C V S T E R T I V S.

Anno ab orbe condito

4722.

Anno à Chriſto

810.

L E S C V S Tertius filius Secundi Leſci in nomen patris & regnum ſucceſſit. Multa hic bella cum finitimis geſſit, ac cum Imperatore Carolo præfertim. Qui cum audiſſet, quòd

quodd ex pactis & formula confœderationis, cuius supra meminimus, gentes linguæ nostræ veluti conspirantes contra eum adornarent bellum, ipse quoque pro remedio ad id ipsum, quo petebatur, confugit. Ideoq; inter illa tria regna celeberrima, hoc est Italicum, Gallicum & Germanicum, fœdus similiter conficit, ut ita conspirationi conspirationem, & confœderationi confœderationem opponeret. Itaque in tribus locis ferè eodem tempore gravissimum exoritur bellum, sed omnium maximum in Pannonia, quod octo annis duravit, ita ut Caroli exercitus isthic consenuisse dicatur: ad extremum reliquæ eius in Transsylvania domicilium sibi delegerunt, ibiq; sedes fixerunt. Horum esse posteritatem Germanos illos, qui in Transsylvania visuntur, pleriq; putant, ut affirmat prior editio Carionis, sed recenter editus Carion negat, potiusque eos esse posteritatem Gothorum illorum vetustorum ex coniecturis docet. Sed eo consilio hoc facere videtur, quod priorem sententiam mutavit, ut videlicet cunctis probatum faceret, id quod de veteri Germania ad Pontum Euxinum promulgare voluit. At omnes scriptores quicunque Gothos à Getis ortos esse tradunt, contrarii sunt huic sententiæ. Sed de rebus istis iam superius aliquoties disseruimus. Redeo iam, unde digressus sum. Dum igitur vtrinq; magno animorum ardore administratur bellum, aduenit & ipse Lescus adiutum suos gētiles Slauos, collatisq; signis, ut Dlugosus refert, prosperè dimicauit. In istis enim bellis semper nomen Polonorum cæteris celebrius fuit, quos velut præcipuos in hac confœderatione alii socii esse volebant. A celebritate autem huius fœderis manauit mos ille, ut Polonorum reges, Boleslavi, Mecleslavi, Venceslavi ab istis Slavis nomine composito denominarentur. Secundum bellum Carolo Magno fuit cum Sorabis ad Albim & Salam gente Slauica, quod vario Marte administratum fuit, nec tam facile finitum. Huc enim spectant peruaustationes & depopulationes, quæ secutæ sunt, quarum meminerunt scriptores. Blondus dicit & Bonfinius, eo tempore Albi & Salæ fluuiis præsidia contra Sorabiēses Slauos (sic enim loquitur) à Carolo Caroli Magni filio imposita fuisse viuentē adhuc patre. Vitichundus etiam bellorum meminit, quæ Francones Turingii & Saxones cum Slavis eius regionis incolis eodem tempore gessere. Sic & Crantius & alii. Einhardus autem Caroli Magni alumnus scribit, quod tum temporis Sala fluuius Turingios à Sorabis qui & ipsi Slavi erant, diuidebat. Carion verò volens ostendere Sorabos reliquias esse Sarmaticę gentis, etymon nominis Soraborum à nomine Sarmatiæ deriuat. Videntur igitur Vendæ isti Sorabi, &

Caroli confœderatio contra confœderationem Slauonicam.

Prima editio Carionis cum posteriore pugnat.

Secundum bellum Caroli Magni.

rabi, & Vilci adhuc cum Gothis ante Augustum eò processisse, & oram illam ad Albim subegisse. Vide Trithemium de bellis Gothorum ante Christi aduentum cum Saxonibus, aut cum Marobudo qui fuit genere Quadus, qui Senones, Augusto regnante, & alias nationes ad Albim armis & conditionibus iuris sui fecerat, interim Rhenum versus Sueuis, vt Suetonius narrat, ab Augusto translatis. De Marobudo vide Strabonem & Tacitum & Paterculum. Nam cur Dion Vandalicos montes vocasset ex quibus Albis oritur, si negatur Vandalorum istic fuisse sedes? Tertium bellum eiusdem gentis Slauorum, exortum fuit eodem regnante Carolo Magno, ad Orientem cum Nicephoro primo, Orientis Imperatore, quo tempore etiam Bulgari & ipsi Slaui Mysiam deuastarunt, exercitus deleuerunt, Imperator ipse necatus est, & amputato eius capite, cranio pro poculo ad bibendum vsus est Bulgarorum princeps. Missa erant etiam eò auxilia à Polono. Nam certatim cuncti Slaui tum temporis contra Imperatores laturos suppetias, tanquam ad extinguendum commune incendium vndique accurrebant. Non deterruit eos itineris longitudo, ac perinde eis erat ex Pannonia Constantinopolim ducere exercitum atque Occidentem versus ad ostia Albis, vbi Sorabi intrepido animo Carolo se opponebant. Redeo iterum ad res Polonorum. Lescus complures filios reliquit, exq; legitima vxore Popielum suscepit, penes quem summam rei esse voluit, nec prius cæteris possessiones attribuit, donec sacramento adacti promiserint ea omnia, quæ pater de Popielo & vniuersa herciscunda sua familia statuisset rata & firma se habituros, nec nouis dissidiis eius regnum turbaturos aut interpellaturos. Quod vbi illi fecerunt, ad hunc modum inter eos partitus est prouincias cum vrbibus.

*Lescus diuidit
inter filios regnum.*

FORMA DIVISIONIS PROVINCiarVM INTER
FILIOS LESCI TERTII, QUÆ DIVISIO RVINAM FECIT
MAXIMAM SARMATICI DOMINII.

Serbia cefsit Iaxæ. Mysia Vladislao. Zgorseletia, quæ nunc Brandenburgum est, Præmislo. Bogdano, Rugiani, Pomerani cum Casubiis. Vissimiria Vismaro, olim à Lechi ædificata filio.

*Sais, Daie,
Carmani.*

Lipa nomen arboris cum sit, prorsus miramur, quomodo flumini illi quod Rhenum est versus, inditum fuerit. Sed & Mysiæ vrbs celeberrima, quam nostri Lipsko vocant, eandem cognominis sui naturam & originem referre videtur. Si autem hæc incredibilia esse videntur, etiam illa videri debent quæ de Dais, Sais & Carmanis à scriptoribus Germanis memoriæ prodita sunt: pari enim fundamento nituntur. Nam si ideo veterem Germaniâ ad Euxinum
Asiam

Asiam versus excitare licet, quòd ab Herodoto ea de ora loquente mentio fit istorum nominum, certè Lechus Lecho & Lipa Lipe ita syllabis & literis est còformis, vt Dani Dais, Saxones Sais, Germani Carmanis, nec vtrisque fucus historicorum deerit, cùm Berrosus Sauromatarum fines vsque ad Rhenum, cuius ostia Lech vocant Germanicè, proferat. Sed quæ in statu coniecturali versantur, non sunt commiscenda cum iis, quæ de limitibus Imperii Sala & Albi temporibus Caroli Magni Blondus, Bonfinius, Vitichundus, & istis antiquior Einhardus Caroli æqualis memoriæ prodiderunt.

*Argumenta
quæ ab etymo-
nominum pe-
tuntur quo in
loco sunt haben-
da.*

LESCI TERTII CONSILIVM IN DESIGNANDO
SVCCESORE, EX DLVGOSSE.

Ex filiis Popelum in spem principatus liberaliter educatum successorem sibi viuens designauit, cæteris sacramento vt Popelo parenterent adaçtis. Occidentalem et maritimam oram omnem inter Al bim & Habelam fluuios ad Oceanum Sarmatias spectantem inter eos partitus est (alii vocant Oceanum hunc Germanicum) illud verò mare ad Iodanum, Oceanum Sarmaticum: sed quomodo Oceanum hunc vocent ipsi viderint. Nam Oceanus, qui non ambit continentem, Oceanus non est.

POPELVS SENIOR.

Anno ab orbe condito
Anno à Christo

4780.
815.

HÆ autem prouinciæ quomodo postea Germanicæ ditionis esse cœperint, & quo pacto à Polonorū regno auulsæ & abreptæ sint, inferius per occasiones dicemus. Sed certè ignauia successorum in causa fuit, quod Popeli filii Lesci exemplo mox comprobatum est, qui de se iudicio patris & expectationi minimè satisfecit. Nihilq; memorabile prorsus præstitit, nisi quòd sedem regiam Craconia Crusficiam transtulit. Oppidum illud est situm in ora Cuiaviensi inter paludes ad lacum Goplo. Cuius instituti multæ causæ referri solent. Sed illa potissima fuisse creditur, quòd homo meticulosi & desidis animi quæsiuit antrum, vbi remotior ab Hungaris & Germanis, remotior à fratribus, à quibus sibi cum primis metuebat, securius viueret, & à negotiis Reip. alienatus indulgeret ventri, & iis, quæ sub ventre sunt. Sed non diu animi proposito frui concessum ei fuit. Priusquam enim ad illam amplitudinem honorum euectus est, & fratribus visendi sui copiam fecit, in morbum incidit, ac ita demum non longè post lenta ægritudine & solitudine conseruandæ vitæ consum-

*Sedis regie
translatio.*

B 4 tus est.

tus est. Vsq̃ue adeo nihil est durabile in hac caduca & mortali vita, Verè igitur eum alloquitur Poëta noster.

*Succesſiſſe etiam patris te laudibus æquum,
Non tantum vitijs Imperioq̃ue fuit.*

DE MORE POPELI SE EXECRANDI, EX
MIECHOVIENSIS HISTORIA.

Morem se execrandi habuit Popelus vt ſæpiſſimè huiusmodi verba pronuntiaret, ô vtinam à murib⁹ corroderer, quod quanquam non ipſi, filio tamen eius accidit, vt referunt ſcriptores.

POPELVS IUNIOR.

Anno ab orbe condito
Anno à Chriſto

4792.
830.

*Popeli iuueni-
nilis ætas.*

*Prinata eius
vitia.*

Publica.

*Persona Pope-
li distorta.*

Vitis funeri Popeli ſenioris perſolutis, iunior concordī optimatum ſuffragio & patruorum aſſenſu in regem eligitur ac inauguratur, datoq̃ue & accepto iureiurando rerum potitur, cunctis ipſi ſe ſubiectos fore promittentibus. Et verè quidem dictum eſt: Non domus dominum, ſed dominus domum cohonestare debet. Sed Popelus Cruſſicium ignobile oppidum, inhabitans vita ſua etiam ignobili⁹ reddidit. Statim enim primum iuuentutis florem nequicijs contaminauit & ingluuie. Designati ei erant tutores, ſed puer perditiffimus arbitrato ſuo viuendo iugum eorum mox excuſit. Nihil iuuit eum autoritas procerum ei adiunctorum. Hæc conciliauit ei vxorem, ſed remedium ceſſit ei in deterius. Nam, quæ ante vitia contraxerat permanſerunt, & quorum adhuc expers fuit, veteribus noua adiecit: compotatio, choreæ, crapula, amplexus puellarum, cum æqualibus conſilia capere, in multam diem ſtertere, hæc iamdiu ei in vſu erant: porrò auaritiā, faſtum, crudelitatem hæc ab vxore Germana primū didicit. Adeoq̃ue prioribus ſuis quaſi priuatis vitijs publica etiam addidit. Decreta & honores vendere, diſtributiua iuſtitiam ſuſq̃; deq̃; habere, quos videbat conformes ſuis morib⁹. magiſtratus commendare, dignos & idoneos præterire, crudelitate principatum ſibi ſtabilire moresq̃; iſti in vſum ita iam abierant, vt, qui ſecus ſentiret, ab aſſentatoribus aulicis pro turbatore haberetur. Hæc autem omnia faciebat, vxore in eo vitia alēte & quotidie nutriente. Cum autem in eo præter has animi labes, etiam deformitas corporis appareret. (Fuit enim diſtorta facie, raro capillo, imberbis, improbo aſpectu) ipſa vxor eo deſpecto ad augendam rem priuatam ſeſe conuertit. Omnia munia regia ad ſe callidè & ſenſim attraxit, ita vt maritus rex quidem nominaretur, & pro rege ſe gereret: ſed

iuſtitia

iustitiæ administratio, fisci potestas penes vnam mulierem esset. Ideo vsus iam obtinuerat in aula eius, vt emergere nemo posset, qui vera virtute niteretur sed adultores, mimi, histriones, com-
 potores, lenones, vnicè ab eo colebantur. Indies autem iis vitiis in ea muliere inualescentibus cum Popeli patruī & alii boni viri ægerrimè talia ferrent, eiq; sese opponerent, creauit eis pericula, quodq; peius est, nouum & adhuc in Polonia inauditum consili-
 um de tollendis eis aggressa est, vinumque veneno medicatum eis propinat ac ita eos enecat, idq; non modò consentiente, sed etiam adiuuante, pro scelus, marito.

*Mores aule
Popeli depra-
uati.*

DE MORTE POPELI ET VXORE EIVS A

MVRIBVS ABSVPTIS EX ALIQVOT HISTORICIS.

Quanquam autem liuores corporum, & effusa præcordiis visce-
 ra, manifestum veneni indicium faciebant, nemo tamen indignum optimorum principum interitum apertè deplorare ausus est, me-
 tu tyranni. Sed non fuit inulta esse diu diuinum numen scelera. Nam ex cadaueribus putrefactis enati mures inusitata magnitu-
 dinis, impium parricidam cum scelerata vxore atq; liberis fugien-
 tem cum horrendis sibilis quoquo versus per aquam flammamq; persequuntur: nec claustra profunt aut abigentium satellitum præ-
 sidia. Ad extremum diffugientibus omnibus absumptis prius fili-
 is, deinde vxore, postremus ipse inæelix miserabiliter lenta mor-
 te consumitur in arce Crusicia. Ita non in casum ceciderunt patris eius imprecationes. Iuxta illud Poëtæ.

*Nam ter inie-
cto igne propel-
lere eos vole-
bant aule ser-
ui, sed non pore-
rant.*

*Narrat Mie-
chouensis Ar-
nolphum regē
Galliæ consumi
le quid olim
passum fuisse.*

*Est Deus est scelerum vindicta & pœna malorum
Vnde putes minime posse venire venit.*

Hæc euenerunt circiter annum 830. Vt autem priuata illa delicta priuata pœnæ, sic publica publicæ sunt secuta. Non enim hæsit in iis, quæ commemorauimus ultio Dei, grauiora sunt secuta: pestis fames & istis adhuc deterius interregnum turbulentissimum, quo non modò res Polonorum, in deterius verti cœperunt, sed vni-
 uersæ Reipub. Slauorum, status à summo illo culmine ad imum procumbere & labi cœpit. Nam mox deinde orientalium Slauo-
 rum exercitus trecentorum millium, vnà cum duce vel rege eo-
 rum Suedislao victus est, & rex ipse à Bossinis oppressus fuit. Bul-
 gari quoque, qui & ipsi Slauorum gens erant, per id tempus, aut non ita multò post à Basilio Orientis Imperatore magno prælio debellati sunt, & nouo crudelitatis exemplo, si modò in historico
 fides non desideratur, quindecim millibus captiuorum oculos e-
 ruit, in singulis tantum centuriis vno monoculo relicto, qui soci-
 is reuertentibus ad suos vnde venerant, dux itineris & monstra-
 tor viæ

*Slauonum Res
publica quan-
do cœpit colla-
bi.*

*Basilij Impera-
toris crudeli-
tas in Slauos.*

*slauorum occi-
dentalium disti-
dia.*

tor viæ esset. Hæc in oriente acciderunt. Ad occidentem verò, Historico Mutio referente, inter duces Polonicae siue Slauonicae gentis, filios existimo Lescii Tertii, quibus ad Albim flumen possessiones pater attribuerat, ciuilia bella secuta sunt, ita vt postea de principatu contendentes cum summa infamia Slauicæ gentis arbitrio extranei principis Ludouici Pii Caroli Magni filii rem totam subiecerint, coramq; eo strepitum iudiciorum experiri non erubuerint. Sed illa, quæ dicta sunt de Slauorum calamitatibus ad orientem posteriora fuisse existimo. Tempore nimirum interregni, de quo mox dicemus, aut regnante Piaſto, hoc est circa annum 860.

INTERREGNUM.

*Præuata studi-
a tempore in-
terregni.*

Interregnum hoc longius fuisse prioribus existimo. Durasse enim illud supra vigesimum sextum, vel septimum annum opinor. Nec difficile est coniectare deficiente rege, quæ & quanta mala statim obrepserint. Nam præter alia detrimenta, quibus hæc Respub. affecta est, illud sane non postremum fuit, quod inter se neminem inuenirent cum autoritate, cui concederent controuersia illius decidendæ munus, quæ inter Principes suos Germanos oborta erat. Igitur Francofurtum vsq; proficiscuntur vtq; causam cognosceret, Imperatorem appellant. Interim Germani ipsi nacti occasionem dum pro se quisq; ageret, fines carpere, prædas agere ex ipsis non desierunt. Quibus malis fatigati ac ferè non consumpti Poloni indicunt Crusficiæ comitia, ac tandem vt modus malorum illorum inueniatur, inter se deliberant. Sed ambitiosis magnas post se trahentibus factiones, vtque diutius interregni licentia possent abuti, rem totam corrumpentibus, infecto negotio disceditur. Duplicatur igitur malum, & prioribus maiora damna accumulatur. Quib. visis ii qui melius sentiebant, penè obstupescit diutius hæserunt, donec ab infirmis mediocres, & à mediocribus sublimiores partim probris, partim minis impellerentur, & extimularentur, vt priuatorum compendiorum obliti de creando quamprimum rege absq; mora consultarent. Itaq; necessitate compulsi comitia rursus eodem in loco id est Crusficiæ indicunt. Non deerant & tum maleuoli pestes Reipub. qui obliti communis parentis suæ, Reipub. inquam, secum minimè expendebant, quod publicis commodis neglectis, etiam priuata ægrè sustentantur. Et perrexissent haud dubiè isti vltius inflare simpliciores, & extendere in longum consultationes, quæ in medium adferebantur, nisi Deus præter opinionem ad eligendum Piaſtum

dum Piaſtum hominem plebeium mentes fluctuantium extimulaſſet. De qua re iam nobis dicendum erit. Quod autem non ita cito, vt boni viri deſiderabant, electus fuit rex, haud dubiè irascentis peccatis ſupremi numinis potentia obſtitit. Sed alia propior cauſa non latebat, prudētiores, nimirum, quòd modum eligendi futuri regis in promptu non habebant, qui modus quoniam hæcenus per ſeptingentos hoſce annos non eſt inuentus, licet aliquo modo delineatus, proſectò peccatis noſtris imputandum eſt. Et ſæpius bonos viros audio querulis vocibus deplorare hanc noſtram incogitantiam & ſecuritatem, qui experientia edocti ſapere tamen nolumus. Nec videmus grauiffimam iram Dei nobis hac de cauſa impendere, quam veluti in vagina patientiſſimè diu reconditam habet.

Cauſa cur tardè & difficulter regum electiones perficiantur & abſoluantur.

PIASTVS.

*Anno ab orbe condito
Anno à Chriſto.*

4804.
842.

REbus Polonorum laborantibus & ad interitum ſpectantibus Deus Optimus Maximus ſuccurrit, datq; regem illis oppidanum illius ciuitatis, nempe Cruſſiciæ, cui nomen fuit Piaſtus. Pater eius fuit homo tenuis fortunæ admodum, nec reperiēbatur quiſquam hominum, qui crederet, aliquando limen ædium eius tantos honores potuiſſe intrare. Et certè quicquid euenit, Deo eſt imprimis acceptum referendum, ſed ſi vltiora reſpicias, hoſpitalitas cum liberalitate ei viam patefecit, vt ſententia cunctorum idoneus ad capeſſendos faſces ampliſſimi regni iudicaretur. Cum enim eſſet homo priuatus non modò obuios quoſq; placidè & peramanter in ædes ſuas preſando recipiebat, ſed etiam optimatibus ædes & penus eius patebat, hoc verò cum alias tum maximè, quando comitia cauſa eligendi regis celebrabantur, faciebat. Comprobauit autem Deus tribus ſignis eius regnum: PRIMVM ſignum fuit miraculum non vulgare. Nam cum ex ingenita bonitate cunctis è penu ſuo & cella largiretur aſſatim, nullum tamen detrimentum nec diminutionem vaſa & penus eius ſenſerunt, quinimo quò largiore manu cuncta cunctis depromebat, eò largius ei omnia affluebant plenaq; nihilominus vaſa reperiēbantur, & maſtra deſita paſta redundabat.

*Liberalitas
Piaſti.*

Secundum eſt documentum regnum eius ex Deo fuiſſe, quòd poſteritas eius ſemel amplexa religionem Chriſtianam durauit fere quingentis annis vſque ad Cazimirum Magnum, quin ad extremum reliquiæ eius micant ad huc in progenie Teſnienſium Ducum in

Reliquiae posteritatis Piaſti.

cum in Syleſia & Bregenſium, Legnicienſiumq;. Fuit non ita pridem hic in medio noſtrū Anna filia Conradi Ducis Maſouiorum, cuius filia nupſit primò Ioanni Tarnouio, deinde Koſtkæ Palatino Sedomiriēſi qui ex ea duas ſuſcepit filias. Fœmina hæc fuit lectiſſima religionisq; cum primis ſtudioſiſſima, omnibusq; bonis meritò laudata. Diu ergo durauit poſteritas Piaſti, ſed & ipſe ad multos annos produxit vitam & regnum ſuum. Nam pro certo affirmatur, eum vixiſſe viginti ſupra centum annos, ſapienterq; ac clementer ſubiectos ſibi populos imperio rexiffe. Quæ res nobis pro tertio documento eſſe poteſt, eius regnum diuino fauore & auxiliò cœptum & ad extremum deſenſum fuiſſe. Fuit homo ſtaturæ mediocris, vaſti tamen corporis, figuræ vt loquuntur, quadratæ. Mores eius ſimplices, compoſiti tamen & amabiles. Hic ſedem Cruſſicia parricidiali ſanguine à Popelo deſœdata Gneſnam iterum tranſfert, ibiq; domicilium ſuum figit. Finis eius regni in annum 895. incidit, quo anno Slaui orientales, Vararius, Ruricus & Tubor ieciſſe fundamenta Kiouix ampliffimæ vrbis dicuntur. Porro eodem Piaſto regnante Lodouicus ſecundus Imperator ad occidentem ſedem tenuit, quo imperante Lodouicus Balbus contra Slauios bellum geſſit, eorumq; ducem Raſdlie dictum, vt H. Mutius refert, excecauit. Imitatus ſcilicet tyrannide Baſilium Imperatorem orientis, qui ſimili quoq; poena exercitum Slauiorum, vt ſupra retulimus, affecerat. Hæc de Slauiſ ſolemus aſcribere, vt exordium & progreſſus regni Slaui, & quibus in rebus regno Poloniae conferri poſſit, melius conſpici queat.

ZIEMOVITVS PRIMVS.

Anno ab orbe condito

Anno à Chriſto nato.

4857.

897.

*Suatoplugi
mors.*

Piaſto filius ſucceſſit Ziemouitus, qui antea patri ſupra modum ſenio conſecto veluti ſocius regni adfuit. Hic cum eſſet impigro animo, ea quæ erant Popelonum negligentia amiſſa, recuperare ſatagit. Nec eius conatibus fortuna deſuit. Slaui enim tunc meridionales duce Suatoplugo ex Pannonia & Morauia progreſſi Germaniam vehementer afflixerant, contra quos Arnolphus Imperator Hungaros euocat, qui Slauios proſtigarunt, & Suatoplugum regem eorum, qui recens Chriſtianam religionem amplexus erat interfecerunt. Sed rursus cum eis merita ſtipendia Imperator non perſoluiffet, cōuerſis animis iram ſuam in Germanos effundunt, magnaq; clade afficiunt. Dum igitur iſti vario Marte inter ſe decernunt, Polonus occasione naſta, ſua de

fua de Morauis facilè recuperat, præsertim cum Suatoboius filius Suatoplugi per ætatem rebus labentibus succurrere non posset. Atq; hic est ille Suatoboius, qui Methodium Slauorum primum apostolum supplicio affecerat, & ob id Diis & hominibus inuisus in auia & syluas concesserat, tandem in monasterium se abdens, pœnitentiam agendo, finem vitæ suæ & regno Slauonico in Pannoniis & Morauia imposuit. Lætus hoc successu Ziemouitus rursus ad occidentem exercitum contra Prussos & Popelonidas, qui iam magna ex parte ad Germanos defecerant, exercitum duxit, iis quæ domitis, & à Prussis rebus & prouinciis vindicatis, placidè animam efflauit. regnauitq; triginta duos annos. Habemus iam historiam complectentem finem regni Slauorum Pannonicorum. Sub idem etiam tempus Constantinus Monomachus Orientis Imperator dicitur Roxolanos Slauos nauali prælio vicisse, & reliquis eorum Bosnæ domicilium dedisse. Bohemici etiam regni conuersio facta est sub illud tempus in Thasillo rege. Vandali etiam & Sorabi occidentem versus ad Germanos magna ex parte transITIONem fecerant. Soli Poloni Dei beneficio, qui erant præcipui tutores illius confœderationis Slauonicæ, intrepido animo usq; ad eam diem ac deinceps permanserunt. Et licet res eorum Germaniam versus accisæ sunt dissidiis Ducum, qui primo à Lesco Tertio, deinde à Boleslao Criuoustio oriûdi erant, tamen postea cum foenore septemprionalibus prouinciis aucti detrimentum acceptum refarciuerunt.

suatoboi exitus & regni Pannonici periodus.

Bosnenses sedes fixerunt.

Slauonica cunctæ gentes attrite, Polonia excepta, quæ fuit præcipua tutrix Slauonicæ confœderationis.

LESCVS QVARTVS.

*Anno à condico orbe
Anno Christi*

4854.
902.

Hic princeps merito inter bonos gubernatores numerari debet: sed oblitus superiorum regum antecessorum suorum, qui Slauonicæ confœderationis præcipui tutores videri volebant & reuera erant, principibus Slauonici nominis, qui ripas Albis spectabant, cum grauissimo vrgerentur bello ab Imperatoribus Romanis, ferre auxilia neglexit. Itaq; à rege & tutoribus cum opem frustra implorassent, seruiantes temporis tributum pendere coacti sunt, vnde factum est vt Sgorzelecia siue Brandeburgum in Germanorum ditionem cesserint. Commemoratur hîc à quibusdam atrox prælium ad Lachninum, in quo gentis Slauonicæ ad bis mille periisse dicuntur. Commemoratur & aliud Lesci bellum sociale contra Pomeranos. Nam etsi Lescus fuit princeps ocii quàm bellicæ gloriæ amantior, tamen ne dominio maris prorsus

c

*Dominium ma-
ris plurimi fa-
ciebant veteres
Poloni.*

ris prorsus excluderetur, cum alias prouincias viciniore Germa-
niæ defendere neglexisset, hanc tamen negligere nequaquam vo-
luit. Vsq; adeo tum Poloni magnificiebant possessionem maris, &
nauigationum commoditates, vt mallent multorum ducatum,
qui regno conferri possunt, & infinitarum vrbium & vicorum ia-
cturam pati, quàm se à maris dominio excludi & nauigationis com-
modis priuari. Tenebant enim omnium veterum hominum con-
siliū, q̃ insulas & littora maris libentiùs occupabāt: quod à Ger-
manis vicinis nostris sedulo obseruari hætenus videmus. Nunc
malum⁹ campestria curare, agros stercoreare, arare, occare, & quæ
magno sudore & labore congesimus, aliis distrahenda cum ma-
gno damno & infamia nostra, permittere. Maximi tunc motus in
tota Europa insurrexerunt. Nam translatio Imperii à Francis &
Gallis ad Germanos magnos secum tumultus & bella trahebat.
Sub id etiam tempus, Bohemis regnum abrogatum, Slaui vicini
Albis ripæ ad Germanos defecerunt. A Germanis præfecturæ li-
mitaneæ institutæ sunt. Marchia Brandenburgensis Henetis opposi-
ta est. Contra Sorabos Marchia Landsburgensis. Contra Polo-
nos Syllesios Marchia Mysnensis, contra Danos, Marchia Schleui-
censis in Cymbrica Chersoneso. Necesse est igitur Lescum fuisse
synchronum Ludouici quarti, & Conradi vltimi, qui prodiit ex
prosapia Caroli Magni. Ac fortassis etiam attigit annos tempo-
rum Henrici Saxonis q̃ Auceps dictus est, cui hoc inuentum insti-
tuendorum Marchionatuum tribuitur. Fessa enim Germania con-
tinuo bello cum Slaus, cum de defensione limitum deliberaret,
minus incomodum visum est defensores limitum seu Marchiones
constituere, amplis prouinciis eis attributis, quàm, vbi datum si-
gnum esset de aduentu Polonorum, totum Imperium commoue-
ri, aut saltem sumptibus totius Germaniæ ingentes exercitus in fi-
nibus contra illorum incurfiones alere.

*Marchionatu-
um institutorū
fuit.*

ZIEMOVITVS SECVNDVS.

Anno à condito orbe

Anno à Christo

4883.

921.

PAuca admodum de rebus gestis huius regis traduntur, &
ferè omnia in historia Miecislai filii eius comprehendi
poterant. Vt tamen filum historiæ non abrūpatur, & chro-
nologica ratio dilucidius explicari possit, non piguit huic etiam
principi suam paginam attribuere. Hoc enim vel ob id iurè à no-
bis illi debebatur, quòd nobis procreauerit filium Miecislauum il-
lustrem principem, cuius auspiciis Polonia Christo nomen suum
dedit.

dedit. De cuius miraculosa à cæcitate sanatione, in qua natus erat, historiam prætereo. Neque enim mei instituti est, ea, quæ alii prolixè & eleganter tradiderunt, repetere, aut cum eis stylo contendere. Satis me functum officio putabo, si originem veram nostrarum gentium explicauero, huicq; explicationi ex subsequenti historia, quam tradiderunt Chronologi nostri eiusque circumstantiis lucem adiecero, præteritaque cum consequentibus quàm aptè & concinne sibi cohæreant, demonstrauero. Ideo & vicinorum res sæpe cōmemoramus, & quæ interea tam ad occidentem quàm ad orientem euenerunt, atteximus, vt compositis componendis, totum corp⁹ historiæ quàm solido fundamento nitatur cerni queat.

Institutum auctoris.

Anacephalæosis historiæ Slauonicæ.

Resumens res actas à Lescione Secundo vsque ad Miesconem, sub quo Polonia Euangelio nomen suum dedit, hoc est, à Carolo Magno vsque ad Otthonem Magnum Imperatores Romanorum per 140. annos.

805. Lescus Secundus cum exercitu Caroli Magni dimicat, & in pugna illa occumbit, vt quidam affirmant: sed id nullius idonei auctoris testimonio comprobant, nisi Abbatis, qui tamen non Lescum sed Lechum hunc Slauum nominat. Notum est autem ex historia, quæ præcessit, Lechum ducentis annis ante morte naturali ex hac vita decessisse.

807. Hoc anno cum Chumoid dux Rhodum vastaret, asserunt eum à diuo Nicolao naufragio punitum, vnde mos canendi inoleuit: Sancte Nicolae, tu nos ad portum trahe. sed hoc tempore de nullo sancto Nicolao quidquam legimus. Forsan igitur hæc reiicienda sunt in aliud tempus.

809. Hoc anno, mense Augusto, Nicephorus Constantinopolitanus Imperator, contra Persas bello infelicitè gesto, in Bulgaros mouet, emuncturus ab eis argentum, quo pactam pecuniam dissolueret. Sed acie victus & cæsus est, cùm imperasset annos nouem. In eodem prælio Stauratius Nicephori filius vulnus accepit.

810. Bulgari ad Strimonem fluuium Romanos vincunt, multosque eorum duces occidunt, Sardicam capiunt. Volunt autem Bulgaros dictos à flumine Bolga, quasi Roxolanos Volgæ accolas.

810. Hoc tempore in Polonia Lescus Tertius regnabat.

Lescus tertius.

812. Michæel Curoplates cognomento Rangabe Imperatorem infelicitè aduersus eosdem Bulgaros gessit; ita vt postea desperatione ductus in monasterium se abdiderit vnà cum filio. In eo prælio robur exercitus Romani periit, qui auxilio Græcis venerat. Periit

rat. Perit & Asbaldus dux copiarum viuis igni crematus ab hostibus. Qui tunc etiam Bosnam, Dalmatiam, & alias regiones vsq; Iustinopolim metropolim Istriae Italicae prouinciae, quae nunc Venetis paret, dominio suo subiecerunt. Volebat tum Algimundus rex Logobardorum illa vrbe eos depellere: sed & hunc cum exercitu ad internecionem propemodum deleuerunt, ipsumq; interfecerunt. Vnde postea Epeirum (Albaniam nunc vocant) totamq; maritimam illam oram Imperio suo adiecerunt. Vocantur nunc illae vrbes, Iablaniec, Suuatigrod, Iaice, Lyfa, Mokra, Bielogrod, Dobra, Kroia, &c.

*Finis annalium
Constantinopolitaneorum.*

814. Leo Armenius Imperator Bulgaros magnis cladibus affecit. Iam hic annales Constantinopolitani deficiunt.

821. Michael cognomento Balbus Imperator ex Amorio Phrygiae oppido veritus fortunam Bulgarorum cum eis triginta annos inducias pepigit, eorumque opera Thomam, qui affectabat imperium, profligat, captumque brachiis & pedibus truncatum interemit. Haec & sequentia acciderunt Popelo seniore in Polonia regnante.

Popelus Senior.

Historiae difficultas & perplexitas istis temporibus.

823. Hoc anno H. Mutius refert duos fratres Slaeonicae gentis de principatu paterno coram Lodouico Pio Imperatore Francofurti contendisse, quodque is minori natu regnum detulerit, subditis hunc praeferebantibus, & ad regnum inuitantibus. Conqueruntur hic scriptores Germanici de difficultate historiae temporibus Caroli Magni & laborant in inuestiganda annorum supputatione; sed & Polonicis idem accidit. Dubitant enim quot annos Lesco primo & secundo tribuant. Tandem ex autoritate H. Mutii finem vitae Lesco tertii in annum 823 reiciunt. De qua re consule D. Cromerum in historia eiusdem Lesco tertii. Aliud dissidium emergit de aetate Suatoplugi illius clarissimi Pannonum regis. Quidam enim ad annum 744. referunt, quidam vero eum circa annum 808. periisse tradunt. Sed de hac re in Ziemouiti historia latius.

824. Hoc anno Bulgari ad Lotharium Lodouici filium Imperatorem occidentalem Aquisgranum comitia habentem veniunt rogatum ut inter Francones & eorum ditiones terminos definiat. Abbas autor.

828. In Vasconia in Galliis quiddam pluit de coelo frumento simile. Annotant autem scriptores Vasconiam olim Rutheniam vocatam fuisse, esseque Vascones reliquias Russorum qui cum Gothis & Vandalis Galliam & Hispaniam penetrarunt. Sed alii negant Russos Ruthenos debere dici. Hoc vero eo consilio faciunt, ut hominibus probent Russos nouam gentem esse in his regionibus, nec an-

bus, nec antecessisse illa tempora, quando ex Roxolania in Poloniam huc venisse Slauos, Germanis pulsus, persuadere volunt. Hactenus indiscriminatim Ruthenos & Russos Rascios vocarunt. Sed de iis rebus postea.

840. In hunc annum incidit interregnum illud post obitum Popeli iunioris regis Poloniae, quando aliquoties comiciis habitis ob priuata studia & domestica odia, nouo rege non creato, proceres discessere. Et nisi Deus collabenti Reip. adiutricem manum suam supposuisset, actum fuisset de rebus nostris.

845. Michäel Theophili Imperator cum Bulgaris pacem facit reddita regi sorore, quam bello Græci ceperant. Hæc cum esset in Christiana religione rectè instituta, persuasit fratri ut pro ethnica Christianam fidem amplecteretur. Hac occasione Bulgari peruenerunt ad cognitionem Christi. Et mirum est quo pacto ad eam rem adiecerunt animum inter illa dissidia acerbissima de imaginibus, quæ maximè hoc tempore vigeant. Nam quas Theophilus Balbi Imperator qui hunc præcesserat confringendas curauerat, easdem filius eius Michäel Theophili restituerat, reuocatis ab exilio Episcopis qui pro imaginibus retinendis pertinacius patri sese opposuerant.

Dissidia ob imagines in tēplis.

856. Russi classe ad pontum Euxinum comparata, primùm in limites Græci Imperii irruerunt, sed res eis non successit. Hæc ex historia Constantinopolitanorum annotantur. Nam quæ Russorum Annalistæ annotant, de tempore non conueniunt, ut suis locis annotabitur. Hoc tempore etiam annotant Russos in ita pace cum Imperatoribus, regionem illam occupasse, ubi Triballorum sedes erant. Hæc demum Rascia est appellata. Nostrum vocant Racouie.

860. Annotant hoc tempore, hoc est sub finem regni Piaſti, Lodouicum Lotharii filium prosperè pugnasſe cum Slauis, principemque eorum Raſtiz ob rupta fœdera exoculaſſe. Nomen ipsum Rascia Germanisatum indicat fuisse vnum ex illis posteris Lesci tertii, qui iam ad Germanos defecerant ob eam causam, quod circa inaugurationem Popeli eorum ratio non fuit habita, sicuti sperabant.

Raſtiz principis Slauorum

859. Nicolaus Pontifex plurimum elaborauit, ut Bulgaros ad fidem Christianam orthodoxam & obedientiam Romanæ ecclesiæ missis legatis viris idoneis, reduceret. Qua in re morem gesserunt Pontifici. Nam eiectis Græcis sacerdotibus qui vocabantur Fortiniani, à quibus antea in eorum sententiam pertracti erant, partes Romanæ Ecclesiæ secuti sunt. Ac eorum conuersionem re-

*Slavi Sarace-
nos vincunt.*

centem Deus gloriosissima nomini Slauonico victoria obsignauit, statim enim post suam conuersionem, cum audissent Saracenos Gallias vastasse, Hispanias debellasse, iamque in Italiam pedem inferre & Garganum montem in Apulia tanquam arcem belli occupasse; illi nil morati classibus & copiis comparatis voluntarie terra marique eos aggrediuntur & oppressos contrucidant. Scribunt ad triginta millia iugulatos fuisse ex Saracenis. Nam euadendi occasio eis præcisa fuit, cum eorum triremes & naues antea mirando artificio, igne Græco aquas nihil timente eis inimisso, absumptæ fuissent.

861. Ab hoc anno Russorum gens annales suos de conditoribus suis auspicatur.

*Origo equi quæ
pro insignibus
Moschorum
Dux gerit.*

861. In hunc annum etiam expeditio Russorum illa, de qua multa magnifice prædicantur, refertur. Ferunt, tunc eos classe instructissima comparata, Constantinopolim Duce Olechone petiisse. Vbi post obsidionem urbis arctissimam Imperator auxiliis subsidiariis destitutus in gratiam Olechonis confugit, eisque fauorem ingentibus donis aucupatur. Placatus igitur Olechus mutato consilio obsidionem soluit, ac in memoriam eius expeditionis, arma sua, equum currentem clypeo insculptum, quo hætenus pro insignibus Magnus dux Moschouitarum utitur, ad portam appendit, qui hætenus depictus in eadem porta, quam Galatinam vocant Constantinopoli visitur, & à Constantinopolitanis inter antiquitates urbis illius aduenis monstratur. Originem signi istius ad equum, quo plurimum hic Lechus delectabatur, referunt, dicuntque, fatidicos Russorum Kiouiensium huic Duci paranti se ad bellum denunciasse, eum eoque superstitem mansurum, quo ad equus ille superstes esset, sed equo mortuo, & caluaria eius ad pedes abiecta cum vatum illorum artem friuolam traduxisset his verbis: Vtinam verò Sagis idem fatum accidat, quod meo equo: Ecce interim, dum cranium pede protrudit, dira vipera ex eo profilit, & pedem eius lædit, quo vulnere accepto, breui contabuit & expirauit. Hæc Annalistæ Russorum annotant, quos Lato-
pilos illi, id est per annorum seriem historiam ducentes lingua sua propriè admodum vocant.

*Annalistæ Lato-
pisi dicti.*

862. Circa hæc tempora Slavis etiam in Moravia Euangelium à Cyrillo annunciatur, autore Michæle Imperatore Constantinopolitano, adhuc superstiti Pïasto, sed sene iam tum admodum. Non est autem existimandum hæc dici de illo Cyrillo Hierosolymorum episcopo, qui aliquot ante sæculis Iuliani Imperatoris temporibus floruit, seu de illo Alexandria episcopo, qui Theodosio
iuniore impe-

iuniore imperate vixit, & aduersus eundem Imperatorem Iulianum scripsit, sed de quodam alio, de quo magna erat opinio, gentili Slauorum, quem Pontifex vna cum Methodio Romam euocauerat, quod eos moneret, quo pacto erga gentem istam se gerere deberent. Ac inter colloquendum cum Pontifex quodammodo expositulasset cum eis, quod absque ipsius consensu lingua vulgari Slauonica sacra tractarent, Cyrillus respondisse fertur adducta sententia ex Psalmis Dauidicis: Omnis spiritus laudet dominum, & omnis lingua confiteatur ei. Ac cum multi multa in hanc & in illam partem disputarent, atque eam quaestionem sedulo versarent, tandem communi assensu itum est in hanc sententiam, vt Slauicae gentis hominibus, ob linguae illorum latissimum per varias nationes & dialectos vsum, patria lingua liceret sacrum peragere. Cuius moris vestigia paulo ante patrum nostrorum memoriam in suburbio Cracouiensi in templo sanctae Crucis extabant, sacerdote istuc populari lingua sacrum peragente. magistratu id non modo ferente, sed etiam autoritate sua & legibus illam institutionem protegente. De hac re lege Aeneam Syluium in Chrono. Polon. libro primo, capite decimo tertio. Permanserunt nostrae gentis homines in fide Christiana ad hunc vsque diem. sed Bulgari offensi quibusdam institutis ecclesiae Romanae praeulerunt Constantinopolitanam sedem, cui vna cum Russis haecenus parent, & obediunt.

869. Basilius Macedo Imperator Orientis Russis iterum nuntantibus in religione Christiana persuasit, vt penitus valere iussu Ethnismo, religionem Christianam sancte & constanter colerent.

886. Leo Philosophus dictus Bulgaros, cum pace violata deficere coepissent, suis & Turcorum armis confusus repressit. tamen postea eundem licet Philosophum simulatae pacis conditionibus delusum ex improviso circumueniunt, & magna clade afficiunt. In hac historia fit prima Turcorum mentio.

Prima Turcorum mentio.

906. Ziemouito apud nostros, Constantino Leonis f. in orientali Imperio regnate, Bulgari quaternis expeditionibus urbem Constantinopolim obsederunt. Adrianopolim bis coeperunt, & diripuerunt. In vltima expeditione, Thracia peruastata, in Macedoniam vsque penetrarunt.

Habes hic historiam Slauonicam per annos centum quinquaginta, ex qua & res gestae Polonorum illustrari possunt, & interregna, quibus historia nostra claudicat, suppleri. Ad haec quae gens stirpis Slauonicae vbi haerit, & quo tempore, cognosces. Nam alio tempore Croatae, alio Rascii, Bulgari, Sorabi, ingreysi variis occasionebus, occuparunt terras sub cognatis suis, aut Pannoniis

c 4, aut Dalmatis

Disputatio Cyrilli cum Pontifice de vslin gue Slauonicae

Slauorum nomen non esse ab vna gente vel vrbe, nec à stagno deductum, vt quidam putant.

aut Dalmatis aut Illyriis. Quod si cui plus ocii & virium suppetere, posset eam historiam, nostram methodum sequendo, locupletare. Et faceret hoc plurimum ad illustrandas res nostrarum gentium. Probatur autem mihi illud argumentum eorum, qui affirmant Slauos non esse dictos ab vna gente aliqua, aut ab vrbe, aut à stagno, vt quidam scriptis prodiderunt. Neque enim ex æquo omnes hoc modo se eodem cognomine appellari passi fuissent. Multò minus audiendi sunt illi, qui verbositatis vitium genti nostræ ex hoc cognomine Slauorum affricare volunt; quorum vanitatem hac in patre irridere, est satis confutare.



LIBER SEXTVS,

in quo comprehenditur historia regni
Poloniæ, à temporibus Otthonis Ma-
gni vsque ad Cazimiri Magni Regis
Poloniæ tempora.

P R O O E M I V M.

Assignavi & posui terminos Historiæ huius præstantissimos illos sex Principes, qui Magni sunt dicti. Et iam confecimus historiam Regum, qui interiecti erant inter tempora Caroli Magni & Otthonis Magni. Restat perficiendum à temporibus Otthonis Magni ad Cazimirum Magnum, hoc est, per annos 290. Tunc enim rursus Imperium à Gallis ad Germanos translatum fuit, tunc Hungari duce Geisa magnos motus ediderunt, tunc Poloni & cum his Panmonij aliæque Slauonice nationes religionem Christianam sunt amplexæ. Iamque appetit finis millenarij ab aduentu Saluatoris.

MIECISLAVS SENIOR.

Anno à condito orbe

4924.

Anno Christi

962.

Anno post aduentum Lechi in Poloniam

415.

Anno post Cracum & Cracouam restauratam.

265.



Erè dictum est: Conueniunt rebus nomina sæpe suis. Mieciſlaus enim iuxta noſtræ linguæ proprietatem, perinde ſonat, quaſi dicas Gladio laudem acquiſiturus. Atqui hic reuera gladio ſibi laudem quaſiuit. Nam & pri-

Nam & primus nostrorum regum & summo animi ardore amplexus est verbum Dei, quod gladius à spiritu Dei vocatur præacutus, & suscepta fide Christiana, è vestigio hoc ipso gladio omnia idola gentilicia iugulauit, confregit ac ex fanis ethnico more instructis eiecit. Merito igitur hoc nomen est sortitus. Commeruit profectò hac de causa laudem immortalem, & inter omnes reges Poloniae, quotquot erunt, veluti fidus radians refulgere debet, ac ut Cicero de Poëta Homero dicebat, quod ille Græcos & Troianos Achillem, Aiace, Hectorem, Æneam dimicantes præliantesque ita viuis coloribus depinxit, ut cum ipse esset cæcus & visu orbatus, nos qui videmus, & oculis præditi sumus, videre fecerit, idem de hoc rege merito dicere possumus. Nam cæcus & hic erat natus, sed ita, ut nos, qui videmus, & oculis præditi sumus, videre fecerit arcanum Dei consilium de gubernando & liberando genere humano. Nec modò ipse tam masculo animo hoc gladio contra Satanam dimicauit, sed & subditi eius, (ut verè dictum sit: Regis ad exemplum totus componitur orbis) exemplo domini moti, & testimoniis verbi eruditi ita in Euangelio profecerunt, ut inter sacra sacerdote Euangelium clara voce recitante strictum gladium è vaginis educentes sursum attollerent, nec prius recondiderent, quam recitatio euis finiretur, quo ritu proculdubio innuebant se & totam gentem Slauonicam ita acres defensores Euangelicæ professionis futuros, ut mallerent quiduis perpeti, vitam & opes suas profundere, quam sinere vnum apicem ex mandatis Euangelicis sibi è manibus eripi. Hinc est quod Bulgari & ipsi Slauones circa annum octingentesimum quinquagesimum nonum, baptismo iam accepto, cum audissent triste nuncium, Christianos eorumque loca à Saracenis in Italia ferro & igne absumi, atque vastari, statim coacto exercitu in Apuliam transfretarunt, & in Gargano monte cum Saracenis ita atrox prælium commiserunt, & sua pectora pro incolumitate fidei ita opposuerunt, ut triginta millia interfectorum prostrauerint, exceptis iis qui fuga dilapsi erant. Sic & Poloni post susceptam religionem primo duce Mieciſlao deinde filio eius Boleslao Chobri multa insignia facinora ediderunt. Nam Borussi, Pomerani, Iazyges, Samgitæ, Liouones & aliæ gentes armis eorum edomiti nomen suum Christianis adiungere coacti sunt & quod postea Cruciferorum ordines introducti, & expeditiones Principum Germaniæ, Regum, & Imperatorum ipsorum cum magnis impensis dubio Marte belligerando præstare vix potuerunt, hoc illi officium summo cum ardore pro Christianis adimpleuerunt. Ex hoc ergo eorum feruenti animo ap-

Homero cæco
confertur Mie
ciſlao.

Circa Euangelij
recitationē
inter sacra gla
dios euagman
bant clari.

*Euangelici qui.**Disidia in reli-
gione Christia-
norum deple-
rantur.**35. annos Mie-
cislaus regnat.*

ti animo apparet ipsos fuisse verè assecclas Christi domini, merito-
que Euangelicos appellari debere, quandoquidem eos non pu-
duit Euangelii, ita vt & signis, id quod erant, designare, & quod
signa significabant, re ipsa præstare contenderint. Hæc ideo liben-
tius recito & commemoro, quia hodie proh pudor & dolor, pes-
simo exemplo, Christiani populi inter se diuisi ita infestis animis
de quæstionibus legis dimicant, vt putes fideles cum gentibus, cir-
cumcisos cum incircumcisis, Turcos cum Christianis de summa
rerum dimicare. Et cum vtraque pars magno consensu vnâ con-
fessionem fidei retineat & confiteatur, hoc est, tria orthodoxa
symbola, tamen ita implacabili odio alii contra alios feruntur, vt
Euangelici Catholicos, & Catholici Euangelicos conuiciis mu-
tuò afficere, & non sine opinione quadam contumeliæ, nomini-
bus ipsis Catholicorum & Euangelicorum alteri contra alteros
abuti non desinant. Et tamen sicut Catholicorū nomen quod hæ-
resi opponitur, fuit & est maximi faciendum, ita Euangelicorum
etiam in pretio semper fuit. Apparet certe maiores nostros, vete-
res inquam Polonos, hoc nomen adeo non erubuisse, vt etiam,
dum à sacerdote Euāgelium recitaretur, omnes se nudato capite
erigere, & quemadmodum dictum est, gladios e vaginis expedi-
re pro magna laude duxerint, imitati scilicet exemplum Constan-
tini Magni, qui codicem Euangelii sibi præferri publicè volue-
rit. Et Paulus Apostolus vas electionis palam de hoc cognomine
gloriatur, inquiens: Non pudet me Euangelii. Sed iam ad histori-
am redeo. Cum igitur Miecislus ad Deum se conuertisset, Deus
etiam ad eum se conuertit, ei que successum in rebus gerendis de-
dit. Nam & Russos cum ei bellum ciuile mouissent (pro cognatis enim à nostris agnoscebantur) coërcuit, & Bohemos regem su-
um agnoscere nolentes, quod esset puer, ad officium reuocauit.
Regnauit que triginta quinque annos prosperè & satis foeliciter.
Ergo hic princeps verè gloriam Slauonici nominis consumma-
uit, dum non modò regna & prouincias ad eorum imperium adie-
cit, sed & Satanam, ne tantum sibi contra eos virium sumeret, re-
pressit. Tunc enim regnum Dei vim magnam patiebatur, iam Bul-
garis, iam Pannoniis, iam denique Bohemis & Polonis regnum
Dei intrare contententibus certatimque fidem Christianam am-
plectentibus.

HISTORIA DE HOLHA IMPERA- TRICE RVSSORVM.

Ad Miecislai tempora referendum puto ea quæ Russorum Chro-
nicarii de sua Holha vel Helena narrant. Fuit hæc foemina lectis-
sima, & mari-

sima, & mariti supra modum amans. Cum enim Dreulani, id est
 populi qui Syluestrem regionem inhabitabant, maritum eius tru-
 cidassent, hanc iniuriam stupendo ausu ulta esse fertur, cuius stra-
 tagematis nec in Gercorum nec in Latinorum historia quicquam
 simile legimus. Primò igitur quos potuit comprehendit & viuos
 terra defodit, alios igne circumiecto cum in balneis se lauarent,
 combussit. sed nondum satiata tali ultione, urbem eorum admo-
 dum arcta obsidione cinxit, & pressit. Cum autem ea potiri non
 posset, erat enim partim naturalis loci & rerum opportunitate, par-
 tim industria humana insigniter munita, ad scemineam astutiam
 decurrit. Misit in urbem tali cum legatione oratores suos: Iam in-
 quit satis indultum est iræ, iam ad facieratem satis superq; ulta sum
 mariti necem, à vestris tamen munitionibus statui non discedere,
 donec tributum mihi contuleritis, quod quidem perexiguum
 erit, nimirum ut vicatim detis mihi & ad castra mittatis ternos co-
 lumbos & ternos passerulos ad redimendas vitas vestras, & ut hoc
 pacto testemini me esse legitimam Imperatricem oræ septentrio-
 nalis. Suscipiunt conditionem obfessi, nec mora mittunt ei aues,
 quas exposcebat nomine tributi. At illa ellychnia pice illita & sul-
 phure, insuper fomite adiecto iussit illis columbis & passerulis al-
 ligari & rursus in æra dimitti, quod ubi factum est, quælibet avis
 ad aedes ubi nidum & domicilium habuit è vestigio reuolauit, e-
 xitium toti vrbi ferens. Nam ubi in suis nidis confedere, ignis sta-
 tim & incendium vrbis in mille locis simul & semel ab ellychniis
 illis alligatis exortum est, atque ita tota vrbs intra paucas horas
 in cineres & fauillas redacta est. Mox igitur auditur clamor ciui-
 um & eiulatus mulierum & lactentium, discurritur passim per vr-
 bem, & an incendium extinguendum, an verò hosti armis occur-
 rendum dubii per urbem discurrent. Interim Holha militem in
 urbem introducit, & passim occurrentes contrucidat nulli sexui
 parcendo, ita mariti necem ulta fama tanti facinoris non modò
 Russiam sed & vniuersum orbem impleuit, tandemque plenam vi-
 ctorem adeptam, Kiouiam cum triumpho rediit. Quomodo autem
 eadem Constantinopoli cum valido exercitu adierit eamq; ob-
 federit, ac demum cum Ioanne Ziemiszka Imperatore Orientis in-
 duciis factis in gratiam redierit, hæc in annalib. Moschorum, Rus-
 forum & Polonorum abundè describuntur. Illa sanè expeditio per
 occasionem hoc effecit ut & ipsa Holha & tota Russia baptismi sa-
 cramento accepto religionem Christianam amplecteretur. Iste fu-
 it exitus illius expeditionis & atrocis belli.

In eiusdem Miecislai ætatem incidit victoria vel potius tyran-
 nis Basilii

nis Basilii Imperatoris Græcorum qui dicitur deuictis Bulgaris quindecim millia eorum exoculasse, in singulis centuriis vno tantum monoculo relicto qui eis dux itineris domum redeuntibus esset. Sed Russorum annales referunt Imperatorem istum aut eius successorem à Suetoslauo Russorum Monarcha, qui fuit Holhæ filius, acerrimè profligatum, totamque Græciam debellatam. Post illam gloriosissimam victoriam ferunt præcipuos Græciæ duces ad Russorum castra confugisse ferentes munera, auri magnam vim, argenti que signati & non signati, pacem & veniam rebellionis deprecantes. Sed Suetoslauus omnia illa munera spreuit solis armis, hoc est gladiis, hastis, iaculis & alia ex ferro suppellectili bellica, quam Ruthenici scriptores Panadocmi, vocula Græca appellant, pro se retenta. Qua animi celsitudine, & heroico facto ita se commendabilem toti Græciæ fecit, ut eum sibi palam pro principe deligi poscerent, & qui armis vix debellari poterant, virtute illa bellica delectati subditos se ipsius libenter faterentur, poscerentque sibi gestiendo, talem Principem dari, qui magis armis, quam auro, delectaretur. Hæc in annalibus Russorum habentur.

Ingressus Romanam Otthonis Magni.

In eadem tēpora incidit ingressus Romam Otthonis Magni. Commemorantur hic transactiones eius ab historiis, quas habuit cum Ioanne eius nominis duodecimo, atque etiam cum Leone Octauo. Nimirum de iure conferendi iuris patronatus Episcopatum per anulum & baculum, ut vocant. Mittebant enim olim Imperatores hæc insignia iis qui Pontifices fieri volebant. Fecitque idem Imperator tunc Ordinationes quasdam quæ ad modificandam potestatem Pontificum pertinebant. Sed antequam ea perficisset intercesserant antea non parui tumultus, & etiam captiuitates durissimas Pontifices pertulerant. De quibus rebus Platina & alii scripsere.

DE RELIGIONE VANDALORVM ET
SLAVONICARVM NATIONVM INTER
QVAS ET POLONORVM.

Quæ scriptores rerum Polonicarum in hoc argumento attulerunt, non vitupero, nec obseruationes eorum contemno, tamen meas quoque, ad illustrandum hoc negotium per paucis adscribam. Dixi superius his vocibus, Sarmatæ, Vandali, Slaui, & Poloni vnā gentem indicari, quæ tamen variè mutabantur iuxta rationem euentuum & temporum vicissitudines. Ideo Blondus Foroliuensis sic ait. Populi isti non diu Slauorum nominationē tenuere: sed cum eorum pars Mauricii Imperatoris temporibus in Dalmatiam Illyricumque immigrassent, qui manserunt domi paulo post mutarunt nomina.

runt nomina, & partim se Polonos, partim Bohemos nominauere. Cum igitur Sarmatæ vocabantur impense Dianam colebant, de cuius templo quod habebant in Taurica Cherfoneſo, ſuperius dixi, dum Iulii Cæſaris tempora complecterer. Poſtea perſequens Claudii tempora dixi quædam de eius templi celebritate, nimirum quod ex ſpoliis Ephæſini templi illud locupletare voluerunt. Hæc ſi coniungantur cum iis, quæ D. Cromerus attulit de cultu Dianæ ſeu Dzienoniæ Ephæſinæ à Polonis exhibitæ, non parum altera res alteram illuſtrabit. His addantur ea, quæ attulimus Auguſti tempora perſequendo de diui Pauli Apoſtoli & D. Andrea laboribus in conuertendis ad Deum iſtis gentibus. Tandem de D. Martino & D. Hieronymo viris ſummis; qui cum eſſent homines eiſdem generis, fieri non potuit, quin & ipſi laborarint de promouendo euangelio apud ſuos populares. Nauauit etiam operam ſuam eis Cyrillus & Methodius & Theophylaſtus, qui in Mæſſia, id eſt inter Bulgaros docuit. Extant Slauiſtica lingua opera eius. Fecit autem iſ Chryſoſtomi operum compendium. Sic ex duplici literarum Slauiſticarum figura, quarum altera Bukouica, altera Cyrulica apud eos vocatur; et ex epitaphio Romæ Regiſſe Boſnienſium, quod extat in ſacello templi magni, characteribus magnis deſcriptum. Ex iis (inquam) omnibus apparet, pleraſque pro uincias Slauiſticæ gentis ſtatim poſt tempora apoſtolorum amplexas fuiſſe religionem Chriſtianam. Neque enim temere gloriari puto clerum Ruſſorum magnoque conſenſu affirmare, ſe operâ diui Pauli Andreaque Apoſtolorum conuerſos eſſe ad fidem Chriſtianam. Reuocanda autem ſunt in memoriam, quæ ſuperius ex actis Apoſtolicis & ex Epiſtolis ad Timotheum & ad Titum de iis rebus adduximus. De Gothiſ conſtat, quod ante expeditionem illam Italicam amplexi erant Euangelium. De Vandalis etiam liquet ex Vigilii ad Traſimundum Regem Vandalicum, & ex plerique ſcriptis diui Auguſtini, quod iam tum Vandali connumerari ſe volebant inter fideles. De Slauiſ etiam, qui ſunt propago Vandalicæ gentis, conſtat ex concilio Conſtantinopolitano ſexto, quod & ipſi iam tum eccleſias ſuas & Epiſcopos habebant. Legatur ſubſcriptio ſynodi illius, quam ſuggeſtionem vocant. Fuit autem hæc ſynodus celebrata anno ſexcentefimo octuageſimo. Ante verò D. Albertum annis 320. Quæ igitur de Bohemorum Pannoniorum duce Suatoplugo, Polonorum Boſſinorum, Miecilaſ & aliarum gentium Slauiſticarum ab hſtoricis conuerſione ad Chriſtianiſmum referuntur, intelligenda puto de publica & vniuerſali ab omnibus ordinibus doctrine Chriſtianæ ſuſceptione. Interim

*Dzienonia,
Dzienoia Dianæ
etymon reſpicunt.*

*Paulus Apoſt-
lus de Ruſſiſ
bene meritus.*

*slavis semper
nil pretiosius
libertate fuit.*

one. Interim negari non potest eos lógè antea habuisse initia non contemnenda Christianarum institutionum. vt ex hoc epilogo rerum à me commemoratarum liquet. Iam verò cum sub ethnica religione vixerunt, non admodum absurdè sensisse videntur. Vnum enim DEVM vt colerent, legibus sancitum apud eos fuit, quod ex Procopio de bello Gothorum liquet. Slauinorum inquit idem, nationes nō ab homine aliquo vno reguntur, sed ab antiquo plebeia communiq; libertate viuunt, & idcirco res omnes, quæ vel utiles sunt, vel fortè difficiles in commune consilium deducunt. Ista hactenus à Polonis sanctè seruantur. Vnde legem illam sæpius allegant. Nihil in nos absq; nobis rex statuere potest. Apparetq; hinc non nouiter eos isthïc consedisse temporibus Iustiniani: quandoquidem vetera eorum Reipub. instituta non sine quadam admiratione recitat. Ideo addit: Sed ab antiquo plebeia communiq; libertate viuunt.

DE BOHEMORVM CONVERSIONE.

D. Cromerus ex sententia Blondi Bohemorum conuersionem in annum 990. reiiicit. Et ego eius sententiæ subscribo, licet pleriq; post Boriuium annum 929. huic rei assignent.

DE POLONORVM CONVERSIONE.

Polonorum conuersionis annum assignant 965. Antiquiora sunt quæ de Slauorum conuersione adhuc tempore concilii Nicæni secundi retulimus. Antiquiora etiam ac vetustiora sunt quæ de Vandalorum Christianismo in Africa diximus. Omnibus autem antiquissima sunt, quæ de Mysiorum, Dalmatarum, & Illyriorum conuersione ex scriptis Diui Pauli attulimus. Hi omnes ad cognationem Polonorm pertinent.

DE RVSSORVM CONVERSIONE.

*Wladimirus
per Oratorem
inquit, quæ
ligo in mundo
optima.*

Et si Zonaras historicus Græcus scribit, Russos amplexos fuisse dogmata christiana temporibus Basilii Macedonis, hoc est anno 863. tamen credibile est eos postea resiliisse. Nam de clarissima Imperatrice Russorum Holha, seu Helena conuersa ad Christianismum referunt id factum esse circa annum 963. Quare prior illa Russorum couersio fortasse publica non fuit. Quod verò Lambertus Saffnaburgensis circa annum 960. affirmat Russos ad Otthonem misisse Oratorem, vt sibi Episcopus christianus mitteretur ab eo, hunc Oratorem existimo vnum fuisse ex illis quos Wladimirus in omnes partes mundi miserat exploratum quæ religio esset possibilior ad credendum. Aut de Rugiis non de Russis id exponendum, vt D. Cromerus demonstrat. Sed & ipse ita sentio certa esse illa de Russorum conuersione quæ ipsimet memoriæ prodiderunt, nimirum eos circa annum à creatione mundi 6497. secundum

cundum verò nostrum calculum 4940. suscepisse euangelium. Numerant enim Russi, Græcos secuti, à creatione mundi annos circiter 1550. præter eos, quos nos numeramus. Sed si ab anno Christi aduentus tempus conuersionis eorum numeres consentient ipsi anno 980. id accidisse. In ea enim sententia sunt plures & potiores autores, quòd præeunte eis Wladimiro ipsorum principe publicè amplexi sunt religionem christianam. Hic Wladimirus fuit filius Suatoslai illius bellicosi principis, nepos verò Helenæ, qui subacta Russia tota orientali, occidentali, meridionali, septentrionali interfectisq; deniq; omnibus fratribus Monarcham se Magnum totius Russiæ voluit dici. Quo titulo magnus dux Moschouia hætenus utitur, eumque ab isto Wladimiro accepit. Et, si Sauromatæ cognomen ex Hebræo exponatur, dux altitudinis, ut doctiores volunt; tunc isti duo tituli, Sauromata inquam & Magnus dux eodem respicere & idem innuere videbuntur. Nam quam nunc Moschouiam vocamus Ptolomæus & alii Sarmatiam Asiaticam vocant. Quod etiam linguæ Slauonicæ idem apud Moschos qui apud Polonos vsus indicat. Hic etiam Wladimirus ex Nouogrodia magna, sedem Kiouiam transtulit. Hic primò legatis exploratum missis, quæ sit religio in mundo, quæ melioribus fundamentis nitatur, amplexus est dogma christianum ritusque & ceremonias ecclesiæ Constantinopolitanæ, in qua sententia hætenus gens ista perseverat. Tradiderat autem mihi quidam ante aliquot annos exemplum literarum, quas Oratoribus suis tradiderat ablegans eos per varias nationes exquisitū de religione, ut iam dictum est, & certò affirmavit se ista descripsisse ex antiquitatibus Monasterii Præmilienfis. Has literas in Polonicum exemplar inferam, ubi Deo volente hoc opus patria lingua versum fuerit.

DE HVNGARORVM CONVERSIONE.

Ante annum quidem 1009. Hungaros conuersos fuisse ad fidem Christianam tradunt; sed certum est Stephanum regem paulò antecessisse hoc tempus. Is autem bellum gessit cum auunculo Dziula ob susceptam Christianam religionem.

SCHEMA QVOMODO SVCCESIVE ISTARVM GENS ALIA POST ALIAM CONSENSIT IN CHRISTIANAM FIDEM.

| | | | | |
|------------------|--------|-----------------|---|------------------|
| Bohemi anno 900 | Ergo { | ante annos 683. | { | Post Boemos 65. |
| Poloni anno 965 | | ante annos 618. | | Post Polonos 15. |
| Russi anno 980 | | ante annos 603. | | Post Russos 15. |
| Hungari anno 995 | | ante annos 598. | | |

d

2

CAPITA

ANNALIVM POLO.
CAPITA RELIGIONIS SLAVONICA-
RVM NATIONVM ANTEQVAM SVSCEPISSENT
REGVLAM CHRISTIANÆ FIDEI.

DE DEO.

His præterea (inquit) in lege cautum est & à suis maioribus pro-
ditum, inter Deos aliquem vnum, qui fulminis fabricator est, re-
rum omnium dominum ac solum esse vt credant, illique boues &
hostias mactent, &c. Verba sunt Procopii. Hunc Deum, fulmi-
num Pyoratum fuisse vocatum à veteribus Polonis Chronicarii
nostri ferè omnes scribunt, quem Pyoratum à Moschis etiam-
num maximi fieri, coli, & iugiter ei ignem accendi testis est Sigi-
smundus Ebertius & Guagninus de Moschouiticis rebus. Ha-
bent enim Idolum quoddam & delubrum celebre in Nouogrodia
magna, quod ciues illius vrbis præ aliis summè suspiciunt, de quo
sic Guagninus. Hoc idolum à Nouogrodiensibus præcipuo cul-
tu patriæ adorabatur. Habebat autem formam hominis lapidem i-
gnitum manu tenentis similem fulmini. Nam Perun Ruthenis &
Polonis fulmen significat. In huius laudem & honorem, ignis ex
quercubus, qui perpetuo die nocteq; ardet construebatur. Quod
si negligentia ministrorum ad hoc officium obeundum designato-
rum ignem extinguere contingeret, tum capitis poena plectebatur
&c. Existimo huius ignis eos morem ex Mose traxisse, per quem
Deus iuge sacrificium instituit. Ignis meus, inquit, semper ardebit
in altari, in Leuitico.

*Fortunæ nihil
tribuant.*

*Habitadi mos
& tuguria.*

*Antæ qui.
Spori.*

De prouidentia verò Dei sic Procopius ibidem tradit Slauios
credidisse: Fortunam verò inquit, nec sciunt quidem nec alias vim
aliquam in homines habere fatentur. Sed postquam sibi siue domi
morbo correptis, siue in prælio constitutis è propinquo mors im-
minet iubentur quidem, si incolumes fortè euaserint Deo confe-
ssim pro anima sacrificium facere. Vnde quàmprimum mortis il-
lud discrimen defugerunt sacrificium ex voto & promissis absol-
uunt, & putat ferè hoc pacto salutem sibi per sacrificia redemis-
se, &c. Habitant autem incondita tuguria & longo inuicem inter-
uallo, callidi tamen siue malefici minimè sunt, sed in populando
ac rapiendo Hunnicam seruant consuetudinem, &c. Verba sunt
Procopii: Dicit mox, vtramq; gentem tam Antas, quàm Slauios,
vnam gentem esse, quos, inquit, Sporos prisci vocabant &c. Ideo
Russorum nostrorum nomen idem significare putant. Nam Ros-
sia idem est quod Græcis *ρωσσία*. Sparsim enim hinc & inde, id est,
sporadis habitabant, casasq; habitant plerumq; virgultearum plecti-
li opere confectas.

DE LITTERIS ET SIMVLACHRIS

SLAVORVM.

De literis Hlaolicis, quòd à Bulgaris eas acceperint, & Bulgari à Græcis cautè est legendum. Nam Græci non modò Slauonibus sed & Romanis gloriantur se litteraturam tradidisse. Sed Cato refutat eorum sententiam, vociferaturque contra eos. Ostendunt Galli litteraturam introductam fuisse apud ipsos ante Cadmi in Europam ingressum, idq; opera Druidarum sacerdotum Gallicorum qui antiquitùs floruerunt apud Gallos & Germanos. Nā & Germani ostendunt litteraturam ad se inuectam adhuc ab illis Regibus qui post Tuisconem enumerantur in historia Babylonica. Ideo in Diodorum Siculum & Laërtium inuehit Annius, quòd sparserint illā narrationem de Græcis, quasi ab eis ad Latinas & alias Europeas nationes literę allatę essent. Propterea dixi cautè esse talia legenda. Vereor enim ne eodem modo glorientur Græci se Hlaoticas literas Bulgaris misisse. Constat enim ex historia quòd Zamolxis olim Magus vel pytagoric⁹ ad Getas literas attulit. Meminit & Strabo Berebistem regem Getarum tēpore Christi & Ceneum Magum sicuti olim Zamolxē artes ad eos liberales attulisse. Getę autem iisdem in locis, vbi Bulgari postea dicti, sedes habuerunt. Fuit autem hic Ceneus philosophus tantę autoritatis apud has gentes, vt cū iuaderet vites excindendas, ei paruerint. Ideo Ouidius cōqueritur, se in illis regionib. viuere, vbi vites non coluntur. Vide ea de re Strabonē libro 7. Berebistes rex vsus est oraculis Dianę quę ex antro edī aiebat, vt ita sibi dicto audiētes subditos redderet. Strabo etiam libro 7. montes sacros fuisse ipsis pro templis & delubris testatur. Inde Sagori mons à Ptolomæo in Sarmatia nominatur, id est, *swieta gura*, eò quòd Dianę illi dicatus fuerit. De religione Naharualium Elysiorum quos Syllesios esse volunt sic Cornelius Tacitus memorię prodidit. Apud Naharuales antiquę religionis lucus ostenditur. Præsidet sacerdos muliebri ornatu, sed deos interpretatione Romani Castorem Pollucem quę memorant. Eius numinis nomen Alcis, nulla simulachra, nullę peregrinę superstitionis vestigium, vt fratres tamen venerantur, &c. Hęc ad verbum descripta ex Cornelio tacito. Hos fratres Castorem inquam & Pollucem Poloni cum summa alacritate & tripudio in conuiuiis & comotationib. inuocabant, de quo ritu & consuetudine sic Martinus Cromerus Episcopus Elpergensis scribit: Hi Polonis Dii fuerunt. Sunt qui his addunt Lelum Polelum, quos in conuiuiis & commestationib. appellari adhuc audimus cosque Castorem, & Pollucem esse autumant. Hęc verifi-

*Litterę apud
Gallos ante Cadmi-
um.*

*Viri literati a-
pud Slauos an-
te annos 1000.*

*Dianę cultus
Slauis.*

*simulachrum
Alcis apud Syl-
lesios.*

Castor, Pollux

milia esse videntur. Et descriptioni Cornelianæ valde conformia, ubi traditur Elyfios vel Sylléfios, qui pars Poloniæ erant, plurimum oblectatos esse memoria Castoris & Pollucis, ut iâ audisti.

Carmen de Polonorum conuersione ad fidem Christianam.

*Christe sub hoc ad nos venisti principe ab hoste,
Possessas stygio commiseratus oues.*

*Ceſerunt idola tibi, Mars, Leda, Gemelli,
Cynthia, Pluto, Ceres, Iuppiter, Aura, Venus.*

*Fœmina te nobis ostendit prima, Bohemo
Sanguine, prima crucem nos docuitq; tuam.*

*Sis tu prima quidem nobis eſt cauſa ſalutis
Ipſe Deus, mulier cauſa ſecunda fuit.*

*Illa tuo tingi Miesconem fonte maritum
Effecit, terra eſt tota ſecuta ducem.*

*Plurima tunc data ſunt tibi templa nouemq; Cathedræ,
Et quos ſacrifici dilapidamus opes.*

An Berebiſtis regis Getarum factum laudandum.

Sed quia Berebiſtæ Regis noſtrorum popularium Getarum mentionem feci, eiusque aſtutum factum in moderandis populis dominio eius ſubiectis commemorauimus, non abs re fuerit per digreſſionem de hoc facto inquirere. Nimirum rectene vetuſtas ſenſerit, Magiſtratibus ad retinendum vulgus in officio conducibile iudicans, fabulis ad aſtutiam compositis & in vulgus ſparſis conſcientiis mortalium cõpedes iniicere, ut ita videlicet ad parendum Imperio commodiùs trahi, duci & reduci poſſint. Videtur ſane res plauſibilis & ſpecioſa ſine gladio & armis homines effrenes & indomitos veluti vſum circulo in roſtrum iniecto, quò lubet ducere & pertrahere. Et exempla non deſunt. Nam complures legiferi ita fecerunt: apud Græcos Piſiſtratus, apud Romanos Numa cum ſua Nympha Egeria &c. Quin & autoritates complures ad eam rem comprobendam adduci poſſunt. Nam Plato & ante Platonem Pythagoras aliique Italicæ philoſophiæ ſectatores Rempublicam legibus tanquam ex cera formantes, hoc idem ſuaſerunt. Sed animaduertendum eſt in ea quæſtione diſcutienda, non omnia omnibus ætatibus conducere. Multa nunc obſunt quæ olim profuerunt.

profuerunt. Multæ medicinæ profunt in ætate iuuenili, quibus si in senectâ vtare plurimum obfunt & interitum minantur. Iudicabant olim rei militaris periti pro re vtili clypeis vti oblongis in bello & loriceis, at nunc contenti armis ferreis in aciem prodeunt etiam contra sagittiferos Scythas. Ita & seculo illo rudi & tenero quando adhuc sapientia omnis inter reges & paucos quosdam eorum necessarios ac familiares sedem & domicilium suum habuit, facile fuit plebi imponere, superstitiones alere. At nunc quando tot Collegia doctrinarum sunt instituta, scholæ oppidatim erectæ, typographiæ denique prius ignotæ passim tandem receptæ, & alii mille modi inuenti sunt quibus inter homines omnis generis scientiæ propagatæ sunt, & mortales vsu rerum maiore edocti ad arcem scientiarum, vsque peruaferunt, alia nunc sunt rempora, alii mores. Dies diem docet, vt est in prouerbio. Nunc quid sit Deus & quomodo in hæc inferiora agat, etiam & pueri volunt scire. Pro re certa narrât non obscuri autores olim in Polonia tota, tantum tria bibliorum volumina reperta fuisse; apud Regem inquam apud Archiepiscopum & Ostrorogorum familiam. Itaque si nunc Plato à mortuis resurgeret & videret non in sua Academia tantum, sed etiam in compitis & plateis à quouis de Deo disputari, certè illam suam sententiam retractasset, & alio modo de Repub. scripsisset, & alio modo cum plebe agendum suasset, quàm olim rudi illo seculo suaserat. Nam si nunc diceret, vt dixit in libro de Iusto: fingamus inquit, nos fratres esse quia nos vna mater terra progenuit. Ideo alii ex hominibus sapiunt naturam ferri, alii naturam auri, alii argenti, alii inquam sunt nobiliores naturæ, alii non ita, & occurrens tacitæ obiectioni inquit: At homines narrationi simplici non credent? Ac respondet: Si hoc nunc non credent verum esse, at posterius seculum, quod nobis succedet, credet. Iubet tandem vt per obstetrices & prudentes didascalos talia puerorum animis à teneris annis instillentur. Omninoque suadet vt Principes alant superstitionem in populo. Certè si nunc inquam talia Plato doceret, palam ab omnibus exhiberetur. Propterea alia nunc ratione dixerim persuadendum hominibus vt morigeros obedientesque se præbeant magistratibus. Præterea oracula sacra inquit: Non eget Deus vt pro illo loquamini dolos. Itaque vt verum fatear, mihi magis huius seculi philosophia hac in parte placet quàm Græcorum. Præstat enim syncerè cum populo agere. Nam semel in suspensionem magistratu apud plebem adducto, semper insidias sibi strui putabunt. Sunt enim alii modi & argumenta non decurrendo ad mendacia, quibus plebi certò persuadere pos-

sumus ut placide magistratui obtemperet. Primò quia Dei voluntas est: secundò quia turbatores ordinis destruit Deus, nec fore felices statuit, qui ordinem politiæ petulâter & temerè turbant. Tertio ab honesto, ab utili & à necessario. Sed longiore inquisitione omissa, ad historiam nostram redeamus, postquam lectorem defatigatum continua lectione historiæ tædio iam leuauimus.

BOLESLAVS CHOBRI.

Anno ab o: be coudito

Anno Christi

Abhinc annos

4960.

1000.

585.

*Wladimirus
princeps Russo-
rum Kiouiam
aggreditur.*

*Columnæ Bole-
slai.*

*Sonitus quidā
in Borysthenē
à longē exaudi-
tur.*

MAximum decus gentis Polonæ regem Boleslaum Chobri fuisse apparet. Nam ex regibus qui præcesserunt alii fuerunt bellatores, alii autem œconomi, alii in prudentiæ laude excelluerunt. Hic autem omnia in se vno coniunxisse videtur. Bellatorem quidem eum fuisse testantur bella Russica. Cum enim hæc gens ante quingentos annos prætextu Slauoniæ confœderationis veluti adiutum suos gētiles ad eas regiones peruassisset, & tandem successu elata bellorum gestorum, contra Græcos & Bosnenses duce Wladimiro, regiones Polonorum occupasset, nec satis ei esset, quòd intra fines veteris Sarmatiæ ingressa Vandalorum patriam depopularetur, Kiouiam, quoque urbem prorsus in umbilico ipso regionis extruere cœpisset, & maiora aggressa intima Poloniæ scrutari cœpisset, Rex certior factus ad Axiacum flumen, quod nos Bog vocamus, contra eos ducit exercitum; sed Iaroslavus eorum Princeps seu Rex, cum vim exercitus Polonici ægrè se sustinere posse perspiceret, receptui canere iubet, & intra paludes se recipit. Boleslaus castra castris admouit, eaq; diripit: cumque Russos pugnari detrectare animaduertisset, Kiouiam urbem eorum primariam atque eximiam obsidione cingit. Fuit Kiouia vrbs tunc amplissima, id quod ruinæ, solitudines & rudera eius hodie testantur, ibique Russorum, duces regiam suam esse voluerunt. Hanc Polonus cum arctiore obsidione pressisset, per dediti- onem capit, & tandem Borysthenem versus contendit, ibique exemplo Herculis fines veteres Sarmatiarum occidentem versus ad con- fluentem Zula fluuii, & Borysthenis tribus ferreis columnis erectis firmavit. Iniecit & Tubos quosdam flumini æneos artificiossimè ad hoc præparatos, ut sono suo perenni nomen eius resonarent, & ut in omne æuum duraret, stabiliuit. Alii propter cavitatem quan- dam quæ in rupibus est, gigni illos sonos qui à longē audiuntur, prædicant. Confectis iis rebus, Boleslaus domum est reuersus tri- umphans, ubi pro victoria reportata vota exoluit, complura splen- dida templa

didata templa in honorem Dei omnipotentis erigens, quibus adiecit & peculiaria dona quædam ex manubiis de hoste partis. Fuit secundum eius bellum non minus celebre contra Saxonas & Bohemos aliasque Germanicas gentes, adeptaque ex eis victoria pari successu, ut in Russia fecerat, tres columnas locat ad confluentem Albis & Salæ ad confirmandos limites veteres sui regni, quo tempore & Budisinum ab eo combustum fuit. Tantus tunc metus & formido cunctam Germaniam inuaserat, ut ne custodes quidem limitum quos Marchiones vocant, auderent in conspectum eius se offerre, aut quicquam hiscere. Nec multò post siue necem Diui Alberti ulturus siue patrias sedes recuperaturus (nam ubi nunc sunt Prussi, Venetos Ptolomæus ad sinum Venedicū & Chronum flumen ponit, quos Moschi Venetos, Varingos, & mare ipsum Balticum Variuskoie mare vocant.) in Prutenos expeditionem facit, eoque tertiis aut quartis castris peruenit. Cumque pauore perculsi nemo ex eis ad pugnam prodiret in Ossam flumen nemine repugnante simili modo tres ferreas columnas quarto à Rogozno lapide iniicit. Locus ab accolis hætenus monstratur. # De limitibus meridionalibus nulla tunc controuersia fuit. Nam flumen illud in Morauia non longè ab oppido Granice, quod limitem nostra lingua significat, pro limitibus Sarmatiæ habebatur. Atque ita prouinciarum maxima parte recuperata, quæ negligētia amissæ erant, vniuersisque controuersis sopitis ad studium religionis se, ut decet probos Principes, conuertit. Extiterat per id tempus Diuus Albertus vir zelo pietatis illustris, & amore sedulitateque in prouehenda religione Christiana admodum celebris. Is in Pannonia feliciter ministerio suo defunctus baptizato aut cōfirmato, ut aliqui referunt Stephano rege Hungariæ, in Poloniam se contulerat, quæ peragrata, in Prussiam perrexerat annuncians euāgelium & remissionem peccatorum credentibus. Sed homines idolis dediti surdis auribus hæc audiuerunt, eumque crudeliter obtruncarunt. Cuius constantia & indefessum studium in propagando regno Dei cum Romam relatum esset, absque vlla dubitatione in numerum diuorum fuit relatus. Audiuerat ea de re Otho tertius Imperator; itaque fama sanctitatis eius & miraculorum celebritate motus voti exoluendi causa, quo se obstrinxerat, periculoso morbo laborans in Poloniam ad eius sepulchrum contendit. Quod autem aliis diuis prætermisissis ad hunc se contulit, existimo hoc ei calcar addidisse, quod eius subditus fuit. Nam Magdeburgensem fuisse tradit Helmoldus presbyter, qui ante quadringentos annos Slauonicam historiam conscripsit. Et credibile est eius operâ potissimum fuisse

Aliæ tres columnæ ad confluentem salæ & Albis.

Tertiò columnæ tres ad flumen Ossam.

ex villa adiacentia vocatur Stuppi.

Boleslaus sine imposito bellis ad religionem se conuertit.

*Venenum obie-
ctum Othoni
tertio.*

*Commentum
de tributis re-
fellitur.*

mum fuisse apud Pontificem effectum, ut hic vir sanctus cum esset eius popularis in album diuorum referretur. Nam tum temporis Romæ Imperator sedandis Crescentii seditionibus commorabatur. Fuit illa commoratio Romæ Cæsari huic exitiosa. Sublato enim Crescentio cum eius vxore consueffe dicitur, ad extremumq; eam sibi vxorem fore, fertur ei promississe, quod quia non præstitit venenum ei in chirothecis, quas Roma discessuro donauit, mulier ista obiecit. Aculeo igitur veneni læsus Imperator confidebat se opem à Diuo Alberto tanquam suo populari & domestico numine citius relaturum. Itaque Gnesnam, vbi erat sepultus, contendit, de cuius aduentu Boleslaus cum audisset, ipsemet amplissima procerum frequentia stipatus ei obuiam it. Mira Posnanienses ciues, cum istuc iuuenis agerem de hac pompa ingressus Imperatorii narrabant, quomodo videlicet viæ ad septem vsque miliaria Posnania Gnesnam instrate erant, qua Cæsar nudus pedes ob reuerentiam Diui Alberti gradiebatur, quem rex ipse summo cum honore deducebat. Ibi cum satis esset datum religioni, secretiora consilia habituri conclaue intrant, ibique de multis rebus, quæ pertinebant ad salutem Reipub. Christianæ inter se cōferunt, reliquum tempus conuiuuiis destinatur. Ac tandem, cum satis indultum esset cibis, potui, & aliis ludicris ad recreandum tanti hospitis animum honoratum amplissimis donis in Germaniam dimisit. Quod autem rex tam exquisito apparatu & solenni pompa accepit Imperatorem, id factum puto vel exhibendæ modò humanitatis causa, quæ innata esse huic genti prædicatur, vel ut grati animi signis, tantam erga se regnumque suum propensionem adæquaret Imperatoris, qui novos honores, regium videlicet decus, in Boleslaum conferendo secum in Poloniam attulerat. Iam si quis conferat ea, quæ dicta sunt, cum iis, quæ autor supplementi Charionis hoc loco narrat de tributo ab Othone imposito Polonis minimè gentium hæc inter se coherere animaduertet. Nam Principem tanti nominis, tot victoriis planè gloriosum pro exhibita illi nuper beneuolentia tributo onerasse, nequaquam verisimile videtur. Miseris hæc belloq; attritis conueniunt non victori, qui Russis formidabilis, Germanis reuerendus, Bohemis & Borussis metuendus, Pontifici verò summo ita charus & spectatus erat, ut eum in numerum diuorum ob insigne pietatis studium retulerit. Fuerit sanè hæc causa quædam externa vel potius prætextus aduentus Imperatoris in Poloniam, nimirum ut inuideret sepulchrum Diui Alberti, sed ex circumstantiis apertè liquet, aliam latentem & secretiorem causam fuisse. Videlicet ut bellicosum virum, quem ferro auertere

auertere non poterat dum in Saxonia bella gerit beneficio aliquo placatum sibi redderet deuinciretq;. Nam non temere in historia additur, quòd, absoluta ceremonia coronationis, conclaue secreti oris consilii intrauerunt. Ibiq; multa de iis, quæ pertinebant ad salutem Reipub. Christianæ inter se contulerunt. Sepultus est Boleslaus in Basilica Posnaniensi in medio templi, cuius sepulchro Epitaphium est inscriptum, paruum quidem, sed ob reuerentiam, antiquitatis valde iucundum. *HAC IACET IN TVMBA REX PIVS GLORIOSA COLVMBA BOLES LAVS CHOBRI.* Literæ sunt vetustate penè consumptæ sicut & ipsum sepulchrum, utcunque tamen possunt legi. Est autem dignum, obseruatu, quòd & Germanorum imperii, & trium regnorum, hoc est, Polonorum, Hungarorum, & Bohemorum in vnam fermè eandemque ætatem exordia incidunt. Nam translato à Gallis ad Germanos imperio circiter tempora Othonis Magni, non ita multò post reliquæ tres prouinciæ ad hoc culmen regii honoris euectæ sunt, Imperatoris ne autoritate, an verò Pontificis non disputo. Illud tamen pro certo historia Calui montis astruit Pontificem Romanum Benedictum eodem tempore iam tum in suo Senatu decreuisse vt dux Polonia Chobri in Regem coronaretur, & iam coronam ex purissimo auro paratam ad hoc habuisse, vt si forte Boleslaus vellet, cam ei mitteret, sed vbi audiuit Boleslaũ maluisse ab Imperatore quàm à Papa coronari, admonitus ab angelo STEPHANO diuo Regi Hungariæ eandem misit. Hæc leguntur vt dixi in historia Calui montis.

MIECISLAVS IVNIOR.

Anno ab orbe condito
Anno à Christo.

4987.
1025.

MIECISLAUS regiæ dignitatem iam dudum sibi decretam adiit. Erat tum triginta annorum & quinque cum Gnesnæ vna cum vxore Rixa die Pentecostes coronaretur. Et quia præsidiorum Polonicorum, quæ arcibus Russicis imposita erant à rege Boleslao, ad nouum regem de Russis querelæ subinde adferebantur, quòd inquieti nouos motus cierent, Kiouienesque lenta, sed tamen molesta obsidione premerent, tandem contra eos ducit exercitum, nulloque negotio, eorum insolentiam reprimat, & captiuos, qui in deditionem venerant, per arces custodiendos distribuit. Sed vix hoc sopito bello, aliud cum Bohemis erupit. Infestabant ii Morauiam, quæ ditionis Polonorum tum erat, præsidiaque nostra munitionibus exturbabant, ac tributa sibi à Boleslao imposita pendere

*Bellum Russo-
rum.*

Bellum Bohemum ob tributum ob tributa negata, & fines violatos, de quibus supra in Chobrio lege.

Defectio Vandalicarum provinciarum ob tributa negata.

Contributio s. Petri.

Bellum Pomeranum.

fitā pendere recusabant. Hęc instinctu Vlderici, qui Bohemis tum præerat, eos fecisse ex certis coniecturis non obscure apparebat. Negabat ille quidem, seque minimè consciū esse istorum probatum facere volebat, sed circumstantiæ rei eius vafrum animum ad astutiamque compositum detegebant, & res ipsa loquebatur, eum filium suum Prædislaum impigrum, iuuenem clam coucitasse ad violanda pacta conuenta. Itaque Rex ulturus hanc perfidiam contra eum conscribit exercitum & obuiam ei procedit. Oderat quidem rex bellum, semel eius incommodis degustatis, cū esset in expeditione Russica, tamen extimulatus multitudinis conuitiis, qui pusillanimitatis probrum obiiciebant, officio deesse non potuit. Cumque iam se in conspectum hostium dedisset. Bohemi primò causam denegati tributū prætexunt, quòd auxilio Polonorum destituti pecuniam debitam in sumptus belli erogarint. Sed deinde regis tenero animo & imbecilli iudicio perspecto, apertè rebellionem faciunt. Itaque vario Marte inter eos decertatur. Bohemorum exemplum Lubecenſes & Cameneseſes secuti similiter Polonorum iugum excusserunt. cum iis & vrbs Lubeca hoc idem facit. Et cum solita stipendia denegarent, pensionem tamen quam vocant S. Petri, vsu iam dudum recepto, ad ærarium ecclesiasticum in Poloniam mittunt, vt deinde vna summa cōgesta, summo Pontifici nomine Polonici regni mitteretur. Quo solo argumento reuinci possunt ii, qui negant, illas terras vnquam fuisse ditionis Polonorum. Secundiore & feliciore deinde successu contra Pomeranos administratum est bellum. Nam & isti ad defectionem spectabant. Cū ergo, relictis suorum viribus, Hungarorumque auctus copiis, quas Bella frater Stephani secum adduxerat, in campum Mieciſlaus prodiisset, non segniter Pomerani conferunt signa. Sed mox funduntur & profligantur, & dux eorum in prælio occūbit. Multi in potestatem tum deuenerunt. Defectionis sualesores capitis supplicium pertulerunt; at multitudini parsum est. Ita ignominiam acceptam rex ex Bohemicis certaminibus posterioribus successibus absterſit, & præterita damna cum fœnore compenfauit. Anno autem millesimo tricesimo quarto vita defunctus Poſnaniæ sepelitur. Confutationem falsarum narrationum, quas hīc historici affinxerunt, vltro prætereo. Nam res commenticiæ seipsas quales sunt produnt. Qualis hic fuerit Princeps & quales spiritus pectore habuerit non est difficile ex historia recitata colligere. Synchroni Mieciſlai erant in occidente Conradus Imperator in oriente Romanus. Hoc etiam tempore duæ illæ factiones Guelphorum & Gibellinorum institutæ in Italia erant,

Guelphus

Guelphis dignitatem Pontificiam defendentibus, Gibellinis verò Imperatoris celsitudinem protegentibus. Nam de suprema dignitate retinenda tam Pontifices quàm Imperatores sollicitudo versabat. Magna deinde Ilias malorum ex harum factionum conspirationibus consecuta est. Nam Germani Imperatores in Italia assiduè degere non poterant. Ne igitur Pontifices Imperatores absentes proscinderent, eorumque vitæ famæ & facultatibus insidiarentur, omnino videbatur è re Imperatorum esse aliquem globum hominum in Italia habere ibique relinquere, qui, siue adesset siue abesset, Imperatoris partes tuerentur, atque hoc consilio Gibellinorum quasi ordo institutus est & stipendia eis ex redditibus Imperatoris sunt destinata, aliis certos fundos, aliis portoria & census donatos possidentibus. Ex horum stirpe ii, qui nunc vocantur Columnæ, Scaligeri, & alii prodierunt.

Factiones Guelphorum & Gibellinorum.

Columnæ, Scaligeri, Ursini, ordines imperij

INTERREGNUM.

Capita tantum consignabo, ut saltem series historiæ non interrupto ordine ab omnibus legi possit; & tamen lector, quæ per id tempus euenerunt, non ægrè intelligat. Motus in Repub. futuros prædixerat viuens Rex Boleslaus. Sed & terræ tremor insolens, qui tum acciderat, idem portendebat. quorum motuum causa fuit regina Rixa, quæ omnia exactionibus permiscebat, & contemptum gentis cum nequaquam in se celare posset omnia susque deque habebat. Ad extremum cum thesauris regno profugit, quibus cum venisset Brunsvigum & Magdeburgum, sibi possessiones emit. Ad ea mala accessit deterius, nimirum rusticorum contra ordinem equestrem tumultus, qualem etiam Constantini Magni temporibus inter eas gentes fuisse supra meminimus. At etiam ecclesiasticis non fuit parsum. Plebei enim recordati prioris status cum viuerent in gentilismo, & conferentes cum eo mala, quæ eis acciderant tempore interregni, beatiores se fuisse cum idolis seruirent, non obscure prædicabant. Inde factum est, ut Episcopis manus ferè iniicerent. Accessit Maslai Pöcillatoris regii tyrannis à quo Masouios dictos esse quidam affirmant. Non desunt autem qui eos à veteribus Massagetis oriundos putent. Russi deinde ab oriente, Bohemi ab occidente, ut lacerarent Poloniam nihil omiserunt. Cum enim ipsi imperio se obnoxios reddidissent, in manifestamque seruitutem coniecissent, facile apparebat eis summè cordi fuisse si socios poenarum sibi adiunxissent. Hæc fusè ab historicis nostris commemorantur. Rixa interea profugiens non cessauit Córadi Imperatoris animum sollicitare, iam

Calamitas publica redundauit in ecclesiasticos.

Maslans.

Cazimirus inter monachos.

licitare, iam muneribus, iam blanditiis in suam sententiam pertrahendo, ut iunctis viribus Polonos persequeretur, illatamque ipsi iniuriam, ut ipsa putabat, armis vindicaret. His malis fatigata Polonia de Comitibus habendis tandem cogitare incipit, utque de creando nouo rege decretum promulgetur, sollicitè vrget. Nec mora, indicitur conuentus Gnesnæ; vbi cum sententiæ aliquantulum variarent, communi tandem consensu in eam sententiam decurrunt, ut in Gallias mittant ad Cazimirum reuocandum. Viuebat iste Cluniaci inter Monachos voto sacerdotali iam obstrictus. Itaque proceres, electis oratoribus, eis mandant, ut si aliter fieri non possit, ne in Galliis cessent, sed Romanam contendant, & Pontificem Benedictum rogent, ut vicem huius regni commiseretur, votumque futuro regi Cazimiro relaxet; quod & obtinuerunt. Eductur ille monasterio, & ad regnum adducitur potissimum ea in re adiutus Henrici Imperatoris eius nominis tertii autoritate, qui sexcentos cataphractos, honoris & securitatis causa, eum Cracouiam usque regiam gentis, aut quod maximè ipsi videretur, deducturos ei adiunxerat. Quam autem hilari & læto animo à cunctis ordinibus exceptus sit, vix dici potest.

CAZIMIRVS PRIMVS.

Anno à condito orbe

5005.

Anno à Christo

1041.

GNESNAM igitur tanquam ex alio orbe venienti & quasi re diuino Cazimiro cuncti obuiam procedunt; vbi etiam omnibus ei impensè gratulantibus & legatis exterorum celebritatem illam cohonestantibus, patrio regno inauguratus est; gubernationisque suæ initium à depositione suadenda intestinarum simultatum est auspicatus, quibus foeliciter sublati, externa circumspexit. Et quia cum Russis acerbissimum bellum sibi instare præuidebat, gentem, quæ ferro vinci non potuerat, consilio edomare aggressus est. Inprimis quæ foedus societatis contra quosuis hostes cum eis pepigit; utque ea res stabilior & firmitior esset, Iaroslai principis sororem in matrimonium ducit. Fuit hæc ex stirpe Constantinopolitanorum Imperatorum progenita, ex sorore inquam ipsius Imperatoris nata. Mox contra Maslaum tyrannum exercitum ducit, eumque affecutus superat. Nec iuuerunt Maslaum copiarum Masouiorum, neque auxilia, quibus confidebat, Prussorum, & Iazigum. Fuerunt autem Iaziges populi sparsi hinc inde per Sarmatias, & à Mœotide incipiendo extendebantur Prussiam versus, medii inter Poloniam & Lituaniam; ad quorum differentiam illi, qui ea loca incolebant, vbi nunc est Transsylvania, & Tibiscus flumen,

Iaziges qui?

flumen, Meranastæ vocabantur: hos verò qui à Cazimiro fusi fugatiq̃ue fuerunt, inter Masouios mansisse & Lituanos, credibile est. Ab hoc Maslao Masouios & Plocenses appellatos quidam, asserunt; sed mihi nequaquam credibile est gentem tam generosam à latrone, quem Iaziges in crucem gratificaturi Cazimiro egerant, cognomen sibi quesivisse. Potius mihi probatur sententia illorum, qui eos & originem & nomen à Masagetis antiqua gente traxisse affirmant. Referunt hîc scriptores bella Henrici Imperatoris cum Bohemorum populis, quos tunc debellatos ab eo tradunt. Referunt etiam eodem tempore regem Bohemię dignitatem electoratus adeptum esse ad eum scopum re detorta, ut si aliorum sententię in eligendo Imperatore minimè convenirent, sed bifariam numero pares diuideretur, utri parti ille veluti censor astipularetur, hæc ipsa praevaleret suffragio. Verum hîc desideratur fides historicorum. Nam Bohemorum gens nondum regiam dignitatem adeptæ erat. Ac bella tam cruenta cum Imperatore gerere, & tamen honores ab eodem, hoste sibi infensissimo consequi, videntur incum pugnare. Ad Cazimirum nunc redeo, qui domi forisq̃ue negotiis aptè compositis, rebus humanis exemptus est, desiderium sui non modò apud suos, sed etiam apud extraneos relinquens. Ante mortem ritè sacris procuratus fuit, & certis quibusdam proceribus, tanquam tutoribus fidelibus, filios commendavit. Fuit Cazimirus procerioris staturæ, forma liberali, nervosus, & robore militari præditus, capillo denso, promissa barba, litteris mediocriter eruditus; hoc nomine tamen gratus. Quod verò D. Cromerus noviter hæc tunc contigisse regibus Polonorum prædicat, ego quidem Boleslaum Chobrium illitteratum fuisse nequaquam existimo. Hic fundavit Tinecense monasterium ordinis eiusdem societatis, apud quos in Galliis vixit.

Masouij an à
Maslao.

Regnum Bohemie electoratum adipiscitur.

Cazimirus primus inter reges polonię litteratus.

BOLESLAVS SECVNDVS.

Anno ab orbe condito

5030.

Anno à Christo.

1068.

Hic magno applausu & favore populi in sede patria consedit, & à principio speciem boni viri & regis boni præbuit: sed adultior factus, secundisq̃ue rebus & successu continuarum victoriarum elatus, impotentius dominari coepit. Primum bellum eius fuit cum Wradislao Bohemo, qui infesto exercitu Poloniam intrans, cuncta flammis & ferro repleuerat; cui Boleslaus tumultuaria manu celeriter occurrit, eumq̃ue superat. Secunda expeditio eius contra Prussos fuit, quos cum securis & nihil tale opinantes aggressus esset, confestim trucidat opprimitq̃ue. Fu

*Victoria Bole-
slai de Bohe-
mis, Prussis,
Hungaris, Ger-
manis, & Rus-
sis.*

Kiouia obsessa.

*S. Stanislai
mors.*

*Cur ad Illyrios
Boleslaus ma-
luit confugere*

*Ecclesiastici or-
dinis calamita-
tes huius tem-
poris.*

it hoc ad Ofsam flumen Prussiae posterioris limitem. Nam anti-
qua Prussia nullos limites Sarmatiam versus habuit, cum eius pars
olim fuerit. Tertium progressus est contra Andream Hungariae re-
gem; quem ubi ad portas Mosouienfes assecutus est, ita attriuit, ut
eum mori cogeret; ceteros ei confederatos dissipauit, ex quibus
Wladislaum Bohemiae ducem excacauit, Germanorum vero du-
ces partim necauit, partim comprehesos detinuit. Post victoriam
hanc partam Bellam Hungarum Albæ Regiæ in sede regni collo-
cauit, victoremq; exercitum pro nauata opera à Bella & aliis pro-
ceribus Hungaricis, remuneratum prosperè domum reduxit. Nar-
rantur & aliæ victoriæ eius de Russis reportatæ; sed illa quæ septem
annis durauit, quò diuturnior eò celebrior fuit. Tunc enim ferè v-
niuersam Russiam in potestatem suam redegit, amplissimamque
victoriam de Vessolodo reportauit; Kiouiam, etiam obsedit; ac
tandem arctioris obsidionis incommodis cum eorum pertinaci-
am fregisset, in deditionem accepit. Boleslaus igitur magni nomi-
nis tunc & bellator egregius magnam gloriam cōsecutus est. Sed
vna re vniuersum fructum laborum suorum elisit; quòd præsulem
dignissimum diuum Stanislauum ad moderatiora consilia eum re-
trahere conantem interfecit. Vnde factum est, ut à Pontifice sum-
mo excommunicatus cum aduersus infortunium diu obluçtare-
tur, tandem cunctis inuisus & à fortuna desertus in Illyricum pro-
fugerit. Quòd autem apud Illyrios se citius recreandum speraret,
quàm apud alias gentes, existimo hac ratione adductum, fuisse,
quòd apud suos gentiles & populares, ex quib. maiores ipsius Ce-
chus nimirum & Lechus prodierant, nondum memoriam excidis-
se suorum cognatorum facile diuinabat, seq; tantò gratiorem ho-
spitem ibi futurum perspiciebat, quantò ipsum fœdius à fortuna
depressum, & à summo fastigio ad imum, tam repente decidisse
intelligerent. Nec arbitror ab innata aliqua malicia hanc feroci-
am ei inhæsisse, ob quau truculenti carnificis nomen mereretur;
sed adulatorum & aliorum sycophantarum aulicorum delationi-
bus exasperatum fuisse contra sacratum virum reor. Aut sanè fatis
vrgentibus ad eam amentiam prolapsus est; iuxta dictum. Vehe-
mentes motus animorum odio habet Deus. Videtur autem & su-
perius sæculum, occulto quodam fidere, admodum infensum fuis-
se clero. Nam ut complures superiores Pontifices partim in capti-
uitate mortuos, partim veneno sublato, partim alia ratione mise-
rabiler extinguitos hoc loco non commemorem; quæ hoc eodem
tempore Henricus Quartus Imperator cum Gregorio Septimo
Pontifice egerit, & quis finis illi tragœdiæ fuerit, omnes norunt.
Non est

Non est igitur mirum, si vir sacratissimus Stanislao à Boleslao tunc temporis tam grauius est passus. Nulla enim re animi mortalium citius deprauantur, quam pessimis exemplis, quæ tantò magis agunt, quantò superiores sunt illi, qui ea edunt. Cum igitur inter Pontifices prerogatiuas suas defendentes & Cæsares iura imperialia propugnantes tam immania & atrocia exempla parricidiorum homicidiorumque passim ederentur, non est mirum si hoc contagium etiam Poloniam peruasit, animumque regis corripuit, qui forsan Episcopo iniiciens manus nequaquam putauit, talem nubem tanta tonitrua edere posse, quanta postea edidit. Vnus fuisse fertur rex in tollendo episcopo opera Iastrzebiorum Srenauiorum, qui propterea milites Boleslai etiamnum à quibusdam vocantur. Miror tamen cur Vincentio Cadlubkus, qui non ita multò post vixit temporibus, videlicet Kriouustii, eiusque historiam conscripsit, hoc adeò insigne factum adhuc recens non scripserit, nec ullam mentionem eius rei fecerit, vel si Vincentius, qui episcopus Cracouiensis erat, laudem hanc antecessori suo Stanislao inuidebat (sunt enim non pauci, quorum cor inuidia laborans in arcum contrahitur, cum vident æquales suos præsertim populares opinione probitatis, vel aliqua eruditione ipsis antecire) Gallus tamen quidam rerum Polonicarum nec non Lampertus Saffnaburgensis rerum Teutonicarum scriptor, qui per hæc tempora vixit, rem tam dignam notatu & pupillam oculorum omnium maximè sua fama ferientem sicco pede præterire non debuit. Sed interim dum hæc scribo, oblatus est mihi liber historię Polonicę domini Mathię Stricouii, in qua commemorat nobilem quendam virum Polonum D. Valentinum Kuzborzki affirmantem, quòd in Carinthia in quodam monasterio Ofsiæ non procul ab vrbe Feltkirchen repererit sepulchrum huius regis Boleslai Audacis, ubi post ante dictos exantlato labores monachò vixit; nec prius à sodalitiis, quis esset, agnitum, quam post mortem inter suppellectilem ipsius repererint litteras quasdam, quibus maximæ res continebantur, & alia insignia regalia. tunc veluti stupefacti vehementer mirari cœperunt, eiusque corpus summa reuerentia sepelierunt, superque caput statuam marmoream instar ephippia gestantis collocarunt, addito hoc epitaphio, seu inscriptione: BOLESŁAVS REX POLONIÆ OC-
CISOR SANCTI STANISŁAI EPISCOPI CRACOVIENSIS, &c. Hæc si facta fuisse reperiuntur, non absurda videri debent cætera, quæ hæc historia de D. Stanislao complectitur.

Est & alter scrupulus, quem inter colloquia multi solent iniicere. Quærent enim, quæ causa tanta fuerit, quidue pontificem

e 3 summum Gre-

*Iastrzebiorum
gens.*

*Epitaphium
Boleslai Audacis.*

sumum Gregorium eius nominis septimum impulerit, ut iram & indignationem suam non modò in patratores criminis regem Boleslaum sed etiam in vniuersum regnum effuderit, & regnum Polonis abrogarit. Sunt qui dicant, vehementer fuisse motum regis vita scelesti, & atrocitate quadam ipsius homicidii; quippe cum non solum viro innoxio violentas manus iniecerit, verum etiam eum membratim disseccandum iusserit. Alii referunt, motum fuisse sanctitate tanti viri, qui tanto zelo præditus erat & timore Dei, ut cum videret Archiepiscopum Gnesnensem, cuius plus intererat, quasi per transennam regis foedam vitam aspicere, ipse se acerrimum censorem interposuerit. Magnæ sunt hæ causæ & vtraque probabilis. Sed videtur mihi tertia addenda, quæ licet à scriptoribus, aliisue commemorata non fuerit, tamen circumstantiæ illius temporis produnt, eam non postremam fuisse. Vehementer tunc statum rerum Christianarum perturbabat illa controuersia exorta inter Pontifices & Imperatores de conferenda dignitate regia. Imperatores enim iactabant, Imperatorum esse reges creare, Pontificum verò sanctos canonizare, ut vocant; contra Pontifices nitebantur exemplis Politie veteris testamenti, ubi Pontificum erat eos confirmare, qui ad munus regium subeundum aptissimi viderentur. Notæ sunt controuersie & bella Henrici quarti Imperatoris cum aliquot Pontificibus; qui ita tum illa ætate afflictus erat ob huiusmodi controuersias, ut multi iam fasces Imperii aliorum periculo deterriti suscipere detrectarent. Iam verò quia Otho tertius decus regium Poloniae paucis ante diebus contulerat, ipseque Gnesnam veniens, ut supra narrauimus, Boleslaum Chobri regem Poloniae, inuito, aut saltem inconsulto Pontifice, coronauerat, ideo Pontifices exasperati semper occasiones quærebant hanc Imperatorum potestatem minuendi, aut certè irritam reddendi. Et quia Boleslaus audax suo enormi facto fenestram & aditum ad perficiendum vetus hoc consilium Pontificibus patefecerat, idcirco nulla mora interposita Gregorius septimus fulmen hoc ignitum primò in Boleslaum torquet, eumque de regni solio deiicit; deinde sancit nouo edicto proposito, ne Episcopi quemquam iniussu suo regem inungant, aut coronent. Quamquam Lampertus Saffnaburgensis res imperatorias cohonestans, ait Imperatores Romanos ita fuisse commotos contra reges Poloniae anno Christi 1070. ut eos dignitate regia priuarint, & causam tantæ indignationis annectit: Quia, inquit, dux Polonorum qui per multos annos Teutonibus tributarius fuerat, cuiusque regnum olim Teutonum virtute subactum atque in prouincias redactum fuit, repente in

*Causa oculi
dissidii inter
Imperatores,
& Pontifices.*

*Cur regia digni-
tas adempta
est Polonis
hoc tempore.*

it, repente in superbiam elatus regiam dignitatem, regiumque nomen sibi usurpauerat, diadema imposuerat, atque ipso die Natalis domini à quindecim Episcopis in regem fuerat consecratus. Consideratur hic fides huius historici. Primum enim Poloni nunquam obnoxii fuerunt Germanis Imperatoribus, ut non minus verè, quam solidis rationibus, euincit D. Cromerus. Deinde quindecim Episcopi in Polonia tum non reperiiebantur. Adde quod Poloni circiter octoginta annos ante hoc tempus regem habebant, & quidem fauore Othonis tertii Imperatoris. Quem etiam absoluisse Polonos ab omnibus tributis & obsequiis Guagninus affirmat. Qui tamen dum, maximè se fauere Polonis testatum vult facere, tum maximè peccat in Polonos, affirmans videlicet eos absolutos fuisse ab obsequiis & tributis ab Othone tertio, tempore inquam illius inaugurationis ad regnum. At Poloni nulla vnquam obsequia ex pacto, multò minus tributa Imperatoribus, pependerunt. Nulla itaque absoluteione ab eisdem indigebant. Cæterum hic Saffnaburgensis, & Monachus Herueldensis imposuerunt Seba. Munstero, qui auctoritatem istorum secutus labitur in eundem errorem, iuxta dictum: Cæcus cæcum ducit, ambo in foueam cadunt: O nos miseros, siquidem ita est, ut affirmat Saffnaburgensis. Idem enim nobilicum agitur, quod Poëta inquit: Si fortuna volet, fies ex Rhetore consul, Si volet hæc eadem, fies ex consule Rhetor. Verba Munsteri sic se habent: Otho secundus sublimauit Ducatum Poloniæ in regnum. Sed rex eius paulo post, cum rebellis esset Romano Imperio, iterum degradatur, & ex rege fit dux sub tributo seruiens. Hæc ille. Obseruet lector quomodo scriptores isti scindunt sese in contraria. Qui res Romanas illustrare volunt, Papæ id attribunt, quod offensus Boleslai crudelitate ob cædem diui Stanislai regnum ei abrogarit. Isti contra, qui in partibus Imperatoris sunt, sibiipsis Polonos regios honores vendicasse, tributaq; denegasse aiunt; pinde, degradatur inquit, ab Imperatore, & ex rege fit dux. Sciebant probè Imperatores & eorum scriptores, regios honores Polonos non sibi priuata auctoritate usurpasse, ut dicit Saffnaburgensis. Sed cum ad Pontifices confugerent recuperaturi denuo regium decus, Imperatores ea re offensi nolebant eos pro regibus legitimis agnoscere. Eò quod derelictis ipsis Imperatoribus, à quibus ab initio autore Othone id consecuti erant, ex manu Pontificum id obtinere annitebantur. Itaque exasperati crimen læsæ maiestatis eis impingebant. Hanc puto causam ea in re dissidium inter historicos illos peperisse.

*De dignitate
regni Poloniæ
dissidium hi-
storicorum.*

Munsterus.

WLADISLAUS PRIMVS.

Anno ab orbe condito
Anno à Christo

5044.
1082.

*Bellum cum
Zbigneno.*

*Wladislaus moris
et sepultura
P. otie.*

POloni Wladislaum Hermanum fratrem Boleslai regem designant; quod munus ipse diu subire detrectauit: cunctis tamen instantibus recusare non potuit. Tergiuersationis huius duæ causæ referuntur: altera quòd fratrem adhuc reditum sperabat: altera quòd interdictum illud Pontificium aliquid noui propediem editum suspicabatur. Recens enim exemplum seueritatis in Henricum à Pontificibus editum cunctorum regum animos vehementer pupugerat. Itaque cum esset Princeps pacis, quàm belli, amantior, dubium, decus armis periclitando quærere nequaquam volebat. Sed ubi vrgeri se Pomeranorum, incursionibus vidit, ope diuina confusus expeditionem contra eos adornat, signisque aliquoties collatis, ipsos ad deditionem compulit. Tradunt autem eum fuisse religioni ita deditum, eiusq; cerimoniarum ita pertinacem, vt certis diebus festiuis, more Machabæorum, pugnam inire detrectaret, malletq; quoduis periculum subire, quàm solennitatem festi contemnerare. Qua tamen in re animi potiùs pius affectus quàm ipsum factum laudandum videtur. Inter reges porrò felices Wladislaus numerari posset, cum propter victorias celebres, tum propter filium Boleslaum Criuoustium, cui vix parem inter reges Polonorum, reperimus, nisi ad extremum instabilis fortuna ciuili bello eum implicasset. Nam cum aliud consilium ei non restaret, nec multorum, cohortationes & admonitiones quantumuis humilimæ profuissent, cum filio suo Sbigneno ad Crusciam populosam tum urbem, & celebrem ita cruento bello confligit, vt aqua vicini lacus sanguine tincta propemodum rubesceret. Victus filius & postmodum patri reconciliatus vtcunq; in fide permanfit: sub finem tamen vitæ suæ simulatam iram suam celare non potuit. Pomeranos etiam idem, rex ad Drzuuaczam fluuium profligauit. Habuit autem tunc Sicciechum virum impigrum manu & consilio, quem copiis præficiebat. De cuius moribus D. Cromerus multa tradit. Tandem Wladislaus placida morte anno 1102. quiescit, & in basilica Plocensi sepelitur. Quod attinet res exteras, Huius ætate Constantinopolis suburbia Turcæ primùm inuadunt; quos tamen Iohannes Imperator cum præda reuertentes vnà cum Bulgaris excipit & opprimit. Huius quoque ætate Croatæ gens Heneta, sicut & Bulgari, progressi usque ad regiam urbem populabundi, prædas agunt ac tandem in Liburnia sedes

burnia sedes suas figunt. Quod ideo commemoro, ut series historiarum Slauonicarum & conuersionis dominii eorum in Europa continuari & melius animo concipi possit. Alexius etiam orientis Imperator à Bossinis bello petitus & victus, foedus cum eis pepigit pacem mercatus: parteque ditionis ad Moglennam eis concessa multatur. Alani etiam eiusdem stirpis Henetæ populi confederunt eadem ætate ad Constantinopolim, ubi ad hanc diem manendo reliquias ecclesiæ Christianorum, & ipsum Patriarcham ita sustentant, ut meritò soli patroni eius prædicentur ab illo clero Græcorum. Ita imperium orientis Henetorum armis attritum & Turcorum subdolis artibus labefactatum ægrè se tum intra muros sustentabat.

Croate in Liburnia hæsuerunt, quando.

Bosni ad Moglennam.

Alani ad Constantinopolim.

Annotatio.

Hic rex Wladislaus Henrici quarti Imperatoris Romanorum, qui cum Pontificibus Romanis vario euentu plus satis conflictatus est, filiam viduam (nam antea Hungariæ regi Stephano desponsata fuit) duxit, ex qua filias tres suscepit. Hæc propter illos addo Historicos Germanorum, qui hac ætate Germanos Imperatores durius se gessisse, quàm antea vnquam erga Polonos & Poloniæ reges memoriæ prodiderunt; quod nequaquam circumstantiæ rerum patiuntur. Nam hic Henricus supramodum implicatus tunc erat discordiis cum Romanis Pontificibus. Præterea cum affine viro præclarissimo non est verisimile cum inimicitias quæsiuisse.

Wladislaus rex Henrici.

Refutatur; qui Polonos obnoxios imperio faciunt.

De initio, & origine regni Bohemiæ, nam & hi Slauones sunt.

Wratislaus primus Bohemiæ rex coronatus est 17. Calendas Iunii ab Eugelberto Archiepiscopo Treuirensi in Ecclesia Pragensi, anno 1086. quinto verò huius Wladislai regis Poloniæ. Aeneas Syluius vno anno variat. Liqueat igitur, regnum Bohemicum longè posterius Polonico cœpisse, idque Pontificia auctoritate extitisse, non autem Imperatoria, ut Polonicum.

BOESLAUS CRIVOVS.

Anno à condito mundo

5056.

Anno à Christo nato.

1193.



B celebritatem & amplitudinem nominis tanti regis cuperem, si modo possem, omnia acta eius clarius comprehendere; sed ut dixi non est mei instituti singulis immorari. Tamen nequid reticeatur ex eius præclare factis, imitabor methodum

thodum Suetonii, qui, vt exactius describeret historiam suorum Imperatorum, singulis ætatibus, & insignioribus eorum gestis, suum caput, & paragraphum attribuit. Hoc igitur & ego faciam in describendis rebus gestis huius Boleslai.

De nomine Boleslai Kriuoustii.

Boleslaus nomen, vt similia alia, declarat veterem conatum & institutum regum Poloniae, qui cum præcipui tutores essent Slauonicae confederationis, eò quòd præcipuam arcem belli in Polonia Slau sibi erexerant, & ex hoc loco meridiem versus, attestante Blondo, ad alias remotiores regiones processerant, Slauorum appellatione ita delectabantur, vt ab illa, nomen sibi & suis liberis libenter imponerent. Hinc igitur nomen quoque Boleslai originem ducit. Diutius autem huius parentes absq; posteritate, ac matrimonii fructu permanferunt; ita vt iuxta persuasionem, præscorum ad Ægidii Abbatis subsidia recurrere, ad illudque monachorum sodalitiū donaria afferre impetrandi huius nati causa coacti fuerint. Tum demum eorum pias & deuotas preces exaudiuit Deus, huncque filiolum eis donauit. Quod verò Kriuoustius vocatur, ferunt eum aliquomodo retortum os habuisse, eiusq; Symptomatis vlcus quoddam causam fuisse.

De puericia Boleslai.

Anno decimo tertio regni Wladislai decretum est bellum contra Bohemos, qui nouo titulo regio elati, quem ante nouem annos adepti erant, iam obliuiscabantur cognationis & stirpis veteris Polonorum, pleraq; vetera pacta conuenta violabant. Rex ipse Wladislaus ob aduersam valetudinem ad eam expeditionem proficisci non poterat, sed Sieciechum, vniuersis copiis præficiens mandata, iam adornanti iter, quo pacto se gerere deberet, dabat. Aderat Boleslaus filius nonum agens annum, attentoque animo omnia hauriebat, & in leonini catuli morem, qui teneris etiamnum vnguibus laniatu tamen iam gaudet, generosum pueri pectus belli gloriæque cupiditate impendio exardeſcebat; neq; diutius animo conceptam flammam ferens, genua patris amplexus, & collo eius implicatus, vix magnis precibus, osculis, & blandiciis eum exorat, vt cum Sieciecho ad id bellum mittatur. Sieciecho itaque pueri cura mandatur. Vbi ad exercitum ventum est, puer singula quæ fiebant curiosius obseruare, versari inter ordines, omnibus arridere, vigilias cum Sieciecho obequitare, aliaq; multa præter ætatem facere, ferreque, ita vt indoles illa, studiumq; pueri futuram eius

Indoles Kriuoustij.

turam eius magnitudinem non obscure portenderet. Cum esset duodecim annorum iuuenis patrem obnixè cum lachrymis sollicitat, ut sibi copias ad arcem quandam recuperandam committeret, cuius audaciam prouidentiam animositatemq; rex admirans, legionem vnam, certis adiunctis rectoribus, illi commisit; cætero exercitui Sieciechum Palatinum Cracouiensem præfecit. Arcem itaque obsessam fortiter oppugnarunt; sed quia in loco munitissimo sita erat, ideo incassum laborabant. Qua de causa dux exercitus obsidionem soluere suadebat; sed Boleslaus regius filius à proposito eum retraxit, & militibus confirmatis domos & tuguriola circa arcem hyemis tempore imminente, erigere iussit, ut videretur arcem per hyemem oppugnare velle. Qua re conspecta, Pomerani obsessi ad Boleslaum cum muneribus supplices veniunt, se & sua ei offerentes, quos ille liberos dimittens arcem recuperat, prudentiaq; sua omnia damna à Pomeranis illata relârcit, ad patremque cum ingenti præda ouans reuertitur.

De adolescentia Boleslai.

Anno 1103. ætatis verò eius decimo octauo post mortem Wladislai Hermani patris regni gubernandi habentæ ipsi traduntur, quem statim bella Morauica & Bohemica exceperunt. Et vix Bohemicis sopitis, Pomeranica aggressus est; de eius autem pugna ci ingenio & animo strenuo scriptores multa tradunt. Ex quibus Guagninus ad hunc modum: Accidit autem, dum post insignem victoriam in festo dedicationis templi apud quendam nobilem conuiuium celebraret, recreationis gratia centum duntaxat equitibus cinctus venatum processit, ubi in tria millia Pomeranorum insidiantium incidit, in quos ipse rex veluti leo rugiens primam impressionem fecit, tribusque interfectis, suos animosiores reddidit. Quidam verò Pomeranus in ipsum regem collimans equum sub eo transfixit, attamen à persequendis hostibus altero equo nato haud destitit, donec multo cum labore à tam obstinata audacia vix retractus fuerit, victorque ad suos conuiuentes profligatis hostibus redit.

Bellicosum ingenium Boleslai.

De bello Germanico quod à Boleslao Kriuoustio cum Henrico Imperatore eius nominis quinto, Anno Christi 1109. gestum esse prædicatur.

Nostri histo-

Nostri historici causam istius belli explicantes narrant, quòd Poloni Hungaros hostes tunc Imperatoris auxilio & com meatu iuuabant, militesque Bohemos ei obstrictos ad sua castra pelliciebant: sed hæc occasio belli potius dicenda est. Ipsam autem causam veram tam funesti belli aliam fuisse rerum circumstantiæ detegunt: nimirum quòd reges Poloniae contra Henricos Imperatores in illis dissidiis cum Pontificibus Romanis non obscure sentire videbantur. Vehementer igitur Imperatores ringebantur & Polonis indignabantur, quòd tam cito, veluti obliti beneficii accepti ab Othone tertio Imperatore, qui hanc gentem regni titulo patrum eorum memoria insigniuerat, ad Pontificum partes transissent, ab eisque ex eorum manibus restitutionem dignitatis regiae tanquam à legitimis dispensatoribus tantorum honorum, duce Wladislao Hermano, præteritis & posthabitis Imperatoribus Romanis, mendicassent. Propterea H. Mutius referens causas huius belli, primam narrat fuisse quod tributum Imperatori debitum dare recusauerint, regemque sibi elegerint, ipsique coronam imposuerint. At Poloni ut ante dictum est, nulla vnquam tributa Imperatoribus pependerunt. Coronam etiam non ipsimet sibi, ut ait Mutius, sed Otho tertius eis imposuerat. Necessariò igitur hæc intelligenda sunt de illa repetitione & recuperatione regiae dignitatis, quam Wladislaus Hermanus magno sudore & sumptibus à Gregorio septimo Pontifice consecutus est. Exercebat igitur dolor status Germaniæ, sibi ius hoc & prærogatiuam quasi è manibus eripi & regium decus ab iis & adimi & restitui, quorum minime intererat se huiusmodi rebus implicare. Hinc est quòd post modum prædictus Mutius addit. Qui, inquit, summus contemptus erat Imperatoris. Vtrum autem hoc deliberato consilio fecerint Poloni, non est meum tanta de re iudicium ferre. Addam tamen deplorationem & querelas cuiusdam Germanici scriptoris neoterici, ex quo quilibet intelligere poterit, quàm valde offensi fuerint & etiamnum sint Germani depositione eius amicitiae, quàm cum Othone tertio & gente Germanica ante 600. annos Poloni inierunt. Eleuata est, inquit ille scriptor, & in contemptum adducta apud vicinos reges autoritas Imperatorum, & incitati sunt hi, ut illis cum rabie Pontificum conflictantibus paulatim sese ab obedientiae & veterum pactorum legibus subducerent, & ab Imperio auellerent, cui certis eonditionibus ita paruerunt, hætenus, ut annua tributa subiectionis testificandæ causa pendere sint coacti. Hæc tributa Imperatoribus detracta, & controuersias omnes inter vicinos reges, Pontifices ad se, tanquam supremum Christiani orbis iudi-

Causa cur Imperatores infensi Poloniae Regno.

Mutius refutatur.

Causa dissidii inter Imperatores & Pontifices.

Controuersia inter Reges.

ani orbis iudicem transfulerunt, quod non solum opum causâ, sed multo magis autoritatis Romanis profuit & regibus libertatis nomine gratissimum. Imperare enim regibus Monarchæ, & consensum atque coniunctas vires orbis Christiani augescenti potentia Pontificum opponere amplius non poterant. Addit postea, Sed & regibus noui compedes & noua sunt vincula iniecta, qui quærentes, vt metu Imperatorum essent soluti, in grauiora pericula inciderunt. Nam & postea iidem reges commisi sunt cum Imperatoribus, & vt secum ipsi digladiarentur effectum est. Nam extenuata & eleuata Imperatorum autoritate, reges cum non haberent quem reuererentur, autores fuerunt bellorum intestinorum. Sed & solutio hæc Hierarchiæ elisit multoties conatus optimos Imperatorum, qui magno apparatu belli studebant infringere potentiam Turcorum, &c. Sed digressi uncula hac omissa litteras Henrici ad Boleslaum, & Boleslai ad Henricum prius præfigemus, vt ex eis intelligi possit vera causa sequentis belli ad quod describendum mox accedemus.

Literæ Henrici Cæsaris Glogouia ad regem Boleslaum missæ.

Henricus Cæsar Boleslao Duci Poloniæ gratiam & salutem; Tanta probitate comperta meorum Principum consilio adquiesco, & trecentas marcas recipiens hinc pacifice remeabo, hoc nisi satis sufficit ad honorem, si pacem simul haberemus & amorem. Si autem tibi placuerit hoc approbare in sede Cracouiensi. Cito me poteris expectare.

Ad hæc ita ei respondit Boleslaus.

Henrico Cæsari Boleslaus Dux Polonorum, Pacem quidem sed non in spe denariorum, vestra quidem Cæsareæ potestatis nutu consistit manere vel redire, Sed apud me præ timore vel conditione nullum potestis vilem obolum inuenire. Malo enim oram Poloniæ regni salua libertate perdere, quam semper pacifice cum infamia retinere. Ex iis litteris apparet Henricum nouo exemplo & antea inandito tributum à rege extorquere voluisse. Quod antequam concederet Boleslaus, extrema quæque pati paratum se declarat. Iam ad ipsum bellum explicandum veniam. Henricus ergo Quintus coniunctis viribus cum Suatoplugo rege Bohemiæ validissimas copias contra Boleslaum in Syllesium duxit Lubasq; ciuitate expugnata Glogouicen urbem frustra acerrimè oppugnauit magna suorum militum strage. Boleslaus autem,

*Pugna ad
Glogouiam.*

f

cum ad

cum ad eum expectata auxilia confluxissent, propius hostem accedit; nec tamen pugnandi copiam, quamvis flagitantibus suis, faciebat, sed è latebris & insidiis hostilem exercitum carpebat, pabulatores & alios quavis causa egressos per submissos milites excipiebat ac trucidabat. Sæpius intempesta nocte cum clamore & clangore tubarum hostium castris adequitabat; excubias aut opprimebat aut è stationibus depellebat, nonnunquam prandentes aut quiescentes tumultuariè adoriri, persequenti hosti cedere, recipientem se rursus persequi. Exurebat etiam circumiacentes villas; obsidebat itinera; sæpe reuertentibus prædam excutiebat. Celebre his rebus erat Boleslai nomen inter hostes, totaq; castra laudes & virtutes eius compositis etiam ad id carminibus personabant. Angebatur Cæsar, cumq; vndiq; vrgeretur, obfesso quàm obsidenti similior erat. Tentata fuit per legatos pacificatio, sed Cæsarem præposterius affectus trahebant. Cum enim conditiones, quas Cæsar proponebat, vt indignas nostri auersarentur, ille, arca aperta, thesauros suos eis monstrabat, additis his verbis: Hic, inquit, Polonos perdomabit. Cui Scarbicus vnus ex Oratoribus regis, notans iactantiam Cæsaris, respondit, annulo, quem in digito gestabat, in illum ipsum thesaurum proiecto. Auro, inquit, adiciam aurum. Quo scommate Cæsar intellecto, gratias egit, inquit, lingua Germanica, *Hab dancē*/ quod significat Gratias ago. Vnde familiæ nomen Habdanckorum mansit, & insignia eorundem, quæ hanc figuram referunt, W, adhuc *Hab dancē* à Polonis vocantur. Cum igitur Cæsar nec periculis nec conditionibus iustis ad tranquilliora consilia perducì posset, Boleslaus instructa acie in diluculo ei occurrit, collatisq; signis, impetum in eum facit. Committitur atrox pugna quæ ab ortu solis vsq; ad horam pomeridianam durauit. tandem, cuneo iuxta militarem scientiam instructo, cum latera Cæsarianorum inuasisset, subito solui eorum acies coeperunt. dilabebantur demum, cuncti, nequicquam eos Cæsare reuocante. Qua re animaduersa & ipse Imperator sibi consulens salutem quæsiuit, vno duntaxat seruo comitatus. Ita Poloni exultantes, & exuuiis interfectorum ditati, victoria ouantes receptui canunt. Fuit hæc pugna commissa in campis Vratislauensibus miliare vnum ab ipsa vrbe; quem locum hætenus accolæ caninum campum vocant, eò quòd isthuc post cladem illam multitudo canum ad cadauera confluxerat; & longo tempore ob eorum rabiem vix prætereuntes tuti transire poterant. Rediit tandem Henricus ad mentem meliorem. Nam commissurus se itineri Romam versus Boleslaum demissè & perblandè rogat, vt, certis conditionibus

*Scarbina.**Habdanck.**Caninus campus.**Expedirio
Henrici in Italiam.*

conditionibus, habita Imperatoriae dignitatis ratione, animum suum ad pacem faciendam flectat. Conuentum est Bambergam; mutant animos hostiles; scribuntur conditiones pacis. Obseruabant tunc prudentiores in Cæsare, an post illa saeuissima bella & tonitrua irarum animus eius integrè placatus esset, an signo aliquo animi dolorem testaretur, anq; externa membra sensibus interioribus in eo obtemperarent; sed omnia integra reperta sunt, omnia sanata. Impetator enim prorsus amicum se Boleslao declarat; sororem suam Adleidem ipsi, filio verò eius filiam suam Christinam in matrimonium despondet. Ita post bellorum tumultus omnia lata esse, omnia serenascere coeperunt.

Finis belli matrimonium & auxilia ex-primere.

De bello Russico.

Meminerant Russi paulò antè à Rege Boleslao, non sine maximo probro, strategemate quodam plagiario Iaropelcum, du- cem Haliciensem opera Vloftouocii Comitis Xiaznenfis a bre- ptum & ad regem vsq; in Poloniam deductum. Igitur, vt par pari referrent artemq; arte compensarent, sollicitè quærebant. Mit- tunt igitur cum perblanda & verisimili narratione nuncium inui- tatum regem, vt in Russiam quamprimùm veniat reducturus re- stitutusq; ad sedes suas principem Haliciensem, qui gratitudinis ergo pollicetur se deinceps in potestate eius permanfurum. Ad- diti sunt alii colores, quibus veluti fucò postulata sua, vt verissi- ma viderentur colorarunt. Rex Boleslaus, vt erat natura apertus & credulus, dictis fidem adhibet, aliquotq; cohortibus stipatus venit ad condictum locum. Interea Russi obuiam procedunt tam quam cōgratulaturi honoris & officii causa. Interim regem cum eius comitatu circumfundunt & hostiliter inuadunt. Rex autem astutiâ Russorum, animaduersâ, milites suos, qui pauci erant, ad resistendum hosti scœdifrago facunda oratione confirmauit. Sed Palatinus Cracouiēsis admonitione regia minimè motus, cum præcipua ala equitum, cui præfectus erat, inter primum tumultum aufugit. Rex verò aliter fieri non posse videns, strenui militis & Imperatoris officium agit. Primò cum suæ aulæ equitatu Hun- garos aggressus est, quos strenuè repressit & prostrauit. Viribus deinde resumptis, cum validis Ruthenorum copiis manus acriter conseruit; iamq; Ruthenorum acies inclinabantur, cum recen- tes copiae auxiliares validiores, Polonos vndiq; circumdederunt, viresq; eorum perfregerunt. equus sub rege ipso ita confossus est, vt intestina ex eo profluxerint; alium tamen equum, qui ipsi ade- rant suppeditant, sicq; vix, à suis non tam persuasus quam compul- sus, illæsus

Bellum cum Russis.

Credulitas Boleslai.

Fuga Palatini

sus, illæsus euasit. Quapropter moestus animo angebatur, non tam Ruthenorum foedifragorum insidias, quàm Palatini Cracouiensis perfidiam turpissimā execrans; cui rediens pelliceum leporinum & columb., id est instrumentum, quo mulieres fuso fila ducunt, liniq; fasciculum & restim misit, indicans eum lepori in fugiendo similem fuisse, & quòd non dignus esset pro viro sed pro muliere haberi, resq; muliebres non autem viriles tractare, suspendiumq; quod resti indicabat esset commeritus. Palatinus itaque iste desperatione adactus, in campanili vbi oratorium suum habuit, fune campanæ sese suspendit; cuius nomen ad posterorum dedecus vitandam in Chronicis reticetur. Attamen posteriores historici nomen eius inuestigarunt; vocatumq; fuisse Wsebor scriptis iam patefecerunt.

Erga religionem quàm fuerit propensus.

Liberalitas Boleslai erga ecclesias.

Signa pœnitentie.

D. Ægidius pro patrono habetur.

Quietem igitur nactus Boleslaus Basilicam Cracouiensem humilem etiamtum & neglectam in augustiorem formam redegit, excitatis altius muris eius, ac duabus turribus ad latera eius adiunctis. Suppellectilem quoque eius veste pretiosa, auroque & argento facta maiorem in modum auxit. Posthæc quamuis magnis in ornatum templorum & in alimenta sacerdotum, atq; egenorum impendiis atque donationibus, iugique precatione & lachrymis, & aspero tenuique victu & cultu corporis, cilicio pro veste utens, & cinere sese aspergens, ægrotorumq; mendicorum pedes subinde manibus suis abluens, admissum in Sbignenum fratrem facinor sedulo expiaret, aliisque satisfaceret, tamen ipse sibi minimè satisfaciebat, nisi & laborem longæ & molestæ peregrinationis voto conceptæ adiiceret. Itaque solenne Christianis quadraginta dierum ieiunium, panetantum & aqua gustandis, cilicium induitus, cum exegisset, paucis sacerdotibus & aliis piis hominibus comitatus, ad Ægidii tutelaris diui sui sepulchrum peregrinationem priuati hominis habitu suscepit, atque id iter magna ex parte nudis pedibus cōfecit; nullum templum, nullum monasterium, nullum egentium domicilium, nullum deniq; sacerdotem aut mendicum præteriens, quin liberalitatem & munificentiam suam in eum declararet. Quindecim dies apud diui sepulchrum ieiuniis & supplicationibus vacans commoratus, cum in Poloniam reuertisset, & reliquum illius anni tempus quieti dedisset, vere proximo in Hungariam ad diui Stephani sepulchrum alteram peregrinationem ex eodem voto

eodem voto instituit, eaque religiosè & pedestri item itinere peracta, & quidem non sine molestia, propterea quòd splendide & sumptu modum honorificè contra animi sui sententiam à Stephano rege genero suo, & à primoribus Hungaris acciperetur ac deduceretur, Gnesnam etiam eiusdem voti exoluendi causa adiit, ut videret diui Alberti reliquias, quas paulò ante Iacobi Archiepiscopi operâ in propatulum prolatas è latebris sciuerat. Nam diu post captum & vastatum à Bohemis id oppidum, paucis rei consciis, delituerat. Adhæc octoginta pondo auri & multas gemmas in urnam eiusdem diui tunc simul contulit.

Moriturus ecquonam modo disposuerit domi suæ.

Vbi mortem appropinquare sibi sensit, conuocatis proceribus qui officii causa undique conuenerant, & quatuor filiis astantibus de concordia apud eos verba fecit, partitiuque omnia, quæ tunc erant Polonicæ ditionis, inter quatuor filios, principatum & summam rerum penes Wladislaum natu maximum constituit, ceteros eius auctoritatem sequi iussit. In partitione quintum filium, qui superiore anno natus erat, præterierat. Id proceres eum obliuione fecisse existimabant. Itaque admonent, ut ne illum exortem patrimonii relinquat. Respondit princeps: Iam illi quoque portionem suam esse designatam. Admirantibus cunctis, non aduertitis inquit in curru inter quatuor rotas quintam esse partem currus cui homines insident, & onera imponunt, quæ quidem à rotis sustentatur atque portatur? Eum igitur locum inter quatuor fratres quintus obtinebit, illisque suo tempore succedet. Diuinitus ne id quod futurum erat, præsciuerit, an ut solent homines instante morte alienati mente diuinare, an verò discerpere in plures principatum voluerit, dicere non habemus. Nec ita multò post sacris Christianorum mysteriis ritè procuratus vita excessit, maximo totius Poloniæ desiderio, cum regnasset post patrem annos triginta sex, vixisset quinquaginta tres. Funere Ploscum solenni pompa elatus est, & iuxta patrem sepulcro conditus.

*Krioustius in
Plosco tumula-
tus.*

De habitudine corporis eius.

Fuit autem Boleslaus hic habitudine corporis satis firma, vegeta & laborum patiente, colore fusco, statura mediocri. os ei carbunculus ab ineunte adolescentia distorserat, atque inde Krioustii cognomentum habuit. Animo verò excelsus fuit, & periculo-

rum contemptore; iusti & æqui obseruantissimus: ad iram, gratiam, misericordiam ex æquo pronus: ad credendum perfacilis, quæ res ei multarum aduersitatum, & ad extremum exitii causâ fuit. Ad beneficentiam & liberalitatem cum in omnes, tum præsertim in eos, qui in re militari præstabant, pròptus: modestia & clementia singulari, laudis & gloriæ cupidus, pacis artium non expers, verum belli studiis longè præstantior: ad quæ à teneris, quod aiunt, vnguiculis toto animo ferebatur. Itaque omne ferè sui regni tempus bella gerendo exegit, miles strenuus & audax, dux prouidus, solers, animosus, & felix.

Res notatu digniores exterarum gentium, quæ incurrunt in eius seculum.

*Calo Ioannes
Imperator.*

*Phranchochori
on,*

Lotarius Imperator eodem anno est mortuus aut certè vno tantum anno anteuerit Boleslaum. Eodem tempore Calo Ioannes orientis Imperator, memorabili exitu vitam finiuit, manu in venatione ad digitum minimum venenatæ sagittæ illapsu leuiter læsa, quam vnâ cum aliis aper ab eo sauciatus subito iussu pharetra excusserat; ex læsa parte veneno celeriter in omnes corporis partes discurrente. Vir hic eximius fuit, qui aliquo modo Græcorum nomen instaurauit, & celebrius reddidit. Tartaros, qui hac ætate Europam vastabant, submouit. Hunnos ad Istri & Sauis confluentem profligauit. Locus ille Francis etiam fatalis fuit, eos enim Hungari ibidem deleuerant vnde φραγκοχώριον in historiis, ob Francos in eo profligatos is locus dicitur. Eiusdem Boleslai temporibus. Suatopelcus Monarcha Rufforum, Kiouiensium, socer Boleslai mortuus est anno 1112. Multas & præclaras victorias per id tempus Ruffi ex Polouuciis, qui Gothorum reliquiæ esse censentur, reportarunt. Sed omnium nobilissima illa prima censetur, in qua ad viginti duces Polouutiorum interfecti sunt. Accidit autem hoc anno Christi 1103.

*Tres gentes
nobilitate hoc
tempore.*

Eiusdem regis nobilissimi temporibus tres non minùs claræ, quàm nobiles gentes in Polonia effloruerunt. Labeciorum, qui pro insigni cycnum gestabāt, ob fidem & summam animi propensionem erga Poloniam, & Poloniæ reges, cum ipsi essent origine Dani. De his lege latiùs in historicis Polonicis. Secunda stirps, quæ honoribus est aucta, fuit Habdanckorum, ob legationem ad Henricum Imperatorem, quam tum summa cum dexteritate & gloria nominis Polonici eius stirpis princeps obiuit. Tertia ea est, quæ vocatur Woynia ob bellicam virtutem, quod regem Boleslaum à Ruffis

um à Ruffis circumseptum cum summo discrimine vitæ suæ planè è faucib. hostium liberarit. De qua re est superius annotatum. Insigne huius gentis est compositum ex cruce & anfa aheni.

De cessione iuris Imperatorii ab Henrico quinto.

In huius tempora incidit Henrici quinti ingressus Romam, ubi veniens duos Pontifices vi cepit, & cum Cardinalibus sede deiecit. Sed tandem excommunicatus cum fulminis vim sustinere amplius non posset oneri succubuit. Iura enim Romanis remittit, & patrimonium sancti Petri concedit, ut Carolus Sigonius in sua historia refert. Adhæc iurat Pontifici idem Imperator, vitam, membra, honorem, regalia sancti Petri tueri. Hæc cum Vormatiæ in magna hominum frequentia publicata essent 1122. Anno. Nono Calendas Octobris magnus applausus consequutus est in plebe ob spem futuræ tranquillitatis. Sed episcopi valde territi erant. Timebāt enim, ne qui per baculum & annulum inuestiti erant, beneficiis priuarentur.

Hunc casum scriptor historiæ Germanicæ istis verbis ita deplorat.

Ita ergo constituta sancitaque à Carolo Magno iura Imperatorum, & annos trecentos conseruata ac defensa, seditio domesticorum & Pontificum cōspiratio vno momento elisit & euertit, &c. Alius etiam Germanicus scriptor Ioannes Leuenclaus de bello Moschouitico scribens inuehitur in Pontifices, vocans eos non sacros sed execrandos, quod æmulatione laborantes paulatim tum temporis reges & maximè Poloniæ regem ab obedientia Imperii abduxerint: ut ita eos obedientiæ suæ subiicerent, conditionibusque quibusdam iuris sui facerent, legibus certis circumscribendo.

Hic quinquaginta pugnavit prælia, signis

Collatis, casu non variante fidem

Pugnavit quoties toties & vicit eorum

Nomina, quos vicit quod breue claudat opus

Cæsaris Henrici magnas fudisse cohortes

Sat sibi, deessent cætera, laudis erat.

Mærore interiit, quod prorsus inermis ab hoste

Ex difrago victus fraude doloque semel

I modo, Pompei numeramibi Roma triumphos,

Nos Boleslai prælia, maior uter?

*Pompeium Caesar bello prostravit aperto:**Fraus potuit nostrum vincere sola ducem.*

W LADISLAUS ET BOLE- slaus Crispus.

*Anno ab orbe condito**Anno à Christo*

5101

1140.

*Wladislaus
motus regno.**Expedi-
tio pro
terra sancta.**Iaxa.**Bolesla. Pro-
ceri vi-
tus ad
Mediolanum.*

Boleslaus cum quinque filios reliquisset vni ex eis Wladislao regnum celsit. Verum is, cum sibi arrogantius in reliquos fratres sumeret imperium, pecuniamque eorum subditis imperasset, & mel, oua, anseres, & triticum eos ad sua granaria deferre cogeret, nec se à quoquam ac ne à Senatoribus quidem à suo institutodeduci pateretur, vna cum uxore Christina motus est regno, cumque aliquantulum restitisset Senatusque consultum spreuisset, profligatus mox in perpetuum abiit exilium. Egit posthac apud Conradum Imperatorem, egit & apud Barbarossam, ut quam sibi illatam putabat, vlciscerentur iniuriam, regique sedi ipsum restituerent. Sed oblata capita accusationis facile qui successerat Boleslaus, diluit, & Imperatoribus satisfecit. Fuit postea regnum Polonorum tranquillius usque ad annum 1171. Iam quæ domi & foris euenerunt, dum isti fratres regni gubernacula tenebant, non abs re fuerit paucis consignare. Istis remporibus increbuit & inclaruit fama illius in toto orbe terrarum celeberrimæ expeditionis quæ vocabatur Pro recuperatione terræ sanctæ. Qua fama excitatus Henricus dux Sedomiriensium frater regis Boleslai, etiam ipse se Germanicis & Gallicis Argonautis illis adiunxit, excitatusque & expergefactus paternis virtutibus vna cum eis ire perrexit. Hunc secutus est quoque vir magni nominis Iaxa de gente Gryfiorum, qui postea principatu Pomeraniæ potiti sunt. Qui cum in bello strenuum militem se præbuisset, domum quoque reuersus non minorem laudem pietatis & moderationis meruit. Ne verò nudis verbis, qualis esset ostenderet, etiam rebus ipsis id testatum fecit. Duo cœnobîa erexit: alterum Miechouiæ, cuius oppidi situs persimilimus Hierosolymitano prædicatur, alterum Andreiouiæ. Iure quidem suo gloriari possunt Germani & Galli ob recuperatam terram sanctam, sed non soli: Aderant ibi & nostri, qui pars magna laborum fuerunt: Proinde suis meritis fraudari non debent. Hos autem conatus Christianorum adiuuit etiam Boleslai Proceri virtus, qui etiam Fridericum Barbarossam Imperatorem cum aliis, tum circa oppugnationem Mediolanensem sub signis eius militando non mediocriter adiuuit.

Laudatur

*7
Sa. cerdo
les yx
xali*

Laudatur Friderici ipsius factum, quod armatus & equo infidens flumen ad Mediolanum traiecerit, meruitque ob id <sup>pu-
ponit dūnos vo-</sup> cari. Laudetur, inquam, Fridericus. Sed & Boleslai Proceri factum non est dissimulandum. Nam cum eques quispiam vasto corpore, gigantea mole, prodiens vrbe Mediolano identidem Cæsarianos ad singulare certamen vociferans, contumeliosis verbis prouocaret, & cuncti propriæ cuti, vt dicitur, cauendo, post principia starent: ipse non ferens totius exercitus ignominiam, inconsulto licet Imperatore, prouocatore aggreditur, in oculisque cunctorum, qui ab vtraque parte spectatum prodierant, vt euentum duelli viderent, equo deiecit, desiliensq; confestim obtruncavit. Redit tandem ad suos spoliis, quæ hosti detraxerat, sibi impositis, & ab omnibus cum summa gratulatione & applausu, vt fieri solet in tali casu, excipitur, vniuerso exercitu Boleslai virtutem ad sidera efferente. Quo quidem eius heroico facto Cæsar ita fuit delectatus, vt eum Torquato illi Romano, qui primus hoc nomen inuenit, perblandè compellans comparauerit. Ex eo autem tempore magno in honore iuuenem apud se Imperator habuit, & cum alia documenta suæ beneuolentiæ erga eum dedit, tum in restitutionem eius, reconciliationemq; cum fratribus, maiore studio, confecto Mediolanensi bello, incubuit. Et quando egressus syluis vicina coëgi, vt Poëta inquit, Petri quoque Dunini probitas & calamitas simul, quam expertus est fortuna aduersa, commemorandæ essent. Veneri etiam Episcopi Plocensis mors miraculis quibusdam insignis enarranda esset, nisi leges breuitatis, quas mihi ipse semel imposui transilire nollem. De Syllesæ etiam nomine cum alii hoc loci inquirant, mihi quoque aliquid dicendum esset, nisi superius iam hoc præstitissem. Addam tamen hinc annotatiunculam quandam ex Chronico Wratislauensi, quam cum ibi hospes essem, in summo templo inueneram descripseramq; Valterus inquit nonus Episcopus Wratislauensis, ordinatus est anno domini 1148. & tempore huius Episcopi Poloniae Canonici, & sacerdotes habuerunt vxores legitimas. Et facti sunt generi & foceri nobilium. Et erat magna inter clerum & nobiles concordia. Tempore dicti Episcopi ædificata est murata ecclesia sancti Iohannis Wratislauiæ. Hæc ad verbum bona fide descripta sunt.

De regno Bohemorum sub annum 1154.

Fridericus Barbarossa, pace facta cum Polonis, anno sequenti expeditionem in Italiam persequutus est (vbi cum Alexandro tertio Pontifice, quid negotii Venetiis habuerit, passim tradunt auctores) Bohemorum & Polonorum auxiliis adiutus. Ratisbonæ au-

tem in ipso

Venerus Plo-
censis Episco-
pus.

Concordia cle-
rici & nobili-
um
Status Ecclesi-
æ sub hoc rege.

7
Sacerdos
et vxor
et alii

tem in ipso procinctu Wladislao Bohemorum Principi regium diadema imposuit, & pro nigra aquila, leonem album duplicata cauda, ut posthac hæc insignia eius essent, dedit. Erant antea Reges Bohemi coronati, sed à Pontifice. Innouatio autem coronationis & insignium mutatio respiciebat eò, ut Pontificibus adimeretur ius coronandi Reges. Id enim sibi proprium vendicabant Imperatores, & hæc fuit non postrema causa belli & dissidiorum inter Pontificem Alexandrum & Imperatorem. In hæc tempora incidit illud bellum atrox in Bauaria & expugnatio oppidi Vaisberg, ubi cum Imperator Fridericus edixisset, ut Velphus cæteriq; equestri ordinis viri, vincti in custodiam traderentur, oppidum à militibus diriperetur, ciues vitam ac libertatem redimerent: tunc mulieres quæ fuerunt in vrbe, antequam portæ aperirentur, petiuerunt ut sibi saluis abire liceret, portantibus de suis reb⁹ quantum vnaquæque posset, quod cum à generosi animi victore facile impetrassent, capiunt consilium pium & memorabile. Nam cum hostes aurum eas ac gemmas mundumq; muliebrem, aut pecuniæ aliquid secum ablaturas putarent, illæ omnibus his rebus militum prædæ relictis, maritos suos in humeros sublatis, & paruos liberos in sinu atque amplexu tenentes, vrbe asportarunt. Imperator ingeniosa pietate mulierum mirifice delectatus, omnibus cōuiuio exceptis, clementer ignouit.

De transitu Conradi Imperatoris per Poloniam, cum exercitum duceret in Asiam pro recuperatione terræ sanctæ, ex Miechouiensi.

Antiquitus humanitas maximam regibus Poloniæ.

Boleslaus Crispus cum Germanis Mieczlao & Henrico, in metis ei personaliter occurrentes, cum magna veneratione præfatum Romanorum regem & ipsius exercitum per Poloniam conducentes, omnes sumptus & expensas liberaliter tribuerunt, pontes & passagia refecerunt, ad extremumque Constantinopolim versus deduxerunt. Henricus autem vnus ex filiis illis Kriuoustii, dux Sedomiriensis & Lublinensis, refutatis nuptiis, quoniam celibem vitam elegerat, cum voluntariorum militum delectu, in pulchro apparatu ad tuendam terram sanctam (quoniam illa tempestate à regibus Christianis ipsius quærebatur recuperatio) profectus est. In profectionis articulo, ecclesiam parochialem in villa Sagosc, ad fluiuium Nida cum bona dote fundando, & terras Sedomiriensem & Lublinensem Boleslao Crispo ad gubernandū commendat, postq; vnus anni

unius anni lapsum, sospes in patriam rediit, militibus suis nonnullis morte & periculis absumptis. Ducibus Poloniae aliquot annos tranquillè & sine bellis vitam agentibus.

Quo pacto Emanuel Cōnenus Imperator orientis Conrardum Imperatorem occidētis cum toto exercitu Christianorum hospitio exceperit.

Fuit Emanuel affinis Conrardi, propterea fiducia amicitiae securius se, transmissio Hellesponto, Asiae commisit. At ille insigni perfidia, penè grauius hostibus ipsis, afflixit eius exercitum, ferro, fraude, ad extremum & veneno copias eius popular⁹ est. Magnam enim partem militum eius perdidit, submissis panibus, qui parati erant ex farina, cui gypsi tenuissimus pulvis commistus erat. Sed hanc perfidiam Rogerius Siciliae Rex cito vlus est, Corcyra, Aetolia, Acaruania, Corintho, Acrocorintho, aliisque locis ac provinciis, Emanuele exuendo. Postea classem regiae vrbi admoovit, & impetu in eam facto, suburbia flammis iniectis exussit. Aegrè se cum Imperii titulo intra mœnia, Imperatore conseruante, quin & ipse non ita multò post, fatis concessit, cum attigisset annum tricesimum octauum Imperii sui. Imperii finem hoc versu prædictum ei tradunt.

ἀλλ' ἵτάτη σὶ κερδαίνα λαβὴ λόγῳ. quem versum ego sic verterem,
Verum rapit te nominis pars vltima.

Postremæ enim literæ nominis ΕΜΑΝΟΥΗΛ Græcis triginta octo significant. Multa de curiositate eius naturæ differunt historici: Cum enim ingenio valeret & eloquentia, delectabatur monstrosis opinionibus, & ostentatione ingenii, in disputationum conflictibus. Conrado mortuo, Fridericus Barbarossa Imperator in Poloniam est ingressus, vt ita subsidaria auxilia à Boleslao extorqueret. Quia verò videbant Poloni institutum Friderici esse honestum, nequaquam difficiles se in ea re præbuerunt. Statim enim Boleslaus, dictus proceræ staturæ, qui filius Wladislai maioris natus erat, se ei adiunxit: & præclarum illud virtutis suæ specimen, quod ante commemorauimus in exercitu, ipsius apud Mediolanum edidit, exercitu Boleslai virtutem ad sidera efferente.

Emanuelis nomen.

1162. Bellum Vandalicum cum Danis, in quo Henricus Leo Danis auxilio fuit, Crantius quinto & octauo capite.

1165. Item Vandalicum bellum cum Danis renouatur. Belli Vandalici cum Danis meminit etiam Cromerus.

MIECISLAVS SENEX.

Anno ab orbe condito
Anno Christi

5076.

1174.

SEnatus cunctique ordines cum perfoluissent iusta Bole-
slao Crispo ad Miecislauum regnum deferunt, partim eam
ob causam quod maior natu esset, partim quod morum
peculiari quadam grauitate apud eos commendabilis erat. Sed is
iudicium senatus & opinionem cito fefellit. Nam grauitas mo-
rum, quæ præter ætatem in adolescentibus elucere videtur, sensim
intyrannidem vt plurimum degenerare vertiq; solet. Hoc verum
esse exemplo quoque Miecislai experientia docuit. Nam cum om-
nia sibi permetteret, monentes contemneret, & omnia pro libidi-
ne agere cœpisset, redargutus est priuatim à Gedeone Archiepi-
scopo. Sed illa admonitione deterior factus, in vitia Reipub. no-
xia indies magis ruebat. Proinde cum priuatis admonitionibus
nihil profecisset, publicè etiam expostulare cum eò aggressus est
Gedeon; assistentibus & gestu annuentibus cæteris: modestè is
quidem, vt is, qui quomodo erga reges sese gerere cum regibus
agere deceat, probè nouerat, sed tamen non absque aculeis. Mate-
riam orationis ei subministrauit occasio Mulieris cuiusdam, quæ
contra priuignum coram Rege querelas protulerat. Aderat enim
tunc forte Gedeon, & exemplo Prophetæ Natan, qui ficta narratio-
ne de oue erepta, Dauidem criminis conuicerat: ipse quoque vt
sese Rex agnosceret, & resipisceret, efficere est conatus. At melio-
re euentu Natan id confecit. Is enim effecit, vt Dauid poeniten-
tiam seriam ageret. Sed Miecislauus nullum fructum receptæ admo-
nitionis edidit: imò in vetita magis ruebat, negataq; concupisce-
bat. Itaque cum neq; priuatis, neque publicis admonitionib⁹ quic-
quam profecissent, lege Traiani Imperatoris contra eum agunt.
Electus hic ad imperium, strictum gladium Romanis porrexerat,
vt si malè imperasset, eo contra ipsum vterentur. Et iurisperiti
quidem illam legem magis castrensem esse volunt, vbi dux in ty-
rannidem ita notoriam prolaberetur, vt res nec probatione nec vl-
lo teste indigeret. Nam in castris in puniendis admisis comperen-
dinationes locum non habent. Vt vt tamen se res habet, expona-
turq; lex vt lubet, certè Senatus amplissimus regni huius, satis pru-
denter & longanimitè se gessit erga Principem suum, præeunte
Archiepiscopo Gedeone. Quamquam postmodum cum seditio-
nes & bella ciuilia metuerent, & admonitionibus nihil planè profi-
ci viderent, ad consilia acerbiora eos decurrere necesse fuit: Mie-
cislauum igitur regem summo magistratu mouent, & Cazimirum
Sedomirien.

*Lex Traiani
Imperatoris
fuerit ne ca-
strensis & an-
tenenda.*

Sedomiriensem fratrem iuniorem, licet inuitum, & moras nec-
tem in locum eius surrogant, ac per Stephanum Palatinum Craco-
uiensem regem nominant. Ita Miecislauus cum vniuersum negoti-
um proteruia sua coniuncta cum ferocia corrupisset, regno priua-
tus est. Libertas hæc scñatus Polonici prudentiâ temperata, eò ma-
gis est laudanda, quòd adhuc sub illa seruitute viuentes, cum aue-
nam pendere regi, & gallos gallinaceos, ouaque apportare annua-
tim cogebantur, apertè tamen se pro Repub. opponere non refor-
midauerint, maximè cum nullum aliud remedium eis restaret, con-
tra hominem, obfirmato animo, in præceps ruentem: Diligentissi-
mè tamen cauendum est ea in re, nequid nimis. Extremum enim
hoc debet esse remedium.

*Nominatio re-
gis noui per
quem.*

CAZIMIRVS SECVNDVS.

Anno à condito orbe
Anno Christi

5140.
1178.

CAzimirus, fratre exautorato, nequicquam exterorum au-
xilia implorante, rerum potitur: Defectio autem à Miec-
islao, qua magistratu supremo summotus, & ex rege extor-
ris factus fuit, à filio maiore natu Othone initium sumpsit. Laben-
tibus enim rebus parentis, Otho ne sibi deesse videretur, inuaserat
in posselsiones patris, maioremq; Poloniam occupauerat. Vtque
tutius ei sic esse liceret, missis ad Cazimirum legatis, se fore in po-
testate eius & deinceps imperata facturum promittit. Obtinuit à
patruo rege id quod optabat, maiorisque Poloniæ principatum à
dipiscitur, Gnesna excepta, quam ad retinendam amplitudinem
nominis, auctoritatemque tuendam, vt pote priscorum regum do-
micium antiquius & augustius, sibi vtilem fore iudicabat. Otho-
nis exemplum. Pomerani secuti, similiter se Cazimiro dedunt,
quos in fidem & clientelam recepit, eisque Boguslaum de gente
Gryfiorum præficit, cuius opibus & clientelis posteri confisi, ex-
cusso iugo nomen sibi principis vsurpauerunt, cum antea præfectu
ræ nomine tantum imperitarent. Nunc pro clientibus regum Po-
loniæ aliqua ex parte se gerunt, tantum ratione Bithomiæ arcis &
Lemburgi. Conatus est Miecislauus recuperare priores fortunas,
& regi Cazimiro magna ex parte persuadet. Iamque aliquoties in-
frequenti senatu mentio horum facta fuit, instinctu Cazimiri, sed
nullo profectu. Ipse demum rex cum acrius intercederet pro eo,
oratio eius à senatu non obscuro murmure excepta fuit. Cum cr-
go apertè nihil profecisset, clam ei per internuncios indicat, se non
aduersaturum, si aliquomodo saltem se posset insinuare absq; ma-
gno rerum tumultu. Nec moratur ille, primoque Posnaniam pau-

*Otho filio Mie-
cislai defectio-
nis principum
capit.*

*Boguslaus Gry-
fius, non à rege
tantum, sed à
regno deficit.*

*Lemburgum et
Bithomia.*

*Cazimirus non
sincerè agit
cum Senatu.*

*Statuta regni
Pontifici con-
firmanda offe-
runtur.*

*Expeditionis
pro Hierosoly-
ma recuperan-
da à quorū cau-
sa.*

*An Polonia ex
necessitate sub-
sidia Christiani-
simo Imperato-
ri mitteret.*

cis post dieb⁹ ipsam Gnesnam intercipit. Interea Cazimirus de legibus quibusdam, quæ abrogandis quibusdam moribus barbaris feruebant, ad Senatum & ordines rogationem facit. quam rogationem cuncti ratam faciunt, utque in maiore autoritate leges illæ haberentur & retinerentur firmitus, etiam à Pontifice summo Alexandro illo qui Barbarossæ Cæsaris Venetiis ceruicem pede pressit, eas comprobari petit & impetrat. Commemorantur hic Cazimiri victoriæ de Russis partæ. Expugnauerat tum is Chelmensem Belsensemque & Brestensem, Droiciensemque tractum, & in provincias redegerat. Primus hic Russis talionem reddidit pro illa perfidia, qua vsi sunt erga Boleslaum Kriuoustium, cum eius exercitum toties victorem non virtute sed fraude vltimò dissipassent. Hæc apud Vincentium, Cadlubkum eius synchronum, nam ei à commentariis fuit, latius reperies. Sicut enim Polybius Scipionem, Procopius Bellisarium, sic Cazimirus secundus Cadlubkum voluit esse rerum à se gestarum, à commentariis. In hæc ferè tempora incidit expeditio Barbarossæ, quam susceperat Hierosolymā, ad vindicandam terram sanctam. Nam hæc causa, huic instituto prætexebatur. Sed qui intimos eorum sensus explicare poterant, aliam occultiore huic rei subesse obseruabāt: nimirum regnum & prolationem regni & imperii, videlicet ut Cæsar & Pontifex Romanus recuperata Hierosolyma, in Asia non modò occidentis, sed etiam orientis deinceps reuera vocaretur hic Pontifex, ille verò Monarcha. Nec amplius duo Imperatores, sed vnus, non quatuor patriarchæ, sed vnus & summus Pontifex diceretur, cui vtrumque imperium pareret. Et hæc est causa cur Græci Imperatores aduersabantur huic expeditioni. Non quod nollent barbaros à Christianis quàm longissimè arceri, sed quod defendenda Hierosolymā se per latus peti, sibiq; ipsis pericula creari ægerrimè ferebant. Hinc est quòd aliquando Gallos, & Germanos, Italosq; cruce signatos orientem petentes, vi & armis adoriebantur, quod gypsum farinae immiscebāt, fontes veneno intoxicabant, ut si videlicet aperto Marte non possent, occultè tamen eorum quàm maximè institutum impedirent. Nostri tamen Poloni lyncerè Christianos in eo consilio adiutos cupiebant. Nam eodem tempore imperata pecunia, ex decimis colligebatur, mittebanturque subsidia. Sed quod nostri pio consilio faciebant, instar eleemosynæ liberalitatis ad eum vsum pecuniam contribuentes, hoc illi & eorum scriptores sinistrè interpretati sunt. Affirmant enim, tum Polonos ex pacto tributum Imperatori solitos fuisse pēdere. Quasi verò Princeps felicissimus Cazimirus, qui aliis tributa imponere solebat, tributum sibi imponi passus fuisset. Vixit Cazimirus annos quinquaginta sex,

ginta sex, regnavit septemdecim. Post illa bella reliquum vitæ tempus legibus, & emendâdis ciuium moribus insumpsit. Fueruntque isti Cazimiri, & ille primus, & hic posterior principes salutares Reipub. & homines frugi. Testantur hoc bella vtriusque & opera pietatis, quæ dum viuerent, erga indigos exercuerunt.

Res exterorum quæ hoc tempore contigerunt.

1181. Alexius Comnenus alter orientis imperio præerat, sed hunc Andronic⁹ patris frater patruelis oppressit, cum vix annum attigisset decimum quintum, neruo arc⁹ gutture eliso immaniter strangulans, impositumq; arcæ plumbeæ in mare demersit, acclamantib. cædis fociis illud Homericū: Imperitare malum multos, rex vnicus esto. Vltus est autem De⁹ breui tantum scelus atq; iniuriam Alexio illatam. Nam à Wilhelmo Siciliae rege vindicante iniustam cædem, prælio victus est Andronicus. Et cum ob immanem sæuitiam publico flagraret odio, dum fugam parat, à multitudine comprehensus est, abscissaq; altera manu & oculo effosso camelo insidens, facie ad caudam versa, per urbem circūductus, vulgiq; vncis & harpagonibus, frustulatim conceptus fuit. Ita poenas dedit parricidii. Hæc euenerunt quinto ferè anno regni Cazimiri.

*Supplicium
per neruum ar-
cus.*

*Andronici Com-
neni tyrannis.*

De Pontificij legati aduentu in Poloniam ex Miechouiensi, lib. 3. cap. 4.

1189. Iohannes Cardinalis cognominatus Malabranka, à Clemente Papa tertio missus, in Poloniam venit. Et habita synodo Cracouiæ propter reformationem cleri, tam Episcopis, quam vniuerso clero pro recuperatione terræ sanctæ decimam imposuit.

*Malabranka
Legatus Ponti-
ficis.*

De origine Cruciferorum ordinis Teutonici.

Friderico primo Imperatore in Asia pro recuperanda terra sancta bellum gerente, & Prolemaidem obsidente, ciues Lubecenses, & Bremenses multa pietatis officia præstiterunt militib⁹, qui aut telis icti, aut alia ratione vulnerati ab hostibus erant, aut relictī à sociis in castris oberrabant. Horum enim opera isti sub papilionibus ex velis nauium in terra expansis, reficiebantur ac recreabantur. Accidit verò vt Imperator Fridericus deambulans per castra hanc eorum beneficentiam cum pietate coniunctam videret, qui collaudata

collaudata eorum virtute, suspiriis ex imo corde ductis, dixisse fertur: Ciues hi beneficentia & pietate omnes principes, qui adsunt, longè superant. Hoc enim officium erat omnium, qui alios facultatib. antecellunt. Arreptaq; inde occasione rem totam ad comitia castrensia desert. Fuitque autor, vt ordo Germanorum militum ex nobili prosapia electorum institueretur, quorum officium imprimis esset curam pauperum in terra sancta existentium gerere. Erant tunc confirmati Templariorum & Ioannitarum ordines. Ex horum institutis medium quiddam eligitur, vt esset norma addicentium sese huic regulæ. Placet hoc cunctis Imperatoris consilium, concediturque eis ex regis largitione domus hospitalis Hierosolymis. Effectumq; est, vt Pontifex Celestinus tertius, qui nuper Pontificatum inierat, hoc institutum ordinis huius confirmaret, qui dedit eis vestem, albam, nigra cruce insignitam, vt dignoscerentur. Concessit etiam eis facultatem creandorum equitum Auratorum, vt vocant, qua autoritate ipsis quodammodo regib. sunt comparati. Hi quomodo in Prussiam fuerint delati, quidue negotii cum nostris gentibus habuerint, suis locis annotabimus. Georgius etiam Sabinus mihi quondam coniunctissimus, iis de rebus aliquid conscripsit. Hic autem ordo institutus est anno quarto ante mortem Cazimiri Iusti regis Polonorum.

Modus instructionis exercitus Cazimiri contra Russos ad Haliciam.

Cazimirus vt milites ad prælium ineundum incitaret, commemorat breuiter ante paucos annos, in iisdem locis ad Haliciam casos milites patris Kriuoustii non virtute, sed dolo ac proditione, quib. vt perfidiosorum hostium sanguine parentare velint, hortatur & monet. his animatos verbis in aciem educit, & sinistro cornui Palatinum Cracouiensem præficit, ipse verò dextrum administrandum suscipit. Nec mora, signo dato, pugnandi potestatem facit. Explicant & Russi suas acies, concurrunt infestis armis & animis, ac durum prælium committitur. Premebantur nostri in sinistro cornu à sagittariis, nec iam satis suos seruabant ordines. Ibi Cazimirus reintellecta, subsidium suis laborantibus submittit. Atque adeo ipsemet, vt scribit Vincentius, magno suæ vitæ periculo succurrit, & inclinatham aciem vix restituit. Reprimuntur ergo feroces Russi, & mox, commutata fortuna, pedem referre incipiunt. Instant nostri acrius turbatis & trepidantibus, & cohortati sese mutuò in fugam eos coniiciunt. Quo animaduerso, cæteri, qui dextrum cornu nostrum adhuc sustinebant, terga ver-

tunt &

tunt & ipsi. Persequuntur nostri, maiorem longè in fugientibus, quàm dudum in resistantibus stragem edunt, permultos viuos capiunt, duces hostium commutando equos euasere. Deinde reuersi nostri castra opulenta diripiunt. Halicienses mox deditionem fecere. Cazimirus autem magnam rationem habuit expeditionis Hierosolymitanæ, nec summo iure est vsus cōtra suos hostes Hungaros ad Haliciam, sic enim Platina in Clemente tertio. Polonia autem rex salutis Christianorum cōsulens, Hungaris pacem dedit, quò omnibus facilius proficisci ad tantam expeditionem liceret.

De morte Cazimiri ex Cromero.

Ad quartum nonas Maii anniuersaria diui Floriani celebrantur. Ibi Cazimirus totum eum diem rei diuinæ in æde diui & piæ in egenos & afflictos largitioni dedit. Quod ferè omnibus festis diebus facere consueuerat, neque temerè eos lusibus & conuiuiis contaminabat. In sequenti die grande conuiuium instruxit, procures omnes, qui tunc aderant, inuitauit. Feruente conuiuium, exhilaratis conuiuiis, & multa de præteritis atque periculis inter se conferentibus, & principis res gestas & felicitatem celebrantibus, ipse nonnulla de immortalitate animæ, atque cœlitum beatitudine nō ineptè in medium protulit. Erat enim ab ineunte ætate non pessimè educatus & institutus. Deinde hausto mediocri poculo, subito concidit, & paucis horis animam exhalauit. Subitusne morbus eum inuaserit, an venenum à muliercula, quam deperibat, præparatum hauserit, incertum est. Nam & hoc sermone hominum diuulgatum fuit.

Conclusio.

Habent apud scriptores suas laudes Chobrius & Kriuoustius reges Poloniæ; sed Cazimirus secundus, etiam si laudatur, tamen cur non ita alacriter commendetur à nostris historicis, valde miror. Pomeranos siquidem hic in ordinem redegit. Podlacios domuit, Prutenos gloriosè subegit, Russos potenter bis debellauit. Cum his quatuor hostibus illi duo bellatores cruenta bella gesserunt; non tamen eorum maxillis fræna ita iniecerunt, ut rebellare postea non possent, quod omnino præstitit hic iustus, hic pius princeps, exteris admirabilis, suis reuerenter amandus. Et si Kriuoustium cum Cazimiro, patrem cum filio componere licet: Kriuoustium compararem Iulio Cæsari, vi & robore militari conspicuo. Cazimirum verò Cæsari Augusto conferre possem. Hic enim forsan natura non fuit bellator, sicuti & de Augusto referunt; sed tamen fortuna ubique à partibus eius stetit. De hoc enim propriè dici potest, quòd

test, quòd solus suo æuo post illas victorias celebres, cum finitimis pace firmata & longa quiete stabilita Iani templum occluserit.

LESCVS ALBVS.

Anno ab orbe condito

Anno à Christo.

5157.

1195.

POloni meritorum Cazimiri patris memores, Lescum eligunt in regem. Aderat quidem Miescus senex, aderant SYLLESII, & Opolienses duces, qui iure quodam suo ad principatum adspirabant. Sed tantus amor patricii regis tunc cunctos tenebat Polonos, vt non dicam Germanum aut Italum, sed ne Syllesium quidem, ac neque Miesconem ex maiori Polonia vellent eligere. Cunctorum enim tum persuasio hæc occupauerat animos, nequaquam ex re atque dignitate Cracouiensis & Sedomiriensis conuentus fore aliunde sibi principem accersere. Licet autem lex naturæ atque etiam diuina suadeat, ex sua gente eligendum principem, tamen exemplo hoc demonstratum est, electionem domesticorum regum ciuilia bella facile concomitari, maximè si candidati complures sint, qui æquum ius suæ ambitioni prætexentes per factiones & inconcessa media rem agant. Cum enim audiuiisset Miesco, se neglectum esse, statim accurrit, corrogatoque vndique exercitu, ita atrox ciuile bellum & mox prælium ad Mozgauam flumen, septem à Cracouia, quatuor verò ab Andreioui miliaribus distans, excitat, vt de salute Reipub. admodum dubitaretur. Et iam fusi fugatique Miescouiani erant, cum, superuenientibus Wratislauiensibus, Opoliensibusque, denuo instauratur pugna. Fuit hoc cruentum & funestum prælium. Perit in eo Boleslaus Miesci senis filius: ipse faucibus domum lectica reportatur. Ab altera parte Romanus Russus, pluribus vulneribus acceptis medio è prælio excedit. Palatinus verò Sedomiriensis Gonoricus viuus capitur. Dum æstuat Polonia ciuilibus bellis, venerat huc Cardinalis Capuanus, elaborauitque sollicitè in abrogando rescindendoque matrimonio sacerdotum, quod ad eam diem in usu retentum fuerat, Autor est Dlugosius, Pambertus Saffnaburgensis, ac etiam ipse Martinus Cromerus id multis verbis adstruit. Miechouiensis id de concubinis intelligi vult, sed dominus Cromerus & de vxoribus legitimis adiecit, idque ex sententia Dlugosii, quod expressè vxores nominat. Quod verum esse chronicon Wratislauienfe comprobatur superius à me adductum.

*Ad Mozgauam
ciuile bellum.*

*Cardinalis Capuanus
aduertus
in Poloniam.*

Miesco quarto postquam apud Mozgauam malè pugnauerat, anno Christi 1195. Anno ab orbe condito, 1195. Cuiuuiensem oram Lesconi

ram Lesconi tum iuueni eripit, mox maiora ausus, vbi pollicitationibus credulæ matris Helenæ animum expugnat, & proceres in suam sententiam pertrahit, regiam ipsam vi & armis occupat, nec tamen ea, quæ liberaliter promiserat, exoluit. Trāſactionem enim cum Helena & proceribus huiusmodi fecerat: Si regem se nuncupari paterentur, filio Helenæ, vbi adoleuisset, regni habenas rursus se daturum. Cum autem animos Cracouiensium sæpius offendisset, nec vlla spes restaret, eum pactis conuentis, quæ cum matre Lesci sanxerat, staturum, cuncti veluti signo sublato contra eum conspirant, Lescoque debitum & olim destinatum ac delatum regnum arcesque deferunt. Miescus vbi minimè rem ioco agi vidit, ad solitas artes confugit, instructusque variis verborum blanditiis Helenam accedens, eamque affinem suam carissimam appellans, non tam mihi inquit est hoc imputandum, quàm tuis clientibus, &c. Atque ita crimen hætenus ei non præstitæ fidei amouere à se nititur, totamque culpam in Nicolaum Palatinum Cracouiensem reiicit, quem seditiosum hominem vocat, eiq; notam illam inurit, quòd illi vſitatum sit principes pro libidine instituere, & rursus destituere; vtque ipse sub alieno nomine dominaretur, hoc semper spectare. Vbi finem sermonis fecisset, mulierem suis artibus pedetentim ab instituto deducit, seque ad regnum iam tertio insinuat. Nicolaus Palatinus considerata leuitate mulieris insanabili, profectus Polniam ad Miescum regem, tempori se accommodat, transitionemque facit. Interim rex vario successu fortunæ defatigatus, cum iam ageret septuagesimum tertium annum, inopinata morte opprimitur, Calixtæque sepelitur in templo Pauli Apostoli. Verum postea vrbe in alium locum translata, sepulchrum ei⁹ in suburbio relictum est. Ita qui viuus variis tempeſtatum casibus iactabatur, etiam post mortem desertus, & ludibrio fortunæ expositus remansit, dum sepulchrum eius ab iniuriis cœlestibus minimè liberum, tecto concamerato, more aliorum regum, non dignatur. Commiseri eius sane debuit vel ipsum Vagrouiense monasterium, quod ipse erexit & opibus locupletauit. Res admodum exilis erat, sui patroni ossa, si non exornare, at saltem contegere, vt se memores beneficiorum acceptorum hac ratione testarentur. Temporibus huius regis historia mentionem facit quoque regum Polocensium, ex quibus celebratur Volodomir. Quod ideo annotaui, quia creberrima hodie fit mentio Polocensis expeditionis, quando rex Stephanus summa vi & virtute militum illam arcem expugnauit, & totam prouinciam in potestatem suam redegit.

Helena credula.

Miescus blanditus Reginam circumuenit.

Mors Miesconis.

WLADISLAUS LASCONOG.

Lectio Lasconogi præ aliis est admirabilior, quippe in qua non armis, non technis, sed virtutis & mansuetudinis excellentia inter principes decertatum est, dum singuli regiones honores cum iniuria alterius capeßere detrectant. Nicolaus Palatinus leuitatem Helenæ iamdudum auersatus, etiam ad eius filium Lescum Album principatum deferre tergiuersabatur primò, tandem, reliquis consentientibus, & ipse in eorum sententiam concedit, ea tamen lege, vt prius Gonoricium Palatinum, Sedomiriensem æmulum suum in exilium mittat. Fuit enim ei ita infensus, vt licet aliquoties reconciliatio inter eos tentata & in speciem perfecta fuerit, tamen cum nunquam, quoad vixit, amare potuit. At Lescus, cum vidisset sibi leges præscribi, & quasi compedes iniici, potius quàm Gonoricium fidum consiliarium & sibi amicissimum prodere velit, ipsos regiones honores suscipere dedignatur. Contra Gonoricus, qui vnice Lescum suum dominum diligebat, ne sua commoda negligat hortatur, se licet senem imbecillum libenter in exilium iturum, & quidem alacriter, modò occasione ipse ne desit, regnumq; sibi debitum in alienam familiam transferri non patiat, non commotus est Gonoricii oratione Lescus, sed quantò efficacius documentum beneuolentiæ ipsius erga se considerat & admiratur, tantò pertinacius in priore sententia persistit; proinde alium sibi Cracouienses Proceres istis legibus regem quærant, denunciat. Quem nuncium ab animo excelso Lesci profectum dum Proceres examinant, Wladislaum Lasconogum regem renunciant. At is quoque se declarat non esse ita regnandi cupidum, vt principatus causa ius & vinculum consanguinitatis violare velit, debitumque regnum fratri interuertere. Interim Lescum de Senatuconsulto Cracouiensium certiolem facit, nihilq; se aduersus animi ipsius sententiam pacturum promittit, modò sibi deesse nolit; id quod non modò hortatur, sed etiam iubet. Vides priscos homines de re tanti momenti, vbi non datur bis errare, rarissimo exemplo sinceritate & integritate decertantes. Quod si nunc aliquid tale eueniret, certe à nuperis hominibus is, qui ita se gereret, tanquam intemptius virtutis cliens irrideretur, & nisi fallor etiam exhiberetur. Enimvero pro honoribus non satis est, hac tempestate igne & ferro decertare; confugitur ad illicita media, propinantur & toxica, obiciuntur venena sensibus tactus, gustus, visus, superstitibus & adhuc spirantibus, qui aliquo munere præfecturarum funguntur, iam noui gregales, non secus ac vultures de successione solliciti, conuolant. Talem tantamque animi in
Lescone mo-

Lescione modestiam Deus comprobavit illa victoria celeberrima ei concessa, de principe Russo Romano, quem ad Zaichostiam de bellavit. Monstratur insula illa, ubi est traiectus nobilis in flumine à nautis, ubi pars exercitus russorum dissipati & compulsi sese receperat, plurimis post pugnam desideratis. Regiam etiam dignitatem, cuius adipiscendæ ipse sibi iam ipse præcidisse videbatur, iterum recuperat. Commemoratur hoc Lascionogi tempore, Lium conuersio ad fidem Christianam, de qua in nostra historia rerum ecclesiasticarum fusiùs tractatur. Commemoratur & victoria eius Russorum de Lituaniis parta.

LESCVS ALBVS.

Lescus tertium rex creatur. Cadlubkus primus scriptor historiae Polonorum primum laborum & eruditionis Episcopatum Cracouiensem consequitur. Fuit autem synchronus Innocentii Papæ, qui decretalium libros promulgauit. Eodem tempore Haliciæ in Podolia, seu Galatiæ regnum instituitur, cuius regem idem Cadlubkus primus inaugurat. Sed euentus breui docuit, hoc regnum non bonis auspiciis institutum fuisse. Rex enim Colomanus victus à Russis cum Salomea vxore, forore Lesci capitur, & annum in custodia asseruatur. Qua re Poloni audita, indignabundi vndiq; confluunt, & mox talionem reddunt, de Russis insigni victoria reportata. In ea pugna decem Duces insignes Russi capiuntur, & adducuntur ad regem Lescum viui. Incidisse etiam in hæc tempora narratur primus Tartarorum in Russiam aduentus, & clades ab eis illa recitatur, quam Cometes inusitatae magnitudinis prænunciauit. Libertates etiam & immunitates, exemptionesque ecclesiastici ordinis tum auctæ sunt: elaborante ea in re maximè omnium Henricho Archiepiscopo. Hoc etiam tempore Cruciferorum nomen in his oris innotuit. Vocati erant hi ad ferendum auxilium, tandem pro dominis se gerere coeperunt. Imitati sunt forsan in eo facinore Turcos. Nam & isti eadem prorsus occasione vocati à Marco orientis Imperatore, ni-
mirum vt ipsi opem ferrent, mutato consilio Græciam occuparunt. Lescus hic à Pomeranis dum balneat securiùs, interficitur, exemplum relinquens mortalibus, quàm verum sit dictum Philosophi:

Regnum Galatice.

Prima Incurfio & rursus in Russiam.

Libertates Ecclesiasticæ.

Cruciferi.

Turci à Marco Imperatore euocati.

μὲν υἱοῦ ἀπὸ τῶν.

Anacephalæosis historiae chronologica, usque ad Boleslaum Pudicum.

Quia hic series historiae perplexa est, ob Miesci senis & Lesci Albi

h

3

trinam, aut

trinam, aut quaternam resumptionem principatus, ideo seriem historiarum in ordinem chronologicum hoc modo redeimus.

Cause cur non à latinis sed ab Italis qui post corruptam linguam latinam in his regionibus versati erant Valachi oriundi.

1185. Valachi Isaaco Orientis Imperatori rebellant, cum quibus is infelicitur congregatur. Prima hic mentio fit Valachorum, quos Græci scriptores Blachos vocant. Dixi autem Traiani acta persequens de Valachorum origine. Sed non desunt, qui potius à Genuensibus Italis, qui ad ostia Danubii confederant in vicinia, vel in ipsa sede Valachorum, eorum linguam immutatam esse putant. Cuius rei tres rationes non contemnendas habent: Primò, quòd Valachi in sua lingua non tam Latinorum quàm Italorum sermonis corruptelas habent. Verbi gratia: Palsa pro trāseas, Curciani pro cortigiani, id est aulici, & consimilia. Quorum omnium expers erat ætas Traiani, quæ adhuc incorruptam linguam habuit. Secundò, quòd illæ coloniarum Traiani Romanorum, ab Adriano, & aliis reductæ rursus fuerunt ex Dacia in Italiam. Tertiò, quòd, si reliquæ essent exercitus Traiani, non obliti fuissent historiarum Romanarum scriptores, eos vocare ex corrupto nomine Italicorum, Valachos seu Blachos. Sed nusquam per mille annos fit mentio Blachorum, nisi ab illo tempore, quando Genuensium coloniarum Kiliam, quæ Achyleæ etymon redolet, occuparunt. Cōpone hæc, quæ nunc dicuntur, cum illis, quæ in Traiano à me sunt commemorata, & rem planam habebis. Nec desunt, qui eiusdem generis Italos hac via in Litvvaniam ab ostiis Danubii per Valachiam transiisse affirmant, & tales parui faciunt illam narrationem de Libone, qui in Litvvaniam aduenisse dicitur. De Columnensium autem aduentu ad illas regiones inferius dicemus.

1194. Nicolaus Palatinus cum fratre Episcopo Cracouiensi in tutorem Lesconi Albo designatus, iuramentum ab ordinibus Poloniæ eiusdem modi, sicuti & regi præstare solent exigit. Metuebant enim fluxam fidem plebis, suspectamq; habebant leuitatem multitudinis, ne ab eis aliquando vel ad Miescum senem, vel ad Opoliensem Ducem deficerent.

Civile bellum ad Mozgavam ex Miechouiensi.

1195. Mozgaviense bellum civile sic Miechouiensis describit lib. 3. cap. 27. Habet enim interdum gratiam antiquus stylus, quo usus est Miechouiensis. Ad Mozgavam fluvium à coenobio Andrzejouiensi quatuor miliaribus distantem, cum Sedomirienses, Lublinenses, Brestenses, supra Bug, Mazovitæ, & Romanus Mscislauicz princeps Wladimiræ, quæ Lucensis appellatur, sororinus Ducis Kazimiri novissimè mortui, ad Mozgavam applicuerunt, progressum Mieczlao impedituri. Ordinatisque aciebus anno domini 1195. Nicolao Palatino Cracouiensi dextrum cornu, Romano duce Wladimiræ sinistrum tenente, & Gonorio Palatino Sedomiriensi

no Sedomiriensi in subsidiiis relicto cum Miescon e sene conflixerunt, mutua se cæde obtruncando, perinde ac si inter infestissimos & perpetuò dissidentes bellum gereretur, neutraq; parte gradum referente, strages horrenda cadauerum vtrunque edita est. Ad duces quoque ipsos clades peruenit. Bolelaus siquidem filius Miesconis senis in conspectu patris lancea traiectus, ex equo delapsus occubuit. Miesco senex à quodam milite gregario impetitus, morti destinabatur frequēti ictuum ingeminatione, ni magno clamore se ducem Mieczlaum asseruisset, & cassidis detractioe veneranda canicie militem terruisset, quapropter miles educens illum ex acie, ne ab aliis violaretur, fugere consuluit.

1198. Wladimiro Haliciensi mortuo, Romanus memor meritorum suorum, quo pacto Polonis, & Lescio Albo implicatis civili bello ad Mozgauam inter maiores & minores Polonos nauaset operam, Haliciensem principatum ambit, eumque deposcit. Abhorrebant autem Halicienses à Romano, crudelitatem eius veriti. Itaque decreuit frequens senatus, vt Romanum Nicolaus cum exercitu cò deduceret. Ibi Lescius orare, vt sibi cum exercitu proficisci illo liceret. Pertæsum se iam esse mollis & ociosæ vitæ, quam hasten⁹ inter coetus muliebres apud matrem exegisset. Cupere se, deinceps armatum inter armatos viros versari, & quæ principis essent munera, vsu condiscere. Si adhuc nequiret alium, tamen eum se vsum in exercitu præstiturum, quem signa sua præstarent. Quod si non impetraret, tamen vel cum vno comite, castra secuturum se esse.

Lesci Albi alacritas ad bellum.

Educatio muliebris.

1199. Quarto anno Miesco senex, postquam malè pugnerat ad Mozgauam, vt sibi præstrueret viam ad principatum Poloniae, Cuiauiam. Cazimiri filiis præripit ac præoccupat. Ita primum, terrore iniecto, tandem cum Helena matre, & cum iis, qui ei fauebant, vulpina industria tractat de conditionibus pacis. Negat Lescum principem, rite creatum, aut se inuito, certum, stabilemque principatum obtinere posse. Non deesse sibi consilia, & auxilia externa. Lescum puerum esse. Curatores eius inuidia laborare: Bonam nobilitatis partem clam secum sentire. Verùm si sibi principatum concedat, redditurum se esse Cuiauiam filiis eius. Se sane senem esse, nec diu viuere & regnare posse. Interim, Lescus fieret princeps, se in ordinem, & politiam meliorem redaturum regnum.

Miesco senex Cuiauiam occupat.

1200. His inducta & persuasa credula mulier, annuentibus tutoribus, cum eo transigit: iure iurandoque die Diui Bartholomæi memoriæ dicato transactione confirmat. Deinde vnà cum filio Sedomiriam secedit. Miesco potitur rerum. Tunc secundò regnasse dicitur.

1220. Quod atti-

1220. Quod attinet res exterorum, Anglia & Hybernia insulae Romano Pontifici tum vectigales factae sunt. Alexius orientis Imperator pulsus, Haliciam ad Romanum, qui Polonorum opera princeps factus fuerat, confugit. Hic, credo paulo post ab Alexio Duca cognomento Murziphlo, ob coniuncta ac veluti oculis imminetia supercilia, sic dicto, plebi insanienti obiectus, perijt tumultu. Tyrannus autem ipse Murziphlo deinde alibi comprehensus, post effoscos oculos, Constantinopoli de turri praecipitatus fuit, promiscua plebs in cadauer saevijt.

Alexius Murziphlo.

†
*Cistercienses
Monachi.*

1201. Monachi Cisterciensium ex Portensio monasterio evocati in Poloniam, delicatum genus malorum secum attulerunt, quae etiam nunc de porta vel de porti vocantur.

1201. Miecislaus promissa non servat, cumque Lesci mater importunius instaret, fidemque datam in eo requireret, & iusiurandum praestitum ei obiectaret, nihil dissimulans, respondit, patris & iureiurando contra ius gentium se minime teneri. Ita Helena dimissa, ingenti animi sui dolore, crudelitatem suam dammare, procerum suorum dicta & consilia, licet sero, probare coepit. Offenderat iam Miecislaus non leuiter animos procerum, & equitum, propterea quod nonnullos possessionibus certis & antiquis deturbarat, easque quibusdam ex maiore Polonia asecclis donarat; quodque eisdem magistratus mandabat, indigenas praeteriens. Itaque quasi conspiratione facta, Miesco cum suis principatu deicitur. Nicolaus omnia ad matrem & pupillum iure tutorio transfert.

Honores praepostere distribuit Miecislaus.

1202. Irrequieto animo Miescus existens, tertio molitur dolos, & quidem propius ad motis technis rem agit: Quod promissa non impleuerit, dicebat non per se, sed per Nicolaum Palatinum steterisse, qui subolsaciens, quod filios Cazimiri adoptare in animo haberet, se a tutorio munere excludendum ratus, nihil omisit, ut eum in suspicionem adduceret. Caeterum illum ut seditiosum hominem amouendum; utpote qui se erga teneram Lesci aetatem palponem aulicum, & erga se, qui paterno animo & matri & filio faueret, iniustum censorem praestaret. Probè enim intelligebat Miecislaus, eum fuisse maximum obicem & aduersarium consiliis suis, quem reliquus conuentus Cracouiensis sequeretur. Itaque his artibus elidere eius consilia satagebat. Nec in casum cadere conatus eius videbatur: Iam enim labefactauerat animum mulieris, maxime inuidis aemulisque Palatini animum eius irritantibus. Itaque, re tota intellecta Nicolaus Posnaniam ad Miecislaum, quamuis in fensum sibi hostem magnis itineribus contendit, ac salutem incolumitatemque suam prospecturus, ulturusque ingrati mulierem, ei omnia, quae prodesse, quae obesse eius instituto videbat, aperit. Qua re erectus ani-

Nicolai Palatini consilium & transitio.

erectus animo senex ad solitas artes suas refugit, & apertè iam postu-
lata Helenæ refutat, seque opera Nicolai adeptum esse principatum
gloriatur. Toto autem negotio iam in hanc, iam in illam partem ti-
tubante, Miescum inopinata mors opressit, cum ageret annum se-
ptuagesimum tertium. Inter foundationes (quas vocant) eius, illud
inuentum fuit ipsi⁹ magis peculiare, quod Wagrouiensi monasterio
instituto, sanxit, ut non nisi Germani, iiq; Colonienſes, in illud coo-
ptarentur. Causam instituti addunt, quòd quondam honorificè ha-
bitus eſſet à Colonienſibus, cum eò adoleſcens religionis ergò ve-
niſſet.

Mors Mieſci.

1202. Comitia Cracouiensia eligendi regis gratia indicuntur;
in quibus detecta sunt vana studia hominum & contentiones potissi-
mum inter Nicolaum, & Gonoricium Sedomiriensem, Palatinos, in-
terq; Lescum Album, & Lesconogum regulos. Et illud quidem par,
maleuolentiâ, istud verò reuerentiâ & honestate inter se decertabat.
De qua re in historia nostra iam dictum est. Ad extremum Wladisla-
us Lesconogus eligitur; quem à gracilitate pedum sic dictum esse pu-
tant. Laudat hunc Miechouiensis à peritia artis pugillatoriæ: peritissi-
mumq; in ea arte ab ineunte ætate fuisse ait, dum in Germania com-
moraretur.

*Lesconogi cor-
poris dotes.*

1205. Lesconis Albi ætatem ac principatum, plurimum orna-
uit victoria, de Romano duce Russorum parta, quam Miechouiensis
ita describit. Itaque ingressus Romanus cum copiis pugnatorum, pri-
mo ætatis tempore Lublinum obsedit, & cum non prosperaretur,
probe enim à Polonis defendebatur, in terras Sedomiriæ grassan-
do descendit, & flumine. Istula superato, circa Zaichost confedit.
Principes verò Lesco Albus & Conradus, ex omnibus terris suis Se-
domiriens. Lublins. Mazouia, & Cuiavia bellatores ex nobilib⁹ &
plebeis circa Sedomiriam collegerunt, & eis Christinum Comitem
Palatinum Plocensem præfecerunt, qui industria et astu, decima no-
na Iunii oriente, appropinquauit Russorum exercitui. Romanus ve-
rò vix tumultuariè suos ordinauerat. Sagittarii Polonorum in necem
ducis Romani fidefragi conspirarunt, globoq; militum facto, in du-
cem Romanum, & eum protegentes insiluerunt: equo igitur sub ip-
so telis confosso, & eum deiicere satagentibus, ad ripam Istulæ per
medias acies cucurrit, dextrarioque cadente, ac foeta equa sibi admi-
nistrata, Istulam tranauit. Et gratus equæ de salutis ministerio, inter
alios dispersos & fugientes, pedes promiscuus cucurrit. Ab insecuto-
ribus Polonis miles gregarius existimatus, occisus est, in Sedomi-
riamque relatus, à duce Lescone fuit sepultus. Vnde post à Ruthenis
& proceribus Wladimiræ mille marcis argenti & restitutione om-
nium captiuorum Polonorum redemptus, in Wladimiriam ductus
est, ibi tumu-

*Lesco à biniſto
ria de Romano
ad Zaichostum*

*Somnium Ro-
mani.*

est, ibi tumultandus. Cromerus autem libro septimo hæc scribit. Fertur item, idem Romanus nocte ea, qua proelium consecutum est, somniasse, multitudinem passerum à longe minore numero acanthidum, ab ea parte, quæ ad Sedomiriam vergit, aduolantium dilaniatam esse. Idque somnium cum amicis manè narraret, senioribus atque prudentioribus triste & mali ominis visum esse. Dies, quo apud Zaihostium pugnatum est fuit 13. Cal. Iulii. Miechouius causam istius belli refert, quod Romanus Lesconi dare negarit tributum; aitque suscepturam eam expeditionem in Poloniam, copiisque ex vniuersa Russia contractis, ad suæ religionis Episcopum, quem Wladicam vocant, dona misisse, ut sibi in Poloniam inuasuro, eamque treennio vastaturo, autoritate Pontificia benediceret. Qui, spretis eius donis, benedictionem, tanquam ad iniquum & execrabile properanti facinus, denegauit, inquiens, Iniusta bella mouentes, in patriam non redire viuos. Comminatus autem ei erat Romanus tyrannus concussionem, si ei benedictionem denegasset, &c.

1205. Hoc tempore Litviani à Russis victi. Quam victoriam Cromerus sic describit: Post hoc tempus Litviani, gens syluestris & obscura Russorum agros prædis agendis infestare coepit, cruento proelio victi, subera, restes, & fasces frondeas, quibus ea gens in balneis sudorem prouocare solet, tributum nomine deinceps pendere iussi sunt.

*Ordo Liuoni-
ensium.*

1205. Hoc anno ordo Gladiferorum fratrum in Liuania coepit, autore Alberto Rigenfi Episcopo. Vestem albam, rubenti gladio cum stella insignitam, gerebant. Regula eis cum templariis communis erat. Priuilegia à Papa innocentio adepti, ut omnes, quas in Liuania & circum circa, terras subigerent, possiderent. Horum virtute magna pars Liuiæ subacta. At, cum Cruciferi fratres ordinis Teutonici in Prussia potentes fierent, deposita sua regula, Pontifice annuente, Teutonicis sunt vniti (chron. ord. Teut.) Apud Plescouienses tum Vuoldemarus regis munere fungebatur, cui etiam Liuones tunc parebant, & tributa pendebant.

Mors Nicolai.

1206. Lescus Albus ad principatum reuocatus, Wladislao modestissimè id non modò ferente, sed etiam, cognito consensu conuentus, discessione sua Posnaniam, approbante. Hoc anno & Nicolaus Palatinus mortuus est. Ideo Lesconis negotia, tanquam obice sublato, prosperius succedere coeperunt. Eodem anno Fulco seu Pelka Episcopus Cracouiensis vita excessit, qui sibi, & suis successoribus prærogatiuam loci, & suffragii secundum Archiepiscopum Gnesnensem ab Innocentio tertio impetrauit.

1206. Eodem tempore sacrum collegium, liberam Episcopi liberis suis suffragiis electionem principibus non immiscentibus sese huic rei, à

huic rei, à Pontifice per Iohannem Archidiaconum impetrat: Et hoc modo Vincenti⁹ Cadlubkus genere Roseus, vir doctus, vt tunc tempora ferebant, electus est à collegio quamuis ipse præsens non adesset. Hic primus, cum regeret ecclesiam Cracouiensem, Polonicam historiã gentis suæ conscripsit. Quam ita incipit: Tres tribus ex causis theatrales edere solennitates, &c. Hæc ita non sine traductione quadam Miechouiensis, vt is, qui elegantiorẽ se scriptorem esse putabat, refert. Mox quẽ de eius stylo iudicium fert: Plura, inquit, de exteris, quàm Polonorum gestis, nodosè & inuolutè in primis libris perstringens, &c. Præfuit is ecclesiæ aliquot annis: tandem abdicans se episcopatu, in monasterio Andreiouiensi professus, ex bono factus est optimus: sic autem de eo Miechouiensis. Tandem post quinque inquit, annos ergastulo carnis solutus, in domino quieuit, in monasterio Andreiouiensi sepultus est.

Roseus.

Cadlubkij historia.

Iudicium Miechouiensis de stylo Cadlubkij

1206. Colomanus Andreæ regis Hungarorũ filius, Haliciensem principatum adeptus est; vbi & solenni pompa inunctus est, coronatus, & rex Galatiæ seu Haliciæ appellatus à Cadlubco Episcopo Cracouiensi, assistente ei Iuone Cancellario Poloniæ, gente Odrouasio. Quid verò isthic egerint isti duo, disserit Cromerus ibidem.

Coronatio Regis Haliciensis.

Circa eadem tempora Concilium, Lateranense septimũ celebratur, in quo 412. Archiepiscopi, & 1300. Episcopi congregantur. In eo Concilio, cum immensa multitudo monachorũ mund⁹ laboraret, & in dies nouorũ monasteriorum foundationibus, infanisquẽ ob eam causam profusionib⁹ Respub. exhaurirentur, marsupiaq; locupletiorum exinanirentur. Itaque statutum fuit, Canone 13. Ne quis de cetero nouam religionem seu regulam monachalem institueret, sed quicumq; voluisset ad religionem conuerti, vnã de approbatis assumere. Præuidebant enim tum Patres, si seculũ diutius staret, & quoties nouæ hæreses, sicuti domin⁹ eas futuras ad finem mundi prædixit, orientur, nouæ quoq; societates monachorũ profligandis eis instituerentur, facillè futurũ, vt per eam occasionem maior pars orbis sub potestatem & ditionem ecclesiasticorum deueniret. Atq; ita medicina morbo ipso esset deterior. Ideo non ita multò post istud Concilium Conrardus Dux Mazouiorum, autoritate huius sacri conuentus, & disputationib⁹ illius seculi, quẽ tum passim ea de re ferebantur mot⁹, cautè & circumspectè Culmam, Toruniam & alias possessiones suas, Cruciferis donat: nõ quidẽ videlicet iure sempiterno, ne quid menti Concilii derogaretur, sed ad temp⁹, quoad nimirũ, hostes Christianorũ septemtrionales debellarentur, quibus sublati, alia ratione cũ ipsis Cruciferis transigere ei liceret: hoc min⁹ est adhuc quàm ius feduciarũ, seu fæudi. Huic exemplo, ii quibus nũc cordi est nouas regulas monachorũ introducere, deberent insistere. Nam si idcirco eas intro-

In Concilio Laterano Regum Monachales re-

Conrardus Dux Mazouiorum quibus fæudis

ductas fuisse volunt, ut hæreses subingressæ confutarentur, conuictis & refecatis hæresibus gladio verbi dei, possessiones illis datæ, ad priores possessores deberent iterum redire, aut ad alios publicos usus conuerti, iuxta alium canonem, illi autem professioni alicui iam antea receptæ se addicere. Si inquam, hoc incommodum euitare vellent, quod solerter tum illud Concilium præuidebat.

1211. Circa hunc annum Hungari à Russis victi, Colomanus rex cum vxore captus. Poloni quidem, qui Hungaris commilitabant, Russos primò superarunt; sed cum onusti præda domum redirent, à Russis excepti sunt & trucidati. Nam cum nostri cedere cœpissent, Russi vexillum nostrorum captum erexerunt, ad quod conuersi Poloni acurrebant. Interim Polouucii cum Russis profiliunt, obuios quosque interficiunt.

1211. Elati victoria Russi, adiunctis etiam sibi Litvvanis, crebris incursionibus Poloniam vexarunt. Quo facto motus Lescus Sulislauum cum expeditis copiis mittit, qui, collatis castris, Russos magna clade profligarunt. Et quinque duces captos bello ad Lescum adduxerunt. Ita cōpensata fuit Hungarorū & nostrorum clades superior.

*Tartarorum
prima incursio
in istas terras.*

*Polouucio-
rum origo.*

1202. Secundum alios 1188. Tartari Scythica gens cum antea vltra Caspiū mare habitassent, in eas oras primò peruenerunt. Et Russis Polouuciisq; bellum intulerunt, sed Russos, quos Tartari non dissipant, Polouucii ipsi excepere. Disserunt hîc, Miechouiensis, & Cromerus de Polouuciorum origine, & consentientes tradunt, fuisse eos Gothorum veterum reliquias. Et mox Cromerus de lingua Polouuciorum disserens, alserit eos locutos fuisse Russorum lingua non valdè diuersa à Polonica. Hæc refert libro 7. in Lescōne Albo. Quæ si ita sunt, argumentum haud leue habemus, Gothos veteres lingua Slauonica usos fuisse, quandoquidem Polouucii, eorum scilicet posteritas, eadem hætenus vitur. Hæc adieci ad illustranda ea, quæ superius de Gothis à nobis dicta sunt. Sigismundus verò Eberstinus Polouucios à Poloczko, vbi sedes habuerunt, vocatos esse putabat.

1204. Post hanc cladem Russi debellati & subacti sunt, ita ut non modò tributa penderent, & iussa facerent, sed etiam seruis prædæ essent. Hæc Cromerus.

1227. Inuisente Lescō cunctas regiones ditioni suæ subiectas Pomeranis, ne longius à principe disiti, quererentur se patrociniō destitui, Suetopelcum præficit, & amplissimam potestatem & iurisdictionem, etiam in Palatinos, qui tum duo erant, nempe Gedanensis & Suecensis, & in cæteros magistratus concessit. De redditibus autem totius Pomeraniæ, mille pondo siue marcas argenti quotannis fisco principis Polonorum, ut penderet, constituit.

1220. Cum ageret duos de triginta annos, rogatu procerum uxorem

xorem duxit Grimoslauam Ruisam, ex qua Boleslaum Pudicum in arce Corcinenfi editum, deinde Salomeam, suscepit.

Pudicus & Salomea Leschna

1220. Circa eadem tempora Henrichus Barbatus Dux Wratislauiensis ex Hedugi vxore filia Bertholdi, Ducis Carinthiae & Marchionis Morauie, Henrichum & Conradum suscipit. Hac Hedugis postea inter diuos relata est.

1221. Hoc anno Balaklei Soltanus Princeps Zauologensium Tartarorum, inuitatus dissidiis domesticis Ducum Ruisiae, eorum terras inuadit. Cecidit etiam tunc Olha, atauus Ducum Prunsciorum, quorum origo descendit indubitato tramite à Iaroslauo, qui fuit vnus ex duodecim filiis Wladimiri monachi dicti, quos Russi augusto nomine Bohatros, id est heroes vocitant. Et tunc arces illae tres Czapczakley Oslam & Balakley de nomine ipsius Ducis dictae à Tartaris ad Borystenem & Bohum excitatae sunt. Harum fundamenta tantum hodie visuntur. Vlti sunt, non ita multo post Russi, eam iniuriam vnà cum Skirmuto Duce Litvvaniae, fuso, fugatoq; ipso Balakleo ad Koidanouum. Cuius belli causa fuisse narratur, quod Litvvanii legatos Scythicos tributum eis nomine Ducis volentes imponere, amputatis nasibus & auribus, non sine grauissima contumelia, ad dominum ipsorum remiserunt.

Origo Bohatorum, qui vere Bohatiri ob susceptam Christi fidem & heroica facta vocari debent.

1222. Aerarium Basilicae Cracouiensis tactum de caelo conflagravit; vbi & supellex vniuersa Cadlubci absumitur. Itaque Episcopus Cracouiensis se abdicat, aduersante Principe, & dissuadente collegio sacerdotum (incompatibile tum fuit, ut annotant, monachum & Episcopum esse) & in Andreiouiensi monasterio reliquos quinque suae vitae annos exegit.

Aerarium ecclesiae Cracouiensis conflagravit.

1222. Diuus Hyacinthus inter diuos relatus. Iuo Episcopus parocciam Cracouiensem ad templum primum in foro urbis fundat. Nam antea Trinitatis templum loco parociae erat. Sed eam translata, cum sodalicio Dominici commutatio illa facta fuit.

1226. Idem Iuo Kacicense monasterium Cisterciensium, Mogilam paternum rus, locum Vandae reginae sepulchro nobilem transfert, & magnifice locupletat. Eodem tempore ptochodocium sancti spiritus dictum, fundatur.

Fun. sac. Mon. Mogilensis pro Cracouia

De immunitatibus, & libertatibus ecclesiastici ordinis.

Henrichus Archiepiscopus Gnesnensis, Theodoricus ducis bernensis ex Eudoxia Polona filius, bonam & ipse in hoc pietatis studio nauauit operam. Perfecit enim diligentia & autoritate sua, ut Principis, atque omnium ducum, procerumque Polonorum consensu, &

*Laicū et p ro
fanū forum
opponitur ec-
clesiastico.*

*Calibatus in-
uētus.*

*Si moneta a sa-
cerdota'i ordi-
ne eudebatur,
quomodo qui-
dam pecuniam
tunc incognitā
fuisse Polonis
dicunt?*

*diuortia Sacerdotū
legno cu' uxori-
bus*

*Liberalitas I-
uonis Episcopi
Cracouiensis.*

vniversi conuentus constitutione, sacer & ecclesiasticus ordo om-
nis cum ascripticiis etiam & subditis suis, ab omnium profano-
rum iudicum, etiam ducum, atque adeo ipsius summi principis iu-
risdictione prorsus liber esset, ita vt ne per exceptionem quidem vl-
lam, aut reconuentionem pertrahi ad vllum profanum siue laicum
(vt vocant) forum possent. Eamque constitutionem Pontificis ma-
ximi & sedis Apostolicæ autoritate confirmauit. Sacerdotes verò
omnes ex decreto Synodi à se conuocata, vxores & concubinas,
quas retinebant adhuc plerique, post edictum legati Pontificii abdi-
care coëgit, iureiurando ab eis exacto. Hic etiam obtinuit à sede A-
postolica Archiepiscopis Gnesnensibus perpetuæ legationis mu-
nus. Hæc ex Miechouio, qui idem sic scribit, Wladislaus ergo in-
quit, Othonis, tota maiori Polonia possessa, diuinam miserationem
& sui sublimationem recolendo, libertates, & priuilegia binis cathe-
dralibus ecclesiis suis principatus, Gnesnensi, & Posnaniensi contu-
lit, villas ecclesiarum, & earum incolas ab omni seruitute & contri-
butione, quæ olim cameræ Ducis soluebatur, absoluendo, & ab om-
ni iurisdictione ordinaria & extraordinaria Palatinorum, Castella-
norum, & cæterorum officialium. Donauit item vtrique Pontifici
autoritatem in bonis ecclesiæ venandi, & monetam fabricandi. Præ-
terea donauit Paulo Posnaniensi Episcopo & eius successoribus vil-
las: Sulkouam, & Krobiam, ratione suæ & patrum suorum sepultu-
ræ. Hæ libertates ferè se æquant Ducum potestati. Sed quò maiores
libertates consecuti sunt ecclesiastici, eò res tota magis in odium &
inuidiam tunc fuit versa, Miechouio sic referente: Occasione itaque
inquit, harum libertatum edax liuor corda nobilium maioris Polo-
niæ peruasit, & clandestinis contra Wladislaum Othonis qui &
Plvvacz dictus est, machinari coeperunt iusidias.

1220. Punitiones Dei epidemicæ consecutæ sunt. Fames into-
lerabilis, pestisq; acerrima quæ ferè triennio grassata est. Anarchia
quoque & bella ciuilia, in quibus & ipse Lescus princeps periit. Cre-
ditumque est à multis hæc accidisse ob illa diuortia & diremptiones
matrimoniorum in statu ecclesiastico, cum mariti cogerentur abdi-
care coniuges legitimas, iureiurando de non repetendis vnquam il-
lis per vim præstito. Ita diuulsi à parentibus filii, & matres abiurata,
lamentis omnia implebant. Fieri enim non poterat hæc dilcesio ac
separatio absque lachrymis & suspiriis ab imo pectore profectis.

Commendatur hic summè pietas Iuonis episcopi Cracouiensis,
qui in illis pestis & famis calamitatib. memor, se non dominum, sed
dispensatorem esse bonorum concreditorum, plurimos subleuauit,
multisque eius liberalitas saluti fuit.

1222. Conradus Mazouiorum Dux, cum Pruthenorum excur-
sionibus

tionibus cohibendis per se ipse par non esset, cruce signatos Teutonici ordinis, quos nostri Cruciferos nominant, per quendam monachum sectæ Cisterciensium, vndique in subsidium euocat, Prussisq; opponit, datis & concessis eis possessionibus in finibus Mazouia & Prussia. Hoc tempore Torunia ab eis excitatur olim Tarnouia dicta, Quidzinum, quod illi Rissenberg postea dixerūt, Papouia item quod Dobrinum. Atque ita illa ora prorsus eis conceditur, quæ interiecta est inter Mazouiam & Prussiam, vt essent, si diis placet, defensores aduersus incursiones.

Occasio introduktionum Cruciferorum.

Cruciferi per monachos introduci.

Torunia, Tarnouia.

1227. Comitia habentur Gansauia in maiore Polonia propè Znenum (villa est abbatis Tremesensis) quorum causa pretextebatur, vt componerentur intestina dissidia Ducum maioris Poloniae. Reuera autem ideo habebantur, vt Suatopelcum præfectum Pomeraniae, qui tributa negarat, horum occasione euocatum, sine armis & bello opprimerent. Sed ille, consilio principum explorato aliud cogitat, occasionemque rei gerendæ obseruat, vt id, quod animo proposuerat perficere posset. Itaque, cum post illas graues deliberationes Lescus, & Henricus se ad balneum conferrent, ipse cum expedita suorum manu adest, & in diuersoria tentoriaque proxima irrumpebat, obuios quosque rei nouitate attonitos, facile aut obtruncat, aut propellit, & ad balneum, vbi eos esse acceperat contendit. Resciuerat iam Lescus de hoste, itaque exilit, equumq; nactus cum paucis fugæ se mandat, sed hostibus eum assecutis, cum aliquandiu inermis cum armatis, vnus cum multis contendisset, fortiter dimicans apud Marcinouum pagum occubuit. Henricus autem, qui ætate grauis fugam desperauerat, fauciatur in balneis, & nisi eum aulicus quidam, cui Peregrino cognomen fuit, supra eum prostratus protexisset, idem, quod & Lesconi, ei haud dubie accidisset. Sed utcumq; reptans ad suos euasit, ac in lectica Wratislauiam delatus est. Ex eo tempore Suatopelcus pro duce ac domino Pomeraniae se gerere cœpit. Chronologus quidam Germanus non postremæ autoritatis, describens hunc casum principis Lesconis, Suatopelcus inquit, Pomeraniae præfectus defecit, Pomeraniae ducem se constituit, regeq; bello occiso, ducatum confirmauit, qui hodie à Polonia regno auulsus. Mirari satis non possum hominis leuitatem. Comitia, o bone, tum rex celebrabat, non bellum. Adde, cum præfectum eum ipsemet nominet, quodnam bellum inter regem & præfectum, inter dominum & seruum esse potuit? In balneisne bellum geritur? Aut quem autorem eius commenti de hoc bello habuit? sed breuitatis causa iam missum hoc faciam.

Lescus in balneis.

Lescus Rex apud Marcinouum interit.

Aulicus cui nomen Peregrino Henricum seruauit.

Origo Suatopelci duci Pomeraniae.

De Suatopelci ducatu commentum cuiusdam historici.

Epitome Chronicorū Lituanicorum,
Russiæ, Prussii, Mazouii & Liuoniæ,
vbi discutiuntur quædam dubia occur-
rentia in eis. Ita autem res vtriusque
gentis collatæ inter se melius, vt
purpura iuxta purpuram,
dignoscentur.

Scriptores belli sacri pro liberando sepulchro domini, expeditio-
nes omnes Christianorum Principum quæ decem fuerunt, enu-
merant: Optimè sanè illi, sic & ego hîc enumerans eorundem
militum expeditiones in Prussiam, Lituaniamq; contra gentes septem-
trionales, in re simili operæ precium me facturum putavi. Quum re-
gnum Polonicum nondum diuulsum inter filios regum esset, totam mo-
lem belli contra Pomeranos, Prussos, Lituanos, Iazygas, Tartaros, &
alias idolatricas gentes quæ in circuitu erant, sustinebat, vt testantur
bella regum Kriouustij & Chobrij, qui vindicaturus cædem Diui Al-
berti, grauitè in Prussos animaduertit. Quo nomine apud populos
Christianos valde se comendabiles reddebant, & meritò quidem. At re-
gno hoc diuiso, & in aliquot tetrarchias & satrapias scisso, vires eius
fatiscere cœperunt. Unde & Conradus Mazouiorum Dux, destitutus
solito præsidio & auxilio, coactus est Cruciferos in has regiones euoca-
re. Iam enim gens Borussia patriam eius Masouiam ita vastauerat,
vt Plockam etiam sedem eius sæpius tentaret atq; adoriretur.

Prima expeditio.

Conrardus igitur per Cisterciensem Monachum Christiernum Cruci-
feros vndique conuocat, quibus Ducem Syllesiorum Henrichum &
Wratislauensem, Lubensemq; Episcopum adiungit & præficit. Com-
missum est atrox prælium. Sed eo remoti, non sublatis sunt hostes è me-
dio. Hic ergo procinctus expeditio prima à nobis vocabitur.

Secunda expeditio.

Vt durabili stabiliq; præsidio bellum illud duceretur, accersitur ex
Liuania & aliud genus Cruciferorum, quos Albertus Archiepiscopus
miserat. Commisum est prælium acerrimum, quod duobus diebus dura-
uit: &

uit: & fusi profligatiq; sunt Liuonij Cruciferi, & ad paucos ita redacti, vt ex illis tantum quinque domum repedauerint.

Tertia expeditio.

Post illam cladem appulerunt huc & alij Cruciferi *Mariani* dicti, Roma vsque à Gregorio nono missi, duce *Hermano* de *Salicen*, quibus *Culma*, & *Torunia* cum amplissimis territorijs, iure propemodum fœudi, ad tempus tamen, attribuuntur. Sed conditiones certè non absurde huius donationis apud scriptores reperiuntur quæ si cum alterius generis Monachis seruatae fuissent hoc seculo à nostris, non ita oneri Reipub. illi essent. Tunc duæ arces illæ ad *Toruniam* *Rogouia*, & alia eo in loco, vbi Cathedralis est ecclesia, à Prussis extractæ erant. Sed *Pipinus* Dux eorum extractis intestinis atque exenteratus, crudeli morte necatus fuit à Cruciferis.

Torunia *Ma-*
zone *provin-*
cia *fuit* *tum,* *E-*
piscopoq; *Plo-*
cesi *parebat.*

Quarta expeditio.

Hac *Marianorum* audita in *Pipinum* crudelitate, præsertim in ipsis initijs eorum aduentus commissa, fortuna mutata est, & exasperatae vicinæ gentes: *Curlandi*, *Lituani*, *Samogitæ* & *Prussi* (omnes tum gentiles, & ab eadem stirpe orti, vt quibusdam placet) atrox bellum excitant ad *S. Georgij* arcem in *Curlandia*. *Mindocus* tunc apud *Lituanos* regnabat, qui Pontificis *Romani* autoritate in regem creatus erat. Nam spem fecerat se religioni Christianæ adhæsurum. Sed cum promissis non stetisset, perfidiæ pœnas non ita multò post luit. Noctu enim dormiens nihilq; tale prorsus suspicans à *Troinata* filio suo oppressus et iugulatus fuit, haud dubiè quòd res diuinæ lusui & ludibrio ipsi essent. *Mariani* igitur confisi auxilijs regis *Daniæ*, & *Liunionensium* Cruciferorum copijs, quas sibi tum recentifœdere, & imitatione rituali vestis, insigniq; permutatione adiunxerant, contra tot gentes procedunt, sed aliquoties fusi, fugatiq; de retinendo suo statu valde desperant. Tunc etiam *Lituani* post victoriam, *Hirchum* illum militem strenuum *Magdeburgensem*, in oblationis hostiam *Diis* suis armatum, ita vt in equo vitali (vt vocant) in prælium descenderat, captusq; ab eis fuerat, igni flagranti subiecto, equo subsultante & hinniente, viuum vnà cum armis ipsisq; calcaribus cremant. Valdè tum luctuosum tempus fuit Cruciferis. Nam præter alia quæ amiserunt, illud fuit damnum irreuerabile, quòd opinionem virtutis militaris, de qua tantopere gloriabantur, prorsus apud vicinas gentes perdiderunt. Vnde illa verba *Dursburchij* qui res illorum conscripsit: Tres inquit, vel quatuor hostes centum Christianos tum, cum magna verecundia, fugabant. Pro-

inde fracti animo ingeminabant orantes illa verba Psalmi, veluti cum Deo expostulantes: Ecce domine quomodo confortati sunt inimici nostri, &c.

Simili quoque genere oblationis paulò post Sambiensem præfectum, viuum, pariter equo feduciali (vt loquuntur) insidentem, iidem Lituanii post victoriam combusserunt. Simile quid de Germanis ipsis apud Cornelium Tacitum legitur, sicuti eis Loeticus rex Poloniae descensurus in prælium cum eis ad Plawno, pagum exprobrat: Humanas hostias, inquit, quondam Diis offerre soliti. Ecce tibi legem Radamantbi. Si quis, inquit, talia patitur, qualia fecit, poena iusta putanda est.

BOLESLAVS PVDICVS.

Anno ab orbe condito.

5190.

Anno à Christo nato.

1226.

BVtorium (vt sic loquamur) regnum seu potiùs interregnum quindecim annos durauit. Quæ autem mala interuenerint interea, per annorum seriem enarrare magis commodum erit. Septem ferè annorum erat Boleslaus, cum est patre orbat⁹, ideo principatus eius gubernationem ad se rapiebant propinqui. Vnde bellum ciuile inter Henrichum Barbatum Wratisslauensem, & Conradum Mazouium exarsit. Conflictus fuit primus ad Skalam, in quo Conradi filius Præmissus cecidit, itaq; Conradus receptui iubet canere, & pro victo abit. Secundus ad Wrocyrifum pagum. Sed & ibi profligatus Conradus, celsit ad syluas proximas, & inde Mazouiam. Paulò post Henrichum in villa Spitcouienfi diuinæ rei vacantem, capit. Sed Heduigis Henrici pia coniux eum liberat, & parricidiale illud bellum sapientiâ componit. Henrichus tutela, & regni administratione se abdicauit, iureiurando interposito.

Bella Conradi
ad Skalam.
Ad Wrocyrifum
alter con-
flictus.

1228. Boleslaus Pudicus adoptatur à Wladislao Duce maioris Poloniae, quamquam incertum an à Lesconogo potiùs, vel Sputatore sic dicto, qui multas possessiones & illas prærogatiuas ecclesiæ, Gnesnensi & Posnanienfi donauit. Vacationem nimirum omnium laborum, immunitatem pensionum, facultatem cudendi monetam, venandi in syluis. Ad hæc, ab omni quarumuis personarum præfectorum, Palatinorum, atque adeo ipsorum principum iurisdictione. De hac re D. Cromerus libro octauo.

Monete cudendi
facultas.

Non ita multò post, cum Conradus Dux Mazouiae, &c. concedente & abdicante se Henrico, quemadmodum superiùs narrauimus, pro tutore & primate se gerere coepit, I V O E P I S C O P V S CRACOVIENSIS siue Henrici voluntate, siue sua sponte, & meru odioque Conradi, cui aduersatus erat, sedulò profectus ad Pontificem maximum Gregorium eius nominis nonum, cum quo adolescens in Aca-

lescens in Academia Parisiensi coniunctè & familiariter vixerat, acceptusque ab eo Parisii honorificè, relaxationem per vim exacti iurisiurandi Henricho impetrauit. Et proxim⁹ iam erat pubertati Boleslaus & à Córado patruo alienus, in Henrichum prono studio pariter cum matre ferebatur: atque adeo iam iuris sui esse cupiebat. Hæc ubi ex obscuris indiciis & signis intellexit Conradus, Boleslaum vnà cum matre per speciem colloqui capit. Cirskumque quæ arx est in Mazouia, asportat, ac de necando puero cogitat. Deinde, mutata sententia, suasu Wladislai Sputatoris, & Marci Palatini Cracouiensis operâ, in Seciechouiense monasterium, quod in tractu Sedomiriensi supra Vistulam situm est, eos transtulit, & asseruari iussit. Thuronium & Colima Prusisæ vrbes primum fundantur à Cruciferis. Conradus Prusiam longè & latè igni vastat.

1234. Fratres Cruciferi cum Henricho Marchione Misnensi Pruthenos ad fidem compellunt. Et Gregorius Pontifex Polonos ad delendos Pruthenos instigat.

Circa hæc tempora Boleslaus Pudicus cum matre Grimaua, inebriatis & sopitis custodibus, effugerat: quem Henrich⁹ Wratislauensis reducit, Sedomiriensemque ei Palatinatum attribuit. In loco ubi templum diui Andreæ est, munitionem castelli statuit Conradus, & arcem Cracouiensem obsidet.

Henrichus Barbatus maritus D. Heduigis, dum curam agit Boleslai Pudici, Opatouiam Lubussensi Episcopo donat, Borcumque, & Cazimirium. Iuonis Episcopi Cracouiensis de loco cum Laurentio Wratislauensi Episcopo, qui postea ex rosarum odore decessit, contentio exorta. Basilica Cracouiensis, fortuito incendio in turri, quæ ex testamento Iuonis plumbo tecta erat, excitato, conflagrauit, quâ Visslaus postea instaurauit, & aliam turrin excitauit.

1237. Fratres Gladiferi Liunionæ cum fratribus Cruciferis Teutonicis vniti, Hermanus Balbi primus Liunionæ Magister. Elblina etiam Prusisæ ædificata.

1238. Henrichus Barbatus rediens ab obsidione Gnesnensi Croisnæ grauiter ægrotare cœpit. Nec multò post, hoc ipso anno diem clausit extremum. Cuius corpus ad Trebniciense monasterium ab Henricho filio, cui Pii cognomen, datum est. Nam Heduigis vxor in ipso monasterio degens, neque ægrotum visere, neq; mortui funus deducere, aut ei obuiam prodire voluit, ne quo rerum humanarum commercio animus eius à diuinis auocaretur. Quinetiam, cæteris viris iuxta ac mulieribus plangentibus & lamentantibus, sola moderatè coniunctissimi mariti mortem tulit, impium esse voluntati diuinæ aduersari sæpius affirmans. Ac ne viuentem quidem, illum sæpe adiit, nisi fortè, vt egenis & iniuria affectis opitularetur. Com-

muni enim consensu totos ferè triginta annos disiuncti, & continentes vixere. Ex quo tempore Henrichus barbam promisit, atque inde Barbatus vocitatus est. Eodem anno dissidia inter Pontificem & Imperatorem Fridericum secundum arserunt. Pontifex voluit eum regno exuere, ille Cardinales, Episcopos, & Abbates, qui petebant Romam, itineribus præclusis, coepit, & alios mari immerfit, alios in carcere detinuit.

1239. Boleslaus Kunegundam Belæ filiam in uxorem ducit, puellam moribus & sanctimonia vitæ nobilem. Dos eius quadraginta millia marcarum fuit. Tali autem coniugio beatus Boleslaus, tamen primis nuptiarum diebus eam non attigit. Imò, confirmata religione, postea mutuo consensu ambo perpetuam vouere continentiam, hinc Boleslao Pudici nomen inditum fuit.

1240. Circa hæc tempora Ioannes Czapla Scholasticus Polocensis iuris peritus, Wratislaviensis atq; Ducalis Cancellarius, & moderator pueri Conradi, quasi aliquorum consiliorum conscius, à Conrado Mazouia Duce in patibulum actus vnà cum dominicano monacho. Excommunicat⁹ ab Archiepiscopo Gnesnensi, Louitium ei sempiterno iure donat, ea conditione adiecta, vt libram siue marcam auri Duci Mazouia eorum bonorum nomine quotannis penderet. Atque ita à Gregorio vndecimo absolutus est. Hoc eodem tempore diui Francisci Assisiatis nouo tunc instituto viuentibus monachis coenobium Cracouiense à Boleslao Pudico fundatur. Per eadem tempora illa fatalis controuersia reuixit de dignitate Pontificali & potestate Imperatoria, inter Pontifices Romanos & Friderichum Imperatorem. Scripsit Petrus Vineatun librum pro potestate Imperatoris, cui respondet Innocentius quartus. Lege Volater. post lites verborum etiam ad strepitum armorum recursus est. Nam factio Guelphorum pro Pontifice, Gibelinorum pro Imperatore seclē opponebat acriter.

1241. Tartarorum sexcenta millia, duce Bathi, in Poloniam, Russiamque venientes, vtramque regionem crudeliter vastabant, ciuitatibus villisque succensis, indeque captiuos educebant. Rex igitur Boleslaus, cum & Henrichus Dux maioris Polonia, ceterique principes contra Tartaros vnanimiter progressi, proelium cum eis acre commiserunt. Iamque Tartarorum inclinabantur acies, sed quidam Vexillifer Barbarorum cum vexillo processit, in quo erat scripta græca littera tali modo X. superius verò in cuspide hastæ erat caput quoddam terribile infixum, arte magica confectum & efformatum, ore fumum vaporemque sordidum in Polonos euomens, quo velut peste quadam & incantationum infascinati, vires amiserunt. Sicque funditus à Tartaris, non secus atque à grandine segetes prostrati sunt.

Pugnæ huius

Pugna huius rationem & instructionem amborum exercituum qui
volet scire, inueniet inferius in libello campiductorie graphicè rem
descriptam. Pugna hæc fuit acerrima: Nec incruenta Tartaris victo-
ria cessit, ita vt fracti viribus pedem retulerint, nec vltius progredi
ausi sint. Atque ita fortitudine Polonorum ducum Germania de-
fensa fuit, vt incolumis remaneret. Sicut olim Græcia à trecentis La-
cedæmoniis aduersus exercitum Xerxis. Perit in eo proelio Henri-
chus Pius Heduigis & Barbatii filius: quem deductum ad alterum ar-
cus iactum à loco conflictus, incondito clamore sublato Barbari ca-
pite plectunt. Corpus eius agnitum fuit ex sexto pedis digito. Nam
caput fuit abcißum à Tartaris. Perit ibi & Magister Cruciferorum
Prussiensium, & alii quàm plurimi.

*Pugna cū Tartar
ad Legniam*

1243. Boleslaus Pudicus rerum potitus, ex Hungaria, quò ob
Tartarorum irruptionem fugerat, reuocatus eo anno. Ita enim Mie-
chouienſis dicit: Quapropter vox & clamor tribulatorum ascendit,
quòd poſt miſeras Tartarorum clades miſerabiliùs & grauiùs à pro-
priis opprimerentur, à Conradi videlicet exactoribus. Miſi quæ ex
templò in Hungariam & Morauiam erebri nuncii, vt Boleslaum Pudi-
cum quærent quò afflicta patriæ ſubueniret, tanquam hæres, qui
non eſt reuerſus vſque anno Domini milieſimo ducentieſimo quadra-
geſimo tertio, &c. Heduigis eodem anno moritur. Cromero ſic refe-
rente: Altero poſt maritum anno obiit Heduigis, qui à Chriſto nato
1243. Septimo Idus octobris. Corpus eius, quod croceum, dum vi-
xit, propter rationem victus duram atque tenuem, aſſiduaque iei-
unia fuerat, poſt mortem inſolito ſplendore coruſcaſſe fertur, Deo
perhibente teſtimonium ſanctimonie, & pietatis eius.

1246. Daniel Ruſſorum dux filius Romani, qui ad Zaichosti-
um perierat, à legato Apoſtolico coronatus, in ſede Colomani Hun-
gari ſedet.

1248. Litvvani victi à Cruciferis cum Mendaco eorum duce,
qui poſtea rex creatus fuit. Et Curetes populi auxiliares pariter cum
eis conciderunt. Eodem ſerè anno Svvatopelcus Pomeranus ille
Gryſius occiſor Albi Leſci, Pruſſiſe ducem adiunxit, & omnes Cru-
feros poteſtate exiit. Hic etiam vt ſtabiliret ſuum principatum Bo-
hemie principis filiam duxerat. Magiſter tunc prouincialis vel Mar-
ſalcus, vt illi vocant, Cruciferis præfuit. Eodem tempore Magde-
burgum à Cruciferis arx in Pruſſia excitatur munitiſſima & admi-
ratione digna, quanquam Annales Cruciferorum & Miechouienſis
ad annum 1280. id referunt.

1247. Conradus Dux Mazouiorum proelium cum Boeſlao ad
Iaroſinum commiſit, in quo Boeſlaus, & Sedomirieneſes in magna
trepidatione erant. Mox proſequens victoriam Conradus Cracoui-

k 3 am ducit exer.

am ducit exercitum. Cumq; copiam pugnandi Boleslaus ei non dedisset, arcibus duabus excitatis, vna ad Thinec, alia ad Lelovv, domum reuertitur. Atque ita, cum multas turbas in vita sua excitasset, & bella non necessaria cum cognatis, extremum vitæ diem clausit. Hoc anno hic, vt dictum est, Cruciferos in suam & totius Poloniae perniciem primus, animalia inquam, illa in iis terris nondum visa adduxerat, cum quibus quàm atrocia bella gesserit Loctic' rex, Wladislaus Iagello, & Cazimirus postea dicitur.

1250. Guelphorum & Gibellinorum factiones, à Pisis initio facto, in singulis ferè urbibus excitantur. Nam altera pars sequebatur Pontificem, altera Imperatorem. Ita magna laniena secuta est, sed hoc Chronicarii Germanici in annum 1238. reiciunt. Sensit & Polonia huius dissidii incommoda. Venerat enim legatus Pontificis Innocentii in Poloniam, habitaq; Synodo Wratislaviae, imperavit Episcopis quintam partem reddituum dari Pontifici, quò iam debilitatas vires suas aduersus Fridericum Imperatorem inde confirmaret. Pro hac verò intempestiva humanitate, vt vocant, Polonorum relaxauit eis ieiunii magni vinculum. Nam, cum nouem hebdomadis, veteri Pontificum instituto, vulgò seruaretur (& à Russis hactenus seruatur) indulgit, vt esset deinceps hebdomadarum tantum sex & dimidia. Hinc natum est nomen, *Stary miesopust*, sicuti & nunc post reformatum anni cyclum vetus natale, & vetus Pascha vocatur, abscisis nimirum decem diebus currentis anni 1582. quo hæc accidit Kalendarii reformatio.

Vetus quadragesima.

1252. Salinae Bochnenses repertæ. Id beneficium Kingi vxori Boleslai pietatiq; eius acceptum referunt. Ex inde damna sarcit, quæ ei Tartari intulerant.

Kingi Rex

1252. Sacer Stanislaus inter diuos relatus, reclamante Hostiensis Cardinali, & in Fastis seu Martyrologio exinde connumeratur.

Stanislaus Canon

1255. Mindacus dux Litvvaniae magno astu à Cruciferis persuasus, ad religionem Christianam perducitur. Cum enim armis ab eis esset attritus, vt etiam domesticis inuisus redderetur, ob nouam videlicet religionem, eum (si sic loqui fas est) in Christianis. Vt ita foris & intus conuulsis eius viribus, magis obnoxius eorum iniuriis redderetur. At non ita multò post, re animaduersa, ad sua idola resiliit. Meminit tamen historia, Litvvanos iam tum ante Iagellonem aliqua initia habuisse religionis. Iamque ante aliquot annis Episcopi Litvvanorum, Gerardus, inquam, & Vitus, in illa festiuitate aderant, quando D. Stanislaus in numerum sanctorum ascribendus promulgabatur, hoc est septuagesimo & quinto anno post eius mortem. Anno autem Christi 1253.

1556. Poloni Morauiam & Opoliensem terram vastant. Hageki errorem

geki errorem hîc nostri scriptores confutant. Vide D. Cromerum. Othocarus Bohemorum dux (nec dum enim diadema regium acceperat) Prussiam perdomuit. Tum Kinisberga, id est Regius mons ad sinum maris Balthici excitatur, & à regis nomine, Othocari videlicet, sic est dictus. Detegit etiam hîc triplicem errorem D. Cromerus Æneæ Syluii, qui, vt captaret beneuolentiam apud Bohemos, fingit, contra consensum historicum, hunc Othocarum debellasse has regiones inter Bohemiam & Regium môtē. Secundò quòd dicit, ab eodem Tartaros debellatos. Tertiò, quòd asseuerat id suis viribus eum confecisse. Aut, inquit Cromerus, ostendat quando Bohemi eas terras amiserint, tunc credetur ei, quòd eas subiecerit. Sed si hoc non potest ostendere, neq; igitur eius narrationi relinquitur locus. Brandenburgū etiam in Prussia in memoriam Marchionis Brandenburgensis excitatum fuit sub idem tempus. Eodem seculo fit mentio oppugnati Raciāzy oppidi à Svvatopelco illo defectore, qui primus in eas regiones artificium inuexit veterum Romanorum, testudinis ex clypeis cōficiendæ, vt milites sub tali propugnaculo tutiùs possent versari, & moenia aggredi atq; subire. Et hoc artificio in expugnando Naclo vsus est. Ibi ei exprobatum fuit defectionis illud scelus. Tum ex arce audita fuit vox, quæ ad aures eius vique peruenit: Plures, inquit, adsunt, qui à fraudulentis victoribus pœnas expedituri sunt.

1257. Richardus rex Angliæ, rex Romanorum pronuntiatus, priuilegium Teutonico ordini conficit. Hyacinthus etiam hoc tempore ab exilio huius vitæ in domum coelestem commigravit. Verba sunt historici. Eodem tempore Boleslaus Caluus excommunicatus, ob captum & ad subuculam vsq; exutum Thomam Episcopum Wratislauensem. Describunt hîc historici nostri modum cruciatæ emittendæ, hoc est diplomatis, qua cruce signatis permittitur reges ac duces vnà cum eorum regnis diripere, sicut acciderat huic Boleslao Caluo. Ad hunc videlicet modum. Scripsit inquiunt, Pontifex maximus, Alexander quartus, ad Archiepiscopum Gnesnensem, vt coadiuratis Cruciferis Polonis, concitaret eos contra Boleslaum. Eodem modo traditur ad Magdeburgensem Archiepiscopum mandatum dedisse, vt à Germanicis quoque Cruciferis idem curret fieri. Ita Boleslaus Caluus distractus, dum in hanc & in illam partem oculos dirigit, à fratre per dolum capitur.

1258. Bella ciuilia in maiore Polonia inter duces, qui 24. tunc numerantur fuisse. Prædicatur Boleslai Pii, ducis Calisiensis audacia, quomodo cum aulico comitatu, exercitum magnum hostium dissipauit ad Opatkouicam. Extremis enim perturbatis & primos impellentibus, omnibus maior, quàm erat, visus est numerus copiarum. propterea

Mentio Naclo

propterea quòd sylua lōgiorem prospectum adimebat, clamantium verò hominum ampliorem sonitum reddebat. Daniel etiam Ruisorum Dux arcem Lublinensem capit, & monasterium Zaichostense, vbi pater eius perierat diripit, Sedomiriam incendit, vnà cum Tartaris, quibus se ducem præbuerat. Cracouia ab eisdem incensa, ita vt Boleslaus iterum cogeretur profugere in Hungariam. Sed alii hanc Sedomiriæ incensionem in annum 1260. referunt. Ideo Sedomiriæ ad eum vsq; diem illa martyrum strages anniuersaria celebritate postridie Calendas Iunii magno populi cōcursu recolitur. Ita Daniel, se illa perfidia vltum esse cladem Romani patris, quam ad Zaichosti am acceperat, gloriabatur.

Daniel Romanus.

1260. In hoc etiam tempus nostri scriptores (quanquam in viginti annis circiter discrepant) Danielis Romanidis coronationem referunt. Dicuntque eum, postquam fatiatus esset cædibus & effusionibus sanguinis Polonorum, quas Tartari passim ediderant, subiugassetque magna ex parte Rusiam Australem, spe erectum ab Opisone legato apostolico in Polonia tum agente per nuncios petiisse, vt sibi & successoribus suis titulum regium impetraret; ipsum verò sanctè promississe, se cum vniuersa gente sua ad Romanæ & ecclesiæ catholicæ societatem siue vnitatē accessurum, & christianas regiones aduersus Tartaros, qui iam ingentem formidinem omnibus principibus christianis incusserant, defensurum. Dissuadebat id Opisoni legato Predota episcopus Cracouiensis, & nonnulli alii, sed nihil profecerunt: obtinuit Daniel quod petebat. Sed quod contrà promiserat, non seruauit, quin potius fidei & iurisiurandi religionem violauit, & pristinæ religioni pertinaciùs postea adhæsit, christianos verò non modò non defendit, sed etiam cum Tartaris, pariter infestauit. Cum Litvvanis etiam contra nostram gentem sensit, eisque commilitauit. Cur autem Pontificibus vltra Poloniam tot reges creare in mentem venerit, nunc non disputo. Quidam dicunt, hac ratione voluisse eos sedis Romanæ maiestatem condecorare, tribus regibus simul adiectis præter eos, qui iam dudum regum nomine appellabantur. Alii dicunt hæc facta esse in barbam (vt vulgò loquuntur) Imperatoribus occidentalibus. Negabant enim Imperatores, Pontificem habere potestatem creandi reges. Contrà, Pontifices vt & re ipsa & verbis demonstrarent, sese & velle, & posse reges creare, tres breui tempore inaugurant, Haliciensem videlicet, Litvvanicum, Mindacum, & Polocensem Wladimirum; quorum nunc regna à rege Poloniæ tenentur, & in prouincias redacta sunt. Et, si multitudine regnorum gloriari liberet, vt plerique Monarchæ faciunt, certè Polono non deessent occasiones titulum suum augendi, & infarciendi regnorum nominibus, vt ita Rex quinque magnorum regnorum: Poloniæ nimirum,

Polono 2

ænimurum, Lituaniam, Haliciam, Polociam, Kiouiamq; diceretur. Cuncta enim hæc dominia à Pontificibus regiis titulis sunt cohonestata insignitaq; ceremoniis solennibus adhibitis, & priuilegiis ad id traditis. Sed quis tandem effectus fuerit multiplicationis tot regum, non est difficile cognitu. Barbaræ quidem gentes, Scythæ, inquam, & Turcæ, qui iam satis exasperati erant, ita ut istas regiones vastarent, & cateruatim sæpius se in eas infuderent, certè regum ista institutione non parum commoti sunt ad res nouandas. Timebant enim, ne istæ duæ res nouæ, nimirum cruce signatorum exercitus, qui orientem versus sæpe procedebant, & regum nouorum inauguratio aliquod ipsis exitium accelerarent.

Dixi, circa hæc tempora, quando videlicet differunt historici de clade Sendomiriensium & coronatione Danielis, discrepare inter se in 20. circiter annis. Quod accidit puto propter bella & turbulenta tempora illius ætatis. Vnde fit ut & historia eius æui plerisque in narrationibus erroris suspitione laboret. Conqueritur etiam hîc domus amplissima Sienieniorum, Olesniciorum, Pozovviorum & aliorum, qui signo vtuntur Debeno nominato, de Monachis sodalicii illius, qui vitæ institutum sequuntur cœnobii S. Crucis. Nam volentes historiam suæ societatis speciosiore magisque figuratam reddere, multa confinxerunt, quæ pugnant cum historia familiæ eorum, quam per manus à maioribus suis traditam acceperunt. Certum est autem, & pro confesso tenendum, Dembrotem, qui signum sanctæ Crucis reduxit, Polouucium fuisse; qui Polouucii ab illis Gothis Italiæ vastatoribus originem ducunt: habitasseque in eadem plaga Russiæ, vbi nunc est solitudo, & coloniæ nonnullæ ipsorum. Et credibile est, ideo ipsum ac Polouucios omnes Tartaros vocatos fuisse, non quod Tartari essent: sed quia cum Ducibus Russorum Leone & Romano, qui vindicaturi clades superiores venerant à Polonis acceptas, duces itineris Scythi in Poloniam se præbuerant. Inde, inquam, factum esse reor, ut per inuidiam Tartari vocarentur. Præsertim cum etiam in vicinia Tartariæ habitarent. Non minùs autem scitè, quàm verè, à Ptolomæo dictum est: Finis vnus rei participat de appellatione alterius. Quam ob causam, confinii videlicet ratione, Sarmatæ, atque etiam Germani interdum ab autoribus Scythæ appellantur, de qua figura sermonis luculentiùs libro primo huius operis à nobis disputatum est. Sed & aliæ coniecturæ non desunt, quibus docetur eadem res. Neque enim alioqui, si Dembrotis Tartarus seu Scythia fuisset, signum sanctæ Crucis per eum remissum fuisset. Nam ad primum conspectum à Sendomiriensibus fuisset discerptus, & illi, qui cognatos suos non ita pridem crudeliter ab eo trucidatos meminerrant, cupiditate vindictæ, sanguine eius suis parentassent: Sed

1 quia cum &

Principatus
Poloniæ quin-
que regna.

Malus exitus
consilij de au-
gendo numero
regum.

Origo Dem-
brotiorum in-
ter quos fre-
quentiores Sie-
nienij habitât.

quia eum & generis Gothici antiquitas, & religionis vnitas, linguæ quæ Russicæ vsus cōmendabilem apud nostros, vt ipsius populares, reddebant, ideo hunc præ aliis idoneum putabant, qui tutò & commodè ad suos veluti contribules sacrum. istud signum ferre posset. Et virgo Adleida Debniades ideo in nuptias eius faciliùs consensit, quòd hominem suæ religionis esse, nec ita multum à se dissidere perceperat. Præterea (pace sodalitii illius dixerim) apparet hanc historiam minimè secum consentire. Nam si anno 1260. sub Boleslao Pudico, fuit crux relata, & rursus sub Cazimiro magno, anno 12. vbi latebat, demonstrata, quomodo ab eodem reportata & demonstrata credetur, quandoquidem prius tempus à posteriore propemodum 100. annis differt? Per quod temporis spatium tres reges intercesserant: Præmissus nimirum rex, Venceslaus Bohemus, & Wladislaus Loticus, & bona pars regiminis Cazimiri magni. Iam autem, cum Sedomiria vastaretur, dux cohortum nuncupatus est, & agmen ducebat. Ideo 40. aut paulo minus annos is tunc natus fuisse coniicitur. Sed coniectura hac omissa, ad institutum reuertamur.

Circa hæc tempora vrbs Cracouiensis iure Teutonico, quod & Sredense vocatur, vti cœpit. Condonet lector, quòd breuiter & succinctè capita rerum enumeramus, neque enim nostrum propositum est ea, quæ alii prolixè tradiderunt, largiùs prosequi: satis est, quòd primam partem historiæ nostræ ab aliis neglectam tradidimus. Porro capita rerum in hac secunda parte tantùm proponere sufficiat, vt saltem complementum historiæ habeat lector.

1260. Circa hæc tempora Michaël Palæologus Græcorum Imperator auxilio Guilelmi ducis Genuensium occupat Byzantium; inde inuasit imperium Orientis, Balduinumque cum Gallis expulit. Huius progenies Constantinopolim obtinuit annis ferè ducentis. Interim Bulgari, Rascii, Seruii, & aliæ gentes Slauonicæ suis parebant regibus, & Despotis. Et qui antea amici aut confœderati Constantinopolitanis erant, mox hostes facti, assiduis incursionibus Thraciam & Macedoniam infestant.

1263. Boleslaus Pudicus, cum videret Iazygas, gentem ferocem, sæpius ipsius terras infestare, regionem eorum. agmine composito semperque instructo, 22. mensis Iulii ingreditur. Sciebat enim, gentem indomitam, atque aut mori, aut vincere animo obfirmatam, ad pugnam quamuis iniquissimam accursuram. Nec eum opinio fefellit. Nam statim, illucescente sole, vbi se nostri in conspectum eis obtulerunt, magna alacritate ad eos contendunt. Producit Boleslaus suos in aciem; Concurritur infestis armis. Cumque aliquot horis Marte dubio pugnatum esset, tandem instantibus nostris, ad paucos rediguntur Barbari, ducemque ipsum Cunhatum inter primos pugnantem amittunt,

tem amittunt; & tamen pedem non referunt. Ita fortiter dimicantes occidione occisi sunt, & qui remanserant ex militari ordine, religionem Christianam, capitali poena proposita, suscipere sunt coacti. Tametsi autem de Iazygum origine plerique hæsitant, tamen Sarmatas fuisse nemini dubium est; Sarmaticaque lingua eos locutos, vel inde euinci potest, quòd hætenus tam hi, qui in Podlasia habitant, quàm illi, qui ad Tibiscum in Hungaria hætenus manent, lingua Slauonica, licet paulo difficiliore, quàm Russi, vtuntur. Et hic dux eorum, Cunhatus de quo modò diximus, nomen prorsus Russicum habuit. De iis autem quum iam aliquoties dixerimus, superuacaneum est de iisdem luculentius differere. Tapia eodem anno in Prussia excitatur.

Iazygum origo.

1263. Ecclesiam parochialem Mariæ Magdalene Posnaniæ fundatam Miechouiensis tradit.

1264. Monasterium in Brzescie Cuiaviensi fundatur.

1264. Russi & Tartari fusi & profligati à Polonis ad Pietā campum. Dux autem Russorum erat Suarno. Nam Daniel Romanides paulò ante mortuus erat, licet Miechouiensis mortem eius in annum 1266. referat. Victoria hæc accidit Iunii mense eadem die, quæ antea ad Zaichostiam à nostris prosperè pugnatum fuerat. Res primò eminus scorpionibus, & arcubus gerebatur, sed dum Scythæ in eo genere pugnae exercitatos se declarant, inuehuntur nostri in acies eorum, & cominus hastis atque gladiis res geritur. Referunt pedem hostes; instant nostri. Nitebatur Suarno restituere suorum aciem, sed, cum nihil ageret, in fugam se coniecit, atq; ita vniuersa acies hostium conuertitur, & mutuò sese impellit & impedit: Ita nostri plena potiuntur victoria. Existimatum est tum piis precibus principis Boleslai, & religiosæ coniugis Kunegundis, impetratam fuisse illam victoriam, magis quàm humanis viribus, cum numero hostes quadruplò nostros excederent. Nam certò narratur, Kingi Reginae astitisse tum duos candidatos angelos, qui futuri belli euentum ei prædixerint. Vnde videre licet, vt iam aliquoties dictum est, regna primordialia magis peculiari cura tutelaque à Deo coelitus defendi, quàm ea, quæ proximis seculis suppullulasse creduntur. Numerantur autem iuxta Mosem à Lyrano 73. vt sunt Iberorum, Celtarum, Tuiscorum, Sarmatarum, & consimilia.

1264. Hoc anno Cometes dirus & Luridus arsit, in occasum se se porrigens, durauitque tres menses, quo etiam tempore Urbanus Papa, vt Miechouiensis refert, festiuitatem corporis Christi instituit. Eodem tempore Boleslaus Dux Calisiensis, atauus Cazimiri Magni priuilegia & libertates indulgit Iudæis, quas scriptores historiæ Polonicæ & Priluzius, vt legibus contrarias, reprehendunt. Quod cum ego senioribus Iudæorum aliquoties obiicerem; ad hunc mo-

*F. H. cor
is chi*

1 2 dum respon-

dum responderunt: Si hæc ita se haberent, vt Prilufius dicit, certè nos non tuliffent reges, non modò per hosce trecentos annos, sed ne per tres menses quidem. Adieceruntque, se habere confirmationes suarum libertatum & priuilegiorum non solùm à regibus Poloniae, qui ordine alter post alterum vixerunt, sed etiam ab Imperatoribus, ipsisque denique summis Pontificibus Romanis, quorum exemplo Dux Boleslaus maioris Poloniae & Cazimirus Magnus, cæteriq; Reges easdem confirmarunt, corroboraruntque.

Quinta expeditio.

1263. Dux Brusfingæ, & Margrauius Morauiae cum filio, & Landgrauius Turingiae magnam vim militum contra Prussos adduxerunt, vt vlciscerentur mortem Helmerici Magistri, quem in Lubusouensi terra cum exercitu ferè occisione occiderant. Superiore autem anno Wilauum arcem, à Regio monte triginta millibus passuum sitam, Lituani, adhibitis variis bellicis machinis, magna contentione oppugnant.

1266. Predota Episcopus Cracouiensis mortuus est.

1266. Arcem Cracouiensem, totum montem complectendo, Boleslaus Pudicus restaurat. Circa eadem tempora Salome Haliciensis Regina, Boleslai Pudici soror, vxor verò Colomani in Zaichostiensis monasterio vixit, deinde in Skalensi vitam exegit. Funus eius Cracouiam ad D. Francisci templum illatum est.

Sexta expeditio.

1266. Nec minus etiam celebris fuit Ottobocari regis Bobemiae expeditio in Prussiam hoc anno. Erant enim in illo exercitu Poloni, Bobemi, Syllesii. Sed & Russi eodem tempore Nadrouitas, & Scalouitas, annis 60. ante aduentum Marianorum, ex veteribus ipsorum sedibus, vbi est nunc Ragenta, eijcere contendunt. Cumq; isti arctiore obsidione in arce quadam premerentur, interrogati, quonam pacto in diem tam diu sustinerent: responderunt, se viuarium quoddam in area arcis habere, quod illis piscium copiam suppeditet. Subiungit Dursburchius historici illius scriptor atque exclamans: Mirum est, inquit. Cum gentiles possessores illius arcis essent, viuarium illud tantam copiam piscium illis affatim producebat, nunc postquam Christiani potiuntur isto loco, tantum raris illud viuarium scatet. Sed tandem inquit, iudicia Dei sunt inperuestigabilia. Demonstrauimus autem in chorographia nostra, illius regionis antiquissimos fuisse possessores Slauinos, ideo etiã nunc Slauonia illa prouincia vocatur, vnde & Ptolomæus Venedicum sinum mare illud appellat. Ideo à Nadrouitis Prussis Russorum Principes
tam enixè eam

tam enixè eam vindicare contendunt. Hoc tempore etiam Regiomontana arx fuit excitata, & ad conseruandam memoriam huius expeditionis Otthocari regis Bobemiæ Mons regius est vocata. Hoc quoque tempore apud Lituanos regnabat Troinata, qui Mondocum patrem vnâ cum duobus filijs Rukla & Repikascha auxilio Doumantis iugulauerat. Sed & ipse non ita multò post à Wojsilkone comprehensus in venatione excarnificatus fuit. Fuit Wojsilko filius etiam Mondoci, sed monasticam vitam professus in Vronscensi monasterio ad Pinsko priuatim vitam religiosam ducebat. Hunc proceres Lituani diu reuuentem cunctantemq; precibus & inuitationibus sollicitantes, ad gubernacula Reipub. suæ, in tanta rerum perturbatione, euocauerant. Kierno niæq; solenni ceremonia inaugurauerant. Euectus ad eam dignitatem, nihilosecius voti sui memor, vestem ritualet monasticam seu cucullum supra Ducalem habitum superinduebat: Sed hunc non ita multò post, Leo Dux Rusorum per speciem comitialium consultationum ad interiora Rusiæ, Wladimiriam illam vicinam nobis in Volihnia, euocatum post conuiuium quoddam manu sua interfecit. Iam enim à conuiuiio Leo & reliqui conuiuæ Duces ad sua diuersoria abierant, cum mora parua interiecta, Leo ad curiam Wojsilkonis rediens in cubili dormientem excitat, & quasi adhuc comesatiuncule indulgere volens, elicere conatur. Bibemus adhuc Kumie, sic enim Rusi affines suos blandiusculè vocitare solent. at ubi non pareret ille, euaginato acinace, caput eius dissecuit, ita ut cerebro paries proximus aspergeretur. Ita Wojsilko miserabili morte vitam, simulq; posteritatem perfidi Mendoci patris, adeoq; stirpis antiquæ Centamorum ab insignibus auitis dictæ finiuit: continuataq; tamdiu successio in principatu, in aliam familiam Columnarum dictam, electo Vithene, & sede ducali Nouogrodiam translata, isto tempore transiit. Delati ad commemorationem istarum duarum familiarum celeberrimarum Litanorum, paucula hîc, historicos Lituanicos submonituri, adiiciemus. Germani scriptores viri eruditi, & in historica lectione versati, Columnarum, Vrsinorum, Scaligerorum, & aliorum consimilium familias à Germanis non à Romanis veteribus deriuant: Romanos quidem esse fatentur, sed posterioribus temporibus ab Imperatoribus Germanicis Romæ collocatos iusq; ciuitatis adeptos, in eum finem, ut isthîc manentes, tanquam Imperatorum clientes, & alumni (nam redditibus certis & portorijs ab iisdem aucterant) auctoritatem ipsorum aduersus indignationem Pontificum, si quando oboriretur, tuerentur. Hac igitur ratione familiæ Lituaniæ Columnarum & Centamorum à Romanis originem suam trahere potuerunt.

Wojsilko interfectus crudeliter.

Origo Columnarum Vrsinorumq;.

runt: Sed hæc transmigratio vt longè posterioribus temporibus acciderit, necesse est. quando nimirum Guelphorum, & Gibellinorum factiones extiterunt & per Italiam Germaniamq; sunt sparsæ. Ex prædictis igitur causis & per prædictam occasionem has gentes ex Germania in Italiam traductas fuisse tradunt. Neque hoc absurdum videri potest. Nam rerum Romanarum antiquiores scriptores Columnarum ac Vrsinorum nullam mentionem faciunt. Fieri autem potest, vt cum Cruciferis, qui expeditionibus frequentibus, terra mariq; viam ex Italia septentrionem versus aperuerunt, & ab vrbe Roma veteri ad Romam nouam, ad litus Balthicum sitam (sic enim portus ille Curlandicus ad imitationem comparationis Romæ Romulæ cum Roma Constantino-politana, quæ etiam *vā sūm* vocabatur, antiquitus nominatus est, & ibidem Pontifex etiam gentilis, Kriuci Kriucto dictus, sedem suam habuit primariam) huc aduenerint. qui demum insinuantes se in amicitiam Lttuanorum, primò socij, demum & domini gentis esse cœperunt. Hanc verisimiliorem originem Columnarum Lituanicorum esse puto. Nam et Dorssprungij nomen & Prosperi magis est cognatum sono Germanicis nominibus, quàm Italicis. De Libone Nauarcho Pompeij speciosior narratio videtur. Sed ego de rebus vetustis iudicium hîc cuiq; suum relinquo. meliora adferentibus subscribam & cedam.

1268. Suatopelcus decrepitus iam, mortuus est, & recordatus defectionis suæ, moriturus filiis mandat, vt Polonos duces omni ratione & beneuolentia sibi deuinciant. quod quia postea obliti sunt facere, magnis se calamitatibus implicarunt.

1270. Ludouicus Von Balderhem Magister prouincialis Prusis. (erant enim alij Generales) vnâ cum Liunionæ Magistro Plescouiam obsidet, & Russos ad faciendam pacem cogit.

1271. Paulus Episcopus Cracouiensis ob raptum sacratæ virginis ex Skalensi monasterio, qua abusus esse fertur, Syradiam iussu vel permisso Boleslai ab Othone & Zegota iuuenibus Toporum familia ortis, deportatur, ibique mensem vnum seruatur. Hic diuinitus quadam die de cœlo ob sua scelera increpitus fertur huiusmodi verbis: Vætibi Paule Episcope. Rursus ferunt, talibus dictis eum in cubiculo compellatum: Ne timeas paule Episcope, age quod lubet, septimo deinde anno morieris.

1273. Boleslai victoria contra defectores in hunc annum incidit. Huius belli concitator fuisse fertur idem Paulus Episcopus. Ipse tamen Boleslaus non prorsus immunis à culpa fuisse fertur. Nimirum, quòd indulgentia quadam calumnias in iudiciis regnare pateatur; quibus etiam hætenus impunè laborant Causidici nostri seculi. Neque prorsus incorruptus iudex fuisse ferebatur: onerosus item nobilitati

Paulus Episcopus
Cracouiensis.

nobilitati propter crebras venationes. Nam tunc ferunt adhuc nobiles subuectiones præbuisse principibus. Itaque mutatione plerique principis, nouoque domino creato, sperabant se liberatum iri istis malis. Paulus tamen autor fuit conuenticulorum aduersus Principes, semina iaciendo futuri belli.

1279. Hoc anno Boleslaus Pudicus ad quartum Idus Decembris fatis concessit. Cracouiæ apud diuum Franciscum, quod monasterium ipse condiderat, sepultus est in choro templi à sinistra parte.

In cuius sepulchro tale epitaphium legitur. ANNO DOMINI MCCXX. OBIIT ILLVSTRISSIMVS PRINCEPS ET DOMI-

*Epitaphium
Boleslai.*

NVS BOLESLAUS CRACOVIENSIS, &c. Sed inscriptio tempore variat à calculo chronologorum nostrorum. Benignus & religi-

*Inanunitas
cleri.*

osus Princeps fuit. Cuius illa extant in Cracouiensem Episcopum, & ecclesiam memorabilia beneficia, quibus sacerdotes, eorumque

adscripticios ab omnibus pensionibus & teloniis liberauit. Ab omni item iurisdictione magistratuum suaque ipsius exemit (quod ab Ar-

*A bellica expe-
ditione tunc
primum cler-
o exemptus.*

chiepiscopo etiam quodam effectum fuisse supra meminimus) Episcopumque omnino Ducali iure in bonis suis esse voluit. Adhæc po-

testatem fecit Canonicis Cracouiensibus senos ex nobilitate aut duodenos ex plebe quos vellent ab expeditione bellica eximendi.

Condedit etiam sancti Marci monasterium Cracouiæ. Ciuitatē Cracouiensem iure Saxonico siue Magdeburgensi, quod etiam Sreden-

*S. Marci mo-
nasterium.*

se & Teutonicum vocatur, vti iussit, constituitque. Quinquaginta duos annos post mortem patris Kinga vxor virgo permanfit, mortem-

*Kinga Regina
& Ducissa.*

que mariti moderatè tulit. Distractisque cunctis facultatibus in usus egenorum, diui Francisci professioni & instituto vitæ sese addi-

xit. Postremò Sædeciam commigravit, ibique reliquum tempus vitæ in monasterio peregit. Non multò post Pudicum mortuus est Bo-

leslaus Caluus Legniciensium Dux Rogatka dictus.

De origine Ducum & Archiducum Austriæ.

Rudolphus Albertum filium Augustæ Vindelicorum, in cōuentu principum Austriæ, Styriæ, Carinthiæ & Carniolæ ducem appellauit. A quo originem duxerunt ii, qui deinceps illis regionibus præfuere vsq; ad nostra tempora, & Carolum Quintum Imperatorem, Hispanorum, Siculorum, Neapolitanorumque regem, ac Ferdinandum Cæsarem, regem Romanorum, Hungarorum, & Bohemorum, fratres germanos, ac liberos eorum inclytos.

ANNALIVM POLO. LESCVS NIGER.

Anno ab orbe condito
Anno Christi.

5345.
1279.

*Prælium Goz-
license.*

SVccessorem Boleslaus accepit Lescum Nigrum Siradiensem Ducem. Hunc enim viuis adoptauerat: præterea ex fratre patruele nepos ei fuit. Patri igitur adoptiuo Lescus iu-
tis persolutis, nemine ex cognatis aduersante, rerum potitur. Inter extraneos Russi primùm duce Leone Danielis filio & Romani illius Haliciensium nepote, adiunctis sibi Tartaris, primò Lituaniam, de-
inde & Poloniam aggrediuntur. Cum istis Palatini duo ad Goslice pagum altero à Sendomiria milliario temerè quidem, vt qui multò pauciores, sed tamen euentu prospero concurrunt, cōmisso quæ præ-
lio, tertia die Februarii eos fuderunt. Nam, cæsis primis, magna trepidatio cæteros inuasit. Sic, abiectis armis, terga verterunt. Cæsa fe-
runtur in eo prælio hostium octo millia, capta duo, militaria signa septem. Nostri victoria potiti, mox Russiam vastant vsque Leopoli-
m. quæ vrbs ab hoc duce conditore nomen tunc accepisse dicitur.

*Illicet Confederat
conuocati a Siculis
trucidati*
1281. Bellum cum HENRICH O Wratisslauiensi nomine tan-
tùm & non re ipsa, Probo dicto, ob Duces tres captos. Quo anno e-
tiam Siculi Gallos vna hora, dato campanæ ad vespertas signo, per
omnes vrbes ex composito trucidant. Hinc in prouerbiū abiit: Si
culæ vespere.

1282. Ius tum Lescus dicebat Cracouiæ, cum audisset Litua-
nos & Iazygas subita excursione Lublinensium regionem tripartito
agmine depopulari. Itaque sepositis omnibus negotiis, armis corre-
ptis, magnis itineribus ad eos contendit. Sed hostes iam præda onu-
sti recesserant. Itaque cum lassus animo angeretur, sopore eum in-
uadente, diuinitus consolatur à quodam, qui speciem diui Michaë-
lis referebat, in somno ei apparente: qui ei sponsonem certæ victo-
riæ faciebat, si non desisteret, & persequeretur hostem. Paruit ille:
Nam, cum somnium hoc militibus manè exposuisset, dici non po-
test, quàm eos alacres ad persequendos hostes reddiderit. Itaq; cum
recentibus hostium vestigiis insisteret, 13. Octobris ad Naruam &
Nemen flumina eos consequitur. Perculsi aliquo modo metu, cum
se iam euasisse sperarent; Sed tandem ad arma ventum, Iazygibus ar-
ma arma acclamantibus. Modum pugnæ & instructionem exercitus
habet à me in libello Campiductoriæ expressum. In summa, victo-
ria nostri potiti sunt gloriosa. Nam & canes nostratium, quos secum
iam ducebant Barbari, vt letiore vlulatu nostris quodammodo gra-
tulabatur: sic sæuis morsib. Barbaros ipsos impetebant. In eo prælio
reliquiæ Iazygum equestris ordinis, qui à suscepta religione defece-
rant, penitus

rant penitus extinctæ sunt & deletæ. Lescus victor in Poloniam rediens diuo Michaëli, qui sibi in somnis victoriæ spem fecerat, Lublini templum eius rei mnemosynon condidit.

Septima expeditio.

Tunc Liuonici Ensisferi totis viribus suum robur in vnum conferentes Lituaniam ingressi, cum Doumante prælium acerrimum committunt in campis Vidriminscijs Gedrociorum, duobus milliarijs à stagno nobili Kiamento dicto. Ibi robur Liuonum concidit, totusq; illorum exercitus deletus est. Vnde campus ille hætenus Caulis vocatur, quod significat bellum lingua Lituonica. Inueniuntur illuc hætenus à colonis fragmenta framearũ, sagittarum, & pili hastarum. Celebratur etiamnum ab agrestibus cantiunculis hic Doumantes. qui tandem seditione, ciuiliũq; bellorum incommodis patria extorris & extrusus ad Plešcouienses profugit, à quibus etiam in Principem fuit electus. Hic primum Plešcouiæ muris cingere cœpit. Vnde Plešcouienses Moschi quandam suorum mœniorum partem, parietem Doumantis hætenus vocant. Sed quia ambiens principatum Lituanicum ad necandum Troidenum Ducem subornauerat rusticos, qui redeuntem à balneis nihilq; tale suspicantem fustibus interemerunt, ideo à Laurasio filio eius prælio victus, & trucidatus est. Fuit igitur Laurasius filius Troideni Reguli Lituatorum, qui, vanitate gloriæ huius mundi spreta, in monasterium sese abdiderat. Sed ob cædem patris grauissimè commotus, cucullo abiecto ad tempus, & correptis armis Doumantem persequutus est, exercitũq; eius fuso, eum interemit. Postea, ubi iræ suæ satisfecisset, ad institutum regulæ redijt, designato in locum suum Lituaniæ principe Vitbene. Ab hoc se libertates accepisse, gloriatur Lituania. Sed forsán mala fide à principibus, qui Laurasio successerunt, seruatæ, aut ab ipsis met negligenter curatæ & defensæ sunt. Vsq; enim ad Cazimirum Poloniæ regem & forsán ad Augustum, ingemiscebant conquerentes, se oppressos seruitute, populi Lituaniæ. Hæc per modum compendij cuiusdam de rebus Lituatorum percurruntur.

1283. Suetopelcidæ Duces Pomeranorum Cruciferis sua donarunt. At donationes illas legatus Pontificius Philippus Episcopus Firmianus, qui tum ex Hungaria malè ibi tractatus venerat, rescidit. Gneuenſe tamen territorium eis concessit; in quo mox arcem condiderunt, præsidioq; firmarunt. Eodem anno Lescus præliatus est cum Lituani ad Lukouiam, qui tum Sedomirſensem agrum vastabant. Laudatur hîc pietas Lesci, qui initurus prælium, suos milites ad humiliandum se Deo cohortabatur, & sacrosanctæ Eucharistiæ vsu, pec-

*Donationum
rescindendi ius
penes legatum
Pontificis.*

m catorumque

catorumq; confessione se communire iubebat. Addidit & cohortatoriam orationem, qua eis ob oculos posuit, honestissimum esse pro patria mori, gloria, quam vitæ, bonos fortesque viros cupidiores esse debere. Irent ergo alacres, cæforum hostium sanguine suis parentarent, & captiuos opem lachrymis & eiulationib⁹ implorantes liberarent. Instructionis huius hypotyposim in Campiductoriæ meæ libello reperies. Apparuit hinc summa fortitudo nostrorū hominum qui, quasi firmo muro obiecto, denso agmine acies hostium disiecerunt. Post debellatos hostes in Paulum illum Episcopum Cracouiensem animaduersum est, qui captus, in Syradiam iterum à satellitibus est deportatus. Creditum est enim, eum memorē prioris captiuitatis, quum apud Lescum detineretur, per quosdam nobiles ex Sedo miriensibus Lituanos ad illas incursiones Poloniæ concitasse. Magnas enim necessitudines & clientellas habuit Paulus in tractu Sedo miriensi; quibus confusus semper rebus nouandis studebat. Illo ipso

*Lucardis mors
miserabilis.*

tempore Lucardis mors condolenda, vxoris Præmissi maioris Poloniæ Ducis, accidisse fertur; quæ à pedisequis suis iugulata fuit. Nec expers huius culpæ Præmissus est habitus; eò quòd ne quæstionem quidem de scelere habuisset, nec poenas exegisset. Vulgari igitur carmine notatus est. quod carmen sua ætate Dlugossus vulgò cantari solitum esse memorat. In hac elegia, vel cantico, oratio Lucardis miserabilis expressa fuit, quæ maritum pro coniugali amore & honore, quem illi semper habuisset, supplex orabat, ne vitam sibi adimeret, sed vel vna subucula tectam in domum paternam remittat. Causa verò huius parricidii Præmissi ea fuisse fertur, quòd nullos ex ea susciperet liberos. Sed non inultum id scelus tulit Præmissus. Nam etiam post secundas nuptias prorsus absque mascula prole decessit. Erat illud seculum corruptum, & Principes plerique illicitis libidinibus dediti erant. Narratur ferè per idem tempus, Alberti Comitis Turingiæ, cum insigni eius vxoris calamitate ac miseria exemplum damnatæ libidinis. Duxerat iste Margaretam Friderici secundi Imperatoris filiam, ex qua duos filios susceperat, Fridericum & Ticemanum generosissimæ indolis adolescentes. Sed ea nō contentus, exarsit amore pellicis tanto, vt etiam vitæ coniugis insidias strueret. De quibus illa certissimis indiciis edocta, vt cederet furoribus & scelere mariti, & vitæ consuleret, hortantibus amicis prudentibus ac fidelibus, consilium de fuga coepit. Ostenditur adhuc locus in arce Isenacensi, vbi non est alta magnitudo à scopulo extra arcem & fenestram ex qua domina cum quinque comitibus demissa fuit. Nocte cum migratura esset, priusquam à filiis discederet, absidebat ad lectulos, & calamitatē suam deplorabat. cumq; consiliarius senex & matronæ eam comitantes & hortarentur, vt properaret; tandem valedictura filiis auellebatur

auellebatur inuita, quod eorum pericula sciret non leuiores suis, Friederichum natu maiorem, lachrymis & eiulatu, materni doloris magnitudinem ostendens, osculis crebris complexa, postremo mirabili motu genam eius mordicus prehendit ac læsit. Vulneris cicatricem Princeps quoad vixit, retinuit, & cognomen inde Admorsi consecutus est. Mater tandem Francofortum euasit, ubi in monasterio virginum commorata, ne procul à filiis abesset, post paucos annos mortua est. In istud etiam tempus miserandus casus Episcopi Wratislauensis refertur, cuius causa hæc fuit: Imperauerat quandam contributionem ordini ecclesiastico Henrichus Pius Wratislauensis, quæ cum non daretur, ille bona episcopalia occupat, ob quam causam ab Archiepiscopo Svinka Gnesnensi excommunicatur. Et quia excommunicatio secum trahebat interdictionem à sacris, & ceremoniis religionis plebi adempta & sublata, murmur, odia, & querelæ excitantur. itaque ille ut istum Gordianum nodum semel præcideret, iratus Episcopum & Sacerdotes omnes ditione sua eiecit, ne scilicet vulgus dum ociosos Sacerdotes perambulantes videret per urbem nec sacra peragentes, aspectu eorum magis ad detrahendum ei irritaretur, studiaque in contraria ut fieri solet, scinderetur. Perlata hæc res fuit usque ad consilium Lugdunense. sed iam prius aures patrum falsis criminationibus Henrichus per legatos occupauerat. Itaque Thomas in quintum usque annum exilium perfert apud Ratiboriensem ducem à quo honestè habitus fuit. sed & Ratiboriensem ducem bello eam ob causam Henrichus persequitur, agrosque eius diripit, nilque omittit, quod ab irato hoste in eo casu fieri solet. Cum igitur obsidione aliquatulum Ratiboriensis premeretur, ne aliqua sibi maiora incommoda ab Henricho accerferet, ipsemet Episcopus indutus Pontificia veste, cum Sacerdotibus ad Henrichum prodit. Attonitus Henrichus, & quasi numine afflatus de papilione exiliit, & obuiam profiliens ad pedes Episcopi sese abiecit. consecuta est demum reconciliatio. Nam animo ita compunctus erat Henrichus, ut etiam Wratislauiam ipsam urbem cum territorio sempiterno iure ecclesiæ, & ipsi donaret: sed Episcopus pius eam donationem abnuit & refutauit. Deus tam prudentes & mansuetos procul à maleuolentia Episcopos huic seculo deprauato largiatur. In minore autem Polonia Paulus telam, quam texere coeperat in perniciem Lesci, perfecit. Ita enim ei odia & pericula procreauerat, ut etiam agrè se Cracouiæ cum vxore sustentaret & defenderet, cunctis contra eum insurgentibus. Nam & ii qui ei fauebant, quique in comitatu eius aulico fuerant, ab eo se subducebant, veriti ne sibi fraudi esset, à publico vniuersi conuentus consensu, qui contra Lescum agitabat consilia, dissidere. Cracouia sola tum in fide Lesci permansit. ipse cum vxore

*Exemplum
irati principis
erga Episcopum.*

*Episcopi mansuetudo quam
fregit pertinaciam Principis.*

*Fides Cracovi-
ensium in Le-
scum.*

*Calamitates
que precesse-
runt Lesci mor-
tem.*

*fiuaria Virgini
Mungi*

Lesci mors.

in Hungariam profugerat. Requisiti tandem Cracouienses à cunctis ordinibus, responderunt, Non licere sibi iuramentum Lesci semel datum violare. Gratus fuit postea Lescus & memor tantæ beneuolentiæ, quam in durior fortuna à Cracouiensibus expertus est. Ideo Teutonibus solis regimen vrbis tunc attribuit, habitu quoq; & cultu corporis cum eis conformato, ostendens quanti eos faceret. Hæc anno 1285. gesta sunt. Ac re semel in deterius vergente multæ calamitates tum in Poloniam & Poloniæ principem Lescum coniurasse videbantur. Gostinum à Cazimiro surreptum, Ploscum à Wladislao interceptum, & Sochaczouia. Prussia tum vermes caudis cancerorum consimiles produxerat, qui, quoscunque aculeo pupugissent, intra tertium diem extinguebant. Dobrinum à Prussis incensum. Mazouia Cirnensis à Lesci vastata. Tartari Poloniam depopulatur, à quibus Cracouia ægrè sese defendit. Syradienses fusi & præda exuti à Mazouiis, contra Mazouia à Syradiensibus. Tartari tum Sædecensi monasterio, pauore, vt creditum est, diuinitus perculsi parserunt. Tanta autem tum præda è Polonia à Tartaris abacta esse dicitur, vt, cum eam apud Wladimiriam recognouerent & partirentur inter se, vnum & viginti millia innuptarum puellarum censa esse dicantur. Lescus igitur his aduersis rebus & suggillationibus hominum afflictus ex moerore & angore animi in morbum incidit, quo tanquam igne deuictus & tabefactus vltima die Septembris vita hac misera defunctus, & in templo sanctæ Trinitatis apud sodales Dominicanos honorificè sepultus est. Cui epitaphium tale est inscriptum. HIC SEPULTVS LESCO NIGER DVX CRACOVIENSIS ET SEDOMIRIENSIS, QVI DIEBVS VITÆ SVÆ HVNC LOCVM ORNAVIT. OBIIT ANNO MCCLXXXVIII. Bonus & frugi princeps fuit, si vltima prioribus respondissent. Donauit hic Episcopo Cracouiensi iure sempiterno decimam de omnib⁹ metallis in cuiuscunq; solo reperirentur.

INTERREGNUM.

*Intestina &
socialia bella.*

Orbata tunc Polonia legitimis dominis erat, cuius principatus in medium positus erat; quem alii ambiebant iure cognationis, vt Wladislaus Locticus frater Germanus Nigri; alii gratia populari, vt Boleslaus Plocensis; alii & potentia, vt Henrichus Wratisslauiensis; qui omissa Bohemia, ad cuius principatum procerum quorundam conspiratione contra Venceslaum inita, inuitabatur, clam accersitus à ciuib⁹ Cracouiensibus cum iusto exercitu aduenit. Venienti ciues, inter quos lani maximè pollebant potentia, portam vrbis aperiuunt. Quod vbi Boleslaus rescivit, Cracouia se, nequicquam eum retinentibus proceribus, proripuit. Wladislaus verò Locticus apud Syradienses

radienses quiescebat. sed cum videret quemque pro se agere, indignum putans alienum fratri suo Lesco successorem in principem queri, exercitum cogit, & ad Seueriam oppidum ad quartum Calendas Martias cum Henrici copiis signa confert. Occurrit tum ipse Henrichus. sed Opoliensis suis copiis alium ducem copiarum præfecerat. Committitur itaq; proelium multis vtrunque cadentibus. sed Wladislaus victor euasit, Opoliensisque saucius ab eo captus est. Victor Cracouiam profectus apertis portis omnium consensu & acclamatione renunciatur, plerisque equitibus fidem eius sequentibus. Sed & hic non diu principatum retinuit. Henrichus enim minimè deiectus Seueriensi clade, nihil ad celeritatem reliqui sibi faciens, nocte intempesta Cracouiam accessit, eamque in potestatem redegit. At Wladislaus inopinato tumultu perculsus, cum neque numerum, neque genus hostium exploratum haberet, prodicionem metuens ad Franciscanos sodales se recepit; vbi suos passim per vicos palantes cædi & se quæri audiens, sumpto monachi habitu, de muro à Franciscanis de missus euasit. Grassatum est deinde per urbem in eius familiares. Interim Wratislauensi tum mortuo, Wladislaue ad recuperanda amissa ianua patefacta est; nisi Gryphina Lesci Nigri vxor conatus eius elisisset. Nam hæc de sua dote sollicita, ius suum principatumque Poloniae, confictis ad id diplomatis Venceslao Bohemiae donat. qui cupidus proferendi Imperii cum exercitu in Poloniam adeundæ possessionis gratia misit. Cui Præmissus, deducto præsidio, Cracouiam tradidit. Videbat enim cum acri hoste ipsi impendere inimicitias. Ne igitur duplici bello pariter distineretur, validiorem hostem ei obiecit. Bohemus igitur, Cracouia accepta, Sedomiriam pergit, & in itinere Oblescomum arcem prope Vistulam sitam, vi capit. Ad Sedomiriam vbi venit, à Wladislaue, multis cæsis, & plurimis vulneratis, repulsus est. Itaque Gryphina secum abducta, veritus ne sententiam mutaret, in Bohemiam abiit. At Wladislaus re ad Sedomiriam ex animi sententia gesta erectus, Wisliciam deiecto hoste, nullo negotio recuperat. Inde Cracouiam populabundus pergit.

*Lotharius ad
sodales Franci-
scanos.*

Octaua & nona expeditio.

1290. Commemorari hic possent infinita particularia bella Cruciferorum, & vastationes certaminaq; terrestria, naualia & glacialia cum istis gentibus. Multos mortales hæc absumpserunt, adeo ut pro maxima & stupenda expeditione censeri possent. Vitbenes per dies octoginta Prussiam vastat. sed postea à Cruciferis in angustias compulsus cum suo exercitu adeo profligatur, ut ipsemet in Lituaniam ægrè euaserit. In sequenti anno Libenteile Cōmendator Ragnetanus Austechiam pro-

uinciam maritimam & municipium Romanouo, clarum gentilicia religione, euerit. Ibi enim sedes primaria fuit religionis idolatricæ, & gentium summi Pontifices isthic habitabāt. Hos Kriuei kriueito vocabant. Quod facinus pro scelere nefando ducebant eius sectæ homines. Ideo Lituani, Samogitæ, & alij eius farinæ multa certamina, vt pro aris & focis, terra & mari eis mouerant.

Memorable sane & audax facinus commemoratur hīc Lituani cuiusdam militis, cui nomen Nouedomano fuit, qui, vt classem Cruciferorum in flumine Nemen ad nocendum paratam facilius delere posset, mulieris miserabilis habitu se ornavit, sedensq; ad fluminis ripam supplices manus nauigantes versus in cælum attollebat, dolenter lamentando, operamq; implorando, applicarent ad ripam, misererentur afflictæ, vellent eam à popularium suorum vi & tyrannide liberare. Hæc lingua Polonica, cuius peritus erat, cum singultu & lachrymis identidem implorans opem, clamore reiterabat. Illi miserati, applicant classem ad ripam, recepturi eam. Interim ille, rudente manu forti correpto, naucem primam, & cum hac totam classem ei adnexam retinet. Ibi exclamantis signo audito ij, qui in proxima sylua infederant, adiutum accurrunt. ita atroci certamine orto, circumuenti hostes ad vnum contrucidantur. Circa eadem tēpora Osilia insula à Lituaniis oppugnata multos mortales perdidit. Cōsimile et illud memoriæ mandatum est de illa instructissima inusitatæ amplitudinis triremi, quam eodem in flumine Mariani extruxerant. diciturq; per ambitum transtrorum pinnacula habuisse: Ex hac, obseruata occasione, ad hanc aut ad illam ripam, prout videbatur, applicantes, ad prædas agendas proslicbant. & si quis in eos irruebat, iterum naui à litore reducta, ad alteram partem se transferebant, aut in medio gurgite, iaculantes in hostem, sistebant naucem. Ex hac cum sepe Lituaniam infestarent, Lituani diu, quonam eam modo arcerent, deliberabant. Nam, etiamsi sexaginta scaphas milite instructas obijcebant ei, nihil proficiebant, donec rudentem arte quadam nacti cum anchora abscinderent. Ita illa machina fluctib. abrepta & demum rectore destituta primò per alucum fluminis fluctuans, tandem in ipsum salum delata depressa mergitur, & cum milite in abyssum Acheronta petit.

1288. Sub idem tempus arcem Carcus ad ostia Treideræ fluminis, quæ se mari sociat, Vithenes expugnauit. vbi etiam Brunno Magister Liuoniæ cum 1500. armatis prostratus periit. Eodem anno Strasburgum seu Brodnicium Lituani inuasērunt, & sacra pariter ac propbana euerterunt, ac defædarunt. Et quidam ex eis scelestus etiam in fontem sacrum aluum expurgauit. Sed Schak quidam strenuus miles ipsos asecutus, mores eos docuit honestiores, fusis, ac profligatis eorum copiis. Schakoues,

is. Schakones, Bazynij, Schorcij adhuc Patricij remanserunt ex veteribus familijs quæ in Prussiam concesserāt. Fuit Sachakus Venceslaus ex eadem puto stirpe, Cancellarius Ducalis Prussiae, qui cōplures legationes cum laude obiit ad reges Poloniae. Cum hoc ego aliquot annos exegi in academia & aula Ducis Prussiae Alberti Senioris. Fuit Vithenes supra alios infestior Christiano nomini, multaq; petulantius egit aduersus Christianos. Nam & in Polonia tunc Cathedralē Ecclesiam Lecciciensem spoliauit, multis æditis exemplis contumeliosis in sacratum ordinem. Et anno 1311. magnis copiis Prussiam ingressus, omnes eius prouincias vsque ad Brassebergam ferro & igne euerit. Cumq; infinitas cateruas captiuorum secum abduxisset, hierothecā, in qua mysteria sacra Romano ritu asseruantur, arripiens, corā nobilium virginum captiuarum comitatu manibus suis confregit, pedibusq; conspuendo concucauit, addita exprobratione: Quid sibi vult Deus iste, qui nec vos nec se ipsum è manibus meis vindicare potest? Sexta tandē Maij in aurora ipsa, ab Henricho de Plock, legato vel succedaneo Magistri Prussiae, fusus fugatusq; fuit. Multi tunc mortales conciderunt, multi in deditio nem accepti. quorum alios Cruciferi laqueo strangulatos suspenderunt, alios in flumina & stagna viuos præcipientes dederunt. ita vt ex illo Vithenis numerofo exercitu paucissimi euaserint. Quin & ipse duobus tantum comitatus caput vulneratus, ad suos euadens ægrè vitam seruauit. Huius victoriae memoriale monasteriū virginibus sacris ipse Plock Toruniae muratū excitauit. Tales multæ clades illatæ et acceptæ Vithenis temporibus enumerantur, quem Regem Lituaniae Dorsburchius vocat.

Venceslaus
Schak Cancellarius
Ducalis
Prussiae.

1292. At Bohemus in sequenti anno, coacto exercitu, Poloniam intrat, & in Syradiensem ditionem primū impetum facit. Habebat quidem Wladislaus exercitum; sed nunquam tamen ad iustam aliquam dimicationē veniebat. sed obequitans, hostem continuis incursionibus exercebat, è latebrisq; subito profiliens offerentes se excipiebat; ita vt ii nusquam postea è castris absq; forti equitum præsidio prodire auderent, & in castris excubias nocturnas duplicarent. Ita hostes fatigati, combusta tamen Syradia, ad sua dilabuntur.

1292. Annus hīc nobilitatus est morte Kunegundis Boleslai Pudici vxoris. quæ in Monasterio Sædecensi, plus duodecim annis post mortem mariti exactis, duram vitam ducens, extremum diem clausit. Hanc Paulus Craconieſis. quem Improbū historici vocant, consecutus est; sed forsan ad sepulchri tantum foueā, non etiam cœlestis patriæ ianuā. qui cum aliis studiis minimè dignis Episcopo, tum venationi sic fuit deditus, vt venatorē, quod feram imprudens cassib⁹ repulerat, venabulo trāsaderit. Accepit autē successorem Procopium de gente

pium de gente Cufflonum, & Gryphinæ propinquum, quæ in Bohemiam abducta fuit. Circa hæc tempora etiam accidit, ut Luticus Pacoslai filius Henrichum Legnicensem Ducem dominum suum balneantem dolo caperet. Erat hic Luticus ex intimis Henrici. sed patrem eius Pacoslaum gratia & favore principis insolescentem, Henrichus capite plecti iusserat; quod is homicidii reus, crimen, frustra dissuadentibus amicis, gloriabundus fateretur. Lenierat tamen eum Lutici Henrichus dolorem, postea collatis in eum plurimis beneficiis. Sed malè curatum ipsi vulnus videbatur, cum ei refricaret cicatricem Cōradus Glogouiensis Dux, summus Henrici ob interuersum Wratislauensium principatū, inimicus. Hic itaq;, cogitans eum in aliquod præsentissimum periculum præcipitare, Luticum ad facinus sollicitat; efficitque ut apud eum plus valeat vetus dolor, quam tot recentia beneficia. Henrichum igitur in balneo corp⁹ curantē, ac nihil tale suspicātem Luticus ex balneo extrahit, & vili palliolo tectū atque equo impositum, continuato nocte dieq; cursū, Sanduoithum, quod in ditioe Conradi erat, asportat. Inde victus Glogouia perducitur, & in angusto vase ferreo concluditur; in quo duo parua foramina erant, alterum quo cibum fumeret, alterum quo aluum purgaret. In eo sex menses asseruatus dimittitur. sed tamē vires recolligere non potuit. Verū, tribus ex actis annis, paulatim contabuit. Ita vides, quod ne vetustas quidem, quæ nobis simplicior fuisse videtur, a dolis & malignitate humano generi innata, libera fuit.

*Vithenes ad
Sochaczouiam*

1293. Anno à Lituanis, duce Vithene, maiori Poloniae & præsertim Lecycyensis clades illata & depopulatio ingens edita; ita ut ex abductis captiuis viginti capita in singulos hostiū cederent. Commiserat proelium cum Vithene Cazimirus dux, frater Lodici, ad Sochaczouiam vadato Bſura amne, magnamque stragem in Barbaris ediderat. tandem, cum in confertissimos hostes incidisset, interfectus victoriam hosti concessit. Nam ducis casu conspecto, commilitones eius, victoriam prosequi non poterant. Eodem anno Cruciferi, obliiti beneficii Mazouiorum, Vilnam arcem eorum expugnant. Exinde pro defensorib⁹ hostes eis redditi, causabantur se id iure fecisse, quod dux Masouiorum receptaculum Lituanis eorum hostibus præberet. Troideni enim ducis filiam in uxorem sibi acceperat. Itaque indulgendo Lituanis, suis præsens exitium creauit. Sed iam ad Præmislum veniendum est.

*Prætext⁹ cur
in Patronos
suos Mazouios
Cruciferi se
meruit.*

P R A E M I S L V S R E X.



Ræmislus, Præmisli prioris filius posthumus, vir excelsio animo, nihil nisi magnum cogitans, cum esset dux maioris Poloniae, animos totius Poloniae, sua dexteritate in rebus agendis in

agendis in se conuertit, cogitareque secum coepit de restituendo regno Poloniae, quod iam ducentis & quindecim annis intermissum in obliuionem venire coeperat. Ad eam rem perficiendam praeter id, quod regio stemmate natus, in maiore Polonia, hoc est, sede Lechi primaria, domini sui fines latius protulerat, iuuabat eum quod etiam ab Henricho Wratisslauenfi testamento Cracouiensis & Sedomienfis Princeps nominatus fuerat. Igitur his opibus & titulis fretus, cuncta sibi prona instituto perficiendo, & minimè impossibilia factu putabat. Igitur indictis Gnesnam vetustam totius Poloniae sedem Comitibus, anno Christi 1295. rex creatur, & à Iacobo Svvinke Archiepiscopo Gnesnensi tricesimum octauum annum agens inungitur adstantibus Ioanne Gerbischo Posnaniensi, Ioanne Ronca Wratisslauenfi, Goslao Plocensi & Conrado Lubefensi. Vislaus verò Wladisslauenfis Antistes, & Culmensis habebant legitimas causas absentiae suae. De Procopio narratur, quod aeger & propinquus morti erat. sed Culmensis laborabat inuidia, quod iam Cruciferis Rigenfiq; Episcopo addictus esset. De Wladisslauenfi ignoratur, quid eum detinuerit. Sed forsan his omnibus consilium Praemissi durum videbatur, cum singuli sua studia aliis Principibus obstrinxissent. Ideo post principia stare & euentum rei domi malebant expectare, iuxta illud: Minus gaudebis & minus dolebis. Suscepto regno Praemissus mox cogitationes suas intèdere coepit, vt Poloniam vniuersam pacatam redderet, & in concordiam pristinam vnumque corpus omnes Palatinatus, qui tunc pro Ducatibus erant, redigeret. Ac primum ob praesumptum à se regnum cæterorum Ducum animos blandis ac modestis legationibus demulcere coepit, & ad sopienda odia, sedandaque dissidia cohortari cæteros non desuit. Et quoniam Cruciferos de occupando Gedano consultare coepisse, vtque illud fructuosius, quam cum in manibus Polonorum esset, redderent, cogitasse subolsfecerat, idcirco Gedanum munire coepit, propter euitandas Cruciferorum machinationes, & (quod multò periculosius prudenter preuidebat) ne videlicet mundo iam ad deteriora prolabente, classes aliquarum gentium, portum illum secundo vento inuectæ, de occupanda Pomerania, & Pomeraniae adiacentibus prouinciis, consilium nefarium inirent. Interim, quum animus eius magna meditatur, mors inopinata eum septimo aut octauo regni suscepti mense perimit, Marchione Brandeburgensi operam ad eam rem suam, vt creditum est, conferente. Habuit is de Satecensi territorio, quod Polonis pridem surripuerat cum eo controuersiam. sed forsan magis metuebat potentiam principis nouis accessionibus auctam & cumulatam. Itaque, obseruata occasione, quum Liberalium, vt fertur, seu ipso Bacchanalium die genio indulgeret, eum securum nilque tale opinantem opprimit.

Deliberationis initium de restituenda regni Poloniae monarchia.

1295. Comitibus a generalia.

tem opprimit. Strenuè quidem ille, vt decuit fortem virum, hostes re-
primebat. Sed cum vnus omnium telis cominus eminusque peteretur, ad extremum succubuit.

Quo tempore, & per quam occasionem Præmissus trucidatus fuit ex D. Cromero.

Otho Longus elector Marchio, cum Othone altero, & Iohanne
Conradi fratris filiis ex Constantia Præmissi sorore susceptis, & va-
lida suorum manu, nocturno itinere per sylvas & ania profecti, dilu-
culo eius diei, quo Christiani anniuersario cinere capitibus aspergen-
do præteritorum flagitiorum abdicationem, & vitæ mutationem,
profitentur, armatis locum circumdant, rati omnibus, qui eircum re-
gem erant, longa vigilia & crapula pridiana sopitis, nihil sibi negotii
fore in peragendo scelere. Expergefactus tamen tumultu Præmissus
subita & inopinata re primò cōsternatus, cum paucis, qui euigila-
rant, in hostes ad se venientes, nesciens, qui nam, quàmque multi essent
infiluit, & multis strenui fortisque viri operibus in eos editis, cum v-
nus omnium, telis cominus eminusque peteretur, obrutus cecidit.
Volebant hunc Saxones equo impositum secum abducere. Sed cum
agitationem nullam ferre posset, pugionibus immaniter confossum
reliquere.

W L A D I S L A V S L O C T I C V S Rex designatur.



Qomitia Posnaniæ ad Kalendas Maii, qui dies diui Alberti
memoriæ apud Polonos dicatus est. vbi de nouo rege cre-
ando procures cum nobilitate conueniunt. Ibi eligitur Lo-
cticus propter multas causas. Præcipuè verò, quòd peritiam rei milita-
ris multò vsu sibi comparasset, & non parum roboris habere videre-
tur. Omnes eum pro rege se agnituros iurant, arciumque & munitionum
omniū possessio ei traditur. Distulit tamen is, incertum qua de cau-
sa, coronationem inunctionemque nec Regis nomen, sed Hæredis re-
gni Polonici vsurpauit. Interea profectus, Pomeraniam in ordinem
redegit, Voislaum quendam ei præficiens. Syllesiam autem longè latè-
que depopulatus est. Cuius prouinciæ vrbs primaria Wratislauia
aut tunc, aut paulò ante obsidione ita fuit pressa, vt conditiones acci-
pere cogeretur, & moeniorum vrbis altitudinem ad quatuor cubi-
tos demoliri. Sub idem tempus Boleslaus Dux exactiones ante e-
um diem in

um diem in Polonia inauditas inuexit. vt nobilitas ex censu pro magnitudine possessionum & reddituum descripto militaret; cum viri-
tim antea id facere solerent. Proditum est tunc memoriae de Conrado Gibboso Sinauiensi duce, qui præpositus Wratislaviensis fuit; quod, cum ad Archiepiscopatum Salisburgensem vocatus esset, & in itinere apud Viennam accepisset, cereuisiæ usum illa in regione non esse (laudabili enim olim cereuisiæ Suidniciensi assueuerat) repudiato Archiepiscopatu domum reuersus sit. Vituperatur hac de causa & stoliditatis reuincitur, quod ei in mentem non venerit, artifices cereuisiarios eò deducere, si tantopere cereuisiæ desiderio tenebatur. Merito igitur reuertens à fratre compedibus coercitus est. Sed & Wladislaus Locticus rex nouus amplitudine honorum, vt sæpe fit, mox deprauatus, libidinibus indulgit, & latrocinia militum non coercuit. Qua de re admonitus ab Episcopo Poshaniensi cum non respuisset, excommunicatur, & omnibus sacris interdicatur. Et quamuis satisfecisset Episcopo, tamen homines odium semel in eum conceptum concoquerenon poterant. Proinde post tertium annum regnum ipsi abrogatur. & Venceslaus Bohemus, aliis multis indigenis Ducibus præteritis, creatur. quod nemo potentior iam hosti obici Wladislao poterit; qui munitiones quasdam in terra Cracouiensi ad eam diem retinuerat. Euenerunt hæc anno 1300.

*Iuxta quantitatem reddituum sub Loctico ordo militat equestris. Xu
Sinteras n
panowie*

Decima expeditio.

Pro expeditione decima oppugnationes, propugnationesq; arcium, urbium, insularum computari possunt. Nam si respicias Occidentem, & Septentrionem, nulla ferè arx est, quæ non sit oppugnata ab hoc ordine Crucifero: Vscie arx in finibus Pomeraniæ adeò acriter fuit oppugnata, vt cum omnibus orientalibus urbibus, quæ obsidionem à Saracenis sustinuisse dicuntur, conferri possit. Quia enim repentina inuasionem inexpugnabilis videbatur, tria castella per circuitum in propinquo eius excitata sunt, vt ita lenta obsidione & continuis vexationibus ad dediti-
onem compelli posset. Vineæ etiā, turresq; ambulatoriæ sunt paratæ ac constructæ. Sic quoque Santocum infelix sæpius repetitis vicibus oppugnatum, sæpe inuictum, sæpe etiam concussum fuit, ad extremum expugnatum est. Vique semel omnis præcideretur pro eo digladiandi occasio, funditus dirutum, euersumq; fuit. Sic Dremum, sic Valcium, sic Sluchouum. Quid referam Dodecapoleos seu Marchiæ nouæ vastationes? Dersauie item, Choinicij, Magdeburgi in Prussia, & aliarum infinitarum urbium, ad extremum ipsius Gedanni? De qua vrbe D. Cromerus sic: Nec in vlla cuiuspiam munitionis expugnatione plus Polonici sanguinis effusum esse prædicatur ab vllis Barbaris, quàm tunc à religi-
osis illis,

osis illis, & Polonorum beneficiarijs. Quid oppugnatio Suiociæ arcis? ubi duopatibula è regione arcis excitata erant. Ipse verò Ziffridus Commendator, ut lictor sanguine madens, quotidie compluribus funibus, atque restibus equi ephippio impositis, seipsum deuovebat non prius sumpturum cibum, quàm omnes illos funes, atque restes in suspendendis captiuis insumpsisset. Transco ad fines Lituaniæ. Illa execranda Velona sæpissime oppugnata, tribus etiam castellis, ut de Uscie arce supra retulimus, excitatus coangusta, quot absumpsit mortales? Vbi & ipse Mag. Dux Gediminus, dum periculoso exemplo ipsemet & ducis, & militis officium in procurandis machinis obit, ictus globo sub muris arcis concidit. Sic Ko-wna, sic Gartena, ipsa denique Vilna caput gentis. Sed harum calamitatum descriptiones breuitatis causa abrumpam. Hæc ergo excidia & discrimina tam Lituonica, quàm Polonica, aliud nihil inuenit, nisi illud infœlix consilium de mittendis huc Roma & transferendis Cruciferis.

VENCESLAUS REX.



Venceslaus accitus, Gnesnæ coronatus, Rixæ Præmissi regis filiam in vxorem ducit, ut sibi eò firmiùs stabiliat regnum. Omnia, quæ in ditione Wladislai erant, in potestatem suam redigit. Interim Russi naçti occasionem, Sedomirien. tractum longè & latè vastant, arce Corcinenfi, quæ lignea etiam tum erat, incensa: priùs ferè, quàm, omnibus peractis, ad regem de excursionem eorum nuncius perferretur. Sed tamen Venceslaus malebat Wladislaum persequi, quàm Russos. Wladislaus tunc in eam miseriam deuenerat, ut nusquam pedem figere, nemini se credere, omnes suspectos habere, cogeretur: veritus, ne quo modo in cassides venantium incideret. Itaque in syluis latitare, & locum subinde etiam, quem vespere ceperat, media nocte mutare cogeatur. Tentare quidem animos procerum non desit. Sed, cum omnes pauere, consensum ordinum metuere, decretumque Comitiorum aspernari nolle animaduertit, in Hungariam profugit; & ex Hungaria Romam priuato habitu profectus, facinora sua durior poenitentia expiauit. Interim Venceslaus Bohemia rediit, Bohemis suis re vniuersa in Polonia cõmendata. Obtulerat tum filium suum duodecim annorum Hungaris in regem. Nam multis displicebat exemplum, regem à Pontifice accipiendi. Ideo non omnes Hungari, Caroli Galli Neapolitani regis filium Marcellum, ab eo Roma missum, pro rege agnoscebant. Interim Poloni Russos cum Tartaris, & Lituanis profligarunt, magnamque stragem in eis ediderunt; arcemq; Lublinensem, quæ septem & quinquaginta annos in Russorum potestate fuerat, recuperarunt. Sed decia à Venceslao

Lothici calamitates.

Causa cur Hungari Carolum Marcellum Gal- lum pro Rege nolebant agnoscere.

à Venceslao rege condita; Biecz possessio Episcopo Cracouiensi adempta; parœciæ tantum conferendæ potestas penes Episcopum relicta. Non vidit postea Venceslaus Poloniam, eò quòd occupatus fuit bello Hungarico. Obtrudebat is filium, ut dictum est, Hungaris in regem, sed non adiuuit fortuna conatum eius. Ideo, repudiato regno, ex Hungaria filium reduxit, & tandem Pragæ veneno appetitus lenta morte absumentus est. Eius morte cognita, Wladislai res in Polonia meliore loco esse cœperunt. Nam & Bohemos Cracouia depulit Wladislaus, Alberto Aduocato autore, & aliorum voluntates postea facillè sibi adiunxit. Fecit quidem anno sequenti Venceslaus Iunior expeditionem in Poloniam, ut patri succederet. Sed, antequam Poloniæ fines attingeret, Olomucii meridiano tempore in cubiculo quiescens, interfectus est. A suis ne, an ab alienis subornatis ab Alberto Cæsare, ne tum quidem in recenti scelere certò sciri potuit. Ex eo tempore Bohemi externos reges habere cœperunt.

W LADISLAUS LOCTICVS.

Iterum Anno 1305.

Comitia Cracouiæ noui regis gratia habentur, in quib⁹ Wladislaus magno omnium consensu Rex creatur, exceptis Posnaniens. & Calissiens. Hi enim verebantur, ne grauius in eos animaduerneret, quòd eum prius eiecissent. Maluerunt igitur se subdere Henricho Glogouiensi, qui ex sorore Præmissi natus erat. Quade causa Wladislaus Henricho bellum statim intulit. Verum, illo nunquam in aciem prodeunte, motus illi conquievere. Coronatio tamen Wladislai minimè tum perfici potuit; quòd diadema, ac reliqua regni insignia Gnesnæ de more asseruarentur. Et Archiepiscopus, sine quo non fit coronatio, in ditione Henrici erat. Hæc de potestate Archiepiscopi in coronando rege totidem verbis ex D. Cromero sunt desumpta; ne quid meis verbis detractum ordini cuiuspiam quis esse putet. Quamquam tunc vacasse sedem Metropolitanam Gnesnensem idem autor testatur. Pomerania etiam in ordinem redigitur à rege Wladislao. Gedano præficitur Iudex Pomeraniæ. Sicque, iureiurando à Pomeranis accepto, quòd in potestate ipsius semper futuri essent, putabat se clausisse templum Iani, & pacem semper duraturam sanxisse: sed mox ad ingenium rediere. Autor nouorum motuum fuit Petrus Cancellarius Pomeraniæ, qui quantò plus possidebat, tantò maiore cupiditate & ambitione æstuabat. Et, cum repulsam passus esset à Wladislao in quibusdam postulatis, consilium nefarium cœpit prodendæ patriæ Marchionibus; qui ingressi cum exercitu facillè omnes munitiones regionis capiunt, adiuuante Petro. Gedanum cum castra admouisset, portæ ei oppidi à Germanis aperiuntur: cum magna

tur: cum magna iam ex parte Teutones ibi essent. Arx à Bogusso Iudice, & Nemira honestissimo equite defendebatur, donec Wladislaus subsidia auxiliaria eis submitteret. quod quia citò perfici non poterat, & indies incommodis obsidionis vrgebantur, Cruciferos interea adiutum sibi Poloni, annuente rege, euocant. Hi enim amicissimos se Polonis, vt iure optimo esse debuerant, præferebant. Statuuntur conditiones, vt dimidiam arcem ipsi tenerent, & annum vnum suis sumptibus arcem à saxonibus defenderent. Deinceps verò post exactum annum, quæcunque impendia facerent, eis præstarentur; nec prius arce decederent, quàm exoluta illa sibi essent. Omnia hæc semina erant futurorum bellorum Crucifericorum, quæ Poloniam exercuerunt, fatis sic ordinantibus. Repressi quidem sunt hostes, & vindicata à Saxonibus moenia. Sed cum superiores iam se Pomeranis Cruciferi esse animaduernerent, ferociùs se gerere, & sæpe cum illis iurgari, atque rixari, ad extremum totam arcem sibi vendicarunt. Primores Pomeranorum, ipsumque præfectum arcis Bogussum in carcerem coniecerunt. Bogussus temporì seruiendum sibi ratus, totam arcem ipsis concessit, quam ad primam postulationem, promittebant se reddituros, vbi pro impensis eis satisfactum esset. Facile quidem de exitu rei diuinabant nostri. Sed quid facerent, cum extrema quæq; illi minarentur? Itaque cuncti arce excesserunt. Hæc vbi audisset Wladislaus, coepit eum poenitere consilii. Videbat enim lupis se ouem commississe: non sublatum, sed duplicatum sibi bellum, duosque se pro vno hoste sibi conciliasse. Accedebat ad eas calamitates, quòd arx Cracouiensis, quæ tum lignea erat, non ita pridem vnà cum templo primario conflagraret; cum ab ea parte vrbs, quæ circum ædem omnium sanctorum est, ex fortuito ibi enato incendio carbo ardens vento delatus, in tecto Basilicæ plumbeo inhæsisset. Et hæc est causa, cur superiorum principum sepulchra in arcis templo non apparent; sed tantum posteriorum regum, qui post hoc incendium vixerunt. Sed Basilica, dirutis eius veteribus muris, in eam, quam nunc obtinet, formam & amplitudinem post quartum decimum annum reædificata est ab Hankero Episcopo Syllesio, nobili gente, Oxio. Sed ad Cruciferos redeamus; quorum Magister Henrichus, & rex Wladislaus conueniunt in Graiouice pago, in tractu Cuiauiensi: definituri de arce Gedani, quam hypothecæ nomine tenere se prætendebant Cruciferi. Paratos autem interim se reddere eam, declarabant, si impendia persoluerentur. Æquum eum postulare. Rex ait, & expensarum omnium summam iubet iam proferre. Ibi ille conceptum animo dolum detegit, ac centies mille marcas latorum grossorum poscit. Genus est hoc numismatis, quod vnà cum Wenceslao Bohemo rege in Poloniam non ita pridem inuectum fuerat, & quar-

rat, & quarta parte nostratem grossum excedit. Ferunt enim, ante hunc Wenceslaum signato auro aut argento Polonos in emendis rebus minimè vfos fuisse, sed tantum permutationem rerum usurpasse. De inopia autem & nummo Polonico ex pèllibus aspergillorum, ne scio quid Poëta Ianicius, & alii tradiderunt. quibus ego conquerentibus de tanta inopia veterum non possum assentiri. Quæ res supra iam demonstrata est, & adhuc demonstrabitur. Negat igitur Wladislaus, iustam eam esse æstimationem, bonorumque virorum arbitrio in eo se stare velle ait. At magister id recusat: subsecuta sunt deinde alia mala: Litvani enim Calisiensem & Syradiensem tractum vastant.

Moneta. e. p. ell

1310. Cruciferi cum Marchionibus foedus ineunt. Pomerania Polonica bello petitur à Cruciferis. Gedanenses nundinæ in prædam cedunt urbem inuadentibus & populantibus. Nec in vlla cuiuspiam munitionis expugnatione plus sanguinis effusum esse prædicatur à Barbaris, quàm tunc à religiosis illis, & quidem beneficiariis gentis nostræ. Gedano potiti Dersczauiam, quod Tschouum à nostris vocatur, petunt, eamque perfidiosè iuris sui faciunt; Cazimiro regis filio non sine cõtumelia excluso. Choinicium; deinde Svvece arcem adoriuntur, & capiunt. Vbi Siffridi commendatoris (præfectos arcium sic vocant) præ aliis plusquam barbarica hostilitas apparuit. qui quotidie compluribus funibus atque restibus in equum impositis, seipsum deuouebat non priùs sumpturum cibum, quàm omnes funes illos atque restes in suspendendis Polonis insumpsisset. Atqui huius nefariæ impietatis breui poenas dedit. Quadam enim die, cum ad focum staret, furis de repente exagitatus, in ignem se coniecit. Ita diuino iudicio, qui permultos iniuste perdidit, iuste periit. Paululum tandem Cruciferi prouecti, tota Pomerania potiuntur. Ne autem id absque prætextu iuris iustitiæque titulo fecisse videantur, rem totam tali fucò tegunt: Pomeraniam emunt à Marchionibus Brandeburgensibus decies mille marcislatorum grossorum, eamque emptionem ab Henricho Cæsare sibi, & ordini suo confirmari curant. Tali fucò probatos se fortasse coram Dei iudicio, & apud bonos viros fore putarunt. Nec dissimili scelere Liunionenses Cruciferi eodem tempore Rigam urbem atque territorium Episcopo, à quo ante centum & quatuor aut quinque annos simili de causa in Liunioniam inducti erant, per summam iniuriam eripuerunt. Qua de re cum Romæ contestata lis plus octoginta annis ducta esset, tandem Bonifacius nonus Rigam ordini Cruciferorum, quindecim millibus aureorum acceptis, addixit. Per idem ferè tempus Templariorum ordo potens & ipse ac locuples, per vniuersum orbem Christianum, quasi dato ex Viennensi concilio à Pontifice signo, deletus est, ob nefanda quædam scelera, & prauas de religione opiniones; bonaque eorum

Cruciferorum plusquam barbarica crudelitas.

Siffridi commendatoris barbarica atrocitas.

Bonifacio venalis iustitia. Sic & Polonis cum Præbendis accidit.

Templarij.

que eorum Rhodiensibus D. Ioannis militibus attributa. Dogmata Templariorum, quæ antea Valdensium fuerant, expressa sunt in Concilio Lateranensi sub Alexandro tertio Papa, parte prima. Sed nos ad nostra reuertamur. Quod autem Wladislaus non statim præbuerit se vindicem iniuriarum, quas à Cruciferis Prussiensibus ditiones eius patiebantur, motus Cracouiensium in causa fuerunt. Nam eius urbis ciues qui non ita pridem Henrichum Wratislaviensem Ducem operantiorum in eam introduxerant, Poloniaeque pro Principe obtrufferant, Boleslaum Opoliensem eodem exemplo ad eosdem honores euehere moliebantur; Alberto Aduocato, & Muscata Episcopo eis consilium præbentibus. Sed in utrosque animaduertit Wladislaus: Episcopum enim captum ab eo referunt, & in custodiâ traditum. Aduocato autem redditus per amplos è molis, macellis, atq; tabernis ademit. Reliqui ciues, qui defectionis capita erant, unâ cum Aduocato Boleslaum in Syllesiam secuti sunt, ibique exularunt. Iam enim antea Ducem hunc Opoliensem acciuerant, promittentes eis arcis facillimam deditioem, illis ipsis quos commemorauimus, adiutoribus. Sed cum spe exciderent, propugnatoribus in fide Wladislai permanentibus, domum Aduocati in ipsis mœnibus propè portam, quæ à

*Conspiratio
contra Wladislaum Episcopi,
Aduocati,
& Præpositi
Miechouiensem
& ciuium
Craco.*

*1313.
Henricus Imperator*

duo Nicolao nomen habet, eminentem, pro arce Boleslaus occupauit. Sed cum imminere iam Wladislaum cum exercitu audisset, præmonitus à Rege, non sine quadam expostulatione seu uerore, paruimontis, deductoque præsidio domo Aduocati, urbe excessit. Eius defectionis suspicio serpsit etiam ad præpositum Miechouiensem. Ideo huic quoque irrogata poena est, adempto ei pago Lentkouice satis luculento, quem Albertus Aduocat^{us} præpositi frater tum possidebat. Acciderunt hæc circa annum domini 1313. Per id tempus Henrichus Imperator vi ueneni in Eucharistia dati extinctus fuit.

Fames autem in his regionibus talis & tanta extitit, ut nullo quantumuis foedo edulii genere, ac ne cadaueribus quidem humanis, Dlugosso referente, vulgò abstineretur. ita ut etiam parentes in filios fauissent. Quam famem pestis, & pestem Cruciferica bella secuta sunt. Hæ igitur calamitates Wladislaum retrahebant, ne tam citò, ut sperabant alii, exerta cum gladio manu in Cruciferos animaduerneret. Interea Cruciferi veteribus nouas iniurias adiecerunt, clero etiam non parcentes, cum tamen & ipsi in clero numerari vellent, usurpatis sibi decimis, & suppressis sacerdotiis, eorumque prouentibus in priuatos usus conuersis. Magna postea contentione & strepitu iuris in Consistorio Romano de iis rebus à Polonis, & Cruciferis litigatum est; & præsertim coram Ioanne Pontifice eius nominis 22. Quo etiam Oratores à Rege, adeoque uniuerso clero missi sunt, ut Cruciferis omnes eorum nefarias impietates exprobrarent, deque omnibus regis & regni iniuriis

gni iniuriis tam ecclesiasticis, quàm secularib⁹ eis litem intenderēt; simulq; autem vt Wladislao diadema & nomen regium impetrarent. Existimabant enim inauspicatò id sibi Præmissum sumpsisse, Pontifice inconsulto. Meminerant enim honorem hunc Polonis interdictum fuisse statim post cēdem diui Stanislai. Cruciferi autem vbi hoc subolscecerunt, mittunt & ipsi Oratores cum plenaria potestate, hoc est, faccis auro argentoq; plenis, vt, quàm maximè possent, conatus Wladislai irritos redderent. Ad quas res perficiendas cum opus haberent grandi pecunia, Pomeraniæ toti binos grossos imperarunt in singulas marcas, quas quisque in bonis haberet. Ad hæc eiectas naufragio merces lege Rhodia vsurpare cœperunt. Quibus rebus factum est, vt toto fere quadriennio nihil aliud impetraret Gerardus Poloniæ legatus à Pontifice, quàm vt cognitio causæ in ipsa Polonia Archiepiscopo Gnesnensi, Posnaniensi Episcopo, & Abbati Mogi-
lensi delegaretur. Quod verò ad regnum attinet, Pontifex, vt Polo-
ni iure suo pristino vterentur, permisit. Nam, apertè Wladislao re-
gnum decernere noluit, ne Iohannem Bohemiæ regem, & focerum
eius Philippum regem Franciæ offenderet. secretò tamen volunta-
tis suæ significationem Gerardo dedit. Cum igitur Pontificis men-
tem & voluntatem Wladislaus perspectam haberet, comitiis indictis
Cracouiæ ad vicesimam diem mensis Ianuarii, vnà cum vxore He-
duigi in Basilica Cracouiensi coronatur, anno Christi 1320. Atque
ex eo tempore ius coronandi regis atque ipsa regni insignia Gnesna
Cracouiam translata sunt. Nec multò post Elizabetham filiam Caro-
lo Hungarorum regi bis viduo in matrimonium collocat. Interim de-
legatorum à Pontifice iudicium Cruciferi detrectant, appellationē
que interponunt: sed reiecta appellatione damnati sunt. Itaq; Pome-
raniam regi reddere, ac centum quinquaginta millia marcarum pe-
cuniæ pro perceptis fructibus, aliaque triginta millia in litem expen-
sa numerare iussi sunt. Cum autem non parerent rei iudicatæ, ana-
themate icti sunt, ita vt nusquam, iis præsentibus, sacra fieri liceret.
Dum hæc ita geruntur, Lituani Mazouiam depopulantur, & Duces
Syllesiæ parricidalibus bellis labefactati, prædæ Iohannis Bohemiæ
sele exposuerunt. De cuius astutia & inexplebili auaritia dicerem,
nunc, nisi prius id fecissem, idque non meis verbis, ne quis rem esse
fictam putet, sed præcipui nostra ætate Chronicorum Germaniæ scri-
ptoris, qui Carion dicitur. Inuenies hæc superius folio. Ad in-
teruertendum ducatum Syllesiæ partim vi, partim astutia præbuerunt
occasionem fratrum germanorum, Wladislai, & Henrici dissensiones
atque improbitas. Wladislaus latrocinia exercebat, diuexans Bohe-
miam & Syllesiam. Comprehensus à rusticis ab Henricho fratre qui
Dux Wratislauiensium erat, in carcerem conicitur. Ita, vna labe a-
liam trahente,

*Coronationis
ius recupera-
tum ex Ponti-
ficis consensu.*

*Syllesia adem-
pta quibus oc-
casionibus.*

liam trahēte, ambo eò sunt perducti, vt regi Bohemo se subderēt, su-
a; illi venderent. Ad extremum autem Wladislaus qui Glogouien-
sium Dux dicebatur, veneno sublatuſ est, ne ampliùs hominib; in-
iurias, stirpi verò suæ ignominiam inferret. Augebat inter fratres
hæc dissidia Rex Iohannes & fouebat, committens eos inter se, vt
sibi hoc modo obnoxios magis redderet. Henrichus tamen paren-
tem suam Poloniam venerabatur, Wladislaique Poloniæ regis fi-
dei se, ac suum dominatum omnem tradebat, sed Wladislaus vir bo-
nus, vbi hostem eius propulsauit Henrichum sua sibi habere iussit,
vt sorores nobiles inde nuptum posset locare. Id vbi cognouit Io-
hannes rex, qui iam de Wratislauia propemodum desperarat, noua
spe erectus, dolum adhibet. Henrichum per speciem arduorum &
arcanorum negotiorum accitum blanditiis, liberalitate, precio, in-
gentibus promissis, & odio denique inimici fratris induxit, vt Wra-
tislauienſi dominatu cederet. Ita adiutoribus vsus proceribus, & ma-
ximè ciuib; Wratislauiensib; pecunia corruptis, effecit vt ipsi ius su-
um venderet Henrich, & quod efflagitabat adipisceretur. Wratissa-
uia igitur potitus est Iohannes, & non longè post Goltbergenſe &
Haniouienſe territorium, quod Wratislauienſis Senatus hypothecæ
nomine à Boleslao possidebat, per iniuriam ei ademit. Expostula-
uit cum eo de erepta sibi Wratislauia Boleslaus, iusiurandumq; & fœ-
dera commemorauit, atque obiecit; quodque difficillimo tempore
se eiectum à Bohemis omni ope destituiſſet, exprobrauit. Sed ea expo-
ſtulatione hoc tantum profecit, vt Iohannes responderet ei: Propin-
quiorem se sibi esse, quàm cuiquam alteri. Simili ratione & Legni-
cium occupauit. Sed quid dico simili? cum illa precibus potissimum,
hoc verò minis additis extorſerit. Quare metu Boleslaus perculſus
imperata fecit, & eò redactus est inopiæ, vt filios quoque ad extre-
mum Wratislauiensibus mercatoribus oppignoraret. Posthæc reli-
qui Duces, nempe Glogouienſis Zegauienſis, Oleſnicienſis, Stinaui-
enſis, & Falkembergenſis vltro in ditionem Bohemi regis deuenere,
& partim timore potentiæ Iohannis, partim inuidia Wladislai regis,
libertatem suam Bohemis prodidere. Militium ad extremum Epi-
scopi Wratislauienſis arcem idem rex Iohannes per vim iuris sui fe-
cit. Quamobrem diris à Nankero Episcopo & anathemate deuotus
fuit, & ipse cum omnibus præſbyteris & Monachis Wratislauia ex-
ceſſit; nec tamen arcem recuperauit. Solus Suidnicenſis Dux, & post
cum filius eius vnicus in fide Boleslai & ſocietate Polonorum per-
manſit. Retinet etiamnum pleraque omnis Sylleſia veſtigium vetu-
stæ originis suæ à Polonis deductæ, pensionem, quam S. Petri num-
mum vocant. Quæ quidem per illa ipsa Sylleſicæ defectionis tempo-
ra eò redacta est, vt nummus tantum æreus, quem obolum vocam⁹,
in capita

*Iohannis regis
Bohemorum
perfidia & a-
uaritia.*

*ij Duces a Regno
reſeruerunt*

in capita quotannis penderetur; cum antea tres oboli, & cribrum a-
uenę in singulas familias pendi solerent. Sed iam ad Wladislaum à Syl-
lesiis redeamus, quem maximè sollicitum reddebat erepta à Crucife-
ris Pomerania, quibus cum & Bohemi iam sentire incipiebant, vtpo-
tè quòd vtrique rapto viuere ex Polonis assueuerant. Accedebant &
cò Lituari, quos domare difficile erat, cum secum pugnandi copi-
am non facerent, sed, rapta præda, fugerent; & domi obiectu sylua-
rum, & paludum latebris, ac denique incultarum solitudinum inter-
iectu tuti essent. Fluctuante igitur Wladislao rege, nec satis explican-
te, quanam via sibi ad euadendum ex iis difficultatib. potissimùm in-
eunda esset, tandem hanc sententiam frequens senatus comprobauit.
Cum Gedimino Duce magno Lituorum (hunc titulum à Russis
cum principatu eorum ad se Lituari transtulerunt) sancendam esse
cum primis amicitiam ad quam rem vt sibi viam præstrueret, lega-
tos mittit, qui foedus cum eo feriant, & filiam eius Cazimiro filio
suo vxorem petant, & rogent, vt captiuos Polonos liberos dimittat.
idque sibi loco dotis gratissimum futurum pollicerentur. Non gra-
uatim Gediminus legatorum postulatis annuit, sponsamque euesti-
giò cum eis mittit. Quæ ingentibus omnis conditionis, sexus, atque
ætatis captiuorum cateruis comitata, veniens Cracouiam, religio-
nem Christianam à Nankero Episcopo edocta, & sacro lauacro ini-
tiata, Annæ nomen accepit, & ritu solenni Cazimiro sextum deci-
mum annum agenti nupsit, anno Christi. 1325. His rebus ex animi
sententia à Wladislao rege peractis, occasiones rei benè gerendę vn-
dique selè ei postea offerebant. Nam Mazouios cum exercitu, per-
uastata eorum regione, à societate Cruciferorum facilè auulsit, & in
Marchiam progressus cum infesto exercitu, debiliorem ad res moli-
endas reddidit; cunctosque Cruciferos metu non mediocri percul-
sit. Lituari, qui regem iam sequebantur, maximè omnium, non-
dum exuta barbarie, in hostes desæuiebant. Vltus est tunc Wladisla-
us Premisli mortem de Marchionibus: reduxitque secum 6000.
captiuorum.

Facinus cuiusdam monachæ me- morabile.

Commemoratur in ea expeditione præclarum monachæ cuius-
dam facinus, quæ capta à Lituano quopiam, cum ad stuprum trahe-
retur, rogauit eum, ne sibi vim faceret. mercedis autem loco promi-
sit, se illum edoctrum esse, quî corpus eius vulnerari nullo vnquam
ferro posset. Quod cum ediscere ille percuperet, dixit illa, quid faci-
endum esset, idque in suo corpore primùm fecit; dein iugulum ei for-
tis puella præ-

tis puella præbuit, ut in ipsa eius rei periculum faceret. Credulus ille, stricto gladio, caput eius amputavit. Ita illa Barbari libidinem elusit, stuprumque honesta morte evasit.

*Bellum cum
Cruciferis.*

Igitur Wladislaus tali rerum suarum fundamento iacto, non putavit sibi diutius differendum esse bellum cum Cruciferis; qui ne Pontificis quidem Maximi autoritate, ut ipsi Pomeraniam redderent, commovebantur. quin etiam fastu turgidi subinde potentiam suam, ut insuperabilem, iactabant. Itaque in sequentem annum expeditionem toti Poloniae contra eos ad Checzeni oppidum indicit; à Carolo rege Hungariae genero suo non contemnenda auxilia impetrat; à Russis, à Lituanis similiter obtinet. Cum quibus omnibus fines hostium ingressus, omnia agit hostiliter, ut Crucesignatos elicere in aciem posset. Sed illi in munitionibus se diligenter abdiderant. Quia autem Poloni rudes esse videbantur in oppugnationibus munitionum, ab hoc genere pugnae in initio aliquantisper abstinet. Cum autem Mazouia nostri infestare coepissent, prodeunt Cruciferi cum Mazouis & Cuiaviam petunt, quo cum properè nostri accurrissent, collatis signis, funduntur hostes Mazouii quidem erubere tum cognatos Polonos: Sed Cruciferi plusquam pro sepulchro domini dimicantes fortiter ad internecionem una cum Commendatore Toronensi cæsi sunt. Hoc anno Nankerus Episcopus Cracouiensis, ut qui Syllesius esset, ad Wratislavienses transiit, & Iohannem Grotum Slupiecium successorem habuit, hominem gratum Pontifici, eò quòd adolescens cum eo familiaritatem contraxerat.

*Iohannes Grotus
Slupeci.*

Vndecima expeditio.

1329. Rex Bobemorum Ioannes cum Magistro Prussiae Samogitiam vastat, & depopulatur, ut iam in Polonica historia monstratum est. Kumererk Comes & Baro de Egerburg cum maximis copiis à Rheino usque progressus, agmina maxima ducens in Prussia venit. Adiunxerat se istis promiscua multitudo, ex qua contracta phalanx vocabatur usitate Peregrinorum exercitus. Sed isti modico operæ precio facto, in hyberna concesserunt. Tanta enim tum seuitia hyemis fuit, ut arbores etiam iniurijs cæli & intensissimo gelu perstrictæ vix ad se post aliquot annos redierint. Subsequentæ sunt tandem vastationes terræ Dobriensis, & oppugnatio arcis Gedimini à nomine Ducis appellatæ. Fuit Gedimius Dux Lituaniæ bellicosus, qui Cruciferis ita coeperat esse formidabilis, ut etiam Pontifex, ad mitigandum eum, legatos suos miserit. De hoc sparsa fuit fama à Cruciferis, quòd proposuisset in animo sacro baptismo initiari. Sed ille hoc resciscens, misit oratores suos Rigam, per quos oratione perampla palam in corona omnium expurgavit se ab eo rumore.

eo rumore. Cuius orationis exordium tale fuit: *Misæ sunt* (inquit) quædam literæ à sacerdote Romano Papa, quibus dominus meus infamatur baptismi suscipiendi: Sed dominus meus iuravit per Deorum fortitudinem, se perseveraturum in religione patrum suorum, &c. Fuit autem Gediminus hic Magister stabuli apud Vithenem Mag. Ducem Lituaniæ, vir ambitiosus & excelsi animi, qui interfecto domino suo principatum inter suos arripuerat, et latè propagauerat, subacta magna parte Rusiæ. Nam domitis Cruciferis, Wladimirum Ducem ad Wladimiriam vicit, promotis castris Luscum, Lucensium Ducem eadem felicitate submouit & profligauit. Stanislauum Kiouiensium Monarcham acerrimo prælio ad profluentem Piernam, quatuor milliaribus ab ipsa vrbe, cum cæteris Ducibus superauit, Seueriamq; suo imperio subiecit. Non contentus ea victoria, etiam Tartaros aggreditur, eosq; vincit, superat, & ultra ostia Tanais pellit, ac submouet. Rediensq; post eas victorias ad suam regiam, de hostibus deuictis ac debellatis triumphauit, ciuium vrbe effusis cum cum manuum applausu excipientibus. In his ferè omnibus nostri historici cum Lituanicis Annalistis conueniunt, eo excepto, quòd eum negant fraude adijse possessionem Magni Ducatus Lituaniæ. Stabuli enim Magistrum fuisse pernegant, sed potius filium Vithenis legitimum asserunt. Nostri quidem historici, Dlugosus, Miechouius, & Cromerus in aula regum Poloniæ, Gedimini seu Gedeonis nepotum, vixerunt, eisq; ab intimis secretis fuerunt. Existimo, quòd non passi fuissent reges nostri eos in hoc errore versari, suumq; progenitorem indignè hac tanta macula ab ipsis aspergi. si, inquam, à rei veritate eos aberrasse vidissent. Adde quòd quidam ex nostris istis scriptoribus, quòd viciniore illis temporibus fuerunt, eò certiora scire, & nobis tradere potuerunt. Magnum tamen est, fateor, id, quod opponitur, nempe consensus Latopisciorum seu Annalistarum, nisi forte metu Gedeonis tantum eius scelus occultarunt. Sed suum cuique hic iudicium relinquo, malintne eos, qui veluti publica fide scripserunt, sequi, an illos, quos sui sæpius falsi accusant. Bellis his confectis Gediminus, & pacata Lituania, ad decorandam patriam sese conuertit, sedemq; quæ primò Nouogrodia Kiernouiam translata fuerat, rursus amœnitate loci inuitatus, Kiernouia Trocos veteres transfert. Locorum situm non describo. nam in Chorographia nostra id cuius videre licet. Post aliquot annos, cum venatum procedens, delatus esset ad loca, ubi nunc est vrbs Vilna, vrumq; animal eximiæ magnitudinis propria manu venabulo, in monte, ubi nunc est arx, confecisset, res ipsi, & cæteris applaudentibus boni omnis est visa. Accessit eò somnium, eidem rei consentaneum. Vidit enim e-

odem in loco illa ipsa nocte per somnum lupum cataphractum, in quem alij centum lupi terribiles ululatus edebant. Magno igitur consensu creditum est, non fuisse fortuitum somnium: sed admoneri diuinitus, urbem istic præclaram statuendam. quod & postea fecit, sedemq; eò Trocis ex augurum sententia tertium transtulit. Locus ille inter duo proxima flumina Viliam, & Vilnam, antea præter solitudines & prata amœna, nil habuit. Ibi verò corpora mortuorum Ducum, nota cerimonia, cremabantur, quæ lingua patria Suuintoroha, non longo intervallo à latino sono & significatione, quasi Sanctus rogo dixeris, vocabatur. At postea urbs ibi condita, atque vnà cum ea Respub. Lituani- ca paulatim ad eam celsitudinem, quam modò videmus, creuit. Rex Poloniæ Locticus audiens, quòd stabili pede fortuna faueret Gedimino, filiam eius locari in uxorem filio suo Cazimiro expetit, & facile obtinet. Hocq; præludium quoddam fuit vnionis illius duarum istarum gentium, quæ postea facta est temporibus Iagellonis. Adducitur nupta Cracouiam, deducuntibus eam mille viris, hirsutis pellibus vrsinis amictis, quo terribili ornatu non minùs tunc cunctorum in se oculos conuerterant spectatorum Lituani, quàm olim Imperator Otho Magnus, cum, ducens ingentem exercitum, sub muris Parisiorum in Gallia constitit, cunctis militibus eius à maximo ad minimum stramineos pileos capite gerentibus. Atqui vterque hic ornatus etiam à pauperrimis hoc delicato seculo risu & cachinnis excipretur. Locticus igitur et Gediminus post illam affinitatis coniunctionem feliciter administrarunt vterque suam Rempub. sed dispar vtriusque fuit exitus. Nam Wladislaus morte naturali fati concessit, Gediminus autem cum ipsemet ceu miles gregarius machinas mœnibus arcis Vieloniæ admoueret, à milite Mariano globo bombardæ, tum primum in Germania inuentæ, necdum Litua- no militi visæ, traiectus fuit. Itaque extinctus Vilnam ab exercitu de- portatur, et in prato bustorum Suuintoroha, vitali seu fiduciali equo, vt vocât, impositus, cum nobili quodam armigero viuo, qui tunc ei dilectissi- mus fuit, ritu gentis recepto, duob. herodij vel falconibus, duobus ver- tagis, & duobus pedibus vrsorum vngulatis adhibitis, armatus combu- ritur. Illi quidem corpus ipsum vnà cum flamma in cælum deferri opi- nabantur. Christiani verò corpus terreum terræ mandari, animam ve- rò vtpotè, cœlestem, cœlitum consortio iungi credunt & confitentur.

1329. Insequenti anno Iohannes rex Bohemorum euocatus à Cruciferis, cum grandi exercitu, vere ineunte, in Prussiam venit, Dobrinumque & Wladislauiam expugnat: Tandem Mazouiam pari- ter cum Cruciferis ingressus, eò adegit Ducem gentis, vt se ipsi Io- hanni, quasi iusto Polonorum regi subiiceret. Tandem Cruciferi, ne iniuste

ne iniuste ac per vim Pomeraniam sibi v'surpasse dicerentur, perfec-
runt precibus, & precio apud Iohannem (aut ex composito res ita agi
videbatur) vt sibi Pomeraniam iure sempiterno donaret; Dobrinum
autem quatuor millibus & octingentis sexagenis (vt vocant) Pra-
gensibus venderet, venditionemque ob signatis literis testaretur.
Omnia hæc perficiebantur artibus Ioannis, qui Syllesiorum Duces
Syllesia priuare iam dudum statuerat. His peractis, reduxit Ioannes
exercitum, & stulta vanitate de subactis & ad religionem compulsis
Barbaris triumphauit.

1330. Ætate sequenti maturefcentibus segetibus denuo Cruci-
feri isti cum Liuonibus, fratres videlicet cum fratribus, egressi, Vis-
fogrodum, Naclum, Raciūzum, & alia pleraq; ditionis suæ faciunt.
Wladislauiam vbi accesserūt, acceperūt aduentare Regem cum ma-
gnis copiis, Hungarorum, Austriorum, atque Lituanorum. Itaque di-
lapsi, ad sua defendenda redierunt. Postquam verò Wladislaus fines
hostium attigit, populationes longè latèque exercere iussit. Nec vl-
lum crudelitatis genus ab iratis omissum est. In transmittenda Der-
uancia flumine aliquantulum difficultatis fuit. Nam vada huius flu-
minis caudicibus ac sudibus per longum spacium hostes impedia-
rant. sed rex citato equo retrò fluuium traiecit. Grauiorib. equis v-
tebantur hostes. itaque non potuerunt in tempore ad vadum nostris
occurrere. Aduentantium vim ii, qui primi de nostris copias trans-
miserant, fortiter sustinere; donec omnis exercitus traiecit, & ad su-
os ordines rediit. Hostes inopinata re perculsi, cedunt; nec nostris
pugnandi copiam faciunt. Sed ad petendas condiciones pacis dela-
buntur. vbi rex non difficilem se præbuit. Induciæ ad annum factæ,
ea lege, vt Dobrinum arcem Cruciferi traderent. De Pomerania ve-
rò Carolus Hungariæ & Ioannes Bohemiæ reges arbitri delecti. At
Carolus Regem tum aduersus casus perculit. de quo sic accipe.

De Caroli Regis Hungariæ quo- dam casu.

Felicianus quidam de Zaachorum familia, stricto gladio in cœ-
naculo Carolus Regem adortus. sed frustratus ictum, dextram mo-
dò eius leui ictu perstrinxit, Regina quatuor digitos dextræ manus
amputauit: filios verò pædagogi accurrentes obiectu corporum
suorum protexere. Mox parricida à Iohanne Patocio, nobili iuue-
ne, prostratus, concursu satellitum membratim dissectus est. De cau-
sa sceleris variant autores. Nonnulli eum affectasse tyrannidem vo-
lunt; alii stuprum. claræ sorori suæ à Cazimiro Reginae fratre, ipsa
conscia & conciliatrice, illatum vlcisci eum voluisse, memorant.

Cruciferi

*Cruciferi ad in-
genium rede-
unt.*

1333.
*Perfarum con-
suetudo.*

*Vincentius Sa-
motulius.*

*Cazimir^{us} vix-
it enast manus
hostium.*

*Plouuicse
prælium.*

Cruciferi præfenti metu liberati nihil de conditionibus imple-
uere. Itaque paulo post sequenti anno Comititia habentur & in Co-
mitiis rex Wladislaus bellum decernit. In quibus etiam iturus ad bel-
lum Rex more Persico Wladislaum filium viginti annos natum toti
Poloniæ præficit; ut fama nominis eius non tam se facile Saxones &
Bohemi commouerent. Ad hæc ut regnum is retineret, si quid aduer-
si in Prussico bello accideret. Sed ob ademptionem præfecturæ Vin-
centius Samotulius plurimum offensus, ad Cruciferos transfugiens,
multa pericula creat regio exercitui: Cruciferique, ipso ductore, ple-
raque oppida in Polonia occupant. ita ut parum abfuerit, quin Cazi-
mirus ipse Pisdri oppido caperetur. sed præmonitus, porta confe-
ctim se eiecit. Legniciensis arx demum capta, Gnesna, Zvena, & alia
pleraque intercepta, incensa, & vastata. Cum igitur Wladislaus an-
geretur, spectans patriæ incendia ad aliud cōsiliū decurrit. Cogno-
uerat id fieri Vincentii consiliis. itaque Vincentium sibi rursus re-
conciliandum satagit; nec sibi indecorum ducit, etiam subdito se, v-
bi res exposcit, demittere. Nam talis demissio confertur pugillato-
rum saltationi, qui, quò magis ad humum sese acclinando prius de-
mittunt, eò altius neruis adnixi, sursum feruntur postea saltu & attol-
luntur. Mittit igitur secretò ad Vincentium, ut eum ad sese pellice-
ret. Ille, ut est Polonorum nobilium natura minimè obstinata, Re-
gi morem gerit. veniensque ad regem, veniam supplex petit; Com-
municatoque cum rege consilio, qui ei impunitatem promittebat,
proditione proditionis maculam eluere & obliterare tentat, adhor-
taturque regem ad conferendam cum hoste manum. Docet, in tan-
ta multitudine plurimam esse sæcem imbellium hominum; si impe-
tum in eos facerent, vim nostrorum nequaquam sustinere eos posse,
quantumlibet glorientur de robore cataphractorum, & phalangum
suarum. sibi verò eas partes sumit, ut hostem ab omni supicione præ-
lii abductum fallat. ac deinde iterum in castra Cruciferorum reuer-
titur; quibus percōtantib. respondet, nihil à Polonis periculi esse. Re-
gem pauidum & consciū exiguarum suarum virium diutius exer-
citiū tenere non posse. Ita confirmati Cruciferi in incepto persiste-
bant, magis pōpulationibus dediti, quàm ad pugnam capeflendam
alacres. Interim Rex contemplatur locorum conditiones, & ubi
committendi prælii idoneæ occasiones arripi possent. Est Pagus
Plouuice propè Radeiouiā, ubi latè patens est planities; ita ut op-
portunior locus ad prælium nostris equitatu maximè valentibus
tum non offerretur. In hoc igitur totus erat Rex, ut omnia ex præ-
scripto artis militaris fierent, cuius peritissimus erat. Non putabant
autem Crucesignati, rem vniuersam dimicationi Regem commissu-
rum; sicuti Vincentius eos securos reddiderat. At, ubi hinnitus plu-
rimus equorum

rimus equorum audiri coeptus est, & strepitus aduentantium increbuit (nam conspectum densa nebula adimebat) tunc illi quoquoersum curitare, dissonum clamorem edere, & alia argumenta pauoris ostendere coeperunt, quæ omnia Regem, & regium exercitum plurimum confirmabant. Ita enim hæc clara erant, ut etiam digito rex suis, quò magis eos sponte pugnare exposcentes ad proelium animaret ostenderit. Orationem protrepticam non est mei instituti hic, ubi breuitati studeo, explicare. Inueniuntur ista luculenter apud alios. Constat tamen Regem maximè incubuisse, ut æquitatem causæ suscepti belli suo militi demonstraret, calamitatem captiuorum,ploratus, & eiulatus miserabiles amplificaret, quos ferè ab exercitu exaudiri affirmabat. Adsunt, inquit, propè propinqui nostri, qui fidem vestram implorant. Contrà verò hostium immanitatem, & truculentiam amplificabat. An vos latet, inquit, an vos fugit gentis immanitas, humanis hostiis olim diuos placare solitæ? Ego, ne virtuti vestræ diffidere videar, si vos diligenter in hostem tam trucem incitare instituerem, ampliùs non loquar. Reipsa commonstrate, vos esse non degeneres parentum vestrorum, qui non numerare hostium multitudinem, sed necessitatem pugnae ineundę ponderare solebant. Hæc quasi paruus puer (Nam perpusillæ staturæ erat; inde & Locticus dictus est) in medio virorum proceritate corporis conspicuorum, & armis fulgentium, ore flammivomo, ocellis micantibus, voce ardua & excelsa, perorando explicabat, non sine vehementiore totius corporis gestu, præsertim verò manuum, brachiorumque crebra motatione; seueritatem quandam militarem in fronte corrugata præferens. Nam prorsus Martialis nature erat. Insusurauit etiam compluribus, ac secretò concredidit consilium Vincentii, de hoste à tergo aggrediendo. quæ res plurimum faciebat, ad muniēdos & confirmandos suorum animos. Explicat igitur acies: ac prima de quinque, cohors auilicorum, magno impetu in hostem inuehitur. Excipiunt illi, qui contrà constiterant. Non impigrè deinde aliæ cohortes concurrunt, exceptis subsidiariis. Pugnatur vtrinque summa contentione, neque quisquam refert pedem. Adest omnibus locis Wladislaus suos animans, & defessis integros submittens, ipse indefessus, quamuis effocto iam & senili corpore. Feruescente autem proelio, cum Vincentius adhuc nusquam appareret, subuereri iam Rex coeperat, ne quem is dolum neceret. Circumspiciebant & alii memores promissorum Regis, tum ille à tergo hostium, clamore sublato, cum suis impetum in extremos auersos, quemadmodum conuenerrat, fecit. Ibi verò turbati illi, reque noua perculsi. primi etiam, exaudito clamore & tumultu, respicere, & sciscitari inter se, quidnam id esset. Instant nostri acriùs respectantibus, & remissiùs pugnantibus. Nec mo-

*Compendium
& caput ora-
tionis adhorta-
torie adforti-
ter pugnandū.*

*Victoria me-
morabilis Po-
lonorum de
Cruciferis ad
Plouuce pagū*

bus. Nec mora; iam cæsis duabus, vniuersas acies perterrefactas in ful-
gam conuertunt. Fit longè maior fugientium strages, quàm quæ du-
dum pugnantium fuerat. Adeò namque dolori, & iracundiæ Poloni
indulgebant, vt neminem viuum seruarent. Iamque debellatum no-
stri credebant, cum ecce longiore interuallo nouas hostium copias
effuso cursu aduentare aspiciunt. Erant ii, qui, præmissi ad capien-
dam Brestam, ibi hælerant. at certiores facti de nostrorum aduentu,
suppetias latum suis accurrebant. Aliqui autem ex ipsis cum inter
nostrorum ordines se inserere cœpissent, renouato proelio, repulsi
sunt à nostris, nec vim nostrorum recenti victoria ferocientium su-
stinuere. Erant enim & lōgo cursu equorum defatigati, & armorum
nimio pondere prægrauati. Cæsa feruntur his duobus proeliis hosti-
um quadraginta millia, Dlugosso referente. Triginta verò tantum
de promiscua nostrorum multitudine, ac duodecim de nobiliorib.
tum cecidere. inter quos insigniores fuere Zegota Morauicius Cra-
couiensis, Christinus Ostrouius Sedomiriensis, signiferi, Svvincius
Castellanus Zarnouiensis. Dies, quo hæc gesta sunt, fuit 27. Septem-
bris. Et quoniam ferè ad vesperam pugnatum erat, reliquum illius
diei, & nox sequens curandis & reficiendis corporibus data est. Po-
stera die cæforum strages recognita est, & spolia lecta. Inter quæ rex
ipse obequitans, conspicatus est quendam iacentem multis vulneri-
bus affectum & admiratione cæteris prostratis digniorem, cui nomen
Florianus Sari fuit. Cuius historiam carmine redditam, vtpotè rem
memorabilem hîc adscribere volui.

*Historia Suci Rodolphi
regi Famula.*

Tempus erat, quando nostros inuaserat agros

Gens fera, de nigra quæ cruce nomen habet.

Huic Wladislaus Loktek occurrit in armis,

Fudit & hostiles fortiter ense manus.

Nec mora, cæforum squalentia corpora lustrat.

Postera cum cœli fulsit ab axe dies.

Ecce iacet miles viridi resupinus in agro,

Milleque vulneribus debilitatus erat.

Iliaque intrepidus manibus cohibebat amicis,

Vulnera ne forsan per geminata fluant.

Vidit vt hæc dux, ad proceres sic voce locutus:

Illius ò ingens est dolor, atque labor.

Miles ad hæc: Maior dolor est vicinus in aruis

Pessimus, expertus dux generose loquor.

Subiicit his Princeps: Isto te fasce leuabo,

Ne dubita, vitam dent modò fata tibi.

Hinc miserum tollit, spaciofaque vulnera sanat,

Et totum pagum donat habere viro.

Stemmaque

Stemmaque virtutis transuersas insuper hastas
Tres dedit: huic Sario nomen eratque viro.

Ex hoc stemmate nunc claret Ioannes Zamoscius regni Poloniae
Cancellarius & supremus Copiarum praefectus.

Duodecima expeditio.

Sequitur duodecima expeditio, & ea non postrema, contra Wladi-
slaum Loeticum Regem Poloniae, à quo magna clade tum profligati
sunt, ut iam in Polonica historia pluribus ostensum est, sed propter res
Lituanicas iterum breuiter mentionem eiusdem rei nos facere oportu-
it. Quam autem irato numine tum ordo ille depugnarit, ex numero cæ-
sorum intelligi potest. D. Cromero sic referente: Cæsa, inquit, fuerunt
his duobus prælijs hostium viginti millia, de nostris verò quingentis ut
apud alios reperio, triginta.

Tredecima expeditio.

Gedimino successit Olgerdus, qui vlscisci volens mortem patris Ge-
dimini, Prusiam ingressus longè latèq; eam vastat ita ut superiores va-
stationes collatæ cum hac posteriore, nihil esse videantur. Eodem tempo-
re Eberhardum Schorc, phalagem Saxonum ducentem deleuit. Non au-
si tunc sunt prodire ad certamen Cruciferi, sed tantum ex tectis prospici-
ebant, spectantes penatum suorum incendia. Vastatio igitur Loeticiana,
quæ accidit anno 1527. Gedimino & Hungaris auxilia sua in hoc cõ-
ferentibus, si coniugatur cum ista, tantam effusionem sanguinis efficiet
mortalium, ut ad eam ex Apocalypsi illa prædictio adaptari possit: Ab-
his, inquit, tribus plagis occisa est tertia pars hominum de igne, & ex fu-
mo, & sulphure, &c. Magister Prusiae Rudolphus Dux Saxoniae Lut-
terus, Generalis (nam iam Venetijs sedem suam huc transtulerant) au-
dita & visa clade suorum, in rabiem & amentiam versus, præ dolore
moritur. Præceperunt has vastationes & miracula. Accidit tum tre-
mor terræ in Prussia, illis terris antea inauditus, aliquot vicibus, ha-
ud dubiè prænunciens eas calamitates. Hoc successu Olgerdus elatus, e-
xercitum victorem duxit contra Tartaros, patris Gedimini virtutem
imitatus. Non debet autem latere lectorem de Tartaris, quòd ii tempore
interregni Polonici, hoc est, regno diuulso, & inter regulos in partes &
prouincias scisso, occasione arrepta, non modò Russiam sed & Podoli-
am, & ipsam Poloniam sæpe armis infestarunt, & attriuerunt; Podoli-
amq; vectigalem sibi, magna ex parte, reddiderunt. Vnde Bocota, Bala-
kley, Czapczakey, Kuczmien, Kaczibey & alia prodigiosa nomina mi-
nutarum arcium Podolicarum Scythicam phrasim & feritatem reso-

Occasio, quan-
do irreperunt
Tartari in Rus-
siam.

nantia, quæ pulsus Tartaris, ad hunc diem permanent. Deus igitur miseratus Poloniæ, Hungariæ, Germaniæq; calamitates, excitavit Olgerdum Lituanum, qui, etiamsi gentilis erat, tamen omnib. Christianis Europæis egregiâ tunc nauavit operam. Progreſſus enim cum suis copijs vsque ad Boryſthenem & ostia eius, totum robur Tartarorum, & tres duces eorum Kadlubachum, Demetrium, et Kaczibeium, à quo portus ille Kaczibeius vocatus est, armis suis attriuit, proſtigauit, & disiecit, ita vt alij eorum vltra Tanaim fluium, alij vltra Tyram, ad Dobruſcenses vsque campos, à quibus Orda Dobruſciorum vocata est, fuga dilaberentur. Attriuerat iam hos quoq; antea Demetrius Moschorum Dux. Sed successu victoriæ elatus, securiorq; factus, cum Olgerdo inimicitias sibi vltro attraxit. Missis enim ad eum legatis, imperat ei tributum. quare exasperatus Lituanus legatos eius penes se detinet, et absque vlla mora collecto exercitu, primo Witepskum, deinde Moschouiam vsque contendit. nec prius cessauit, donec vrbis ipsius Moschouiæ mœnibus exercitum admouisset, in monte q; adorationis (vt ipsi vocant) è conspectu arcis ante ipsam urbem constitisset. Nouum hoc erat apud Demetrium et, instar portenti cuiusdam, stupendum. Acciderunt hæc anno 1331. die ipso Paschæ, cum Demetrius iret ad Cirkie-w. Ecclesias enim suas Russi ita vocant. Cum itaque ritu solenni deduceretur, per legatos, denunciaret ei bellum Olgerdus, & mittit non absque contumelia ouum vermiculato opere variatum, (mos est enim patrius Russis in ea festiuitate puerulis suis ludentibus ouum varijs coloribus distinctum donare) loco tributi, quod exactum oratores suos ad ipsum paulo ante miserat. Addit et fomitem cum filice & chalybeo excussorio, minaturq; conflictum & incendia, ni sibi ex tempore capiat consilium. Vnde apud Lituanos de bellatoribus vigilantibus in prouerbium abiit: Si vis ouum variatum coloribus hosti donare, surge mane et lucem anticipa. Hæc à me ex sententia Annalistarum Lituanicorum et præcipuè D. Stricouij viri de Lituania optime meriti narratur. Demetrius ergo, cum in præsentissimum periculum videret se coniectum, elata illa & temeraria opinione de suis viribus, tempori seruire coactus est. Itaque, vt redimat pacem, imperata facit. Conditiones, qualescumq; tandem proponebantur, accipit. Sic victorem victor Olgerdus domat, arcemq; deinde ipsam Moschouiæ ingreditur, et trophæi instar vexillum suum cum hasta præpilata in medio arcis desiguit. Fines inter vtrumq; magnum Ducatum præscribit ad Vgram flumen vsq; Quansq; exercitum incolumem in Lituaniam reportat. Vbi Vilnam venit, à suis cum triumpho et complosione manuum, more gætis, excipitur. Fuit hæc victoria celebris, statimq; per orbem diulgata est. Itaque.

Olgerdo hæc
tribuntur nō
Vitoldo.

gata est. Itaque hoc successu Olgerdi principes Christiani commoti, & calamitatibus Cruciferorum excitati, metuentesque, ne Olgerdus eodem impetu in universam Christianam Rempublicam irrueret, vires eius reprimere volentes, copias, quam possunt maximas, undique maximo apparatu contrahunt. Pontifex Clemens sextus conficit Bullas, tradit cruciatus, emittit litteras ad cunctos principes Christianos, hortatur, monet, expediant arma, eant tanquam ad extinguendum commune incendium à gentibus idolatricis ortum. Promittit indulgentias in forma plenissima: ita ut, qui tunc profiteretur militiam contra Lituanos, & Samogitas, iretque ad illud bellum, non secus id eum iuuaret, ac si Hierosolymam ipsam ad sepulchrum Domini, aut Romam ad Iubileum, vel Constantinopolim ad sepulchrum Diui Iacobi, votum peregrinationis impleret. Unde aestimare licet, cum quanto ardore tum administraretur illud bellum. Ideo superius alicubi dixi, quod aliquis molem istius belli Septemtrionalis pensitans, non absurde illud cum orientalibus, quæ ob recuperationem terræ sacræ suscipiebantur, comparauerit, vel etiam eis prætulerit. Nam ibi remotior, & per mare periculosior nauigatio fuit. hic propior & per terram tutior. Ideo tantum ibi 10. expeditiones nobiliores numerantur. Hic verò duplò plures, exceptis particularibus bellis, numerari possent. Ibi 100. annis bellum gestum fuit. hic ferè 200. durauit. Ibi perierunt 300000. hominum. hic etiam ad centenas myriadas numerus istorum ascendit. Sensit hos dolores non tantummodo Lituania, sed etiam ipsa parens nostra Polonia, ut mox patebit inferius, ubi bella Griualdica, Choiniciensia, & Marchionica narrabimus. Hæc ergo de indulgentiis cum perlata essent ad Germanos, Gallos, Anglos, Hungaros, & Electores Imperij, statim Ludouicus ipse Rex Hungarorum ducit exercitum per Poloniam (nam nepos fuit Cazimiri Magni) similiter Ioannes Rex Bohemorum, & comes Lucemburgensis cum Bohemis & Silesiis; sic & filius eius Marchio Morauie; sic Comes de Halles. auxilia item insularium Regum, Angliæ, & Daniæ aduenerunt. Sic Saxonie Dux, & Pomeraniæ, Marchio Brandenburgensis, & alij quam plurimi principes & supremi copiarum ductores undique conueniunt. qui ubi in Prusiæ campos conuenerunt, iam non opus erat Lituanis, eam hostilitate amplius vastare, & ad egestatem reducere. Nam isti ipsi tale exitium illi prouinciæ intulerunt, quale ab hoste crudelissimo quisquam expectaret. Reges igitur ad summam caritatem annonæ reducti increpato ipso Magistro, & obiurgato, quod malus Edilis annonæ fuisset, & quod ea, quæ ad victum pertinent, exercitui & equis nihil procurasset, quodque in eas angustias eos præcipitasset, domum redierunt.

Rodolphus Saxo tum Magister in Prussiam venit. Sed eam iam vasta tam inuenit.

Duo sacra bella conferuntur

Comedere
by eo
Siberby

munum redierunt. Quæ autem ipsi non vastauerant, Lituanii post illorum discesum vastarunt, ac funditus omnia deleuerunt, & solo æquarunt. Hic finis fuit illius expeditionis & sacri belli Lituanici. Interim incensores illarum calamitatum bella illa nobis funesta, & conflictus, veluti quædam ecuria & hastiludia, absque vlla commotione aut commiseratione inspectabant, alia post alia agmina submittentes, & bella ex bellis serentes; donec ad proelia Griualdica, & Choiniciensia cum Polonis res deuenit. ubi iam non de finibus tuendis, sed de summa rerum, deq; aris, & focus irato & furente Marte dimicatum est.

Quatuordecima expeditio.


Olgerdo successit Iagello. Quo autem tempore disidiis laborabat Polonia ob interregnum, eodem tempore & Lituania intestinis bellis occupata fuit. Kiestutus Dux accusatus apud Iagellonem à Voidilone plebeio homine, sed affinitate Iagellonis insolescente, delatorem comprehendit & in patibulum agit. Iagello talionem reddens, vicissim Birutam magni nominis senatorem, & ipsius Kiestuti socerum, ad patibulum trahit, & ante urbem in monte laqueo suspendi iubet. Neque hac vindicta satiat, ipsum Kiestutum in carcere necat, Vitoldoq; ipsi similiter fecisset, ni piæ vxoris arte ac beneficio seruatus fuisset; quæ inuisens virum, loco eius pedisequam, quam secum adduxerat, mutatis inuicem vestibus & habitu, in carcere discedens reliquit. Consequuta sunt inde tristia mala: Vitoldus ad Cruciferos transfugit; quatuor fratres Iagellonis partim strangulat, partim in profluentem deiecit, partim in patibulum agit, & manu propria crudeliter sagittis configit. Inde cum Magistro Prusie Valerodo, et Lancastro regis Angliæ fratre, stipatus Gallicis Anglicisq; præsidis, terra & vndis fluminis Nemæn, magnas copias ducit, ac primum Grodnam, deinde ipsam Vilnam tanquam hostilis urbs esset, nil patriæ miseratus, eam defendente primò præside Smogorseuio Polono, qui Procancellarius & Dux belli erat, post verò Olesnicio, acriter oppugnat. Olesnicius, ut arcem commodius defendat, urbem ipsam Vilnam flammis absumit. At Vitoldus interim nihil eorum, quæ ad summam crudelitatem restabant, omittit: absque vlla commiseratione, patriæ nutricis suæ incendia & depopulationes quotidie spectans. Quid putas quantum hominum tunc flamma ac ferro absumptum est? Annon bella hæc loco expeditionis maximæ censerî possunt? Nil iuuat apud Cruciferos, quòd per ea tempora Neophyti Christiani facti erant Lituanii, non profuit inquam, illis quidquam quòd nomina sua Christo dedissent. Amota tamen causa debuit cessare effectus. At illi, baptisato Iagellone, alios colores & prætextus belli inue-

tus belli inuenerunt. Et sicuti Moschus, nostro tempore, ansam belli con-
 tra Stephanum Regem quæritans, vendicare sibi Pomeraniam, Prus-
 siam, & Liuoniam cœpit ratione cuiusdam iuris successionis post Prus-
 sum Ducem prognatum suum, quem finxit Claudij Imperatoris fratrem
 fuisse. Ita tum illi destituti iusto prætextu belli, Primò dixerunt, sibi Li-
 tuaniam donatam fuisse à Mendoco illo, qui à Pontifice Rex nomina-
 tus fuerat. Secundò Samogitiam sibi vendicabant, quasi à Kiestuto ip-
 sis donata fuisset. Tertio Marchiam nouam pariter vendicabant, quasi
 ipsis a Marchionibus venditâ aliquot millibus grossorum Pragensium;
 quam venditionem prætendebant ipsis confirmatam fuisse ab Imperato-
 re. Qui nulli rei impensius studebant, quàm malignitati, rapinæ, ven-
 tri, & ijs quæ sub ventre sunt, Obliti interim Hierosolymæ, cuius de-
 fendendæ voto tenebantur, nec eis ea urbs in memoriam redibat vn-
 quam, nisi quando post commensationes & prandia, animi causa, per eius
 figuram terræ insculptam decurrebant. Vbi enim illis receptum erat vbi
 que in Prussia, in collibus editioribus prope arces nobiliores figuram
 quandam labyrintheam & intricatam terræ insculpere, quam Hiero-
 solymam vocabant, vt Grudenti & alibi etiam nunc videre est. Hanc
 ipsi, vel serui ipsorum coram eis, hilaritatis ergo, post pocula & crapu-
 las percurrerant, & hoc pacto religionem se solutos putabant, si pro de-
 fensione vera Hierusalem à Saracenis oppressæ, fictam ludibundi per-
 currerent. Hanc vanitatem illorum, & otium traducens Cazimirus
 tertius, haud illepidè in eos iocatus est, missa legatione ad Pontificem
 Pium secundum antea Æneam Syluium vocatum, rogans vt istos suos
 milites in insulam Tenedum in orientem deportandos curaret, defensu-
 ros ibi Christianos à Turcis, vt Regula illorum postulabat; quandoqui-
 dem iam, prudentia senatus Polonici, Septemtrio Baptismo sacro initi-
 atus esset, manusq; Christo dedisset. Nihil profuerunt hæc. Immo cum a-
 pertè non posset Pontifex, clam tamen per submissos oratores Crucife-
 ros istos in nostram gentem exacuebat. Sigismundus itidem rex Hun-
 garie & Imperator quomodo nutriuerit illa disidia inter Polonos, &
 Cruciferos, ex historia liquet. Nam Griualdici belli ipse fuit præcipu-
 us faber; & deinceps, quoad vixit, nihil aduersum nos de sua maligni-
 tate & hypocrisi remisit. Qui cum apud Hungaros captiuus detinere-
 tur, & opem à Wladislao Iagellone imploraret, Iagello, quò eum offici-
 is suis sibi deuinciret, & deprauatum animum eius sanaret, de liberan-
 do eo satagit & pecuniæ non exiguam vim mutui nomine ad eum mit-
 tit. Sed is tamen ea re minimè fuit placatus. Proinde vt par pari fratres
 Iagello & Vitoldus referrent, Bobemicos tumultus contra eum concita-
 uerunt, miso-

uerunt, misso nepote Coributo, qui se Bohemis aggregando, ducem se illis præbuit. At Sigismundus ad conuiuium euocatus Luceoriense, rursus machinatur mala. Nam ut Vitoldum cum Rege fratre committeret, & ab eo auelleret, coronam illi promittit, & titulum Regis Lituanicæ. Ita utrinque & Marte & Mercurio, & ferro & ingenio decertatur. Expostulante enim Sigismundo, quod Coributum Rex Wladislaus in Bohemiam submisisset, Vitoldus non à Rege, sed à se submissum fuisse prædicabat. Rursus ad Vitoldum conuersus & rogans, cur inique igitur ipse secum egerit: Vitoldus in ipsum culpam reijcit, quod nimirum infideliter amicitiam coleret. Ita ille vicissim rogatus, quare committere & collidere utramque nationem Polonicam & Lituanicam intempestiua honorum delatione sategerit, negauit is palam; sed tamen clam inter suos iactabat, se inter istos duos canes, Vitoldum nempe & Iagellonem, os iniecturum esse, cuius uterque arrodendi cupiditate inuicem sese mordendo deuorarent. Merito igitur cum turpiter sæpius maleuolentiæ exempla erga nostras gentes edidisset, à Bohemis pro hoste nationum lingua Dalmaticæ declaratus fuit: Sed & Pius Papa non dissimili ratione, ut diximus, in nostras gentes peccans, à scriptoribus historiæ nostræ eiusdem malignitatis accusatur. Sed iam, quia nobis legem breuitatis imposuimus, ommissa descriptione prolixiore expeditionum istarum, per seriem decem sequentium comitiorum, incipientes à coronatione Iagellonis, res Lituanicas summam scribemus.

Insequenti anno Cruciferi, aucti numero militum, ex Germania Cuiuiam populatum eunt. Breste autem obsident. Contra quos bonus Senetio iterum exercitum ducit. Videbant tunc Cruciferi oppida & pagos incensos, & ubiuis incendiorum flammæ collucescentes. Ideo irritatus Magister Lutherus Crucifericus, proelio cum Rege decernere voluit. Sed à Commendatoribus ab ea temeritate retractus fuit. Caduceatore igitur misso, à credulo Rege annuas inducias impetrant. Ne tamen Rex nihil egisse cum illo exercitu videretur, ut Syllesios vlcisceretur, qui superiore anno Polonia terrorem armis incutere voluerant, copias duxit. Vbi, cum omnes pauore confternati in arcibus latere vellent, quinquaginta & amplius munitiones eorum cepit. Reuersus ab eo bello Cracouiam, donatis ac dimissis auxiliariis, languere coepit. ac sensim inualecente morbo, ubi imminere mortem sibi sensit, ritu christiano sacris mysteriis confirmatus est. Deinde, quæ disponenda restabant in gubernando principatu, peragens, Cazimirum filium ad colendam iustitiam hortatur; eumque proceribus assidentibus languida voce commendat, utque eum post se Regem creare velint, rogat. Post hæc in Martio, qui mensis senibus

mensis senibus exitialis esse solet, extremum diem clausit, & in Basilica Cracouiensi ad læuam aræ maximæ sepultus est. Sed inscriptio in eius sepulchro nulla apparet; sicuti nec in Cazimiri Magni. An quia contempserit honores istos caducos, an verò quòd intus in monumento incisum sit aliquid, quod doceat, cuius illud sepulchrum sit, ignoro. Regnavit post coronationem suam annis tredecim, & paulò amplius, Princeps singulari prudentia, patientia, mansuetudine animi præditus, aduentibus perfacilis, statura pusilla, sed animi celsitudine peramplus. De quo rectissimè scriptum est: Fuisse eum animi magnitudine tanta, usque ad decrepitam ætatem, & virtute adeò eccellente, ut cum maximis regibus rectè comparari possit, & eò quidem magis, quòd turbulentius & mutilatius regnum accepisset. Præcessit hunc paulò Vincentius ille Samotulius, qui & hostilitatis & commiserationis erga patriam suam exemplum in se reliquit. non tamen impunè ei cessit illa præuaricatio aduersus parentem suam Poloniam. Nam, licet posterioribus ausis superius ab se patratum facinus oblitterasse se iam crederet; tamen commemoratio incendiorum patriæ, & iustus dolor ad eam diem seruatus ob amissos sanguine iunctos, & rei familiaris detrimentum eius opera acceptum, ita quosdam contra eum extimulauerat, ut sibi aliter satisfactum iri nequaquam persuaderent, nisi eum tanquam autorem illarum belli superioris calamitatum è medio tollerent. Plus enim apud offensos seruatus & continuatus dolor præteritorum malorum, quàm præsentium beneficiorum & meritum obsequiorum, valere solet.



LIBER SEPTIMVS,

in quo comprehenditur historia Polonica incipiens à temporibus Cazimiri Magni Regis Poloniæ, vsque ad Stephani primi tempora sub quo hæc in lucem eduntur.

PROOEMIUM.

NAM omnes videre possunt, quam aptè hæc distinctio librorum huic historiæ quadret. Quod autem à Cazimiro Magno septimus liber incipiat, causa est, non modò quòd Poloniæ regnum ad interitum spectare incipiens, ob dominorum pluralitatem, eorumque discordiis distractum, & in multas portiunculas diuisum, rursus in unam monarchiam reunitum est: sed etiam quòd ab hoc rege legibus reformatum, pacis artibus recreatum, muris & varijs munitionibus instauratum fuit. quo nomine, Magnus vt vocaretur, meruit Cazimirus.

CAZIMIRVS MAGNVS.

Anno ab orbe condito
Anno Christi

5295.
1333.

Cazimirus Rex cum vxore coronatur; etiamsi Hedwigis Cazimiri mater, se regina superstite, negabat eam debere coronari. Sed hic scrupulus statim exemptus est, exorata matre à Cazimiro. Quæ, vt nihil dubii relinqueret, & deciam antiquâ secessit, diui Francisci institutum professa. Ioannes Melstinius, Iascus dictus, Regi iuuenilium cõsiliorum moderator est datus. Nix hoc anno sub finem Aprilis, quæ 5. diebus durauit, magnam fertilitatem præter expectationem omnium attulit. Locustarum enim etiam vis magna in Poloniam postea aduolauerat. Cum autem Cruciferi sententia lata à regib. Hungariæ & Bohemiæ, eiusque conditionibus non starent, missus est legatus ad Pontificem Ioannes Grotus Slupecius Episcopus Cracouiensis, qui apud Benedictum duodecimum perfecit, vt duos Prælatos mitteret, qui Polonorum Regi Cuiuam, & Dobrinum redderent, & decem millia florenorum adiudicata numerari à Cruciferis curarent. Cruciferi verò, ne arbitrorum decreto, aut Pontificis mandatis parendi necessitate tam feruidè vrgerentur, perfecerunt apud Lodouicum Cæsarem, vt is Cruciferis, & Magistro ordinis Theodorico, poena adiecta, interdiceret, ne cuiusquam præcepto quicquã de iis terris, quas ab Imperio

*Nix in fine
aprilis
Moderator
iuuenilium Ca-
zimiri consilio
rum Iascus
Melstinius.
Locustæ
in Polonia*

ab Imperio haberent, cuiquam cōcederent, neſſe apud vllōs iudices de iis diſceptarent prāter aſſenſum ipſius. Indignabantur enim Imperatores & ægerrimè ferebant, iura Imperialia à Pontificibus attingi. Sed optimè excipi poterat, nihil hīc in Imperatorē peccari, cum eas terras, de quibus lis erat, non ab Imperatoribus, ſed à Polonia Regibus haberent. Conſederunt tandem iudices Wraſſlauiæ, & Caſimiro adiudicarunt Pomeraniam, Cuiauiam, Dobrinum, Culmenſe & Michalouienſe territoria. Pecuniamq; pro damnis maximam ei Cruciferi dare ſunt damnati; & quia iudicatum non præſtiterunt, anathemate percuſſi ſunt. Dimicatum eſt poſtea, alternante fortuna victorias. Habitaq; ſunt Comitia Cracouiæ; in quibus Carolus rex Hungariæ ſucceſſor designat⁹ Caſimiro. & declaratum eſt, Sylleſios defectione ſua ad Bohemos ſeſe hoc honore ſucceſſionis indignos reddidiſſe. Sequentem annum Ruſſia Meridionalis ſubacta, & ad Palatinatum formam redacta, inſignem facit. Cumq; Leopolim Caſimirus in ſuam poteſtatem redegiſſet, hoc vnum Ruſſi ſunt pacti, vt retinere ſibi veteres religionis ritus liceret. Ingens vis auri, argenti, gemmarum, vetuſta Ruſſorum Ducum gaza, in iis arcibus reperta eſt. in qua inſignes erant duæ cruces aureæ plurimis & pretioſis gemmis diſtinctæ. Ad hæc duo diademata cum ſella & veſte auro gemmisq; rigente. Hæc omnia Caſimirus ſecum in Poloniam aſportauit. Hi autem ſucceſſus animum eius poſtea deprauarunt. Nam, ablegata Zarnoueciam vxore legitima Heduigi, Heſſorum Principis filia, totum ſe libidini tradidit. ita vt etiam cōditiones pacis iniquas à Cruciferis, ſolis Episcopis reclamantibus, acceperit; quò ſic ocioſus liberiùs voluptatibus indulgere poſſet.

1345. Iohannes rex Bohemiæ ille, qui Sylleſiam noſtris detraxerat, Poloniæ intulit bellū tanto ardore, vt cum ſenio, laboribusq; confectus eſſet, ac alterum quoque oculum iam amiſiſſet, tamen libenter ſe moriturum tum affirmaret, cum Cracouiæ muros manu victrice palpaſſet. ſed cum ſpes feſellit, exercitu eius à Polonis partim diſſipato, partim proſtigato. Cecidit in eo proelio ex Bohemis Zagliz Ptafzek, & Alzo Sramberg. capti quamplurimi. Palma rei bene geſtæ Prædotæ Galcæ, gente Odreuſia, data, & Toporo Hincōni, qui ita dictus fuit ab Hincōne Bohemo ſpectatæ nobilitatis viro, quem in conſictu ceperat. Ioannes ipſe Rex paulò poſt in bello Anglico in Gallia interfectus occubuit.

1346. Comitia illa Viſſicienſia celebrata, quibus Palatinorum, & iudicum infinita poteſtas certis cancellis cōercita eſt; vt non ex moribus, aut libidine ſua, ſed è ſcripto iure deinde iudicarent. Certæ etiam mercedes eis, & aliis adminiſtris iudiciorum conſtitutæ ſunt; vt ne quid præterea à litigantibus exigerent, mulctæq; quas iu-

Iura Imperialia & Pontificalia.

AB.

1343.

dicentes arbitrato suo dicebant, & exigebant, definitæ, Ad hæc sublati mos barbarus iurisiurandi conceptis verbis dandi, in quo si quis vel verbo lapsus esset, atq; adeo si titubasset, causa, quantumvis iusta, cadebat.

1346. Cazimirus nouum oppidum Cracouiæ iunctum condidit, & de suo nomine Cazimiriam appellauit; cum antea Bauolus pagus diceretur.

1349. Russicum bellum in quo Cazimirus magna foelicitate usus est; vna æstate expugnatis Lusco, Wladimiria, Breste, Chelino, Volinia omni, Belzensi, Brestensiq; tractu: Hæc sibi Lubartus, & Keistutus, ductis vxoribus stirpis Russiæ ducum, vsurpauerant. Postea Ludouicum Hungariæ regem successorem in regno sibi designauit. Hungarici verò reges iure suo in Russiam, quod adhuc somniabant post Colomanum, cesserant. Reuersus ex Russia Cazimirus, secundis rebus, laudibusque hominum elatus, rursus damnatæ libidini se tradidit, palam cōcubinas in arce Cressovv & Opoczno alendo. ob

Bariczka Vicarius Ecclesiæ Cracouiensis

quam rem Martinum Bariczkam vnum de Vicariis Crac. missum, vt regem de ipsius facinorib. admoneret, vix id facere ausum statim in profluentem Vistulæ demergi iussit. Et mirum est, quod in albū martyrum non fuerit relatus. Propter quod nefas Regis, poenæ epidemicæ consecutæ sunt. Pestis præsertim exitialis; quæ miseros mortales passim absumebat, & in quintum diem prolata, carbunculis, & apostematis enecabat. A quibusdam creditum est, eam à Iudæis, infectis veneno fontibus, effectam fuisse. Non modò autem in ipsa Polonia, sed in aliis quoque prouinciis eadem lues inualescebat. Tartari etiam aliquoties Russorum terras infestârunt. Et vix Tartaris cessantibus, Litواني idem ausi subingrediuntur, trāsmissis copiis per Istulam, vadum eis monstrantibus nostris. His tot calamitatibus edomitus Cazimirus rediit ad se; & crimen necati sacerdotis agnouit. missoque legato ad Pontificem, absolutionem, & decimas omnium decimarum in subsidium aduersus Barbaros sibi impetravit.

Decimas rex non aude sibi usurpare sed à Pontifice impetrat.

Nix non eo tempore

1353. Cum Martius, Aprilis, & Maius vltra medium, verno ac pene æstiuo calore ad calamos, & aristas segetes perduxisset, coorto de repente acri frigore & gelu, nix duos cubitos alta terras operuit, & in sextum vsque diem durauit. Et cum omnes iam existimarent, segetes corruptas, vbertas frugum præter spem tanta coorta est, quanta vix vnquam aliàs fuit.

1355. Missi ad Ludouicum Regem Hungarorum legati nomine toti⁹ Poloniæ, retulerunt diploma eius, quo is recepit, nunquam se, neque posteros suos vllum tributum, aut exactionem vlli ordini Polonorum, neque sacro neque profano, imperaturum; neque iter facientem cuiquam oneri omnino futurum. Præterea damna ac detrimenta

trimenta in expeditionibus, quæ sunt ultra fines, accepta, omnibus compensaturum. Hæc sunt, quæ ordini nobilium Rex Ludouicus ante regnum initum concessit. Accessit eodem anno Mazouia ad societatem ceteræ Poloniæ: & regiæ authoritati sese subdidit. Veniens enim Calissiam Ziemouitus Dux Mazouiorum vnâ cum prouinciæ cunctis ordinibus, ad sextum calendas Ianuarii publicè vexillum ad pedes Regis proiecit, & in verba eius aliorumq; deinceps regum Poloniæ iurauit. Ad hæc obsignatis tabulis subiectionem suam testatus est. Eodem tempore ex Germania coloni in Russiam à rege acciti, oppidis & pagis in Pedemontana regione seu Podgorze ad imitationem Germanorum nomina imposuerant. qualia sunt Lembur-ga, Landeschutum, Pislina, Gerlica, Freistadia, Hicinum, Ticinum, & consimilia. Superiùs autem monstratum est, Bastarnas iisdem in locis prorsus consedisse, quibus etiam hæc palma tribuebatur ante mille annos, quòd reliquis Sarmatis diligentiores patresfamilias essent. Cum ergo hanc laudem auitam atque antiquissimam hic angulus Sarmatiarum habuerit, non est mirum, quòd nunc toti Poloniæ abundè equos, pecora, linum, copiam butyri, caseorum, & similium rerum suppeditet. Amauit hic princeps supra modum ordinem ciuium & agrestium; ita vt vulgò Rex rusticorum vocaretur. Nec ipsos modò Teuthonas iure suo Saxonico siue Magdeburgensi vti permisit; sed suis quoque Polonis id ipsum indulgit. Quoniam verò ab iis iudiciis ad Magdeburgensè tribunal in Germaniam vsque prouocabatur, non sine quadam ignominia Poloni nominis & magno dispendio litigantium, sustulit eam prouocationem Cazimirus. & in arce Cracouiensi supremum & prouinciale iudicium Teuthonicum constituit, ad quod prouocationes omnes ab inferioribus iubfelliis ex tota Polonia fierent. Cui quidem iudicio præsidet peritus eius iuris Aduocatus vnâ cum septem Scabinis (sic enim appellari quæstorem cum iudicibus vsitatum est,) quos magnus Procurator arcis delegit, ab eoque iudicio ad Regem prouocatio permittitur. Sed, quando causæ cognitio binis sex oppidorum siue ciuitatum decurionibus seu consulibus delegatur, ab iis prouocatio nulla est.

1356. Hedugis Regina, cum Zarnoueciam Castellum ablegata quindecim annos ibi, honestè tamen & lautè habita, vixisset, ad extremum à patre, nemine prohibente, domum reducta est.

Borcouicius Palatinus Posnaniensis biennio post mortem reginæ Hedugis in Olstiniensem arcem deportatus, in tetro & obscuro carcere inedia vitam finiuit. cuius exemplo contreriti homines malefici, ac prædones, non mediocriter coerciti sunt.

1358. Nec diu cunctatus Cazimirus, tertio uxorem ducit, Hedugem & ipsam Henrici Glogouiensis Ducis filiam.

*Tribunal ciuili-
um caesarum
constitutum,
quemadmo-
dum nunc Pe-
tricius & Le-
blini cause no-
bilitate iudican-
tur.*

*Compositio in-
ter status.*

1359. Hoc anno Rex & Iaroslavus cognomento Bogoria Archiepiscopus Gnesnensis inter nobilitatem Cracouiensem, Sedomiriensemque, & Bozentam Episcopum Cracouiensem, de iure decimarum, de iurisdictione ecclesiasticorum iudicum, de nouis parœciis instituendis, de moderandis immunitatibus Clericorum, & consimilibus controuersiis agunt, atque componunt, ipsisq; libertatum suarum patronis abusus suos, excessusque amicè modificantibus, concordiam conciliat. Nondum desierat ira Dei grassari ob delictum Regis, etiam si cum Pontifice Romano Cazimirus in concordiam iam redierat. Nam à Valachis Poloni ignominiosè sunt profligati strategemate quodā, quod compedes Vegetius vocat. Id fit in hunc modum: Inciduntur ab agrestibus robora in syluis, ita tamen, ut truncis suis adhuc utcunque cohæreant. Vbi verò iam eas syluas agmina hostiū ingrediuntur, tunc agrestes planè succidunt extrema ipsisque citima robora, eaq; impellunt, ut sic reliqua omnia deinceps sese impellant ac mutuò collidant. Ita ruina obruti, qui ingressi fuerint, pariter imbelles cum fortissimis cōcidunt, & ex illa maxima strue lignorum, tanquam capones ex corte educti mactantur. Effodiuntur etiam scrobes in orbitis viarum, & cespitibus adoperiuntur, ut currus, & alia impedimenta vnā cum rotis deprimantur, retardenturq;. Adiciuntur & terriculamenta quædam, quibus ducentes exercitus, sub lato clamore, faciliè in pauorem & trepidationem impelluntur. Hoc accidit nostris, iisdem fere in locis, primū, ut dictum est, sub Cazimiro Magno, & postea etiam Iohannis Alberti Regis temporibus, quando prioribus cladibus attriti, cautiores esse nolebant. Iam nunc nostri experientia edocti prudentiores sunt. Etenim transmissuri exercitum, præmittere solent exploratum aliquot turmas equitum leuioris armaturæ, qui occupant loca in illis syluis natura magis munita. Et, si viderint aliquod periculum, recurrunt ad suos vel in tempore præmonent vniuersum exercitum. Si verò aliqui interim ex Valachis occurrerint, sustinent eos leuioribus certaminibus, donec auxilia submittantur. Ac ita securè transitus exercitui patet. Redeo iam ad historiam. Ad hanc externam cladem nostrorum accesserunt & domesticæ strages. pestilentia nimirum tanta, ut in sola vrbe Cracouiensi nondum ita frequenti, ut nunc est, viginti millia mortuorum censa esse dicantur. Magis autem in nobiles & locupletes, quàm in vulgus grassata est hæc lues. cum alioquin, quemadmodum experientia docet, sapius eueniat ut in bello quidem nobiliores, in peste verò plebem Deus ad poenam exposcat.

1364. Cazimirus Rex missis Auinionem ad Urbanum quintum Pontificem oratoribus duobus impetrauit: Alterum, ut in Russia cathedra metropolitana erigeretur: alterum, ut Cracouiæ noua Academia exemplo

*Compedum
struendorum
modus.*

*Thodzin po
max dr au
po dypu h
v str ob arch*

*Tam
in fo
ma*

demia exemplo Caroli Imperatoris, qui idem Prage in Bohemia nō ita pridem prastiterat, institueretur. Vtrumq; inquam, impetrat; & mox perficit. Quanquam Academiae coeptum opus morte Cazimiri intermisum fuit. vt tam pii, & tam sancti instituti atque operis la gello Wladislaus postea particeps, Deo sic prastituente, redderetur. Eodem anno, visitando ecclesias Archiepiscopus Iarosslaus, contro- uersiam veterem de decimis, tanquam vlcus prius malè sanatum, cu rare vult; & cicatricem obducere tentat, per compromissum litem dirimens. Eodem anno Wratisslauia fortuito incendio conflagrat. Fames etiam Poloniam inuasit, quæ cura ac diligentia Regis mitiga ta est. Horrea enim sua & granaria referta aperuit in gratiam plebis. Sic alii cōmutatione rerum, alii opus faciendo, qui verò ditiores e rant, pecunia emendo, sibi facile annonam comparabant. Itaque hoc tempore complures arces in Polonia, & oppida muris, vallis, atque fossis munita, piscinæ, aggeres, & aquæductus multis in locis facti. Ex quibus est ille, qui Bochnam vltque per quinque miliaria duci est institut⁹; quò deriuata & immissa aqua ex Vistula, sal, ligna, ac cæteræ merces vltro citroq; nauibus, vel ratibus deportarentur. Præbuit ergo Cazimirus sequentib. regibus exemplum, vt non mo dō in folio diademate & aliis regni insignibus ornati sederent, nec tantum Martis cruenta facta meditarentur; sed etiam œconomicis factis aliquando vacarent. vtq; non modò exactionibus & teloniis, sed etiam emolumentis suo ipsorum ingenio partis se viuere meri tō gloriari possent. Hoc sanè præstitit Cazimirus. qui tali sua indu stria effecit, vt anno sequenti, cōuiuuium memorabile illud celebra n do, splendorem gloriæ suæ auxerit, exteris regibus id spectantibus, & non sine admiratione contemplantibus. Pontifex autem maxim⁹ Urbanus, mitigatis tum regum animis, non modò pacem inter inimi cos, verum etiam affinitatem conciliauit; effecitque, vt Carolus Im perator neptem Cazimiri Regis Elizabetam Boguslai filiam, vx o rem quartam duceret. Tertiam enim Annam Bernardi Syvidnicien sis Ducis filiam, acceperat; ex qua Wenceslaum filium suscep erat. Cum hac Syvidnicensem dominatum, supremum Syllesiæ spoliū. Poloniae detractum, sibi acquisiuit.

*Visitatio Ar-
chiepiscopalia.*

*Fames
in Polo
nia*

Nuptiarum descriptio ex D. Cromero.

Conueniunt eò inuitati à Cazimiro Reges, Ludouicus Hunga rorum, Sigismundus Gothorum siue Danorum, & Petrus Cyprio rum, Ponto & aduerso Histro in Valachiam, & inde terrestri itinere per Russiam Cracouiam aduectus. Præterea Duces, Otho Bauaro rum, Ziemouitus Mazouiorum, Boleslaus Syvidnicensium Bernar di defuncti frater, Wladislaus Opoliensium, & Boguslaus cum spon sa filia. Ad

*Ceremonia Re-
gum & Prin-
cipum obuiam
euntium Impe-
ratori.*

sa filia. Ad extremum venit Carolus cum splendido comitatu. Cui venienti omnes principes, atque reges cum Cazimiro Cracouia ad vnum miliare obuiam profecti sunt; & non modicum spatium pedibus progressi, quod idem facere Imperatorem cognouerant, amicè inter se consalutarunt. Cum autem ibi appropinquaret, Carol⁹ sponfam cum patre, & magna puellarum & matronarum caterua obuiam habuit, deductusque cum ingenti pompa, in arcem Cazimiro petente, diuertit. Cæteris in vrbe hospitia distributa. Omnes hi principes aduenientes, in extremis Poloniae finibus Cazimiri iussu comiter & perhumanè accepti ac deducti, liberaliter & magnificentissimè habitati sunt: durantibus vsque in vicesimum diem nuptiis, & conuiujs. Et cum abunde omnia ad sumtum suppeditaretur hospitibus, regiorum procuratorum atq; dispensatorum prouidentia; tamen ne quid magnificentiae desideraretur, magna dolia in foro vrbis collocata sunt; alia vini, alia auenæ plena, vnde sumerent, quantum quisque vellet. Præerat autem procuratoribus, ac dispensatoribus omnibus regiis Verincus Germanus Cōsul Cracouiensis: quem Cazimirus propter singularem industriam, atq; dexteritatem in rebus agendis thesauro suo præfecerat, & omnium cōsiliiorum suorum non modò participem, sed moderatorem propemodum habebat. Is igitur cū esset ditissimus, nō habuit satis nuptias illas regio nomine quā splendidissimè administrare; sed, vt suam quoq; magnificentiam Poloniæ adderet, Imperatori, Regibus, Ducibus, & proceribus eorum domi suæ conuiuium magno apparatu dedit, & ampla munera omnibus largitus est. Inprimis autem Regi suo Cazimiro; ita vt, quæ ei donauit, plus centum millibus florenorum æstimata esse dicantur. Nuptiis ritè peractis, & foedere sempiterno inter Reges icto, ac iure iurando firmato, & missis inter se vtrò citroque amplissimis muneribus, domos quisque suas disceserunt, ad fines vsque regni à Polonis proceribus deducti. Post hanc Cazimiri cum regibus solenniter initam amicitiam, omnes vicini, depositis armis, eum prensabant & se fidei eius committebant. Ex quibus Georgio Belzensium Duci, cum se imperata facturum promitteret, concessit, vt ditionem suam retineret. Quin & Chelmensem arcem de Lituaniis captam Cazimirus ei adiecit. Eadem expeditione, quam in Russiam susceperat, Lusum, Wladimiriam, Olesum arces in iurisdictionem suam redegit. Cruciferi etiam, cū in Prussiam suscepisset iter videndi Magdeburgi gratia, vt ad eius, aliarumque vrbium exemplum Poloniā magis cultam redderet, perhumaniter & honorificè eum acceperunt; ac mansuetudine, & prudentia eius victi, submissionem erga eum testati sunt tantam, quātum antea armis nullus regum Poloniae sibi apud eos conciliare potuit.

*Georgius dux
Belzensium.*

1370. Sic igitur ad summum gloriæ culmen cazimirus regno perducto, & sibi æterna fama acquisita, anno 1370. Predboriæ, cum venatum die festo ad proximam syluam, frustra dissuadentibus aliis, abiisset, fugientemque ceruum insequeretur, equo, quo vehebatur, cum impetu labente ipsius corpus, cum carnosum esset, conquassatum est. Relatus est Predboriam, & postea Sedomiriam, indies febri inualescente, præsertim cum iam frigida aqua, iam mulso uteretur, nec à medicis præscriptam sibi victus rationem seruaret. Cracouiam deinde delatus, quærit ex medico Mathæo, num iam Cracouiæ certam sanitatem medici polliciti erant. Quæsiuit postea, an aliqua spes eius valetudinis superesset. Cumque animaduerneret, medicos more suo bona spe ægotantem ductare, testamentum condidit, in quo multa multis largitus est, & præsertim Gnesnensi & Poshniansi ecclesiæ. Cracouiensi verò crucem alteram insignem auream ex duabus, quas Leopoli deportauerat. Executionem testamenti Iohanni Strelcio Decano Cracouiensi & Cancellario regni, Suchivilko dicto, commisit. Ad extremum in Christiana religione, ut Christianum decet, mortuus est, & in Basilica Cracouiensi ad dextram aræ maximæ honorificè sepultus, sub imagine sculpta in marmore. Vixit sexaginta; regnavit annos triginta septem. pacis artibus clarus, sed & bellicæ laudis non expers. Nam Mazouiam, Russiamque regno adiecit; & quæ alii bellis cruentis præstare non poterant, ille consiliis salutaribus commodè perfecit. Oppida cinxit muris triginta, arces ferè quadraginta: monasteria complura. Academia Cracouiensis fundamenta iecit, aquæductus, & piscinas extruxit, quamquam hæc cura posteriorum regum potius fuit. Sed & hanc ipse non est aspernatus, iuxta illud: Quæ singula non iuuant, coniuncta multa iuuarint. Tabernæ mercatorum, & propolium in foro Cracouiensi eius est opus. Sed quod maximum vallum est Reipub. & firmamentum fortissimum, leges egregias promulgauit; & laqueos earum, & alia barbarica instituta summa cum dexteritate rescuit. Adeuntibus facilis; querimonias etiam infimorum, ubi ipsi tenuiores homines difficiles se præbere solent, ille constanti temporis spatio ad id constituto, per benignè audiuit. Tenuiores à potentiorum vi & iniuria sedulò vindicabat; ita ut æquior plebi, quam nobilitati esse videretur. in moribus elegans. Poloniam bellis, & aliis calamitatibus vastatam & infrequentem, populosiorem reddidit. Cæterum in vita domestica non deerant ei sua vitia. In cibo, & potu intemperans; & inde in libidines ruebat. Nam præter greges cōcubinarum, asseruabat Bohemam quandam Recheanam, captus eius pulchritudine. qua cum aliter potiri non posset, conceptis verbis vxorem eam se ducturum promisit: confirmante

*Leges Cazimiri
rianæ.*

fit: confirmante id Abbate Tinecensi, quem mulier illa cum vidisset tiara ornatum, Episcopum Cracouiensem esse credidit. Sed & hanc cum deinde caluam & scabiosam comperisset, eiecit, & Iudææ cuiusdam Hester consuetudine vsus est. Itaque iusta Dei poena, nulla mascula prole, exceptis nothis, relicta, decessit. Sacerdotes tamen continentes, licet ipse incontinens, singulari fauore persecutus est. Statura fuit procera, licet paruulo patre natus, eaque corpulenta; capillo denso & crispo; promissa barba; voce sonora: sed balb^o aliquantulum. Quæ forma & corporis habitus Cazimiri Magni, prorsus cum Cazimiri primi forma corporisque habitu conuenit. ita vt isti duo principes, vt nomine, ita & persona simillimi inter se fuisse videantur.

LVDÖVICVS HUNGARORVM & Polonorum Rex.

Anno ab orbe condito
Anno Christi

5332.
1370

Quia non vitas regum Poloniae, sed Polonorum, res gestas iuxta annalium normam describere ab initio proposuimus, ideo à Ludouici rebus gestis in Hungaria abstinemus. immorabimur autem iis tantum rebus, quæ ad Poloniae regnum spectare potissimum videbuntur. Magno tunc dolore Polonos occupatos fuisse, nemo est qui non videat. Nam iis, qui indigenis regibus antehac parere didicerant, nunc externo regi se subdere graue & onerosum erat. Accedebat eò, quod Mazouii ad prædas accurrebant: Sætocum & alia sibi vendicando. Lituani etiam, rati se nactos commodam occasionem, Volinia capta, progrediuntur ad Istulam; & tandem vsque ad intima Poloniae, vbi est Lissecense monasterium omnia diripiunt. Itaque Poloni, cum aliunde nihil opis sperandum restaret, mittunt oratum Ludouicum, ne cunctetur, sed quamprimum, ad capeßendum iam sibi destinatum regnum veniat. Quod cum & procures Hungari instantes suaderent, respondisse fertur: Non satis intelligere, neque hos, quid suadeant, neque illos, quid petant. Prospiciebat enim è re neutrorum id fore. Nam sicuti duobus gregibus non expedit vnum pastorem habere; ita duas Respub. vix vlla ratione sine alterius incommodo ab vno administrari posse existimabat. Venit tamen ad nos. cui frequentes Poloni ad Sædeciam obuiam progressi, eum exceperunt. Rogatus publicè à Iohanne cancellario, an testamentum regis Cazimiri ratum esse iuberet, præcipitanter assensus est. Nam immodicæ donationes mortui regis sine magno damno Reipub. præstari non poterant. Ideo postea ipsemet de iis, quæ nothis filiis Cazimirus legauerat, apud terrestres iudices (vt vocant) disceptandum

sceptandum esse censuit. De eius coronatione à maioribus Polonis scrupulus iniectus est. Hi enim contendebant, ut Gnesnæ veteri more fieret. sed Ludouicus proximorum regum Wladislai aui, & Cazimiri auunculi exemplum ea in re secuturum se esse dixit. Coronatus est itaq; Cracouię ab Archiepiscopo Gnesnensi decimosextimo die Nouembris: Nec tamen desiderium Cazimiri defuncti regis ex animis hominum Rex nouus euulsit; imò plus etiam auxit. cum non modò (in quo valde dissimilis Cazimiro erat) aditus ad eum difficiles essent; sed ne adiri quidē à nostris sine interprete posset. Nam tum lingua Latina non ita fuit, ut nunc, usitata Polonis. Commemoratur autem, quòd circa eius coronationem à Wladislao Opoliensi, & Cazimiro Stetinesi Duce iusiurandum acceperit, quod perpetuò in potestate ipsius, & regum Poloniae deinceps futuri essent. Vide Dlugossum. Exequias deinde magnificentissimas & sumptuosissimas auunculo apparauit. ubi infinita penè hominum multitudo lachrymis, planctu, eiulatu, ingens defuncti regis desiderium testata est. praesertim, quòd vnà cum eo successionem regum suorum vetustissimorum iam inde à Piaſto haecenus deductam & continuatam, abruptam atque extinctam esse cerneret. Hoc cum Ludouicus probè animaduertisset, veritus ne aliquam filiae Cazimiri nouandarum rerum occasionem Polonis darent, ablegauit eas in Hungariā. & constituto ibi iudicio, perfecit, ut non ex iusta vxore natæ, ideoque hæreditatis paternæ incapaces pronunciaretur. Quod sanè ingrati hominis facinor, ex iusta diuini numinis vindicta extitisse videri potest, ut filiae Cazimiri paternarum libidinum, & stupri ingenuæ puellæ Feliciani filiae oblata in eodem pene loco, quo ille deliquerat, poenas luerent. Abiit postea Ludouicus ex Polonia, Elizabetæ reginæ matri administratione regni commissa. At Goluchouius postmodum motus est praefectura maioris Poloniae, & Otho Pilecius cōtra leges ei substitutus. Sequenti anno Iaroslau⁹ cæcus abdicauit se Archiepiscopatu. Memoratur etiam de eo illud excelsi animi facinus; quòd, cum iuuenis adhuc Bononiensis Academiae Rector esset, transtulit inde Academiam sua authoritate, propter Britannum siue Anglum quendam scholasticum à magistratu vrbis capite plexum. nec prius eam restituit, quàm pro cæde illa Angli satisfactum esset. Fertur autem Iaroslau⁹ mandasse moriens, ut cadauer suum non ostio, sed pertuso pariete in Basilicam sepeliendum inferretur. quòd non ritè, neque legitime Archiepiscopum se factum esse diceret.

1374. Leges quædam & libertates à Ludouico ordini nobilium datae. Primò, ut vestigialis nomine subditi nobilium non nisi binos grosos in singula iugera quotannis darent; cum antea duodecim dare consueissent. Secundò ut nobiles à reliquis pensionibus, & one

Terrestres iudices inter regem, & posteros Cazimiri iudicant.

Stetinesis & Opoliensis ducis iusiurandum.

Ingratitudo Ludouici regis poena Cazimiri libidinum.

Iaroslai Archiepiscopi facta.

Capita libertatum à Ludouico concessa.

ribus deinceps liberi essent, eorumque subditi perpetuam vacationem & immunitatem haberent. Tertiò ne rex vllum magistratum perpetuum siue honores aboleat, neue extero homini cuiquam conferat; ac ne præfecturam quidem arcis cuiusquam, aut oppidi. Addunt quidam expositionem. Quæ iurisdictionem adiunctam haberet. Easdem præfecturas nemini ex Ducum illustri genere orto se daturum promittit. Hæc Casouia Ludouic⁹ Rex sancit, ordinibus cunctis Poloniae assentientibus. Tamen si Episcopi ne eos quidem binos grossos concedere volebant, defendentes se Boleslai Pudici remissione. Hæc ille cum præstitisset, Poloni vicissim annuerunt eius votis, ut alterutra filiarum eius post ipsum in Polonia regnaret.

*Wladislaus ex
genere Piaſti
Endiuioni in
monasterio.*

1375. Secuti sunt motus quidam in regno, quorum causa fuit Wladislai Cuiauiensis Ducis in Poloniam reuocatio. Hic enim non contentus fortuna sua, abdiderat se in monasterium Endiuioni. Cuius recordati quidam ex Polonis, cum angerentur supra modum ob dominatum externi regis, hunc, utpote qui solus ex legitimis successoribus Piaſti remanserat, ex monasterio reuocant. Veniens igitur molitus est nonnulla, sed quia inuitis satis hæc fiebant, nequaquam ei eiusque a seclis consilium successit. Rediit igitur Endiuionem, spreta Abbatia, quam ei Ludouicus homini gratificaturus in Hungaria dederat. ibique denuo cucullam sumpsit. Narrauit mihi vir Magnus quidam ex maiore Polonia, illustri loco natus, se istuc vidisse monumentum Wladislai istius (quamquam ipse putabat esse Boleslai Audacis) cui Epitaphium tale inscriptum fuit: **W LADISLAVS REX POLONIAE HVC DELATVS ET MORTVVS HIC SEPELIRI VOLVIT, &c.** Elizabetha Ludouici mater ex Dalmatia reuersa in Poloniam, cum ei de Lituorum incursionibus referretur, muliebri leuitate laborans, quietos & securos omnes esse iubet, inquiens: Filium suum tam longis grauib⁹que esse manibus, ut solum nomen eius non modò Lituani, sed cunctæ circumcirca nationes contremiscant. Interea ipsa musicis & choreis erat dedita. Tunc etiam ille tristis casus accidit, cum aulici Elizabethæ Hungari, diripientes focum ante portam Velicensem, contentione cum ciuib⁹ exorta, Iascum Kmitam præfectum Cracouiensem sagitta emissa interfecerunt; post verò ex ipsorum numero centum sexaginta prostrati ceciderunt. Tri duo arx fuit occlusa & ab armatis obsessa. quo casu Elizabetha perculsa in Hungariam moesta reuersa est. Hoc etiam tempore in Græcia Turcæ vrbes nobiles cepere. Itaque Pontifex, oratore misso, binos grossos de vnaquaque ex prouentib⁹. marca ad subsidia ferenda Christianis à Polonis exigit. Quoniam autem Prædislaus Pogorelicius Episcopus Wratislauiensis paulò ante vita excesserat, relicta magna pecunia, ideo ex eius hæreditate legatus triginta millia aureorum adiunxit illi.

*Ingens pecuni
& summa exi-
gitur & Ro-
mani ex Polo-
nia exporta-
tur.*

adiunxit illi summæ. Insuper octo alia millia annua pactus est Pontifex, donec aliquis Prædislao successor daretur. Cuius approbatione ob id Pontifex in septimum annum distulit. Motus eo exemplo Ludouicus Rex, suscepturusque bellum contra Lituanos, ab Episcopis subsidia ad tam pium bellum contra Barbaros petit. Sed nihil impetrat. Verebantur enim Episcopi, ne munifica ac voluntaria ipsorum contributio in morem, & mox inde in legem abiret. Nihilo tamen minùs prosequitur institutum bellum contra Lituanos Ludouicus. In qua expeditione orto inter Hungaros, & Polonos iurgio, Petrus Safranecius in faciem ab Hungaro quopiam vulneratus fuit. Cumq; res ad seditionem spectare videretur, Petri dolorem Rex leniens, donat ei territorium cum arce Piefzkovva ~~stala~~. Septem vexilla Topororum familiæ in illa expeditione fuisse feruntur. Sub idem tempus cathedra Præmissiensis & Wladimiriensis instituta, Gregorio Papa annuente. Porro Archiepiscopalis sedes in Russia Haliciæ constituta fuit. Hæc Ludouicus ideo faciebat, quod iam inhiaret Russiæ, quæ ei ob fertilitatem soli supra modum placuerat; & propterea eò expeditionem antea ipsemet susceperat. Nam Archiepiscopo Haliciæ, in sede nimirum veteri Colomani Hungari regis, vt supra commemoratum est, residente, facile omnem Russiam, quam iam animo conceperat, dicto obedientem sibi fore pollicebatur. si inquam Archiepiscopus istic ex ipsius sententia resideret. Suspecta ea res fuit Polonis, quod attinet Russiam. Sed mussantur fere principum & potentiorum iniuriæ. Adiecit & aliud enorme, quo magis exasperatos Polonorum reddidit animos, quod Wladislaum Opoliensem se absente gubernatorem regno præfecit. Negarunt Poloni se homini externo, quem ipsi sibi principem non constituissent, parituros esse. Eò accessit & ecclesiastici ordinis murmur. Nam, cum liberatos se a Boleslao Pudico ab omnibus contributionibus sæpius allegarent, Ludouicus tamen absens, vt aliquid ab eis emungeret, consilium illud est secutus: Magnû petas, vt æquum obtineas: Imperauerat enim eis dimidium veteris exactionis; hoc est senos grossos in singula iugera; vtque ita exigerentur, quæstoribus edixerat. Cum illi iniuriam sibi fieri quererentur. Respondit, se gratiam illis fecisse non iniuriam. Nam cum duodecim grossos veteri instituto cogerentur numerare, ille dimidium tantum exigebat. Cum autem immunitatem ab eo donatam, regno datis diplomatis, vrgerent, Respondit, eos eam gratiam tum, cum hæc generatim omnibus donarentur, refutasse. Ita vltro citroque commutatis verbis, eo res recidit, vt ex duobus malis minus eligendo, maluerint duos grossos vnâ cum reliquis ordinibus contribuere, quàm, nouis artibus circumscripti, ad grauiora onera pendenda cogi. Nam Pudici priuilegia, & immuni-

*Hæc eadem ex
actio Regi ne-
gatur.*

*Prorox vel
gubernator
Regni.
Ecclesiasticus
& politicus
ordo offensus.*

tates, quæ sacro ordini concessæ fuerant, non admittebantur; eò quòd ille fuisset princeps partis Poloniæ, non totius: itaque coronati Regis locum minimè tenuisset. Aliam autem faciem rerum subsequutam esse. Quare nouum casum nouo remedio indigere. Hi colores tum excogitati fuerunt.

1380. Post hoc tempus machinam æneam, quæ à sono terribili Bombarda vocatur, Germanus homo apud Venetos excogitauit. Ludouicus Polonis Budæ Comitia indicit ad medium quadragesimæ. Erat hæc res noua, multa quæ secum incommoda trahebat; ad exterarum oras per tanta locorum interualla Senatores euocare, veris præsertim tempore. Constituti tunc sunt Triumviri, penes quos summa rerum in Polonia esset.

1380. Zauisfa Episcopus Cracouiensis in prædio suo Dobrouoda, seu repentino & vehementi morbo, seu de scala lapsus (variatur enim fama) cum aceruum fortè ad constuprandam rusticanam puellam ascenderet, extinctus est. Et cum funus eius pompa militari efferretur ab amicis, auditæ sunt voces dæmonum vociferantium: Proficiscamur meretricatum. Auditi sunt tum & strepitus, & hinnitus equorum. Post hunc Ioannes Gnesnensis Archiepiscopus, homo præcipiti iracundia, & in ecclesiasticos homines dictis & factis contumeliosus, decessit. Ludouicus Rex cum languere se, & sensim destitui viribus sentiret, indictis Comitibus Zvvoleni in Scepusio, frequenti senatu Mariam filiam natu maiorem, & vnà cum ea Sigismundum sponsum eius, Marchionem Brandeburgensem, successorem in regno Polonorum designat. Sed Sigismundus non suo ordine, & ante tempus agens negotium, magnum obicem in hoc adeundo regno sibi ipsi posuit. Interim Ludouicus Tirnauia, vbi cum Hungaris Comitibus celebrabat, 13. Septembris moritur. Regnavit in Polonia duodecim annis. Statura fuit mediocri, prominentibus oculis, atque labris; capillo, barba quæ crispæ; sereno vultu, humeris parum incuruis, moribus temperatis, in supplices clemens, maleficio iuxta, ac beneficio se superari haud patiens. Nihil vnquam inconsulta astrologia faciebat, in homines doctos fuit propensior. Illud habuit peculiare, quòd nonnunquam, dissimulato habitu, vicos & oppida perlustrauit, ut cognosceret, quid de publicanis & exactoribus, iudicibus & magistratibus suis, ac de se denique vulgus hominum assentandi nescium sentiret, multa quæ ex horum sermonibus in se suisque correxit, ac castigauit. Bulgaros, Bosnenses, Serbios, Croatas, eos denique, in quibus solis nomen Slauorum hæserat, ad officium ipsi parendi reduxit. Ita dominante eo, Polonia, & Poloniæ adiacentibus dominis coniunctis, iterum, quasi postliminio, gentes illæ, quæ quondam ad Slauonicam confederationem pertinebant, veluti oues in vnum ouile

*Ioannes Gnesnensis
Archiepiscopus.*

Slauonicæ gentes sub Ludouico in vnum corpus coagmentate.

ouile compulsa, & rursus coacta in vnum corpus coaluerunt.

INTERREGNUM.

Sigismund⁹ Marchio Brandenburgensis à Ludouico socero designatus, iam se propemodum pro Rege Poloniae gerebat. Sed tribus rebus voluntates Polonorum à se alienauerat: Primum quòd Demaratum, morosum hominem, praefectum Posnaniensem vt amoueret rogantibus nobilibus, surdis auribus audiebat. Deinde quòd eiici & remoueri ex canaculo Polonos cibum sumpturus patiebatur: Postremò quòd sacerdotium quoddam in Polonia, repudiatis procerum precibus, homini Bohemo contulerat. Itaque maioris & minoris Poloniae nobiles causa eligendi noui Regis in oppido Radomsko indicunt Comitiam. vbi concluditur de stirpe Ludouici regem creandum; sed talem, qui in Polonia per se ipse regnum administraturus esset. Quo quidem verbo facile Maria filia cum Sigismundo eius viro excludebatur, Sigismundus enim Hungariam simul obtinere cupiebat. In Wisliciensibus verò Comitibus, vbi ipse adfuit apertius repulsam passus, discedit. Et cum Cracouiam diuertere voluisset, exclusus est. Verebantur enim, ne dolo, vel accitis ex Hungaria militibus, eam in potestatem suam redigeret. Rediit ergo in Hungariam. Sumptus tamen ei de publico suppeditati sunt, dum per Poloniam iter facit. Ibi eum turbæ excepere. Inuenit enim Carolum Neapolitanum ab Horuato praefecto Croatiae opera Reginae interfectum esse. Polonia quoque maior tum à tumultu non erat liberata, ob Demaratum praefectum; qui etiam si in Wisliciensibus Comitibus satisfacturum se omnibus receperat, tamen responsum retulit: Non aliter satisfacturum esse, quàm, si magistratu abiret. Itaque publico placito nobiles ei parere detrectabant. Secutæ sunt deinde cædes & prœlia inter Suiduam & Demaratum, interque Ziemouitum, & eos, qui Elizabethæ patrium erant. Nam Archiepiscopus Bozenta, priuato consilio ad Ziemouitum transiens, regem cum Leciciæ renunciauerat. Et nisi exercitum ad sedandos motus ex Hungaria Elizabetha misisset, maior Ilia malorum & calamitatum adhuc secuta fuisset. Præstitisset tamen, si ipsamet venisset. quod quia non fecit; missus est ad eam Sediuius Szubinius, vt maturaret suum aduentum. Sed, cum videret, se ambiguis verbis ab Elizabetha ductari, quodque peius est, ne rediret in Poloniam, vetari, ipse clam sese Iadera vrbe euoluens, fere intra viginti quatuor horas sexaginta miliaria bene longa, vt sunt Hungarica, crebro mutando equos, emensus, Cracouiam lassus peruenit, vt de omnibus Polonos certiores faceret. Sancitum est igitur postea (& statuta dies octaua Maii) vt Hedugis altera Ludouici filia se sisteret, si regnare vellet. ni faceret, aliter

ret, aliter sibi prouisuros esse. Sed neque hac via aliquid perfectum esset, nisi iterum Szubinius, quem angebat nobilium iuuenum retentio, in Hungariam priuatim profectus fuisset. vbi perfecit, vt Hedugis in Poloniam rediret. Venit itaque comitata Demetrio tituli sanctorum quatuor coronatorum præbytero Cardinali, & Archiepiscopo Strigonienfi, aliisque Proceribus Hungaris. Ad cuius aduentus famam exciti Polonorum proceres, vsque ad Sædeciam profecti sunt. Deducta Cracouiam honorificè cum perampla ac splendida aurea & argentea stragulæ vestis suppellectili, qualis decebat tanti Regis filiam, die sanctæ Hedugis Legnicensis ipsa Hedugis coronatur à Bozenta Archiepiscopo magna omnium læticia & fausta acclamatione. Ita lenitum fuit in animo Polonorum regis desiderium, propter suauis & liberales mores Hedugis Reginae cum verecunda modestia, prudentia, decentique suauitate coniunctis. quarum virtutum non vulgare condimentum, erat forma corporis eximia. Noua deinde cura procerum animos incessit de adiungendo Reginae marito. Et iam quidem Vilelmus Austriorum dux, quem à pueritia in aula sua educauerat Ludouicus, designatur ei maritus. Sed Iagello Lituanius huic antepositus est à Polonis. In ea deliberatione habita est ratio inprimis incrementi fidei Christianæ tum & accessio nis magnæ prouinciæ ad regnum Poloniæ. Promittebat enim Iagello summa cum alacritate se & permissurum, vt ipse primùm, deinde suus populus initiaretur sacris Christianis per baptismum, & Lituaniæ regno adiecturum, si ei Hedugis in matrimonium daretur, verumtamen nihil citra senioris reginæ sententiam his de rebus statuere iussum est. Ad quam ipsa Hedugis quoque prouocabat, cum procerum postulationem aliter rectè refutare non posset. Sed illa optatum responsum Polonis dedit. Si, inquit, è re vestra publica hoc fore existimatis, non remoratura sum vestra commoda, neq; religionis Christianæ incrementa præcisura. Interim Vilelmus Austrius, certior factus de statu rerum Polonicarum, ac de propensa Hedugis Reginae erga se voluntate, cum splendido comitatu, & apparatu, magnisque diuitiis Cracouiam inopinatus venit. Sed arcis ingressu prohibitus est. Illa tamen eius videndi causa, luce clara, stipata suo aulicorum & puellarum comitatu, in coenobio diui Francisci conuenit. Fama etiam, siue vera siue falsa, vulgatum est, eam confirmandi matrimonii causa priùs, quàm Iagello appropinquaret, eò venisse: Sed quicquid erat, suasu Demetrii Goraii regni Thesaurarii verentis, ne quid tale fieret, nihil actum est. Intelligens autem Vilelmus sibi Polonos palam aduersari, simul de aduentu Iagellonis certior factus, aliquanta interiecta mora, clam se Cracouia euoluit.

1386. Aduenit tandem Iagello Cracouiam 12. die Februarii vna cum

nà cum Ducibus Russis, & Lituanis, habens etiam secum fratres aliquot germanos, & Vitoldum patruelem. His comitatus Iagello est ingressus. In thalamoque ipso Heduigem Reginam, magna cum admiratione eximiae formae eius, salutauit. Postridie autem ei dona perampla per Vitoldum, & Borisum & Svvidrigelonem misit.

W L A D I S L A V S I A G E L L O,

Anno ab orbe condito

Anno à Christo nato.

5348.

1386.

Quia omnibus in Polonia, qui ad regium munus efferri & coronari debent, antiquus mos est idemque pius & religiosus, ut antea per modum praeparationis cuiusdam peccata confiteantur sua, sacrosanctaeque Eucharistiae sumptione obfignentur: Ideo cum Iagellone idem mos est seruatus, idque eò magis, quòd Wladislaus antea gentilis erat. Nam & tota Lituania more gentium ignem pro Deo colebat atque serpentes; nihilque alienum in eis à gentilismo erat. Hos igitur errores, Catechumenus cum esset Iagello, priusquam cum Heduigi matrimonium iniret, vnà cum fratribus abdicare iussus, 14. Februarii à Bozenta Episcopo sacro fonte ablutus est; Christianaeque religioni initiatus, Wladislai nomen accepit. ac tum demum matrimonium solenni ritu cum Heduigi regina contraxit; Lituaniamque omnem vnà cum Samogitia, & ea parte Russiae, quae in ditione eius erat, Poloniae iure sempiterno adiunxit, & in vnum corpus redegit; iureiurando interposito, & obsidibus datis ipso Vitoldo, & Lubarto. Nam veteres tametsi ad eam perfectionem sapientiae exquisitam non peruenerant, de qua praesens seculum gloriatur, ita tamen cauti erant, ut vnice cauerent, ne Respub. quoquo modo decepta, detrimentum aliquod irreparabile pateretur; neue sub specie religionis deciperetur. haud facile persuasi, quantumuis noui hospites demissè ad aram starent, & suspiria ducerent (forfan ad conspectum formosissimae virginis) liberaliterque multa de se deierantes pollicerentur. Quarto autem die post, inunctus ab Archiepiscopo diadema regium nouum suscepit. Nam vetus, in Hungariam à Ludouico asportatum, nondum ad eam diem reportatum erat. Sequenti die in urbem solenni pompa deductus, solio in foro posito collocatus, iusiurandum à Cracouiensibus & oppidanis de more accepit. Postea indultum est conuiuio & choreis. Per eos dies Cruciferi ab Andrea fratre Iagellonis, qui apud Russos religionem Christianam professus erat, concitati, Lituaniam hostiliter inuadunt. Sed dedit postea Andreas temeritatis poenas toto triennio Checinensis carceris squalore confectus. Iohannes etiam Venetius, gente Polomenius, iudex Posnaniensis, qui propter iniusta iudicia, & scelera per-

s

petrata cruen-

*Iudex cruentus
Demon vocatus.*

petrata cruenti dæmonis cognomen meruerat, à Polnaniensi conuentu confiscatione bonorum, & carcere multat⁹ est. Laudatur hoc tempore pietas Hedwigis reginæ; quæ, cum videret, Regem maritum ecclesiasticorum bona, barbarico adhuc more, pignoris nomine occupasse ac cepisse, ob negatam ei stationem vt vocant, eum vt pignus dissolueret deprecata est. Cum igitur ille pignora capta reddi iussisset, ibi illa suspirans: Pignora quidem reddimus inquit, agrestibus; cæterum lachrymas quis eis reddet? Pium Reginæ dictum, & sempiterna memoria dignum. Profectus est deinde Rex cum Regina in Lituaniam. Vbi Apostoli, & Euangelistæ officio functus, ita elaborauit in promouenda fide Christiana, vt etiam ipsemet eis interpretatus sit symbolum Apostolicum. Cum autem immensi esset laboris singulos sacro fonte tingere, nobilioribus tantum hic bonos habitus est, reliquum verò vulgus cateruatim distributum, aqua sacra à sacerdotibus aspergebatur; vnumque nomen cuique cateruæ, tam virorum, quam mulierum, imponebatur. Ad quod diuinum opus vt alacrius eos Rex inuitaret, pannos laneos nouos, & calceos eis largiebatur, cum ad eum diem istis carerent, & peronibus, vt historia testatur, magna ex parte vterentur. Vilnæ demum Basilicæ extructæ & Episcopatus institutus est. Reuertens Iagello in Poloniam Leopoli Petrum Palatinum Moldauiae, seu Valachiae cum proceribus ipsius, solenni iureiurando adactos in fidem & clientellam suscepit.

PRIMVS CONVENTVS.

Dixeram superius, me deinceps res Lituatorum, per seriem Comitiorum, instar epitomes, consignaturum, hoc iam nunc præstandum est. Nam historici varia methodo texere solent historias; alij per Pontificum vitas; alij per Imperatorum mutationes; alij per Regum ætates procedunt. nos hic per comitiorum, seu conuentuum celebrationes rem totam edisseremus. Iagello igitur Magnus Dux Lituaniae, fessus & fatigatus tot calamitatibus, tam à Cruciferis, quam à fratribus illatis, qui coniurasse videbantur in eius patriæ perniciem, de Hedwige Ludouici regis filia ducenda consilium capit; vt ita amplissimi regni amicitia munitus, hostes suos, tam extraneos, quam domesticos, facile continere ac compescere posset. Senatus Polonici hic summa prudentia, & prouidentia commendatur; quòd conficiendis nuptijs istis, non modò priuatis vtilitates, & bella Cruciferica tolli posse iudicarunt, sed etiam Septentrionales gentes, quæ etiamnum ethnicæ superstitioni mancipatae erant, ad religionem Christianam conuerti posse sperarunt. Et sanè, quæ Pontifices cum Imperatoribus tot bellis, & impensis præstare non poterant, hoc salutari eorum consilio perfecta sunt. Pax restituta, Christianorum res

stianorum res auctæ ac propagatæ, & omnes bellorum causæ tandem sublatæ. Quod quibus modis, quibusue medijs confectum sit, ex breuissima suo ordine ac per temporum seriem descriptione decem comitiorum, quæ in ea causa coacta sunt, iam patebit. Fuerunt quidem & aliæ postea expeditiones, & bella Grinwaldica & Choiniciensia; nec statim hoc vlcus sanari potuit. sed describentes acta comitiorum celebriorum, expeditiones etiam istas in transcurso breuiter consignabimus, ostendemusq; quando, & per quos hæc bella finita fuere, & templum hoc Iani occlusum. Nam hoc plurimum facit ad amplificanda merita nationis nostræ apud omnes Principes Hierarchici ordinis. Sicut enim antea Christianos proficiscentes ad bella Orientalia contra Saracenos nostri iuuerunt; ita hæc Septemtrionalia ante Cruciferorum hoc aduentum humeris suis ipsi sustinuerunt, & post deiectos Cruciferos Septemtrioni pacem ideoq; omnibus Christianis restituerunt. Primus igitur conuentus fuit in negotio vnionis circa coronationem Iagellonis. Quid autem ibi tractatum, & conclusum fuerit, ex conditionibus inter Polonos, & Lituanos, in priuilegijs, & Chronico Lituano expresse liquet. Quarum prima & præcipua fuit, vt ipse Iagello cum suis fratribus & dominijs Christianus fieret. Secunda, vt ipse cum omnibus dominijs suis statim se vniret, incorporaret, inuisceraret (sic enim priuilegia loquuntur) ad regnum Poloniæ. ita vt pro vno denique dominio reputentur; & ea, quæ Lituanæ rapuerant & auulserant à regno Poloniæ, restituantur; hoc est arces ciuitatesq; & præcipuæ Russicæ prouinciæ, nec non & Podlascia; captiuq; inde abducti liberi dimittantur. Tertia, vt terræ Syllesitica, Pruthenica, & Pomeranica à regno Poloniæ tempore interregni, videlicet post diuisionem inter posteritatem Regum, auulsæ omnino recuperentur. Quarta, vt Iagello thesauros omnes suos, quos habet, & habere poterit, in Reipub. vtilitatem conuertat. Cum his conditionibus totidem fere verbis expressis, Poloni cum Lituanis ad Iagellonem sunt dimissi. quas vbi ille expresse ac luculenter comprobauit, relatumq; est, ipsum nec breuem statura esse, nec deformem, sicuti in vulgus & potissimum apud Reginam ab aduersæ factionis hominibus sparsum fuerat, quin potius vtrumque commodius reperiri, cuncti hoc nuncio, et Regina ipsa ex hilarati sunt. Cõscriptæ sunt deinde transactiones, iusiurandum datum & acceptum, vades, & sponsores interpositi. sicuti latiùs apud alios, & in hisce annalibus nostris descriptum habetur. Passim autem ad commendandum Principem suum paranympbi Iagellonis iactabant, Iagellonem, quod multis principibus viris petentibus hætenus negauit, id cum Heduigi, & matrimonio eius datum esse, vt se Christianis mysterijs initiari sit curaturus.

*Præfetti Vil-
nenses ex nobi-
litate Polona.*

1390. Antequam Rex iret in Lituaniam, intercesserat simultas quædam inter Regem & Reginam. Delata enim fuerat Regina apud Regem & probri infimulata, ac si, illo adhuc absente Vilelmum AVSTRIVM clam Cracouiam venientem, ad se admisisset: sed Regina ea de re iureiurando Regi satisfecerat; & delator, cum documentis delitueretur, & se dixisse, negare non posset, mentitum se esse, clara voce latratu de more sub scamno edito, professus erat. Est verò apud Polonos antiquitus ea grauissima & plena dedecoris pœna. Ita amor coniugalis postea inter eos redintegratus fuit. Absente Rege, Elizabeta, exercitu comparato, in Rufsiam, perrexit, & Leopolim, aliasque vrbes in potestatem suam redegit; Hungaris, & Sylefiis deiectis, quibus præfecturæ à Ludouico commendatæ fuerant. Eodem tempore Lancaster Anglorum Regis filius, & Francones, Teuthonesque opinione piæ militiæ contra Barbaros à Cruciferis illecti, cum triplici exercitu in Lituaniam hostiliter veniunt. Aduersus quorum vim Nicolaus Moscorouius cum aliis Polonis agræ arcem Vilnensem defendit. Non erat tunc ita absurdum, idque ob vim arctæ illius vnionis vtriusque gentis, in Lituania præfecturas Polonis commendari. Nam & post Moscorouium Iohanni Olesnicio gente Debino, præfectura Vilnensis à Rege commendata fuit.

1391. Per idem tempus Croatæ, Bosnenses, Bulgari, Valachi, atque Transalpini imperium mulieris, & externi regis Sigismundi aspersionati, ad defectionem propendent; & Hedwigem, vt veram hæredem Hungariæ, agnoscunt. Sic Bazarabiæ Palatinus cum ditione sua in fidem, & clientellam Wladislai regis, Hedwigisque reginæ concedit. Quæ ideo adnoto, vt melius res Slauonicæ, quo in statu fuerint, etiam post mortem Ludouici, cognosci possit. Et existimo, in gratiam & fauorem harum gentium, sub idem tempus sacra Slauonicâ linguâ Cracouiæ in templo ad sanctam Crucem ab eadem Hedwigi prudentissimo consilio instituta fuisse. Nimirum, vt commendabiliorem se eis hoc pacto redderet. Hoc ministerium & cantus Slauonicus retentus fuit vsque ad tempora Dlugossi Historici; quod idem attestatur autor. Rufsia pars, & cum ea Belzensis præfectura sub idem tempus Ziemouito Mazouiorum Duci, assentiente, Regina, donatur.

*Lituanie Dux
Regi iuramen-
tum præstat.*

1392. Wladislaus, vt se molestia belli Lituanici liberaret, cum fratres germani ignaui, & venationibus tantum, dediti essent, Vitoldum patruelem Lituaniæ Ducem declarat, qui fidelitatis iuramentum ei præstat.

1394. Vitoldus iure precario à Wladislao Rege Cameneciam impetrat in feudum. Nam Cazimirus Magnus iam dudum vnâ cum Rufsia eam possederat.

1396. Sigismun-

1396. Sigismundus Rex Hungariæ, ne sibi à Turcis Bulgariam Rasciamque auferri pateretur, coacto exercitu ex variis nationibus, infeliciter cum Baiazete Turco pugnavit ad Nicopolim. Nam Galli, cum sibi, honoris causa, primum agminis locum in eo proelio depoposcissent, atque impetrassent, ubi se eis in conspectum. Turcici præcursores obtulissent, non expectatis phalangibus Germanicis, & equitibus Bohemicis, Polonicisque, à Baiazete lunata acie (vt fert eorum consuetudo peruetusta) partim cæsi, partim capti sunt. Hoc infelici casu perculsi cæteri, diffugerunt, & ipse Sigismundus exutus castris, & omnibus spoliatus ornamentis regiis, in parua nauicula vix euadens, incidit in classem Venetorum, quæ eum reduxit. Hæc acta sunt ad Nicopolim Bulgariæ metropolim. Laudatur in eo proelio animositas Scyborii Poloni, qui fugit gente Stoius. Hic sequens fugientem Regem, cum nauiculam ingredi non posset, & Turcæ imminerent, ita vt erat armatus in Danubium se proiecit, & enatauit, charusque postea Sigismundo fuit. Baiazetes autem paulo post apud Stellam montem celebrem victoria Pompeii de Mithridate memorabili proelio victus est à Tamerlane Scytharum Imperatore, & in ferrea cauea in modum feræ per Asiam circumuectus. Vitoldus etiam cum Flediga Scytha Tamerlanis legato eodem tempore infeliciter pugnavit: Vbi fortiter pugnans Melstinius, cum euadere posset, occubuit. Cum enim ei, quod timidus esset, commilito quidam Sciucouius, obiecisset, eumque illectum venustæ vxoris amore terga daturum. in pugna auguratus fuisset, eò quod pacem Melstinius suaderet Vitoldo ineundam cum Tartaris, ipse quidem augur ex pugna retulit pedem, aufugitque, Melstinius autem inter confertissimos hostes, vt optabat, maluit occumbere. Annotatur autem hic, quod paulo ante à Vitoldo Scythæ illi Lituanici fuerant traducti, & supra Vaccam collocati non procul à Vilna.

Locus ille Cossonasi à Turcis vocatur, hoc est Anserum campi, quod id genus volucrum statis anni temporibus eo conuolent, vt totis agminibus in Europam conamigrent.

Melstinijs mors heroica.

1399. Per idem etiam tempus Hedwigis Regina circa partum mortua est. Hæc mirificè ob id laudatur, quod Reginis Poloniæ exemplum ducendæ vitæ perfectissimum reliquerit. Fuit namque Hedwigis pietate & sanctimonia vitæ prædita; ab omni fastu, leuitate, & iracundia aliena; ocii iuxta ac alienorum à suo sexu atque dignitate negotiorum fugiens. Tempus omne suum, vel in diuino cultu, aut lectione eorum, quæ ad pietatem, moresque formandos pertinerent, vel audiendis & leuandis viduarum, pupillorum, & aliorum miserabilium querimoniis & calamitatibus impendebat. Pragæ domum per amplam Lituanis erudiendis condidit. Academia Cracouiensi perficiendæ multa legauit. Ieiuniis aliisque exercitiis Christianis vacauit. Præter autem alia signa sanctitatis eius, illud memoratur, quod, Cruciferis in quodam conuentu ferocientibus, & iustas conditio-

nes pacis aspernantibus, prophetico spiritu cladem illam, qua postea illorum vires fractæ conciderunt, prædixerit; inquit, se quidem viuentem, pro ea audacia nihil aduersi eos passuros; post mortem verò suam maximis cladibus illa omnia expiaturus.

3400. Iustis Reginae peractis, Wladislaus mœstissimus, de retinendo regno dubitabat, mortua hærede. Neque enim ignorabat, se externum hominem, propter uxorem apud liberrimam gentem regnasse; sed à Senatu recreatus, & meliora sperare iussus, acquieuit sententiæ eorum.

SECUNDVS CONVENTVS.

1401. Conuentus secundus in negotio eiusdem vnionis fuit Vilnæ celebratus, quò Wladislaus se contulit, vt promissa pactaq; conuenta cum Vitoldo, & Lituaniis suis, Polonorumq; nomine renouaret. Vbi promissum & litterarum monumentis cautum est, vt si Vitoldus absque liberis decederet, in Regis & regni Poloniæ potestatem venirent omnia, quæcunque is possedisset, vnâ cum magno Ducatu, excepta dimidia parte Nouogrodiæ cum quatuor prædijs quæ Sigismundo Vitoldi fratri cedere debeat. Ea tamen lege vt Regi & regno Poloniæ sit subiectus. Exceptis etiam bonis dotalibus Annæ uxoris Vitoldi, quæ post eius demum obitum ad Regem & regnum deuolui deberent. Hæc acta esse anno 1401. litteris ea de re tunc conscriptis & obsignatis confirmatum est. Deplorent hic quidam scriptores, & conqueruntur, Lituaniam fuisse tunc hac transactione circumuentam: erratumq; hoc, vt illi vocant, in Senatorum Lituanicorum simplicitatem reijciunt. At mulier, si pudica est, minimè dolere debet, quòd aliquando vni nupsit. Floret pace, opibus, & gloria nihilominus vt Poloniæ regi pareat, magnus ille Ducatus, & gratulari sibi debet, quòd hac ratione tandem Dei Optimi Maximi beneficio liberatus sit ab illis Crucifericis, ne dicam tartareis furialibusq; bellis, incendijs, vastationibusq; quæ eam Lituaniam circiter ducentos annos exercuerant, ac vexauerant miris modis; & quæ res peior erat, à civilibus bellis, & funestis lanienis Regulorum suorum. Certè Vitoldus non fuit humilis animi. si circumscriptum se sensisset, erratum hoc in Hrodzensibus Comitibus correxisset. quod tamen non fecit, imò firmiori assensu, & solenni ratihabitione confirmauit, ac roborauit vnâ cum alijs; vt inferius patebit. Quod autem ex Latopiscijs seu Annalistis, qui millies errorum grauissimorum conuicti sunt, de conuentu Præmisliensi commemoratur; scriptores, qui veluti publica fide nobis historiam tradidisse videntur, nihil ea de re nobis reliquerunt.

1401. Secundæ nuptiæ Wladislai cum Anna Ciliciæ Comitis filia, quibus nuptiis Anna mater sponsæ, Cazimiri regis filia interfuit. Non statim verò post sponsalia hæ nuptiæ fuerunt. sed sponsa prius octo menses linguam Polonicam didicit. Eodem anno Academia Cracouiensis excitatur. Per hoc tempus Venceslaus Caroli Imperatoris filius, qui post patrem annos viginti duos imperium tenuerat, ab eoque tandem propter ignauiam remotus fuerat, totus comotationibus deditus; adeò vt cum aliquando accepisset de quadam arce sua nuncium, eam conflagraffe, non quidem de rebus maioris momenti, quomodo se haberent quærit: sed tantum de vino sollicitus, an cella vinaria incendio superfuisset euestigio interrogat.

*Altera vxor
Iagellonis.*

1402. Wladislaus Rex templum corporis Christi Posnaniæ erigit. Quòd, inquit, istic corpus Christi in pratis Posnaniensibus repertum fuit. Referunt autem ciues Posnanienses, tunc Regem ipsum Posnaniæ fuisse. cumq; eodem in templo die Ascensionis imago resurrectionis sursum finibus iuxta morem auitum eius festi traheretur, interrogasse fertur, cuius esset ea imago. Responderunt, Dei. Tum ille, Detis ei, inquit, candelam. Cum verò Diabolus in specie Draconis deiiceretur ex summitate templi, rursus interrogauit, quid sibi hoc vellet, Responderunt, esse Diabolum cælo deiectum. At ille, Detis ei duos cereos. Interrogatus quid ita? Respondisse fertur Polonico idiomate: *Śluz Bogu a dyabla megniemay* / idest: Deo seruias, Diabolum ad iram ne concites. Quanquam id de Diabolo iniquissimo illo iudice Posnaniensis prouinciæ dictum esse quidam putant. Eodem tempore Wladislaus, cum esset Toruniæ, dum obequitat, vt videret situm & munitionem vrbs, a muliercula quapiam seu casu, seu data opera sordibus perfusus fuit. Et cum morti ob delictum illud destinaretur muliercula, ipse impunitatem ei impetrauit. Rastrale (vt vulgo appellant) seu agraria contributio, decem nimirum grossi in singula iugera, imponitur, ex quo centum millia marcarum collecta esse memorantur. Tanta tunc fuit quæstorum fidelitas. Hoc etiam tempore particularia comitia instituta fuisse, memoriæ proditum est. Wladislai item cum Venceslao Rege Bohemorum, Wratislaviæ conuentus, non sine admiratione Bohemorum & cunctorum hospitem, celebratur. Nam cum Marsalcus regius præcessisset Regem, comitatus sexcentis hastatis: Rex Bohemiæ ratus, iam ante urbem adesse Regem, prodiit.

De bello Grinualdico Polonorum Lituanorumq; cum Teuthonibus ordinis Cruciferorum, & causa belli.

Causa belli ma-



Archiepiscopus pro conciliatore pacis feciale agitur, edicens ante tempus bellum.

Iniquum regis Bohemi arbitrium.

Deliberatio de externo milite

Primatus uti litas tempore belli & interregni.

Aufa belli magni Pruthenici liquet ex legatione & colloquio Archiepiscopi Gnesnensis, quod habuit cum Cruciferis. Cum enim Archiepiscopus dixisset, Regis, non Vitoldi proprium & hæreditarium esse dominatum Lituaniæ, & proinde desinerent Lituaniam infestare: Magister excandescens ad hæc verba, feroci vultu, & ore tremulo statim se arma Lituaniæ illaturum minatur. Cui Archiepiscopus non ferens Magistri superbiam: Desinas, inquit, nos bello terrere: si arma contra Lituanos ceperis, vicissim arma nostra domi senties. Ad hæc regessit Magister: Cum ita dicis, caput ergo potius petam. Ex hoc colloquio liquet, Lituaniam fuisse præcipuam causam suscepti belli; quòd eam infestare & diripere Cruciferi non desinerent. Sed Venceslaus Rex Bohemiæ, arbiter huius controuersie electus, eandem auxit, & maius belli excitauit incendium; dum nulla habita ratione iustitiæ, & æquitatis, pro Cruciferis fert sententiam, qui insuper ineptissimè, quæ extra controuersiam erant, adiungit; vt Poloni scilicet non nisi ex Occidentalibus oris regem sibi deinceps peterent. Desperata igitur æqua pace, Wladislaus, dimissis in omnes partes litteris, restibus de more alligatis, expeditionem cunctæ Poloniæ edicit. Incidit tunc quæstio in Senatu, an mercenarii milites externi deberent aduocari ad hoc bellum. Sed Zbigneus soluit hunc nodum: Si, inquit, vicerimus, non nos, sed hostes eis stipendia præstabunt. Sin verò victi fortè fuerimus, an erunt, qui pro cæsis captisque, ea petant? Atque ab eo tempore consilium hoc Zbignei à senatu regio comprobatur, in eiusmodi casu locum obtinuit. Laudatur etiam hîc Polonorum factum; qui possessiones per amplas in Hungaria à Sigismundo habentes, cum intelligerent, eum ad violandum fœdus cum ipsorum Rege pronum esse, raro exemplo & memorabili, omnibus bonis suis in Hungaria valere iussis, & Sigismundi pollicitationibus spretis, patriæ suæ auxilia lataturi accurrerunt. quibus Wladislaus liberalitate, & gratitudine postea respondit. Ituri ad bellum, Archiepiscopum, tum gubernatorem Poloniæ ac veluti interregem aliquem reliquerunt. Poloni, Vitoldus, & Lituani ad Cernecenſe monasterium cum regio exercitu conueniunt, nauali ponte iuncto. Cruciferis interea consilia agitantibus, omnes bellum paci anteponunt, excepto Comite Vendenſi; qui propter vsum rerum & annos prudentior, dissentiebat ab aliis pacem suadens, & communem esse Martem, dubiumque euentum belli, dictitans. In quem Varnerus Commendator inuectus. Poteras, inquit, cum isthoc animo domi manere, & ægrotorum fratrum curam gerere; At ille, ego, inquit, quæ recta & vtilia iudico in medium consulo. Verumtamen, si aliter aliis videbitur, ita me Deo propitio geram, vt genere meo dignum erit. Tu vide, ne sis dictis, quàm factis, fortior.

etis, fortior. Intercepit rixam Commendatorum Sciborius; pacemque enixius suadere coepit. Sed eum quoque, licet tum oratorem, Magister increpuit, inquiens: Polonus cum sis, rem Polonorum agis. In exercitu porro regio cum ex Lituaniis quidam prædas in Polonia agerent, ædiculamque sacramenti alicunde abstulissent, ipsumque sacramentum profanè abiecerant, clamare ac fremere cuncti coeperunt, nisi plectantur latrocinantes & sacrilegi, militiam se deserturos esse, nec in castris sic impiis commoratos. quo clamore & fremitu commotus Rex, autores sceleris perquiri iussit. Inuenti duo Litvani, Vitoldi iussu, ipsi sibi patibulum excitant, & suis uterque manibus barbaro, sed patrio tamen more, sese suspendunt, obiurgantes interim se mutuo, quod sua cunctatione iram Principis in se magis accenderent, quasi is morte atrocius etiam aliquid amplius in eos statuere posset. Interea dux belli supremus cum imperio, Zindramus Mascouius Ensifer Cracouiensis, ortus ex familia, cuius est insigne sol, declaratur. Erat is statura parua, sed ingenti spiritu, & rei militaris admodum peritus, homoque planè industrius. Prius igitur passim proceribus inter se deliberantibus & tantum munus suscipere detrectantibus, ille tandem ad se omnium consensu delatum cunctans, & summa modestia alios præferens, suscepit. Deus det huic seculo tam prudentes & ab omni ambitione & labe alienos viros. Adiungitur Duci supremo belli consilium castrense; in quo, tanquam in comitiis, de summa rerum statuebatur. Tertiò edictum publicum conscribitur & promulgatur, cuius capita longum esset hic referre. Verùm in libello nostro Campiductoriæ hoc, & alia complura huius belli descripta reperies. Ibidem, causæ quoque explicatæ, cur ante conflictum illi Teuthones præmissi sint cum tibicine ad exercitum regium cum illis duobus gladiis, quos, cum Regi offerrent, is ut boni ominis rem ab eis accepit. Tali autem ad Deum oratione non sine lachrymis & suspiriis excitasse suos ad proelium fertur. Deus Optime Maxime, inquit, non modò factorum, atque dictorum, sed & cogitationum omnium cognitor. Tu mihi testis es certissimus, me inuitum ad hoc bellum cum Christianis, utcumque licet Christianis, gerendum descendere. Tu etiam nosti consilia pacis me nunquam defugisse. Sed quando nihil apud istos mansuetudine profeci, arma sumere coactus sum, tuisque auspiciis vexillum hoc nunc explico. Tu, quæso, iustiori causæ faueto, & Christianum sanguinem, quos bellum vtrinque absument, ab illis, qui bello causam dederunt, experito. Hæc Rex, collachrymante omni exercitu. Absterfis tandem lachrymis, carmen patrium, cuius autorem Diuum Albertum fuisse referunt, cecinere. Interea à Zindramo Mascouio, & Vitoldo ducibus belli acies instructæ erant. Læuum cornu Poloni, dextrum Litvani

*Zindramus
Mascouius
supremus Dux
belli.*

*Oratio Regis
ad Deum ante
conflictum.*

tenuerunt; eò quòd Sagittiferorum dexteritatem plus iuuat ad dextram esse. Quinquaginta fuere signa Polonica; Lituonica, quadraginta. In prima acie robur totius exercitus, & veterani milites collocati. Iamque signum pugnae à Rege poscebatur, & iam bini ex aciebus procurentes cum pari numero hostium manus conseruerant. Rex, peractis sacris, armatus in aciem prodibat, cum ecce duo aliunde progressi, intacti ad Regem perducuntur. Hortantur illi ne cunctanter & meticolose pugnam ineat; duosque gladios offerunt, alterum Regi, alterum Vitoldo. Ne autem inter nemora cogerentur latere, promittunt etiam vias & spacia se dilatatuos & ampliaturus regis aciebus. Dumque illi obnixè orant, vt fides dictis ipsorum habeatur, non modico interuallo retrocedunt hostium acies. Rex igitur pius gladios oblatos humiliter accipiens, ingemuit dicens: Quamuis armis omnigenis abundo, attamen hoc munus, quod praelagium, victoriae (Deo fauente) videtur, libenti animo accipiam. His dictis, classicum vtrinque canitur. Inde maximo clamore infestis signis concurritur. Tartari & Lituani arcibus suis, creberrimo sagittarum iactu aethera obumbrant. A Teuthonibus tamen in primo conflictu fugati sunt. In quorum locum Poloni armis munitiores & viribus recentes successerunt. Hi tandem Pruthenas acies perfregerunt, & vndiq; circumdatas ad internecionem funditus prostrauerunt. Cæsa feruntur in eo proelio quinquaginta millia. Magister autem Generalis, & Commendatores omnes (quos trecentos fuisse affirmant) capti sunt. Captus item Cōradus Albus Olesnicensis & Cazimirus Stetinenfis Duces. Nec mirum cuiquam videri debet id, quod dixi de numero cæso-
 rum. Nam centum quinquaginta millia hostium fuisse cæsa quidam scriptores tradunt. Tota Germania tum conspirauerat. Verba sunt D. Cromeri; cuius sententiæ cæteri omnes hac ætate historici, præcipui subscribunt. Huic bello nullum simile legitur in historia harum gentium. Zarnouius Bohemus, qui cum cohortibus Bohemorum, bello feruescente, secesserat, ob id infamia ita fuit notatus, vt ne vxor quidem coniugali thoro eum dignaretur. Attamen ista secessio Bohemorum nostris tum fuit bono. Nam Nicolaus Traba, qui eos latitantes obseruauerat, acriter obiurgando nomine Regis tunc iubet eos redire, cum adhuc plurimum in debellando restabat laboris. Hi ergo reuertentes in aciem noui exercitus speciem hostibus præbuere, terroremque addidere. De captiuis non est sumptum supplicium, nisi de duobus, Marquato Salisbergio cōmendatore Brand, & Schimbergio; nequicquam Vitoldum deprecante Rege. Nam in colloquio quodam prope Kaunam matri Vitoldi probrum obiecerant, & capti nihil de fastu suo remiserant. Fuit autem Mater Vitoldi Biruta nomine foemina adeò honesta, vt etiam pro sancta à gentibus illis,

Ante prælium
 initium visio
 quedam in ca-
 lo apparuisse
 fertur, mona-
 chi cucullati lu-
 etantis cœm Re-
 ge. sed victus
 monachus ca-
 lo deicitur.
 Que res tum
 pro omine futu-
 re victorie ac-
 cepta fuit.
 Qua de re vide-
 apud alios.

tibus illis, dum virginitatis voto obstricta viueret, haberetur. Non temere igitur tantopere iratus est Vitoldus iis, qui eam probro afficiebant. Testatur D. Striconius, se in Samogitia Polondæ ad mare vidisse eius idolum; quod Suietos Byrutos à Samogitis & Curlandis vocatur. Narratque, illuc, quæstus causa, statim temporibus, Sacrificulos confluere in eiusque honorem cereos & alia hætenus offerre, & sacrificare. cum tamen illa ethnica fuerit, & ritu ethnico virginitatis votum vouisset. Huius patrem nomine similiter Birutum Iagello pro Voidilone Kiestuto strangulato ira feruens in monte ante Vilnam suspendit. Insequenti die post victoriam solennes gratiarum actiones cum hymnis, & aliis solennibus ceremoniis Deo omnipotenti exoluuntur. Hinc cæforum funeribus cura impensa est. Inuentum est corpus Magistri Vlrici Comitis Vendenfis; qui ita, vt prædixerat, fortissimè dimicans occubuerat. Alia corpora curribus imposita Magdeburgum deuecta sunt; Rege mortem hostium, simulque rerum humanarum vicissitudinem piis suspiriis & lachrymis prosequente. Vexilla hostium, & aliæ exuuie ad perpetuam memoriam Cracouiæ in Basilica arcis posita sunt. De numero cæforum ex Polonis sic Cromerus libro septimo. Et affuit Polonis sanè non obscure diuinum nomen in eo proelio. Nam præter Tartarorum, Russorum, Lituanorum stragem, quæ non parua fuit, de nobilioribus Polonorum cecidere, inter quos Iacubouius gente Roscus, & Imbranius Ciulicius gente Cerinius maximè insignes fuere.

1414. Eiusdem Iagellonis temporibus Sigismundus rex Hungariæ, frater Venceslai, Caroli quarti filius Imperator, pacem Ecclesiæ restituere cupiens, plurima regna obiuit, vt concilium Constantiæ eorum quoque assensu conuocaretur. Fuit apud Gallum, apud Anglum, apud Polonum regem; Romæ quoque apud Pontificem. Ad hoc autem Concilium venit Iohannes vicesimus tertius Papa. Imperator ipse Sigismundus noctu die natalis Domini eodem aduenit; & in missa eiusdem diei nocturna Euangelium illud ipsemet, vt Diaconus, cantauit: Exiit decretum à Cæsare Augusto, alludens ad ea quæ ibi agebantur; cum eius cura & sollicitudine conuocatum fuisset vndique concilium illud. Aderant autem ibi à Polonis quoque missi legati, & honorificentissimè ab omnibus sunt habiti. Pii tunc affectabant esse principes. Nam idem ipse Imperator amictus vestitu clericali Euangelium cantauit vt Clericus. Iagello verò Poloniæ Rex Lituanos propria voce in religione erudire in templo non erubuit.

Post talem & tantam victoriam Poloni modestè satis superque se gesserunt erga Cruciferos. Nam præter quàm quòd ex captiuis Nobilioribus tantum de Marquato commendatore & Schimbergio

sumptum est supplicium, idque, ut dictum est, à Vitoldo iustissimè illis irato, nequicquam interim pro eis deprecante rege, muneribus etiam, infinitis ii, qui Polonis sese adiungere non recusarunt, sunt honorati. Nam & ciuitas Gedanensis dimidium omnium emolumentorum molæ farinæ, agrumque vnus miliaris spacio circum urbem, in mari etiam piscationem per duo miliaria consecuta est. Kinsberga, Torunia, Elbinga tunc in ditionem Regis venerunt, & aliæ à Cruciferis possessæ vrbes quamplurimæ, paucis exceptis. Plauenius tunc nobilissimus inter Cruciferos orationem habuit valde argumentolam & meditatam. Cuius summa erat: Parcere subiectis & debellare superbos. Quem versum inscriptum aureis litteris in porta arcis Regiomontanæ ipse vidi. Fuit & alia tum victoria Polonorum de Cruciferis ad Coronouiam celeberrima. Alia etiam sub Golubio, quarum descriptiones infra habebis.

Tertius conuentus.

1413. Comititia Grodzensia celebrata fuerunt post reditum Regis ex Hungaria; vnde Coronam veterem, Sceptrum, pomum, & Boleslai gladium regni insignia reportauerat. Horum causam hanc fuisse putant: ut videlicet cum maiore & celebriore solennitate renouarentur repeterenturque, denuo pacta inter Lituanos & Polonos. Nam illi conuentus superiores, & si fuerunt celebres satis, tamen, si conferantur cum isto, priuatum quiddam sapere videntur. Ideo hinc & diplomata iisdem de rebus sunt confecta, & ob maiorem solidioremque coniunctionem insignia prosapiarum Polonicarum prosapiæ Lituanorum pro se quæque speciatim accipiunt; ita ut in posterum nō tanquam socij nominis Poloniæ, sed tanquam populares censerentur. Sed quid dico populares, quandoquidem & gentiles & cognatos atque adeo fratres, propterea quod iisdem signis militaribus ab vno quasi adoptati, vnum asem, (ut sic dicam) participant, dicere possumus. Nam hoc verba illa priuilegiorum huius coniunctionis testandæ causa confectorum, Incorporamus, inuisceramus, vnimus, appropriauimus, innuere videntur. Quæ, inquam, verba ter & quater in ijs priuilegijs repetuntur; ne forte casu ^{ἐκ τῆς} ὁδόντων, ut Homerus ait, effugisse viderentur. ut in posterum nulla differentia inter Lituanum & Polonum relinqueretur. Ideo & electio Regis, ut posthac vna foret Lituanorum iuxta ac Polonorum, statuitur. quod utique in prioribus conditionibus quodammodo suppressum fuerat. Tunc verò Lituania verè liberam se factam fuisse profiteri potuit. Nam & bona terrestria (quæ vocant) tunc ipsis sempiterno & hæreditario iure à Rege attributa donataque fuerunt. ita ut ea vendendi, commutandi, & donandi

Et donandi facultas eis permitteretur: neque post mortem patrum possent deinceps eisdem à Principe priuari. Forsan enim antea precario à Principe ea possidebant, eisq; quoad illi placuisset, fruebantur. sicuti apud Asiaticos hactenus fieri audimus. Item concessum, ut iure dotis vxoribus possessiones obnoxias facere possent. Hæc Comititia vocantur Polonica lingua ob summam celebritatem *Wálny Seym*, hoc est, comititia firmissima, quasiq; vallo quodam munita. Alij, ut rem minimè vulgarem tum accidisse existimetur, Gallico vocabulo *Parlamentum*, vbi videlicet omnia ad vnguem excutiuntur, vocant. Siue enim spectes hominum frequentiam, siue verborum formam in contractibus seruari solitam, siue cautiones, siue solennitates, nihil reperiri posse puto, quod ibi ad perfectionem addi possit. Qui in arcem illam *Grodum* veniunt, videre possunt ibi picturam in quodam pariete, in quo *Wladislaus* ipse, Et *Vitoldus* expressus est. Episcoporum etiam ibi depictus est ordo, quo alter alteri assidebat; tum etiam procerum aliorum dignitateq; aliqua prædiorum subsellia. Ducum quoque Et equestris ordinis confessus. Nam nunciorum terrestrium (quos vocamus) vsus nondum tantopere, ut nunc, obtinuerat. Subcamerarij enim, Iudices locorum, Vexilliferi, et alij officiales valgò dicti eorum munus supplebant. Eodem anno Rex, veniens *Posnaniam*, *Petrum* Episcopum *Posnaniensem* in delubrum seuocauit, Et in genua procumbens, culpam ab eo deprecatus est, quod eum sede *Cracouiensi* deturbasset. quæ res per se veræ virtutis plena, ac pietatis, dignitatem regiam Et auctoritatem minimè diminuit aut eleuauit; imò commendabiliorem reddidit.

1418. In hunc annum incidit expeditio 15. cōtra Cruciferos (quas expeditiones supra texere inceperamus) regis *Poloniæ*, regis *Daniæ*, *Sueciæ*, *Noruegiæ*, Ducum *Pomeraniæ*, qui omnes, cum in castris essent, fœdus inierunt contra Cruciferos.

Quartus conuentus post mortem Vitoldi.

1451. In rebus humanis nihil est ita firmum ac stabile, ut commoueri nequeat. ut in hoc exemplo videre licet. Diximus de *Grodlenſium* comitiorum auctoritate ac celebritate in negotio vnionis inter *Polonos* Et *Lituanos*. Nunc quid mox euenerit, consideremus. Mortuo *Vitoldo*, cum Rex in *Lituaniam* ire instituisset, *Swidrigelo* frater ipsius, non expectato aduentu eius, ut à *Lituanis* in *Vitoldi* locum inauguretur, Et curat, et perficit, quod ille fecit, ut vnionis illius quasi structuram à fundamentis nouo exemplo dirueret. Adiecit Et alia nefanda. Adortus e-

nim Regem in confesso verbis asperis, caniciemq; eius nihil reueritus, vix manus ab eo abstinuit. Polonis etiam, qui reliqui penes Regem manserant, catenas & Siculas vespervas minabatur; hanc insolentiam eius Lituani fouentibus, aut saltem in ea conuiuentibus. Largitionibus enim maximis eorum voluntates sibi adiunxerat. Nec rex ipse prorsus immunis ab ea culpa esse prædicabatur; siue quod præ senio vigorem iudicij amisset; siue quod impensius S-widrigeloni fratri faueret, ut ei in Lituaniæ Ducatu succederet. quod ut facilius agi & cõfici posset, maiorem partem Senatus Polonici, & in ijs Zbigneum Episcopum Cracouiensem, à se amandauerat. Igitur, cum hoc triste nuncium in Poloniam perlatum esset, complures Regem insultantes criminabantur ac dictitantes: Cõdignè hæc Regi accidere quod suo iumento, ut dicitur, sibi periculum attraxisset. Pro innato tamen amore Polonis erga dominos suos fremere cuncti cœperunt. Inde delectum exercitus pro vindicando Rege agunt, utq; ad condictum tempus cuncti se sistant ad ripas Vicipri fluminis ad pagum Kiany in Lublinensi prouincia, edicunt. Liberatur interim Rex, qui quodammodo captiuus in Lituania detinebatur; et placationis loco mille siclis à S-widrigelone lenitus, dimittitur.

WLADISLAUS TERTIVS.

Anno à condito orbe
Anno Christi

5396.
1434.

Nuem ferè annorum erat Wladislaus cum Rex declaratus est. Proinde eius coronatio turbas quasdam dedit. Quidam enim contendebant propter teneram ætatem iusiurandum eum rite præstare non posse, & idcirco coronationem differendam omnino suadebant. Verum hic scrupulus exemptus est, producta tabella à Zbigneo è Cracouiensi Basilica, in qua effigies Cazimiri Magni electi Regis impubis adhuc depicta erat. Proinde contradicentes refutati, rationibus destituebantur. interim tamen neccientes moras, ut præteriret dies, plures ex nobilitate ad se pertrahere conantur. Quod ubi animaduersum est, Marsalcus Olesnicius iubet, ut, quibus placeret coronare Wladislaum, ad dextram concederent, qui aliter, ad læuam. Ita lis dirempta, cum omnes magno consensu Wladislaum coronandum clamarent; iuramentum tamen tunc ab eo non exigendum, sed ad maturiorem ætatem id differendum. Interim autem placuit, ut Sophia mater, & primores pro eo fideiuberent, cum non prius ad regni gubernacula accessurum, quàm iusiurandum rite præstitisset.

1438. Vix ea sopita controuersia, alia emerfit inter ecclesiasticos, & ordinem equestrem. Equestris ordinis homines Iaroslai constitutiones vrgebant de decimis ex campis noualibus. Sed tandem illud tantum

tantum obtinuerunt tunc patroni ecclesiarum, ne obstringerentur conuehere curru suo decimam, neque delectum in frumento sacerdos haberet; modò ne data opera vitiosum ei daretur. Hoc tempore Podlasiâ Polonis ademptam fuisse annotatur. Paulo ante dissidia in religione inter Bohemos Sigismundus Rex & Imperator curauerat sanari, introducta constitutione concilii Basiliensis, qua permittitur usus Eucharistiæ sub utraque specie Laicis, ut vocant.

1440. Alberto Rege atque Imperatore mortuo, Hungari proceres assiduis precibus ad regnum Hungariæ suscipiendum Wladislaum inuitant & obsecrant. Re in consultatione Senatus posita, variabant sententiæ Senatorum, dissuadentibus multis, difficultatemque duorum amplissimorum regnorum administrandorum, & Turcici belli magnitudinem exaggerantibus, Aliis Reipub. Christianæ negotium id requirere contendentibus, & rem gloriæ plenam non esse parui pendendam. ac præstabilius esse, Polonos Hungarorum armis atque periculo contra Turcorum vim sese tueri, quam, illis proditis, & illo quasi intermedio pariete sublato, per se ipsos omnem maximi & difficilimi belli molem sustinere: Aderat fortè Amuratis Turcarum Imperatoris legatus, pecuniamque & centum millia armatorum Wladislaos offerebat, ut contra Hungaros susciperet bellum. Interim nuncium allatum est ex Hungaria, Elizabetham posthumum ex Alberto Cæsare peperisse. Et iam Rex abiecerat omnem de suscipiendo eo regno cogitationem; sed tamen victus est legatorum perseverantia. Hoc tempore fames maxima occupauit Poloniam; ita ut vulgus tenerioribus foliis, & frondibus arborum, & radicibus herbarum vesceretur. Attamen, rebus ita exposcentibus, in Hungariam iter Rex instituit; veniensque Budam, urbem illam in suam redegit potestatem. At quia iam Ladislaus posthumus infans præcipitantia matris coronatus erat, Rex Wladislaus in Poloniam omnino constituerat redire, nolens esse Hungaris causa ciuiliū bellorum. Verumtamen Hungarorum perseverantiæ cessit. Renunciatur ergo, attollitur, ut vocant, & coronatur Rex. Interim Amurates non ignarus Hungaricorum dissidiū, ciuilisque belli, Bielogrodum obsederat; ad quem Rex Wladislaus Lucam Gorcanum, & Ostrorogum oratores suos mittit; postulans, ut ab obsidione discedat, pacemque ac foedus dudum ultro expetitur secum lanciat. At ille ferox cōtinuauit obsidionem in septimum usque mensem; nec nisi strage suorum adactus, ab ea discessit. Secutæ sunt tres de Turcis victoriæ amplissimæ; vna ad Bielogrodum; altera in Transyluania; tertia ad Vascapum, ubi à regiis copiis magnis cladibus Turcæ sunt affecti. Capta est etiam à Wladislaos Sophia, quam Sardicam nonnulli antiquitus fuisse volunt. Profligata etiam ac ad interuersionem usque prostrata sunt ad Morauam flumen

De Decimis

Fames in Reg

Lucas Gorcanus, & Ostrorogus legati ad Turcam.

Clades Turcicæ tres.

flumen

flumen Turcorum triginta millia; capta quatuor. Subacta est etiam Bulgaria. Fuit & ille præclarissimus Regis Wladislai conflictus pridie natalis Christi cum Carambeio duce Turcarum, præfecto Nataliae suae Asiae; qui ibi fusus & superatus in deditionem Regis venit. ubi fortiter dimicans Rex, aliquot sagittas aduerso pectore, ut refert Callimachus, excepit. Fuerunt etiam alia proelia Wladislai cum Turcis, partim ipso assistente, partim administrante per Hunniadem, & alios. quæ semper fortuna, consiliis, & auspiciis nobilissimi Regis felicissime ex animi eius sententia confecta sunt. His successibus in uniuersum orbem christistianum celeri fama vulgatis, frequentes ab omnibus Principibus & Rebuspub. atque etiam à Constantinopolitano Imperatore Ioanne Palæologo legationes venerunt ad Wladislaum; cui tam insignes victorias gratulabantur, & ad prosequendum inceptum eum hortabantur; pollicentes auxilia. Veniunt etiam ex Polonia congratulatum & rogatum, ne omnino despiciatui & derelictui haberet Poloniam; rediret, & quæ per eius absentiam neglecta erant, redintegraret. Veniunt & ab ipso Amurate pacem postulantes & foedera; redempturiq; Carambeium, quinquaginta millia nummum aureorum numeraturos se promittunt. Rex Wladislaus, & Hungari tam honestam & gloriæ plenam pacem non abhorrebant. Sed quò facilius in suas condiciones pertraherent oratores Amuratis, in angustum amplissimumque Hungarorum & Polonorum confessum perducere eos, ibique à Wladislao audiri curant. ubi pacem petentibus induciæ tantum decem annorum sunt datae. Paucis interiectis diebus veniunt à Venetis & præfecto classis eorum nuntii, adferuntque litteras, quibus nunciatur, Amuratem omnes ferè copias suas in Asiam ad bellum Caramanicum traduxisse; mare ab ipsis, & sociis, classium præsidio teneri; hortanturque Regem, ut contra Turcam expeditionem pararet, eamque acceleret, & hac occasione arrepta, toti Christiano orbi operam nauet. Vbi nuntii siue oratores iam commemorati perorassent, tum Iulianus Cardinalis, qui etiam Basiliensi concilio interfuerat, nomine Pontificis Romani verba facit: orsus eodem modo, ut nuntii Venetorum; atque initi foederis vinculum dissolvere tentat. Inducias illas & foedus necessitate quadam factum ait, & à Rege expressum: tempori Barbaros seruire, mox pacta violaturos. argumento esse, quòd, lapso iam tempore, non impleuerint promissa. Priora item esse cum Pontifice, Venetis, Genuensibus, Burgundione foedera, & societatem belli initam magis valere oportere. Quòd, si qua religione rex teneatur, ne iuramentum Barbaris datum violet, illo se eum Pontificis Maximi autoritate prorsus liberare. Hac identidem agendo & inculcando, perpulit Regem iuuenem, ut contra sacramentum iurandi aliquid sibi permitteret; assentiente etiam Hunniade

Hunniade Bulgarici regni promissione illecto. Non placebat hoc Regis de violandis pactis consilium proceribus Polonis. sed curiosos se in aliena Repub. diu obluendo, nolebant præbere. Itaq; post medium Septembris Rex Segedino castra mouit, non satis alacer, nec spe optima; quasi conscius periurii videretur. Iam enim Turcæ & filios Despotæ, & munitiones promissas reddiderant, sicuti in pactis constitutum fuerat. Traiecit autem Danubium apud Orfanam tertia Nouembris, & ad Nicopolim vicesimo sexto die peruenit. Cui Dracula Palatinus Moldauiae occurrit; visaque paucitate exercitus regii, in quo vix quindecim millia equitum, & peditum longè minùs erat, reditum Regi suadet. Cum autem nihil profecisset, quatuor millib. suorum hominum, duce filio, exercitum eius auget. Ipse verò domum redit, duobus in aduersum belli euentum velocissimis equis Regi donatis. Vbi præclarum inprimis eximiae virtutis specimen duo Poloni equites Ioannes Tarnouius & Lescus Bobricius, vel Hungaricorum annalium testimonio, edidere; dum alter Sumeni arcis portas, duobus vulneribus acceptis effringit, alter Petresii murum primus ascendit. Interim Amuratem cum octoginta millibus, Iouio teste, ex Asia traiecisse, conuiuentibus, aut mercede corruptis iis, qui nauali exercitu se prohibituos transitum Barbaris receperant, relatum est; nec tamen hic nuncius Regem ab incepto deterruit. Cum ad Varnam esset, post ortum solem hostes adesse ab exploratoribus nunciatum est. Laborare ex apostemate cruris Rex coeperat. itaq; Hunniades, militibus proelium poscentibus, ad hunc modum aciem instruit. Dextrum cornu montibus contiguum Despotæ, Transalpinis, Iuliano legato, & Episcopis concedit, Bobricio iis adiuncto cum paucis Polonis. Sinistrum ipse sibi desumpsit. Regem in media acie cum cæteris Polonis & Hungaris aulicis collocauit. Castra curulia præter morem remotiùs reliquit noua ratione indutus; quòd, inquit, intra ea multorum ignauia facillè latere soleat. Aciem vniuersam formam hemicicli (alii arcuatam, alii lunatam aciem vocant) habere iussit. Ferè consimili more Turcici Imperatores nostro æuo acies instruere solent. Ita acie instructa, ex illa valle sita inter montes, qui ad Varnam terminantur, vbi aciem Hunniadi instruere placuerat, prodeunt, & ad duo millia passuum hostibus obuiam eunt. Ibi signis defixis, ad tres horas hostes expectati. Accidit interea, vt seua tempestas tranquillo tempore derepente coorta signa concerperet, & ardor atq; alacritas proeliandi in nostris iam fame ob expectatum diutiùs hostem pressis, Turcis ob id ipsum data opera tempus proeliandi extrahentibus, tepesceret, & aliquo modo obtusior redderetur. Apparent tandem hostes ab extremis collibus in dextrum cornu nostrorum inuehentes. nec impetum eorum nostri ab

Proli ad Varnam

Instructio exercitus ad Varnam.

ea parte, equis infuetum camelorum aspectum, & odorem non ferentibus, sustinuerunt. Fusi per montosa Galatam versus ad decem ferè millia passuum fugantur. Meliore verò euentu à Rege, & Hunniade ab alia parte pugnatum est. Nam Barbari, nostris in eos validis copiis ruentibus, ad quatuor millia passuum non sine cæde, instabili ferè genere pugnae vtentes, submoti sunt. Inde reuertitur Rex ad opem ferendam suis, qui reliqui in dextro cornu cum Iuliano & Francobano aegrè vim Barbarorum sustinebant. Impetu igitur hîc quoque non dissimili facto, hostes obstinatè pugnantes in fugam egit; ita vt dissipati Thraciam trepidatione implerent, quasi iam vniuersus eorum exercitus deletus fuisset. Iamque fuso ac fugato, & à sinistris, & à dextris vniuerso equitatu Turcico, videbatur Regi tantùm restare pugna cum Ianiceris; qui nudati præsidio equitum non diu victoris vim laturo existimabantur. Itaque temerè & cum paucis Polonis in eorum phalangem inuectus, contra opinionem omnia duriora reperit. Ibi enim ipse Amurates erat, quibusq; fortissimis stipatus. Ibi Asiaticus Bassa, qui cum plerisque orientalibus eò sese ex fuga receperat. Itaque Rex pedem referre turpe ducens & genere suo indignum, nec eius esse, qui bellum infert, fugere; cum magnam, inter confertos hostes pugnans, stragem edidisset, Asiaticumq; Bassam, quemadmodum Bonfinius memorat, interfecisset, ad extremum iam sub vesperam in Ianicerorum confertissimam cohortem irruit. Sed quia isti dolo scrobem seu fossam, cespitem instratam, ex instituto artis militaris illis vsitato, sibi circumdederant, ideo, impetu in eos facto, equus cespitem cedente vnà cum Rege in scrobem corruit. Itaque illi accurrentes Regem armis opprimunt & obtruncant; Principem longiore vita & immortalis gloria dignissimum. Alii paulo aliter hæc referunt. Ego autem tritam viam ingressus sum, remq; narraui quem admodum exceperunt veteres nostri ex ore duorum maximi nominis Polonorum, qui euaserant viui ex illo proelio, & in Poloniam redierant, Ioanne, inquam, Resouio, qui postea Episcopus Cracouiensis fuit, & Georgio Sanocio, artium Magistro, qui præmium strenuè nauatæ in proelio operæ Archiepiscopatum Leopoliensem consecutus est. Poterant autem omnium fere optimè omnia isti nosse; cum magno omnium cōsensu celebratum sit, Polonos à latere Regis nusquam tunc temporis discessisse. In Iulianum porrò Cardinalem declamitant potissimum omnes, eumq; consilii mali notabiliore morte diuinitus poenas exoluisse referunt. Cum enim vnà cum oculis auro impletis, quos secum attulisse dicitur, ad traiectum fluminis delatus esset, narrant à nauiculario fuisse interfectum, & in profluētē nudum deiectum. Callimachus verò scribit, eum in deuio saltu semi nudum & faucium à Georgio Sanocio Polono, cuius modò mentionem fecimus

onem fecimus conspectum, & cum exprobratione perfidiæ increpitum ibidem periisse. vtcunque est, certe de hoc potest illud Vergilianum vsurpari:

cadit ipse Tolumnius augur,

Primus in aduersos telum qui miserat hostes.

Amurates ipse & totus tunc exercitus, si qua re animatus est ad sustinendum vsque ad finem illud proelium, certè illa animabatur, quod certò sperabat, Deum non inultum relicturum illam Christianorum nominis diuini in vanum assumptionem. In annalibus Turcorum annotatum referunt, Amuratem tunc, cum iam proelium incalcesceret, accitis suis ducibus, in equo residentem expandisse magnū vexillum, quo imago crucifixi saluatoris depicta fuit, hisque verbis suam orationem exorsum fuisse: Christe crucifixe, si deus es, vt Christiani credunt, & nos non repugnamus, tam claram tamque euidentem contumeliam nominis tui nunc vlciscere, & vindica hanc perfidiam. Et non ita multò post, cum effatus esset hæc verba, incepisse nostras acies inclinare. Mirum est, quanta fama & celebritas sit istius pugnae: vt ferè nullus sit historicus, nullus poëta, nullus iuriconsultus, nullus denique theologus, qui huius nobilissimi Regis vicem querulis vocibus non deploret, & lugeat. Fuit Wladislaus hic procera statura, facie fusca, honesta tamen ac dignitatis plena, capillo nigro, laboris & inedia patientissimus; iustitiæ & religionis cultor eximius. Commissa hæc pugna fuit anno 1444.

*Amurat Turcorum
seu ad Ch.
oratio*

CAZIMIRVS TERTIVS.

Anno mundi

5409.

Anno Ch. isti

1447.



Azimiro hoc nullus Regum nostrorum, quod sciam, diutius feliciter regnavit. A coronatione enim eius ad mortem quadraginta quinque annos habemus. Itaque regnum eius longam historiam continet, & Longolius noster siue Dlugossus prolixè eam descripsit. D. autem Cromerus eòto libris perpetuis eandem complexus est. Ego verò fessus & visu debilitat⁹ quid faciam? Mediocritatem sequar, vel potiùs adhuc infra mediocritatem me continèbo. Singulis tamen huius regis annis aliquid (nam hoc propriè annalistam decet) adscribam, quod vtile nostro æuo vel ad constituendam Rempub. vel ad formandos mores, vel ad bella tractanda iudicabo. Nam ita & superius me gessi, nō nisi ea commemorans, quæ profutura huic nostro sæculo iudicavi. Cætera non ita necessari a vel prorsus omittens, vel obiter tantum attingens.

1447. Hoc anno 25. Iunii Cazimirus coronatur. Tertia post die, Castellano CRACOVIE NSI coronam præferente, Palatino sce-

*Quam longani-
miter se gesse-
rit senatus Po-
lonie in toleran-
dis rebus suo-
rum dominorum*

*Gorcanus Co-
mes.*

*Decimas ex
subditis impe-
trare à Ponti-
fice Rex cona-
tur.*

ptrum, Posnaniensi Palatino pomum, Sedomiriensi verò gladium, in urbem solenni pompa deductus, & in folio in foro posito colloca- tus, iusiurandum à Cracouiensibus de more accipit. Interregni tem- pore, antequam coronaretur, morosa & forsan etiā imperiosa admo- dum cunctatione, cum ad regnum inuitaretur, est usus. Cuius cuncta- tionis causas alii alias ponunt. Sunt, qui dicant, causam fuisse, quod præ aliis posteris Regis Jagellonis tenerrimè patriam suam Lituani- am adamavit. alii Senatui magni illi Ducatus tantam moram tribu- unt; quasi illi aut Polonis dominari, aut nihil officii vnquam eis præ- stare in animo habuerint. Erga hunc eius barbaricum saltum (hoc e- nim nomine historicus quidam hoc vitium in eo notavit) Poloni- cus senatus ita prudenter, ita modestè, ita lōganimitè se gessit, con- stantiq; patientia omnia vitia in eo toleravit, expectans, vt suos cor- rigeret mores, vt meritò nunc, sicuti & tunc, palmam togatæ pruden- tiæ promeruerit; cum omniumque fortissimorum regnorum senatu conferri hac in parte, atque etiam multis præferri possit. Per idem temp⁹ Comes Gorcanus huius Palatini Posnaniensis Stanislai à Gor- ka tritauus, & Petrus Samotulius Castellanus Calisiensis ad Ponti- ficem missi impetrarunt Regi decem millia florenorum, in subsidi- um contra Tartaros, quæ ordo ecclesiasticus conferret. Decimæ ve- rò decimarum quas perebant, negatæ sunt eis.

1448. Hoc anno legatus Pontificis Eugenii Cracouiam ve- nit. Cui academia Cracouiensis nullum honorem venienti exhibu- it, eo quòd Basiliensi concilio omnia tribuebat, necdum de cessione Felicis innotuerat, qui ad Pontificatum ab eo concilio promotus fuerat.

Quintus conuentus Lublini.

1448. Cazimirus tertius, siue aliquorum consilio inductus ad capeſendum Ducatum Lituaniæ Sedomiria disceſſerit siue clam de muro se demiſerit, vt scribaſus Latopiſciorum tradit, certè hac re om- nes ordines regni, ipſumq; Wladiſlaum fratrem plurimùm offendit; cuius rei quia Lituani autores fuiſſe perhibebantur, diſidia ea de cau- ſa inter Polonos & Lituanos toto tempore dominatus Cazimiri ab his comitijs Lublinenſibus gliſcebant. vbi cum in conſpectum vtrique veniſ- ſent, acerbius Poloni cum Lituaniſ expoſtulabant. Demonſtrabant Li- tuani, ſe ſic feciſſe, quòd aliter fieri nequibat, niſi incurrere periculum magnum voluiſſent propter ſublato Sigismundum Ducem ipſorum. Regeſerunt Poloni, periculum iſtud vitari potuiſſe, ſi gubernatoris, nō Ducis titulo Cazimirus Lituaniam adminiſtraſſet. Contra illi, Si titulo ducis vix effugi id poterat, multò minùs gubernatoris. Ita, dum vtrique ſeſe carpunt

se se carpunt acerbius, Rex monuit Polonos, ut ita attemperarent verba sua, ne Lituani acrius irritati alienentur: Responsum est clarius: hac commodiorem viam ad retinendos eorum animos nullam restare, quam si Lituani, Russiq; omnes, abrogato suo ipsorum principatu, Polonorum regno atque nomine censi se deinceps velint. quod cum illi nequaquam vellent, responsum datum est tale: Intentionem auctoris hac in re spectarent; pacta conuenta seruarent; priuilegia Grodlenſia non poſſe eos reſcindere, niſi prius libertates ſuas, adeoq; ius nobilitatis ſuæ in dubium vocent. Hæc ſtare incolumia non poſſe, ſi ſemel illa labefactata corruant. Quare prudenter ſe hîc gererent, ac cauèrent, ne effugientes Charybdim, in Scyllam inciderent: Quod attinet Podoliam, hanc à Cazimiro Magno fuiſſe partim iure belli, partim iure propinquitatis Poloniæ regno adiunctam, & poſtea ex Ludouici, & poſt Ludouicum ex eius præſectorum manibus vendicatum. Nam & Cameneciam Bacotam, & alias arces à Cazimiro fuiſſe exſtructas & firmatas. Hæc erat ſumma controuerſiæ. Quod ſi quis altiùs rem repetere vellet, inueniret etiam ipſum Ptolomæum ante mille quadringentos annos, incolas Podoliæ vocaſſe Sarmatas Tirangitas. Quod tunc & poſtea Tiræ ſeu Dneſtri vtriuſque ripæ hæredes erant; Imò & Strabo, & Ouidius totam ripam Euxini & Mæotidos Sarmatarum patriam facit. Et poſtea Chobrius Rex Poloniæ & Audax Boeſlaus, ut exiſtimo, hac de cauſa atrociam ac cruenta bella pro illis terris ad Kiouiam, nec nõ & Criuoſtium, Cazimiruſq; ſecundus poſt cum geſſere, ita ut & Boryſthenes ſanguine intumeſcere, & terra ipſa rubere videretur. Itaque etiam ſi quis Rubeam ſeu Rubram Ruſſiam vocatam eam regionem, aliam ob cauſam concedat: tamen hac etiam de cauſa Rubra merito vocari poteſt, quod Polonorum, aliorumq; ſanguine ſæpius irrigata fuerit. Teſtantur hoc cippi & ſepulchreta heroum Poloniæ per vniuerſam eam ſparſa. Hinc illæ columnæ æræ iniectæ ſunt flumini Boryſtheni à Chobrio, & alia monumenta poſita. Quod ſi Scythæ tempore interregni, hoc eſt, cum Polonia ſciſſa in multas Satrapias à ſuis Regulis eſſet, occasione naſta, ferro omnia vaſtarunt, id non iure belli, ſed latrocinantium more factum cenſeri debet. Lituania porro ſi Tartaros ſuperiori æuo propulſauit, & aliquot prouincias à dubiis poſſeſſoribus vindicauit, hæc impendia poſterioribus temporibus à legitimis dominis & poſſeſſoribus reparari ſibi ac compenſari ſenſit. De quibus rebus priuilegia & tranſactiones monſtrantur clari. Ideo Cazimirus Magnus illis temporibus ita confidenter pro poſſeſſore ſe Podoliæ geſſit, ut etiam Tiræ ſecundo flumine inde Cyprii frumenta nauibus ſubmiſerit, ipſumq; Regem Cypri ad Caroli Imperatoris nuptias & conuiuium illud celeberrimum Cracouiam

lebre Cracouiam versus contendente, illac potissimum deducendum curavit. Quin & Wladislaus Iagello in gratiam Constantinopolitanorum idem, quod Cazimirus in gratiam Cypriorum per Borysthenem à Caci-
bærio portu fecisse scribitur. Nemo autem ringi aut mirari debet, si Deus primæua regna, quæ illo adhuc aureo seculo post diluuium statim extiterunt, quale est inter alia regnum Sarmaticum, peculiari quadam providentia tuctur & ornat. Hæc ideo addenda putavi, ut lectis chronicis Lituanicis, alijsq; cum eis cõiunctis, habeat quisq; in promptu, quid statuendum hîc sit; ac tandem, demonstrata veritate, æquabiliore et magis pacato animo utraque gens Polona & Lituana coniunctionis mutue hoc vinculum, ut maximum Dei donum, veneretur, Deumq; inde celebret. Sub idem tempus Duces Seuerienses pacta conuenta cum Vitoldo olim inita, cum Cazimiro Vilnam venientes, confirmant. qua de re diploma extat, cuius exordium est tale: Ego dux Michael Ioannis No uosedlensis & Odoiuensis, cum fratre suo duce Fedoro, & cum nepote duce Ioanne Basiliade, &c. Et paulo post: Modus componendarum litium inter eosdem duces & magnum ducem Moschorum, magnumq; ducem Pere斯拉uiensem, et magnum ducem Prunscensem describitur. Videlicet, ut si quid tale accideret, commissa reali (ita vocant) iudicio tota res permitteretur. Quod si quisquam istorum trium magnorum ducum re iudicata stare nollet, Rex spõdet, sese tãquam patronum, Seueriensium causæ non defuturum. Hinc autem colligere licet duces Prunscenses tunc in illa regione absolute imperitasse. Adequatur enim hîc dux Prunscensis Moscho & Pere斯拉uensi, qui sine dubiò habuerunt absoluti iuris dominium suum.

1449. Comitua Petricouiensia, in quib. cõtentio de loco inter Cardinalem, & Archiepiscopum mota, non tamen tum sedata fuit.

1450. Cazimirus Rex hætenus iuramentum regno non præstiterat. Itaque conuentum est inter procures, ne pro iusto Rege Cazimirus haberetur, quoad is iusiuradum, quod sæpe petatum fuerat, præstitisset.

1451. Comitua Petricouiensia, in quibus controuersia illa de loco inter Cardinalem, & Archiepiscopum prudentissimè sopita fuit, hoc modo. Archiepiscopus principem locum haberet. Sancitum verò, ne quis Cardinalatus honorem deinceps, Senatu inconsulto, peteret, aut vfurparet. Videbant enim prisca homines, iuramenta, quæ fieri consueuerunt in Romano cõsistorio cum iis, quæ regno à consiliariis præstari solent, non per omnia conuenire.

Sextus conuentus Parcouiæ, &
septimus Brestæ.

1451. *Parcouiæ conuentum agunt cum Lituaniis Poloniis ubi eadem cantilena recantatur. His datam fidem, pactaq; conuenta urgentibus; illis ad metam constitutam progredi detrectantibus. Sed iam vehementius istis egisse videntur Poloni. Angebantur enim, & pro ludibrio reputabant, quod ad insignem sublimitatem & quasi ad culmen res Lituanicas perduxissent, eorum Principes ad tantam maiestatem extulissent, thalamoq; suæ regis filie admisissent, per vniuersum orbem rem vniuersam sparsissent, bellum cruentum ad Grinualdum eorum causa sustinuissem, ad extremum autem res eò redacta esset, ut non nisi labores, sumtus, pericula, et tumultus comitiorum pro tantarum rerum gestarum fructu & emolumento haberent. Cum igitur se spe deiectos, & propemodum expectatione frustratos ludificatosq; perpenderent, paulatim flammæ odiorum ita succensæ inter utranq; gentem erant, ut Lituanii Senatores absque fide publica ad comitia illa venire renuerent; quæ tamen eis denegabatur, ne quid fœderibus hac re derogaretur. At illi durius quid suspicati, ad comitia venire detrectabant. Emanauerat enim fama, ut asserunt annalistæ Russi, ac si clam conclusum fuisset in senatu Polonorum, ut, si venissent, captiui tamdiu detinerentur, donec fidem datam liberaissent, pactaq; conuenta adimplessent. Venerunt tandem: Sed urbem non ingressi extra mœnia castris positus locum cæperunt. Verum cum munitioni non satis fiderent, noctu tertia die solis absq; seruis in fugam se vsque Brestam coniecerunt; relicta suppellectili, & aliqua manu suorum in castris. Hæc ubi nunciata essent, rei nouitate perculsi Polonorum quidam, castra relicta visum accurrunt. Vnde coniectura coniecturam & suspitione suspitionem augente, ex illo leui argumento in opinione semel concepta confirmantur. Nam & serui eripientes se fuga, rumorem inuulgatum pauore suo comprobarunt. Ab eo tempore, ob illum euentum fortuitum, occupauit animos Lituanoꝝ erga Polonos latens quoddam odium; ita ut eos posthac ut debitor suum creditorem solet, intuerentur. Nam et insignia militaria, quæ paulo ante in signum vnitatis confirmandæ acceperant à nobilitate Polona, non sine fremitu tunc eis remiservunt; ut quidem referunt Latopiscij. Solutis comitijs Rex per speciem venationis in Lituaniam raptim se expediens abiit. idq; quemadmodum aiunt, & verisimile est, ut offensos Lituanoꝝ animos cōsolaretur, melioraq; de se et Polonis sperare iuberet. Laudatur in ijs comitijs oratio Zbignei, quæ habuit in causa istius vñionis.*

Octauus conuentus Syradiensis, ex D.
Cromero ad verbum.

In comitijs

1452. In comitijs verò eadem, quæ pridem, cantilena à Lituanorum legatis superbe, & non sine minus repetita. Eiq; modeste à nostris responsum est: Cum Rege de iureiurando & confirmatione importunius actum: Itaque is in angustum redactus, cum octo primoribus consiliarijs secretum consilium habuit: Et cum asseueraret, non posse tunc se sine capitis sui periculo atque defectione Lituanorum, postulatis Polonorum satisfacere, annum vnum impetrauit; ut interea Luscum, & primarias munitiones Lituaniæ in potestatem suam redigeret, thesaurumq; Lituanicum, in Poloniam transueheret. Tametsi admonerat Palatinus Sedomiriensis Olesnicius, videndum esse, ne Rex Polonos vana spe & pollicitatione lactaret: eoq; syngrapham siue diploma, quod ea de re fidem faceret, ab eo exactum, & Regis, ac omnium illorum signis obsignatum Archiepiscopo asseruandum conceditum est: atque ita conuentus ille solutus est.

Nonus conuentus Parcouiensis, ex D. Cromero.

1452. Mense Iunio Rex apud Parcouiam, Polonorum simul & Lituanorum comitia habuit. Verùm adeo tamen Lituani proceres non adfuerunt, insidias nescio quas causificantes: Legationem modò misere, quæ vñtatam illam de corrigendis foederibus, reddendaq; Podolia & Volynia cantilenam occineret. Proferebant nostri diplomata Iagellonis, Vitoldi, & Suidrigellonis, et suis ipsorum argumentis Lituanos refellebant. quòd ij dicerent oppigneratam Vitoldo à Iagellone Rege Volyniam, & Podoliam quadringentis millibus aureorum fuisse, Vel inde enim liquidò constare, eas terras Polonici iuris esse, & mortuo Vitoldo, vñ cum pecunia in ditionem Iagellonis legitima successione recidisse. Ad extremum ferebant eis arbitros, siue Regem, siue Pontificem Max. seu quem alium principem vellent. Tartarorum principem siue Casarem illi edebant. Quod cum indecorum atque etiam ridiculum esset, ita dimissa est legatio, ut intelligerent Lituani, Polonos iuri suo nequaquam defuturos. Tentatum est à Rege & nonnullis consiliarijs, ut in aliud tempus res tota adhuc reijceretur, Sed negarunt Poloni. Commemoratur hinc oratio Zbignei Episcopi, quodq; cum maxima libertate peroravit. Extenuans enim Lituanorum minas, fidem & obsequia Polonorum erga Reges amplificabat. contra Lituaniæ proceres in odium inducebat, & suspicionem. Etiam si, inquit, fortuna paginam verteret, Poloni nihil de suis erga Regem studijs mutabunt vnquam. Audiuit hæc Rex subtristis, demisso capite, & crebra ex imo pectore trabens suspiria. Hæc ex Dlugosso & D. Cromero.

Diluitur argu-
mentum de Po-
dolia & Voly-
nia.

Decimus conuentus Petricouienſis.

Parcouia Petricouiam ad alia comitia ad diem natalem D. Ioannis Baptiſtæ indicta itum eſt. Ibi fortassis acta ſunt ea cum Rege & à Rege, quæ Dlugoſus Parcouiæ acta eſſe prodidit. Ibi quidem prolata eſt ab Archiepiſcopo Regis promiſſio diplomate conſignata; poſtulatam q; à Rege, vt ei promiſſioni tandem ſatisſaceret. Sumpta ad deliberandum die, reſpondit ille: Non licere ſibi aduerſum priori iureiurando, quod Lituanis dediſſet, iuſiurandum dare; daturum tamen, ſed vti modo Regem Polonorum, non etiam vti Lituanorum principem. Captioſum, ſicuti reuera erat, eiſmodi iuſiurandum viſum eſt. Itaque inſtare proceres vnà cum Sophia Regis matre, vt captione illa Rex abſtineret; & commendato cuiſpiam Lituanorum principatu, Poloniam Rempub. per ſe ipſe diligentius adminiſtraret; Lituanos à ſuo contubernio amoueret; quatuor de primoribus Polonorum ſenatoribus publicè declarandos ſemper in conſilium adhiberet, ac de illorum ſententia cuncta ageret decerneretq;. Quæ verò præter ſententiam ipſorum acta vel decreta forent, irrita vt eſſent; ſtationes, & ſubuectiones vti moderatiùs, & more antiquo exigeret. Ni hæc faceret, diutius ſe non expectaturos; ſed ſibi reiſque ſuæ publicæ aliter proſpecturos. Dictisq; facta adiecerunt; nam data & accepta fide mutuò ſeſe obſtrinxerunt, ne utiquam defuturos ſe eſſe patriæ reiſque publicæ. His tandem tam importuni poſtulatùs, atque etiam minis motus Cazimirus, iuſiurandum, quale petebatur, dedit. Quo facto, proceres cætera omiſerunt poſtulata, ſiue in aliud tempus reiecerunt, veriti ne ægrotum Regis animum exacerbarent: ſimul ſperantes, cum tempore ſanatum iri. Hæc ſunt illa nouendialia comitia quæ videlicet in nonum tantum durauere diem: quod quidem veluti nouum & inuſitatum Dlugoſus memorat. Nunc, ſiue quòd liberiùs ſententiam ſuam explicare cuique licet, ſiue quòd ſenatu Lituanico & nuncijs aucta eſt frequentia comitiorum, adiiciuntur ſecundò & tertio alij nouem. Vel quia methodus & compendium tractandi negotia publica ſepe impeditur ac tollitur intempeſtiuâ quorundam facundia. Non ita multo poſt Zbigneus Cardinalis moritur, maximus Lituanomastiſ, vt vulgò, & potiſſimum à Lituanis, exiſtimabatur. eò quòd impenſiùs & acriùs vrgeret negotium hoc; ne videlicet illud fœdus coniunctionis, & amoris mutui inter vtranque gentem, quod maximum Dei donum eſſe cenſebat, in caſum abiret. Fuerat enim præſens cum ab initio pacta illa fieret, ideo melius, quam plerique alij iudicare poterat de vniuerſo illo negotio. Sed de his hactenus. Et quia Cazimirus iureiurando ab eo toties efflagitato, extremam

Reformatio
regiorum conſi-
liariorum &
aulicorum ex-
tra comitia.

Zbignei mors.

x num illis

num illis transactionibus tum imposuisse est visus, nos quoque huic epitome historiae rerum Lituanicarum finem faciemus.

1452. David Turca Amuratis fratris filius, pulsus olim à patruo Sedomiriam ad Regem venit. Sachmates etiam Imperator Tartarorum à suis fugatus ad Regem in Lituaniam fugit. sed hic captus Caunæ ad finem vitæ suæ in carcere retinetur. Eodem anno Hungari, Bohemi, & Moravi Fridericum tertium Imperatorem in noua ciuitate vrgent, Regemq; suum Ladislaum ab eo obsidione extorquent. Ludouicus Magister Prusiæ primus Regi fidelitatem iurat. Isidorus Kiouienfis Episcopus qui in Florentino concilio multa eruditè differens de religione Christiana inclaruerat, à Russis pulsus, eò quòd in Latinorum religionem concesserat.

1453. Tartari in Volyniam excursionem faciunt, vbi nouem millia captiuorum, ingentemque aliam prædam fecerunt. Hos sunt insecuti, qui Podoliam inhabitant, Poloni cum præfectis regiis, inter quos Lascius Zincouienfis, & Ioannes Niemiec laudantur. Hi noctu securos aggrediuntur; & magna strage profligant, prædamq; omnem illis excutiunt. trecenti tantum ex eis euaserunt, qui nostrorum paucitate animaduersa, postero die cum nostris, viribus resumptis, manus conferere volebant. sed paruo negotio fusi fugatique sunt. Hoc anno Constantinopolis à Turcis capta.

1454. Prussi se, & suas munitiones Regi Polonorum dedunt. Nuptiæ Cazimiri Regis cum Elizabetha Alberti Cæsaris filia celebrantur. Hoc eodem tempore Capistranus Franciscanus homo eloquens in Bohemiam venit, vt omnes ad religionem romanam perduceret. Tandem in Poloniam Cracouiam à Zbigneo Cardinali aduocatur. Hic primum in ipso foro, deinde in æde virginis M. quotidie per interpretem conciones ad populum habebat; quibus Rex & Regina adesse solebant. Is cum ludos, aleam, choreas & alia eiusmodi prohiberet, talem sibi opinionem breui conciliauit vt pro sancto haberetur. Episcopi Prusiæ hoc tempore Regi, iureiurando interposito, se addicunt; & abiecto cultu Cruciferorum, veterem habitum, qui diui Augustini profitetium regula dicitur, resumunt. Pacificatur tandem Prussia, Rege eis magnas prærogatiuas ex sua liberalitate concedente. Nam cum antea Cruciferis è Gedanensi ciuitate sexaginta aureorum millia quotannis prouenirent, vt Vapouius scribit, ipse pro his omnibus duo tantum millia aureorum imponit. Eodem anno male pugnatum à nostris ad Choinicium. Primam quidem alam Cruciferorum Poloni perfregerunt, funditusque profligarunt, & Baltazarum Ducem Zeganensem, occiderunt, Bernandumque Slumbarg Ducem ceperunt. sed tandem, cum se acies nostrorum frequentes ob angustiam loci explicare non possent, alii cæsi, alii dissipati sunt; & Rex, dum

Constantinopoli
capta

Ioannes
Capistranus

& Rex, dum restituere pugnam conatur, in periculo fuit. Eius cladis culpa referebatur in eos, qui minùs commodum proelio locum delegerant, & leuiorem equitatum, ex præscripto militaris disciplinæ, ad turbandos & perrumpendos hostium ordines, non præmiserant, sicuti antea Polonis consuetudo fuerat.

1456. Comititia Petricouensia; in quibus tributum antea & post inauditum sancitur; quod sic describitur: Placuit vniuerso conuentui, vt Rex pariter, & ecclesiasticus equesterque ordo vniuersus dimidium annorum censuum conferrent, ne bonorum quidem & magistratuum fructibus exceptis; oppidani verò immobilium iuxta ac mobilium bonorum æstimatione facta, vt binos grossos pro qualibet marca penderent. Agrestes verò singulos grossos in capita marium, & foeminarum numerarent. Cæterum equestres homines, qui nullos haberent agricolas, & adscripticios census, singuli vicenos quaternos grossos: Cum autem ne hæc quidem suffectura essent, aurum insuper & argentum sacrum è Cracouensi Basilica à Rege importunè flagitatum; sed ab Episcopo constanter negatum est. Cui cum Rex irasceretur, placatus est quinq; millibus florenorum Episcopi & sacri collegii fideiussione à mercatoribus mutuò acceptis, vt tamen Rex ea postea solueret. Eodem anno à Iohanne Hunniade maxima clade Turcæ affecti apud Nandor Albam; vnde ipsius Mahometis Imperatoris Turcarum fuga consequuta est. Vbi non ignobilis fuit sexcentorum Polonorum opera, qui à monacho Capistrano euocati erant ex Polonia.

1456. Ladislaus filius Hunniadis perduellionis insimulatus, cum insidiatorem suum Vlricum Ciliciæ Comitem interfecisset, capitis poenam luit, & Mathias frater eius iunior natu Viennam abductus est. Hic postea à Podebracio Rege Bohemorum, quinquaginta millib. aureorum numeratis, redemptus, Rex Hungariæ declaratur.

1457. Comititia Petricouia, & inde ad prouincialem Colensem conuentum Rex ipse ire non neglexit. Impetravit autem à nobilitate eius orę, ut susciperent in se mun⁹ defendendarum trium arcium: Slochouia, Suecæ, ac Thucholia, quoniam pecunia deerat in stipendium mercenariis militibus, qui pro præsidio in his arcibus collocarentur. Erat hæc noua inuentio & compendiosa ratio muniendi arces. Gedanum deinde est Rex progressus; vbi Carolus Danorum Rex exul pedestri comitatu ei occurrit, eumque salutat. Eodem tempore Magdeburga arce potitus est Rex, persoluto stipendio militibus, quibus eam Magister Prusliæ hypothecæ nomine donec id solueret, tradiderat. Erat autem summa quadringentorum septuaginta sex millium. Commendatur hîc Gedanensium erga Regem & regnum beneuolentia & officiositas. maximè verò, quòd ad

Carolus Danorum Rex obuiam it Cazimiro cum pedestri comitatu.

Gedanensium merita erga Cazimirum.

*Hastatus quid
apud veteres
Germanos si-
gnificat.*

exoluendam eam pecuniam triginta millia denuo extra ordinem collecta contribuerunt. Commendantur & maiores Poloni, quod tempore difficili subierint sponte, non coacti, onustale, ut in centenas marcas annui census, singulos hastatos equites mitterent. Hastati autem singuli apud veteres Germanos tres equites intelligebantur. nempe hastatus reuera vnus grauioris armaturæ vnâ cum duobus sagittariis. Nam & auratum equitem olim **Dritter** Germani vocabant, quasi Tertium; quia videlicet duobus aliis sibi adiunctis militabat. Sed postea **Ritter**, adempta littera D. nominare cōsueuerunt, vnde nostrum Polonicum nomen **Rycerz**, quo strenuos viros appellare solemus. Per eadem tempora latrocinia innumera in finibus minoris Poloniae exercebantur; ita ut tota Polonia minor contra eos latrones expeditionem generalem fecerit. quam valde numerosam tum fuisse tradunt, ita ut sexaginta bellatorum millia in iis castris censa fuisse Vapouius memoret. Eodem anno Gizonius Iohannes ob ingrauescentem aetatem praefectura motus fuit: Sed sui aliam eius rei rationem reddunt: nempe quod Pontifex maximus id apud Regem clam per internuncios curauerit, eò quod Zisca Bohemo auxilia submittere Gizonius solebat.

Zyska

1458. Hoc anno expeditio fuit in Prussiam; ex qua Rex reuocatur ab vxore; quæ cum Cazimirum filiū peperisset, supra modum coniugis absentis desiderio angebatur. Ad eam igitur cum Rex reuersus esset, ibi legatos Georgii Podebracii noui regis Bohemorum audiuit. Petebat is foedus cum eo & ingentia auxilia contra Cruciferos ei promittebat.

*Capita orationis
Rituani
qui post mortuum
Zbignium Regem libe-
rius redargue-
re consueuerat*

1459 Hic annus nobilitatus est insigni victoria de Cruciferis, & eorum clade. Nec multum absuit, quin Ludouicus Magister eorum viuis in potestatem nostrorum venerit. Ingens præda reperta apud victos; ita ut viceni aurei in singulos milites diuiderentur. Wratislauia autem & reliqua Syllesia dedebat se Regi; sed rationem Podebracii Rex habere voluit. Comititia postea Petricouiae indicta sunt. ad quæ nuncii Cracouienses non nisi sub fide Regis veniunt, & per Rituanium hominem, magni animi, & eloquentem, de multis rebus cum Rege expostulant. Praefectorum eius tyrannidem is accusat, nominatq; Iohannem Kuropatvvam, qui Senicium & Laticinium nobiles Chelmenfes indicta causa spoliarat, & omni contumelia affecerat. Commemorat & merita Polonorum in familiam Iagellonum, & opes quas ad Lituaniam iuuandam toties profuderant. Exprobrat Regi monetæ, quam cudebat, leuitatem, & non coërcitam licentiam importandi adulterinam. Quod item vectigalib. Poloniam onerari pateretur. Sed & alia consimilia tum proponebantur Regi ob oculos; quæ ego adscriberem, nisi scirem Rituanii orationem etiamnum saepius &

ſæpius & domi & in comitiis commemorando iterari. Lecti ſunt deinde viginti viri, qui de conſtituenda & reformanda Repub. ſententiam ſuam dicerent: Regis autem arbitrio omnia deinde ſubiicerentur. Iugeralis contributio duodenorum groſſorum tum impoſita eſt agricolis. Ab eccleſiaſtico verò & equeſtri ordine octaua pars cenſuum promiſſa Regi in ſtipendia militum. Eodem anno Iohannes Albertus filius Cazimiro natus.

Viginti reſormatores Reip. eliguntur.

1460. In hunc annum incidunt illæ diſſenſiones non tam inter Iacobum Sieniennium, & Iohannem Grufczinium, quàm inter Regem, & Pontificem maximum; quòd patrocinium hic Sieniennii, ille Grufczinii ſuſceperat. quæ diſſenſio paulatim incenſa ita efferbuit, vt aliquid magnum breui pepererit. Nam Sieniennius eam ob cauſam regem ita irritauerat, vt Rex ipſi & eius aſſeculis extrema quæq; non modò minaretur, ſed etiam iam reipſa inferret. Itaque Sieniennius Pinczouiæ in arce patria obſideri iuſſus, in eam anguſtiam redactus fuit, vt cogeretur in Melſtinum arcem ſe recipere; vbi à Iohanne Melſtino receptus vnà cum Dlugoffo totum annum ſe continuit; nequicquam prohibente Rege, ne perduellem ſuum & hoſtem publicum Melſtinus ſeruaret. Pauci quidam ex ordine eccleſiaſtico tum Pontificiam autoritatem regiæ antepoſuerunt. Et ii quidem à Rege duriùs ſunt tractati. Crizanouiſ ab apparitoribus per mediam urbem foras eductus eſt eò planè veſtitu, quo Canonici in templo vtuntur, ita vt populus aſpiciens eius vicem commiſeraretur. Dlugoffus redditus adempti. & alii acerbitatem Regis experti ſunt. Iis verò, qui cum Rege ſentiebant, ſi Pontificiis interdictis grauabantur, regio iuſſu & minis à Pontificiis decretis ad concilium futurum vniuerſale prouocabat. Meminerat enim Rex, in Baſilienſi concilio paulò antè concluſum fuiſſe, & magno conſenſu ſancitum, vt Pontifices deinceps ſententiæ concilii ſubiicerentur. Quam conſuſionem & ipſe Nicolaus Pontifex approbauerat, eiq; ſubſcripſerat. Ad hoc igitur præſidium Rex, exemplo aliorum Regum, Ducum, Imperatorum, in omnibus controuerſiis cum Romanis Pontificibus tanquam ad tutiſſimam arcem confugiebat in illo diſſidio.

Sieniennij controuerſia cum Grufczinio ſen potiùs cum Rege.

1461. Iudicium regum in Cracouienſes ciues, de cæde Andreæ Tencinii.

1462. Ziemouitus & Wladislaus Mazouiorum Duces veneno ſublatis, & de ſucceſſione in Mazouiæ & prouinciæ Beſſenſis dominatum controuerſia. Pacta & conuentiones inter Regem Cazimirum & Georgium Regem Bohemiæ. Qui vtriuſq; Regis conſenſus, cum Georgius in religionis negotio ſuſpectus eſſet, minimè probabatur Pontifici, eumque exaſperabat contra Cazimirum. Conuentus item eorundem regum Poloniæ & Bohemiæ, in quo ſplendor Polonica-

rum opum talis tantusque enituit, ut nunquam Cazimirum ad conuiuium inuitare ausus fuerit Georgius; ne scilicet proderet paupertatem suam.

1463. Capha à Turcis capta. Magnus tunc Poloniam inuasit timor. De Cruciferis aliquot celebres victoriae, terrestri & nauali proelio partae. Proinde continuis cladibus debilitati, ad extremum tantum legati Pontificii auctoritati confidebant, qui tamen nihil profecit. Nam aliquoties legatus prodiderat suum consilium, quod videlicet plus faueret Cruciferis, quam iustitiae. Et aliquando, cum eo inuito ciuitatum Prussiae nuntii publice introducti essent à Polonis, mox toti oppido interdixerat sacris. Causa autem huius excommunicationis fuit, quod cum Rege sentirent, aduersante Pontifice. Cum autem nostri, per speciem supplicationis ob rem bello benè gestam, campanas pulsare coepissent, legatus ita irritatus fuit, ut etiam mulieribus maritorum consuetudine & contubernio interdixerit, quod maritos à fide Regi data citius auellere posset. Quae res etiam tum risum omnibus mouit. Scribunt & illud: Cum Rex in quodam colloquio priuato à legato exasperatus dixisset, malle se regno excidere, quam Sieniennium pati, se inuito, fieri Episcopum, legatus vociferari coepit. Praestare, ut tria regna pereant, quam ut ius & auctoritas Pontificis perturbetur aut diminuat.

Polonorum victoria de Turcis ad Sauum, qua se plurimum Matthiae Regi commendabiles reddiderunt; ita ut postea opera eorum libenter usus fuerit in militia. Numerus Turcarum erat quatuor milium. Polonorum quinquaginta tantum.

1464. Iudaei direpti Cracouiae. Cruciferorum clades apud Golpergam. Pii secundi Pontificis Maximi mors.

1456. Cazimiri auctoritas & opinio apud Christianos creuit & apud Barbaros ex hac occasione: Pontifex Romanus & Imperator per Patriarcham Antiochenum apud Ezigerum summum Tartarorum principem egit, ut Turcis bellum inferret, quod eos à bello Christianis inferendo auerteret. Ezigerus respondit, in eo postulato se ex voluntate Cazimiri foederati amici sui pendere velle. Denovo igitur Pontifex cum Imperatore Antiochenum Patriarcham, ad Cazimirum mittunt, petiitum ut Christianos adiutos vellet ea in re; quandoquidem ipse Christianus communi religioni id deberet. Sed Rex eam deliberationem ad comitia distulit. Sub idem tempus quidam ararii milites ob non soluta sibi stipendia, coacto iusto exercitu, contra ipsum Regem quaedam machinantur. Angebat ea res supra modum Regem, quod sibi à bellis non concederetur respirare. Et maximè dolebat ei, quod didicerat eam ob rem Cruciferos resumere spiritus, cum iam antea satis attriti animum ferme despondissent. Itaque

sent. Itaque statuit milites istos tanquam perduelles bello persequi. Quo comperto, accepta fide, in rem præsentem conueniunt, & pœnam publicè deprecari, ad pedes Regis sese abiicunt. Hac igitur de-

*Ira & clemen-
tia Cazimiri.*

missa deprecatione tandem non modò veniam impetrauerunt, sed etiam pecuniam emeritam consecuti sunt.

1466. Polonorum victoria de Cruciferis ad Ofiecum. Venit interea Legatus à Pontifice ad componendas lites; quemadmodum ad Regem antea scripserat. Cui Rex per Dlugossium indicauit, se pacem non abnuere; modò ille bona fide patificatorem se interpone- ret; neque imitaretur Hieronymum Cretensem legatum superio- rem, qui Regi, ac si filius eius esset, operam suam pollicitus, cum po- stea ad Cruciferos peruenisset, donatus ab eis calice aureo, ipsis non obscure fauebat; Et Cretensis, vt est in prouerbio, cretizauit. Inter- ceptæ enim fuerant literæ legati, & ad manus Regis deuenerant, in quibus calicis huius mentio fiebat.

Celeberrima pugna Polonorum ad Choinice; vbi & oppidum ca- ptum fuit, ibique non modò abolita est illa infamia acceptæ quon- dam cladis, sed etiam multis modis compensata. Ad medium igitur Septembris, cum ex oppido erupissent hostes, commisso cum no- stris proelio, in oppidum reiecti sunt. Nec multò post, prudentibus nostris, rursum erumpentes, cum aliquot horis strenuè dimicassent, multis amissis, terga verterunt. Instabant nostri fugientibus. Hostes verò veriti, ne cum suis nostri simul in oppidum irrumperent, cele- riter clauseruut portas permultos suorum excludentes: qui partim cæsi, partim capti, partim in fossam plenam aquæ armati sese præcipi- tantes submersi sunt. Nec multò post nostri sagittis ignem iaculati, noctu oppidum incenderunt; ita vt quarta pars eius vnà cum fru- mento conflagarit. Quo casu tandem victa est hostium pertinacia, & missis in castra Vldarico Eisenoueno magno Commendatore, & Iohanne Zalio, vitam fortunæque pacti, nunquam contra Polonos arma se sumpturos esse, sanctè iurarunt. Redditis itaque, receptisque vicissim captiuis, inter quos erat Paulus Iasenius, oppidum cum bombardis, & omni apparatu & instrumento bellico ad quartum Calend. Octobris dediderunt, & lacrymantes Pambergam profecti sunt. Post hanc Cruciferorum cladem pax perpetua sancita fuit, Cru- ciferique in fidem & clientellam Polonorum recepti, & Magister e- orum Princeps renunciatus, ac consiliarius regni. Ab eo tempore Pomeraniæ Ducatus, Michalouiensis quoque, & Culmensis terra re-

*Secundum bel-
lum Choinicen-
se, & victoria
Regis.*

cuperata regno Poloniæ adiungitur; pro quibus Poloni centum & octoginta annis cum Cruciferis armis decertarant.

*Pomerania et
Michalouien-
sis Culmensis
que terra Po-
loniæ adiungi-*

1462. Sigismundus Cazimiro natus.

1462. Iohannes Dlugossus regiis liberis præceptor designatur.

Nuncii etiam

Nuncii terrarum instituti.

In hunc annum reijcitur nunciorum terrestrium (quos vocant) prima institutio: quā quam antea

Rituanus, & alij, Cracouien- sis terræ legati ad Comitium delecti fuerant

Nuncii etiam prouinciarum instituuntur. ut bini scilicet è Palatinatibus seu Satrapiis mitterentur ad comitia; qui videlicet essent veluti custodes communis libertatis, & medium quoddam, quo posset facilius & placidius summa potestas cum inferioribus ordinibus coalescere. Sylla quidem Romæ sustulerat Tribunos plebis in gratiam Senatorii ordinis. At Pompeius, quia Reipub. utiles videbat, eosdem restitui curauit.

1470. Hoc anno venit ad Cazimirum legatus Friderici Imperatoris Raphael Lescinius: eques quidem Polonus, verum complures annos in ministerio Imperatoris versatus, eique inter paucos charus. Is conatus est Mathiam Regem apud Cazimirum in suspicionem adducere; utque ab eo sibi caueret, tanquam ab homine vafro, sedulo præmonuit.

1471. Georgii regis Bohemiæ mors. Wladislaus Cazimiri filius Rex Bohemorum creatus.

1472. Cazimirum regem Pontifex, atque etiam ipse Aegypti Sultan⁹ per oratores ad suscipiendum bellum contra Turcas adhortatur. Sed Cazimirus tunc bellis Prussicis, & expeditione duorum filiorum in Bohemiam, & Hungariam ita fuit exhaustus, ut ne in quotidianum quidem victum sumptus ei suppeterent. Eò factum est, ut militibus stipendia non persoluerentur. Hinc extiterunt plurima latrocinia. Nam mercenarii milites, unde se alerent non habentes, vias publicas quodammodo obsederunt, & alia extrema consilia ceperunt.

1473. Turcæ bis collatis signis cum Husancassano Aegypti, Syriæque Imperatore insigni strage victi. Ad quinquaginta sex millia caesa militum, & centum quinquaginta tribuni, quos Subbassas vocant, tum perierunt.

1475. Subacta Bazarabia à Turcis, quæ sita est ad littus ponti Euxini intra ostia Tiræ & Danubii, pauor ingens & trepidatio mentes nostrorum hominum inuasit; non secus ac si ipsa iam Podolia & Russia vastaretur.

1479. Sophia Cazimiri regis filia Friderico Marchioni Brandeburgensi nupta. ex qua natus est Albertus ille Dux Prusiæ, princeps sempiterna memoria dignus; patronus etiam meus olim clementissimus.

1479. Mortuo Bninio Posnaniensi Episcopo, duo competitores eius Episcopatus fuerunt: Vriel Gorcanus Lucæ Palatini filius, Gnesnensis & Posnaniensis præpositus, & Cancellarius regni; & Stanislaus Curozuacius Procancellarius regni. Sed Iacobo Archiepiscopo interueniente, collegium Posnaniense regiam auctoritatem in eligendo Vrielle secutum est; qui Vriel etiam promissum Regis aliquantò ante

liquantò ante habuisse dicitur. Fuit autem & alius Lucas Gorcanus Palatinus Pofnaniensis, & postea idem Cuiaviensis Episcopus, pater Andreae; quem Pofnaniensem absolutè ob nominis eius celebratam Poloni vocabant.

1489. Cazimirus foedus icit cum Baiazete Turcarum Imperatore, per oratorem suum Nicolaum Firleium, gente Leopardium, qui postea Castellanus Cracouiensis, & dux exercitus Polonici fuit. *Nicolaus Firleius Dux exercitus.*

1492. Mors Cazimiri, subsecuta est. qui Vilna profectus cum Trocos vnus diei itinere peruenisset, fessus, ex nimia agitatione languere coepit. & inualescente morbo, ubi animaduertit supremum vitae diem sibi instare, testamentum condidit, quo Wladislaum filium exhaeredauit. Deinde sacrosanctis Christianae religionis mysteriis perceptis, mense Iunio animam exhalauit. Inde in Poloniam solenni pompa elatus in basilica Cracouiensi, sepultus est ad dextram in sacello sanctae Crucis. ubi & Elizabet vxor Cazimiri ab Alexandro sepulta fuit. Extatque ibidem epitaphium eius. Vel potius delubri eius inscriptio characteribus Slauonicis.

Polonicè.


Ku chwale imienia naywyszsho Boha oycá wssemohuszczo-
ho/pobudowan Kosciól y sieiá káplícá / powielenim wielikoho á
prestawnoho Korolá / proswietnoho Kazimira z Boskoy miłosti
Polskoho y wielikoho Kniázia Litowskoho / Trockoho / y Somo-
itkoho / y Kniázia Pruskoho / Pána y dediczá tych y inych mno-
ho ziem Hospodará. y ieho Korolowey pronaiásniysey paniey
Elizabety z pokolenia Czarstkoho prodká prenaiásniysho o Sy-
gmionta Pána ziemie Rakuskoy / Czeskoy / y Dhorskoy. Poletu ná
rozenia Bozoho pierrysho siemdziesiatoho tysiacnoho / á do-
konczáli sieiá káplícá Miesiáca Octob. 12. dnia.

Eodem anno Mathias Rex Hungarorum ex apoplexia moritur.

IOANNES ALBERTVS.

Anno ab orbe condito
Anno Christi

5454.
1492.

 Azimiro sepulto ad medium Augusti, conuentus agitur Pe-
triciuæ noui Regis creandi gratia. Minus pacata fuit illa
electio; sicut ferè fit, ubi certus modus electionis incipien-
da, dirigenda, & perficienda præscriptus non est. Marsalcus regni,
& Tenczinius Sigismundo, vt eligeretur, fauebant. Idem sentire vi-
debatur Zbigneus Olesnicius Archiepiscopus. Gnesnensis, tametsi
creditum est, eum clam Mazouio fauisse, cum quo tum fixit in paten-
ti campo tentorium. Insolentiùs autem & ferociùs sese gerebant Ma-
zouii; vt, si non impetrarent, vi exprimerent id, quod petebant.

*Incommoda in
certi electionis
modi.*

*Zbigneus aper-
tè Sigismundo
fauebat, clam
Mazouio.*

y 1493. Albertus

*is in ovine**in translati*

1493. Albertus coronatur, Zbigneo Archiepiscopo mortuo, Fridericus Cardinalis, Archiepiscopus & Cracoviensis Episcopus, creatur. Venetorum legati gratulantur regnum regi, atque occulte eum contra Turcam concitant. Nam ipsis Dyrrachium eripuerat. Turcæ verò legatus, per amplis donis oblati, pacem & amicitiam ei deferebat. Verebatur enim Turca ne pluribus simul bellis implicaretur. Fridericus Imperator interim moritur. Apud Vîsnoueciam in Volynia nostri à Tartaris superantur. Iudæorum domicilium Cazimiriam translatum; quem locum Cazimirus Magnus Gymnasio destinaverat.

1495. Iohannes Mazouiorum dux obiit. Plocensis ditio Poloniæ adiuncta est.

1496. Barbara Cazimiri filia Georgio Duci Saxoniae à fratre Iohanne Alberto in matrimoniū collocatur. Philippi Callimachi mors Polonis non ingrata. Nam idem ei acciderat, quod omnibus exteris qui modestè secunda fortuna non utuntur. Increbuerat fama, cum ad tyrannidem incitasse Regem, decretaq; eius venundare solitum fuisse. Et difficulter quidem invidiam, & obrectationes hominum vitant, qui se in gratiam regum insinuant, sed tamen meminisse debent consilii illius diuini. Exaltatus es supra alios, sis quasi vnus ex eis. Iouius scribit Callimachum miserè apud pistorem vitam finivisse, sed refutatur epitaphio, quod Cracoviæ sepulchro eius, in ædibus s. Trinitatis, inscriptum ita legitur.

Callimachi epitaphium.

Philippus Callimachus experiens, natione Thuscus, vir doctissimus, vtriusque, doctrinæ & fortunæ exemplum imitandum, atq; omnis virtutis cultor præcipuus, diui olim Cazimiri & Iohannis Alberti Poloniæ regum secretarius acceptissim⁹, relictis ingenii ac rerum à se gestarum pluribus monumentis cum summo omnium bonorum mœrore & regiæ domus, atque huius Reipub. incommodo. Anno salutis nostræ 1496. Calend. Nouembris vita decedens hic sepultus est.

Alij de Sigismundo fratre in Palatinatu Valachie constituendo consilium habuisse prædicant.

1494. Iohannes Albertus Rex cum fratre Wladislao Bohemiæ & Hungariæ Rege in Liuocz conuentum agunt; consultantes, quomodo, coniunctis viribus, cædem crudelissimam Wladislai patris sui vlciscerentur, propositumque suum nemini reuelant. Ideo Iohannes Albertus Creslaum Curosuantium Cancellarium & Episcopum Wladislaiensem, qui ipsum ab instituta expeditione, quam Bucoviensem vocant, reuocare conabatur, immanius obiurgavit; inquit, sacerdotem sacrorum, non belli curam gerere debere: se autem vel indusium suum concrematurum esse, si id consilii sui consciū esse sciret. Non desunt alii, qui adhuc occultiore causam illius belli suscipiendi præter hanc habuisse Regem affirmant, quam ei Callimachum

Callimachum insidiosè inspirasse in perniciem. equestris ordinis, hætenus Poloni autummant.

1496. Expeditio belli quam Bucouiensem vocant. Hanc fatalia quædam signa, ut tum existimatum est, præcesserunt. Equus generosus in quodam paruo torrente iuxta Leopolim sub Rege succubuit, pauculaque aqua obrutus est. Eques item Polonus Szrobski, cum esset insanæ mentis, clamabat vociferans: Nostri in suum malum proficiscuntur. Fulmen quoque quendam equitem cum duodecim equis interemit.

*Bucouienſis ex
peditio.*

Prælua & occasio inimicitiarum inter Stephanū Moldaviæ Palatinum, & Ioannem Albertum Regem hæc erant: Promiserat Moldauus se Regi cum vniuerso exercitu commeatum pabuli suppeditaturum. quod quia non præstitit, Rex plurimum ei indignabatur. Socauiamque exercitum admouit; quæ cum venienti portas occluseret, quaternis castris positis, oppugnare eam instituit. Habuit autem Rex tum exercitum numerosum. Nam octoginta millia bellatorum habuisse dicitur: curruum ferè triginta millia. Aderant etiam cum eo Sigismundus frater. Aderant & Magistri Cruciferorum Ioannis Tieffen legiones: sed ipse Magister Leopoli mortuus erat. Verum, cum recordarentur Poloni se eductos ex patria ad alia maiora, quam ad Socauia oppugnationem, tædio moræ dimissionem à Rege petunt. Et iam Wladislaus Rex Hungariæ inter Regem & Palatinum inimicitias per legatos composuerat. Foedere itaque firmato, facile Rex suorum votis annuit; præsertim cum valetudinarius esset. Interea in reditu, iam nihil tale nostris opinantibus, cum syluam Bocouetiam ingressi essent, Stephanus foedis fragus tam à fronte, quam à tergo, eos aggreditur, magnamque stragem in nostris edidit, complures captiuos secum abegit: Inter quos Gabriel Comes à Thecin erat. Et narrant ii, qui cum Palatino Syradia Magnifico Alberto à Lasko Despotam Valachia anno 1562. deducebant, se vidisse in illis syluis ossa illorum, qui tum fraude circumuenti & interfecti à Valachis fuerunt. Sed existimo & ipsorum Valachorum ossa ibi reperi. Nam & in ipsis nostris, Regis præsertim aulicus exercitus, magnam cladem fecerunt; ita ut prorsus pro victis ab illo conflictu Valachi disceserint, & plures multò ex eis perierint, quam ex nostris, exceptis Mazouiorum cohortibus, quæ illo syluestri genere pugnae illis incognito, Valachis autem vsitato, concisæ sunt. Sed mox, ubi ad littora Pruti ventum est, iterum virtute Polonorum commissa pugna, Valachi fusi fugatique in syluas se abdiderunt, magnam stragem nostris in eis edentibus.

*Gozdziec syl-
ua illa à Gottis
veterib. dicta,
qui illa loca o-
lim habita-
bant.*

1498. Turcæ Russiam vastantes, hyberna tempestate deleti. Perisse tunc eorum supra quadraginta millia tradunt. Multi postea re-

perti, qui, interfectis equis, in eos exenteratos & adhuc calentes tum se illatebrauerant. sed frustra; statim enim calor artus vita & sanguine destitutos deserebat. Reliqui, cum sese vtcunque tandem explicassent, & in Moldauiam euasisent, à Stephano Palatino, & Valachis primò excepti sunt. sed cum Polonorum insequentium habitum mentirentur, diuexati sunt ab iisdem & contrucidati; ita vt vix decem millia ex toto ipsorum maximo numero, qui nostras regiones inuaserant, Istro transmisso, salua domum redierint. In religionem hæc res celsit Turcis; ita vt sibi persuaderent, gentem Polonam atque Russam diuinitus defendi. Eo quòd irati celi pruinis & niuib. tum deleti fuissent.

1500. Opatouia à Tartaris exusta, Zaichostum etiam, Bresta Lituanicum, Turobinum. Petrus Myskouius capitaneus Leopoliensis copiis tum mercenariorum præfectus erat. Tunc etiam Slupcius tantum vno vase cremati vini (quod vocant) seu aquæ vitæ, in campum educto, Barbaros placauit, ne ædes quas in villa patria Slup habebat incendio traderent adeo insigni artificio fabrefactas, vt etiam cum omnibus structuris horum temporum, quando omnia subtilius fiunt, comparari possit. Mihi certè illa domus videtur insigne monumentum antiquitatis.

1501. Adornante iter in Prussiam cum exercitu Ioanne Alberto rege, mittit ad eum Stephanus Moldauæ Palatinus legatos, deposcens, vt sibi Eliam Petri, qui ante ipsum Palatinus fuerat, filium profugum traderet; causam prætexens, quòd is affectare dominatum diceretur. Traditus quidem non est ei Elias, verum capite plexus inspectantibus legatis. Et ne iniuste id factum esse existimaretur, vulgatum est crimen falsi in litteris regiis eum commississe. Mittuntur postea legati ad Magistrum Prusiæ. Sed dum eunt & redeunt legati, Ioannes Albertus rex apoplexia vitam Toruniæ finiuit, ætatis suæ anno quadragesimo quarto. Regnavit octo annis, totidemque mensibus. Corpus eius Cracouiam reuectum & in Basilica arcis sepultum. Vbi hoc epitaphium marmoris incisum legitur: IOANNES ALBERTVS REX POLONIAE SVCCESIT PATRI DIVO CAZIMIRO, DE CHRISTIANA REPVB. NEDVM DE REGNO, BENEMERITVS. PACE ET BELLO CLARVS, INGENIO. MAGNO, animo inuictus erat, rei bellicæ miles, eius ingenii consultor testis fuit. Nouem annis autum & paternum regnum tenuit, annum agens quartum & quadragesimum Toruniæ 17. Iunii. Anno Domini MDI. primo immatura morte perijt, relictis post se fratribus, Magno Wladislao Hungariæ & Bohemiæ rege, Alexandro Poloniæ successore. Regina mater ex longa stirpe Imperatorum, quæ filia regis, vxor, & mater erat, charissimo filio & bene merenti

*Elias Palatini
des Valachie.*

bene merenti cum altero filio Sigismūdo duce hoc sepulchrū posuit.

ALEXANDER.

Anno mundi
Anno Christi

5463.
1501.

Comitia noui regis eligendi gratia indicuntur Petricouia; ubi heroēs Polonici adeoque omnes ordines conueniunt. Ibi alii Wladislaum Bohemiæ & Hungariæ Regem, alii Sigismundum Glogouiensem Ducem; alii verò Alexandrum Ducem Lituaniæ, regem exposcebāt. Sed, cum illud diploma amplissimum, viginti quinque signis procerum Lituānorum obsignatum legati Alexandri in medium produxissent, omnis dubitatio sublata est. Non deerant tamen, qui consilio dolum addere volentes, spargebant rumorem, Alexandrum omnino cum exercitu aduentare. Sic enim fit, ubi certus electionis modus non extat. Aderat autem in illis comitiis ipse Fridericus Archiepiscopus, filius Cazimiri Regis. tamen liberum populum liberè consultare permisit in præsentia sua de rebus quas vtiliores fore iudicarent conseruationi Reipub. Polonæ. Speciosa quidem fuit oratio eorum, qui Wladislaū proponebant. Nam paternum & auitum regnum duorum regnorum Hungariæ, & Bohemiæ opibus & autoritate munire, erat certè aliquid, quod oculos hominum facile perstringere posset. Tamen ad mentionem Lituaniæ & necessitudinis cum Lituānis iamdudum contractæ, omnes illos titulos quantumuis suo splendore coruscantes, sicuti & antea quoque tempore Wladislai Iagellonis, spreuerunt Poloni, & Lituānorum amicitiam cunctis aliis rebus prætulerunt; vt eos hoc modo & ratione tantò magis sempiterno iure non tam sibi amicos, quàm secum membra & viscera vnius Reipub. redderent. O prudentissimum ventustatis consilium; quod postea & ipse Wladislaus per nuncios collaudauit, & Sigismundus præsentia sua factum cohonestauit, approbavitque. Itaque coronatur Alexander Cracouiæ. Helenæ verò uxori eius diadema denegatum est: eò quòd mordicus Græcorum religioni adhæreret. Nec filia meliorem spem de se dabat, ab institutis que Romanæ ecclesiæ prorsus abhorrebat. Eodem tēpore Sachmates Zauolgensium Tartarorum princeps à præfectis regiis capt⁹ Vilnam transmittitur, & cum aliquoties euadere conatus esset, ex fuga retractus est.

1502. Tartari Taurici Opatouiam, Lagouiam, Belzum, Iaroslauiam diripiunt, & incendunt. Tunc fuit secunda Opatouia conflagratio.

1503. Hic annus memorabilis Friderici Cardinalis morte. Erat Fridericus aspectu decoro ac dignitatis pleno. sed animi moerore cito consenuit.

tò consenuit. cruciabatur enim, quod fortuna eum fratribus non æquasset, regios honores ei denegando. Ideo veluti despondens animum, inertia se se dediderat, in computationibus, turpique luxu ac fordibus cum quibusdam suis marcescens. Ad extremum morbo Gallico confectus moritur, ut Miechouiensis refert. Epitaphium eius sepulchro tale inscriptum legitur: HOC OPVS FRIDERICO CARDINALI CAZIMIRI FILIO qui quinque & triginta annis exactis, 1503. Marci 14. obiit, fratri charissimo diuus Sigismundus rex Poloniae pietissimus posuit. Ei Andreas Rolā in Episcopatu succedit. Eodem tempore Vincentio Præebio Episcopatus Præmiſſiensis defertur. Iohannes Lascus à secretis & annulo Regem in Lituania sequitur, bene exercitatus in negotio Cancellariae. Conradus Mazouiorum Dux moritur, & filiis in feudum Mazouia conceditur, ut mascula proles hæreditate eam obtineret, orbi verò inter se succederent. Laudaturque hic liberalitas Alexandri, qua cæteros fratres superasse dicitur. Valachus prouinciam Pocucia, ad montes Sarmaticos sitam, iuris sui facit, de sua ditione iniuste prius detractam dictitans.

1505. *Motus in Lituania non omnino leues, dum Senatus Gliniscius, & Gliniscius Senatum apud Regem accusat. Fuit Gliniscius magni animi vir. Hic adolescens adhuc in Germania apud Albertum Saxonie Ducem, dum in Frisia bellū gerit, strenue se gessit, ac per omnes militie gradus magnum sibi nomen peperit. Itaque, rediens ad suos, ut fit, multa sibi permittebat, alios despiciatui habens. Quamobrem cuncti eum elati animi hominem iudicabant; dabantque ei vitio, quod potentia sibi parata & opibus, alios in odium apud principem adduceret, plerosque etiam falso criminaretur. Ita alij Palatinatu moti, alij Senatus ingressu exclusi in acerbo dolore versabantur. Vilna tum muro primum cincta. Mechmet Kierei Tartarorum Dux, ad Minsko castris positus, quoquoersus cohortibus dimissis, Lituania vastat, Dumque reprimatur impetus hostium, Prunscius Dux Hlebus multitudinis armis opprimitur. Sed quia delati sumus ad commemorationem huius strenui Herois, monet me occasio, ut altius repetam historiam huius stirpis. Post mortem Wladimiri Monomachi nuncupati, Monarchæ Kiouiensis adeoque totius Rusiæ, vnus ex filiis eius Iaroslans occupauit Rezanensem Ducatum: vnde cognominari voluit Magnus Dux Rezanensis. atque instituit, ut posteritas ipsius pro insignibus vteretur viro loricato in equo decurrente, cum stricto gladio. Ipsi, inquam, hoc inuentum tribuitur. Hic, confecto curriculo & vitæ, & dominatus sui in Rezanensi Ducatu anno 6652. ut Rusi ab orbe condito numerant, duos filios reliquit; quorum maiori natu Iacopelko Ducatus Rezanensis sorte*

zanensis sorte cessit. Suetoslaus verò iunior in Ducatu Prunscensi sedes
 suas fixit. titulo similiter Magni Ducis sibi usurpato. Etenim fuit vir
 magni animi, non obscure referens indolem illorum duodecim Hero-
 rum, vel ut Rusi vocant Bohatorum, à quibus originem ea gens du-
 cit; ut annalistæ Rusorum memoriæ mandarunt. Hic moriens reli-
 quit Georgium filium ex filia Olbæ Ducis Branskij. Georgio defun-
 cto anno 6687. successit Iborus, & Iaroslauus. Iborus Hlebo Reza-
 nensium Duci cum auxiliares copias adduxisset, in conflictum belli e-
 quo delapsus & grauitè vulneratus, in itinere dum reuerteretur, mor-
 tuus est; relicta filia Olba, quæ postea Duci Quatuorecclesiensi nupsit.
 Iaroslauus autem filium habuit Wladimirum, qui ex Olba coniuge Re-
 stouiensis Ducis Olbam & Wsenolodum filios suscepit. Horum Olba
 anno 6727. à Tartaris, qui Duce Balakleio (à quo propugnaculum il-
 lud ad Borysthenem nomen accepit) Russiam vastabant, interfectus
 est. Wsenolodus autem ex Ducis Sudaliensi filium habuit Mscislaum,
 mortuusq; est anno 6737. Huius Mscislai temporibus, iuxta annali-
 starum Rusorum sententiam, anno à condito orbe 6747. Batti ille
 princeps famosissimus Tartarorum cum valido exercitu progressus, de-
 vastauit patriam sedem istorum Ducum, Prunsko vocatam. Ipse Msci-
 slaus in Quatuorecclesiensem principatū profugiens, egrè vitam serua-
 uit. Fratres tamen, nepotesq; eius, adeoq; omnes eius ditioes vna cum
 arcibus mole belli tum oppressæ & deletæ fuerunt. Post mortem Msci-
 slai Georgius filius ex Ducis Iaroslauensi habuit filium Suetoslaum.
 cuius æuo inciderunt illa bella Russica Gedimini Magni Ducis Li-
 tuaniæ, à quo etiam Stanislaus Kiouiensium Monarcha principatu e-
 xutus & deturbatus, Prunskum ad hunc confugiens portum suorum ma-
 lorum reperit. Recreatus demum Rezanum concedens ad Ducem Re-
 zanensem, filiam eius uxorem accepit, & ibidem vitam finiuit. Deme-
 trius filius Suetoslao successit, qui Tartarorum Zauolgensium Circas-
 siorumq; continuis incursionibus fatigatus, anno 6861. fatis concessit;
 filio relicto Rosislao, qui ex Ducis Tuerensi progeniuit Demetrium fi-
 lium, & tandem anno 6892. mortuus est. Demetrius nobiles inimici-
 tias & bella gessit cum Duce Rezanensium, quoad vixit; ideo quòd au-
 xilia ferens Duci Moschouiæ, ditioes eius attriuiset, ac debellasset.
 Hic, relictis duobus filiis, Georgio & Michaele, mortuus est anno
 6929. De cuius morte cum ad Moschorum ducem fama peruenisset,
 misso Duce Iaroslauensi, consolatur eos, beneq; sperare iubet; ac velu-
 ti memor necessitudinis, quæ ei cū patre eorum interceperat, beneuolen-
 tiam eis suam vltro offert. hoc agens insidiosè & modis omnibus per-
 suadere tentans, ut se eius tutelæ & defensionis vitæ minores iusta
 ætate permitterent.

ætate permetterent. Erat hoc speciosum consilium, ac tempori illi & eo-
 rum ætati imbecilli conueniens. Sed præmoniti de humanitate Moschi
 insidiosa, nequaquam eius legationi assentiuntur. Offensus ille vehe-
 menter, cogit contra eos exercitum. Georgius in tempore monitus auxi-
 lia Tartari Præcopensis, missa in stipendium militi pecunia, implorat.
 Hinc aliquot millia expeditorum Tartarorum Carus Princeps mittit;
 quibus suorum tria millia Georgius adiungit. Cum hac manu Moscho-
 iam appropinquanti cum exercitu occurrit. Committitur prælium a-
 trox. Sed dux immaturæ ætatis multitudine circumfusus profligatur; ita
 ut fugæ se committens ægrè ad Præcopensium Ducem incolumis e-
 uaserit. Acta sunt hæc ab orbe condito anno 6930. iuxta annalistas
 Russorum. Postea Dux Moschouiae, contracto exercitu, obsidione cin-
 git arcem Prunsko, & vi eam vnà cum orphano Michaele capit, quem
 secum in Moschouiam abducit; ubi possessiones ei attribuit. arci verò
 captæ præsidium validum imponit, ac omnem Ducatum in prouinci-
 am redigit, quæ hactenus ditioni eius subest. Fuit principatus iste opu-
 lentissimus, felicitatèq; soli nulli prouinciæ, quæ Moschis parent, ex-
 cepto Rezanensi Ducatu, cedens. Ideo Magnus Dux libenter cum ti-
 tulus suis adiungit. cuius rei monumenta Archiui Regij documento esse
 possunt. Habuit autem illa prouincia milites strenuos. Nam sita est in
 loco obuiò ferocissimis gentibus inter profluenta Dunæ & Dunec, ri-
 pamq; Mæotidos, non longè à portu Azow; ut in Chorographia nostra
 expresum cernis. loco fere illo, ubi aræ Iulij Cæsaris inter antiquitates
 Prunsciorum. monumentum celeberrimum, sita esse à Strabone & Ptolomæo Geo-
 graphis perhibentur. Quia verò Batti, Balakleius, & alij clari duces
 Tartarorum quibus cis Volgam habitatio est, illac exercitus suos ducta-
 runt, ideo per hanc prouinciā via expedita & transitus in Europam
 Tartaris commodior patet. Itaque est illa eorum iniurijs valde obno-
 xia. Ad quorum tamen transitus prohibēdos Helena mater Ioannis Ba-
 silij Ducis Moschouiae, anno salutis 1537. arcem muro & turribus fre-
 quentibus munierat, præsidioq; firmo imposito, armorum omnis gene-
 ris apparatu referferat. Cuius rei oculatū testem habuimus in Polonia
 virum non postremæ autoritatis apud illam gentem, Ducem Andream
 Krupski, qui ex mandato Magni Ducis Moschorum Ioannis Basili-
 dis nuper mortui, præfecturam illam cum imperio militari administra-
 uit, idq; per 12. annos. sed Moschi tyrannidis metu deinde percussus, ad
 Regem transijt; cui præfectura Kowlensi in Volhynia prospectum fu-
 it: ubi etiam vitam finiuit. At verò Georgius, de quo ante diximus, cui
 facies decora ac principali stirpe & ipsius genere digna, apud Carum
 Præcopensem gratiam conciliauerat, interim obtinuit, ut ad recuperan-
 das patrias sedes

Aræ Iulij Cæsa-
 ris in Ducatu
 Prunsciorum.

Krupski Krupski

das patrias sedes remitteretur, adiunctis ei duobus Cari filiis cum exercitu non contemnendo: ea lege, ut, vendicata sibi patria, annuum tributum Præcopensi penderet, pecuniamq; in militum stipendia expensam numeraret. Accidit autem dum ille prosequitur iter, ut Carus ipse iam senex moreretur. quo nuncio accepto, ex itinere domum reuertuntur milites omnes, Georgio secum victo reducto, & in custodiam tradito. Non enim cernebat gens illa aliam rationem, qua sibi de expensa pecunia cauere posset. Itaque illuc vndecim annos illam captiuitatem pertulit, donec benignitate Iagellonis est liberatus; qui etiam missis duobus magnæ autoritatis viris, quorum alter & quidem præcipuus Holsanensis Dux fuit, cum aduenientem in finibus benignè excipi, & honorificè in Poloniam deduci iussit, anno 1434. Hic Georgius postea Sigismundi Ducis Lituaniæ tyrannidem veritus, uxorem ducit Ducissam Slucensem, ex qua filium Ioannem suscepit, qui vnà cum matre breuifato concessit, Orbitatem igitur suam consolaturus secundò adiunxit sibi uxorem filiam Solomirecensium Ducis ex qua Hlebum filium procreauit anno 1462. verum, sex annis exactis, subsecutus est priorem uxorem. Fuit vir comitate morum, & mansuetudine cum alijs, tum ipsi Cazimiro Regi filio Iagellonis maxime commendatus, qui erga eum signum fauoris & beneuolentiæ non vulgare edidit, curia Brestæ ipsi donata, & ampla possessione Comoneicka vocata, quam antea Rinuntouith, & ipse vir clarus, loco præfecturæ rexerat. Georgij Hlebus filius vir acer in armis fuit, staturæ proceræ & conspicuæ; ideoq; se seruitijs Reipub. totum addixerat, & temporibus Iohannis Alberti, & Alexandri regum Poloniæ aulicus fuit primò, deinde Magister cohortum effectus, copias ductauit. Duxit is uxorem, filiam Tiuonis Vilnensis Trocensisq; Potbipiatham nuncupatam; ex qua duos filios suscepit, Fridericum, & Andream, filiasq; aliquot, quarum vna peperit Ioannem Zinouicium Dapiferum Magni Ducatus Lituaniæ, qui & capitaneus ut vocant, Trabsensis fuit. Hlebus tandè anno 1513. ad Minskò à Tartaris, cum multa opera strenui viri ac bellatoris edidisset & cum contemptu etiam vitæ suæ egregiè dimicasset, interfectus fuit. Vir decora facie, & suauis ingenio præditus: ideo cunctis; & potissimum ordini equestri desiderium sui moriens magnum reliquit. Ab omnibus ergo solenni pompæ eius funus deducitur, & mole ex terra in altum egesta honoris causa sepelitur. quæ ad hunc diem in Lituania Magnus cippus Ducis Hlebi Prunscij vocatur. Fridericus Hlebi filius Palatinus Kiouien. & Præfectus multorum capitaneatum fuit. Matrimonio autem iunxit sibi Theodoram filiam Bogusij Iglouiczinij. de quo obiter pauca. Fuit Bogusius vir toga clarus thesauriq; terrestris (ut vocant)

Lituanie præfectus. Duxit is uxorem Ducissam Sanguskuuiam ex qua tres filias habuit, quarum maior natu fuit Anna, quæ nupsit Stanislao Tencinio Palatino Cracouiensi; cui peperit Ioannem illum Baptistam Palatinum Belzensem, Præfectumq; Lublinensem, virum maximæ expectationis; nisi mors immatura transmarinam peregrinationem periclitantem peremisset; et Catharinam fœminam lectissimam. Hæc primò nupsit Georgio Duci Slucensi, peperitq; ei tres filios, qui nunc in luce hominum versantur. Tandem Christophoro Radiuilo Palatino Vilnensi secundo matrimonio est copulata. Iulia Bogusij minima natu filia Hornostaio nupsit. Theodora autem tradita fuit Friderico Prunscio Palatino Kiouensi, vt iam dictum est, ex qua duos suscepit filios & duas filias. Horum liberorum eius duo, Georgius & Maria immatura morte sublati sunt. Elizabeta verò alia filia iuncta est matrimonio Ioanni Zborouio, Castellano Gneznensi, aulæ regie copiarum præfecto, Odalanouiensi, Grudecensi, Vendensi, Volstinesi, Dubiscensiq; capitaneo, cui peperit filiam Annam anno 1576. quæ viuit; mater verò fatis concessit. Porro Alexander alter Friderici filius qui Kiouie anno 1553. natus est viuus superest. Hic, vt Reipub. melius inferuire posset, in exteris nationibus magnam partem ætatis suæ varijs studijs occupatus exegit. In Germania sub præceptore strenuo, viro insigni, studiorum suorum primum tyrocinium fecit. Tandem profectum suorum studiorum vberiore reddere volens, Lutetiam Parisiorum concessit. Inde in Angliam, & in Galliam Belgicam. vbi Gantabrigiæ Louaniq; veluti mercaturam bonorum studiorum professus, substitit. In Hispaniam tandem, & postremò in Italiam, impulsus desiderio videndi variarum Rerumpublicarum formas, et militaris disciplinæ instituta, nauigationem, & peregrinationem molestam suscepit. Quæ res ei postea vsui fuit. Nam, cum Respublica Polona & Lituaniana de eligendo in regem Henrico Gallo deliberaret, ille, quamuis adhuc adolescens Magni Ducatus Lituanie nomine, ex sententia Reipublicæ illius, vnà cum Nicolao Radiuilo Palatij Magistro oratorem in comitijs egit. Et postea, confirmata iam ætate, Stephano regi ad famam benignitatis eius & aliarum maximarum virtutum excitus, suis sumptibus sponte, seu voluntaria (quam vocant) militia militauit. Commemoratur iam & à scriptoribus laudibus extollitur eius equitum ala, ob decorem eximium, equos egregios, armorum copiam & quod maximum est, lectissimorum iuuenum numerosam manum. Hic nunc cobonestatus Dapiferi Lituanie titulo, Luceoriæ, vbi olim sedes Ducum Rusiæ fuit, & conuiuium illud multorum regum toto orbe decantatum, Præsidis munere fungitur. Sed ad patrem eius Fridericum redeo; cuius inter alia in Rempub.

lia Rempub. merita illud non postremum à viris militaribus sæpe commemoratur, quòd arcem celeberrimam in aditu & sinibus ipsisq; faucibus Scythiæ, vltra Kiouiam, Bialacerkie-w dictam excitauit efferamq; illam gentem transitu ad nos, quoad fieri potuit, prohibuit. Certè summa eius industria vel ex loci illius ad construendam arcem delectu patet. Est enim ille locus veluti pharos & specula totius Rusiæ, vnde primum & certissimum nuncium de Barbarorum aduentu affertur. Sæpe ibi videas Tartaros sub mœnibus arcis, tanquam canes in culinam prospectantes. Quòd si lateant aut fallant excubias aliquandiu, magnus & inemendabilis error statim sequitur. Cum verò tempestiuè obseruantur, fama tandem de eorum irruptione ab vna in aliam arcem deferretur, donec ad Campiductorem et inde ad Palatinos Regemq; ipsum peruenit. Significat autem apud nos Campiductoris nomen simile quid e-

Campiductor
quid propriè
apud Polonos.

ius, quòd apud Gallos Admiraliij appellatio declarat. Nam, vt ille à maris custodia sic vocatur, ita hic à campis illis amœnissimis & à solitudinibus, quæ per centum & amplius milliaria nostratia Scythiam versus patent, nominatur. Horum enim illi custodia & tutela veteri instituto committitur. Potes igitur hic heros inter principes fortunatos connumerari, quòd gratia & beneuolentia maximorum, & minimorum, sibi comparata, ex hac luce decesserit; fortuna cum eo semper blandè, quasi ei obstricta esset, agente. Mortuus Vilnæ anno 1555. sepelitur in templo monasterij sodalitij Bernardinorum.

1505. Elizabeta regina, pientissima fœmina, quinque filiorum ad tantam sublimitatem honorû euectorum aspectu satiata, moritur.

1506. In Polonia in Senatu motus quidam oriuntur. Certatum enim est inter politicos & ecclesiasticos de ordine & ratione sedendi in Senatu regio, ac de expeditionibus bellicis. Contendebant proceres, vt Episcopi alterum latus regis sibi concederent, alterum, vel dextrum, ipsi tenerent; deinde, vt bona ecclesiis addicta, perinde ac Nobilitatis bona, publica belli onera sustinerent. Tuebantur Episcopi prærogatiuas suas; quòd regio lateri ab vtraque parte assidendi ius haberent, & militiæ vacatione ecclesiastica bona antiquitus gauderent. Post longam altercationem Rex tandem controuersiam ita diremit; vt Episcopis & ecclesiis suæ prærogatiuæ saluæ manerent.

Per idem tempus duo Strusii fratres, adolescentes strenui & bellicosi, à Valachis oppressi occubuerunt. De quibus etiam nunc elegiæ, quas Dumas Russi vocant, canuntur, voce lugubri, & gestu canentium se in vtramq; partem motantium, id, quòd canitur, exprimentes; quin & tibiis inflatis rustica turba passim modulis lamentabilibus, hæc eadem imitando exprimit.

Strusij.

Hoc anno Ioannes magnus Moschorum dux cum Stephano illo

Moschorum
pot. nra au-
ta amicitia
Valachorum.

magno Va-

2

2

magno Valachorum Palatino affinitate & amicitia contracta, Casanenses, Permios, Sibiros, Lapos, Iugros Hungarorum progenitores, Bulgaros Asiaticos, Suecos, Liunos, partim subiugauit, partim tributarios sibi fecit, & Lituani septuaginta arces ademit. De hac re vide Hebersteinum Slauum oratorem apud Moschum Maximiliani Imperatoris. Eodem anno Lituani Tartaros ad Kleczko oppidū ingenti clade prosternunt & contrucidant. Laudatur in eo proelio virtus Stanislai Kiska Lituani, quem copiis rex præfecerat. Laudatur & dexteritas Glinicii aliorumque. Sed & Czarnicouii Sediouii Palatini Poshnaniensis animus & prudens ex tempore captum consilium, prædicatur. Is enim Vilna accurrens cum trecentis ex aulico Regis comitatu hastatis, in primo agminum congressu è propinquo colle Tartaris se ostendit; cumque armis fulgentem frontem aciei suæ latius diduxisset, ac tympanis atque tubis vehementius insonare iussisset, Lituani quidem animum, hostibus verò terrorem non mediocriter auxit, cum longè maiorem quàm pro numero, speciem exercitus vtrisque subitò ex loco opportuno monstrasset. Itaque statim Tartari territi terga dedere. & Lituani alacres eos persequi non desierunt, donec omnes ad vnum cruenta clade fudissent. Quæ victori a cum Regi iam animam agenti nunciaretur, sublati in cælum manibus suspirans & collachrymans, tacitus, amisso iam vsu linguæ, gratias agere Deo est visus, omnibusque circumstantibus manum porrigens ad superos commigrauit; anno ætatis quadragesimo quinto Vilnæ; vbi & sepultus quiescit. Quatuor annis & mensibus octo Polonia regni sceptrum tenuit. Cæsa referuntur tunc Barbarorum viginti millia; totidem equi capti, & præda omnis excussa. Admodum autem industriè tunc Lituani reliquias exercitus Scythici deleuerunt. Nam non contenti post primam & secundam impressionem victoriæ, conferebant se ad stativam hostium, quæ **Kos**/ hoc est calathus, vocantur. Ibi taciti manentes opperiebantur, donec cæteri hostes, qui prædarum longè lateque excurrerant, casus suorum ignari, ad stativam, quemadmodum inter eos conuenerat, reuerterentur. Ita cunctos, qui post tertiam aut quartam diem turmatim reuertebantur, ut quique primi venerant, excipiebant, & aggressos magna strage concidebant. ex qua qui euadebant, à militibus interficiebantur, quos Glinicius in eum finem, quacumque suspicabatur Tartaros in fugam, se coniecturos, antea disposuerat. Ita & castra repetentes, & fugæ inde sese committentes, vtrique ad vnum occidione occisi sunt.

SIGISMVNDVS.



*Alexander sub
finem felicior
Alberto. Con-
tra Albertus
ab initio feli-
cius.*

SIGISMUNDVS.

Anno ab orbe condito
Anno Christi.

5469.
1507



Vrato sumptuosè funere Alexandri, Sigismund⁹ frater eius Dux Glogouiensis, & Opauiensis Capitaneus generalis, Magnus Dux Lituaniæ, Petricouiæ Rex Poloniæ eligitur, & Cracouiæ ab Andrea Rosa Archiepiscopo Gnesnensi 24. Ianuarii coronatur. Sequenti verò die eques, coronam in capite gestans, in urbem de more descendit; & ibi iusiurandum à magistratu vrbis Cracouiensis, & clauēs vrbis accipit. Ad regium igitur munus & potestatem euectus, statim dedit operam diligenter, vt omnes ordines, & magistratus regni ad officia eorum legitima reuocaret; constitutaq; bene Repub. hostes regni coherceret. Cum autem neruo belli Respub. Polona ob immodicas largitiones Alexandri nuper mortui regis destituta esset, Sigismundo hac de causa valde sollicito peropportunè Ioannes Bonerus vir prudens, & diues præstò fuit. Nam præter id, quòd pecuniæ, ex propria arca, magnam vim ei contribuit, ac numerauit, eas etiam ditiones & bona, quæ erant hæctenus alieno ære obstricta, vt liberari possent, effecit. qua de re ex Ludouico Iusto Decio in vita Sigismundi, sic accipe: Comitatum Scepusiensem ex manibus Iohannis Iordan duodecim millibus aureorum liberauit. Ducatum Osuiciensem, & Salinas Russiæ à Paulo Nigro Cracouiensi ciue quatuordecim millibus aureorum exemit. Proschouiam oppidum à Georgii Lang hæredibus nouem millibus aureis liberauit. Nieschouiensem arcem è manibus Stanislai Koscielecii nouem millibus redemit. Item paulò post inter Cracouiensis vrbis mœnia, ad præfecturam pertinentia; præsertim molendina, custodiam piscium, macella, & quædam alia plus duodecim millibus redemit. Salinas Cracouienses censibus plurimum grauatas, iis, magna pecuniarum summa erogata, leuauit; quibus tunc, in initio regni Iohanne Iordan mortuo, Andream de Koscielec præfecit. Ilkusiensis plumbi Olboram à Seuerino Bethmano quinque florenorum millibus exemit. Præterea Syradiam quinque millibus, Gostiniam duobus millibus, Miedzirzecz duobus millibus trecentis, Radomiam trib⁹ millibus, Sochazouiam septem millibus, Piotrkouiam mille ducentis, Drohobicz quinque millibus, Rabstiniensem arcem mille quingentis, Arcem Ritter mille, Lublinense teloneum mille quadringentis, Slochouiensem arcem quatuor millibus, Tucholā vndecim millibus, Sandz quatuor millibus, Iuno Wladislauiam quinque millibus, teloneum & pontale Thoruniense decem millibus florenorum, ex diuersorum manibus eruit. Atq; hæc omnia in ipsis fermè regni initiis cum aliis multis regio ærario adiecit. Interim Moschus, Glincio duce,

Prima cura
Regum recens
electorum.

Iohannis Bone
ri prudentia ex
diuitiis.

Bona regalia
alieno ære ob-
stricta liberan-
tur.

Glincius.

*Firleius dux
belli contra
Moschum.*

Rechemberg.

*Trepka
veru alliga-
tus & ad len-
tum ignem to-
stus secretum
sibi commissu
non pandit.*

*Leena mere-
trix.*

*Bellum Vala-
chicum.*

*Logophetus
Valachiae.*

qui Zubrezinio per idem tempus interfecto, ad eum transierat, exercitum in expeditionem contra nos educit. Cui Sigismundus copias suas, Duce Firleio, opponit. Moschicus exercitus, qui sexaginta milium fuisse certò affirmatur, potentiam Sigismundi, & indultiam ducis belli reformidans, illa nocte, quæ conflictum diremerat, nequicquam eos ex fuga retrahente Glinccio per sylvas & paludes dilabatur. Sub idem tempus Glinscius, per Georgium Rechemberg equitem Germanum summæ tum authoritatis apud Regem, reconciliari cupit. Non abhorret Sigismundus à viro; imò nobilem quendam iuuenem polonum Trepkam ad illum in Moschouiam ablegat. qui ut commodius mandata Regis exequi posset, perfugam se simulauit. Sed, aduersante ei fortuna, à Moscho capitur; & mox ad quæstionem abripitur ac torquetur. Laudatur in eo iuvene, quòd arcanorum domini sui tam pertinax fuit cultos, ut etiam grauissimè tortus, sicuti Moschi in hoc excellunt, tamen mandatum perferendum sibi conceditum non reuelarit. Laudant Athenienses suam Leenam meretricem, quæ, cum tormentis adigeretur, ut consilia eorum proderet, qui contra Hipparchum tyrannum conspirauerant (nam amica fuit eorum) linguam dentibus ipsa sibi amputauit. At Trepka noster linguam integram habens, ingenita sibi virtute tacuit; ac maluit quæque extrema subire, quàm aliquid contra decus nobilis Poloni committere.

1509. Moschorum magno Duce iam pulso, ac propemodum profligato, Valachus iterum cum Polonis in harenam descendit. Ad urbem Leopolim is, & magnam partem Russiæ penetrauerat, thesaurosque inde non exiguos exportauerat. quem Poloni insecuti, cum assequi non possent (nam in profundis syluis se abdiderat) Dorochimam, Sczepanouice, Czarnovvzice, Botuszaniam, Chocymiamque coeperunt, & Sochauiam grauiter oppugnarunt. Ita, vniuersa regione peruastrata, ad suos spoliis onusti, graui agmine reuertuntur. Interim, cum nostri Tyram seu Nestrum traicere vellent, Valachi, nactos se rati eorum profligandi occasionem, è syluis ad pugnandum eosque fluminis transitu prohibendos instructi erumpunt. Cum quibus equitatus aulae regiæ, qui in ea, ubi hostes erant, fluminis ripa remanserat, proelium acre commisit, transmissisque clam à tergo aliquot cohortibus Polonorum, omnem exercitum Bogdani Valachi fuderunt. Captiui fuerunt in eo proelio inter alios primores, aliquot Palatini & multi equites; quinquaginta autem securi percussi. ut scilicet compensaretur mors mercatorum Polonicorum, quos Stephanus pater istius captos Trebovvlæ, in oppido Podharce concidi iusserat. Triginta porro captiui insignes Leopolim deducti sunt, in his Logophetus minor, id est Procancellarius, quem Golofetum nostri corruptè vocant.

1511. Lubecenses Gedanensium portum inuadentes, multa damna eis inferunt; æs, cuprumque (quod vocant) Phocarorum inde abripiunt. Per idem tempus Laskovvskius genere Sarmata à Turcarum Imperatore legationem obit. Quod exemplum est veteris instituti illorum principum. Legationes enim transfugis libentiùs, quàm suis, mandant. Vitus de Fuerst legatus Imperatoris Maximiliani Pisonem Oratorẽ summi Pontificis in senatu sede & loco prior deturbat. Interrogatus quid ita? respondet & demonstrare conatur, in rebus politicis potio-rem locum deberi Imperatori, quàm Pontifici. Hæc autem promanabant ex veteri dissidio inter Henricos Fridericosque & Pontifices de Casarchia (vt ita loquar) & Hierarchia, vtra alteri præferenda sit.

*Laskowski
Turcicus lega-
tus.*

1512. Cum Sigismundus iam expertus esset arma Moschorum & Valachorum, tertio Scythæ contra eum arma mouent. quib⁹ Constantinum Ostrouicium cum Lituanicis copiis, & Nicolaum Camenecium cum Polonicis ad Visnoueciam opponit. sed antequam vidissent hostem, concertatio quædam nobilis de principatu loci inter vtrosque oborta fuit. Constantinus enim dextrum cornu sibi deposcebat, eumque honorem sibi deberi contendebat, quod longo, vsu hostium copiarum sibi, suisque optimè cognitæ essent; contra verò Nicolao & suis incognitæ. itaque verendum esse, ne insuetis militibus pugnae mala facientibus. initia, aliquid triste consequatur. Contra Poloni, eorum auspiciis rem geri clamabant; neque ex vsu fore tam exiguum exercitum in multas cohortes diuidere. Consultius igitur esse, vt adæquatis honoribus, & viribus iunctis, tanquam vnius corporis, vniusque Reipub. membra, quàm Deus dare vellet fortunam expectare, de eaque masculo animo, viribus cum hoste contendere. Interim dum in hanc, & in illam partem commutantur sermones, anteambulones hostem iam prope adesse renunciant. Itaque, altercatione posthabita, raptim acies ad hunc modum instruuntur. Constantinus cum Lituanis dextrum latus occupat, quod Poloni antea aliquoties ob arcum commodiorem usum eis spontè concedebant, (nam vsu compertum est maiore dexteritate dextrâ tenentes è pharetra iacula depromere & eiaculari) Polonis autem mercenariis sinistrum cornu tutandum celsit. Acies media ex nobilibus patriciis, ac veteranis confecta fuit. ita vt isti in medio, illi verò cum mercenariorum aliquot cohortibus veluti antemurale coram eis constiterint. Constantinus, vbi animaduertit, media acie instructa, honori suo Polonos prudenter cauisse, copias suas aliquot parasangis seorsim à Polonicis aciebus, ad colles quosdam abducit. Interea præter spem hostes, acie directâ, agminatim suo more tripudiantes, in Constantini aciem statim irrumpunt; vt ita repentina audacia maiorem ei terrorem

*Descriptio
prælij cum Tar-
taris ad Visno-
ueciam, cuius
pictura cerni-
tur Cracouie
apud Franci-
scanos.*

*Altercatio, v-
tra pars dex-
trum cornu te-
nere debeat.*

ei terrorem incuterent. Susceptum est vtrunque magna spe victoriæ certamen. Iamque magna ex parte mixtæ erant cohortes Lituanorum cum Barbaris, cum Constantinus paulatim retulisse pedem dicitur; vt ita ipsum suis sequentibus, procellam Tartarorum, quæ ei imminebat, in Polonicas copias induceret. At vix Polonicas acies attigerat, ecce clamor à tergo coortus, significans, Lituanos Barbarorum insultus, atque pertinacem pugnam, telorumque ingentem vim ampliùs ferre non posse. Percussusque Constantinus, cum suorum fugam videret, Polonos, vt subueniant quam primùm, hortatur. Hæc ferè ad verbum ex Iusto Decio retuli. Scio alios tradere, quòd Constantinus consultò secesserit, vt hac ratione hostem, pugnandi auidum post se eliceret; ac ita dum ipsum longa acie hostes vrgerent, latera eorum, hastatorum nostrorum cuspidibus obiceret. Sed Iustus illius seculi scriptor, contrarium tradit. Præfectus itaque Polonicarum copiarum, videns Lituanos à fortuna mulctatos, Sampolenskio, & Bernardo Pothocio strenuis militibus negocium dat, vt actutum subsidia laturi accurrant. Constantinus etiam suos fugientes sistit. Itaque redintegratis viribus, pugna atrox committitur. Mutata fortuna, qui paulò antè fugere cœperant, intrepidis animis hostem fugere cogunt. Interea Tartari, laborantibus suis, omnes, paucis exceptis, qui custodiendis captiuis relictæ erant, ad ferendam opem accurrunt. Polonorum quatuor cohortes in eos immixtæ ita iam se insinuauerant, vt vndiq; circumscriptæ, in mediis aciebus non apparerent. submixtæ deinde aliæ post alias continuatis vicibus; quæ tamen hiatum illum in summo ardore conflictus explere non poterant. Rediit ergo res ad illam mediani aciem; atque ita vniuersus exercitus vtrunque pugnare cœpit. Dum autem pertinaciter inter vtrosque certatur, vna ex nostris cohortibus, inter confertissimos hostes penetrando, à primis peruasit vsque ad nouissimos, vbi captiui nostri præsidio Tartarorum tenebantur. Quibus conspectis, statim vincula manibus paucorum demunt. hi soluti, alios quoque solunt ac liberant; atque ita, sublati manibus in cælum, ope diuina implorata, arreptis securibus, verutis, & quæ casus offerebat, mox ex captiuis milites fiunt, & perrumpentes acies hostium, secant, confodiunt, laniant. Itaq; tartari animaduerso infortunio suo, viribusq; & consilio destituti, terga vertunt, & quò quemq; casus ferebat, eò per campos diffugiunt. fugientes nostri persequuntur, sternunt, ac conficiunt. Gloriosa hæc victoria fuit, & incruenta. Nam, cum ex hostibus viginti quatuor millia ceciderint, ex nostris vix centum perierunt. Hoc proelium penicillo adumbratum habes Cracouiæ in Peristyllo monasterii Diui Francisci.

*Ducis Zatorien-
sis mors.*

1513. Helena Alexandri Regis vidua moritur & Ianusius Zatorien-
torien-
sis Dux

roriensis Dux dum Myskouium virum militari disciplina insignem, vt Iustus refert, variis iniuriis afficit, ab eo, dum venationi vacat, interficitur. Occasio dissidii inter eos fuit riuus aquæ admodum par- uus, vt ipse vidi, quem Dux arbitrato suo auertebat.

1514. Sigismundus, cum accepisset triste nuncium, Sindensko arcem nominatissimam in finibus Lituaniæ dolo, & astu Glinicii à Moschis captam, exercitum triginta quinque millium contra Basili- um Moschorum Ducem mittit. Et Lituaniis quidem Constantinum Ostrouium, virum illa ætate peritia artis militaris cunctorum existi- mationem sua fama obscurantem, præficit. Polonis verò Svviereo- uium celsitudine animi nemini secundum. Insigniores ex patriciis Polonis in hoc exercitu commemorantur Tencinius, Pilecius, Zbo- rouius, Myskouius, & Kmita: Moschi, iam superato Borysthenes, ad nostros contendunt. Sed deinde data opera retrocedunt, vt nostros ob fugæ speciem, quam ipsi præsetulerant, exultantes, ad iniquiorem illis locum secum pertraherent. Iam enim inter proficiscendum lo- cum certamini peridoneum, vt eis tum videbatur, ex sententia cun- ctorum delegerant. Itaque ad eum, qui trans Borysthenem erat, re- meantes, in vltiore ripa nostros opperiebantur. Poloni cum Litua- nis, vbi ad Borysthenis fluentia peruenissent, difficultate transeundi obiecta, pollicentur, se Moschorum voto parituros, copiamque pu- gnandi duros, modò patiantur ipsos flumen traicere. Moschis per- plexè ea in re agentibus respōdentibusque, Poloni subitario opere flumen ponte internunt, peditatumque per eum transire iubent. ip- si cum toto equitatu, summa alacritate, in Borysthenis profluentem sese coniiciunt; feliciterque, non nisi vno milite amisso, traiciunt. Bo- rysthenes flumen est, quod cum Rheno & Danubio confertur. sub arce tamen Orseni, vbi eum superarunt, angustior paulo esse vide- tur. Nunciabatur interea Iohanni Celadino summo copiarum Mo- schi præfecto, iam partem exercitus regii flumen traiecisse; suade- bantque, vt eam partem inuaderet, quæ tranauerat. At ille barbari- co fastu plenus: Si, inquit, hanc exercitus partem profligauerimus, cum reliquis quid tandem faciemus? Etenim suis viribus tantopere fidebat, vt per iocum dictitaret, se non tam pugnando, quàm flagris abigendo, de nostris victoriam relaturum. Semel autem victoria ade- pta, totam Lituaniam se occupaturum animo iam conceperat. Vbi nostri aliquomodo post tranatum in aurora Borysthenem sese recol- legerunt, & madorem nimium ex aquis contractum desiccarunt, ad tertiam diei horam acie instructa, in medium prodeunt, tanta alacri- tate, & tam excelsa animo, ac si partem iam manibus tenerent victo- riam. Itaque tubarum clangor, equorum hinnitus, militum animo- sus cooritur clamor. manus denique conferuntur. Lituani, vbi pri-

*Smolensko
Pugna ad Ora-
sam cum Mo-
schis.*

*Ostroi^{us} Dux
Constantinus.*

Aa mam impressio-

mam impressionem fecissent, de industria paulisper cedunt, ad locum, ubi tormenta collata erant; quæ in Moschos insequentes, magno fragore, & reboatu displosa sunt. Interim rursus Lituanici equites in hostes irruentes, ad extremos penetrant, & cum illis conferunt manus, quos in insidiis in valle quadam à Moschis collocatos, ut à tergo nostros adorirentur, nouerant. Moschi, qui in prima acie stabant, cum detectas viderent suas insidias, inexpectato genere pugnae conterriti, libenter terga vertissent; sed media acie vndique septi, quæ euaderent, cernere non poterant. Vbi tamen, mucrone lateri adacto, multi passim sternerentur, reliqui quoque versus dilabuntur. Excepit media acies proelium pari infortunio. Nam ecce interim clamor nostrorum à postremis aciebus oritur, & peruatit usque ad Moschos, quo significabatur hostem fugere. Quare iam dudum ad fugam parati, paratiores, ea voce audita, redduntur, cunctique fuga salutem sibi querere conantur. Sed frustra. Nam Poloni, & Litواني effusis copiis illos insecuti, passim eos cadunt, sternunt & contrucidant. reliqui aquis obiecti cuiusdam fluminis, cui Cropirna est nomen, quodque Orsam & Dubrovnam interlabitur, ita in ipsa fuga absorbentur, ut demersi cursum fluminis impedirent. tanta autem strages spacio quatuor milliarum est edita, ut, tanquam manipuli in messe, per campos, ubique, prostrati & ungulis ferratis equorum protriti iacerent. Magno consensu ab omnibus traditur historicis, & ab ipso Sigismundo Ebersteino denique idem comprobatum fuit, vniuersum Moschorum exercitum tunc constitisse octoginta millibus equitum. Solus Iouius à Demetrio oratore Moscho corruptus & deceptus, hac in parte eleuans Moschicæ stragis magnitudinem, quadraginta millium tantum mentionem facit. Sed eius sententiam puto à nobis optimè confutatam esse in libello Campiductoria. Capti sunt in eo conflictu omnes militiae præfecti, & consilarii; hi quoque ad Regem missi. Iohannes Celadin supremus Dux exercitus, cum duobus præcipuis viris Vilnæ in compedibus ferreis est detentus. Ex Polonis, & Lituanis tantum trecenti desiderati sunt. & ab eo tempore Moschorum Dux campestre proelium non audet cum Rege Polonorum committere. Nostri, castris opulentis direptis, domum redeunt, captiuisque Moschis omnes vrbes, oppida, & angulos villarum replent: ut ad extremum victum talibus mancipiis supeditare eos taderet.

*Paulo vberius
hæc à D. Stri-
conio narra-
tur. ex illo igi-
tur reliqua di-
sces.*

*Militis Per-
stinski casus.
Videntur hæc
priori bello cum
isdem Mo-
schis accidisse.
Rex enim dicitur*

Vnum adhuc, quod in eo bello accidit, & miraculi instar refertur à Sigismundo Ebersteino, prætereire non possum. Dicit se militem, Perstinski vocatum, in reditu ex Moschouia vidisse ad mensam Szidlouecii sedentem. de quo id, quod mox audies, & Szidloueccius, & alii complures, qui id viderant, comprobabant. Nimirum, cum ab equo rabie cor-

quo rabie correpto in medium flumen Borysthenis abreptus, excus-
susque esset, & diu non comparuisset, ac planè pro perduto, & deplo-
rato haberetur (fuit enim armatus cruretenus) subito ex aquis in ri-
pam egressum esse, tribus ferè hominum millibus id inspectantibus.
Qui interrogatus ab Ebersteino, ad eandem mensam, ut dictum est,
cum eo accumbente, quomodo meminisset, quid secum ageretur,
cum in ipso alueo fluminis lateret. Dixit, se, postquam equo excus-
sus in flumen fuisset, ter elatum esse supra aquas; atque ibi sibi venis-
se in mentem, quod ante dici audiuisset: pro perduto habendum esse
eum, cui non succurritur cum tertio emergit. Itaque se oculos a-
peruisse, atque alteram manum sustulisse, ceu signo dato, ut ei subue-
niretur. hacque ratione progressum enataisse. Addebatque se bis plu-
rimam ex flumine aquam hausisse, & tamen diuinitus conseruatum esse.

*tur spectator
fuisse, cum Per-
stinus enata-
ret. Atqui hoc
posteriore bel-
lo Rex non ad-
fuit.*

1515. Mense Iulio Sigismundus Poloniae, & Wladislaus Hunga-
riae, Bohemiaeque rex, fratres germani cum Maximiliano Imperato-
re Viennae in Austria conueniunt; insigni planè ac splendido appa-
ratu. auro siquidem & gemmis stragulaque veste certarum. quodam-
modo est inter hos reges. Sed Sigismundum apud Italos, Germanos,
Hungaros, cunctosque Christianos qui aderant, spectabilem supra
modum victoria Orsenis nuper de Moscho parta reddebat. Ita ut
quacumque veheretur equo, cunctorum oculos in se conuerteret.
Ibi etiam constitutae sunt nuptiae inter ipsum Sigismundum & Bo-
nam Iohannis Galeatii quondam ducis Mediolanensis filiam. Hunc
conuentum nostri Prisorcensem vocant, eò quod Posonii primum
fratres conuenerant, cumque eis Lodouicus Wladislai filius.

Modus & ordo, quo se inuicem hi reges exceperunt.

Sigismundus primum, paulo post Wladislaus, & postremò Maxi-
milianus Caesar, suis quisque comitatus, ad pyrum quandam arbo-
rem in campo accessere. Missi sunt aliqui hinc inde legati, simulatque
in ipsa planicie omnes fuere, antequam mutuo congraderentur. Igi-
tur, magna fide, utrinque pacatis animis, Caesar ad Reges fratres le-
ctica vectus substitit. Ibi Ludouicus Wladislai filius primo loco Ca-
sarem, uti patrem ac dominum, salutauit. Secundo loco Anna eius
soror eundem salutatum accessit. Wladislaus inde tertio loco ad ip-
sum verba fecit. Postremò Caesar Sigismundum humanissimè exce-
pit. Ferturque hac verba tum protulisse. Hac est dies, quam fecit Do-
minus. Laetemur, & exultemus in ea. Ad hac Sigismundus latine
(ut singularis erat eruditionis) respondisse perhibetur, Serenissime
Caesar, utinam hic conuentus noster sit felix ac faustus nobis, subdi-

tis nostris, & toti Reipublice Christiane. Expleto salutandi munere, interuallo perbreui facto, alii qui aderant, illustrissimi cuiusq; nationis Principes, Cæsaris & regum dextras amplexi sunt. Mirum est autem, quantopere Maximilianus regibus fratribus, & alterius filio credebatur sese, atque in medio eorum magna cum fiducia versabatur. Laudatur hic Mathematicorum Academia Cracouiensis solertia, quod videlicet verè prædixerint horam, diem, & successum congressus tantorum regum.

1516. Tartarorum incurfio in Podoliam, quos Martinus Camenicius cum paucis copiis ad Trebovvlum feliciter pugnando superat. Et alio in loco quingentos eorum equites ad vnum occisione occidit. Sed ante initum proelium more suo Tartari immanissimè captiuos iuuenes, & puellas trucidant.

1517. Mense Febuario quatuor scelerati viri, & quidem sacerdotes, qui Cracouiæ Albertum Fontinum prouincialem minoritarum occiderant, permittente summo Pontifice, sui sceleris dant poenas. Duo ex hiis sacris de more prius exuti atque exautorati capite truncantur, quorum alter concionator erat. Reliqui perpetuis carceribus addicti.

1517. Lateranense concilium celebratur, ad quod Iohannes à Lasko Archiepiscopus, & Stanislaus Ostrorog Callisiensis mittitur. Extat tertio tomo conciliorum, Regis Sigismundi edictum, quod vnà secum isti in concilii confessum attulerunt. In hoc concilio pragmatica sanctio olim in concilio Basiliensi sancita abrogatur, damnaturque. Iam enim plerique reges & principes à Pontificiis decretis ad concilium generale prouocare assueuerant. Ideo & Cazimirus tertius Rex Poloniae exortis quibusdam inter ipsum, & Pontificem controuersis, conquerentibusque subditis eius de iniuriis, quibus supra modum grauabantur à iurisdictione Papali & decretis eius, iussit & edixit, vt ad concilium generale omnino prouocarent. Sed & Academia Cracouiensis Basiliensi concilio tunc adhærens, necessariò hanc ipsam sanctionem pragmaticam approbauerat. Timens igitur Leo decimus Papa, ne ratione hac autoritas pontificia collaberetur, & de singulis cum singulis in concilio tantus monarcha litigare causamque dicere cogeretur, hanc sanctionem pragmaticam, quæ pontifices censuræ concilii subiiciebat, hoc conuocato concilio, abrogari, & condemnari curat. Itaq; in hoc concilio Martinus quoque Luterus condemnatur, propterea quod & ipse ab initio cum suis accusatus & comparere iussus, eodem modo ad concilium prouocauit generale. Commemoratur hic, quod, cum Ioannes à Lasko Archiepiscopus Romam proficiscens Venetias diuertisset, orandi; in Senatu facultate ei data, multa de meritis gentis Polonæ erga Rempub.

Academia
Cracouiensis
in Concilio
Basiliensi ap-
probata

ga Rempub. Christianam in sua oratione differuisset, Dux Venetorum Lauredanus exceperit, Nostri quoque, inquiens, terra, marique multa bella gerunt. Cui Lascus: Longè, inquit, serenissime princeps dissimile Venetis ac Polonis belli studium hætenus fuit. dum alteri pro gloria, pro rerum suarum amplitudine, & plerumque pro ipsius dominatus atque imperii amplificatione, bella ipsi non pauca aliis sua sponte, intulerunt. Alteri verò, multo suorum sanguine, pro Repub. Christiana Barbarorum eruptiones sustinent, & tanquam muro obiecto, sistunt ac cohibent. ne transcens ab his ipsorum finibus, intima Christianorum in periculum deueniant. Quibus addere potuisset, Polonos varias terras centum milliaria nostratia in longitudinem & latitudinem patentes, quas Prussi, Iazyges, Lituani veteres, & Samogitæ colunt, ad fidem Christianam & veri Dei agnitionem armis compulisse. Quare, sicuti alii ob similes causas Christianissimi, alii verò Catholici, sic ipsi (si ita loqui licet) Deicolentissimi vel potius Apostolici meritò possunt vocari; & locum omnium dignissimum in quouis Hierarchico confesso eorum rex tenere aut debet aut certè potest. Nam sicuti Apostolus Paulus plus se aliis laborasse iure gloriatur, ita hoc ipsum de illis haud iniuria prædicare licet.

1518. Sigismundo Regi Ducis Mediolanensis filia Bona sponsa Cracouiam adducitur. Cui cuncta Polonia cum splendido apparatu obuiam procedit. Fiunt nuptiæ; & coronatur Bona.

1520. Eadem filium Sigismundum Augustum parit.

1523. Iacobus Vinckelblochius Gedanensium concionator seditionis accusatur. Cuius rei gratia Rex Gedanum petit; vbi supplicio afficiuntur multi.

1525. Albertus Marchio Brandeburgensis Magister generalis ordinis Teutonici Cruciferorum, post plurima bella & dissidia, quæ illi cum Poloniæ regno intercesserant, tandem Sigismundo reconciliatus cum eo in gratiam redit. ab ipsoque primus Dux Prusiæ creatur, & abiecto habitu rituali Cruciferorum filiâ Friderici Regis Daniæ vxorem ducit. Suspectum hæc res reddidit Regem summo Pontifici, quòd abrogato videlicet in homine ab ecclesia Romana dissentiente monachatu antiqui sodalicii Cruciferici, cum eo ita benignè egisset. Ideo Iusto Decio mandatū à Rege fuit, vt ipsum ea de re apud Pontificem excusaret atque purgaret. Extant literæ Iusti ad Regem, quibus docet, quo successu hoc negotium Romæ gesserit. Cæterum reuera nescio, an vlli ex Principibus Germaniæ qui eam susceperunt, Lutheri doctrina tantopere utilis fuerit, quantopere regi Poloniæ Sigismundo fuit, qui eam est abominatus. Nam si ordo ille monasticus Cruciferorum in Prussia perdurasset, potuissent adhuc, vt pili in barba abrafa, iterum atque iterum illa bella funesta & diuturna renasci.

na renasci. At vbi ducalis Prussia Augustanam confessionem ample-
xa est, & propterea Dux eorum, exuta veste Crucifera, vxorem du-
xit, iam bella illa & semina bellorum à radicibus imis abscissa fundi-
tus corruerunt atque extincta sunt.

1526. Ludouicus Hungariæ Rex, seposito consilio Sigismundi
amantissimi ac prudentissimi patru, & ferociorum quorundam con-
siliis abreptus, bellum contra Turcorum Imperatorem Solymanum
mouit, quo se, & Hungariam propugnaculum non postremum Chri-
stianorum perdidit. Miserat Ludouicus ante expeditionem istam ad
Sigismundum Trepkam nobilem Polonum, rogatum, vt ipsum visen-
di sibi facultas daretur, quò cum eo de ratione suscepti belli contra
Turcam conferre posset. Sed Sigismundus Prutenica expeditione oc-
cupat^{us}, ei hac in re morem gerere non potuit. Discedens igitur Tre-
pka, veluti fatidico spiritu instinctus: Iam ergo, inquit, ò Rex fratris
tui filium nunquam videbis, nec legationem ab eo audies. Et ita ac-
cidit. Nam paulo post nunciatum est, Ludouicum Regem atque vnà
cum eo ipsum Trepkam armis Turcicis in pugna Muchacouienfi ce-
cidisse. Credunt autem pleriq; Sigismundum offensum fuisse, quòd
ei Ludouicus ab initio dissuadenti hoc bellum non obtemperasset.

*islag et Ioan^{es}
ui a Duce
liber decessit*

*conclio
sigismundi
augusti*

Eodem auno Duces Mazouia Stanislaus & Ioannes immatura ætate
decedunt, sicque ducatus Mazouia Polonia regno plenè cecidit.

1530. Sigismundus Augustus Sigismundi filius Rex Polonia eli-
gitur ac coronatur, ac deinde vnà cum patre 18. annos regnat.

1531. Bellum cum Valachis, quod nostri Oberstinense vocant.
cuius occasio hæc fuit: Petrus Palatinus Valachia infestis armis in
Pokutiam irruit; coloniamque Sniatinum, & vicina quæque cædib.
& incendiis replet. contra quem Sigismundus exercitum, duce Ioan-
ne Tarnouio, mittit. Posuerat is castra ad Oberstinum pagum loco
natura munitissimo. Petrus autem colles editiores occupauerat; vn-
de sese visendum præbuit nostris. Habuit autem numerosum exerci-
tum, id est militum ad quinquaginta millia. Nam Turcos & Hunga-
ros quosdam sibi adiunxerat. Instructio aciei exercitus Polonorum
singularis planè fuit, & artificiosissima, ingenio atque industria Tar-
nouii excogitata, cuius descriptionem & typum in lib. nostro Cam-
piductoria expressum habes. Præcipua tamen causa nostris victoriae
fuit illud, quòd non ab ea parte, qua sperabant Valachi, pugnae copi-
am prudentissimus noster campiductor dedit. Sperabant illi, vt ple-
rumque solet, à fronte concurruras acies; & iam, patefacta in latum
castrorum porta, in armis resurgentes stabant, prætensis hastis, & gla-
diis strictis, tãquam iam proelium inituri. Verum, ne quis pedem fer-
re extra castra auderet, antequam dux copiarum iuberet, grauissimè
interminatum fuerat. Igitur Valachus cunctatione Poloni in proelio
ineundo ani-

ineundo animaduersa, ratus metu id nostrorum fieri, castra eorum per auersam portam adoriri decreuit. Qua in sententia susceptoque consilio ut eum nostri confirmarent, iubet Tarnou⁹ cohortes, quæ in extrema acie, quam vallarem vocant stabant, in eum expedire. arma, & vires experiri. Prodeunt Balicius, Mathias Wlodecus, Sienuus, & alii. Pugnant utrinque acriter; isti cõfisi virtuti, illi multitudini. At ubi Valachi primos conatus suos, qui fortiores esse solent, in illam partem contulissent, & ita latera sua anteriori portæ phalangum suarum obuertissent, nostri nacta occasione, exoneratis machinis bellicis, destinatis ictibus ita eorū latera petunt, ut etiam ipsa bombardarum maiorum orificia, & rotas, quas secum trahebant, attingerent, ac perfringerent. Itaque exorta in medio eorum maxima conturbatione, cohortes illæ firmissimæ, quæ à fronte sese illis ab initio opposuerant, in eos medios iam insiliunt, iamque eorum umbilicos petunt. Ita & à fronte, & à tergo excitata pugna, atque in medio lateribus reuulsis, trepidare, & in metu versari coeperunt Valachi stratagematis nostrorum artificium admirantes. Ita undique, magis, ac magis in nostris inualecente furore bellico, planè turbantur hostes, sternuntur, atque in fugam vertuntur. Cumque iam, solutis ordinibus, nec caput nec cauda exercitus eorum amplius agnosceretur, à nostris passim contrucidantur. Ipse Palatinus vulneratus vix euasit. De Logopheto, & numero cæsorū Valachorum, Turcorumque, deque captiuis, ac triumpho, quo fuit exceptus Tarnouius, apud alios luculenter scriptum reperies.

1546. Martinus Lutherus moritur. Cuius mortem statim consequutum est bellum Caroli v. cum principibus Germaniæ. Sed non est mei instituti exterorum res gestas conscribere. Post illud bellum rediens Albertus Dux in Prussiam per Poloniam, & transiens Posnania, secum accepit viros doctos Euangelicos: Martinum Glossam Magistrum studii Cracouiensis, Ioannem Seclucianum, & Samuellem monachum Dominicanum. Isti Regiomonti commorati, libellos cõplures lingua Polona per Poloniam de religione sparserunt. Et hæc fuit origo ecclesiarum reformatarum in Polonia.

1548. Sigismundus primus Rex Poloniæ iam vitæ, & gloriæ satur, non dico moritur, sed ad beatiorē vitam, regnumque melius, imperio Poloniæ pacatissimo relicto, ipso die Paschæ hinc latus migrat. Vixit 81. annos. regnavit ferè quadraginta duos. Moriturus admonuit grauitè circumstantes, qualiter se gerere deberent in gubernanda Repub. Sed Sigismundum Augustum filium potissimum quomodo allocutus sit, placet adiicere. Tibi quidem mi fili, inquit, deinceps mater, & sorores, & maximè Respub. curæ esse debebunt. In te ipse omnes omnium sitæ sunt; quas frustrari te æquum non est. Nonnihil qui-

Lutherus moritur.

Nō nihil quidem nobis debet Polonia: sed nos illi multò plus. Quippe quæ nos, maioresque nostros, posthabitis quibusdam illustrioribus & elegantioribus, & fortasse etiam potentioribus, sibi reges assumpsit, & summa fide, studio, obsequioque coluit. Te autem, quemadmodum ipse nosti, adhuc puerulum regio diademate insigniuit. Ad eius igitur salutem, & dignitatem vicissim te voluntatem tuam, studia, & conatus omnes adiungere in primis æquum est. Id verò ita demum rectè facies, si omnibus te æquabilem, familiarem verò non nisi grauisimis, & sapientissimis quibusque præbueris: si nullius ius, & innocentiam neque gratia, neque odio cuiusquam opprimi fines. Hæc ubi effatus esset, cunctis plorantibus, animam expirat; sepeliturque in delubro Basilicę Cracouiensis, quod vocant regium sacellum. Quis & quantus fuerit hic, ex epitaphio monumento eius inciso cuius cognoscere licet. Id autem tale est: **DIVVS SIGISMVNDVS IAGELLONIVS POLONIAE REX, ET LITHVANIAE DVX Magnus, Scythicus, Valachicus, Moschouiticus, Prussicus victor ac triumphator, pater patriæ in hoc monumentum à se magnificentissimè erectum illatus requiescit.**

SIGISMVNDVS AVGVSTVS.

Anno ab orbe condito
Anno à nato Christo

5510.
1548.

Sigismundus Augustus porrectum à Diuo patre sceptrum regium accipit; vel potius olim datum secumque communicatum solus tenet. Cumque togata prudentia maximè excelleret, sapientissimè, quoad vixit, regnum administravit. In matrimoniis tamen non fuit felix. Nam Elizabeta Ferdinandi Romanorum, Hungariæ, & Bohemię Regis filia, quam duxerat, nulla prole relicta, sequenti anno qui fuit 1545. mortua est. Barbaram deinde Lituanam, ex stirpe Radiuillorum, quæ primùm Gassardo nupserat, in matrimonio habuit. Sed & hæc non diu superstes fuit. Eam autem inuita regina Bona matre, & proceribus aduersantibus duxerat. Mortua Vilnæ in ecclesia D. Stanislai honorificè tumulatur. Tertiò ut, si fieri posset, prolem haberet, & amicitiam cum Ferdinando redintegraret, aliam filiam eius Catharinam, quam Franciscus Dux Mantuę viduā reliquerat, germanam sororem Elizabetę, in matrimonium sibi confociat. Nuptiæ anno Domini 1553. Cracouiæ cum magna omnium ordinum hilaritate, & applausu celebrantur. sed tãdem, cum nulla spes ex ea suscipiendæ prolis superesset, Maximiliano fratri Romanorum Imperatori in Germaniam eam honorificè remisit. Non ita multò, postquam eam duxerat, Regina Bona eius mater in Italiam, aduersante Senatu, discessit, non sine magno moerore filii, & filiarum eius. ita enim eis valedicere videbantur, & complexu eius lachrymabundi

chrymabundi hærebant, ac si eam postea nūquam visuri essent. Affirmabat quidem illa, & sanctè promittebat, curata valetudine, se reuerfuram. sed paulo post in Italia est mortua, thesauris magnis relictis, quos postea magna cum difficultate à Philippo Hispaniarum Rege vindicabant successores. Discessura mater annulum filio donauerat, cum gemma admodum pretiosa, quæ stella vocabatur.

1552. Gedanum Rex Augustus splendido comitatu, & pomposo apparatu proficiscitur, quod etiam dux Prusiæ Albertus Marchio Brandeburgensis venit. Venerunt & proceres regni Poloniæ & Magni Ducatus Lituaniæ: inter quos Iohannes Comes de Tarnovv Castellanus Cracouiensis, Iohannes Kmita Palatinus Cracouiensis. Nicolaus Radziuilus Dux in Olika Palatinus Vilnensis, & alii complures. Habitæ sunt deinde deliberationes de rebus Pruthenicis, & ipsius Reipub. Gedanensis meliore administrationis forma; & forsan Lituonici belli, quod postea subsecutum est, ibi quædam probuleumata facta sunt. Magnificè Rex Augustus, ut rarus hospes dominus & hæres, habitus est à Gedanensibus; nec absque muneribus amplissimis ipse & eius senatus dimissus fuit. Tandem abundè honoratus in Lituaniam abiit per Regium montem; ubi similiter cum summa alacritate ab Alberto duce Prusiæ sene venerando honorificentissimè exceptus, & tractatus est. Periculum tamen vitæ magnum tum Rex adit. Nam, cum more Germanico magno bombardarum reboatu salutaretur, casu quodam, aut ignorantia artificis, cum ignitam pilam tubus mortarii euomisset, ea ferè ipsum attigisset, nisi, Deo sic prouidente, equus illius ex loco suo opportunè paululum decessisset. armigero tamè eius Vishouecio, qui cum ponè sequebatur, caput pila volans absterfit. In gubernatione Reipub. hic rex mira dexterritate usus est. cuius rei multa documenta produci possent. idque in primis, quod ipso regnante rarus fuit ex principibus Christianis, regibus, & Monarchis, qui fluctuante mundo ob controuersiam in negotio religionis Christianæ, aliquod naufragium non sit passus. Carolus ipse quintus Imperator prudentissimus fuit, & tamen in Germania, & Hispania multum vidit effusum sanguinis Christiani, si non ipso imperante tamen certè conuiiente. Sic in Anglia quot quantæque persecutiones, in Galliis item quot quantæque laniæ, & bella parricidialia extiterunt! Hoc incommodum nec Ferdinandus Caroli frater euitare potuit, quin in Bohemia, & Austria eius rei tristissima aliquot exempla ipse ediderit. Solus Sigismundus Augustus inter Christianos Principes ea in re palmam meruit. Nam, cum totus ferè orbis Christianus, ut dictum est, furenter nomine religionis quateretur, ille tamen Poloniam, & Lituaniam sanguine ciuium foedari non est passus. Minabatur ille interdum, à legatis Pontificis exagita-

*Periculum R
Augusti*

tificis exagitatus; sed tamen interea inter alia Ducem Prussiae, & vrbes eius prouinciae ex praescripto confessionis eorum viuere passus est. Quin & Polonis suis à Romana ecclesia deficientib. ea in re molestus non fuit; & non modò confessionem fidei ab eis exhibitam amanter manibus suis suscepit; sed etiam concionatores eorum interdum audiuit, & in aula seruauit. Ex quibus fuere Ioannes quidam Cosminius, & Laurentius Prasnicius. Et professus quidem est ille, se Romanae Ecclesiae obsequentem esse. tamen incentores sacrorum, bellorum, & praesertim concionatores, asperius classicum canentes ciuiliaque bella cientes, peius cane & angue odio habuit, eosque saepe seueriter increpauit. Meminerat enim prudentissimus princeps maiorum suorum mores, & instituta, qui malebant semper cum Tartaris experiri aleam cruentissimi belli, quam communem parentem patriam vndique à ferocissimis Barbaris per circuitum septam, ciuilibus, & parricidalibus bellis implicare. Hic etiam Princeps duas res maximas in Repub. effecit id est Poloniae & Lituaniae vnionem, & legum executionem. quae ita impossibilia ad praestandum cunctis in Polonia maioribus nostris videbantur, vt etiam multi senatores prudentissimi, rerumque peritissimi saepius dictarent; cum vnio Poloniae Lituaniaeque, & executio legum fiet, permissores se, vt sibi laqueus collo iniiciatur.

1563. Warsouiae comitia indicuntur, in quibus post multas deliberationes priuilegia ea de re antiqua & potissimum Alexandri regis explicantur, & diligentissime declarantur.

1569. Lublini vnio illa Magni ducatus Lituaniae cum regno Poloniae executioni demandatur. Reclamabant quidem huic rei quidam ex proceribus Lituaniae, vtque praesentia sua id non confirmarent, valedicetes Regi discesserant. Sed absentia illorum non obstante, Rex in conscientiae foro non fore prius se liberum, dixit, nisi ea, quae maiores sui solenniter promiserant, iureque iurando confirmauerant, reipsa praestitisset. Itaque sempiterna memoria dignissimus princeps antiquae postulationi, & pactiōi satisfaciens quasdam Lituano- rum prouincias, ad Poloniam spectantes, à Cazimiro Iagello- nis filio aliisque principibus auulsas, regno Poloniae adiunxit, vniuit, atque, vt sic vsitate loquuntur, incorporauit.

1568. Comitia fiunt magno omnium ordinum concursu, vbi alterum adynaton, seu impossibile iudicatum & incredibile idem Augustus perfecit; executionem nimirum legum, & maximè earum, quae de occupatione bonorum regalium sancitae sunt. Missi sunt ergo reuifores, & postea lustratores, (his enim appellationib. isti ab iis, qui Regi à commentariis erant, nominabantur) per vniuersas prouincias regni, qui iureiurando obstricti cogebantur omnia fideliter oculis suis perlustra-

*vnio Litua-
niae ad regno
Poloniae*

Quarta
 suis perlustrare, perlustrataque regi deferre: perlata autem Rex autoritate sua, totiusque regni, executioni mandabat. Ibi etiam quarta pars reddituum omnium regalium fisco Reipub. est applicata, & annata Episcopales eidem destinata; ut inde exercitus ad defendendas prouincias Russiæ, aut aliam quamuis ob causam, ubi necessitas efflagitaret, aleretur. Multa sunt & alia prudenter, & circumspectè ab hoc Rege sancita. sed hæc erant præcipua. Cum enim videret Sigismundus Augustus, se absque posteritate ex hac vita decessurum, loco posteritatis hoc fore duxit, ut memor paternæ admonitionis, sub finem ipsius patris vitæ, charissimam patriam ordini bono restitutam relinqueret. Quapropter omnem dedit operam, ut ea, quæ pro auus eius Wladislaus Iagello sanctè cum regno pactus erat, Cazimirus auus confirmauerat, Sigismundus verò pater, & patruus Iohan. Albertus, & Alexander stipulatione quadam interueniente promiserant, id ipse reipsa præstaret, & perficeret. Duas germanas suas sorores Sigismundus Augustus in matrimonium collocauit; alteram Suecorum Regi, alteram verò Brunsvicorum Duci. Tertia virgo lectissima prouidentia diuina asseruata fuit, ut temporibus difficilissimis præsidium patriæ esset. Hanc enim tandem STEPHANVS primus Rex Poloniæ in matrimonium duxit.

Descriptio Reipub. Babinensis ex hilarandi lectoris gratia.

Per idem tempus res faceta, & plena iucunditatis à quibusdam nobilib. in terra Lublinensi excogitata fuit. Instituerant isti societatem quandam, quam Rempub. Babinensem vocabant: eò quòd loci cuiusdam Babin dicti dominus & possessor is fuit, quo autore potissimum illa Respub. stabilita florebat. Significat autem vox Baba patria lingua anum, & Babine id, quod ad anum pertinet. Iam iocos, lususque, aniles nugas vulgò vocare solent. Itaque locus ille vetustate neglectus ac penè deletus, prætereuntibus risus materiam non tam sua exilitate, quam appellatione, sæpe largè suppeditabat. Homines igitur lepido, & amœno ingenio præditi, occasione arrepta, à loco, & loci possessore Rempub. Babinensem, id est sedem principalem omnium, qui miscentur sermonum facietorum, istam societatem appellarunt. Ut autem hæc societas magis conspicua redderetur, imitati ii, ex quibus ipsa constabat, ipsius Reipub. Poloniæ constituendæ rationem, regem, & Senatum sibi deligunt; Archiepiscopos, Episcopos, Palatinos, Castellanos, præfectos oppidorum & militiæ, Cancellarios, & alia id generis munera gerentes ac magistratus sibi designant, & creant. Deferendi autem has dignitates, & munia imponendi hunc

nendi hunc morem tenebant. Quemcumq; in conuiujs, & conuentibus celebrioribus obseruassent in aliquo genere dictorum aut factorum, præter modum ac decorum excellere, eum maximè idoneum ad obeunda munera ei rei consentanea censebant. Verbi gratia: Multus erat quispiam in sermone de sublimibus rebus, & eius conditioni minimè conuenientibus, hunc aut Archiepiscopum aut aliquem magnum Satrapam faciebant. Si quis vel sermone lapsus, vel aliam ob causam paradoxon aliquid seu perdifficile creditu in medium attulisset; hunc aut rhetorem, aut cancellarium Reipub. sue constituebant. Si quis Thraſonicè gloriabatur, quòd fortiter, & audacter se gessisset in aliquo conflictu, aut de rebus bellicis supra modum non suo tempore, nec suo loco garriebat; hunc præfectum copiarum, aut equitem auratum creabant; literasque super ea re confingebant, cera, & sigillo obſignatas, quas non contemnendis viris, sibi tamen similibus deferendas tradebant; qui assurgentes eas accipiebant, & quadam cum reuerentia ad eum ad quem scriptæ erant, deferiebant. Is autem cogebatur officium illud suscipere; vel, si illud deſignabatur, ab omnibus risu excipiebatur. Et quò morosiùs se gerebat quis renuendo ac recusando eiusmodi honores, tantò magis ab illis irridebatur, & festiuè aulicis dictariis ex composito tam diu exagitabatur, traducebaturque, donec edomitus collum submitteret. Quare ad mores corrigendos, ad sermones cautè miscendos, ad ciuilitatem modestiamque in iunioribus formandam iocus & vrbinitas illa plurimùm pertinebat. Et erant ita nascuti censores vitæ ac morum illi optimi duces huius societatis, vt nullus physicus affectus humanos, & potentias animæ ita exactè definierit, nullus ethicus professor de vitijs, & morib. ita explicauerit, nullus physiognom^o ex vultu, gestu, incessu & intuitu ita hominum naturam cognouerit, vt illi (sic enim eos hoc loco vocare libet) diuini patres. Et cum aliquis eis nouicius per iocum in societatem offerrebat, tunc, veluti deliberaturi, tardiùs eum recipiebant. Proloquatur, inqueiebant, detque primùm specimen aliquod suæ indolis; tum, videbimus ad quod officium erit maximè idoneus. Nam & ad inferiora quædam ea res descendebat. Si quis enim de canibus, de feris, de falconibus, non tempore suo, aut loco paulo fusiùs verba faciebat, hunc statim aucupem, & venatorem Babinensem faciebant. Si quis autem de religione supra modum ad mensam differebat, mox eum concionatorem Babinensem pronuntiabant. Si quis ex sententia Romanæ ecclesiæ, aut cuiuspiam alterius sectæ, supra modum zelo flagrabat, aut etiam acerbius ea de causa in alios inuehebatur, mox eum inquisitorem hæreticæ prauitatis Babinensem declarabant. Si quis de equis, & eorum proprietatibus verbosius differebat, si de œconomicis rebus, admixto

bus, admixto præsertim mendaciolo aliquo, ut fit plerunq; inter comesandum, curiosius loquebatur, mox eum vel magistrum equitum, vel regium œconomum Babinensem, ad exemplum Magni procuratoris Cracouiensis creabant; assurgentesque interdum, in ipsa mensa honores illos eis deferebant. Usque adeò autem ista ludicra Respublica inualuerat, ut rarus esset in ipso regni senatu, in clero, inter aulicos, inter alios ordines regni, cui non aliquid tale aspergeretur. Sic alios, capitaneos; alios, copiarum ductores; alios, infantes Hispaniarum; alios, Fac totum, alios, turbines Babinenses vocitabant. Res ista denique ad Sigismundum Augustum regem perlata est. de qua non sine magna delectatione sapius multa audiuit. Et cum iniecta esset mentio aliquorum procerum, qui insigniti erant eiusmodi honoribus, interrogauit, an etiam Regem in ea Republica haberent. Cui respondisse fertur ipse capitaneus Babinensis, qui præ aliis supra modum vultu, aspectu ipso, & sermone facetus erat: Absit, inquit, à nobis cogitatio ista, ut, te viuentem, serenissime Rex, & superstitem, de alio rege eligendo cogitemus, aliumue creemus. tu & hic, & apud nos Rex esto. Risit placidè humanissimus & benignissimus Rex, nec vllum signum indignationis dedit; imò verbis, quæ addidit, risum omnium auxit. Cæterum, cum aliquando quidam paulo grauius de regno Alexandri magni, deque Persarum, Babyloniorum, & Romanorum monarchia in confesso horum hominum differeret. Tum quidam ex eis sermonem excepit. Quid, inquit, antiquitatem iactas, & amplitudinem illarum monarchiarum? Nostra Babinensis antiquior & Græca, & Persica, & denique omnibus est. Quia David de ea dixit: Omnis homo mendax. & hoc est eius fundamentum atque essentia. Ergo in ea Darius, Alexander magnus, & totus mundus includitur. Cunctis se se inuicem intuentibus, hic sermo ab omnibus cum applausu exceptus est. Iactabant autem, se habere priuilegia à regibus, & Imperatore, atque etiam summo Pontifice, quibus eorum Republica confirmaretur. Iam si quis acerbè aliquod verbum in alium torsisset, aut mendacium cum damno alterius, & læsione dixisset, hunc nequaquã idoneum ad capeffendos honores in sua Republica iudicabant. At qui vrbane absque damno cuiusquam aliquid comminisceretur, hunc non modò laudabant, sed etiam officio aliquo cohonestabant. Locum porrò comitiorum suorum iocoso vocabulo *GELDAM* appellabant, à *Gedanensibus* mutuata voce, qui populum suum *GELDAM* vocant. Sed apud nos inconditum garrum multitudinis congerronum ea vox significat. Et erant homines illi, qui duces erant illius societatis, prudentes, & magnæ existimationis apud quosque bonos, & apud ipsum Regem. Imò Petrus Cassouius officium iudicis terrestris Lublinensis iam longo tempore summa

cum laude sustinuit, & nomine prouinciæ Lublinensis in nuncium, terrestrem ad comitia generalia non semel electus est. Duo autem potissimum ex hoc numero, hic videlicet Casouius, qui Cancellarius, & Psomka, qui præfectus. Babinensis vocabatur, adeò amabiles erant, ut etiam in deliciis à plerisque principibus viris haberentur. Nullaque conuiuia, nullæ nuptiæ iudicabantur felices, & iucundæ, quas illi beati senes sua præsentia non cohonestarent. Viuit adhuc alter eorum. Casouius. Psomka verò ante biennium mortuus est placida, & Christiana morte. De quo eiusque morte cum in celebri quodam conuiuio mentio fieret, poëta quidam haud vulgaris, à proceribus inuitatus, Epitaphium mortuo, & quidem ex tempore, scripsit. quod tale est.

Epitaphium D. Psomkæ fundatoris societatis Babinensis.

Plurima si cuiquam debet Respublica, Psomkæ

Debet, in hac viridi qui requiescit humo.

Namq; sodalicium sanxit, fundamina cuius

Conficti absque dolo sunt fuerantq; sales.

Cresce sodalicium. quòd si tibi nostra probantur

Carmina, me gremio, iungito, quæso, tuo.

1557. Pontem Varsoviæ exemplo Traiani Imperatoris, qui quondam in Istro simile quid fecerat, Augustus Rex in Istula miro, ac penè Dædalco opere fabricat. Cui ne incendium fortuitum, nocere posset, idue accidere, quod ante sexcentos annos ponti Caroli Magni in Rheno acciderat, Anna Regina soror Sigismundi, & vxor Stephani primi regis Poloniæ propugnaculum ad alteram ripam ex viuo lapide erexit, eiusque portæ Epigramma tale inscribi curauit, quod nobilitatem stirpis eius, & ipsius Augusti admodum efficaciter exprimit.

ANNA IAGELLONIA POLONIAE REGINA,

Magnorum regum: coniunx, soror, filia,

Hoc opus, &c.

Tametsi autem, & ante, & post susceptum ab eo regnum Sigism. Augustus mauortium se, ut filium patris fortunatissimi bellatoris de cuit, demonstrauerat, & multum militaribus viris, & instrumentis ad bellum pertinentibus delectabatur, armamentariumque plenum machinis fusilibus ut haberet, sollicitè curauerat: tamen, quia vetus dictum est: Virum, qui æuum cum tribus vxoribus egit, Martem iam non habiturum socium; ideo suam famam extendere alia via aggreditur; nimirum Friderici tertii Imperatoris exemplum. imitatus, qui, cum

qui, cum animaduertisset; infelicem se bellatorem esse aduersus Mathiam Huniadem Hungariæ regem, pacis artib⁹, & industria malum illud corrigere, & compensare sategit. Nec tamen etiam in bellicis rebus sua laude fraudari debet August⁹. Commemorabo igitur expeditiones eius bellicas, & victorias eius auspiciis partas.

1557. Aduersus Guilelmum Furstembergium magistrum Liouoniæ ordinis Teutonici bellum iustissimum hoc anno suscepit, centenisq; millib. equitum, & peditum lectissimis tam Polonorum quàm Lituanorum Russorumque comitatus in Liouoniam, ipsum se ducem belli præbens, descēdit; eo quidem animo, vt omnino proelium cum hoste committeret, quò Archiepiscopum Rigensem consobrinum suum, à potentia Magistri liberaret. At Furstembergus sibi consuluit. Cum enim tantam & ducis, & exercitus alacritatem & pugnandi quasi ardorem animaduertisset, supplex veniens ad Regem, vnà secum Archiepiscopo adducto, pacem efflagitat, proeliumque deprecatur; & se vnà cum vniuerso ordine, & prouinciis suis in fidem, & clientelam Regis dedit. Ita tum Augustus intra vnum mensem maximum bellum & incepit, & confecit. Productum fuit bellum vario Marte inter Prussiacum Magistrum, & Polonos ferè per ducentos annos, multumque sanguinis cruentus Mars ibi fudit, infinitæque animæ ad Orcum sunt missæ. At Augustus Dei beneficio cum Liouoniæ Magistro æque potente, vt Prussus fuerat hoste, plura etiam latifundia in suo principatu possidente, breuissimo tempore bellum omne absoluit, vel potius extinxit. Causa belli erat, vt dictum est, oppressio Archiepiscopi Rigensis, quem Rex liberare decreuerat. Huius autem oppressionis causæ fuerant literæ quædam interceptæ, quasi ab Archiepiscopo scriptæ de dissipanda illa colluie Cruciferos, eò quòd dignitatem domus Brandenburgicæ in ipso Archiepiscopo Rigensi neglectui haberet, omnia sibi munia arrogando. Ita intempestiua de prærogatiuis concertatio formam illam Reipub. hominum tetricorum immutauit. At Furstembergus postea sibi pericula attraxit. quo in captiuitatem abducto, Gottardus Ketelerus Westfalus equestri genere natus, in eius locum surrogatus fuit. Hic cum aduersam fortunam antecessoris sui, & tyrannidem Moschi reformidaret, & nulla spes auxiliorum aduersus eum ab imperio affligeret, Regi Polo. fidelitatis sacramentum ea lege præstitit, vt ipsum contra Moschum & alios hostes defenderet. Nam Curlandiæ, & Semigaliæ Dux fuerat pronunciatus. Duxit autem is postea vxorem Annam Megelburgensem antiqua stirpe regum Obotritorum progenitam.

1558. Inuidit Moschus hanc gloriam Regi Augusto. Itaq; hæreditarii cuiusdam iuris prætextu numerofo cum exercitu Liouoniam armis tentat.

armistestat. Torpatumque arcem Episcopalem, & alias plerasque suæ ditioni adiungit. Cuius superbiam Sigismundus non ferens, armis eum domare constituit. Hinc bella Moschouitica orta sunt; quæ usque ad hæc tempora durarunt. Hoc eodem anno Rex Crasnostauiam, expediendorum quorundam cōsiliorum causa, ex Lituania venerat. Hoc etiam anno Albertus Nouicampianus professor Academiæ Cracouiensis moritur. qui qualis fuerit, & quàm dignus, ut eum nostris annalibus celebremus, ex eius epitaphio, quod Cracouiæ in templo indiuiduæ Trinitatis visitur, cognoscere licet. Habuit autem Poloniæ regnum sub Sigismundo Augusto viros eruditos plures ac præstatiores, quàm sub vilo alio Rege. Inter quos digni potissimùm memoria sunt, ex theologis quidem & hitoricis, Stanislaus Hosius, & Martinus Cromerus. Ex oratoribus & optimarum artium scientiæ præditis Stanislaus Orichovius florido genere scribendi præstans, & Andreas Fricius, qui de Republica librum eruditum scripsit. Ex poëtis verò & manlietioribus musis deditis Ioannes Kochanovius, Andreas Tricesius, & Iacobus Prilufius iuris terrestris peritissimus: qui parens omnium qui nunc causas in Polonia agunt forenses merito dici potest.

Lonician

*Licia capta
Moscho*

1562. Sub tempus Carnispruii (ut loquuntur) seu Bacchanalium, die Febr. 23. Moschus Dux æstuans ob felicitatem Regis, coactō exercitu trecentorum millium Poloczkam obsidione cingit, ac partim formidine, partim consiliis ad astum compositis per deditio nem capit, thesauris incredibilibus inde asportatis. Iudæos quos ibi inuenit, omnes baptismum abhorrentes in glaciem profluentis Dunæ compellit, crustaque glaciei circumsecta, ibidem eos demergere iubet. Polonis autem honos quidam est habitus. Vbi huius rei fama Varfauiam ad Regem comitia tū celebrantem delata est, iustus dolor cunctorum animos occupauit. & communi consensu decretum est, ut detur opera ne id impunè tyranno cedat.

1563. Expeditio ad Neuclam. Florianus Zebridovius supremus dux tum copiarum fuit. Stanislai verò Lesniouolscii, Stanislai Zamoscii, & Ioannis Zborouii summa virtus, & fortitudo animi corporisque innotuit. Nam cum agmen tantū mille quingentorum ducerent, tamen exercitum Moschouiticum qui quadraginta millibus constabat, fortiter represserunt, & magna ex parte, dextra victrici, profligarunt dissiparuntque. Postea anno domini 1564. Magnus Dux Moschouiæ detentis diutiùs oratorib. Lituatorum in Moscho uia, exercitum celeriter conscripsit; quem, absolutis oratoribus, in Lituaniā populabundum misit. Hic exercitus diuisus est in duas partes: quarum vna Duce Srebny, quā Smolenskum itur, altera Duce Soiski, quā Ploczkam, tēdebat. qui Soiski in campis Czaſniciensibus ad Vlam

bus ad Vlam fluuium castrametatus est. Quod cum Nicolaus Radiuilius Palatinus Vilnensis, dux exercitus Lituaniæ supremus, & Gregorius Chodkieuiceus campiductor ab exploratorib. rescuissent, hos statim aggrediuntur, magnaque ex parte trucidant ac confodiunt; reliquos fugant. quorum multi per sylvas & agros palantes, partim à colonis cæsi, partim aquis submersi sunt. Triginta autem millia in ipso conflictu occisa esse compertum est. Ibidem PETRVS Soiski, supremus dux exercitus Moschouitici, vulneratus, fuga euadens, à rustico quodam securi (magno cum dolore Litanorum, quod viuus captus non fuisset) occiditur. Vilnam delatus honorificè in Ruthe norum ecclesia primaria sepelitur. Altera porro exercitus pars, quæ Smolensko ad Orscham cum Duce Srebny contendebat, audita suorum cruenta clade, metu perterrita, omni bellica, ipsaque copiosissima, supellectili abiecta, in pedes sese coniecit, turpique fuga suæ salutis consuluit.

Eodem anno 1564. in ipso festo diuæ Margaritæ, præfectus copiarum Stanislaus Pacz Archidapifer magni Ducatus Lituaniæ ac locum tenens (vt vocant) tunc temporis Palatini Vitepsensis, collegit ex Vitebliensi Palatinatu exercitum, adiuncta curia sua, & duobus centurionibus, aliisque cohortibus, quibus ipse præfecerat Isidorum Signiferum Vitebliensem, & Ioannem Svviporod Tenutarium item Vitebliensem, vt vsitatas appellationes vsurpem. Isti cum duobus millib. equitum leuis armaturæ contra hostem Moschum, qui tunc temporis Iezeriskam tredecim millibus armatorum grauiter oppugnabat, processerunt, manusq; acriter conseruerunt; & hostium perrupta acie, tormentis potiti sunt. Inde vltiori exercitum, qui fugam ceperat, insequuntur. Afsecuti, sternunt ac contrucidant, nonnullos capiunt. Octo millia Moschorum cæsa. cæteri, armis abiectis, quacumq; potuerunt, fuga salutis suæ prospexerunt. Nostri verò omnem suppellectilem, & vniuersa hostium arma, tormentumque quoddam magnum, tela ignea, vexilla, bombardas, & id genus alia abstulerunt. sicque Dei benignitate incolumes ac spolijs onusti, paucis ex suis in conflictu desideratis, Witepskam redierunt. Georgius autem Tovv mak Dux exercitus hostilis vix euasit. qui postea, viribus resumptis, eandem arcem Iezieriska acerrima oppugnatione, & igneis telis expugnauit.

1567. Ericus Rex Suecorum cum sex millibus Suedis in campis Kirempensibus ab exercitu Regis Poloniæ Augusti profligatus fuit. Qua in re laudatur industria & virtus Nicolai Taluofii Castellani Samogitiæ. Huius suorum cladis nuncio accepto, Ericus in rabiem quodammodo versus, multa tyrannice fecit. Nam & Ioannem fratrem Ducem tum Finlandiæ, cui nupta erat Catharina Augusti

*Ericus Dux
Brunsvicensis.*

*Christophorus
Megelburgius.*

Regis Poloniae soror, noctu in arce Amboten in Finlandia capit, & aliquot annos in vinculis tenet. Laudatur hic Catharinae fides coniugalis; quæ memor mandati diuini in calamitate extrema marito non defuit, imò vilissima quæque seruitia in captiuitate ei præstitit. Ericus tandem ambiens matrimonium Reginae Angliæ, cum passus esset repulsam, impotentia animi actus, & dolore victus, duxit Stocholmiensem foeminam, multaq; insolenter agens, folio deiicitur; & in eius locum frater eius Ioannes captiuus surrogatur. Circa eadem tempora Ericus Dux Brunsvicensis cum viginti peditum signis, turmis aliquot equitum adiunctis, in Prussiam contendit, Gedanumque frustra obsedit. Cumq; vterius castra promouere vellet, à Duce Prussiæ Alberto Marchione, traiectu Istulæ, sicuti ei à Rege iniunctum fuerat, prohibetur. Christophorus verò Megelburgius, qui post Guilelmum Brandenburgensem Rigenfis Archiepiscopus designatus fuit, ab eodem rege Sigismundo Augusto in vincula coniicitur. Creditum est, Regem subolfecisse, vtrumque istorum turbas quædam dare cogitasse, & agitasse consilia quædam noxia de Prussia. Memoria autem proditum est, Megelburgios duces originem suam ducere ex stirpe veteri Obotritorum regum gentis Slauonicæ; quorum postremus Pribislaus nominatur.

Postea aliquot annis cum Moscho vario Marte decertatum est, magnis & paruis conflictibus. arces quoque vtrinque tentatæ sunt. Dux quidem Sangusko præfectus copiarum Lituanicarum Vlam, & Susam arces Moschorum infestauit, ipsorumque hostium vires debilitauit; sæpiusque parua manu ingentes eorum copias fudit.

*De causa eius
mortis variava
ria narrant, &
vix credenda.*


1572. Tandem verò Rex Augustus, firmato fœdere, & stabilita pace cum Moschorum Principe, recordatus se hominem esse & casibus mortalium subiectum, testamentum condit. & cum aliquantulum langueret, medicorum variorum opera est usus. Tandem Iulii mensis die octaua Knisini in confinio Lituaniae & Poloniae moritur, obdormiens cum patribus suis, vt pagina sacra loquitur. Corpus eius primò Tykocinum; demum post annum Cracouiam deportatum fuit. Vbi in eodem delubro, cum patre sepelitur. Eius autem monumento epitaphium tale est inscriptum.

SIGISMUNDO AVGVSTO POLONIAE REGI, ET MAGNO LITVANIAE ET RELIQUAE SARMATIAE DVCI AC DOMINO. PRINCIPI CONSILIIS PROMPTISSIMO, FACTIS LENTISSIMO. MORIBVS PIENTISSIMO. VITAE BENIGNISSIMAE. ANNA INFANS REGINA POLONIAE, FRATRI BENE MERENTI, SVO SVMPTV POSVIT, ET SVIS IPSA LACHRYMIS CONSPERSIT.

LIBER

LIBER OCTAVVS,

in quo capita rerū post Sigismundum
Augustum gestarum consignantur.

 Væ acta sint post mortem Sigismundi Augusti, & præfer-
tim sub Stephano primo, breuiter, comitis celebratori-
bus describendis, ostendemus. Nam latiore harum re-
rum expositionem, propter certas causas, in aliud tem-
pus reiiciendam putauimus.

1572. Mortuo Sigismundo Augusto Rege, Knisini mensis Iulii
die 8. ibidem primus procerum conuentus est habitus, & consultati-
ones de statu interregni. Eodem anno generalia comitia procerum
& equitum habita sunt propè Varsauiam in loco Camennio dicto,
causa eligendi Regis. Vbi aderant oratores Pontificis, & Imperato-
ris Romanorum, Suecorum Regis, & aliorum Principum. Vbi eti-
am confœderatio inter Catholicos & Euangelicos sancita. hoc est,
lex, qua prohibetur, ne alter alterum nomine religionis iniuriis affi-
ciat, aut in Reipub. muniis, siue palàm, siue occultè posthabeat: Nam
hoc, Poenandi verbum, quod ibi legitur, significat. sed vtriq; in mu-
tua pace viuant, & politica concordia, expectâtes, donec tempus id,
quod iustius erit, detegat. Hæc autem sapientissimè excogitata, nem-
pe, vt vitari possent motus, & bella parricidalia, de quib. etiam nunc
in Gallijs audimus, sanctè & sine dolo sibi inuicem spopoderunt, &
vt Reges quoq; futuri, cum inaugurarentur, idem iureiurando com-
probarent, constituerunt. Vnde verba illa in formula: Inter disiden-
tes de religione pacem manu tenebo. Ideo & Henricus Gallus, &
Stephanus primus hoc ipsum, cum inaugurati sunt, præstiterunt.

1573. Henricus Regis Galliae frater, Andium Dux, nouus Polo-
niae Rex electus mense Maio. Oratores in Galliam missi adducendi
in regnum noui Regis gratia.

1574. Aduentus Henrici noui Regis Cracouiam, ibidemque co-
ronatio mense Ianuario. Discessio eiusdem Regis è regno, audita
Regis fratris morte post menses quatuor. Expostulatio Polonorum
cum eo acerba, quod tacitè & occultè discessisset.

1576. Comitiae Cracouiae; ad quæ Stephanus Batorius Trans-
sylvanorum Princeps, stipatus comitatu spectatissimo veteranorum
venit. &, quemadmodum dum superiore anno in conuentu Varsauien-
si Rex electus, & postea in Andreiouiensi confirmatus fuerat, ita hoc
anno in Cracouiensi inauguratus fuit.

1576. Comitiae Toruniae magna cum celebritate aguntur; vbi
potissimum

Comitiae Craco-
niae 1576.

Comitiae Toru-
niae 1576.

potissimum de Gedanensibus agitantur consilia; qua ratione possent ad officium reduci. sed cum aut fiducia opum, aut verius à consiliariis Imperatoris deprauati, nihil de consiliis semel initis remitterent, criminis læsæ maiestatis damnantur, & proscripti, seu, vt vulgò loquuntur, banniti pronunciatur. & paulò post, decreto bello, animaduersio est in eos constituta. Victoria Regis, & clades illorum ad Derfauum descripta est à Lasicio, & aliis. Reconciliati postea Regi & regno ducenta millia florenorum numerarunt, & conditiones oblatas acceperunt. Plurimum eos iuuat deprecatio pro ipsis apud Regem principum Germaniæ, & quòd complures ex eis viri graues demonstrabant, procella vulgi ciuium tumultuantis compulso, se, & alios non paucos deterioribus consiliis adhærere necessum habuisse.

*Comitia Varfa
niæ 1578.*

1578. Postquam ventum est Varfauiam ad generalia totius regni comitia, primo ipso comitiorum die Moschi Principis & Tartari iniuriis expositis, bellumne cum his, aut cum vtro horum velint, rogat Rex. Cum Moscho bellum iussum: cum Tartaro dilatum. Iudicia item tribunalia ante ab Augusto expetita, ab Henrico verò permessa, à Stephano tum instituta fuere. nimirum vt tota Respublica ex suo corpore constitueret sibi iudices, qui causas vltimæ instantiæ, vt vocant, iudicarent, ac definitiua sententia lites dirimerent. Hæc res nouo ferme adhuc Regi publici fauoris & beneuolentiæ plurimum conciliauit, & iis, qui intimi Regi à consiliis erant, gratiæ sunt actæ, quòd non dissuasissent Regi rem, quæ salutis Reipub. futura erat. Introducti demum & auditi sunt legati exterarum gentium, & Georgius Fridericus Marchio Brandeburgensis valetudinarii agnati sui Alberti Friderici, Alberti senioris Ducis Prusiæ filii, curator constitutus fuit: qui mox fidelitatis solenne iuramentum Regi præstitit. Aderant ibi & Pomeraniæ Ducum legati, qui Principum suorum nomine in Bithomensem Leoburgensemque tractum ius imperium quæ Polonici regni agnoscebant; earumque ditionum literas inuestituræ (quas vocant) à Rege acceperunt. Reliquum tempus deliberationi de bello iam decreto administrando tributum est.

*Comitia Varfa
niæ 1579.*

1579. Quo anno Polotia recepta fuit, eodem paulò post comitia Varfauia sunt celebrata. Rex inde rediens magna cum lætitia exceptus, sed non eadem tamen de ipso omnium sententia fuit. Varii enim variè eius consilia, & illustria facinora interpretabantur. Creditum est autem, suspiciones quasdam de illo sparsas fuisse à quibusdam, qui vrbanæ vitæ assueti, pacis tantum artibus præstabant. Hi siquidem animum iam desponderant; nec se emerfuos vnquam sperabant; quod viderent, passim eos, qui militiam sequebantur, prouchi ad honores. Quæ res cum fuisset obseruata, eam suspensionem Rex per Cancellarium oratione luculenta ex animis omnium eximere conatur.

conatur. Hac igitur ratione diluta sunt omnia capita criminationū: ostensumque, togatæ vitæ hominibus, qui vera virtute niterentur, more patriæ recepto semper restare aditum ad consequendos honores, & præmia: nec opus esse, confugere ad illicita & inconcessa consilia, ac labefactare fundamenta iacta rerum bene gerendarum. Hac oratione blanda placati esse sunt visi animi omnium; itumque est in eam sententiam, non agendum esse morosius cum Principe; nec animum eius serenum, & plenum spe felicitis exitus incepti belli, acerbioribus exoptulationibus turbandum. ut, quo ardore animi rem inceperat plenam gloriæ, & ad salutem incolumitatemque Reipublicæ inprimis spectantem, eodem in ea perficienda pergeret. Adornatur igitur expeditio iterum contra Moschum. Interim autem cum Rex Vilnæ subsistit, Nassolimus legatus Moschi cum Georgio Oscilio quædam consilia suspecta habet; quæ res pessimè Oscilio celsit. Nam, patefactis consiliis, ad supplicium rapitur. Ibidem Vilnæ Paulus Vchanius, qui apud summum Pontificem, oratorem egerat, reuersus enssem Regi notis ceremoniis dedicatum à Pontifice obtulit. Dirigit deinde Rex iter suum Czashnium ad delectus habendos, inde ad oppugnandum Velissium: tum verò Lukos: postremò Zauolociam. Tres istæ munitissimæ arces opera Ioannis Zamoscii præfecti copiarum: consilio autem ac felicitate Regis expugnantur. Nec cæterorum interea supprimo labores, pericula, & cum contemptu vitæ suæ heroicis ausus: quorum etiam nomina in Chorographia nostra expressimus. Situm porrò horum locorum, adeoq; totius illius regionis, tabula expressum habes in eadem Chorographia nostra: quam tabulam literis ipsius regis maiestatis requisiti, ac iussi, nec non ab eius internuncio inuitati, superiore anno exarauimus. Eodem anno sub autumnum nouus quidam morbus, quiq; veteribus medicis & recentibus incognitus dicebatur, Europam eodem ferè tempore peruagat⁹ est. Quanquam non desunt, qui affirmant, idem morbi genus bis non ita multò ante, id est anno 1557. in æstate, & anno 1562. in autumno, bonam similiter Europæ partem occupasse. Hunc igitur morbum & exercitus, & Rex ipse, dum ex Moscho-ua reuertitur, sensit. Natura morbi fuit talis, ut ab ima parte spinæ (quam vocant) cum rigore exorsus totum corpus perreptaret, supra modum debilem, quem inuasisset, ex grauedine potissimum, red dens. tandem in febrem, nisi citò mitesceret, desinebat. Sed & curatio eius difficilis. Nam ad incisionem venæ non cedebat; & medicamentis purgantibus materia copiosior ad pectus attrahebatur. Vnde ei medici, sicut nec nomen proprium, sic remedium vllum certum non inuenerunt. Ita Deus nouit humanum genus solo flatu oris sui prosternere; adeò ut nihil ratio arsue humana tunc opitulari queat.

*Comitia Varfa
uie 1581.*

*ampana
luta Regi
e phanem*

1581. Redeunte Rege ab expeditione Wielikolukana effusa est ei tota Varfauiæ ciuitas extra portas, & maius gaudium obortum, quam antea: Vbi descendisset in templum, exceptus fuit solenniter cleri nomine ab Andrea Patricio oratione crudita & memorabili: qua testatus est incredibile gaudium vniuersorum: adeo vt etiam ad aduentum eius campanæ in locis sublimioribus appensæ imitatæ vocem humanam sono suo nomen eius modulantes exprimerent. Stephane, Stephane, Stephane. Per eosdem dies alii oratores, historici, & poëtæ varios ingenii partus edidere. Ego verò tradidi ipsi Regi triumphum, hoc est libellum, in quo victori vario poematum genere efformaueram & more priscorum Romanorum etiam consecraueram, aras, columnas, Pyramides, & arcus triumphales, exemplum cuiusdam Græci authoris in hoc imitatus. Elucubraueram etiam commentarios, quibus totam scientiam rei militaris in artem redegeram, quam variis exemplis historicorum, & schematis pulcherri-
mis illustraueram. Hic liber per me regiæ maiestati fuit traditus; non tamen est typis mandatus. quamuis ex regio mandato à deputatis reuissus approbatusq; & maiestatis regiæ testimonio diplomateque solenniter comprobatus fuerit. Continebantur enim in eo quædam arcana regni in negotio instructionis exercituum, quæ profanare neuiquam consultum iudicaui. Sed ea quotannis magna cum diligentia adhuc artificiosius illustro, atque expolio, adhibito consilio magnorum virorum, qui diu inter strepitus armorum versati sunt. Huius libri copiam q sibi fieri volet, sciat eum apud me, dum vixerò, & post mortem meam apud hæredes meos futurum, à quibus id facile impetrabit. adhibita tamen quadam sponsione & cautione, ne temere euulgari possit. Et iam pluribus viris illustribus, ab ipsis requisitus, eum ipse curauit describi. Sequentibus diebus, cum inciperentur haberi comitia, similiter à prouincialibus nuntiis excipitur Rex amplissima oratione, qua pro re bene gesta nomine totius Reipub. ei gratias agunt. Gratitude hæc quidem non displicebat Regi, veruntamen hortabatur & monebat, vt non latarentur tantum victoria, sed ea etiam vterentur, eamq; continuarent. Itaque, cum Duces belli conquererentur, Regem annuis expeditionibus, & regressioni-
bus impediri ac distrahi, milites confici, & hosti spacium respirandi dari; quò perpetuò bellum duci queat, in biennium tributum sciscitur. Præterea distinctè, cōscribuntur decreta, quæ spectant ad emendationem regiminis in toto regno: Delecti etiam deputantur, qui, quæ utiliora essent, cognoscerent. Tandem, confectis conficiendis, nuncii prouinciarum valedicentes & omnia fausta percantes Regi, duo rogant ab eo, rationem in posterum eligēdi Regis, & compositionem inter stat⁹. Rex testat⁹ est, se cohorrescere, quoties ei in mentem veniret

tem veniret tumultuum electionum præteritarum, & expauescere ad ea, quæ dissidia inter statum ecclesiasticum, & politicum trahere secum possent. Sed in utraque re magnas se difficultates perspicere. curaturum tamen, quantum in se esset, ut in his Reipublicæ laboranti subueniatur prospiciaturque. Hortaturque, quemadmodum & antea facere solebat, ut, ipso absente, paci & tranquillitati publicæ pro se quisque studeat. fausta tandem quæq; ac felicia precatur, tam iis, qui domi mansuri essent, quàm, qui in bellum ituri; ut mox lætabundi utriusque in mutuos complexus ruerent. Ad quam rem tantus plausus à circumfusus excitatus est, ut plausum ipsum tanquam omen læti fururi successus, ac non diuturni belli, plerique viri graues acceperint. Et si autem deliberatio de modo eligendi Regis multa secum pericula trahit, præsertim si minùs syncerè tractetur: tamen re ipsa periculosius est chaos illud informe, & anarchia, qualem superioribus electionibus vidimus oculis nostris. Quare, ommissa occasione maximi huius incommodi tollendi, metuendum est, ne in nos postmodum illa quadrent, ac meritò iactentur. Serò veniunt Israelitæ ad colligendum manna post ortum solis. Serò afferuntur falces post messem, cum iam non nisi spicilegium restat. Serò pulsant fores quinque fatuæ virgines. Serò conantur intrare pigri per portam clausam. quando videlicet iam inter occidentales & orientales dominos distractum, scinditur studia in contraria vulgus.

Electionis inordinatae incommoda.

Serò veniunt Israelitæ

In iisdem comitiis promulgata fuit ab Ecclesiasticis correctio Calendarii, quæ Roma transmissa fuerat à Gregorio eius nominis 13. Pontifice Max. Veteri instituto ac decreto sacrorum conciliorum, ab Alexandrinis, quod ibi antiquitus Mathematica studia florebant, anni supputationem Romani, & alii petebant. Ex horum ergo sententia, anno constituto, æquinoctium vernum 11. die Martii iam habebatur, eò quod nulla præmonitio facta esset de quinta circiter parte horæ, quæ, cum singulis annis ad explendas sex horas illas desideretur, propter quas quarto quoque anno dies vnus intercalatur, intra centum & viginti plus minùs annorum spatium, vnum diem conficit. Vnde res eò deducta erat, ut, iam decem diebus à concilii Niceni tempore confectis, iisq; in anno redundantibus, Pascha, & consequenter festa alia omnia, quæ mobilia vocantur, quæq; Christianis celebratissima sunt, sæpissime spatio aliquot septimanarum tardiùs haberentur, quàm ipsius Niceni concilii, in quo de tempore Paschatis Christianorum constitutum est, mens fuerat. Gregorius igitur 13. Pontifex Romanus, hunc errorem sublatum volens, æquinoctium vernum, à quo mathematici annum incipiunt, ad 21. mensis Martii diem reiecit, decem diebus ex anno expunctis & amputatis. ita ut præterea solstitium hybernium semper cum festo natalis domi

Calendarii renovationis.

ni concurrat; quemadmodum ab initio non sine causa excogitatum ac statutum fuerat. De hac redintegratione anni magna pars hominum benè sentit; & plerique Mathematici Academiae Cracouiensis eam absolute, ac perfectè traditam scribunt. Eam & ego probo, quam video (si tamen iudicium extremum humano generi usuram huius seculi prius non abruperit) rursus post centum & viginti annos vnum diem in anno redundaturum. Nam adhuc integer dies quarto quoque anno intercalatur, cum tamen, ut paulò ante attigim⁹, non sex horas integras singulis annis, sed quinque tantum cum quatuor circiter quintis vnius horæ partibus, præter trecentos & sexaginta quinque dies, quibus ordinarius annus expletur, solis cursus contineat. Ratio quidem huius correctionis solido fundamento nititur, & est necessaria; miramurque, cur Græcæ Ecclesiæ homines, & nostri Russi huic sanctioni contradicant. Sed Græcos missos faciamus, qui mordicus sua placita iamdudum retinere ac tueri didicerunt. De Germanis plerisque miror magis, quòd huic rei refragentur: cum ante promulgationem Calendarii istius ubique per Germaniam viri literati expeterent correctionem hanc, ut testantur complures ab eis ea de re libelli editi. Imò patrum nostrorum memoria vir quidam German⁹ in Ptolomæi doctrina excellentissimus, Ioannes Regiomontanus, hac de causa Romam fuit euocatus, ut Pontifici ea in re nauaret suam operam: ubi ab inuidis æmulis veneno fertur sublatus fuisse. Sed ego coniicio, Germaniam non tam ob renovationem Calendarii angere, quàm quòd rem tanti momenti arbitrio vnius, ut ipsi aiunt, suscipere debeant. Nam veterum conciliorum canonibus cautum fuisse demonstrant, nihil tale tentandum, nec annum reformandum, absque concilii legitimi cognitione.

*do militie
e cte stris
Polonia*

Wagraney.

Eodem tempore ordo militiæ pedestris, exemplo legionum Romanarum, in Polonia institutus fuit. Nam veteres Poloni, quia campestria incolebant, equis potissimum gaudebant. Porro munia pedestrium apud eos extraneus miles, non sine magnis ipsorum sumptibus, obibat. Ut igitur hoc incommodum vitari posset, missi fuerunt ad regias possessiones, qui ex robustissimis vicesimum quæque in militiam legerent, & qui ita in militiam venissent, ab oneribus rusticis ipsi & posterius eorum immunes redderentur. Cautionem tamen hac in re à prudentibus audio desiderari, ne hoc aliquando fraudi Reipublicæ esse possit.

*Comitia Varfa
nia 1582.*

1582. Vbi proximè præterita desierant comitia Varfauia, inde hoc anno initium sumserunt: hoc est à consultatione de ratione eligendi Regis, & de compositione inter status. Addita etiam erat deliberatio de correctione vel modificatione tribunalitiorum iudiciorum, & de Liuania ordinanda. Sed quia tum suspicionum spineta interstatus

inter status supra modum creuerant, non videbatur commodum inter illa aspera correctâ semina rerum bonarum iacere; & rem tanti momenti dubiis mentibus obiicere. Inuectâ est demum de euocationibus ad forum incompetens altercatio. quæ tam multum temporis absument, ut quæ prius erant proposita, ad alia comitia differre necesse fuerit.

Verum is etiam qui in initio anni 1585. Varſauia celebratus fuit conuentus, eundem exitum fermè habuit. *Comitia Varſauiæ 1575.*

1586. Biennio ferè exacto, iam temp⁹ ſequentium comitiorum appetebat; & iam literæ, quibus indicebantur proxima comitia, per omnes partes regni perferebantur, probuleumataq; prouincialium comitiorum in palatinatib. iam magna ex parte habebantur, & nunciis terrarum deligebantur; cum ſubitò de ægritudine ſimul & morte Regis veriſſima fama ſpargitur. Vſq; adeò inopinanter accelerauit finis vitæ eius. Cauſa mortis referebatur in exſiccationem domiciliorum cerebri, ob cogitationes vehementes, & ſollicitudines de proximis comitiis, quibus ſarcire ſatagebat incômoda ſuperiorum comitiorum; in quibus parum aut ferè nihil effectum fuerat. Contrâ alii, exſiccationem domiciliorum cerebri lêtum morbum eſſe ostendebant; ſubitam autem mortem ei⁹ indicium eſſe acuto morbo correptum eum fuiſſe. Sed quæcunque tandem fuerit eius mortis cauſa, certè non modicas turbas, & periculâ Reipublicæ hæc mors ſecum affert atque denuntiat. Sed ut de tanti Regis morte aliquid ſingularius memoriæ prodamus, cum magis ac magis in horas inualeſceret morbus, & permodica ſpes de eius vita ſeſe ostenderet, interrogatus à circumſtantibus quo pacto ſe haberet, reſpondiſſe fertur. Licere ſibi nunc uti verbis illis diui Tertulliani: Quinquaginta quatuor annos peregi. ſcio quales dies fuerint; quales verò futuri ſint in poſterum, ignoro. Admonitus tum ab hominibus religioſis, ut myſteriis ſacris de more procurari ſe pateretur, primò ne impediretur admonuit; deinde ad craſtinam diem negotium diſtulit. Interim ob morbi vim proſtratis iam viribus, & hora mortis inſtante, verbis illis ex Dominico in cruce Eptalogio, ipſum Dominum imitatus, animam ſuam Deo reddidit: In manus tuas domine commendo ſpiritum meum, die 12. menſis Decemb. occidente iam ſole. Fuit vir tam in pace, quàm in bello excelſo & forti animo; iudicii magni, præſertim ubi ab affectib. liber erat; in victu & amictu parcus; ab omni iactantia & oſtentatione alien⁹; eruditione inſigniter tinctus; ſermonis latini valde ſtudioſus, & proſus Terentianus. Quod attinet conſtitutionem corporis, fuit quadratæ ſtaturæ ad proceritatem aſſurgentis; facie dignitatis plena; capillo nigro; ore venuſtè reſtricto; colore fuſco ſimul & rubente; dente adeò albus, ut parem non viderim;

*Mors Ste
ni Regis*

viderim; quæ reseum meo iudicio valde amabilem reddebat; naso subfimo. atque vt breuiter dicam Attilæ primo Duci Hungarorum similimus. vt ex Procopii historici descriptione liquet. Natus est anno Domini 1533. sexto Calend. Octobris. Vixit ad annum ætatis suæ quinquagesimum quartum. regnavit annos decem, menses septem, dies duodecim. Cum autem tres pœnæ epidemicæ à Theologis numerentur: fames, pestis, bellum; & his deterior quarta addatur, turbatio ordinis in Repub. (nam ordine publico integro permanente, sepe illis tribus occurritur: at soluto in Repub. glutino ordinis, primò bellum, deinde fames, ad extremum & pestis in immensum grafari solet) horum malorum nullum, regnante hoc Rege, Rempub. Polonam, Dei beneficio, attriuit. Nisi quòd in publico ordine, & iudicijs comitialibus iam pridem quædam desiderabantur. Cui incommodo ipse haud dubiè prospexisset, si ei vsuram vitæ huius supremus Rex regum & dominus dominantium longiorem concessisset. Sed iam ad finem vitæ eius narratione perducta, finem quoque hîc historiæ nostræ faciemus.

Cave tibi Polonia,



Ad lectorem.

Autor ipse longo intervallo toto hoc tempore, quo hæc Cracoviæ imprimebantur, in Russia abfuit. Quare ignoret lector, si plerisque in locis contextus indiget correctione. Nam ne iam impressa quidem recognoscendi, nisi quedam obiter, sicut nec indicem conscribendi, propter alias occupationes tempus habuit. Edunt alij tertium suos libros; & tamen obrepunt errata aliqua, quæ facile condonantur. Quamto magis prima hæc editio veniam meretur! Ex secunda porro editione, volente Deo, cuncta castigatiora expectato.

Erratorum aliquot, emendationes. Prior numerus paginam, posterior versum indicat.

Pagina 2. versu 18. *Comminiscent* Lege *commiscent*. 3. 5. *Cancellum* Lege *cancellus*. 3. 6. *ilias* L. *Ilias*. 5. 32. *regundarum* L. *regundorum*. 18. 2. *incrementum* L. *incrementum effatum dignum*. 20. 34. *Sampson* L. *Samson*. 23. 8. *eorum* L. *earum*. 26. 22. *inter quos* L. *inter quas*. 28. 25. *scribit Dio* L. *scribit Dion*. 33. 20. *mperium* L. *imperium*. 57. 22. *galactipha* L. *galactophagos*. 59. 23. *submonendum* L. *submonendum*. 66. in versu Ovidij, *mala brachis* L. *mala frigora brachis*. 93. 8. *regundarum* L. *regendarum*. 104. 24. *Rzda* L. *Rha*. 116. 19. *Tibris* L. *Tigris*. 121. 3. *Gallias* L. *Gallias*. Et versu 12. *illa* L. *illa*. Et versu 15. *enm* L. *cum*. 122. 30. *admirattioni* L. *admirationi*. 134. 13. *sub Boleslao Chabri* L. *sub Boleslao Pudico*. 141. 8. *imbecilli iudicij* L. *imbecillis iudicij*. 153. 7. *Christum natum* L. *Christum natum*. 160. 27. *imaginattones* L. *imaginationes*. 168. 22. *oportunos* L. *opportunos*. Et versu 27. *salus* L. *salus*. 378. 20. *Strenuum* L. *Sturmium*. 177. 10. *coercenda* L. *coercenda*. 178. 16. *Germanarum* L. *germanarum*. 182. 4. *Premissum* L. *Premissum*. Et versu 27. *oportuna* L. *opportuna*. 242. *Scarbina* L. *Scarbicus*. 262. versu ultimo & insequentibus. *Gonortius* L. *Gonortius*. 289. 6. *Vidriminscijs* L. *Vidriminscijs*. *Ottomari* L. *Ottocari*. *Pieczmegij* L. *Piecznyegi*. *Marthomani* L. *Marcomani*. 300. 20. *Marcellum* L. *Marcellum*. 368. 16. & 17. *Aegypti Sultanus* L. *Persarum rex*. Et versu 25. & 26. *Aegypti, Syriæque Imperatore* L. *Persarum rege*.

Pag. 388. versu 20. 1517. *Lateranense concilium, &c.* Totus hic locus reponendus est pag. 383. & ad annum 1512. referendus. & pro *Leo decimus*, quod hic versu 33. legitur, legendum est *Iulius secundus*. Quamquam sciendum est sub Leone decimo reuera pragmaticam sancti onem Basiliensis concilij abrogatam fuisse.

Proprijs sumtibus ipsius authoris excusum est hoc opus.

DESCRIPTION
VETERIS ET NOVÆ
POLONIÆ CVM DIVI-
SIONE EIVSDEM VETERI
ET NOVA.

Adiecta est vera & exquisita Ruffiæ inferioris descriptio, iuxta re-
uiffionem Commissariorum Regionum. Et Liuoniæ iuxta Odo-
poricon exercitus Polonici redeuntis ex Moschouia.

AUTHOR AD LECTOREM.

*Lechia quidnam sit modo, quæue potentia sceptri,
Lit. Liu. Rus. et Prus. littora quæue tenet:
Scribunt iam multi, quò mente reuoluere possis,
At modo quo cernas dat tibi Sarnicius.*



Anno à Iesu Christo nato. 1585.

Cinu. 8130

DEI GRATIA
VITAE ET MORIS
POLONIAE CVM DIVA
MAGNAE REGIAE
ET NOVAE

ANNO DOMINI 1773
MENSE APRILII
DIE 15


ACTORUM
SACRAE
MAGNAE REGIAE
POLONIAE
CVM DIVA
MAGNAE REGIAE
ET NOVAE



ANNO DOMINI 1773

Sacra ac serenissima Regia

M. D. domine clementissime.

VE Madmodum à M. vestra Regia delectus ac
destinatus fui, ut situm inferioris Russiæ eius que
campestris desolata perlustrarem & reuiderem, id
sedulo præstiti & feci. De qua re complura cum
Maiestate vestra & verbis & scriptis egi, monstrauitq; omnia
quæ videbantur ad hoc propositum pertinere. Nunc verò ut
magis promererer nouis obsequiis, gratiam M. vestre Regiæ,
curavi (sumptibus non parcens) ut hæc in planiore forma lu-
culentius artificiosiusq; traderentur, adhibita arte Geogra-
phica, & præceptis quæ à literatis hac in parte obseruari so-
lent, ut etiam ab eruditis in aliis Regnis cum celebritate &
laude Maiestatis vestre legi possint. Cumq; ipse occupatus
essem alijs negocijs arduis, usus sum ea in re opera eruditi et de
literis benè meriti viri generosi domini Stanislai Sarnicij,
amici mei non vulgaris, qui etiam notus est M. vestre. N. à
cum aliquot vicibus, libris in lucem editis, nomen et victorias
M. vestre ut par erat celebraſſet: M. vestra Regia eum
pro cliente suo accepit, ei que se benignissimum fore patronum
declarauit, promissa ei gratia Regia, ut ex diplomate ei tra-
dito liquet. Hic ergo, lustrationis meæ typo accepto, effecit,
ut non modo Russiæ sed etiam totius regni Maiestatis vestre
situs, hoc est Poloniæ, Lituaniæ, Prusiæ, Liuoniæ, & quæ
paucis ante annis de Moscho M. vestra recuperauit, exactè
describeretur: ut vno quasi intuitu veluti in tabella à legen-
tibus cerni possit: quam operam spero gratam futuram M.
vestre, et Reipub. non inutilem, præsertim cum à nemine ha-
ctenus istud argumentum hoc pacto tractatum sit. Certè præ-
cipuos olim Reges & Imperatores eiusmodi studijs mirificè
delectatos fuisse, ac sumptus ad ea promouenda liberalissimè
suppeditasse ex historijs constat. Cumq; Regia M. tua, haud
postremum inter laudatos Reges locum obtineat, non dubium
A 2 est, eam

est, e. m. quoque pro sua ingenua clementia declaraturam, sibi
hunc honestum conatum non displicere, neque in liberalibus
studiis promouendis sumptibus parcere.

Datum, *Warsaviae* primo *Kalendas Mar.* 1585.

Sacra ac Serenissima Regia M. vestra

Fidelis subditus

Ioannes Sienienius C. L.


Proœmium ad lectorem.

SIC VTI theologiæ fundamentum sunt scripta Pro-
phetica & apostolica, medicinæ, Galeni philosophia,
ita senatoriæ facultatis subiectū vt vocant, circa quod
versatur est historiæ cognitio, & Reipub. benè geren-
dæ scientia, quam complexus est Plato & Aristoteles. Fatentur au-
tem viri togati se plurimum iuuari in gubernandis Rebuspub. co-
gnitione historiarum, militares etiam viri non possunt dissimulare
eiusdem summam vim esse in castris totaque militia. Denique, vt
præclare Cicero dicebat: Ipsa est testis temporum, lux veritatis,
magistra vitæ, vita memoriæ, adderem ego, parens immortalitatis.
Nam ipsa efficit vt morientib. nobis potior nostri pars in terris su-
peruiuat, hoc est, fama bona, immortalitate tincta. Cum igitur vn-
dique sese vtilitates huius diuinæ exercitationis offerant, meritò
apud Reges & Principes in precio habetur. Iam si historia grata est
cunctis, etiam ea quæ ancillantur historiæ, hoc est chorographia
& chronologia meritò gratæ esse debent. Et omnino sicuti Plato
neminem admittebat ad suam scholam qui prius non esset versat⁹
in Geometria & Arithmetica: ita meritò illotis manibus dicitur
ad historias accedere, cui prius situs locorum, vbi illæ sunt gestæ,
& ratio temporum quando nimirum hæ acciderunt, non fuerint
cognita. Ideo sicuti commentariis Cæsaris, descriptio Germaniæ
& Galliarum est præfixa, ita ego descripturus res Sarmaticas, eiuf-
dem Sarmatiæ typum præmitto, adiuncta supputatione temporū,
vt ita lector locorum & temporum cognitione suffultus, ad co-
gnoscentiam hanc historiam, rectius præparatus reddatur, instru-
ctiorque ad eam legendam accedat.


DE SITV

SEPTEMBER





D
V



num
O
alite
mi
ius
cin
gon
Sua
na
non
ran
mo
lec
e:

la
co
u
e
v
o
P

r
b
r
n
t
t
P
e
a

DE SITV ET AMBITV VETERIS SARMATIÆ, EIVSQUE DIVISIONE, IUXTA veterum sententiam.

Duidebant veteres potissimum regiones suas iuxta decursus fluminum, ad quorum ripas degere consueſſent, à quibus congregationes & ſocietates hominum tanquam prouincias quasdam appellare, iam dudum conſuetudo obtinuerat. Hinc pagorum cognominis origo deducitur. Nam pagus Græcis πᾶσις fons dicitur. Et qui ex vno fonte bibere & iumenta ſua adquare ſolebant, pagani cognominabantur, hoc eſt ſocietates hominum iuxta magnitudinis quæ ad flumen aliquod & valles cum ſeruis liberis que pecoribus & adſcripticijs adeoque tota ſuppellectili domeſtica inhabitatum conſederant, & non aliter ac corruales neceſſitudine quadam deuincti, felicia & aduerſa perpeti paratiſſimi erant. Hinc Cæſar in commentarijs vniuerſam Heluetiam in quatuor pagos diuidit, cuius appellationis vſus etiamnum ab eis retinetur, aucto tamen numero pagorum. In duodecim enim pagos poſterior ſeculum ſue regiones, totam illam Rempub. diuidit. Communi igitur mori & conſuetudini illius antiqui ſeculi innitendo, veteres quoque Sarmatæ & Sueui à fluminibus potioribus & littoribus maris, regionibus ſuis & prouincijs nomina imponere ſolebant. Vnde Oſtrogothorum, Tirangitarum, Tiſſigetorum, & Sueuorum nomina prodierunt. Nam Oſtrogothi populi dicebantur, qui ad Iſtrum inhabitant. Tirangitæ, qui ad Tiram, Tiſſigetæ ad Tibiſcum, Sueui ad Sueuum, & ſic de cæteris, ſicuti mox ex declaratione inferiori patebit. Noticia autem huius hiftoriæ mirè poterit iuuare lectorem, non modò ad intelligendam hanc quam tradimus modò hiftoriam, ſed etiam ad exponendos aliarum gentium rerum geſtarum commentarios.

VANDALI dicebantur populi, qui habitabant ad flumen Vandalum ſeu Viſtulam. De his dicit Ptolomæus quòd maximam partem Sarmatiarum occuparint. Et Procopius ſimiliter eos maxima ſpacia ad Iſtulam occupafſe affirmat. Vnde & Venedicus ſi- nus à Ptolomæo & alijs autoribus mare ad littus Prutenicum vocitatur, eò quòd gentes eius lingue illas regiones etiam tum incolebant. Hi verò populi ab alijs Vinidæ, ab alijs Venedi, Veneti & Heneti nuncupantur, voce quidem nonnihil deflexa ſed reipſa, vt liqui- dò mōſtrabimus, vna & eadem gens, Vandaliſca designatur, modò lector iudicium ſuum paululum ſuspendat, vſque dum ad ſuam legendo decurrerit.

MARCOMANI. Et ſi autem variè ſe torquent autores nomen Marcomano- rum exponentes, tamen liquet hac voce populos illos intelligi qui ad flumen Morauam ha- bitarunt, à quo etiam nomen ſibi acquiſuiſſe, ſonus ipſe indicat. Huius gentis Rex Ma- robudus celebratur à ſcriptoribus. Floruit verò iſte Cæſaris Auguſti temporibus, æ- mulus Harminij Ducis, quorum vterque ab initio illorum bellorum pro ſtrenuis defenſori- bus Germaniæ ſeſe gerebant. Et certè, niſi fata obſtiſſent, terribiles formidabilesque potentie Romanorum fuiſſent.

SVEVI populi qui ad Sueuum quem hodie Sprea nominant, habitauerunt. Flumen hoc oritur ex montibus Sudeti duobus miliaribus à Budiſſino vrbe Venodorum Germa- nicorum. Hi populi etſi Germanis adnumerantur, tamen cum Sarmatiæ populis ob quan- dam neceſſitudinem ſeſe coniungebant, & commilitabant Sarmatis in pugna Carnutana contra Romanorum Imperatorem Antonium Pium in finibus Boemicis, quo Marobudus, illo tempore Auguſti, ſedes ſuas ex Morauia tranſtulerat: atteſtante Suetonio in vita Auguſti. Et eo tēpore, eaque occasione lingue noſtræ vſum volunt plerique vſque ad Al-

CHOROGRAPHIA

bis ripas translatum fuisse, de qua re vide plura in historia nostra.

GOTTHI vel Guthones, pagus & provincia Sarmatica habitantium ad Gutalū flumen (sic enim id Plinius vocat.) Ideo Guthones & Gotthi à Gutalo vocantur. Nunc Odra dicitur. Extendebatur coloniae eorum Codanum sinum versus ad occidentem & Septemtrionem ubi est Gedanum, quem inquam sinum etiam à Gotthis nominatum esse doctiores & eruditi viri tradunt: Sicut ipsa vox indicat. Sed & Bidgostiam & Gedanum ipsum à Gotthis etymon suum trahere syllabarum ipsa compositio indicat. Nā Bidgostia, habitationem Gotthorum significat. Ad orientem verò progrediendo habitatio eorum extendebatur per montes Sarmaticos usque ad orientales Gotthos, qui Getæ etiam & Ostrogotthi dicebantur. De his tradit Cornelius Tacitus inquit: Trans Ligios Guthones regnant. Parebant enim Sarmatis & tributum eis pendebant, ut aperte idem Cornelius tradit. De ijs latius lib. 4. historia nostra.

VARINI pagus & populi Sarmatiae qui ad flumen Vartam citra & ultra Posnaniam habitabant. Quam autem nomen Varinorum cum nomine Varta sicut Guthonum cum Gutalo conforme sit, nemo non videt. Sic descriptio situs locorum viriusque gentis cum descriptionibus veterum ne pilo disconuenit. Meminit Varinorum Cornelius Tacitus lib. de moribus Germaniae: Reudigni, inquit, Varini & Eudoses fluminibus aut Syluis muniuntur. Et Chronicon Germanorum, Pomeraniam tenuere Rugij, Auiones, & Varini: sed Varinos expresse dicit Cornelius flumine muni. Nam Varta flumen cum Prosna speciem insulae efficit, sic Obra cum eadem Varta.

AVARINI populi ad Naruam fluvium quod Istulae copulatur infra Varisaviam habitabant. Expositores Cornelij Varmiriam in Prussia à Varinis esse dictam existimant. Differunt ab ijs Auares Vngarorum progenitores.

CISTOBOCI, Cistobocas aliquoties Ptolomæus meminit. Et Cornelij Taciti expositores ad Bogum flumen eos collocant, & ab eo denominatos esse scribunt. Nec remota est compositio à Bug Cistoboci: & cisto significat merè vel sincerè Boci id est, ipsissimi. Nec procul eos ab Iglionib. Vilnensibus habitasse tabulae Ptolomæi monstrant. Plinius autem agnoscit Sarmatas ad Bugi ripas habitasse. Qua de causa eosdem inter Sarmaticas provincias seu pagos collocamus.

TIRANGITAE pagus vel provincia Sarmatica. Nam Ptolomæus expresse Tirangitas Sarmatas vocat, qui ad Tiram seu Nestrum flumen habitabant. Quod autem à tirare id est trahere arcum voce Italica dictum esse putant quidam, non possum assentiri. Nam ab Ouidio flumen hoc Tiras vocatur, & seculo illo nondum latina lingua in Italicam degenerauerat.

TISSIGETAS Ptolomæus populos vocat qui ad flumen hoc habitauerunt quem nostri hactenus Tisam similiter appellant. Euincitur igitur inde, nostram linguam in usu fuisse illis in locis illo adhuc seculo. Neque enim nostrates eam appellationem à Græcis Latinis hauerunt, sed Latini à nostris.

OSTROGOTTHI provincia Sarmatica seu pagus habitantium ad Istrum & ostia eius, quem hactenus Vistrum Slavi vocant. Expresse autem Ouidius se exulasse dicit apud Sarmatas. Ergo Thomos vrbs nobilis exilio poetæ ad ripam Istri, Sarmatarum colonia fuit, ubi nunc Kilia Achillis nomen resonans. Et Plinius aperte Ostiū Istri quod Calostomum vocant Sarmatis tribuit. De hac re latius in historia nostra.

VISOGOTTOS quos Ptolomæus Gythones vocat, Cornelius etiam eosdem electrum quod Glasium vocant colligere ad Balticum mare tradit. Proinde commentator præcipuus Cornelij Taciti inquit: Gothini Gottones partes sunt Gotthicæ gentis, quæ late compleuit latus Balticum, utramque ripam Istulae. Et prorsus rectè mihi videntur exponere, & propriè Visogothos, id est Vistulae Gotthos sicuti Ostrogothos Gotthos, qui ad Istrum habitauerunt. Nam expositio illa Vuest & Gotthiam confutata locum non habet. Quamquam & Vistulae Gotthi Septemtrionales quoque sunt & Septemtrionales vel Vuestgotthi possent dici.

VETERIS POLONIAE.

TANAITAE qui ad Thanaim flumen Sarmatae incolebant, sic vocabantur. Sicuti & Remsarmatae à Berofo qui viciniore erant Reno, vide historiam Babylonicam

CYMBRI celebratissimi & antiquissimi erant Sarmatae, qui ad Cymerium Bosphorum ubi nunc est Capha Oc Zakouia inhabitant. Horum volunt esse posteritatem illos nostros Cyrkasos. Homerus de Cymerijs subinde meminit. Meminerunt tandem historici Cymbrorum qui ante Christi aduentum maxima bella in Italia excitarunt. Unde nomen Cymbricae Chersonesi: sed utrum isti ab illis, an illi ab istis orti sunt, dubium hoc discutitur in hac historia.

PEVCINI veteres proprie ubi nunc est Smolensko sedes suas habuerunt. Nam Ptolomaeus Borystenem ex Peucinis montibus deriuat. Borystenes autem oritur non procul à Smolensko, quam sententiam adiuuat & etymon vocis. Nam *πευκή* pinum Graecis significat praepinguem resinam. Porro loca illa ubi est Smolensko & Polocko sunt admodum referta pinetis. Quin & Pinsko ad eandem vim denominationis Peucinatorum deuenit. Quod autem insula illa quae in ostijs Danubij, Peucen quoque dicta est, inde reor factum esse, quod incolas Smolensko, Pinsko, & Przypiecz prono flumine Nepr credibile est delatos fuisse usque ad illa loca, ibique colonis deductis sedes suas fixisse. Bernhardus Vapouius existimat eam gentem quam hodie Piecziniegos vocamus, non remote ab illis locis, esse reliquias veterum Peucinatorum. Alij eos qui vocantur Pokucie intelligunt, utramque autem sententiam & situs loci vicinus, & vis cognominis comprobant. Syrmius Rex Peucinatorum qui Alexandri magni temporibus floruit, ijs in locis ubi nunc Besarabia quos Polountios vocant, imperitabat. Nam quia Syrmium ubi illud Concilium postea celebratum fuit adiacet Danubio, itaque haud difficile ei fuit prono flumine prouincias illas quaecunque spectant ad Danubium & ostia eius imperio suo adiacere. Complura ea de re digna consideratione libro secundo attulimus.

BASTARNAE Sarmatica prouincia vel pagus in ea parte Poloniae ubi nunc sunt qui vocantur Podgorij: sed porrigebantur secundum fines Daciae. Ideo Procopius & alij veteres eos ponunt ad latus Daciae septemtrionale. Dacia autem proprie fuit ubi nunc est Transylvania. Cui rei & Iouius in sua historia ad stipulatur.

LIGII prouincia Sarmatica inter Viadrum & Boemicos montes quos Vandalicos Dion vocat. Ea nimirum Syllesia pars ubi est Legnicium oppidum. Ideo Legnicij etymon à denominatione Ligiorum scriptores Germanici deriuant.

QVADI. Positis terminis Marcomanorum ad flumen Morauam, & Ligijs populis infra montes Vandalicos seu Boemicos, ut modo dictum est, quicquid in medio est Quadis est tribuendum, ubi est Nissa & Ducatus Opoliensis. Non assentior quibusdam expositoribus Cornelij Taciti qui etiam locum ubi est Petricouia quod heroes Polonorum ad Comititia veteri instituto confluere solebant in ipso umbilico Poloniae Quadis tribuunt. Ita enim Marsignis, Gotthis, Osis, & Burijs qui Cornelio attestante terga Marcomanorum et Quadorum claudere debebant nihil retro spacij relinqueretur. Affirmant autem Quados, cum Iulio Caesare aliquando conflixisse, quod forsan contigit tempore Heluetici belli quibus sese certo foedere copulauerant.

MARSIGNI populi Sarmatici sub montibus Sarmaticis.

SIDONII hos Ptolomaeus ponit ubi est Szidlouia & Szidlouiec. Nec sono vocis admodum discrepat Szidlouia à Sidonijs. Isti cum Desiderio Rege Longobardorum in Italiam ingressi Asidonem urbem, quae postea Cosse dicta est, fundauerunt. Deleta haec fuit successu temporis à Carolo magno cum eam à Saracenis vindicaret, ut Anianus Viterbiensis scriptor Italicus memoriae prodidit, ubi expresse hoc Polonis tribuit in commentarijs in Berosum.

OSSII populi Sarmatici quos Cornelius Tacitus penes Gotthinos ponit, prope modum ad flumen Olsam quod cum flumine Moraua miscetur. Nec remota est vox Olsa & Olsa litera saltem in s mutata. Est & in finibus Prussiae Osa flumen: sed forsan posterioribus

CHOROGRAPHIA

Sterioribus temporibus bellis detrusi erant ad istum angulum Prussiae.

BVRII: penes Oßios prouincia Sarmatica. Descriptiones situs loci planè conueniunt cum *Varka* oppido & *Varſauia*. Et vox *Burij* & *Varka* non variant, nisi litera *b*, in uſitatato more conuerſa. Ptolomæus sanè in ſuis tabulis eodem loco eos reponit. Et *Cornelij Taciti* præcipuus cõmentator hoc idem iſs verbis innuit: *Burij*, inquit, extremi ſunt *Sylleſiorum*, verſus *Iſtulam*, & porriguntur *Toruniam*. Meminit etiam *Dion hiſtoricus* *Buriorum* in hiſtoria *Traiani*: contra quem vnà cum *Dziurpaneo Rege* *Dacorum* arma ſuſtulerant. Latius hæc in hiſtoria noſtra reperies.

RVGII populi: hos inter *Viadri* & *Viſtulæ* oſtia Ptolomæus collocat, ubi eſt modò *Pomerania*. Oſtenſum eſt autem *Gutalum* ſeu *Viadrum* à *Guthonibus* ſeu *Gotthis* eſſe dictum, eo quod domini & poſſeſſores eius ripæ erant. Cum autem *Rugiani* inter vtramque gentem Sarmaticam in medio habitarent, crediderim eos ad ſupplementum eorum pertinere. Affirmant autem commentatores *Cornelij Taciti* *Rigenſes* in *Liũonia* ad oſtia *Rubonis* vel *Dunæ* à *Rugijs* originem ſuam ducere, eſſeque eorum colonias. *Odoacer* Princeps bellicoſus, vaſtator *Italiae* ſub tempora *Gotthorum* ante mille annos dicitur prodiiſſe ex ea gente. Ideo *Dlugoſius* hiſtoriographus *Polonorum* *Odoacrum* *Polonum* facit. Siquidem & nunc illæ regiones *Pomeranicæ* obnoxie ſunt *Polonis*, antea verò prorsus ditionis *Regum* *Poloniæ* erant. Commemoratur tamen in hiſtorijs *Rugianos* vnà cum *Gotthis* militaſſe, & *Gotthis* excedentibus ex *Italia*, etiam *Rugij* in eorum caſtris connumerantur. *Grammaticus* autem hiſtoricus eadem de cauſa, *Caſſobios* etiam ante aduentum *Chriſti* eodem in loco, id eſt ad littus maris illius *Baltici* habitaſſe affirmat. Sunt autem *Caſſubij* gens ſtirpis *Polonicæ*.

SCYRI etiam prouincia Sarmatica. Nomen credo hæſit in *Scyricijs* qui ſub montibus *Carpati* vltra *Cracouiam* habitant. *Plinius* lib. 4. cap. 13. *Scyrorum* meminit: Quidam inquit hæc habitari ad *Viſtulam* uſque fluuium à *Sarmatis*, *Venedis*, *Scyris*, *Hiris* tradunt. *Scyros* vnà cum *Gotthis*, etiam ex *Italia* emigraſſe memorie proditum eſt.

HIRROS *Syradienſes* crediderim eſſe.

CAVCHI iidem forſan quos *Caſſubios* noſtri vocant, aut *Cuiuienſes*.

PACINACES ad *Boryſtenem* ſtatuunt. Autor ſupplementi *Carionis* cum *Boſſinis* eoſdem eſſe putat.

ERVLLI: iſti quoque ad *Iſtrum* habitabant. Primi ij religionem *Chriſtianam* publice amplexi ſunt inter eas gentes, vt tradit hiſtoria *Eccleſiaſtica*. De horum leui armatura quædam *Iornandes* tradit libro de rebus *Geticis*. Hi *Corales* ab *Ouidio* forſan vocantur.

GEPIDES pagus Sarmaticus ex ſtirpe *Gotthorum*, qui habitauerunt ad *Viſclam* flumen, & cognominati ſunt hoc nomine à tarditate ingenij & pigritia vt *Procopius* tradit. Habitatũ olim ad *Syrum* in *Pannonia*. Celebratur *Rex* *Gepidarum* *Ardarichus* cuius opera *Athilla* *Rex* *Hunnorum*, in multis prælijs uſus eſt feliciter, ſed poſtea reliquias exercitus *Athillæ* deleuit. Vbi ſcepuiſſum eſt, ibi ſedes eorum ſtatuunt. Sed quod *Gepidarum* nomen *Lituanis* quidam recentiorum tribuunt, non video quo pacto id cum ſententia veterum quadret. De hiſ latius in ipſa hiſtoria. Vbi etiam illa opinio diſcutitur: an *Germani* *Scepuiſenſes* ſint reliquie ſtirpis *Gepidarum*. Et *Germani* qui degunt in *Tranſyluania*, vtrum ſint reliquie *Gotthicæ* ſtirpis, quemadmodum vult autor ſupplementi *Carionis*.

BESSI: *Beſſorum* pars hæſit ubi ſunt montes *Bieſczady* à *Beſſis* cognominati.

DVCLEOTAE adhuc oppidum eſt ad radices montium Sarmaticorum de nomine illorum *Ducla* dictum.

BICEN ipſiſſimi *Sarmatæ* erant ad *Meothiden*, ſed colonias eorum transportatas eſſe metu bellorum in illud territorium ubi eſt *Biecz*. Et nomina *Bicen* & *Biecz* ſunt ſibi cognata.

1 AZYGES

VETERIS POLONIAE.

IAZYGES: Ptolomæus triplices gentes in Sarmatia ponit: maximas, minores & mediocres. Inter medias autem Iazygas recenset. Expresse autem Sarmatas vocat Iazygas illos qui Euxinum versus porrigebantur. Nomen Iazygum significat iugum vel par boum, ab *ios* *zoyop* id est tantum par boum. Videmus enim hactenus, Podlasios ubi eorum præcipue sedes erant, tam facilem agriculturam habere, ut colonus unico iugo bouum contentus sit ad exercendum commodè agellum suum. Fuerunt alij Iazyges Metanastæ dicti, eo quod una cum familijs superatis montibus Carpacijs ad Tibiscum ubi nunc Ungaria est commigrarant, ibique sedes suas fixerant. Horum reliquias adhuc extare audio, & loquuntur corrupto sermone Slauonico seu Sarmatico. Et vocantur etiam ab incolis Iazynges.

ASCABLES hic alicubi ubi est Sochaczouium, Louicium ad flumen Bzura reponuntur. Dicuntur autem Ascaulistæ illi agrestes qui tibus cum sacco inflare solent. Musicorum genus vile. Forsan quod locus ille multos tales alebat, quod etiamnum non insolens est in illa prouincia. Et Ptolomæus sepe agnomina & prænomena loco priorum nominum ponit, ut Iazyges, Agatyrsi, Ictiophagi & Anartophracti &c.

ANARTOPHRACTI id est inopia panis laborantes. Nam α est priuatiua particula & $\alpha\gamma\tau$ panem denotat. Et verisimile est. Nam inhabitabant illud solum lapidosum arenosumque quod est inter Podlasios Iazygas, & Istulam. Admodum sterilis est illa prouincia.

LVTHII reponuntur ubi oppidum non ignobile Lutomirsko. Et sonus vocis cognatus est cognomini oppidi.

BURGIONES ferè reponuntur ubi est Lublinum, ab ijs Burgandiones ortos esse volunt gentem bellicosam qui copulati Vandalis, Gallis, superioribusque Germanis mouerunt bella atrocia.

ANTAE natione Slauones erant, sed cum Romanis contra suos sentiebant, ideo Antæ, id est contrarij vocabantur.

BORVSCI qui & Carbones, primo Septemtrionem incoluerunt, vicini Moschis, tandem ad sinum Balticum progressi considerunt, ubi est ab eis dicta Borussia. Non desunt qui eos ex Asia huc commigrasse dicant. Notum est in historijs nomen Prusie Regis Bytinie.

RVSSI & ROXOLANI vicini erant Boruscis.

HERMVNDVRI ad montes Boemicos ex quibus Albis oritur. Sed Dubravius scriptor Boemorum lib. 1. conuincit errati Cornelium Tacitum ea in re.

SVDINI in Prussia reponuntur. Ferunt autem eam regionem opulentissimam fuisse, sed iam deletam propemodum ad interuentionem à Cruciferis ordinis Theutonici. Iamque maximas fluitas enatas ubi olim degebant.

SCANDIA de hac insula multa à multis inter veteres autores referuntur. Ideo malo de ea aliorum sententias referre, quàm meum iudicium alijs obtrudere. Iosaphus Meletius in Venetorum editione Ptolomæi, in tabula nona Europæ. Hæc inquit, regiones: id est Prussia, Liuania, Lithuania, &c. in tabula Sarmatiæ Europæ ab antiquis (id est historicis & Geographicis) numerabatur (nota). Et videtur hæc narratio firmo niti fundamento. Nam si in mari Sarmatico innatât & ab eo cinguntur, necessario & ipsæ ad Sarmatias pertinent. Glareanus verò in Geographicis: Gothlandia insula, Scania insula, quam hodie Solandiam vocant, at Plinius inquit lib. 4. cap. 14. Scandinauiam vocasse videtur, aut saltem vicinam Daniam. At enim ab incolis nominari alterum mundum. De Dania autem sic idem autor: Daciam Transyluaniam vocant. Est autem longè alia ab ea quam non rectè hodie Daciam vocant cum sit Dania appellanda, vulgò Dan markt ad Cymbriam Chersonesum. Meletius verò: Dania sic dicta à Dano Rege. Gothlandia quasi bona terra, Scholandia, id est, amena terra, Northuegia, id est Septemtrionalis terra, Findlandia, id est pulcherrima terra, Glorandia, id est virens terra, Istlandia, id est glacialis terra. Hæc

DE LIMITIBVS

ra. Hæc habentur in charta Hydrographica. Tile Scandiæ insularum vltima, Septemtrionem eundo, à veteribus Poetis & scriptoribus vocatur. Et Polonico sermone Tile significat vltimum vel eatenus, quia vltima terrarum credebatur.

ROMANI sicuti de regionibus Orientis, ita de istis Septemtrionalibus insulis mirabiles fabulas sparserunt in vulgus. Inter quos Cornelius Tacitus ita propinquas dicit cælo, vt ibi iam possint solis labores exaudiri, & stridores rotarum eius. Formas Deorum istic videri, homines monstrosi aspectus, & lapides gemmasque preciosas. Hoc verò eo consilio faciebant, vt inde gloriolam apud suum vulgus aucuparentur, se nimirum deuicta ac debellata Germania, adeptos tales terras, quæ iam veluti suburbium cæli viderentur, ob talia & tanta miracula.

DE LIMITIBVS VETERIS SARMATIÆ.

Addam hîc descriptionem finium Sarmatiæ, iuxta seriem temporum, incipiens à temporibus Augusti Cæsaris.

10.
Sub aduentum saluatoris.

FLORUS lib. 4. cap. 12. scribit Augustum cum legatis Sarmatarum Getarumque pacem sanxisse, foedusque percussisse iis conditionibus, ne ripam Danubii transcenderent. Ideo ad Lucillum literas scripsit, vt aduersus Sarmatas ripam tantum Istri tueretur. Huic sententiæ suffragatur Ouidius. Nam Lucillum laudans inquit: Hoc duce ripa Istri tuta fuit. Porro occidentalis limes fuit Albis flumen. Nam Strabo & Suetonius apertè dicunt Romanos occupata Germania Albim noluisse transire. Imò Sueuos qui illa loca occupant, Cæsares transfulerunt ex iis regionibus, ne præberent ansam belli cum Sarmatis.

110.

Traiani & Adriani temporibus, pontis in Danubio ad Nicopolim erectio, indicat Romanos Danubio imperium suum in Europa finire voluisse, sicuti Euphrate ab ortu & Nilo à meridie.

163.

Bellum Sarmatarum Aurelii Antonii cum Sarmatis & Squadis ad fines Boemiæ, & stationes legionum Romanarum, autorum scriptis concelebrata, indicant qui fuerint tunc fines eorum pro quibus dimicatum est.

247.

Dion Seueri temporibus historiam suam scribens, dicit Albim flumen oriri ex montib. Vandalicis siue Boemicis qui & Sudeti vocantur. Vandalos autem fuisse populos natione Slauos viginti argumentis probatur à nobis lib. 4. Annalium.

383.

Temporibus Theodosii cum lites non parue motæ fuissent de finibus inter nostras gentes & Germaniæ Duces, exercitus Saxonici & Turyngici collocati erant inter Albim & Viadrum ad tuendos limites & arcendas gentes Sarmaticas.

810.

Caroli Magni temporibus affirmante Blondo, Crantio, Bonifinio, Einhardo

finio, Einhardo ad Albim flumen præsidia contra Sorabienfes collocata fuere. Et hætenus Sorabi & Vandali incolunt illas regiones ad Albim qui noſtra lingua vtuntur.

Otthonis Tertii temporibus Boleslaus Chobri Rex Poloniæ Herculem imitatus, pro gadibus iniecerat tres columnas ad confluentem Albis & Salæ. Adhæc institutio Marchionatus Saxonie indicat metas limitum iſtic tunc fuiſſe. Nam Brandeburgeniſis poſtea prolatis in Septemtrionem Germaniæ finibus inſtitutus fuit.

Henrici Tertii temporibus inceptum fuit à Criuouſto Rege bellum ad fines Boemicos & finitum in campo Canino ad Wratiſlauiam. Cum Boemis enim Poloni tum limites habuerunt ab illa parte, non cum Imperio.

Circa tempora Henrici Septimi diuulſæ Poloniæ vires ob diſſidia Ducum Boeſſaidarum, anſam præbuerunt vicinis Regibus & Principibus attrectandi fines eorum. Vnde conſequutum eſt vt vndique acciſis finibus limites Poloniæ intra octo cruceſ hæſerint, quas ſcriptores noſtri ita conſignant. Prima ad Pakoſc, quæ noſ à Pomerania diuidit. 2. ad Pys à Pruſſia. 3. ad Zebrovv à Lituania. 4. ad Podhaice ab Orientali Ruſſia. 5. ad Chotim à Valachia. 6. ad Scepuſium à vicina ei Vngaria. 7. à Sicovv à Sylleſia. 8. à Zbaſin à Marchia. Hæ cruceſ à nobis in typo Sarmatiarum apertius rubro expreſſæ ſunt.

Hæc ita iam admitti poſſent de vetuſtioribus limitibus, niſi diſſidium illud Ptolomæiſtarum & Corneliſtarum obſtaret. Nam ſequaces Ptolomæi adducunt autoritatem ex eo ſcriptore vbi dicit: Germaniam terminari ab ortu Iſtula tenus. Vnde Glareanus non poſtremus Geographorum deceptus, ante triginta annos ſcribens, Germaniam veterem hîc ſtatuit, ad eaq; abſurda deuenit, vt diceret: Germaniæ inquit non poſtrema pars ſub victorioſiſſimo Principe Sigifmundo Rege Poloniæ degit, Poloniam ipſam intellegens. Hunc ſequutus D. Cromerus adhuc clariuſ eadem abſurda amplificat, affirmans hîc vbi eſt minor maiorq; Polonia ante Conſtantinum Magnum Germanos habitafſe, qui error à me lib. 3. eſt abundè conſutatus.

Nam Cornelius Tacitus homo Italus, cui melius quàm Ptolomæo Alexandrino res Sarmaticæ notæ erant, viciniôr enim iſtis regionibus fuit: hic inquam author ex profeſſo Germaniæ ſtatum deſcribens non auſus eſt dicere Germaniam à Sarmatia Iſtula diuidi: vt Ptolomæus dixit, ſed inquit: Germaniâ diuidunt montes Sarmatici & mutuus metus. Forſan enim tum ab vtraq; gente ita infeſtis animis de limitibus decertabatur, vt neutra pars libera à metu &

1000.

1103.

1300.

Diſſidium inter ſequaces Ptolomæi et Cornelij.

DE LIMITIBVS SARMATIÆ.

metu & formidine semper hostem sibi collo imminere cum ferro & igne putaret. Et aperte addit quod illo ipso tempore Sarmatæ tributum imponebant Gotthinis populis, quo eis liceret in regionib⁹ Sarmaticis quæ ad Boemiã vergunt, vbi est Opaua, montes Tarnouientes, metalla fodicare & conficere. Vocanturque illa loca à Ptolomæo Sydirorichia.

Nec difficile obseruatu vndenam Ptolomæo hic error obrepserit. Nam iuxta dictum: Dato vno inconuenienti cætera inconuenientia sequuntur. Quia in tabula descriptionis Germaniæ Istulam vsque ex montibus Boemicis deducit, ideo in limitibus sancientiendis errorem cõmisit. Et regiones quidẽ à Sarmatis possessas eis non adimit, sed profluenta Istulæ aliunde & aliorum deriuans posteritati materiam erroris grauissimi reliquit. Non desunt enim etiam ex nostris qui populos nostros in suspicionem apud vicinas gentes adducant ac si has terras, non vt patriam tanquam legitimi possessores inhabitarent, sed quod aliunde venientes in alienas possessiones inuolarint. Cum pro fundamento Geographico inconuulsibili semper accipiendum sit illud à me toties repetitum pronunciatum: Quicquid est inter duo maria Sarmatica Euxinum, inquam Balticumq; mare & montes Sarmaticos, id Sarmatiæ nomine cēseri debere. Sic Sarmatia Asiatica cum Europea contigua & confinis semper fuit etiam Glareano attestante flumine Tanai tantum eos distinguente. Nota sunt etiam vetusta nomina urbium in vicina Germania: Lubecum, Rostokium, Starogardum, Zgorelecium seu Brandenburgum, quæ prorsus sonum reddunt linguæ Polonicæ. Sic montium Sarmaticorum parte ab altera: Kofsice, Lifka, Sklane, Tarnaua, Tokai, Igniecz, quæ in memoriam reuocant, qui olim possessores fuerint priscis temporibus illarum regionum. Sedde istis latius in ipso opere Annalium.

Ouidius Ponticum mare Sarmaticum vocat. Mare autem quod Daniã & Vismiriã alluit, Sarmaticus Oceanus à Ptolomæo nominatur. Sarmatæ autem populi erant, quicunq; lingua nostra vtuntur Slavonica, licet Veneti interdum eis admiscebantur.

INDEX

INDEX TABVLÆ SARMATIA RV M SIMVL QVE VRBIVM, MONTIVM, FLVVIORVM, SYLVARVM, SOLI- tudinum, & aliorum nobilium locorum, quorum fitum & distan- tiam, sumpto numero longitudinis & latitudinis, & filo à nu- mero ad numerum instar crucis ad latera tabulæ ducto, & ritè applicato, intersectio indicabit.

A

| | Latitudo | | Longitudo. | |
|------------|----------|---------|------------|---------|
| | gradus. | minuta. | gradus. | minuta. |
| Alla flu. | 51. | 1. | 43. | 4. |
| Angeburg | 55. | 5. | 44. | 1. |
| Allenburg | 55. | 5. | 44. | 4. |
| Allenstein | 54. | 11. | 58. | 8. |

B

BALICE 50. 10. 41. 16. quarto lapide à Cracouia, seu vno
milliari Polonico. Villa in qua superbo sumptu aula extructa è
longinquo cernitur. Opus inter miracula reponendum. Est que
locus natalis Bonerorum gentis spectatæ nobilitatis, & optimè
meritæ de Repub. Polonorum. Insigne gentis, est liliorum flos vul-
gò Hiberida dictum. Sunt enim velut idæar mes (permitte me sic lo-
qui) regno Galliarû. Nunc est possessor pagi Magnus D. Nico-
laus Firley Castel. Biēcensis paternarum & maternarum virtutum
ipsissima imago.

| | | | | |
|----------|-----|-----|-----|----|
| Betigola | 56. | 10. | 47. | 6. |
| Bersari | 56. | 8. | 44. | 4. |
| Balde | 55. | | 40. | 4. |
| Butau | 55. | 2. | 43. | 3. |

Brunsberg 55. 6. 43. 3. quæ & Varmia dicitur, sita est ad flu. Passaria.
Brodnica 54. 43. hæc Germanicè Strasborg dicitur.
Bidgostia 54. 2. 53. 10. Ad cōfluentem flumen Brda cum Istula.
A Wladislaui sex milliariibus distat.

BRZEG 51. 12. 39. 10. Vrbs ducalis & colonia Polonorum:
sed & ii qui nunc supersunt Principes, de stirpe Piaſtonum Polo-
nicorum Regum descendere dicuntur.

B

Brda flu.

DESCRIPTION

| | | | | |
|------------|-----|----|-----|----|
| Brda flu. | 54. | 2. | 41. | 5. |
| Bresburg | 54. | 5. | 41. | 5. |
| Brandeburg | 55. | 8. | 53. | 6. |
| Bolo flu. | 54. | 2. | 41. | |
| Bratim | 54. | 4. | 43. | 3. |
| Berezina | 55. | | 51. | 1. |

Borissouo 56. 55. ad flumen Borystenem oppidum est. Existimant autem quidam ab hoc oppido flumen etiam Borystenem nuncupari. Oppidum autem cōditum fuit à Borisso quodam duce Russorum. Nec rarò contingit flumina ab oppidorum nominibus dici: vt Odra flu. ab oppidi denominatione dictum esse tradunt. Ad hoc oppidum vsque Borissouo Moschus fines suos extendi affirmat, contra Lituania Olgerum ducem fines magni ducatus protelasse vsque ad Mozaisko constanter asseuerat.

BZVRA flu. 53. 6. 42. 8. infra Louicium, vbi sunt nobiles biosontum venationes, locus ille & sylua vocatur Viskitki.

Brzeziny 53. 42. Oppidum amplissimum egregiis artificibus refertum. Et est domicilium spectatæ nobilitatis Lassociorum.

BVG flu. 53. 6. 43. 8. Commentatores Cornelii Taciti populos veteres Cistobocas ab hoc flumine Bug dictos esse tradunt, eò quòd isthic sedes patrias habuisse feruntur. Et vox cognominis Cistobocorum non dissonat à denominatione Bug.

Brzescie 53. 8. 47. 7. Ciuitas populosa ad confluentem Bug & Muchauiec in ipso triangulo, triquetram figuram efficiens.

BVCZAC 49. 10. 48. 6. vetustæ & claræ gentis colonia Buczaciurum. In ditione horum ferunt inueniri venas auri, quæ veluti ramenta scintillant in aqua riui ex rupe altius scaturientis. Hæc postea ab agrestibus excipiebantur percolabanturque, ac ita massa conficiendo auro apta reddebatur, sed multa ignauia quadam negliguntur. Laudatur etiam ab equis generosis quos magna vbertate greges numerosi quotannis produciunt ipsis: vnde in Proverbium abiit: equus Buczaciurum gregis.

| | | | | |
|---------------|-----|----|-----|-----|
| Bielsko | 53. | 6. | 47. | 8. |
| Barycz | 52. | 8. | 39. | 10. |
| Boleslavviecz | 52. | 2. | 40. | 12. |
| Bretnicza | 52. | 9. | 40. | 2. |

Bochothnica 52. 9. 40. 12. domicilium claræ gentis Samboreciurum.

Bochothnica 52. 9. 40. 12. est arx murata. Hæc potest vocari antiquitas. Nam muri eius vetustate conuassati ruinam minantur: propediem collapsura videtur.

Borouiec

P O L O. L I T H V A. R V S. P R V S.

| | | | | |
|----------|-----|-----|-----|-----|
| Borouiec | 52. | 6. | 45. | 11. |
| Bielany | 52. | 7. | 44. | 7. |
| Bodzecin | 51. | | 44. | 8. |
| Belzyce | 51. | 12. | 46. | 2. |
| Bychaua | 51. | 10. | 48. | 3. |
| Boboua | 50. | 6. | 44. | 1. |

Biecz 50. 6. 44. 1. Meminit Ptolomæus & alii vetustiores prouinciæ Sarmaticæ quæ dicebatur Bicen. Sita fuit ad Euxinum pontum: sed credibile est colonias inde ad eum locum translatas fuisse. Hanc præterfluit flumen dictum Ropa ex cuius spuma sulfur conficitur.

Beskidim 49. 44. Beskit vel Bieschadi ab incolis vocatur. Mons est nobilis vltra Humiennio ex quo flumen Tiras oritur. Mineruntq; veteres eò loci Bessorum populorum.

Braclavv 50. 10. 52. 8. Arx in qua semper præsidium firmissimum expeditum asseruatur. Vocatur vrbs illa Sancti Petri, eò quòd imagine diui Petri Apostoli pro insignibus vtitur.

Balaklei 50. 2. 52. Arcis vestigia in loco percómo. Czapczaklei verò est fluminis nomen.

BOCHNA 50. 11. 43. 5. Salisfodinæ præstantissimæ quarum sal ideo sal Russico præfertur & marino quod plus terrestre itatis in se habet, ac propterea magis solidum & magis salsum est. Multi autem ex viris literatis & etiam illustribus admiratione ducti, demittebant se in illum abyssum salisfodinarum. Et reuera est res stuporis plena videre illas profunditates & veluti centrum terræ. Inuentum falem eò locorum, acceptum referunt Kunegundi Boleslai Pudici Regis coniugi foeminæ sanctæ. Anno salutis 1251. Et quia Vngara fuit, vulgò creditum est, & passim iactatum reginam illam sal illud minerale ex Vngaria in Poloniam transtulisse, secumque aduexisse.

BIALOGROD 48. 10. 52. 8. Theodosia dicta veteribus. Hanc ad ostia Borystenis Iouius ponit, sed erroneam eius opinionem D. Cromerus confutat. Præterit verò Bialogrodum via trita & celebris quæ ducit Oczakouiam. Hac Turcici & Scythici negotiatores potissimum commeant quos illi lingua sua Carabanos vocant. Quando igitur nostri aliqua mancipia intercipere conantur, vt ex eis discant quid nam hostis machinetur modò, quidue in Turcia Scythiaue geratur, tunc ad eam vsq; viam genus quoddam militum leuissimæ armaturæ velitationibus aptum, quos Kozakios vocant, progreditur, ac ita ex prætereuntibus rapiunt quos possunt, & ad præfectos suos citato & festinanti cursu reducunt, sæpi-

DESCRIPTIO

us tamen retro ceruice inflexa prospectantes ne quis eorum vestigia signet, & vrgēdo capiti eorum inuehat. Nam non rarò alea secus cadit quàm optassent, & sæpe ex captiuante fit captiuus. Et interrogati cur ita temerè dubio Marti se exponant, respondere solent: Benè est, si inquit, nihil inde vtilitatis percepero, nisi quod iuuenilem aetate meam eo pacto consolabor contentaueroq; satis est, iuuat. At contentatio illa qualis futura sit, si interim ad manus Scythicas deuenieris, nemo est qui ignorat. Fuit quondam Bialogrodum emporium celebre & obuium nostris hominibus. Nam temporib. Cazimiri Cyprum vsq; demeabant naues onerarias tritico Podolico plenas. Nunc tantum scandulæ prono flumine ad barbaros demere Bialogrodum solent, idq; non sine graui discrimine vitæ.

Balneum Vitoudi 50. 55. 6. Nunc fons tantum amarus vbi miles statua habere & corpus reficere solet. Adest & Oartorium ibi gentile dirutum.

Pons Vitoudi 50. 55. non procul à Balneo.

| | | | | | |
|----------|-----|-----|-----|----|------------------|
| Brzostek | 50. | 6. | 44. | 4. | |
| Brzozovv | 50. | 3. | 45. | 2. | |
| Belz | 50. | 3. | 45. | 2. | Præfectura |
| Busko | 50. | 11. | 47. | 6. | Præfectura Regia |
| Bukacz | 49. | 7. | 44. | 2. | |
| Bebek | 40. | 11. | 47. | 3. | |
| Baden | 45. | 3. | 44. | 1. | |
| Berstani | 45. | 3. | 47. | 8. | |

Bardenland. 51. 43. Crux picta confinium significat, lapideam esse audio crucem, & eminet ex aqua.

Brozylovv 52. 54. ad Borystenē inter Coroszczycovv & Kiovv.

BAR 50. 50. Arx munitissima ob memoriam Parii patriæ dulcis à Regina Poloniae Sforzia Bona, in ipso aditu Scythiæ excitata. Semper ibi præsidium forte imponitur, & præfectus datur vir exploratæ virtutis. Nunc præfecturam illam administrat summa cum laude Nicolaus Bucacius.

Basylea Russiæ 50. 40. à Basyllo Duce Ostroueciorum fundata. Floruit is nostra ætate. Fuitq; filius illius Constantini bellatoris.

Bacota 50. 6. 50. 6.

BvH flu. 50. 52. Axiacum veteres dixere, quidam Hyppanim esse volunt, innixi vt aiunt, Herodoti sententiæ, sed refragante Ptolomæo qui Hyppanim collocat cis Borystenem Tauricam & Meotiden versus. Oritur paulò supra Miedziboz & paulò infra collem dictum Zbornamogila. Alluit Chmielnik Vinnicam Brac lavv, &

P.O.L.O. L.I.T.H.V.A. R.V.S. P.R.V.S.

lavv, & postea incitatus cursu per campos Vrociska decurrit: Kuczman pontem Vitoudi, tandem ditatus per vastam camporum solitudinem ad Euxinum Pōtum amplo gurgite deuoluitur. Et rectè reprehenditur à Magnifico viro Ioanne Sienienio Castellanò Leopoliensi error quorundam nostræ ætatis Chorographorum, qui Bohum hunc incidere in Borystenem finxerunt. Cum quatuor milliaribus ab hostio Borystenis in Limenium sinum Euxini sese abscondat. Quod autem flumina ista Buh, & Bozek veteres vocarunt, forsàn quia pro diis amnes prisci homines coluerunt quum gentes essent.

Bialacerkievv 51. 53. ad flumen Ros, à Kiouia 15. milliaribus, vel paulò vterius. Sæpe huc Scythæ visuntur, vt canes spectantes in culinam. Russica milliaria sunt lógè maiora quàm Polonica. Ideo non mirere si quantitas circino hic non respondet vbique.

Brod Bazarabski, vide Ostrokol.

Bozek flu. 50. 6. 49. 6. Inter confluentem Buch & Bozek veluti Mesopotamia sedet Miedzyboz, vt etymon ipsum vrbs indicat.

C

Latitudo. Longitudo.

CRACOVIA 50. 10. 42. 9. olim Carodunum iuxta Ptolomæum dicta. Regia est Poloniae ad confluentem Istulæ & Rudauę. Et verè Regia. Nam siue loci spectes situm, siue hominum frequentiam diuersarum gentium, siue omnium rerum affluentiam, siue ædificiorum magnificentiam, tanta reperiuntur omnia, vt meritò naturam totam vim suam in eum locum effudisse putes. Ibi est sedes Episcopalis, ibi Academia celeberrima, argentifodinæ, salifodinæ, plumbaria, territoria fertilissima, arces in vicinia muratæ frequentes patent. Superius Zatorium lacubus & copia piscium affluens, inferius Nepolomicium abundans pingui ferina, ex montibus etiam Sarmaticis qui vrbi impendere videntur, varia genera auium afferūt aucupes. Demeationes quoq; nauium mercenariarum sursum deorsumque cum sale, ære, plumbo, frumento, vino, cera, vsq; ad mare vsitatae sunt Cracouiensibus. Adhærent etiam vrbi alia oppida: Clepardia à Septemtrione, Cazimiria ab Orientali plaga. Ac vt breuius dicam, nullam iam urbem pergendo Septemtrionem & Orientem Borealem reperies tam augustam quæ eius splendori & magnificentiae conferri queat. Huius figuram alii testudini musicali, alii aquilæ expansarum alarum, quod est insigne Regni comparant, ad eum nempe modum: vt arx caput alitis referat, suburbia autem vtrinque adhærentia alis expansis & caudæ discuneatæ, conferantur.

DESCRIPTION

CZARNKOVV 53. II. 39. II. antiquissimum & spectabile domicilium & sedes quōdam ducalis gētis Czarnkouiū. Hi primi inter heroes Polonorum erant, qui Christo nomina sua dederunt. Cuius rei insigne vittam baptismalem hactenus gerunt. De qua re complura leguntur in hīstria nostra. Vide & infra titulo Ostrorog.

| | | | | |
|------------|-----|----|-----|----|
| Camenum | I. | | 55. | 2. |
| Cofzelin | 39. | 4. | 55. | 2. |
| Cinteri | 53. | 6. | 43. | 6. |
| Creuesb | 55. | 7. | 43. | 9. |
| Curischafe | 55. | | 45. | |

Cornand 54. 5. 43. Locus nobilitatus pugna celebri quadam, in qua ita obstinatē à Polonis pugnatum est contra Cruciferos, ut fessis ter spaciū respirandi daretur, quod frīd Germanicē vocatur, & ter ad manus redirent, donec hostis armis oppressus victum se fateretur. Nostri bellum illud Coronouiense vocant. Vide D. Cromerum lib. 17.

| | | | | |
|------------|-----|----|-----|----|
| Culsmar | 54. | 4. | 42. | 5. |
| Ciechanovv | 54. | 2. | 44. | 5. |
| Cultri | 54. | 7. | 49. | 7. |
| Croue | 55. | 8. | 50. | |
| Crosne | 50. | | 44. | |

CAMIENIEC 49. 6. 49 4. arx munitissima Valachiam versus, quæ ob id quod natura loci mirabiliter sit munita rupibus præaltis & flumine Smetricz, solius Dei manu ædificata esse ab incolis prædicatur. De hac tamen ita scriptum est:

*Quamvis altis cincta est Camenecia muris,
Si tamen inspicias huic multa deesse videbis.*

CZIZOVV 51. I. 44. 10. arx murata, elegans spectatæ profapiæ Czizouiū.

| | | | | |
|----------|-----|----|-----|----|
| Chodecz | 55. | | 40. | 7. |
| Camienko | 52. | 4. | 41. | 2. |

Cameniec alia arx murata firma & pulchra medio milliari à Crosno.

CZESTOCHOVIA 53. 8. 41. 8. locus celebris frequenti hominū concursu religionis ergō. Simile aliquid Compōstelæ Italicæ.

| | | | | |
|---------|-----|----|-----|----|
| Crasnik | 51. | 6. | 45. | 2. |
| Checiny | 51. | 9. | 43. | 6. |

Præfectura nobilis & arx murata in arduo colle. Ibidem ærisfodinæ vetustate neglectæ, lapis tamen Aesurides vel color conficitur.

Curovv

Curovv 55. 5. 45. 2.
 Czesin 50. 7. 41. 6.
 Caczebei 48. 55. arx vetustate destructa, ad littus Ouidii
 lacus. Eratq; Polonorum emporium celebre, vbi sal deponabatur
 marinum. Veteres meminere huius portus ad Euxinum. Plinius
 vocat Cathizos pomiliones. Vetustas enim credidit homuncio-
 nes breui statura eo loci belligerare cum gruibus, eaque scriptis
 mandarunt.

Chelma 54. 8. 42. 8. In Prussia est ciuitas, cre-
 ditur esse omnium antiquissima. Vnde ius Chelmense seu Culmen-
 se. Laudatur dimensio vrbis illius quod plateas fere ad perpendi-
 culum gnomonis rectissimas habeat, & turres ita concinne dispo-
 sitas vt turris turri, porta portae fere diametraliter opponatur, vt e
 regione vir virum ex fenestra vnus in fenestra alterius prospicere
 queat.

Cassouia 49. II. 46. 6. vrbs Vngariae munitissima
 & paries fortissimus quo sustinetur impetus & inundatio Turco-
 rum. Sed apparet fuisse coloniam Slauorum. Quia sita est inter
 montes qui ad Sarmatiam pertinebant & Sarmatici vocantur. De-
 nique & nomen Cassouiae Slauonicae linguae olet sonum.

CALISZ 52. 8. 41. 3. Ptolomaus expresse
 meminit eodem in loco Calis. Est ergo haec vrbs numeranda inter
 antiquissima municipia Sarmatarum. Nam Ptolomaus vixit fere
 centum annis ab aduentu Christi domini post tempora Traiani
 Imperatoris.

Comarno 49. II. 46. 6.
 Cozibele 49. 5. 47. 7.
 Czeruone 40. 5. 46. 6.
 Cleuan 51. 10. 48. 5.
 Chmielnik 51. 2. 50. 6. Propugnaculum contra
 Scythas Bohum versus. Administrat nunc praefectura illam summa
 cum laude Iacobus Strus, robore animi & corporis cunctis iamdu-
 dum conspicuus, patrisque & auorum memoria celebris.

Czartorysko 51. 9. 48. 5. ad ostia Styr fluminis.
 Czarnobilum 52. 53. significat nomen czarno
 & bielo, id est, album nigrum, albæ & nigrae Russiae confinium in-
 dicans. Sita est propemodum ad Przypiecz Kiiouiam versus.

Crasylou 50. 50. ad fontem fluminis Horin.
 Constantinov 50. 50. sunt ciuitates Ducis Ostrouecii:
 Constantinov, basylea, Crasylou, Kuczmin in finibus Volhiniae,
 qua itur Miedzibozum versus quasi in vno tractu.

Czernyostrov

DESCRIPTION

Czernyostrovv 50. 50.

Cataractæ 51. 55. quindecim miliaribus à Caniovv, vide titulo Prohi & Borysthenes.

CAROVVGAI 50. 49. Est nobile nemus & puto illud esse quod Ptolomæus vocat nemus Dianæ. Non procul à Sieniaua, non remotè hinc oritur flumen Ikavva.

Cerkievv 50. 46. millaria septem à Leopoli.

Comiencza flu. 49. 56. Flumen ex aduersa ripa Tehinia, in Tiram illabitur.

Czernichovv 49. 12. 48. non procul à Tarnopole ditionis Ducis Ostrouiensis.

Czechovvce 49. 12. 48. 12. non procul à fontibus fluminis Zbrocz. Fateor autem nonnihil angustiora hinc spacia esse, quàm vt illam amplitudinem camporum in latum capere queant.

COLOMIA 48. 2. 48. 1. Colomiam dictam esse putant quasi coloniã, quòd credant olim Romanorum colonias eò deductas fuisse. De qua re consule historiam nostram libro 3. Nisi fortè à Colomano Rege Haliciensium nuncupata sit. Conficitur ibi sal, cuius nidor ouorum odorem plus satis frixorum & adustorum suauiter redolet. Quod die Veneris ieiunantibus, disputationis occasionem de ciborum delectu præbere solet; dum vesperi ad lumen hilarius conuiuari solent.

Cudnikovv 51. 4. 45. 12.

Crupa 51. 9. 50. 6. ibidem flumen Crupa synonimum illi quod in Slauonia est, à quo Lechus in Poloniam venisse vnà cum fratre Czecho dicitur. Et forsitan incolæ loci in Slauoniam penetrantes ex Russia, patriæ dulcis memoria ducti, anni nomen in patria Lechi imposuerunt.

Czerkasy 51. 4. 54. 12. Czirkasy tradunt reliquias esse veterum Cymbrorum, quos Homerus Cymerios vocat. Nomen certè affine est. Religio apud eos magna ex parte Machometana. Mulieres ferè ac viri belli munia apud eos obeunt. Distat à Kiouia iuxta Guagninum 27. miliaribus, iuxta verò regios lustratores 15. tantum.

Cudniiovv 51. 12. 53. 1. ad leuam eundo Kiouia: à Leopoli 17. miliaribus.

CHORCYCA 50. 54. Insula est in aluco Borystenis, clara Visniouecii herois œconomia militari. Ibi enim sedem & firmamentum sui roboris stabiliuerat. Sita est à Kiouia 44. miliaribus, paulò infra ostia fluminis Tisminca.

Czerniechovv

POLO. LITHVA. RVS. PRVS.

Czerniechovv 51. 55. flumen cis Borystenem Disna è regione Kiouie ad quod sita est arx Moschorum firmata præsidio: 30 miliaribus a Kiouia vt Guagninus refert, lustratores 24. ponunt.

CHOTIM 49. 8. 49. 8. Arx fortissima in ipso aditu Valachiae, æmula Camenecii, quæ est ditionis Polonorum. Ideo Petrum Valachiae Palatinum ferunt solitum dictitasse, Aut tu Camenec Chotimum nostrum, aut Chotimum Cameneciam deglutiet.

Czapczaklei 50. 2. 52. Flumen est, notius habetur propter viua vestigia munitissimæ arcis Balaklei, quæ si iusto præsidio muniretur, firmissimum propugnaculum ad impediendos Præcopiensium transitus per Hyppanim esset. Et præsertim si vicissim ad flumen Russaua in loco illo excitandæ arcis peridoneo & à multis celebrato propugnaculum nouum inædificaretur. Hæ inquam duæ arces non plus quàm 20. miliaribus à se distantes, alia ad Tiram ex opposito Thehinia, alia, ostia versus Hyppanis si benè munirentur, totum tractum illum triangularem ab Oczakouia tanquam duo parastatæ, id est columnæ ex æquo à se distantes, mirificæ tutum redderent, vt consilium lustratorum adscriptum prudentissimè suadet. De qua re vide titulo Russaua, Balakli & Grodzisko. Distat Czapczaklei ab Oczakouia octo miliarib. aut nouem vt lustratores idem annotarunt.

Czarnylas 49. 12. 50. Aliàs sylua Pieczymegi vocatur. Est etiam Czarnylas pagus Kochanouii Poëtæ eximii in Sedomiriensi prouincia.

Chorbop 51. 3. 48. 5. Ad fontem fluminis Wstecz nõ procul à Lucko.

D

DABROVICA 51. 12. 45. 3. Domicilium natale Illustrum & Magnificorum Firlegiorum, Baronum à Dabrouica. Ex ea gente complures Palatini, Præfecti copiarum, Campiductores, Castellani & prouinciarum dignitarii prodierunt, quorum fama vbiq; etiamnum coruscat. Arma gentis sunt Leopardus. Animal hoc ferunt esse robustissimum, vincit hunc tamen viribus Leo, sed rursus ingenio à Leopardo vincitur. Nam vt eum in discrimen adducat, ferunt cuniculum subterraneum parare solitum, quem quoniam in vestibulo diductiorem latioremq; in exitu verò angustiorum præparare solet: ideo cum à Leone inuaditur ipsemet vt qui minor, celeri cursu rapaces ungues Leonis elapsus euadit. Leo verò ira exagitatus cauernam, latius ostium habentem faciliè ingreditur, postea verò in exitu strictiore, eluctando hæret, & captius

C

retinetur.

DESCRIPTION

retinetur. Hanc ferunt esse naturam Leopardi. Hoc eodem stratagemate eius gentis homines, hostes patriæ debellare solebant, hoc est, viribus & ingenio. Nam ferè omnes literati sunt, ideo etiam literatis hominibus fauent, & sunt patroni Musarum munificentissimi.

DZIALIN 53. 43. Domicilium & colonia Magnificorum & spectatæ nobilitatis Dzialiniorum, quorum aliquot mea ætate in senatu Regio cum laude tuebantur suum locum.

Druzek 55. 7. 44. 8.

Drezen 53. 8. 46. 10.

Dubrauica 52. 6. 50. 6.

Disla 58. 7. 10.

Drifmet 56. 11. 51. 1. Grodecus in sua tabula, in Disna & Drifna lapsus est, & fluminis Dunæ situm ignorauit. Quare eo modo, ut hîc vides, error hic est corrigendus.

Drusno 55. 1. 42. 1. Lacus nobilis ad Elblingam.

Dubkacz 55. 5. 44.

Dranborg 54. 3. 39. 7.

Drzvviaca flu. 54. 5. 42.

Dzialdovv 54. 4. 43. 8. Significat nostra lingua Dzialdovv diuiforem. Nam Pruteni limitem hîc esse volunt suum qui à Masouiiis eos separet.

DABROVVNO 54. 4 43. 8. locus pernobilis pugna illa, quando Poloni de summa rerum duce Mascouio Vimbramo, cuius sol-insigne fuit cum cruce, signatus Marte iudice ferro decernebant, ante annos 150. Et tum de Cruciferis octoginta millia profligata sunt. Locus pugnae ad eam usque diem ab accolis monstratur. Vocatur hæc ab aliis pugna bellum Grinualdense. Sed pagus iam ille vastatus iacet. In prælio hoc aderat Rex ipse Iagello Vladislaus, aderat & Vitoudus frater Regis. Ex cruce signatis occubuit ipse Magister ordinis in conflictu cum toto suo robore militiæ & multis commendatoribus. Duces Germaniæ aliquot capti & ad Regem perducti culpam deprecantes veniam impetrarunt. Signa cohortum cruciferarum descripta habes sigillatim apud Dlugosum historicum.

Dzvovich 52. 12. 51. 6.

Dlugossouice 51. 1. 42. 2.

Dunaiec flu. 55. 43. Hunc amnem alii Danastrum, alii Visclam vocant cum Procopio. Nam ex iis locis demanat, id est Scepusio, ubi Gepidæ veteres Gothica natio sedes suas habere præcipuas, teste eodem Procopio.

Ducia

POLO. LITHVA. RVS. PRVS.

Ducla 50. 3. 43. 5. Ptolomæus eo quoque loci
ponit Ducleotas populos, voce neutiquam dissona.

Debica 50. 2. 44. 6.

Dinovv 50. 5. 43. 2.

Dubiecko 50. 6. 43. 2. Colonia vetustæ gentis spe-
ctatâ nobilitatis STADNICIORVM dominorum ab Osmigrod.
Horum insigne est amnis Sreniaua. Nam ad hoc flumen ab eorum
protauo fusi fugatique erant hostes patriæ. Ideo rectè à quodam e-
rudito hæc victoria celebrata fuit hoc distycho.

*Strenuus immanes princeps qui vicerat hostes,
Præsens ad flumen talia signa tulit.*

Debno 50. 43. Magnificus Franciscus Veselinus Came-
rarius Regius illa ditione potitur. Vir heroicis virtutibus conspi-
cuus & omnibus bonis merito charus. Est aliud Debno in prouin-
cia Sedomiriensi Sienieniorum colonia vetus. Est & tertium noui-
ter locatum oppidum à Magnifico Castelano Leopoliensi ad Szi-
dlovv.

DVBINKI 58. 4. 50. 5. Domicilium natale
Illustrium Ducum Radiuilonum, quorum pater principem locum
tenuit inter Senatores magni Ducatus Lituaniæ. Huius duo filii
ambo Palatini. Nam & Christoferus Castellanus Trocensis succes-
sit nunc audio in locum patris, effectusq; est Palatinus Vilnensis.
Huius virtus enituit ante biennium in expeditione Pleseouiana
contra Moschouia ducem: vir est acer in armis.

Dobrouoda 50. 9. 40. 6.

Drohobicz 59. 8. 47. 8.

Dolina 49. 4. 47. 8. Affine est vocabulum cogno-
mini Podolia. Nam tractus hic ad illam vallem est situs à qua de-
nominatur Podolia. Vites hîc possent plantari, & vinû proferrent
quale Cassouia profert. Est enim cum illa ex æquo meridionalis.

Dabliacz 45. 7. 45. 2.

Dobrzin 51. 7. 45. 2.

Durisko 51. 7. 48.

Drohobusz 51. 8. 36. 6.

Dunaiovv 50. 4. 48. 3.

Dvviekliczuiecz 49. 10. 49. 10.

Daschovv 49. 6. 34.

Dromus Achillis 54. Hîc se heros clarissimus exercere solebat.

Dunaiovv 49. 11. 47. 6. ad confluentem Kro-
piecz & fluminis Lipal

Dzvvan flu. 49. 51. in Tiram incidit. Est castellum de-
fertum Dzvvan, Ducis Ostrouiensis habitaculum.

DESCRIPTIO

Dubrouica 52. 51. Supra confluentem Slucza & Mochor
fluminum.
Disna flu. 50. 54. flumen cis Borystenem è regione Chor-
cycæ insulæ.
Dauidovv 52. 50. in ipso conflente fluminum Przy-
piecz & Slucza oppidum.
Disna flu. è regione Kiouia 51. 55. ad quod duæ arces Moscho-
rum: Czernieiovv & Patiuol, tantummodo 24. milliaribus à Ki-
iovv distant.

E

ELBLINGA 52. 4. 42. 5. Vrbs nobilissima in
Prussia, cõmendatur quod sit munita natura loci & altitudine mu-
rorum: sed magis à fide & obsequiis, voluntate denique propensa
erga Reges Poloniae, etiam in aduersis casibus. Ideo eis vt sigillum
asseruent Reipub. Pruthenicæ concreditum est, à Gedano sex mil-
liaribus in altera Istulæ aciali ripa.

ELCBERG 55. 10. 44. 10. Sedes est Episco-
palis cui nunc præest Martinus Cromerus scriptor historiae Polo-
nicæ, diligentia, eloquentia, & elegantia latini sermonis, cuius no-
stræ ætatis scriptori comparandus, & etiam multis præferendus, Se-
natorque regni dignissimus.

F

FVLSTINVM 59. 45. Cognomen est Germanicum. Multa
autem nomina Germanica non solum vrbium, sed etiam præci-
puorum nobilium in illa submontana regione reperiuntur. Cuius
rei causam alio in loco explicauimus. Est autem Fulstinum domi-
cilium natale antiquæ stirpis Herbortonum, ex quibus nostra æta-
te tres in Senatu regni residebant. Arma gentis sunt tres gladii po-
mo cuspidibus infixi.

Fridland 55. 5. 43.
Falkenburg 54. 7. 46. Ex media Germania huc no-
mina translata veteribus abolitis.
Filek 48. 48. Arx Turcicæ ditionis: credo tantum sex
aut nouem milliaribus à Scepusio finibus Polonicis distat: Tua res
agitur, paries cum proximus ardet.

G

GEDANVM 55. 4. 1. 41. 9. Vrbs nominatissi-
ma & ornamentum non postremum regnorum Europæ ad ostia I-
stulæ, quæ triginta haustis fluminibus miscetur Baltico freto sua
amplitude

POLO. LITHVA. RVS. PRVS.

amplitudine speciem maris efficiens. Per hanc quicquid habet Polonia, Lituania, Masouia tãquam in æsophagum, Gedanum intrat, & in transmarinas regiones auehitur. Et rursus, quicquid affertur ex Germania, Anglia, Gallia, Hispania, Dania, Suecia, per vniuersam Sarmatiam digitis Gedanensium ciuium dispensatur. Laudatur in ea quod benè munita sit, populosa, diues, commemorantur horologia affabre facta: sed me in eius admirationem magis rapit gubernatio eorum Reipub. qua prudentissimus Senatus tanquam habenis vniuersam multitudinem regit & in officio retinet. Nec video urbem in regionibus istis cuius gubernatio sit similior Venetorum Reipub. De nomine Gedani & eius etymo probatur doctioribus sententia Celtis quam hoc distycho expressit.

Sed quondam Gedanum Gotthorum nomine dictum;

Hincque sinus Codanus nomina clarus habet.

| | | | | |
|---|-----|-----|-----|-----|
| Golberga | 55. | 1. | 38. | 8. |
| Guthstat | 55. | 3. | 43. | 6. |
| Germa | | | | |
| Grande Filz | 45. | 9. | 43. | 4. |
| Gvuda fluuius | | 54. | | 39. |
| Grandcz | 54. | 6. | 42. | 4. |
| Locus celebris ob quandam victoriam Polonorum. Grudziac à nostris vocatur. | | | | |
| Gesten | 54. | 10. | 42. | 5. |
| Goniadz | 54. | 7. | 46. | 11. |
| Venationes istic Regum præstantissimæ. | | | | |
| GOSTOMIA | 52. | | 42. | |
| Amplissima & viris fortibus referta domus & locuples. Refert autem non obscure suo cognomine veterum Gotthorum appellationem & sonum, qui nequaquam remotè olim abhinc habitabant. Sed de origine Gotthorum accuratam inuestigationem habes lib. 3. Annalium nostrorum. | | | | |
| Grimki | 54. | 5. | 46. | 4. |
| Grodno | 54. | 6. | 58. | 9. |
| Grodzisko | 54. | 4. | 40. | 9. |
| Gebica | 53. | 7. | 41. | 9. |
| Gliuice | 51. | 4. | 45. | 8. |
| Grodek | 50. | 2. | 46. | 10. |

GORAI 51. 4. 45. 8. Memorabilis facti Demetrii de Goray fit mentio in historia Iagellonis, à domino Cromero & aliis circa despõsationē Eduigis Reginae nupte Iagelloni.

Grabovv 51. 5. 46. 10.
Gologuri 50. 2. 47. 4. oppidum inter montes, sicut & sitũ, nominis etymon indicat. Puto autem hos montes qui

C 3 à Leopoli

DESCRIPTIO

à Leopoli Volhiniam vsque protenduntur, Peucinos vocari à Pto-
lomæo.

Gliniani 50. 3. 47. 1. quinque milliaribus à Leopoli.
Gnieuum 54. 6. 42. 6. Præfectura est Cemorum. Est
autem Cemorum familia, genere & rebus gestis admodum clara &
spectabilis. Mea ætate quatuor ex ea gente in senatu Regio Palati-
ni erant: Achacius Palatinus Pomeraniæ, Fabianus alter Palatinus
Margenburgenfis. Tertius N. Quartus N. Senioremem Cemam ita a-
mauit Albertus Marchio Brandeburgenfis Dux Prussiæ, vt cum
renunciaret professioni Crucifericæ, exueretque vestem ritua-
lem qua ipse Magister utebatur, ipsi soli tanquam amico confœderato
eam tradiderit, quam hætenus successores minimofini loco asser-
uant.

Grodek aliud 49. 7. 48. 3. Ad flumen Hnieziola
& Tiram domicilium Herbort de Dziedzilov viri clarissimi Suc-
camerarii Kamenecensis.

Grodek tertium 50. 49. In summitate fluminis Smetricz,
& vnum ex istis vocatur Slony Grodek.

GORKA 52. 6. 40. 6. Illustrium Comitum à
Gorka domicilium, quorum insigne est navis argonautica. Ex ea
gente prodierunt complures Palatini, Campiductores, Episcopi,
Castellani, Oratores ad exterarum nationes. Viri toga pariter & ar-
mis illustres. Horum nomen in Germania & in aliis exteris natio-
nibus ita clarum est, vt putes istuc natos esse. Linea vt vocant, isto-
rum quantum ego scire possum ex Senatoribus, hoc ordine potest
recenseri. Lucas primus de Gorka Palatinus Posnaniensis 1340.
Lucas secundus de Gorka Palatinus Posnaniensis 1466. Vriel E-
piscopus Posnaniensis & Cancellarius regni 1479. Lucas de Gor-
ka & idem postea Episcopus Cuiauiensis, quem ego probè noue-
ram. Nam fui tum alumnus & condiscipulus nepotum huius, filio-
rum Andrea. Vsque sumus præceptore Ioanne Cosmio viro eru-
dito, qui postea Theologus & à concionibus fuit apud Sigismun-
dum Augustum Regem Poloniæ 1542. Tandem Andreas de
Gorka Castellanus & Capitaneus Posnaniensis generalis. Huius
tres filii: Lucas de Gorka Palatinus Posnaniensis. Frater denique
eius Andreas Castellanus Miediricensis, qui nunc fati concessit.
Et Stanislaus Palatinus Posnaniensis vir absq; omni exceptione,
omnium ordinum, omniumq; statuum iudicio incomparabilis,
amator Reipub. ardentissimus, & delictum Polonorum.

GNESNA 53. 7. 41. 5. Prima & antiquissima
sedes & Regia Poloniæ, olim Lemisaletum dicta vt placet docti-
oribus.

oribus. Meo æuo ad eos honores euectus fuit Iacobus Vchanius, cui successit STANISLAVS CARNOVIVS. Præful diuini pariter & humani iuris peritissimus. Idem locus nobilitatus est sepulchro diui Alberti, & aduentu Otthonis tertii Imperatoris Romanorum. Et quod maximum est: eò loci primò honores Regii cum diademate delati sunt Boleslao Chobri sacratę memorię Regi Poloniae, & coronatio istic prima consummata fuit. Quapropter hoc nomine vicissim honos summus habitus fuit eidem Imperatori.

Glusininum 53. 42. Tempore Regis Locticonis eo loci bellum acerrimum gestum fuit cum Cruciferis, ductaque fuit istic fossa septem milliarium, cuius adminiculo aliquot millia Polonorum strenuè sese aduersus Cruciferos, Iulii Cæsaris aduersus Pompeium exemplo durante Pharsalico bello, defenderunt. Hoc ergo opus meritò inter antiquitates referri potest.

H

HALICZ 49. 5. 47. 6. Halicios Galatas alii esse volunt, ad quos beatus Apostolus scripsit, sed hoc non videtur verisimile: nisi fortè pars illorum auulsa in iis locis hæserit. Sed videtur verisimilius, Gallorum reliquias loco nomen dedisse. Neque enim procul ac illis oris Scordisci confederant qui Gallica gens erant. Balduinus etiam Gallus ante ducentos annos Imperium orientale occupauerat. Et fieri potest vt aliqua portio exercitus illius ad eum locum, compendium calamitatum suarum quærendo confugerit. Sed Haliciorum nomen ante Balduinum inclaruerat, vt liquet ex serie historię Polonicę. Reges Haliciorum coronati hoc ordine enumerantur: Colomanus nimirum, Daniel, deinde rursus Romani filius qui ad Zaichostum malè pugnauit. Leo tandem tertius, conditor vrbis Leopoltanę. Ad augendam verò celebritatem loci Ludouicus, quem nostri Loissum vocant, Rex Poloniae & Vngarię, sedem Archiepiscopalem in eadem Halicz erexerat, quæ postea Leopolum prudentissimo consilio translata fuit. Prælia etiam complura ad Halicium gesta locum celebriorem reddiderunt, maximè verò Criuoustii Regis victoriosissimi clades memorabilis, cuius postea ignominiam Cazimirus secundus victoria de Russis parta, aboleuit. Reperitur ibidem lapis Alabastrinus, pulcher admodum, ita vt nitore suo etiā Phrygium superare videatur. Auehitur inde in germaniã & alias remotas regiones.

| | | | | |
|-----------|-----|----|-----|----|
| Heiligavv | 56. | 5. | 45. | 4. |
| Heiland | 55. | 7. | 41. | |
| Heilspurg | 55. | 4. | 43. | 7. |

Hamostein

DESCRIPTIO

Hamoftein 59. 10. 40. 5.
 Humienno 49. 8. 44. 11.
 Hyppanis flu. 50. 52. Vide titulo Boch.
 Hodorovv 49. 44. Lacus ibi laudatur.
 Hniezola 49. 48. Oritur ad Bauorovv & ad Grodek, incidit in Tiram. Trebovula ad hoc flumen sita.
 Holovvnia villa.

I

Igniecz 50. 5. 44. 5.
 Iaslyska 49. 6. 45. 6. Emporium vini Vngarici. Differuntque Iaslyska & Iasle.
 Iur flu. 34. 38.
 Iagiel 49. 5. 44.
 IAZLOVIEC 49. 45. Arx benè murata Valachiam versus inter flumina Stripa & Hniezola. Et est domicilium natale antiquæ stirpis Iazloueciorum, quorum pater nostra ætate Palatinus Russiæ fuit, Oratoremque egit ad Imperatorem Turcorum cum magna laude sua & Reipub. Gentis sue claritatem auxit Iaslouecius præfectus Sniatinenfis profligato & capto Palatino Valachia. Acciderunt hæc anno salutis 1582.
 Iarmolnice villa 50. 50.
 Iskaua flu. 50. 48. Vbi & Dubno.
 Ikaua flu. 50. 50. Vbi Sieniaua Sieniauiorum.
 Iugra flu. 54. 43. In Mazouia.

K

Recentius Kinsbergæ etymon vide Michonien. histori. vbi dicit occasionem de disse huic cognomini arcis, aduentu Othomari Regis Boemorum.

KINSBERG 55. 9. 43. Regium montem latinè vocare solent. Est vrbs laudatissima vel tres simul, ita vt tripolis dici possit. Scribit autem Plinius lib. 4. cap. 1. & meminit insulæ Balthiæ quam inquit, Pytheas nominavit Basyliam. Et Basyliæ nomen cum Regiomonte quadrat. Tripolim autem ideo vocare placuit, quia ex tribus oppidis propriis, moenibus, & interlabentibus fluminibus distinctis constat & coaugmentatur, quibus arx impendet amplissima in editiore colle, domicilium haud dubiè illustrum virorum indicans. Ibidem est maris portus minimè ignobilis & Academia celebris, vbi quoque ego tyrocinium studiorum meorum ieci, sumptus mihi & mensam in arce suppeditante illustrissimo duce Prusiæ Alberto Marchione seniore. Nunc prouinciæ illius & dux & tutor scriptus est à Regno Poloniæ Georgius ab Ansbach soboles dignissima Regum Polonicorum. Quod factum esse reor cum ob alias causas, tum vt testatum facerent Poloni quanti faciant

POLO. LITHVA. RVS. PRVS.

faciant amicitiam Principum Germaniæ.

| | | | | |
|-----------------------------|-----|-----|-----|---------------------------|
| Kielmi | 56. | 8. | 47. | 7. |
| Kapurn | 53. | 10. | 43. | 8. |
| Kurischferunk | 56. | 44. | | |
| Kavv | 55. | 5. | 47. | 10. |
| Klanstein | 54. | 11. | 41. | 10. |
| Kyffovv | 54. | 11. | 41. | 10. lacus ibi cōmendatur. |
| Korsborg | 54. | 11. | 43. | 2. |
| Knifzin | 54. | | 47. | 5. |
| Kolocz | 53. | 11. | 40. | |
| Koſcian | 53. | 2. | 40. | 2. |
| Krevv | 33. | 11. | 46. | 11. |
| Koden | 53. | 7. | 47. | 8. |
| Klecko | 53. | 7. | 50. | 1. locus nobilis insigni |
| victoria de Tartaris parta. | | | | |
| Kolmi | 53. | 6. | 51. | 8. |
| Kazimiria | 52. | 11. | 45. | 8. |
| Kurovv | 52. | 2. | 45. | 5. |
| KVRNIK | 53. | 6. | 40. | 7. Domicilium Illustris |

Comitis à Gorka Stanislai Palatini Poſnaniensis. Arx est murata ad elegantiam & ad ſuſtinendum quemvis hoſtem, cui adhæret opidum. Territorium illud omnibus præſidiis œconomicis reſertum, horreis, granariis, piſcinis, ferinariis, auiariis. Poſſeſq; de Kur nicio illud dici Tullianum. Et dominus domum & domus domini cohonestat.

Kunczice 53. 45. Locus natalis familiæ clariffimæ Mniskorum, qui patrum memoria ius ciuitatis in regno Poloniæ adepti ſunt, ſed ita feliciter, vt etiam omnibus patriciis adæquentur.

Krzeczovv 53. 43. ad Bochnam milliari Italico. Præſecturam illam adminiſtrat Magnif. Iacintus Młodzieiovvski, Theſaurarius aulæ Regiæ, quem virtus, ingenium, fidesq; erga Reges Poloniæ ad eos honores euexit & extulit, cunctis ei bonis fauentibus.

| | | | | |
|--|-----|-----|-----|--------------------------|
| Kozle | 52. | 6. | 46. | 3. |
| Kozleglouy | 51. | 2. | 40. | 8. |
| Krzepice | 31. | 6. | 41. | 9. |
| Kromolovv | 51. | 11. | 41. | 4. |
| Klobucko | 51. | 9. | 41. | 7. |
| Kurzelovv | 51. | 10. | 42. | 8. |
| Kraſniſtavv | 51. | 8. | 56. | 6. vbi Kazimirus œconomi |
| ciſſimus Rex piſcinam ingentem condidit, à qua nomen ciuitati inditum eſt. | | | | |
| | | | D | Kamienium |

POLO. LITHVA. RVS. PRVS.

vrbe Armeni sicuti Leopoli & Camenecia affatim habitant. Distat à Vilna nonaginta milliaribus, à Leopoli sex supra octoginta. De hac distychon adiiciam cuiusdam Poëtæ eruditi.

Nomen habet magnum spaciola Kionia quondam,

Cum lita brem imposito, tu milite prospice forti.

Korofzczicovv 52. 53. ad ostia flu. Fekerovv, vbi in Borystenem incidit. Ad idem flumen est Sytomirz & Cudniovv.

Koualia 51. 10. 42. 8.

Krasyllovv 50. 12. 49. 5. Supra lacum pulcherrimè bipartitum.

Kodoma flu. 50. 6. 50. 6. à Kuczman Scythiam versus decem milliaribus.

Kulikovv 49. 6. 48. 12.

Kaniovv 50. 8. 54. 10. Munitio Kozakiis referta ad Borystenem Porohi versus.

Kochanie 50. 9. 54. 11. Est locus supra insulam dictam Chorcyca inter cataractas seu Porohi, aliquot milliaribus supra modum amœnus: in quo si aliqua manus militum disponderetur, commodè posset semper impediri transitus Tartarorum, qui per vtrumque traiectum Borystenis, Kuczmanski inquam & Krzemienieczkie, quoties non sentiunt esse in armis Nilouios Kozakos, liberè traicere solent & infestare nostras regiones. Distat hic locus à Kiouia 40. milliaribus. Hæc omnia ex sententia Magnificorum virorum adieci, qui lustrandis illis regionibus à R. M. delecti & destinati erant. Narrant insuper præter illas duas insulas Thomakovvka inquam, & Chorcyca esse & alias complures delertas in illo flumine, in quibus materies ampla & lignorum copia est tam ad ædificandas arces, quàm ad naues struendas. Cui testimonio suffragatur etiam historia de Principibus Kiouiensibus qui ante quadringentos annos magnos exercitus, & ingentes classes ex iis locis secundo flumine vsque Constantinopolim & vterius deducere solebant ad oppugnandum orientale imperium. Et cauendo ne hoc amplius fieret, existimo Turcas Scythis eos portus repleuisse, quos etiam ideo suo patrocinio tuentur. Narrant præterea iidem D. lustratores in suo itinerrario ad flu. Ros & Tysmienica & Olizanica, & in aliis fluuiis esse ibidem loca confragosa, &c. vbi arces possent excitari, nec haberet Turca ansam ita conquerendi, sicuti prætere solet: cum ad Tiram aliquid nostri ædificare instituunt.

LVBLINVM 51. 10.

L
D

46. 10. vrbs spectabilis, partim
2 ob loci oppor-

ob loci opportunitatem, partim ob nūdinarum celebritatem, quæ
ter in anno ibi fieri solent, & singulis vicibus spacio quatuor septi-
manarum durant. Confluunt eò negociatores ex Turcia, Moscho-
uia, Germania, Armeni, Lithuani, Valachi. Eam celebritatem au-
xerunt iudicia tribunalicia, quæ istic quotannis exercentur. Est au-
tem horum iudiciorum in Polonia autoritas tanta, vt nec ad Re-
gem, nec ad Comitatus inde prouocare liceat. Distat Lublinum Cra-
couia 36. miliaribus, à Sedomia 14. Varssauia 24. Vilna 70. A Ka-
zimiria 7. Qui post me eadem recudet, propius in tabula admoue-
bit Kazimiriam Lublino.

Leopardia 52. 2. 46. 9. Domicilium Mag. domini
Nicolai Firleii ad flumen Veprum, à Lublino tribus miliaribus.
Commendatur à politia, artificibus insignibus & schola. Est præ-
terea locus ille refertus granariis, promptuariis, piscibus, pomari-
is, hortis delicatis ita exornatus, vt non modò ad necessitatem, sed
etiam ad voluptatem comparatus esse videatur.

Lylobyki 52. 6. 46. 5.

Lukovv 52. 9. 43. 11.

Leczna 52. 2. 46. 9.

Luboml 52. 1. 47. 1. Præfectura regni, cui præest
vir spectatę nobilitatis D. Krasinski, Metator castrorū Regionum.

Lancud 50. 8. 45. 4.

Lezaisko 50. 11. 45. 4.

Lelovv 51. 7. 42. 4.

Luczko 51. 3. 48. 5. duas arces habet. Demeatio-
nes nauium è Slucko ad Luczko commodæ. Et est sedes Episcopi
Luceorienfis. Sita est ad confluentem fluminum Stry & Wltecz.
Præfecturam illam nunc administrat summa cum laude Alexander
Prunski, Dapifer magni Ducatus Lithvvanix, vir magni nominis,
ex claro stemmate primariorum Ducum suam originem ducens.

LEOPOLIS 52. 10. 50. 8. vrbs Russix primaria
Metropolis, muris & vallis optimè munita. Arces habet duas, qua-
rum altera eminet in ipsa crepidine montis excelsi. Laudatur à po-
litia, munitionū firmitate in locis opportunis, & apparatu bellico
Est enim illa vrbs veluti propugnaculum, non modò Sarmatix ip-
sius, sed aliarum etiam prouinciarum christianitatis contra Turco-
rum, Scytharum & aliarū barbaricarum gentium insultus & irru-
ptiones. Est præterea nutrix variarum religionum. Sedem ibi habet
Archiepiscopus ecclesiæ Romanæ, ibidem antistes Armeniorum
qui instituta & ritus Antiochenæ ecclesiæ sequitur. Russorum eti-
am ecclesiæ complures, qui Constantinopolitanos ritus pro nor-
ma habent

ma habent. Solis Euangelicis ab occulto sydere infesti sunt. Præest nunc sedi Archiepiscopali Stanislaus Sulicouius, siue morum integritatem, siue solidam eruditionem spectes, vir est omni laude superior.

Lacuchovv 51. 9. 46. 6. Spectatæ nobilitatis domicilium Orechouiorum & locus natalis. Tres sunt fratres viri ad res magnas nati, eorum frater vterinus est Ioannes Sienienius Leopoliensis Castellanus.

Lipouiec 50. 11. 42. 4.

Lipnica 50. 9. 45. 5.

Lesko 49. 9. 42. 11.

Leuocza 49. 4. 45. 5.

Luneburg 53. 5. 45. 5.

Labetauola 50. 5. 45. 5.

Lipsia Rufsia 51. 5. 45. 5. Patria authoris libri & solum hæreditarium. Series autem progenitorum eius sic recensetur. Est in Mazouia in prouincia Plocensi colonia Sarneciorum quibus commune est stemma nobiscum, quod Coruinus vocatur, ad eam vsque diem. Hi sunt gentiles nostri. Nam propemodum iam centum anni sunt cum ex regione illa Iacobus Sarnecius aulicus Regius auus meus relictis penatibus in eas regiones delatus fuit. Fuit istum Regi percharus, quod ministerio eius utebatur in legationibus ad Scytharum principem. Nam linguæ Scythicæ noticiam sibi comparauerat. Et quia tunc bellum Bucouienſe contra Valachos parabatur, etiam ille alacriter castra Regis sequebatur. Et cum ad Zarnouecium, ad flumen Prutum, præclare Regi operam suam probasset, strenueque se gessisset, ferociam Valachorum, qui cum Stephano Palatino ripam infederant, non sine graui discrimine reprimens. Rex pro donatiuo virtutis, pagum ei in Belzensi Palatinatu Slepceze nuncupatum & Scultetiam Krczonouienſem, attribuit. Sed non diu ei concessum fuit præmio illo virtutis frui. Nam non ita multò post, siue vulneribus in bello Valachico debilitatus, siue pestilenti aura, vt creditum est, afflatus: quæ bello illo durante inualuerat, fatis concessit, relictis in eadem possessione tribus filiis: Andrea nimirum, Stanislao, & Ioanne, quos ex Heduge Piatkouia coniuge sua nobili foemina, suscepit. Horum minimus natus Ioannes, quem iam moriturus baiulabat, sub axillâ tenens, pater meus fuit, Andreas verò in finib. Podoliae Strusis cõ militabat, vbi & filii eius duo ante viginti annos, in campis credo Tehinensibus, pro patria fortiter dimicando aduersâ tela pectoribus exceperunt. Tertius verò in Moschouia ad Neuel arcem,

DESCRIPTIO

sub signis Ioannis Goraii, viri fortis militando, vnà cum Malicio, periit. Cùm igitur Rex accepisset auum meum vitam cum morte commutasse Ioanni Zamoscio, qui postea à supplicib. libellis, seu Referendarius fuit, tutelam pupillorum commisit, quod munus ille tanto alacrius subiit quo magis hominem dilexit, compluribusque in rebus, eius obsequiis familiarius utebatur. Itaque vir eximius & bona puerorum interuersa à malignis tutoribus breui vindicauit, & vbi ad ætatem iustam peruenire vxores eis addixit: Andreæ cognatam suam Tarimirska, Ioanni verò agnatam Helizabetam Gorzkovvska, quæ mater mea fuit. Hæc festinanti stylo attingere volui, ne dum aliorum res ad posteritatem transmittō, meis prorsus deesse videar.

Lipa flu. 49 12. 47. 12. ad Gologury oritur, & Dunaiouu præterlabitur, tandem ad Tiræ iungitur, è regione Halicz.

Lindaua flu. 49. 12. 49. 12. in Tiram illabitur infra Camenec octo miliaribus.

Lyssoua flu. 50. 6. 47. 12. ad Beresteczko flumini Stirvnitur.

Litovvisz 51. 5. 47. 8. Ad Bug flumen.

Ludinia flu. 53. 44.

M

MIELEC 55. 2. 44. 6. Vetustæ gentis Gryphiorum domicilium natale, ex quo prodierunt plurimi senatores huius regni, Palatini, Castellani, Capiductores, puto & duces Pomeraniæ veteres. Horum insigne est Gryphius, nostri Svoboda more vsitato vocant, id est liberum liberalemque; animum, eo quod multas possessiones vt quidam non ineptè exponunt ecclesiastico ordini contulerit, vt donationes Iaxæ militis Hierosolymitani testantur.

Miechovv 51. 3. 42. 8. Situm huius oppidi similitudinem esse ferunt Hierosolymitano territorio. Et credibile est fundatorem oppidi Gryphium Iaxam quæsiuisse locum eius instituto aptum, qui similitudine sua memoriam referret pariter & loci celebris templi, & peregrinationis Hierosolymitanæ qua defunctus huic operi extremam manum imponere voluit. Nunc Andreas Bathori, nepos S. R. M. ibi rerum potitur, qui hoc anno in numerum amplissimi Senatus Cardinalium à Pontifice summo est adlectus. In hoc Illustrissimo Principe aspectus decorus, facies augusta, mores amabiles pollicentur, & fidem faciunt pro eo, nequaquam degeneraturum à patris sui moribus Serenissimi inquam Stephani Regis Poloniæ.

Marussa

POLO. LITHVA. RVS. PRVS.

Maruffa 49. 10. 51. Flumen Podoliæ. Et nota dialectum Cymbricæ linguæ vetustioris. Nam Plinius annotat Cymbros olim mare mortuum Morimaruffa vocitasse.

Msticzovv 51. 5. 43. 12. Natalis locus Plazonum. Gens hæc est nominatissima in Polonia. Suntque contribules & coarmes, vt vocant, Tecziniorum.

Mrzyglod 51. 5. 43. 12.

Mstovv 51. 9. 42. 2.

Malogosc 51. 8. 43. 3.

Mons crucis 51. 12. 44. 6. locus celebris ob peregrinationes quæ voti causa suscipiuntur religionis ergò. Cernitur templum illud & monasterium ferè decem miliaribus, vsque adeò mons in alta rupe eminet. Monstratur ibi à monachis, peregrinis peculiare atrium, quod vocât illi patria lingua, Rayski dvvor. Et si quis ex posteritate Debno, qui illud monasterium fundarunt, turriculam paulò altius monasterio fenestratam excitaret, in qua laterna vel lampas noctu iugiter arderet, certè loco illi maiorem admirationem & sibi perenne nomen pararet. Cerneretur illud lumen existimo per quindecim & amplius millia, possetque cum Olympo monte Græciæ conferri.

Macieiovv 52. 44. Antiquæ & spectatæ nobilitatis domicilium Macieiouiorum. Arma gentis sunt Vitulus cornupecta. Decus huius gentis nostro æuo floruit Samuel Macieiouius Episcopus Cracouiensis & Cancellarius regni.

Moroua flu. 50. 9. 39. 6. Ab eo flumine & regionem ipsam Morauiam inquam, dictam esse putant. Patrium solum fuit Marobudi illius Principis clarissimi: sed & illo æuo Morauia non valde absimili voce dicebatur Martomania. Fuit autem Marobudus ex stirpe Squadorum oriundus qui Sarmatæ erant. De hoc complura libro tertio historiæ nostræ leguntur.

Mogila 50. 6. 45. 8. Monasterium insigne vnico tantum milliari à Cracouia Vandæ Reginae Poloniæ tumulo celebratum. Aggestum illud cernitur è longinquo à prætereuntibus. Præest nunc illi loco Episcopus Camenecensis Martinus Białobrzski Theologiæ catholicæ peritissimus, & ad obeunda munia Reipub. vir peridoneus.

Manasterziska 49. 47. Fortalitium seu munitio pulchra & possessio ampla. Fuit quondam patrimonium spectabile Magnificorum, qui dicebantur Manastirsczi, quorum posteritas dicuntur esse Iazlouecii. Huius munitiois superioribus temporibus tantum quedam ruinæ eminebant, quæ tamen antiquitas indicabat istic

DESCRIPTION

dicabat istuc alicuius magnatis domicilium fuisse. At nunc Ioannes Sienienius Castellanus Leopoliensis hæres illius ditionis suo sumptu impensisque omnia quæ erant collapsa instauravit: partim muris ab integro in locis opportunis excitatis, partim materia quercus Iouis arbore munitiones firmando. Eaque omnia ad utilitatem Reipub. & posteritatis suæ peregit. Tempore enim incursionum Tartaricarum comode tanquam ad asylum quivis indigus ope eò confugere potest. Et aliud 51. 6. 48. 6. ad Styr flumen Tiram versus.

Marussa flumen vel Marhaska 49. 50.
Mochor flu. 51. 51. Ad Polonne in Slucz flumen incidit.
Morauica 51. 49. Ad Iskievv flu. Est & pagus ad Cracoviam.
Mogila zborna 50. 4. 44. 8. ubi Bozek flumen oritur. Est promontorium nobile ad Medzibos.

N

NIESVIES 53. 7. 50. 8. Radiuilonum Illustrum domicilium natale, de quibus vide infra: titulo Olika. Distat Niesvvezum à Klocko duobus milliaribus, à Kopil quinque, quod est situm in Slucensi ducatu. Collegium istuc Iesuitarum instituitur. Arx murata bene firma.

Niesvvieta flu. 56. 4. 56. 1.

NIEPR 56. 4. 56. 1. vel Borysthenes, magnitudine, Rheno & Danubio cõfertur. Hic enim quondam naues magnas & classes etiam ingentes sustinere potuit, vt testantur historiarum de Kiouiensibus Ducibus Olha & aliis qui magno apparatu Constantinopolim oppugnare solebant. Oritur paulò ultra Smolensko, & capit in se flumina amplissima, Bereziny, Tur, Przypiecz, Stir, Slucz, & alia innumerabilia, ab orientali verò parte infra Kiouiam Dilia, Trubiesz, Vday, Zula, Osla, Psial, Somovv & Horol. Hi eo ordine aggregati Borystheni, in Euxini ostia ita impetum faciunt, vt sua dulcedine & ipsum mare inficiant, eiusque aquas dulces reddant teste Ouidio. Vrbes sua vnda sitientes potat, Sklovv, Mohilovv, Kiovv, Czyrcaly, Kaniovv. Insulas nobiliores circumfudit: Chorcyca, Thomakovvka &c. Commemorantur duo eius nobiliores traiectus Krzemieniecki inquam & Kuczmienski, quia Scythæ illi Batthones & alii barbari transuerunt & nunc transire solent. Sed Nisouii Kozaki (milites sic vocantur) latè littus illud complexi sunt.

Narkie ad ostia Lipæ ad Tiram.

Niemia flu. 49. 51. 8. propè Russava flu. ad Tiram.
Nigra sylva

POLO. LITHVA. RVS. PRVS.

Nigra sylua 51. 52. vbi Scythæ latitare solent, inuasuri in regiones nostras.

Niemoiouce 55. 3. 48. 3.

Nogat flu. 54. 9. 44. 8. vbi se Istula findit: & pars eius Margemburgum tendit, pars verò altera Gedanum deferitur. Sed illa quæ Margemburgum tendit, Nogat propriè vocatur, ab amne quodam in cuius meatum detrusa Istula sui propaginem eò cum Nogato transmittit.

Nica 54. 4. 40. 7.

Nakiel 54. 40.

Naiburg 54. 7. 42.

Notes flu. 54. 7. 42. 7.

Nomogrod 54. 7. 45. 6.

Niemienzice 55. 11. 50. 5.

Narevv flu. 57. 11. 44. 6.

Nouydvvor 53. 12. 40. 10.

Namislovv 52. 3. 40. 5.

Ner flu. 52. 12. 42. 8.

Niesuchoieza 52. 1. 48. 7.

Nissa 51. 5. 39. 5.

Nida flu. 50. 2. 42. 12.

Nouytarg 50. 2. 42. 12.

Niemen flumen.

Niepolomice 50. 10. 42. 9. vbi partem Herciniæ syluæ veteres statuebant. Nunc venationes istic Regum Poloniae delectabiles.

NIESTR 49. 10. 45. 6. oritur ex montib. Sarmaticis qui vocantur Beskid, & antequam amplo gurgite deuoluitur in Euxinum Pontum, capit in se Podolica flumina nobiliora decem: Lipa, Stripa, Sereth Podolicum, Zbrucz, Smotricz, Vsicza, Rovv, Ladava, Dzvvvan, Rusava. A meridionali verò parte, flumen Halicense, Dolinense, & Tarnauatkam: sed quod Ovidius tardum Tyram vocat, non possum demirari. Vel eum nunquam vidit, vel aliud certè Tyram vocat, quàm nos hodie vocamus. Constat enim velocitate nostrum Nestrum multa flumina anteire. Nisi fortè ex montibus decidens rapidior sit, vbi verò Euxini vndis percussus visa maris amplitudine & collata sua paruitate veluti rubore percussus cursum suum inhibuerit. Nam credibilius est Ovidium Tyram vidisse ibi alicubi circa maritimos campos quum ad lacum suum Vidouo Iesioro proficisci volebat.

OLIKA 55. 5. 48. 7. Illustrium principum Radiuilo-
num & Comitum in Szidlovv patria & locus natalis à quo etiam
Duces denominantur. Septem horum mea ætate simul in Senatu
regni residebant. Tantam opinionem virtutis, prudentiæ, & dexte-
ritatis in rebus agendis Deus penes eam gentem reliquit. Eo an-
no quo hæc scripsimus, hoc est 1584. Georgius Radiuilus in nu-
merum amplissimi Senatus Cardinalium est adlectus & inaugura-
tus ipso Rege assistente & ceremonias quasdam vt audio, circa in-
uestituram vt vocant, per se adiuuante. Primus hic est Cardinala-
tus in Litvvania. Antea verò Episcopus tantum Vilnensis & Liuo-
niæ administrator vocabatur idem Georgius Radiuilus.

Oliua 55. 48. Monasterium celebre ad Gedanum.

Orsenuald 54. 5. 39. 1.

Ofiek 54. 7. 42. in Pomerania. Aliud est ad Sedomiri-
am. Tertium ad Varfauiam Ofiecko.

Ossa flu. 54. 5. 42. 7. Erant verò populi Sar-
matici Morauiam versus ad flumen quod dicitur Olsa. Et forsan
ipsum ante vocabatur Ossa, sed successu temporis s littera in l mu-
tata Olsa vocari cœpit. A quo etiam Olstinek oppidū est dictum.
Nam Cornelius Tacitus dicit: Ofsii, Burii terga Marcomanorum
claudunt. Forlan ergo pars aliqua gentis illius in Prussia hæsit ad
flu. Ossa, vbi Chobrius Rex columnas iniecit. Vnde & pagus vi-
cinus Slupia, id est columna dicitur ad Rogozno.

Olstinek 54. 8. 45. 6.

Orzlica flu. 54. 4. 44. 2.

Ortesburg 54. 0. 44. 5.

Odzilsko 54. 11. 55. 7.

Orssa 55. 5. 55. 7. Arx vbi ingenti clade octogin-
ta millia Moschorum à Polonis Lithvvanisque ferè deleta fuere,
anno salutis 1508.

Olzno 55. 7. 38. 5.

Oborniki 53. 9. 40. 4.

Orcycel flu. 54. 44.

OSTROG 51. 5. 50. 4. Sedes & domicilium na-
tale Ducum Ostroueciorum. Et credibile est istic olim confedis-
se colonias Ostrogotthorum gentis bellicosæ, cum & scriptores ve-
tustissimi Alaunos, hoc est Volhinius, Gotthos affirmant fuisse. Et
Bessaraborum vadum, etiamnum vicinum istic traiectum per flu-
men Slucz vocatur. Belarabes autem in veterib. sedibus Gottho-
rum habi-

rum habitant inter Tyram & Istrum seu Danubium. Denique no-
 men Ostrogotthorum cum Ostrog valde est affine & homony-
 mum. De Constantino Duce Ostrogeos viro nostræ ætatis in re-
 bus bellicis nemini secundo sæpe mentio in hac nostra historia oc-
 curret. Fuit is pater Constantini huius Basilii, affinis nostri, qui du-
 cta in vxorem filia Comitis Ioannis à Tarnovv Polona, sua amabi-
 li sobole vtriusque herois, hoc est patris & soceri ita viam me-
 moriam expresse, vt cum ambo fuerint præfecti summi copiarum,
 & ambo iamdudum mortui sint, tamen intuitu solo Illustrium iu-
 uenum ita perculsi, eorum admonemur, vt non ante triginta annos
 sed nudius tertius eos mortuos esse credamus. Sita est Ostrog ad
 confluentem fluminū Horin & Vilgia. Vrbes eorum ditionis sunt:
 Ostrog metropolis, Ostrokol, Basilea, Krasyllov, Kuczmin, Kon-
 stantynovv, Ostrokol, Dubno. In Polonia verò Tarnovv, Tarno-
 pole, Czerniechovv, Przeuorsko. Caterarum non benè recordor.
 Sed audiui quosdam eorū arces circiter quinquaginta numerare.

| | | | | |
|--------------|-----|-----|-----|--|
| Orczik flu. | 54. | 3. | 44. | 6. |
| Olkusium | 51. | 2. | 42. | 2. Argentifodinæ & plumba- ria milliaribus quinque Cracouia distat. |
| Ostrokol | 51. | 1. | 50. | 7. Antiquis Bassarabei vadum vocat. |
| Ostrovv | 51. | 9. | 46. | 2. |
| Olesznica | 52. | 6. | 40. | 2. |
| Obra flu. | 53. | 12. | 40. | 2. |
| Opoczno | 53. | 5. | 43. | 4. |
| Okrzeia | 52. | 7. | 47. | 4. |
| Orchovv | 52. | 7. | 43. | 51. |
| Opole | 51. | 8. | 44. | 4. oppidum spectatæ nobilita- tis Slupeciorum. |
| Ogrodzieniec | 51. | 2. | 42. | 6. Arx Boncerorum murata miræ elegantia. |
| Opatovv | 51. | 8. | 43. | 7. |
| Osiek | 51. | 4. | 44. | 6. |

OSTROROG 53. 5. 50. 4. Sedes & domicili-
 um natale vetustæ gentis Ostrorogorum, ex quibus multi insignes
 Senatores, & etiam aliquando gubernatores totius regni extite-
 runt. Sed illud est peculiare quod de illis & Czarnkouis, Sbasini-
 is, Samotuliis prædicatur, eos nimirum primos fuisse inter Polonos
 ex vicinioribus illi loco, vbi id accidit, Christiani sunt facti, seu
 nomina sua Christo dederunt, lauacroq; baptismi initiati eam glo-
 riam obtinuerunt. Cuius rei signum spectabile hætenus pariter &

DESCRIPTIO

nobilitatis suæ gerunt: vittam nempe baptismalem vno saltem nexu contortam, qualem ii qui baptismo initiabantur caput redimitti gestare solebant. Habebant quidem antea illi aliud ducale signum auitum, ad pompam & ostentationem magis comparatum (quo vitio fastus etiamnum nostra ætas plurimum laborat) sed abnegatio sui & humilitas christiana in eis effecit, vt hoc symbolum christianæ mansuetudinis omnibus titulis & signis quantumvis speciosis anteposuerint.

OSOLIN 51. 5. 44. 5. Arx murata, domicilium natale generosæ & antiquæ stirpis optimeque merita de Repub. Polona Osoliniorum. Habent hi firmiter impressas notitias virtutum, quæ res facit vt semper eodem modo agant & equabilitatem retineant.

ODRY 50. 3. 45. Ad hoc oppidum oritur flumen Odra, ideo & flumen ab eo denominatur. Fuit sedes olim Gotthorum. Ideo à Plinio Guttallus à Gotthis flumen illud appellatur. Iuxta verò Strabonem fines Gotthorum exporrigebantur vsque ad fines Sueuorum non longo admodum interuallo, quod etiam nomen fluminis Sueuus indicat.

Orlovv 53. 4. 41. 7. Oppidum à Lecicio quatuor miliaribus. Produxit hæc domus viros cordatos, nec consilii inopes: iuxta dictum Philosophi: Militem oportet esse instructum legibus & armis.

Opatouicc 50. 12. 43. 7.

Opaua 50. 9. 40. 7. A veteribus Sydirorychiæ eorum locorum statuebantur, temporibus nimirum Traiani. Ideo Cornelius Tacitus dicit Gotthinos illo æuo pependisse tributum Sarmatis tanquam possessoribus illarum regionum legitimis, vt eis liceret metalla in illo territorio fodere & præparare. Expressè hæc habentur in libello de situ Germaniæ, parágrafo: Proh pudor.

Oleszko 50. 9. 48. 12. Sedes quondam ducalis fuit Sienieniorum donatiua, ad quam & Zloczovv pertinebat, in monte editiori ex quo flu. Bug & Stir oritur.

Oraua flu. 48. 8. 42. 3.

Oczakovv 49. 54. Primarium oppidum Scytharum; sed nostrates Iazlouecii & Sieniauii patriam suam istic fuisse asseuerant. Distatque ab ostiis fluminis Buh aliquot miliaribus.

Ostr flu. 51. 54. ab oriente, id est, è regione Kiovv in Borylstenem se infundens.

Ouidii lacus 54. 49. inter Hypanim & Tyram, sed vicini or ostiis Tyræ. Cernitur ibi murus quidam plumbo cõpactus, qui in mare

POLO. LITHVA. RVS. PRVS.

in mare medio milliari porrigitur. Dicuntque Vitoudum eovsq;
in mare equo descendisse, dominium sibi maris Sarmatici vendi-
cans.

Orol flumen ad ostia Borystenis à parte orientali à Taurica.

Olssenica flumen Borystenis hîc ab ea parte.

Obertim 49. 5. 48. 7. non remotè à Chotim villa,
victoria gloriosissima de Valachis parta concelebrata. Ibi conci-
dit David Sienienius pro patria pugnando, pater huius Ioannis Sie-
nienii Castellani Leopoliensis.

P

PIESKOVA SKALA 51. 2. 42. 3. Domicilium na-
tale peruetustæ gentis Szafraneciorum, ex qua multi Senatores,
Palatini, Episcopi, præfecti copiarum, velut ex equo Troiano pro-
dierunt, vt est in proverbio, (Nàm equus quoq; est insigne Szafra-
neciorum.) Hic ergo equus edidit in lucem homines frugi & vtilis
Reipub. quarum virtutum typum habes in hoc Palatino Sedomi-
riensi Stanislao Szafranecio, in quo peculiariùs memoria Senato-
rum prioris ætatis videtur hæsisse, authorisatis inquam, grauitatis
cum pari animi probitate. Accessit corporis proceritas, facies de-
cora, supercilium graue.

Prut flu. 55. 49. A duce quodam eius nominis sic di-
ctum. Hic annis dislimitat Valachiam.

Poprut flu. 49. 45. Ad Sadetiam cum Dunaiec seu Dana-
stro confluit.

Polaniec 51. 5. 44. 7.

Pokrzivnica 51. 5. 44. 8.

Paczanovv 51. 5. 44. 7.

Piotrauin 51. 8. 44. 9. locus hic innotuit historia
diui Stanislai. Monstratur ab accolis traiectum eius per Vistulam
miraculosum. Monstratur quidem, sed tamen non cernitur, nisi ita
credentibus.

Pczina 50. 9. 41. 9. Quibusdam Pczina quasi latinum
piscina sonat, quod ibi piscium & piscinarum supra quàm credibi-
le est, copia sit magna.

Preclavv, metropolis quondam Rufsia, & socia Kiouia.

Prochnica 50. 45.

Przemisl 50. 6. 45.

Potylicz 60. 45.

Pomorzany 50. 3. 47. 11. Domicilium specta-
bile Magnifici domini Ioannis de Sienco Castellani Leopoliensis.

DESCRIPTIO.

Arx est eximia ad splendorem & ad propulsandum hostem patriæ instructissima, murata & quidem ex integro magna cum arte, opera & sumptibus eiusdem M. domini à Sienna. Fuitque hæc quondam possessio gentis clarissimæ Svinkonum, ex qua stirpe floruit olim Archiepiscopus Gnesnensis. Prodierunt & alii successores viri spectabiles & celebres ex eadem familia.

Plauecz 47. 7. 43. 4.
Polock 57. 8. 52. 10.
Podhaice 49. 11. 48. 5.
Polonne 51. 53. 5. in confluente fluminum Slucz.

PINCZOVV 51. 5. 43. 7. Domicilium clarissimæ gentis Olesneciorum, ex qua familia fuit Zbigneus Cardinalis ornamentum Poloniae præclarissimum. Arx in monte altissimo ex lapide secto & magna ex parte polimito, arte exquisita fabricata, testatur istuc virum magni nominis mansisse. Sunt ibi cellæ vinariæ eius proprietatis, ut vina mediocria, & etiâ tenuissima, reddantur eximii saporis ad admirationem palati bibentium. Signum gentis est quod iam usitato more vocatur: Virgo violata. Hoc idem est signum Sienieniorum. Quia unam gentem esse volunt. De quo plura vide in fine ex professo de insigni Debno.

Pianini 49. 53. locus iudicio senis Bernhardi Preturicii peridoneus excitandæ arci cum propugnaculis contra Scytharum, immanissimæ gentis irruptiones, idque in ipso aditu regionum barbaricarum.

Pokucie 50. 5. 55. 5. Significat autem nostra lingua pokucie poenitentiam, eò quod in reatu detentos ad eas regiones Romani in exilium mittebant. Eos nimirum ciues qui turbulentiores videbantur, aut de prodicione suspecti. Et hoc vocabant relegationem, aut deportationem. Porro exilium grauior erat multa, id quod nostri bannitionem vocant.

Pieczymegi sylua 49. 8. 53. Hic sedes suas Peucinos veteres habuisse autor est Bernhardus Vapouius.

Porohi 49. 12. 34. 12. Pro nostra lingua significat limen. Quia ibi sunt angustia Borystenis ob rupes quibus coarctatur aqua profluentis & veluti per limen ex alto decidit cum magno fragore. Ultra hoc limen cum milites Kozaki euadunt, iam se securos putant à Scythis. Veteres talia loca Katadupa à sonitu qui è longinquo exauditur, vocare solebant. Inueniuntur tales cataractæ & in his magnis fluminibus Istula ad Gnev, Narev, Rhe no ad Baden. Forsan Deus veluti frænum eo modo iniicere eis voluit ut cursum eorum retardaret, ne abuterentur sua potentia, supra modum arando terram.

POLO. LITHVA. RVS. PRVS.

POSNANIA 53. 7. 40. 6. Posna vrbs pulcher-
rima, riuus distincta ad voluptatem, veteribus Stragona dicta: sed
nomen mutauit ab illo tēpore quo Imperator Ortho tertius cum
Rege Poloniae Chobri notitiam iniit. Inde Posnania vocata. Aut
verius, quod Poloni illo in loco primū notitiam christianae reli-
gionis (quod poznaniem pravdy vocant) consequuti sunt. Lau-
datur illa vrbs à politia, amoenitate loci, & morum elegantia: sed
verius laudari potest ab eo euentu quod in illo territorio, vt iam
dictum est primum omnium ad cognitionem Christianae religio-
nis & abiectionem idololatricorum cultuum peruenere Posnani-
enses cum Rege & vicinioribus familiis, Czarnkouiis inquam, O-
strorogis & Zbasiniis, Samotuliisque, qui signa conuersionis suae
vittam baptismalem haecenus pro armis circumferunt.

Pakosc 52. 12. 44. 8. ibi cruce limes signatur.

Plocko 53. 9. 45. 8. quondam Ducum Mazouiae
sedes. Arx murata & ciuitas.

Przedborz 52. 1. 42. 8.

Piotrkovv 52. 8. 42. 7. vbi olim heroes Poloniae
causa comitorum antiquo instituto conuentus agere solebant.

Plauiecz 54. 1. 42. 7.

Pabianice 52. 9. 49. 8.

Parcovv 52. 4. 48. 6.

Przypiecz flu. 52. 4. 48. 6. Peucinorum colonia.

Prossouice 51. 5. 45. solum fertile & supra modum pin-
gue. Vnde iocus Sigismundi primi Regis Poloniae delūpt⁹. Cū
enim Ioannes à Lasko Archiepiscopus Gnesnensis impensius co-
ram eo gloriaretur se in oppido suo Lasko non modò cathedra-
lem vel collegiatam ecclesiam erexisse, sed etiam cēterium eius
terra sacra Hierosolymis aduecta conseminasse. Ille subridendo
inquit, Quid terram sacram? Si fertiles illas arenas Masouiorum
reddere voluisti, potius Prossouiensem terram tecum eo deportas-
ses, agrosque illos conspersisses. Tantū Rex solo Prossouienfi tri-
buebat.

Pascua Pomarzani 50. 48. In summitate fluminis Kro-
piecz sita sunt.

Pascua Zloczouiensia 50. 6. 48. 4. in summitate
scaturiginis fluminis Stripa.

Pascua Oczakouiensia 49. 54. inter Oczakouiam & Oui-
diilacum.

Pikovv 51. 2. 51. 9. oppidum.

Ploskirovv 50. 3. 49. 8.

Probito

DESCRIPTION

Probito flu. 50. 8. 52. 8. ad Hypanim.
 Piszambot flu. 50. 9. 53. incidit in Hypanim. Ibi etiam est pons Vitovvdi.
 Poromil 51. 6. 48. ad Styr flu.
 Podkamienie 49. 47. 4.
 Poltovv flumen sub Gliniany.

Q

Qvvidzin 54. 10. 42. 7. Vide infra in descriptione veteris Poloniae paragrapho Quadi.

R

RADLOVV 53. 40. Locus amoenus & refertus omni genere elegantiarum, ita vt Luculli hortum putes. Domicilium est Magnifici Opalenii, supremi Marsalci regni Poloniae & capitanei generalis maioris Poloniae.

| | | | | |
|------------|-----|-----|-----|-----------------------------|
| Ragneta | 53. | 8. | 43. | 8. |
| Rein | 53. | 2. | 43. | 7. |
| Rogozno | 54. | 6. | 42. | 6. |
| Rozemberg | 54. | 8. | 42. | 11. |
| Rozan | 54. | 1. | 41. | |
| Rastemberg | 54. | 12. | 44. | |
| Raigrod | | | | |
| Rozanka | 54. | 4. | 49. | 7. |
| Radomia | 54. | 11. | 49. | 5. Est & flumen ad Gedanum. |
| Resizad | 55. | 5. | 54. | 5. |
| Rzepin | 55. | 5. | 58. | 6. |
| Raciaz | 53. | 11. | 43. | 6. |
| Radzimin | 53. | 7. | 44. | 8. |
| Raua flu. | 53. | 5. | 43. | 6. |
| Radoszyce | 52. | 1. | 43. | 6. |
| Raciborz | 50. | 11. | 40. | 12. |
| Ribnik | 50. | 10. | 41. | 4. |

Regius mons, vide Kinsberg.
 Rimanovv 50. 2. 44. 7.
 Rab flu. Rapo 59. 2. 44. 3.
 Ropa flu. 50. 43. ad Biecz flu.
 Rohatyn 49. 10. 47. 6.
 Russaia flu. 49. 51. in Tyram labitur. Libenter haec Russica & Podolica annotamus & curiosè perquirimus, quia depopulationes Tartarorum saepè cogunt nos talia perscrutari. Vbi sint, quid agant, quò tendant.

Rovv flu.

POLO. LITHVA. RVS. PRVS.

Rovv flu. 50. 51. incidit in Hypanim. Et ad eius scaturiginem in summitate Bar arx munitissima.

Rustauica flu. 51. 52. in Hypanim incidit, vbi insignis vir Stanislaus Strus occubuit, pater istorum, fortiter dimicando cum Scythis.

Rakovv 51. 6. 43. 12. Erat quondam syluestris solitudo, dumeta & latibula ferarum, quæ ab agnatis suis Gnoieniis idem Mag. Ioannes à Sienco Castellanus Leopoliensis redemerat, & syluis extirpatis, molendinis institutis, agris excultis oppidum excitauit pulcherrimo nomine ei imposito Rakovv, quod significat Cancrum ab insignibus vxoris suæ charissimæ. Ibidem oppidum ab insignibus suis locauit, vt sempiternum extaret memoriale felicis coniugii & amicitiae inter Sienienios & Gnoienios. Ibidem & villas & piscinas cōplures, & aulas amplas magno sumptu fabrefecit. Et tertium oppidum Stephanovv à nomine Serenissimi Regis Poloniae patroni sui clementissimi appellatum locauit.

S

SEDOMIRIA 51. 1. 44. 10. Sedes secundogenitorum fuit, cum Reges hæreditabant, nascebantur non eligebantur. Est locus ille supra modum amœnus & delicatus. Vineæ istic coluntur. Pomaria vbique patent, ita vt putes vndiq; syluas circumstare. Tanta ibi est copia nobilissimarum frugum. Propterea Cazimirus Magnus & alii reges eò ad capiendam auram animi causa progrediebantur. Auxit loci beneficium ciuium ipsorum vrbinitas coniuncta cum aliis oblectamentis. Inuenias ibi præstantissimos Medicos, Musicos, potus varia genera, & hilarem clerum, piscium, mellis, salmonum, ferinarum, frumenti, & aliarum libentiarum (vt Gellii verbo vtar) copiam incredibilem. Administrat præfecturam illam summa cum laude vir Magnificus Andreas Firleius dominus à Dabrouica, Castellanus Lublinensis.

Sequa 54. 44.

Suenta flu. 56. 45.

Saikiemi 56. 6. 47. 4.

Syvintraua 56. 4. 50. 8.

Smolenskò 56. 11. 56. 4.

Selbgorg 55. 1. 45. 9.

Sud 55. 44. Sud Samogitæ, id est, Septem-

trionales Samogitæ. Insula est retrò Regium montem. Vel sunt Sudinorum veterum populorum reliquiae, quarum Ptolomæus subinde meminit.

F

Szepenpil

DESCRIPTIO

Szepenpil 55. 3. 43.
 Soka 55. 3. 44. 5.
 Salauni 55. 46. 6. Idem forsan quod Savvlæ vo-
 cant. Præfectura prædiues.
 Seimi 55. 10. 47. 10.

SOMLO 48. 6. 46. 6. Arx est murata in Hun-
 garia, à Sambor 38. milliaribus, à Kolozuar 11. Estque locus natalis
 Batororum. Gens hæc Illustris & vetustissima, ex qua anno salutis
 1576. Stephanus primus, Princeps & Palatinus Transylvaniæ, Rex
 Poloniæ & Mag. Dux Litvvanix electus fuit. Hic aduentu suo tur-
 batas res Sarmatiæ pacavit, maioremque incredibilem Poloniæ
 ob extinctos modò auitos Reges lætitia sui aduentus exhilaravit.
 Chronologi annotat iam ante Cæsaris Augusti tēpora Batororum
 stirpem in Pannonia floruisse. Ita enim Strabo inquit: Pannonio-
 rum gentes sunt: Breucii, Andixecii, Diascones, Pirostæ, Mazæi,
 Deficiatæ, quibus Bato imperabat. Hæc si ita se habent, origine er-
 go hic Rex non tam Hungarus, quàm nostras esset. Nam Hungari
 nondum pervenerant tum in Pannoniam. Pannonæ autem à no-
 stris Panis seu Polona nobilitate non ita multum dissident. Quin-
 immo Cechus & Lechus ad nos venit cum suo comitatu & colo-
 nis ex Pannonia. Meminit etiam Iovius Batororum aliquoties, ex
 quibus Proreges Hungariæ patrum nostrorum memoria designa-
 ti sunt.

SLVCKO 53. 52. Sedes Illustrissimorum Ducum Slu-
 censium. Principes isti prodierunt ex eadem stirpe ex qua Reges
 Poloniæ Hungariæ & Boëmiæ originem suam deriuant. Adepti
 sunt autem maiores horum Ducum virtute belli pacisque artibus
 prærogativas tales & tantas, ut tempore pacis primum locum in
 Senatu, tempore belli dextram manum tenere, tutelaremque salu-
 tis Regiæ curam habere promeruerint. Potestq; eorum stirpis se-
 ries hoc ordine enumerari. Olgerus Mag. Dux Litvvanix primam
 uxorem Iuliam seu Vlianam duxit filiam Ducis Vitepsciensis Rus-
 sam, religionis Græcæ, ex qua suscepit sex masculos, quorum natu-
 mior fuit Vladimir⁹ Dux Kiouiensis frater germanus Iagellonis:
 sed alia matre natus. Ex quo Vladimiro prodiit Alexander quem
 Rusi Olelko vocant. Hic fundavit ciuitatem Slucensem triurbem
 ad flumen Slucz ante annos 150. Ex Alexandro Simeon, ex hoc
 rursus Georgius qui duxit Thécziniam Comitum foeminam lectis-
 simam, ex qua tres suscepit masculos qui nunc versantur in luce
 hominum: Georgium, Simeonem & Alexandrum iuniorem iuue-
 nes he. oicis virtutibus suffultos, de quibus usurpari potest illud:
 Spes altera

POLO. LITHVA. RVS. PRVS.

Spes altera Romæ. Ducatus hic Slucensis hætenus à Geographis & Chorographis suppressus est, quod ego committere nolui, cum sit magnitudine sua effatu dignus. Terminatur ab oriente Borysthene à septentrione flumine Niemen, à meridie Pripecio, ab occasu parte Magni ducatus Litvvania. Vibes eius sunt Sluck metropolis. Kopil secundogenitorum à Slucko quinque milliaribus distans. Turecz 15. Petricouice 24. Volkukala 4. Mohilovv 50. ab eadem Slucko distat. Alias breuitatis causa omitto.

SPITKOVICE 50. 10. 41. 5. Arx murata. Et est locus nobilis cum aliis rebus tum captiuitate Ducis Henrici Barbati, quem Cōrard⁹ Mazouiorum Princeps ante ducentos annos in ea villa diuinæ rei vacantem coeperat, & in Mazouiam asportauerat. Estque domicilium natale vetustæ gentis Miskouiorum, ex qua multi Senatores præstantissimi, Episcopi, Palatini, Castellani & etiam Campiductores prodierunt. Fulget nunc senectute viridi Petrus Miskouius Antistes Cracouiensis columen familiæ. Fuit ex eadem gente ante decennium Stanislaus Miskoui⁹ de Mirovv Palatinus & Capitaneus Cracouiensis, Margenburgenfisque, vir heroicus, mihi perfamiliaris. Dicitur non potest, quàm egregiæ forme & proceritatis, & vt ex picturis liquet, Scandembergus ipsi similis. Merito ergo illud ei competit: Gratius est pulchro veniens de corpore virtus.

| | | | | |
|-------------|-----|-----|-----|-----|
| Soldim | 54. | 2. | 38. | 9. |
| Starigard | 54. | 10. | 37. | 13. |
| SLÉTINVM | 34. | 10. | 37. | 11. |
| Strzelce | 54. | 10. | 37. | 11. |
| Stepelborg | 54. | 1. | 39. | 5. |
| Sluchovv | 54. | 5. | 41. | 3. |
| Sloniny | 54. | 5. | 41. | 3. |
| Sloniny | 54. | 2. | 49. | 7. |
| Sklovv | 54. | 4. | 55. | 7. |
| Sulevvice | 53. | 6. | 3. | 8. |
| Svviebodzyn | 53. | 5. | 39. | 4. |

Sueuus flu. Sprea nunc dicitur in Marchia. Alii illud flumen ad Budissinum apud Vindas Saxonicos esse volunt, & rectius.

SBASZIN 53. 3.

STENSZOVV 53. 3. 39.

Szaniotuly 53. 8. 40. 2.

Squidzinia 55. 8. 30. 7. Solùm hæ duæ appellati-

ones Quidzin & Sqvvidzinum aliquid commune habent, cum cognomine Quadorum.

DESCRIPTION

SIENNO 51. 44. Habet hæc gens peculiare chronicon rerum à suis maiorib. gestarum. Cōpluresq; ex iis prodierunt dignissimi Senatores, Archiepiscopi vtriusq; sedis, Gnesnensis inquam & Leopoliensis, Episcopi Cracouiensis cathedræ, Posnaniensis & Cuiaviensis, viri liberales & largitores in opera pietatis, vt testantur etiam nunc insignia illorum insculpta templis, collegiis, & domui Hierosolymitanæ. Quin & dignitas Cardinalatus eis nouus honos in Polonia attributus fuit, quod antea nemini contigerat. Erant item ex eis multi Palatini, Castellani, legati ad exterarum nationes, ad Concilium Basiliense, & ad Imperatorem Turcorum, viri consulares, & quando opus erat, milites strenui. Ideo nunquā à subfelliis ordinis Senatorii discessere. Omnium horum nunc memoriam refert Ioannes Sienienius, Castellanus Leopoliensis, Senator regni dignissimus & suæ familiæ hoc tempore maior domo, (permittite me sic loqui.) De cuius meritis erga Rempub. lege in fine epilogum huius libri.

Slupia 51. 7. 44. 7. Domicilium Slupeciorum natale à Sedomiria milliari vno. Domus isthic est lignea admirandæ structuræ, quæ declarat etiam antiqui seculi homines nequaquam ingenio destitutos fuisse.

| | | | | |
|----------|-----|----|-----|----|
| Slupca | 53. | 8. | 41. | 5. |
| Stobnica | 53. | 8. | 40. | 2. |
| Sobien | 49. | | 45. | |
| Sniena | 53. | 4. | 41. | 7. |
| Srzoda | 53. | 4. | 40. | 8. |

Est & aliud Srzoda vel Srotka in suburbio Posnaniensi vetustum à quo ius Sredenfe. Vide D. Cromerum.

Sobota 53. 11. 41. 6. Sobotiorum expressè meminit Ptolomæus eodem ferè loco. Srzoda ergo & Sobota antiquissima sunt oppida.

| | | | | |
|------------|-----|-----|-----|----|
| Sochaczovv | 53. | 7. | 43. | 4. |
| Sremsko | 53. | 12. | 43. | 7. |
| Sbuczin | 53. | 12. | 45. | 7. |
| Sedeszovv | 53. | 7. | 48. | |
| Schoua | 52. | 12. | 39. | 4. |
| Strasborg | 52. | 8. | 39. | 4. |

Germanicè, Brodnica Polonicè.

| | | | | |
|-----------|-----|----|-----|----|
| Strzeczze | 52. | 6. | 40. | 9. |
| Sicovv | 52. | 7. | 40. | 8. |
| Siradia | 52. | 6. | 40. | 6. |

ibi facinorosi etiam ex nobilibus in turrim coniiciuntur.

Suleiovv

P O L O. L I T H V A. R V S. P R V S.

Suleiovv 52. I. 44. II.
 Skrzinno 52. I. 44. II.
 Sodecz 50. 6. 43. Monasterium istuc virgi-
 num, nobilitatum reginarum Poloniae viduarum cohabitatione.
 Huius conditionis & professionis foeminas Afsisterias vocant Ec-
 clesiastici.

SCZEKARKOVV 50. 60. Domicilium Tarlonum
 qui iam diu ornamento erant aulae Regiae. Cum Theciniis sunt co-
 armes, & quondam etiam gentiles.

Solec 52. I. 44. 6.
 Stezica 52. 6. 44. II.
 Staniovv 50. 7. 47. II.
 Slumniki 51. I. 42. 12.
 Stama
 Skarmirz 51. 3. 43. 5.
 Slavvkovv 51. 3. 42. 3.
 Szidlovv 51. 6. 43. II. Colonia veterum Sido-
 niorum. Vide ab initio diuisionem veteris Poloniae.

Strzelcze 51. 7. 40.
 Skala 51. I. 42. 6. Skala locus inclaruit bello Mazo-
 uiorum Ducum.

Stir flu. 51. I. 42. 6. Stirii populi vltra Vien-
 nam vnà cum aliis Slauinis inde progressi esse creduntur. Credi-
 tum est antiquis flumen Stir à Tyra scaturiginem suam trahere,
 quod expresse pictum extat in tabula Grodecii. Sed errorem hunc
 detexerunt lustratores Regii. Deriuant enim Stir ex montibus ad
 Olesko, vnde & Bug & alia complura flumina. Quia tamen ab illa
 regione decurrit qua Tyra prater meat, rectè Stir, id est à Tyra de-
 manans, litera s addita, nuncupatur. Ad hoc flu. sita sunt oppida:
 Czartorisko, Manaster, Peremil, Beresteczko, Strzemil.

Sytomirz 51. II. 50. 9.
 Skala alia 50. 3. 48. 7. ad Zbrocz flu.
 Sbarafz 50. 6. 48. 7. Colonia ducum Sbarasio-
 rum. Floret nunc ex ea gente Palatinus Trocensis.

Sienica 51. 9. 46. 9. vbi & pagus Boncza.
 Etenim pro signo militari hac gens gerit monocerota, quod Bon-
 cza vocatur more patrio. Floruit ex ea gente nostro auo Nicola-
 us Sienicius vir consularis & eloquens, deque Repub. Polona o-
 ptimè meritis, constantia admirabili. Cómemorantur nunc fre-
 quenter eius consilia & orationes habitæ ad Regem & Senatum.
 Szatanovv ferè in via qua itur Kaménecia ex Tarnopole. Septem

DESCRIPTIO

milliaribus inter vtrunque urbem sita.

SIENIAVA 50. 12. 40. 9. Clarissima colonia Sieniauiorum sedes suas hîc habet. Cuius iuuentus veluti murus obiecta contra Tartarorum irruptiones semper sese opponebat. Floruerunt nunc duo Palatini Russiæ ex ea gente, Pater & filius successiue.

Sczmielovv 51. 5. 46. 2.

Sczebrzeszin 51. 9. 46. 9. Iurisdictionis Regiæ fuit quondam, sed in donatium celsit Demetrio de Goray.

Stepan 50. 6. 50. 9.

Sokal 51. 3. 41. 8. à quodam Duce Sokal fundata & denominata.

Strumien 50. 9. 41. 8. riuum significat, eò quòd Istula paulò vltra hoc oppidū oriēs mediocri alueo istac pererrat.

Sola flu. 50. 8. 42. 9.

Skauina flu. 50. 8. 42. 9. Est & oppidum Skauina ibid.

Szorstin 50. 2. 43. 3.

Sluzovv 53. 42.

Smigrod 50. 5. 48. 8. Stadniciorum clarissima colonia & locus natalis, vide Srzeniaua.

Sedziszovv 50. 7. 44. 8.

Stryzovv 50. 7. 44. 8.

Sloczovv 50. 4. 47. 8. Amplissima hæreditas, ad Olesko quondam pertinebat.

Samaide 51. 12. 44. 4.

Scandia, descriptionem eius vide ab initio.

Savvran flu. 50. 4. 51. 12.

Syvinigrod flu. 50. 4. 55. 6. Sedes olim Ducum Rus.

Sniatyn 40. 49. Vltima præfectura in ipso aditu Valachiæ.

Seret flu. 40. 49.

Seret 49. 50. ciuitas.

Seret flu. Aliud Seret Podolicum, ad quod est Zalofce, Czernichovv & Hnieziola. Flumini iungitur infra Trebovva.

Sarnie pole 50. 52. sunt campi: Vloczysko vocant.

SZLAK Sunt itinera vsitata Scytharum, quibus infestare solent terras Russiæ fertilissimas & etiam Podoliam. Et numerantur tres præcipui: vnus Kuczmienski, alter Czarny szlak, tertius Valachicus, quos non piget hîc describere. Et certè si quid laude dignum præstitit Magnificus vir Ioannes Sienienius in hac lustratione, istud sanè quòd hæc itinera accuratè descripsit & depinxit numero mil-

POLO. LITHVA. RVS. PRVS.

mero milliariorum adiecto, non modò vtile, sed etiam valdè pi-
um op^o perfecit. Nam si Imperator Antonius Pius Pii nomen me-
ruit, quòd libellum confecit quendam in quo vias descripsit quæ
ducunt Roma ad nationes barbaricas, vt captiui Romanorum il-
lo æuo scirent & nosse possent qua redeundum sit in patriam, si for-
tè contingeret eis ex manibus hostium sese euoluere: certè non mi-
nus encomium meritis est noster Ioannes Sienienius, quòd hosce
szlak dicticos in iis tabellis expresit. Audimus enim de multis ca-
ptiuis qui apud Scythas aut Turcas detinebantur, quòd cum pos-
sent se interdum ex catenis ipsorum euoluere, tamen ob solā igno-
rantiam itinerum reditus in patriam, maluerunt duriorē morte
seruitutem perferre, quàm profugientes ex ergastulis eorum in so-
litudinibus oberrare, aut à feris deuorari. Porro ex istis descripti-
onibus lustratorum, quilibet potest sibi notitiam comparare illo-
rum itinerum, vt si fortè domino Deo permittente quidpiam tale
ei contingat, scire possit quo est egressus loco, & quem portum te-
nere debeat, compendium quærendo suorum malorum.

Kuczmieński szlak.

Primò Leopoli ad Szaravvka nota sunt itinera. Ex Szaravvka 20.
milliaria ad vadum fluminis Kuczmien, à quo etiam hic szlak de-
nominatur. A Kuczmien ad Kodima fluminis vadum 10. milliaria,
à Kodima ad Savvran 4. milliaria. A Savvran ad Czapczaki 10. mil-
liaria. Inde verò Oczakouium 8. sunt Russica multò maiora quàm
Polonica. Ideo vni gradui decem milliaria forsàn respondebunt.
Polonica verò 15. Ista via est compendiosior omnium.

Czarny szlak.

Leopoli Sokalum 12. milliaria, Sokalo Luskum ad Stir 12. millia-
ria, Lusko ad flumen Horin 11. milliaria, ab Horin ad vadum Slucz
per Zaszlavv & Polonne 10. A Polonne 40. Kiouiam. Eritque à si-
nistra oppidum Cudniou, à Kiovv Kanioouum 16. milliaria. A Ka-
niovv Gzerkasium 15. A Czerkasy ad Porohy 12. milliaria. A Po-
rohy Tomakovvka 11. Inde Torhouistiam 6. Hic iam Scythæ nau-
giis dilabi solent per sinum Borysthenis vsque Oczakouium vel
quòd lubet.

Szlak Walachicum.

Per Buczac, Skala, Zynkovv, & summitates fluminum Vszycá,
Dzvvan, Ruzaua, inde per Valachiam, aut per campestria littoris
Tyra: milliaria in tabula adscribentur.

De custode

DESCRIPTIO

De custode transituum seu szlak.

Hicce transitibus vnus speculator vir nobilis expertæ virtutis præficitur, qui vocatur custos trium szlak seu viarum tritarum. Hic per se & per homines induitrios & vitæ suæ minimè prodigos vario ingenio nauiter motus, & machinationes hostium inuestigat, & vbi relictuerit de hoste, præsidibus arcium & duci belli campestris renunciat, qui dato signo, relictis copiis confestim occurrunt eosque adoritur. Atque ita Podolii noctes ac dies bello continuo vitam totam transigunt. O viros omni genere premiorum dignos.

Sina voda 49. 10. 54. 5. Est restagnatio quædam maris ad ostia Borysthenis. Hac Scythæ nauigiis subuehere se solent, & tandem in nigra sylua latitare, donec omnes conueniant. Inde à nigra sylua dicitur Czarny szlak. Mare illud est tranquillum & ab iniuriis procellarum tutum, ita vt etiam in eo folia nimpheæ sicuti fit in aliis lacubus paruis excrescant, & supernatent aquæ. Et differt Sina voda à mari mortuo, in quo sal veluti glacies tenuis supra aquam innatat, & est admodum subtile. Hoc situm est ad Prekop, vbi illa fossa à mari cernitur ad mare.

Sylua nigra 49. 12. 54. 1.

Stare Siolo 50. 12. 42. ad Gologury.

Stripa flu. 50. 1. 48. 5. Tyram versus tendit non procul à Podhaice.

Sotharab flu. 52. 54. ad quod Syromyrz in Borysthenem illabitur.

Smotricz flu. 50. 49. ad hoc est Grodek, Kamenec & arx deserta Smatricz.

Szaravvka 49. 8. 50. 8. in summitate fluminis Vszica. Domicilium fuit Bernhardi Pretuic bellatoris illius clarissimi qui filium reliquit dotibus animi eximiis ornatum.

Stolpien 50. 8. 47. 6.

Strzemyl 50. 8. 48. 6. Lasczonum qui dicuntur Strzemielecki. Inclaruit iam diu rebus bellicis dominus loci illius Stanislaus Lasc.

Sczurouice 50. 47. 7.

Sluck flu. 52. 50. oritur non procul à Czarny ostrov, Zborna Mogila versus.

Sula flu. 49. 55. è regione Chorcyca insulæ, in quod columnas iniecisse dicitur Rex Chobry, non procul à cataractis, sed Zula à Cromero vocatur.

Somar flu. 49. 1. 54. 10. Paulò inferius quàm Sula. Vide

POLO. LITHVA. RVS. PRVS.
la. Vide infra in Topographia ostiorum Borysthenis.

T

TORVNIA 54. 1. 42 8. Vrbs celebris in ipso aditu Prussiae. Situs Gedani & Tiblingæ Toruniæq; triquetram figuram efficit, sed Torunia salubritate aëris & decore, primo intuitu duas illas superare videtur. Vnde in prouerbum abiit apud Polonos maiores: Rubes vt Torunia. De eius origine vide historiam nostram.

Tang flu. 56. 9. 45. 6.

Tapia 55. 7. 44. 8.

Ticzinum 54. 1. 42. 8.

Tur flu. 53. 8. 53. 3. insigniter piscosum.

Tustan 46. 49. Oppidum in ipso limite Poloniae & Hungariae. Propterea Tustan significanter, id est, hinc sistegradum appellatur. Exemplo noto à columnis & gadib. freti Herculei. Vnde symbolum affigitur: NON PLUS ULTRA.

Tyszovce 51. 1. 46. 10.

Tanevv flu. 51. 5. 43. 3. cum Tanai flumine nomen commune habet.

Tvvardoszin 50. 1. 41. 12.

Tur stagnum 51. 42. nobile, vbi Przypiecz flumen scaturit, ad pagum Holovvno. Ibidem Turia flu. vbi Ratno.

Tismienica flu. 48. 6. 52. ad Torhouistiam in Borysthenem sese infundens.

Torhouistia 48. 6. 52. significat nostra lingua nundinationes, eò quòd ibi negociatorum emporium nobile admodum fuit, dum starent res Russorum & Græcorum. Est & in Valachia aliud Torhouistia.

Tarnauatka flu. 49. 52.

Tismien flumen 48. 6. 52. aliud quàm Tismienica, nam hoc ad Borysthenem ad Torhouistiam, illud ad Axiacum vel Hypanim.

TECZIN 5. 50. 12. 42. 12. Domicilium natale Illustrum Comitum à Theczinum. Produxit hæc domus viros excelso & regio animo præditos. Proinde hoc peculiare habet, quod à ducentis annis nunquam à subselliis Senatoriis recessit, sed aut Palatinorum, aut Castellanorum munere fungitur. Ludouici Regis temporibus Topororum trecenta vexilla in quadam bellica expeditione censa fuisse dicuntur. Signum gentis est bipennis quod veteri & recepta consuetudine STARZA ideo vocatur,

G

quod

DESCRIPTION

quod antiquissimum sit signum. Nam quidam eius originem ad tempora Boleslai Kriuousty referunt, quidam ad Miecislauum vsq; qui primus Christo nomen dedit, quidam autem aboriginem ipsorum vnum ex duodecim illis Palatinis primis fuisse tradunt. Auctores habeo.

| | | | | | |
|--|-----|-----|-----|----|---|
| Trebovula | 49. | 12. | 48. | 7. | |
| Tehinia | 49. | 6. | 51. | 6. | Arx ad Bialogrodum, |
| quam hoc anno Kozaki Nisouii acerrime oppugnarunt. | | | | | |
| Tubarcza | 48. | 6. | 52. | | |
| Troki | 55. | 7. | 40. | | Sedes istic fuit Lithvvaniae Ducum, ante conditam Vilnam. |

TARNOVV 50. 6. 44. 11. Domicilium natale Illustrium Comitū à Tarnovv. Multa autem memorabilia temporib. Jagellonis & Vladislai tertii gesserunt atavi Tarnouiorum. At Ioannes à Tarnovv nostra memoria suae famae splendore praecessorum suorum lucem superasse videtur. Hunc hominem Sigismundus Rex tanti fecit ut post illam memorabilem victoriam de Valacho partam ad Obertinum, binorum grossorum in iugera contributionem publicā ei decreuerit, qui honos antea nemini quod sciam habitus fuit. Antiquitate quidem totum genus humanum adaequatum sibi est. Sed si tempus illud respicias quando quis è tenebris emerfit heroicis factis, Tarnouii Teciniis hac in parte pares habentur. Attamen Theciniis hoc nomine aliquid sibi deberi volunt, quod veluti aborigenes ex stirpe Polonorum prodierint. Tarnouii autem aliunde huc appulerint. Hanc differentiam quidam statuunt. Non ignoro tamen Stanislaum Orichouium, cui in hoc multa debentur, voluisse probatum facere, Leliuam signum Tarnouiorum hīc quoque in Polonia, & ex Polonis originem suam traxisse.

Tomakovvka 49. 54. Insula est in Borysthene, inter Tesmien flumen & Fcfsinum, quod ex Nigra sylua demanat, vbi Nisouii Kozaki tanquam in arce fortissima habitant confidenter. Etymon Thomakovvka à Thomos videtur esse nata. Nam Thomitanis forsan, vbi Ouidius exulabat, obnoxia fuit. Trhobies flu. ibidem è regione Cerkasy est sita.

| | | | | |
|-------------|-----|-----|-----------------------------|----|
| Thlumacz | 49. | 49. | | |
| Tarnopole | 50. | 48. | | |
| Tohoro flu. | 52. | 54. | ad quod Sytomirz, Cudniovv. | |
| Turobin | 51. | 5. | 44. | 6. |

VILNA

V

VILNA 55. 9. 49. 6. Vrbs insignis & ampla, Litvva
niæ metropolis, à Gedimino duce fundata anno domini 1321. ad
confluentem fluminum pulcherrimorum Vigiliæ & Vilnæ, muro
verò cincta ab Alexandro Poloniæ Rege 1505. Hæc nobis & Vn
garis Boëmisque magnam seriem Regum edidit. Vbi nunc est Vil
na, Igliones populi à Ptolomæo collocantur, qui ab Ouidio Gelo
nespecti vocantur, eò quòd variegata & polimita veste libenter
utebatur ea gens, sicuti nunc septemtrionales populi Moschi
morem veterem retinent. Summæ nunc autoritatis est apud Vil
nenses Eustachius Volouicz, non modò hoc nomine quòd sit eo
rum Castellanus & Cancellarius, sed quod eum propter eximias
virtutes & opinionem summæ prudentiæ instar patris patriæ amāt
& colunt. Non vidit ille Germaniam nec vnquam aspexit Italiam
Galliamue, sed tamen & Germani & Itali, & qui modò veniunt in
aulam Regiam, habent in eo quod mirentur & suspiciant.

Eustatius Vo-
louicz Castella
nus Vilnensis.

| | | | | | |
|-------------|-----|----|-----|-----|--|
| Varmia | 55. | 5. | 42. | II. | Vide Bransberg. |
| Venedie | 55. | 5. | 42. | II. | |
| Vilka | 53. | 6. | 47. | 6. | |
| Valrcz | 54. | 5. | 39. | 10. | |
| Vfcie | 54. | | 40. | | |
| Viecborg | 54. | 2. | 41. | 3. | |
| Vandeburg | 54. | 4. | 46. | | |
| Vasofche | 54. | 9. | 46. | 2. | |
| Volkomiria | 54. | 2. | 46. | II. | |
| Basiliski | 54. | 8. | 39. | II. | |
| Vilgia flu. | 51. | | 50. | | ad Ostrog decurrit. |
| Vlanovv | 51. | 8. | 51. | 8. | Scytharum municipium quod Sieniauii fundarunt ad obsequia sua. Nam eis commilitant vbi datur signum. |

VISTVLA flu. quod & Istula, Vistillus, Vandalus à veteribus
vocatur. Flumen est valdè amœnum, & multos populos iam ad
hos, iam ad illos veluti eleemosynaria materfamilias consultò di
uertens ditat sua opportunitate. Hæc mediam Sarmatiam pera
grando lambit, & oritur ex montibus Sarmaticis vltra oppidum
Skoczovv & Bielsko gradu 50. minuto tertio, 45. 9. & tandem se
ptemtrionem tendit, arcus figuram efficiens. Antequam autem
mari mergitur, capit in se quinquaginta flumina iustæ magnitudi
nis, quorum bona pars est nauigabilis, ex quib. duo nobiliora in
fra Varzauiam sese ei associant: Narua inquam & Bug. Et cum in
simul veluti

DESCRIPTIO

simul veluti peregrinatura ad sinum maris Baltici iter arripiunt, rursus aliquot ante Gedanum milliaribus, non secus ac filis quædam inter ea coorta esset, inuicem à sese dirimuntur. Nam vnum illorum Elblingam, veluti inuento proprio meatu, quod ante defuerat, aliud medium petit. Vistula verò ipsa artificiosè deducta suo alueo, quem nostri Lenivka vocant Gedanensium vrbs muros alluens, in mare sese è conuersò demisso murmure exonerat. Hinc fabula nata est de dissidio trium Nympharum, quæ cùm initio concorditer itineri sese commisissent, tandem ad Gneuum oppidum ira exitiali inter eas coorta (nam & Gneuum iram significat patria lingua) amicitiam soluunt, & alienatæ à se diuersum diuersæ petunt.

VARSAVIA 53. 8. 44. 4. sedes olim & colonia Auarinorum populorum creditur fuisse, quod & loci vicinitas, & sonus cognominis indicat. Pons per Istulæ vastitatem ab Augusto Rege, ante decennium præadmirando genere structuræ fabricatus, vrbs admirationem auget. Consilium & institutum ædificandæ tantæ machinæ ex hoc epigrammate æri inciso, & frontispicio portæ affixo facile patet.

Inscriptio pontis Warsaviensis.

Ne pontem publicium
Superbo sumptu, atque arte admirabili
A Sigismundo Augusto, Rege inchoatum
Et à se post eius mortem
Consimili opere perfectum,
Repens vicina suburbanorum
Malè cautorum tector flamma
Nec opinatè merè corripere
Correptumque in fauillam redigeret:
ANNA Iagellonia Poloniæ Regina
Magnorum Regum: coniunx, soror, filia,
Hoc lateriti propugnaculi sepimento tutiss:
A fundamentis excitato
Muniendum curauit.

Anno Christi Dei nostri MDXXCII.

WRATISLAVIA 53. 5. 39. 6. vrbs præclara
focia & soror Cracouiæ ob continuas negociationes, & quod colonia Polonorum fuit olim.

Vierus 52. 4. 40. 12.
Vielun 52. 2. 40.

Vnieiovv

POLO. LITHVA. RVS. PRVS.

| | | | | |
|----------|-----|-----|-----|----|
| Vnieiovv | 52. | 12. | 40. | 8. |
| Viazd | 52. | 9. | 44. | 4. |
| Volborz | 52. | 8. | 42. | 8. |

Varka 52. 9 44. 4. vbi situm est oppidum
Varka Ptolomæus Burios populos ponit. Et certè vox etiam ip-
sa declarat Burios & Varenfes, Bin V vsitato more verso, non mul-
tum à se distare. Varka igitur inter antiquissima municipia Polo-
niæ collocanda, sicuti & Sroda & Sobota.

| | | | | |
|--------------|-----|----|-----|---------------------------|
| Vrzedovv | 51. | 5. | 45. | 5. |
| Visloka flu. | 51. | 1. | 44. | 2. |
| Vislok oppi. | 50. | 5. | 44. | 5. |
| Viar flu. | 51. | 4. | 45. | 7. cum Vislok confluit ad |
| Lancud. | | | | |

Visnia 50. 3. 64. 2. vbi comitia fiunt Russi-
cæ nobilitatis.

Vag flu. 49. 9. 42. 2.
Vldoue ieziro 51. 6. 50. 6. Russii Ouidii lacum huc
fuisse dum exularet, asseuerant. Est quidem nominum non parua
affinitas. At certum est Ouidium in vrbe Thomitana ad ostia Da-
nubii exulasse: nisi fortè reditus annui istius lacus à Romanis in so-
latium exilii ei attributi erant. Nam sal Scythicum ex aqua illius
lacus conficitur. Vide lib. 3. Annalium nostrorum.

Vilhora 51. 6. 50. 6.
Visniouiec 51. 10. 46. 6. in arduo monte. Et
est colonia nataleque solum Ducum Visnieueciurum quorum fa-
ma & decus bellicarum virtutum impleuit Europam, ita vt vbiuis
etiam in pagis agrestes cantilenis eos celebrent. Locus ibi mon-
stratur pugnae cum Tartaris & victoriae Polonorum.

Vhrovvsko 51. 9. 47. 5. Reius in suo libello hu-
ius gentis stirpem à Ducibus priscis Russis deriuat. Quæ sententi-
a comprobari potest priuilegiis Vrgonis aborigenis ipsorum qui
fundauit Wladicatum Chelmensem & pleraque alia.

Vinnica 51. 1. 51. 11. præfectura in aditu Scythiæ.

VISNIC 50. 43. Floruit hæc domus supra modum,
regnante Sigilmundo primo sacratæ memoriæ Rege, postea mor-
tuo Ioanne Kmita labascere cœpit, sed spes est iterum pristino ni-
tori restituendam egregii & loco excelso nati iuuenis I. N. Barzii
nepotis Theciniorum ex sorore, qui nunc est dominus arcis illius.

VCHANIE 51. 46. Domicilium spectatæ nobilita-
tis. Ex hac gente nostra ætas habuit duos Senatores præstantissi-
mos: Arnolphum Vchanium Palatinum Mazouiæ, & Iacobum V

DESCRIPTION

chanium Archiepiscopum Gnesnensem regniq; primatem, virum expediti ingenii acerrimumq; prarogatiuarum ecclesiasticarum defensorem.

Vysokie 51. 5. 44. 6. Petri Cassouii senis amœno ingenio præditi oppidum. Hic est nunc Iudex terræ Lublensis.

X

Xisze 51. 5. 44. 4. Kriuoustii Regis temporibus fuit istic Ducum sedes, quod & nomen oppidi Xisze indicat. Nam lingua nostra patria Xisze Ducem vocamus. Hic captiuum illum Ducem Haliciensem in Poloniam deportauerat. Vnde tragoedia magna secuta fuit bellorum.

Z

ZAMOSTIA 51. 6. 46. 7. Domicilium vetustæ gentis Szariorum, qui nunc Zamoscii dicuntur. Arx fuit vetus in firmissimo loco, & refugium ab incursionibus Tartarorum, patris Castellani & auorum memoria. Nunc demum à fundamento muris eductis, propugnaculis institutis, oppidoque nouo adiecto non minus ad elegantiam quàm ad sustinendos quosuis hostes ab integro excitata, opera & sumptibus Illustris & Magnifici domini Ioannis de Zamoscie. De hac re luculentius testatur inscriptio tabulæ marmoris nigri, frontispicio ædificii ibidem affixa, quam ego describendam curauit.

IOANNES DE ZAMOSCIE REGNI POLONIÆ CANCELLARIUS, exercituumque Dux supremus, & Cracouiensis, Mariemburgensis, Belzensis, Cnissinensis, Mediricensis, Cresouiensisque Præfectus. Dum bello Serenissimi STEPHANI Regis cum Ioanne Magno Duce Moschorum, pro debita in patriam pietate, nec sumptibus, nec laboribus, nec vitæ parcat, innati quoque erga patrios lares amoris, hoc monumentum excitari curauit.

ZDROIOW 50. 6. 45. Thomæ de Zdroihov Capitanei Premisliensis maiorum domicilium natale, qui omnibus bellis Stephani Regis non modò interfuit, sed etiam magnâ ex parte præfuit, & Oratorem egit ad Christianissimum Regem Galliarum, & ad potentissimum Imperatorem Turcorum.

Zalesie 50. 4. 44. 4.

Zaslavv 51. 3. 49. 9.

Zukovv 49. 2. 48. 1.

Zelechov

P O L O. L I T H V A. R V S. P R V S.

Zelechovv 55. 43. 5. Locus natalis spectatæ stir-
pis Ciolkonum.

Zarnovv 51. 4. 42. 7.

Zinkovv 50. 50. Arx in Podolia sed neglecta.

ZBOROVV 51. 4. 44. 4. Zborovv arx mura-
ta elegans, estque domicilium natale Magnificorum dominorum
de Zborovv. Produxit hæc domus Senatores magni nominis no-
stra ætate. Martinum Zborouium Castellatum Cracouiensem ani-
mi & corporis celsitudine virum conspicuum. Petrum Zboroui-
um filium eius Palatinum Cracouiesem & Capitaneum, Ioannem
Zborouium Castellatum Gnesnensem, qui Præfectus summus co-
piarum fuit in pugna Derfauienfi, Andreæ Marsalcum curiæ. In
summa quotquot noui, & quotquot ex sororibus eorum prognati
sunt, omnes ad magnas res gerendas nati esse videntur si bellum
moueretur, & classicum caneretur contra Christiani nominis ho-
stem.

Zolkievv 51. 5. 44. 6. Locus natalis amplissimæ
stirpis Zolkieuiorum, quorum virtus bellica enituit in bellis Pru-
tenicis, & antea Tartaricis, Moschouiticis. Horum nunc columen
Stanislaus Zolkieuius Palatinus Belzensis eodem æuo fuit.

Zydaczovv 43. 47.

Zary 50. 19. 41. 7.

Zator 50. 10. 40. 5.

Zabno 50. 12. 43. 10. oppidum.

Zohad 49. 7. 44. 2.

Zula flu. 50. 6. 50. 6. non Sula ad orientalem ripam
Borysthenis, ad cuius ostia in confluentem Rex Boleslaus Chobri
columnas ferreas pro gadibus finium Sarmaticorum post continu-
as victorias victor iniecit: ego quoque hîc descriptionis huius fi-
nem facio.

SITVS ET AMBITVS LIVONIAE PROVINCiarVM QVE AD FLVMEN DVNAM SITARVM, *à tyrannide et metu tyrannidis Moschi liberatarum, Stephani Regis Poloniae virtute, felicitate et perseuerantia, exercitusque eius.*

Iuxta itinerarium exercitus Polonici redeuntis ex Moschouia.


| | A | | |
|---------------|---|-----------------------------|---|
| | Latitudo gradus minuta. | Longitudo gradus minuta. | |
| Amoza flu. | 59. 9. | 54. 6. | à Derpt ex lacu virtsz oritur & defertur ad Lacum Peibus, qui Plescouiam alluit. |
| Adsel | 59. 6. | 58. 12. | |
| Altenturm | 69. 8. | 50. 6. | |
| Adoba | 62. 10. | 52. 10. | |
| Aiz | 61. 4. | 51. 6. | ad flumen Ambda. |
| Ambot | 61. 45. | | Portus Findlandiae. Ibidem & Amboten, ab eo loco non procul traiectum in Svvetiam cuius maris est 81. milliarium distantia. |
| Ascherat | 57. 3. | 49. 5. | |
| Adensko lacus | 62. 56. | | Septemtrionalis admodum, vnde Nothburg vicina ei. |
| Arensborg | 60. 43. | | in insula Ofsilia. |
| Aries | 58. 11. | 49. 2. | |
| Agatyrsi | hos populos, veteres prædiuites & beatos hoc potissi- mum nomine censebant, quod solis inter mortales, diuitiis uti abs- que inuidia & æmulatione aliorum datum sit. Hos eo ferè loco statuebant vbi est Kokienhaus & oppidum Tyrscn, quod appellati- onem priscam adhuc videtur retinere. Sed & Kokienhaus audio locuplerem esse præfecturam. | | |
| Ambde | 61. 51. | | Obseruabis quod Germani Lubecenses occupata Liuonia, nomina locis indiderunt petita à regione vici- na. Lubecensibus notum est nomen Ambde non procul Lubeco. |

B
Berholm 61. 5. 51. 5. Arx in Haria quam rex
Suecorum intercepit, non procul à Reuel.

Bialy kamien

SITVS ET AMBITVS LIVONIAE AC PROVINCIAE ADELVMPH DVNAM
SITAR A TYRANNIDE MOSCHI ET METV TYRANNIDIS LIBERATARVM
educatione & perseverantia

SITVS ET AMBTTVSLIVONIAE AC PROVICIAR AD ELVMPH DVHAM
SITAR A TIRANNIDE MOSCHI ET METV TIRANNIDIS LIBTRATAP^x
eduratione & personerana



LIVONIAE

| | | | | | |
|------------------------|-----|-----|-----|-----|--|
| Bialy kamien vocat. | 60. | 8. | 49. | 10. | Germani Vitenstein |
| Berle nis Treidera. | 58. | 3. | 49. | 10. | ad scaturiginem flumi |
| Berle | 59. | 6. | 48. | 10. | ad Sedvve profluētem. |
| Berſon | 57. | 7. | 49. | 12. | non pcul à lacu Ludan. |
| Bavvsko | 56. | 6. | 47. | 6. | in ſumitate flu. Duldera |
| Blokaus | 57. | 12. | 47. | 5. | Blokaus propugnacu- lum ad Rigam nouiter excitatum, nam Dinamont ab altera eſt par te, remotius quàm vt nauium curſum ei aculatione aſſequi poſſit. Berſari in Curlandia. |

C

Curlandia 56. 46. Nobiliſſima prouincia & noſtra æta
te magis dilatata finibus extentis, & in formam prouinciæ à Regi-
bus noſtris redacta. Habet mare proprium, quod Curlandicum di-
citur, habet & inſulam & portum qui Curisferunk vocatur. Præ-
rat huic Ducatui Auguſti regis temporib. Gottardus Kiethler, cu-
ius opera in bellis Liuonicis vtebatur. Commendatur à Polonis à
fidelitate, & quòd in ea expeditione erga eos officioſus fuit. Hu-
ius filius etiam captiuitatem pertulit dum Picczary animoſius
cum noſtris oppugnat & pro honore Regis ſtrenuè dimicat. Ter-
minatur autem Curlandia à meridie Samogitia, à ſeptemtrione
mari Liuonico, ſed ſi addas Semigalliam, quia vtrunque poſidet,
tum flumine Duna, à Bavvsko ad Memel ducta linea.

Coralia 62. 51. Prouincia quædam diues admodum. Et
ſignificat lingua Moſchica regiam terram. Nam Korol illi regem
vocant. Eam enim ſibi Rex Sueciæ vendicat.

Cremon 59. 5. 48. 3.

Cafterhelm 61. 46. ibi eſt traiectum in Suetiam ex Finlan-
dia: cuius diſtantia eſt 81. milliarium.

D

Duna flumen 57. 55. noſtri vocant Dzvvina, veteres
Rubonem appellarunt. Præterlabitur Vitepsko, Polocko. Recen-
tiores ſcribunt eum oriri ex Seueria prouincia Moſchorum, ferè
ex iisdem paludibus ex quibus aſurgit Boryſthenes, gradu 56. 57.

Duneburg 57. 4. 51. 11. ad Dunam flumen Cur-
landiam verſus.

Dunamund 58. 48. 2. Arx in oſtiis fluminis Dunæ
in ripa ſeptemtrionali Oſſiliam verſus, à Riga duob. milliaribus,

H

propugnaculum

DESCRIPTION

propugnaculum fortissimum, cui praesidia Polonica imponuntur ob maiorem securitatem negociatorum & ipsius urbis Rigenfis. Lithuani Diamant vocant.

Derbt 59. 7. 49. 10. Torpatum latine vocamus. Episcopatus fuit amplissimus. Memini & ipse in Concilio Tridentino postremo adfuisse Episcopum Torpatoratensem. Capta haec fuit urbs a Moscho 1558. sed a nostris 1582. de manu hostium meliore successu vindicata quam si illa vice, ante viginti annos post expeditionem Posuolensem, a Cruciferis in manus nostrorum deuenisset. Nunc enim Imperium iure conqueri non potest, fines eorum esse attrectatos, cum ex faucibus ipsis hostium bolus hic ereptus sit.

Drissa, Druia, 57. 8. 52. 2. Errauit toto coelo author tabulae in qua depicta est Polonia. Nam situs fluminis Dunae, istarumque duarum munitionum pugnat cum vera supputatione milliarium & experientia ipsa. Quare error hic corrigendus est eo modo ut iam vides.

Duldera flu. 57. 47. in meditullio ipsius Curlandiae, supra quod Mittovv urbs primaria Ducis.

Durben 57. 45.

Doblin 57. 3. 46.

Dageden 60. 7. 46. infra Haspaliā insula socia Ofsiliae.

Dan 60. 7. 46. inter Ofsiliā & Liunioniam parua insula.

E

Estlandia 59. 49. Est prouincia in Liunionia quae inter sex alias numeratur. In hac Torpatum est situm.

F

Felin 60. 1. 48. 11. Germanice per W scribitur Welin. Arx est in Estlandia bene munita in qua Wilhelmus Furstembergius a suis militibus Moscho fraude proditus fuit, & in Moschouiam auctus. Vbi etiam in vinculis exspirauit.

Falkenhaus 59. 11. 56. 5.

Fegfeur 60. 11. 49. 6.

Fenenburg 57. 6. 43. 6.

Fines Samogitiae, vide Samogitia.

Fines Curlandiae, vide Curlandia.

Fines Liunioniae Polonicae & Suedorum ditionis est ferè paralelus sexagesimus,

LIVONIAE.

sexagesimus & occupant ferè totum Venedicum sinum ab vtraq;
ripa.

G

Gotlandia 60. 45. Molotius Geographus Venetorum
exponit esse dictam non à Gotthis, sed ex Germanico, quasi dicas
optima terra.

Grobin 56. 9. 46.

Gotlingen 57. 4. 45. 7. ditionis Curlandicæ sicuti
& Grobin.

Geruelandia regio hæc mari adiacet, septem milliaribus in latum
& longum.

H

Haspalia 61. 47. 7. sedes fuit Episcopi Hapsalensis.
Inter hos motus Magnus frater Regis Daniæ eam sibi vsurpauerat
titulo Episcopat⁹ sicuti & insulam Ofsiliæ. Sed qui insulis illis dua-
bus dominatur, potest in arctum adducere omnes Liuoniæ portus.
Ferunt autem Danos libenter insidiari talibus locis, ex quib. pro-
pter angustos transitus, nauigantibus nocere possint. Qua etiam ra-
tione sibi plurimum placent, quòd veluti ianitores portuum esse
volūt. Ferunt autem iam hoc anno illas duas insulas in potestatem
nostrorum deuenisse.

Haria prouincia vna ex sex ducatibus Liuoniæ. In ea sita est Reue-
lia, Badis, Feguerg.

Hochrosen 59. 3. 49. 1.

Helmet 56. 6. 43. 4.

Herschenfort in Finlandia ex opposito arcis Kolek.

Hochland 61. 53. insula è regione Naruæ in Venedico sinu.

Hassenpot 57. 45. in Curlandia.

I

Iuanovv horod 61. 10. 53. 6. Arx munitissima ex
lapide secto excitata, & à nomine ipsius ducis Moschorum nuncu-
pata, æmula Naruæ. Est enim ei opposita ne qualibet occasione ar-
repta rebellare queat. Etenim est moris Monarchis, aliquas muni-
tiones talibus vrbib. ob certos respectus adicere, nimirum vt in-
gredientes & egredientes vrbe semper habeant quod vereantur.
Eodem cōsilio Moschus Narua potitus hanc arcem erexerat.

Iamna 61. 7. 54. 9. Arx munitissima ad flumen
Plossa aut Iuga, septemtrionalior inter omnes Liuoniæ arces. Di-
stat ab Iuanovv horod 12. milliaribus. Ab hac rursus Polna flumen

H 2 26. milliaribus

DESCRIPTIO

26. miliaribus extenditur, ad cuius ripam arx Oresssek sita est, dis-
limitatque Suetiam à Moschouja. Nos hîc ex altera pagina pictu-
ræ consignauimus.

Iuga flu. 61. 54. à Nouogrodia tendit etiam Naruam ver-
sus, & auget Naruensium diuitias.

Iurgenburg 58. 8. 48. 12.

K

Kokenhaus 57. 4. 49. 6. Vide supra Agatyrsi.

Krissborg 57. 4. 50. 5.

Karkus 59. 9. 48. 3.

Kies 60. 48. Arx ad quam memorabili cla-

*sapia dux bel-
li.* de profligati sunt Moschi, duce exercitus N. Sapieia Lithvvano,
*sapia procanc-
cellarius.* non procul à Parnaua in Estlandia. Alii Kies dicunt vocari Wen-
din. Huius Sapiæ frater Procancellarius est magni Ducatus. Vir
supra ætatem, prudentia & eloquentia admirandus.

Koralia vide Coralia per C.

Kolek 61. 8. 50. 9. Arx

Kirchholm 57. 8. 48. 6.

Klein Rop 59. 8. 48. 3.

Keremp 59. 6. 50. 10.

Krasnygrodek 59. 7. 52. 11.

Kavvelicht 59. 10. 49. 7. significat eme candelam.

Et reuera candelis ibi op⁹ est. Ibi enim dies iam hyeme noctescunt
& noctes æstate diescunt, propter vicinitatem Arctici poli.

Konckul 59. 7. 49. 4.

Koporeia 61. 12. 55. 12.

L

Leuard 57. 4. 48. 5. Arx ad flumen Dunam
octo miliaribus à Riga.

Laißlandia 57. 47. Liuoniæ veteris quinque erant
præcipui Ducatus: Estlandia, Curlandia cum Semigallia, Virlandia
vbi est Narua, Haria, & Laißlandia vbi est Riga. Istæ nunc fini-
to bello, anno superiore, in tres Palatinatus veluti tetrarchias à Se-
renissimo rege Poloniae Stephano primo descriptæ & in ordinem
redactæ sunt, legesque eis datæ, locus conuentuum designatus vbi
ius dicitur, deliberationes expediuntur, exemplo Prusiæ.

Lode vel Ledc 61. 7. 48. 7. non procul à flumi-
ne Leal. Pertinebat ad Absalensem Episcopatum. Hanc Gottard⁹
Kethler Dux Curlandiæ Suerensibus eripuerat, simulque aliquot
grandia tormenta ademerat.

LIVONIAE.

Luki veliki 58. 5. 56. Anno 1581. summa contentione & obstinata militum Polonorum pertinacia expugnata. Magna ibi strages & sanguinis effusio facta fuit, quæ nulla ratione vitari potuit, fatis sic irascentibus genti Moschorum, de qua re vide lib. 8. historiæ nostræ.

Louat flu. 58. 56. Præterlabitur Luki & miscetur lacui Ilmen ad Nouogrodiam.

Luden 57. 7. 50. 2. à stagno Luden dictum.

Luden lacus 57. 56.

Lande 57. 3. 49. 8.

Lutzen 57. 8. 51. 12. vbi Marcus Sobieski Signifer aulæ regiæ, miles strenuus, cum ad deditiōem Moschos nomine Regis stādo in equo sub mœnibus inuitaret, globo venenato detitus ita enorme vulnus retulit, vt malignum contraxerit Erysipelata, seu ignem sacrum.

Lancel 59. 4. 47. 11.

Lais 61. 51. 5.

Lode 61. 5. 48.

Liba 56. 45. 3. Libonis Nauarchi Pompei aduentu clara. Ibidem flumen Liba.

M

Marienburg 58. 10. 51. 11.

Molan 59. 3. 48. 11.

Marienhau 58. 3. 51. 9.

Mytovv 57. 1. 46. 11. ad flumen Duldera metropolis Curlandiæ.

N

Nouogrod 60. 6. 53. 6. Naugardum Germanis dictum. De situ & eleuatione harum regionum malè sentiunt Cosmographi tam Veneti quàm Margemburgenses. Nam eam longè septemtrionaliorem faciunt quàm distantia locorum & supputatio milliarium exposcit. Inde fit vt & paralellorum & meridionalium circulorum ambitum eis longè diuersum tribuant. Ego experientiam sequutus sum, prout nobis retulerunt milites, qui exanthlatis laboribus militaribus in Moschouia regiones illas peragrarunt. Habui etiam præ oculis picturam & itinerarium supremi ducis copiarum Magnifici domini Ioannis de Zamostia quam mihi accomodauerat. Et puto me ad veritatem ipsam propius accessisse. Descriptiones Nouogrodia omitto, cùm vbique apud autores occurrant.

DESCRIPTIO

current. Alluit eam stagnum nobile Ilmen, quod excipit Louatum flumen. Sic & Iuga flumen.

Nitavv 58. 10. 48. 3. arx in Laiflandia.
 Narua 61. 11. 52. 10. Arx & ciuitas nominatissima ad flumen Naruam. Et est emporium celeberrimum, quo Plefcouienfes & Nouogrodienfes naues deuehunt mercenarias, & ditant urbem & ipsi ditantur. Eodem, ex toto Venedico finu deuehuntur merces. Hui⁹ ex aduerfo arx Iuanovv horod, Narua autem per medium interfluit. Est illa nauigatio commoda, tamen duob. milliariibus ab vrbe rupes quædam impeditam reddunt nauigationem. Refpicit Narua ferè ex aduerfo Findlandiæ urbem Wibur. Debuitque portus hic Naruenfis confecto bello Moschouitico cedere in brabium Regi Poloniæ. Sed rex Suecorum nolens sibi deefse, anteuertit. Obiiciebant noftri id commissum efse cõtra æquitatem & contra pacta conuenta, vrgebantque exemplum venatorum, apud quos flagitium est feram ab alio exagitatam & à canib⁹ defatigatam intercipere. Sed Suecus quibusdam euafionibus transitiones illas eludebat. Contra quem rex modestissimus summo iure noluit vti. Dedit hoc affinitati, dedit tranquillitati Reipublicæ Christianæ. Res tamen ad Senatum relata in aliud tempus discutienda reiicitur.

Neuel 57. 53. arx.
 Nevvmul 50. 10. 48.
 Naihaus 87. 48. 4. non remotè à Peczory.
 Neifchlos 58. 8. 52. 8.
 Nargen 61. 49. Infula ad Reuel quæ indicat suo nomine iter ad Naruam.
 Nothburg 62. 56. valdè septemtrionalis ad Ladensko lacum in Curlandia.
 Nemelovv 57. 46.
 Meifchlos 61. 5. 52. 11. in ipsis angustis lacus Peibas ex quibus Narua flumen exoritur.

O

OSSILIA 59. 49. infula pulcherrima in mari Liuonico. Eam cruce signati Daniæ regi prodiderunt. Qui potiuntur hac infula, de dominio maris illius præsumunt, & impedire nauigationes Liuoniæ possunt.

Orefsko 63. 59. ad flumen Pulno Koraliam versus. Tentata hæc Suecorum armis statim post bellum finitum inter Moschum & Regem. Distat ab Iamno 26. milliariibus. Polno flumen dislimitat Sueciam & Moschouiam.

LIVONIAE.

| | | | | | |
|---------|-----|-----|-----|-----|---|
| Olsen | 59. | 6. | 50. | 10. | ad lacum qui manat Peczury. |
| Ostrovv | 59. | 11. | 52. | 4. | arx ad flumen Velika, vbi exercitus regius praeludium felix & experimentum fecit virium suarum, antequam Plescouiam obsidione cingeret. |
| Opoczka | 59. | 1. | 53. | 5. | |
| Operpal | 60. | 8. | 50. | 11. | |

P

| | | | | | |
|--------------|-----|-----|-----|-----|---|
| Pleskouia | 60. | 8. | 51. | 8. | Descriptiones Plescouiae ubique apud autores occurrunt. Quomodo autem oppugnata à nostris & in angustum redacta lib. 8. historiae nostrae reperies. Distat à Riga 60. miliaribus & totidem à Polocko, quod & circino probare potes. A Torpato seu Derpt 21. à Narua 16. |
| Polock | 57. | 9. | 52. | 11. | regia quondam principum Rus |
| Polno flu. | 63. | 56. | | | ad hoc Oreslek est situm. (sua.) |
| Pskovvka fl. | 60. | 52. | | | urbem ipsam Pskovv permeat. Castra regia ad eundem profluentem metata erant. |
| Parnaua noua | 60. | 9. | 48. | 2. | ad littus fluminis Vbra. Cis verò flumen Haspaliam versus Stara Parnaua cernitur. |
| Pemburg | 57. | 10. | 57. | 10. | |
| Pebalgen | 58. | 1. | 49. | 10. | |
| Peczury | 60. | 3. | 51. | 9. | Monasterium insigne. |
| Porchovv | 60. | 5. | 53. | 11. | |
| Pirkul | 69. | 5. | 48. | 9. | |
| Peibus lacus | 61. | | 52. | | ex quo Narua demanat statim post Pleskouiam. |
| Proclud | 61. | | 49. | | in isthmo Finladiæ è regione Reuel. |
| Pades | 61. | 8. | 48. | 11. | |
| Piltten | 57. | 8. | 45. | 11. | ad Windæ fluminis ripam à Danis adhuc possidetur, sed liberatur. |
| Plen | 55. | 7. | 46. | 3. | |
| Parnaua flu. | 60. | | 48. | | |

R

Riga 57. 5. 47. 7. Vrbs amplissima opulentissimaq; metropolis Liuoniae. Huius altitudinem ferè eandem cum Gedano Geographus Venetorum facit, quem errorem correxi, & littus Liuonicum paulò altius assurgere feci. Constat enim urbem Vilnensem cum Gedano eandem latitudinis rationem habere. At Vilna Rigā euntes via septemtrionali quadraginta miliaria emittuntur

DESCRIPTIO

tiuntur, quæ duos gradus efficiunt & paulò plus. Itaq; duobus gradibus Rigam cum suo littore assurgere feci. Hæc vrbs per hos motus bellicos, viginti & aliquot annos varios casus fortunæ experta est, & miris modis iam à Regibus insularibus, iam à Moschis perita est, tandem liberata gratias agere debet Regi Poloniæ, quod eam respirare fecit, & portum ei à Witepsko vsque per octoginta milliaria patefecit. Situs eius, & restagnationes maris in maiore spacio vt melius cerni queant adiecimus.

Reuel 61. 8. 49. 8. Vrbs amplissima, post Rigam secundo loco habita: à Sueuorum Rege prærepta. Sed Venedicus sinus (vt nomen ipsum indicat) non nisi Venedos, id est, Slavonica linguæ populos pro veris & legitimis habuit hæredibus.

Rum insula 61. 8. 49. 8:

Rodenpas 58. 3. 48. 8.

Rop 58. 11. 48. 10.

Rozemberg 59. 2. 48. 10.

Ringen 59. 7. 48. 4.

Romiten 57. 8. 50. 11. ad lacum Ludan.

Randen 59. 9. 49. 4. ad lacum Wirtsser.

Rexheim 62. 51. id est, domus regis, & Moschi vocant stagnum illud Coralam, quod idem significat.

Rimach 64: 6: 58:

S

Semigallia 56. 6. 49. 6. Regio quæ Lithvvanie à meridie, Curlandiæ verò à septentrione contigua est, non procul à Vilna: sed Duci Curlandiæ attributa est.

Samogitia 55. 45. Terminatur ab ortu linea ducta à Kauno ad Bansko, ab occasu littore maris ad Memel & Libam, à meridie flumine Nemen, & tandem mare versus decurrit cum profluente Tang, à septentrione Curlandiæ. Malui more Strabonis circumscribere fines harum regionum quàm typum ipsum frequentibus lineis deformare.

Sauolocie 58. 8. 54. 12. Munitio in firmissimo loco paludibus & lacubus vndique septa, sed à nostris (duce Magnifico Ioanne Zamoscio) Rodiorum militum artibus oppugnata & defatigata ægrè salutem impetrauit.

Serben 58. 4. 49. 9. Serborum nomen notum est, qui aut hîc in vicinia ad Venedicum sinum olim confederant, aut cum Lubecensib. illi Venedi & Sorabi transierant, qui in Saxonia hætenus habitant, & nomen eorum in eo oppido hæsit.

Sacel

LIVONIA.

| | | | | |
|-------------|-----|-----|-----|--|
| Sacel | 57. | 7. | 49. | 7. |
| Segenuur | 57. | 12. | 48. | 9. |
| Suein | 57. | 12. | 49. | 5. |
| Sedue flu. | 59. | | 48. | |
| Sexuegen | 58. | 1. | 50. | 1. |
| Sangrac | 59. | 5. | 49. | 10. Existimo in fauorem Gra- tiani Pontificis oppido nomen impositum, qui aut fundauit aut au- xit ordinem istum. |
| Siebiez | 55. | 2. | 53. | 4. |
| Salas | 59. | 6. | 47. | 12. |
| Selgar | 61. | 4. | 52. | 12. Insula cum oppido in la- cu Peibas; innatat veluti Rodis. Iam vides totā Liuoniam stagnis & fluminibus mariſque portubus ita refertam esse vt putes Veneci- am riuus distinctam. |
| S. Brigitta | 61. | 6. | 50. | 4. Diuæ Brigittæ nomen ce- lebre est. |
| Srunden | 57. | 1. | 45. | Ad Vinden. |
| Sabel | 57. | | 45. | Ad Vinden. |
| Senemborg | 60. | | 46. | ad Ofsiliam insulam. |
| Sokol | 57. | | 53. | aliquot milliaribus à Polocko Du- ce belli Melerio expugnata. Ibi Seremet Moschorum Dux nomi- natissimus captus, plurimi bellatores eius cæsi & trucidati roburq; Magni Ducis concidit. Missi erant isti ad ferenda subsidia Polo- censibus. |

T

| | | | | |
|---------------|-----|-----|-----|---|
| Treiden | 58. | 11. | 48. | 7. Ciuitas ad flu. Treidera. |
| Tricaten | 58. | 11. | 49. | 10. |
| Treidera flu. | 58. | | 49. | |
| Tyrſen | 58. | 5. | 50. | 3. Oppidum in quo veterum populorum Agatyrſorum, qui hîc habitabant nomen hæsit, non re- motè à Kokienhaus. |
| Taurus | 59. | 10. | 48. | 10. arx firma. |
| Tolzburg | 61. | 8. | 51. | 4. In Chersoneſo quodam Ve- nedici ſinus vrbs inter Reuel & Naruam. |
| Tuccum | 57. | 5. | 46. | 11. |
| Toropce | 58. | | 56. | vbi Signifer regius Marcus Sobie- ski denſa nube ſagittarum petitus, aliquot in lumbis, plura ex pe- nula pendentia tela ad exercitum reportauit. Situs arcis eſt vltra Luki veliki. |

V

I Vitepsko

DESCRIPTIO

Vitepsko 57. 4. 55. 1. Si benè obseruauit D. Guagninus distantiam eius ab Orssa, nempe 18. milliarium, tunc appositè sic collocabitur. Est firmissimum municipium duas habens arces, nec ei par habetur in illa regione. Quondam Ducum Russiæ fuit sedes.

Vik 60. 46. In insula Ofsilia vrbs & territorium Vikenlandia dicebatur. Hæc vna cum Haspalia Episcopi ditionis fuit.

Vendin 58. 11. 49. 2. nostri Kies vocant.

Vanzel 59. 2. 48. 6.

Wolmirz 58. 12. 49. 11.

Walk 59. 6. 49. 3.

Velika flu. 59. 56. Forfan ideo sic vocata, quòd sit flumen magnum. Nam nostra lingua velika significat magnam. Aut quia non procul oritur à Veliki Luki.

Voroniecz 58. 55.

Welin seu Felin 60. 49. 9.

Wirtscher 60. 49. lacus nobilis paulò supra Derbt vicinum arci Taurus.

Wiskiel 60. 9. 49. 3. Sita est inter duo flumina, Amozia & Embde.

Vircenbeg 60. 10. 51. 5.

Weyenstein 60. 9. 49. 9. nostri vocant Bialy kamien.

Veisen 60. 3. 50. 9.

Wranga 61. 50. insula è regione arcis Kolek.

Wibor 62. 50. è regione Koropeiæ.

Velikie luki 58. 5. 55. vide Luki.

Vindovv flu. 57. 45. vide dictionem Vendin.

Venedicus sinus 61. Est mare mediterraneum inter Liouoniam & Finlandiam, sed Geographorum pars magna errat quod eum in septentrionem nimis obliquè dirigunt, cum statim ab Haspalia inflexio ei sit incipienda, & iuxta paralellum sexagesimum secundum orientem versus debeat extendi. Quod nisi faciamus, milliarium veram distantiam amitemus & experientiæ repugnabimus. Ego itinerarium exercitus sequutus sum. Vocabatur autem Ptolomæi temporibus sinus Venedicus totum mare Prussiacum. Totum autem mare inter Prussiam, Liouoniam, & Daniam, Oceanus, Sarmaticus, à Ptolomæo vocatur, vt liquet ex tabula 4 Germaniæ. Nunc tantum Venedici maris in illo sinu paruo nomen hæsit. Probatum autem testimonio linguæ totius Germaniæ Venedos vocari, non modò illos Vinidas qui in Saxonia habitant, sed etiam illos qui in Slauonia, adeoq; omnes qui lingua Slauonica vtuntur.

LIVONIAE.

ca vtuntur. Quod si ita est, constat ergo totum illud Venedicum mare antiquitus possessum fuisse à Venedis, hoc est à Russis qui à Venedis seu Henetis originem suam & appellationem deriuant. Et ideo Moschorum Ducem mortuum eo respectu bellum mouisse puto istis regionibus, quòd plurimum mouebatur veterum Geographorum tam euidenti testimonio. Penes hunc Venedicum sinum Finonicus sinus maris proximè statuitur gradu ferè 70. Ibi est crux còllocata lapidea, vltra quam sub capitali pœna à rege

*Vide Olauum
Gotthum.*

Svvecorum progredi peregrinantibus prohibitum est, nisi prius sumant facultatem ab ipso Rege. Nos quoque hîc ad istam crucem finem huic chorographiæ faciemus.



I 2

DEBNO

DEBIO

Errata sic corrigito.

- B. 1. Et ritè applicato : in margine addes. Siue illi loci non fuerint expresse depicti.
- B. 2. pro Oartorium lege Oratorium.
- B. 4. iuxta verò regios lustratores XXXI. dele tantum.
- C. 2. pro Dzuan ducis Ostrouiensis lege Dubno 50. 5. 48. habitaculum Ducis Ostrouiensis.
- C. 3. pro sicut & situm lege : situm sicut & nominis et ymon.
- C. 4. pro Otthomari lege Otthocari.
- D. 3. pro Martomani Marcomani.
- E. 2. pro vbi id accigit lege vbi id accidit qui Christiani sunt &c.
- E. 2. versa. pag: pro donatiua donatium.
- F. 1. pro Rustauica Rastauica.
- F. 2. pro Sprea volunt & rectius, lege, & non benè.
- G. 4. pro bellis Prutenicis lege, in bellis Prutenicis Moschouiticis & antea Tartaricis.

Errata hic corrigito.

Epitaphium Regis Gustavi Adolphi ad Lipsiam secundum sed minus
Secundi cruentati Victoris.

Martio et Artio erat cultor Gustavus Adolphus
Sed tamen in terris mortis Alumnus erat.
Hinc rami per mortem patet ipsi ranna rati
Per martem atq; artem nullibi mortis erit.

Enac ee to Haretyhie. Sthadnia

D. f. 9. d. Sylva a Regno Polonia

38
Fol. 305.

Anno Chri. 1370. Jus coronae Regis atq. ipsa insignia Regni Gnesna
Sunt translata. Vladislaw Lothario Rex Regnante. cum vide fol. 301.

sed min

ma

Viri docti in Hispania.

Fulgentius, Isidorus Archiepiscopus Hispalensis, Paulus Orosius,
Paulus Burgensis, Alphonse rex Astralogus, qui edidit librum
de hisce historiis mundi, et librum de motibus colorum et stellis
larum: Columella, Eligius, Sedolius poeta, Quintilianus rhetor
ac philosophus, magni principis a Galba Caesare Roma perductus.
Viri scilicet boni clarissimus habitus est Seneca orator stoicus
philosophus Cordubensis. Neroni Imperatoris preceptor,
patruus Lucani poeta Tante fuit memoria, ut duo milia nomina
recitata eo quo fuerant dicta ordine mox recitabat. Biennio
ante martyrium Petri et Pauli a Nerone morte mulcebatur: in
sepenti aqua apertis Venis, spiritum exhalavit. Pomponius
Mela, Iulius historicus, Reimundus Iulius, commentator Plinius,
Anicena medicus et philosophus, et alij multi.

In Regno Media, Syrcana fertilitas.

Vitis vini metectam affert, ficus modios sexaginta
furnitum ex semine cultus. Decidit sine cultu nascitur,
et adhaesit. Maxima mellis copia ex arborum folijs desinit,
in arboribus mellificatur: quoniam folia ante ortu folijs
flumina multo melle madent sed orto sole decidit.

In anno. Saluatoris glo. Constantinus Magnus Imperium a Italico
ad Germanos transiit. Vel eo consilio regere et opportunitate
eo conformatione gentes bellum gereret vel Itali voluit et ipse
imperium Germanis, tam occidentalem quam orientalem obtineret.

Idem annus cum fatis inter se, pugnantibus et inter se digladiantibus
concederet. Hi non sunt antiquis Romanis et qui hunc
apud Romanos: hi et Turcis et Germanis et Gothis et Sarmatis
et alijs. Hi cum quibus bellum gereret gentibus.

Hanc artem salutarem et antiquam (et consuetudinem asper hunc) imitatur
Constantinus Magnus, qui Alaricos et Polonos vincit. Ipse autem
hunc ducem peruenit Turcis et Romanis magna ex parte occu-
perat. Modis omnibus depulsi et reges belli cum Polonis indur-
uit, ac postmodum peruenit, Polonos et Alaricos bello (qui

Orofin,
liber,
et fte.
Amulo
vndu,
i. fcoj
ce ftoz,
nomina
enno
fue, in
omig
thuroes,

ita.
itur,
et fuit
olis

italy
ion h
fpe
h.
ingladi
i. lud
S. ten

unab
se auj
f. i. den
adi
ho fpe

Amo 2000

